




A 1V c 20 G 2a





CLYPEVS
PATIENTIÆ,

In auxilium quorumcunque
afflictorum excusus, ac in
gratiam Concionatorum,
Confessariorum, & om-
nium mortuos consolans
editus

A

R. P. F. IACOBO CORENO,
Ordinis Minorum Regularis
Observantia, Provincia Sti
Ludonici Concionatore.

Editio Secunda;

Ab Autore aucta & recognita.

IOB

TOBIAS

LUGDVNI
Apud Antonium Chard
Sub Signo S. Spiritus

16

27

BIBLIOTECA NAZ.
ROMA
VITTORIO EMANUELE





REVERENDISSIMO

AC AMPLISSIMO DOMINO,

D. BARTH. CAMELINO,

Consiliario Regio, Foroiulij Episcopo,
& eiusdem Ciuitatis in temporalibus
Domino dignissimo,

Frater IACOBVS CORENVS

*salutem, ac perpetuam exoptat &
precatur felicitatem.*

DIVINO numine tandem,
PRÆSVL VIGILANTISSIME,
perfecimus nostrum Pa-
tientiaæ Clypeum. Quæ-
rendus erat alius clypeus ad istum
muniendum, & protegendum. Tu
vnus mihi occurristi: ideo ad te
confugit, tibi se tradit, & dicat. Sub
tua tutela omnia retorquebit tela:
sub tua cura se fore arbitratur se-

curum: sub tuo splendore splendidum: sub tua luce prodit in lucem: sub hoc tecto imbres non formidat: sub tuo iudicio Criticorum non veretur subire iudicia: sub tanti Pontificis benedictione inuidorum non horret maledictionem: sub tanto denique defensore nullum pertimescit censores.

1. Mach. 6.

Olim fulgente Sole *in clypeos aureos, fortitudo gentium dissipata est.* Vbi primùm in hunc nostrum Clypeum oculos conuerteris, dissipabuntur, aufugientque Zoili. Habuit Agamemnon clypeum, in quo depictus erat Leo ad terrorem aliis incutendum, inscriptione hac etiã adiecta;

Alciat.
embl. 57.

Terror hic est hominum, quique hunc gerit, est Agamemnon.

Quamuis noster Clypeus nihil Leoninum, sed Camelinum præ se ferat; non minus tamen terrebit aliorum labori detrectantes. Sit igitur eius
in

inscriptio : *Terror hic est liuidorum;*
namque qui hunc protegit, est Camelinus.

Protege itaque, vt protegat.

Et licet iste Clypeus alicuius esset
oneris, precor feras. Recordare te
esse Camelinum : nam Camelus, vt
est in prouerbio, multa gestat onera.
Vnde antiqui, teste Pierio, per Ca-
melum fortitudinem significabant,
ob mirum dorsi vigorem, & one-
rum gerendorum robur. Hoc dorso
Camelino non tantum indigebat
noster Clypeus : sed & tota Foroiu-
liensis Ecclesia, in qua tu non præs,
vt præs, sed vt pros. Tua enim
prudencia, animique fortitudine
illam subleuasti, auxisti : quæ in ca-
erant labefactata, restaurasti, de-
perdita recuperasti, diuisa coaduna-
sti, disrupta consolidasti. Atque ad
eam, in posterum subleuandam sa-
pienter de alio dorso Camelino à te
prouisum est.

Etas. chil.
1. cent. 9.
lib. 13.

Permitte pergā: non enim inane
præfers cognomen. Est etiam Ca-
melus patientiæ symbolum, tum ob
diuturnam famis & sitis tolerātiā:
solet enim sub onere in duodeci-
mum vsque diem sine potu perdu-
rare, vt notat idem Pierius: tum
etiam, quòd sponte se ad suscipien-
da onera inclinet, eaque patienter
ferat. Quis maiori fuit munitus pa-
tientia, quàm noster Camelinus?
Verè illud dicere potest; *Multa diūq̃*
tuli. Omnia patientia vicit. Illum
patientia cum cæteris virtutibus ad
hanc Episcopalem euexit dignita-
tem: illum patientia protexit & pro-
tegit, eique in obeundo tanto mu-
nere vires, ingeniūque ministrat,
ita vt de illo dici possit;

Ibidem.

Quid.

Idē lib. 5.
Trist. etc.
13.

*Contulit ingenium patientia longa
malorum.*

Nullus igitur miretur, si ad patien-
tissimum Camelinum noster con-
fugiat

fugiat Patientiæ Clypeus, vt patienter ferat, patienter legat, patienter tueatur.

Præterea, Camelus adeò est lenis & mansuetus, vt illum bilis expertem agnoscat Plinius. Anaxagoras quoque felle carere asseuerat: ob eam causam nonnulli longioris esse vitæ tradunt, protendique in centum annos. Quis nostro Camelino lenior? quis ad ignoscendum propensior, & circa sibi infensos beneuolentior? Viuat, viuat igitur centenis annis. lib. I. c. 38.

Scribunt alij, Camelum gaudere societate, libenterque alios cernere secum comedentes. Quis plures habet commensales, quàm noster Camelinus? quis illo munificentior? Ille, vt alter Iob, *buccellam suam solus* Petr. Alphon.
Iob. 31. non comedit, quin ex ea multi, & præcipuè pauperes, & indigenæ comedant. Dicant nostri Ordinis profes-


fores, quantis beneficiis, eleemosynis, quantâq; obseruantia nostram sibi deuinxerit Obseruatiâ. Adeo est liberalis, vt semper sibi parcior fuisse videatur. Ita largitur beneficium, quasi persoluat officium. Ita est omnibus gratus, vt omnes faciat ingratos. Verum; licet maxima sit patientia, lenitate, & humanitate præditus; in iure tamen & æquo conseruando adeo constans est, vt nec spe alliciatur, nec gratia flectatur, nec auctoritate frangatur, nec denique ullius causâ à recto ne transuersum quidem, vt aiunt, vnguem dimoueatur.

Omitto cætera, ANTISTES SAPIENTISSIME, quæ citra fucum in tui laudem effari possem, ne tuæ modestiæ sim molestiæ: nihil enim minus pati soles, quàm laudes etiam modestissimas. Tibi quoque nota est nostra tenuitas, quæ non ab
adu

adulatione tantum, verum & ab
omni blandiloquentiæ specie vehe-
menter abhorret. Accipe igitur sin-
gulari ac solita tua humanitate, &
clementia hunc nostrum clypeo-
lum, quem offero, non ut illo prote-
garis, sed ut cum protegas. Accipe,
inquam, hoc munusculum, quale-
cumque sit, tuæ in me, & in nostram
Seraphicam Religionem beneuo-
lentiæ debitum; ac in perpetuum
grati mei erga te animi monimen-
tum. Nostræ interim partes erunt,
Deum assidue deprecari, ut te nobis,
Foroiulienfi gregi, ac toti Ecclesiæ
incolumem conseruet, & fœlicif-
simè valeas.

Mafilia, Idibus Nouembris 1622.

AD LECTOREM.

LYPEO tectus prodire audeo, quo
protegar, & protegam. De patientia
ago, quæ etiam mihi valde erit ne-
cessaria ad omnia tela canillantium, & detre-
ctantium retundenda. Opus in publicum
emitto, ni fallor, maximè necessarium, atque
omnibus afflictis, & eos consolantibus, imò
quibuscumque personis utilissimum. In duos
distribuitur libros. In primo, quot capita, tot
ferè sunt generales modi consolandi quoscum-
que afflictos. In secundo verò, singularibus
singulares assignantur consolationes, secun-
dum diuersitatem afflictionum, & afflictio-
rum. Ideo ad eos præcipuè dirigitur, quos
magis consolatione indigere iudicavi. Hoc
opus, Lector humanissime, patienter per-
lege, & gratanter accipe, quod maximo cum
labore, diuina opitulante gratia, per tres ferè
annos edidimus. Et cura, ut tempestinè eo
utaris, ne tibi contingat dicere illud;

Ouid. lib.
1. Trist.
eleg. 3.
Iob. 4.

— Clypeum post vulnera fumo.
Verùm tractanti mihi de patientia obicere
potes; Vbi est patientia tua? Patientiam
habe in me, & ego respondebo tibi. Interdum
quis libenter loquitur de his, quibus caret, &
qua

*quæ optaret, veluti agrotus de sanitate recupe-
randa. Idem mihi impatientia laboranti, &
patientiam suspiranti planè contigit: idem &
ipsi Tertulliano, qui ideo sic scribit. Solatium* lib. de pa-
tient. c. 1.
*erit disputare super eo, quod frui non
datur, vice languentium, qui cùm vacent
à sanitate, de bonis eius tacere non no-
runt. Ita miserrimus ego semper æger
caloribus impatientiæ, quam non obti-
neo, patientiæ sanitatem & suspirem, &
inuocem. Hæc ille, hæc & ego, qui non tam
aliis, quàm mihi scribo. Vale.*


SYLLABVS



SYLLABVS

CAPITVM.

Capita libri Primi.

Cap. I.	 <i>E Clypeo.</i>	pag. 1.
II.	<i>Quid sit patientia.</i>	7
III.	<i>Quàm sit necessaria patientia.</i>	16
IV.	<i>Patientia in aduersis probatur.</i>	24
V.	<i>Nemo est immunis ab afflictionibus.</i>	34
VI.	<i>Plurimum nobis profunt aduersa, atque ideo equanimiter ferenda.</i>	45
VII.	<i>Tribulationibus erudimur.</i>	58
VIII.	<i>Afflictiones propriè iustis, & Christianis immittuntur, sùntque signum dilectionis, & electionis diuina.</i>	67
IX.	<i>Nobiscum est Deus, cum afflictemur, ideo libenti animo patiamur.</i>	81
X.	<i>Tribulationes sunt patienter subeunda, quia à Deo immittuntur.</i>	91
XI.	<i>Conformanda est nostra voluntas diuina voluntati, etiam dum nobis immittit aduersa, ut patienter feramus.</i>	105
		In

SYLLABVS CAPITVM.

- XII.** *In omni angustia semper ad Deum per orationem est recurrendum, ut consolatio- nem, & leuamen consequamur.* 117
- XIII.** *In omni tribulatione plurimum inuat inter- cessio Beatissima Virginis Genitricis Dei Maria.* 126
- XIV.** *In omnibus angustis semper est nobis Chri- stus proponendus, pro quo sunt omnia ad- uersa aquo animo ferenda.* 138
- XV.** *Spe beatitudinis aeterna omnia aduersa sunt patienter subeunda.* 151
- XVI.** *Deuotissime prolato, & innocato sacratissimo nomine I E S V, omnis dolor, omniaque aduersa vel mitigantur, vel aquo animo feruntur.* 161
- XVII.** *Multum confert conscientia munda ad omnia aduersa patienter ferenda.* 171
- XVIII.** *Ad omnes afflictiones, & persecutiones for- titer subeundas magnopere prodest san- ctissimum Eucharistia Sacramentum, si dignè sumatur.* 181
- XIX.** *Illi sunt reuocandi in memoriam, qui multa patienter tolerauerunt, ut illorum exem- plo similia aquo animo feramus.* 191
- XX.** *Ad patienter ferenda quaque aduersa plu- rimum prodest pro illis Deo gratias agere.* 205
- XXI.** *Ex his, quæ hic inuiti patimur, haurire et. à utilitatem, imò aeternam salutem possu- mus.* 214
- XXII.** *Metu aeternæ damnationis, vel considerata aeterna damnatorum pœna, omnes huius uita labores equanimiter tolerantur.* 224
- (Conf)

SYLLABVS CAPITVM.

- XXIII. *Considerata huius vite breuitate, omnium-
que temporalium volubilitate, prospera
libenter negliguntur; & aduersa, quae etiã
sunt parua durationis, patienter feruntur.*
232
- XXIV. *Reuocanda sunt aliquando in mentem quae
euenire possunt aduersa, ut cum accide-
rint, equanimiter ferantur.* 241
- XXV. *Ad patienter ferenda quaeque aduersa mul-
tum prodest recordatio nostrorum deli-
ctorum, propter quae saepe Deus nobis im-
mittit tribulationes.* 245
- XXVI. *Suam sortem, suumque statum quisque pa-
tienter ferat.* 258
- XXVII. *Nihil prodest, imò plurimum obest mœrore
confici.* 270
- XXVIII. *Quibusdam respondetur quaestiuinculis, quae
obicere solent, qui nihil aduersi in hoc
mundo tolerare vellent.* 277
-

Capita libri Secundi.

- Cap. I. **P**ersecutiones sunt patienter ferenda.
pag. 291
- II. *De conuiciis, contumeliis, & detractionibus
patienter sustinendis.* 303
- III. *Sunt iniuria condonanda, non vindicanda.*
319
- IV. *Adducuntur nonnullae aliae rationes, quarum
consideratione poterit quis affectum vin-
dictae comprimere.* 336
- V. *Aquo animo ferenda sunt hominum teme-
raria*

SYLLABVS CAPITVM.

varia iudicia.

350

- VI.** *Malorum hominum conuersatio, eorumque grauamina patienter subeunda.* 358
- VII.** *Plus sibi nocent inimici iniurias inferendo, quam nobis, idcirco non dolendum, sed illis est condolendum.* 366
- VIII.** *Providentia Dei ad utilitatem nostram promouet quidquid ab inimicis patimur, ideo aquanimiter tolerandum.* 375
- IX.** *Non debemus malis inuidere, ob illorum huius vite prosperitates.* 384
- X.** *De patientia habenda in iactura, & damno bonorum temporalium.* 396
- XI.** *Ad eos, qui litibus, sine processibus exagitati, causa ceciderunt.* 411
- XII.** *Ad Religiosos.* 417
- XIII.** *Ad Moniales inclusas.* 451
- XIV.** *Ad quoscumque pauperes.* 467
- XV.** *Ad Aulicos, vel potius ad eos, qui ab Aula & Curia sui Principis inuiti recesserunt.* 482
- XVI.** *Ad viduas.* 494
- XVII.** *Ad coniugatos, ut mutuos defectus patienter ferant.* 506
- XVIII.** *Ad pupillos, & orphanos, quibus nulla est à parentibus derelicta hereditas.* 516
- XIX.** *Ad amantes, siue ad eos, qui cupidineo amore ducuntur, & qui dolent, quòd simili amore non redamentur.* 521
- XX.** *Ad senio confectos.* 542
- XXI.** *Ad podagrosos, siue ad eos, qui articlari morbo laborant.* 545
- XXII.** *Ad eos qui calculo, siue lapillis & arenulis* in

SYLLABVS CAPITVM.

	<i>in renibus, aut vesica ingeneratis laborant.</i>	557
XXIII.	<i>Ad leprosos.</i>	565
XXIV.	<i>Ad cecos.</i>	573
XXV.	<i>Ad quoscumque alios infirmos.</i>	585
XXVI.	<i>Ad gementes, & flentes in hac lacrymarum valle.</i>	600
XXVII.	<i>Ad incarceratos, & ad captiuos.</i>	608
XXVIII.	<i>Ad exilio mulctatos.</i>	619
XXIX.	<i>De patientia habenda in morte filiorum, fratrum, parentum, aut amicorum.</i>	630
XXX.	<i>Ad eos, qui Triremibus, aut, ut aiunt, Galera sunt adiudicati.</i>	643
XXXI.	<i>Ad eum, qui est ultimo supplicio afficiendus.</i>	651
XXXII.	<i>Ad desperantes de sua salute.</i>	663



CLYPEVS

PATIENTIÆ.



De Clypeo.

CAPVT PRIMVM.

A



STENDIT cœlestis sponſus,
quænam reperiantur arma in
ſuo fortalitio, ſiue in Eccleſia,
quibus filij huius militantis Ec-
cleſiæ muniantur: ait enim in

Canticis; *Mille clypei pendent ex ea, omnis ar-
matura fortium.* Alludere videtur ſponſus ad
morem quotundam Regum & Principum,
qui, vt refert Rabbi Selemoh, ſolebant olim
ſuſpendere ex aliqua eminenti turri ſcuta,
clypeos, pharetras, iacula, & alia diuerſa bel-
lica instrumenta, vt terrorem inimicis incu-
terent.

Cant. 4.

Rabbi Se-
lemoh in
Cant.

Notandum eſt, quod licet milites diuerſis
armis ſe munire ſoleant, ſagittis quibus tranſ-
figant, lanceis quibus confodiant, malleis
quibus contundant: veruntamen in iſta turri
Eccleſiæ exhibentur tantum clypei, & ij ſunt
omnis armatura fortium, quia fideles qui ſub

A

hoc

2 *Clypeus Patientiæ.*

hoc nomine *fortium* intelliguntur, non debent in hac vita, quam Iob militiam vocat, armari sagittis, gladiis aut lanceis, quibus feriant, lacerent, iugulent, confodiant; sed duntaxat clypeis, quibus se protegant: licet eis habere quo se defendant, non quo offendant.

Ex mille igitur illis clypeis ex turri, & fortalirio Ecclesiæ pendentibus vnum mihi assumendum putavi, clypeum scilicet patientiæ, quem ideo expono, ut opponatur; exhibeo, ut habeatur; erigo, ut videatur; assero, ut feratur. Iussit olim Dominus Iosue, ut leuaret clypeum, quem habebat præ manibus; *Leua*, inquit, *clypeum, qui in manu tua est*: ut nimirum ad eius conspectum confidentius & alacrius totus præliaretur exercitus. Hunc locum Iosue explanans Lyranus, ait iuxta mentem Hebræorum, huiusmodi clypeum fuisse positum in hasta aliqua oblonga, ut ab omnibus cerne-
Iosue 8. retur. Sicut igitur necesse fuit hunc eleuare clypeum, ut illo viso fortiter milites dimicarent: sic ut omnes Christiani milites animarentur ad quascunque perferendas aduersitates, ad omnem tolerandam iniuriam, atque ad quoslibet subeundos labores, erigendus erat iste patientiæ clypeus.

Olim milites illi ignominiose passim notabantur, qui plus salutis & spei in clypeo, quam in gladio posuissent, ut testis est Pierius, qui refert Scipionem cuidam militi qui clypeum elegantius ornauerat, dixisse: Non miror, quod clypeum tanta ornari cura, in quo plus præsidij statuas, quam in gladio.
Lib 43. hierogly. Contra

Contrà vetò nos Christiani maiori laude, ampliorique merito digni erimus, si plus præsidi in hoc patientiæ clypeo, quàm in gladio, hoc est, in vindicta, & in querula murmuratione, statuamus. Magni est igitur faciendus iste clypeus.

C Celebrabatur quondam apud Græcos Myrtili clypeus; ex quo Alciatus suum duxit Emblema, cuius hic est titulus; *Auxilium nunquam deficiens*. Is autem Myrtilus fuit ingentis animi miles clypeo pugnare solitus, qui cum ad maritimam expeditionem nauigasset, submersa naui, suo innixus clypeo in tutum portum delatus est. Vnde apud Poëtam, sic iste Mirtylus:

Effugi geminum clypeo discrimen in uno, Leonides.

Cum premererque solo, cum premererque salo.

Fuit ergo illi suus clypeus auxilium nunquam deficiens. Sed quis magis auxilians clypeus, quàm patientia? Hæc enim tum in mari, tum in terra, in omnibus denique periculis semper nos protegit, estque ad omnem dolorem remedium. Vnde Publius: *Cuius doloris remedium est patientia.* Publ. Min.

Hoc clypeo rectus atque munitus Iob non solum tentamenta quæque facile repulit, sed etiam ad pristinum, imò ad opulentiorum statum peruenit. Vnde de illo Tertullianus: [Ille, inquit, operarius victoriæ Dei reclusis omnibus iaculis tentationum, lorica, clypeoque patientiæ & integritatem innox corporis à

Lib. de patient. c. 14.

D Deo recuperavit, & quæ amiserat reduplicata possedit.]

Clypeum autem plerique volunt, et notat

Hoplōpater, dici à κλέπειν, quod clepat & cē-
 let totum corpus: vel secundum Plinium cly-
 peus quasi γλυπτός dicitur, id est, sculptus, eo
 quod in clypeis sculpebātur imagines. Scutis,
 Lib. 35. c. 3. ait ille, qualibus apud Troiam pugnatum est,
 continebantur imagines, vnde & nomen ha-
 buerunt clypeorum. In hoc patientiæ clypeo
 habes ipsum Christum representatum, habes
 multos sanctos depictos. Illorum igitur exem-
 plo faciliè poteris te omnium tribulationum
 iaculis opponere; ideo sæpe reuocanda sunt
 in memoriam eorum gesta, ac potissimum in-
 credibilis illorum patientia in sustinendis
 quibuscunque calamitatibus; vnde Grego-
 rius: [Facta, inquit, præcedentium patrum
 consideremus, & non erunt grauiora quæ tole-
 ramus.] Teucrum ferunt sub septemplexi fra-
 tris scuto latuisse, & sic multa pericula euasisse:
 at qui sub hoc vno patientiæ clypeo latue-
 rit, maiora euadet.

Gregor. in
 quæst. hom.

Dicunt nonnulli Aprum habere vnum la-
 tus ita fortissimum, vt vix possit quacunque
 hasta, vel gladio perfodi; quod quidem latus
 propter huiusmodi duritiem vocatur clypeus
 Apri. Hoc cum naturali quodam instinctu
 cognoscat Aper, solet hanc corporis partem
 cæteris fortiozem venatorum iaculis obice-
 re. Patientiā cum sit fortissima virtus, debet
 quibuscunque afflictionibus opponi: nam,
 Luc. lib. 9. teste Poëta,

Gaudet patientia duris.

Vnde huiusmodi virtus cuiusdam gemmæ, quæ
 Alectorā dicitur, ab Alberto magno compara-
 tur, quam si quis secum deferat, inuictus effi-
 citur

Liber I. Cap. I.

5

citur in certamine. Ita, si qui clypeo patientiæ sunt muniti, nullo modo vinci poterunt, sed ab omnibus hostium telis inuulnerabiles efficiuntur; ferientur quidem, sed non lædentur; oppugnabuntur, non expugnabuntur; impellentur, sed non labentur.

Idcirco Diuus Chrysostomus vocat patientiam scutum inexpugnabile, ac turrim firmissimam. [Patientia, inquit, scutum est inexpugnabile, & turris firma omnia mala repellens.] Ad hanc turrim se recepit Iob; quamuis in sterquilinio constitueretur, illoque, ut diximus, se munivit scuto: licet enim ibi multæ illum obsiderent calamitates, victor tamen semper euasit, quia prudenter suo proprio ore, veluti bombardæ usus est, aliquas emittente voces tanquam globos existentes, quibus inimici, mundus scilicet, & Satani repulsi aufugerunt. Ecce globi; *Dominus dedit*, Iob. 1.

Dominus abstulit, &c. *sit nomen Domini benedictum*. Ideo non immeritò Diuus Gregorius voces huius sancti viri iacula appellat: [Beatus Iob, inquit, quot voces patientiæ in laudem Dei percussus reddidit; quasi tot in aduersarij pectore iacula intorsit; & actiora multo quam sustinuit, inflixit.]

Similis tibi sese offert turris, simileque scutum siue clypeus, similem habes bombardam, emitte similes globos, similia contorque iacula, & similem reportabis victoriam. Ad hoc nos adhortans idem Gregorius, ait: [Clypeus verò in manu est, & defendit: quia virtus patientiæ, præcedente nos gratia, & in

Hom. 33.
in 2. ad
Cor.

Gregor. in
mor.

6 *Clypeus Patientia.*

potestate est arbitrij , & à periculo protegit aduersitatis.]

Plut. Milites inter Athenienses , vt testis est Plutarchus , diligenter curabant ne clypeum amitterent vel defererent. Itaque illis è prælio reuertentibus, suumque clypeum deferentibus, ense licet amisso , omnes cōgratulabantur, ac statim eodem clypeo tanquam diademate supra caput imposito , maximo cum iubilo coronabantur. Ad quam consuetudinem

Psal. 5. alludere videtur David , dum ait : *Domine ut scuto bonæ voluntatis tuæ coronasti nos.* Haud dubiè coronaberis & tu patientiæ laurea, ac maxima cum iubilatione ab omnibus cælicolis recipieris, si in huiusce vitæ militia hunc patientiæ clypeum non amittas.

Non. Dion. G. 41. Olim in Laconia, teste Nonno, infantes recter nati collocabantur in clypeo vice cunarum. Quin & Hercules apud Theocritum positus est in scuto , itidemque Iphiclus ab Alcmena parente.

Theocrit. Eidyll. 24. *Cum ambos lavisset , & lacte replenisset, posuit super scutum aureum.*

Ea ceremonia præsignabatur hominem ad bellum, ad labores , & ad huius vitæ discrimina , & tela nasci , eumque ad illa propulsanda clypeo indigere patientiæ.

Callima. in Iouis hymno. In ventilabris , vel cribris etiam infantes dormituri apud aliquos deponebantur ; ibique agitabantur, vti de Ioue scribit Callimachus, in auspiciu , vt volunt nonnulli, futuræ opulentæ, vel fortè futuræ purgationis ; debent enim homines etiam de nouo venientes in hanc lucem, & in ea commorantes , atque

que ab recedentes, purgari. Vnde Ioannes Baptista Christum describit habere *ventilabrum in manu*, ad permundandam arcem suam, & ad congregandum triticum suum in horreum. Vel ideo in ventilabris exponantur, ad significandum, hominem ita parum consolationis toto vitæ suæ curriculo exhausturum, sicut aquæ cribro, aut ventilabro; vel ad denotandum, hominem tot esse calamitatum, & miseriarum telis transfigendum, quot sunt in ventilabro & cribro foramina; imò multò pluribus, nisi hoc patientiæ clypeo, & scuto muniatur. Et ne quis hæc parum aliena existimet, recordetur Ciceronem scuta, & cribra aliquando iunxisse, dum sic scribit: Quasi verò quidquam intersit, scuta, an cribra mures corroserint.

Matth. 3.

Cic. de divin.

Quid sit patientia.

CAPVT II.

A **D**ESIDERANTI mihi omnes afflictos clypeo patientiæ muniri, quid in primis sit ista patientia, de qua agere intendimus, quærendum est.

Patientia, secundum Ciceronem, est virtus, contumeliarum & omnis aduersitatis impetus æquaminiter portans: vel secundum eundem; Patientia est utilitatis, siue honestatis causa, rerum arduarum, ac difficilium voluntaria ac diuturna perpassio.

In 1. Rhetor.

2. de inuest.

A 4 Ex

Lib. de pa-
cient. cap. 2.
rom 4. tra-
ctat. de fide.

Ex Diuo Augustino; Patientia est virtus, qua mala æquo animo toleramus.

Secundum D. Hieronymum; Patientia est omnium iniuriarum & passionum tolerantia, quam si quis habuerit, bona omnia in se continet.

2. 2. qu. 136.
art. 1.

Diuus Thomas asserit, patientiam esse virtutem, qua bonum rationis conseruatur contra tristitiam, ne scilicet ratio tristitiæ succumbat.

Li. 1. de pa-
tient. c. 31.]

Iuxta Mantuanum; Patientia est habitus in appetitu irascibili, qui non ad impugnandum ea quæ concupiscibilem offendunt, & sensui nocent, sed æquo animo tolerandum inclinat. Ipsius namque irascibilis flammam extinguit; rabiem sedat, furorem emollit; fiet autem in nobis hic habitus, si aduersa mitissimè & sine resistentia frequenter feramus.

Scotus docet, fortitudinem esse genus, sub quo duæ species collocantur: vna, qua aduersa repellendo certamus, & vocatur bellicositas: altera, qua æquanimiter ferimus, & patientia dicitur.

Serm. de
patient.
1. 1. 1. 1. 1.

Non intendo autem hic loqui de illa patientia, quam antiqui Philosophi pro leui quadam captanda hominum gloria, se sectari profitebantur: quia, vt optimè aduertit Cyprianus, [tam in illis erat falsa patientia, quam & falsa sapientia. Vnde enim vel sapiens esse, vel patiens possit, qui nec sapientiam, nec patientiam Dei nouit?]

2. 2. 2. 2. 2.

Cum igitur non essent veri sapientes, nec ^B erant etiam veri patientes, quia non sapiebant secundum Deum, nec patiebantur secundum Deum,

Deum, vel pro Deo; idcirco à Deo reprobata est illorum sapientia, testante Propheta: *Per-* Isai. 29.
dam sapientiam sapientium, & prudentiam pru-
dentium reprobabo. Ita sanè reprobata est illo-

rum patientia: nam, ait idem Doctor, [si sa- Ibidem.
 pientia illic vera non est, esse non potest nec
 & vera patientia.] Quod probat hoc modo.

[Si patiens, inquit, ille est, qui humilis & mi-
 tis est: Philosophos autem nec humiles vide-
 mus esse, nec mites, sed sibi multum placentes, apparet non esse illic veram patientiam,

ubi sit insolens affectata libertatis audacia, &
 exerti ac seminudi pectoris inuerecunda ia-
 ctantia.] Hac de causa falsam ac probrosam Lib. de pa-
tient c. 16.
 vocat Tertullianus illorum & sibi similium
 patientiam.

Interdum tamen aliqua illorum infidelium
 patientiæ exempla passim afferemus, vt inde
 discamus, quid nobis pro Deo immortalis, ac
 gloria æterna æquanimiter ferendum sit, cum
 tanta, tamque ardua ipsi pro inani gloria, &
 vt aliquandiu in ore hominum versarentur,
 patienter perpassi sint.

Nec de illa patientia, quæ etiam in impiis
 ad aliqua patranda facinora reperitur, tra-
 ctare cupio; de quibus impiis sic idem Ter-
 tullianus: [Tanti boni nomen fœdis opera- Ibidem.
 tionibus occupant: patientes rivalium, diu-
 tum & inuitatorum, impatientes solius Dei
 viuunt.] Hoc est, in his quæ Dei sunt, impa-
 tientes sunt, libenter ea ferendo quæ contra
 Deum sunt.

Ideo mala vocatur illa patientia, ob quam
 Apostolus ironica quadam locutione ac su-

2. Cor. iv.

gillatione increpabat Corinthios, dicens: *libenter suffertis insipientes*, &c. ac si diceret. Sunt quidam Pseudo Apostoli, vos ad falsa dogmata trahentes, quos omnino explodere satius esset, quàm illos, & ea quibus vos afficiunt incommoda patienter ferre. Non est igitur bona, sed mala illa patientia, qua illos sustineris, & de qua, hæc verba Pauli explanans Bernardus, ait: [Magna est virtus patientiæ, sed interdum impatientem esse probius est.] Et enim laudabile quidem est in iniuriis propriis patientem esse; at verò iniurias Dei sustinere nimis impium est.

Bernard.

ibidem.

Talem autem patientiam suos docet diabolus, ut notat Tertullianus. [In hoc, inquit, Domino æmulatur diabolus, docuit & suos patientiam propriam.] Quæ quidem nullam aliam præter æternam damnationem habebit mercedem; ideo subiungit idem Doctor: [quam patientia subter ignis expectat.] Id est, manet ignis inferni eos omnes qui non pro Christo, sed potius pro diabolo aliqua patiuntur incommoda; qui ideo à Diuo Augustino martyres diaboli vocitantur.

Lib. de patient. c. 5.

Non vult etiam idem Augustinus tolerantiam impiorum in malis patrandis, vel in acquirenda humana gloria, vocari patientiam, sed potius duritiam; sic enim loquitur: [In illis autem, qui mala sustinent, ut mala faciant, nec miranda, nec laudanda patientia, quæ nulla est; sed miranda duritia.] Vnde talem patientiam Gerson meritò vocat asiniam patientiam. [Cum ergo, inquit idem Aug. videris quæquam patienter aliquid pati, noli

Super. Eât.
Mariæ.
tract. 8.
Aug. lib. de
paucis. c. 6.

noli continuò laudare patientiam, quam non ostendit, nisi causa patiendi. Quando illa bona est; tunc ista vera est.]

Nostra igitur mens est de vera, ac propria loqui patientia. Illa autem est vera patientia, qua propter Deum omnia toleramus aduersa, quæ nobis accidunt, vel pro diuinorum mandatorum obseruatione, vel propter eorundem transgressionem, aut propter aliquam causam Deo notam: id est, ille habet veram patientiam; qui aliquid aduersi patitur, ne aliquod mandatum, ad quod tenetur, transgrediatur; vel si transgressus fuerit, patienter tolerat illam, quæ sibi iniungitur, vel immititur, poenam: aut si nullum commisit peccatum, patienter fert aduersa, quæ permittente Deo, illi accidunt: vel qui suum corpus propter Deum ieiuniis, & aliis macerationibus afflictar. Vnde Diuus Augustinus: [Patientes, inquit, propriè dicuntur; qui malunt mala non committendo ferre, quam non ferendo committere.] Et secundum Gregorium: [Ille verè patiens est, qui aduersitatibus atteritur, & tamen à rectitudine non curuatur.]

Qua est vera patientia.

Lib. de patient. c. 5.

Gregor. in moral.

D Martyres, verbi gratia, veram habuerunt patientiam, verèque patientes exitere, dum pro fide Christi, quam confiteri tenebantur, multa sustinuerunt tormenta. Bonus latro, quamuis in cruce debitam pro peccatis suis exolueret poenam, verè fuit patiens, quia & Christum inuocauit, illumque confessus est, suam semper agnoscens culpam, ob quam meritò se pati fatebatur, vt alibi dicemus. Iohi nullum patrauerat peccatum, propter quod

Quinam verè sunt patientes.

mere

mereretur tantas perferre ærumnas; nouerat Deus, cur hæc omnia ei euenirent: sciens igitur iste sanctus illa omnia sibi accidere Deo nihil iniuste permittente, libenter, & æquo animo illa voluit tolerare, atque ita veram habuit patientiam, verèque exitit patiens. Denique sancti Dei Confessores similiter veram obtinuerunt patientiam, quod suam carnem propter Deum abstinentia, aut aliis afflictationibus macerarunt.

Lib. de patient. c. 15.

Qualis sit autem patientia, aut qualis debeat esse qui ea munitus est, & quo habitu dignoscatur, discertè adnotat Tertullianus, sic illius describens effigiem: [Iam, inquit, effigiem, habitumque patientiæ comprehendamus. Vultus illi tranquillus & placidus, frons pura, nullæ mœroris, aut iræ rugositate contracta: remissa æquè in lætum modum supercilia, oculis humilitate, non infelicitate deiectis, os taciturnitatis honore signatum, color qualis securis & innoxiiis, motus frequens capitis in diabolum, & minax risus.] Sic se habet, & ita se gerit, qui hac virtute est præmunitus.

Ibidem.

Vis adhuc scire, quid sit patientia? Est Dei **E** alumna, ac comes indiuidua Spiritus sancti, quia illum vbique comitatur. Hoc non à me ipso dico, sed ab eodem Tertulliano disco: [Vbi Deus, ait, ibidem & alumna eius, patientia scilicet. Cum ergo Spiritus Dei descendit, indiuidua patientia comitatur eum.] Inge te comitanti, ut ei quem comitatur inngaris. Si vis Dei gaudere præsentia, noli carere eius alumna patientia, quæ ita eum
comi

somitatur, vt idem Doctor audeat hunc locum Deuteronomij sic explicare; *Vindictam* Deut. 32. *mihi, & ego vindicabo.* Id est, inquit ille, Patientiam mihi, & ego patientiam remunerabo. Hæc ita intelligenda censeo, vt scilicet in omnibus aduersis patientiam propter Deum habeamus, omnia pro ipso libenter sustinendo, & ipse hanc nostram remunerabit patientiam. Ideo regius Propheta sic suam hortabatur animam; *Veruntamen Deo subiecta esto anima* Psalm. 61. *mea: quoniam ab ipso patientia mea:* quasi dicat. Ita volo Deo meo subiici, vt quidquid mihi aduersi acciderit, illud libenter pro ipso patiar, sperans, quod non solum *ab ipso patientia mea*, sup. proueniet: sed etiam quod *ab ipso patientia mea*, sup. remunerabitur. Propterea alio in loco vocat Deum patientiam suam: *Tu es, inquit, patientia mea Domine.* Id est, tu es causa patientiæ meæ. Item tu es causa remunerationis quam acquirō propter patientiam meam, vel tu es remuneratio patientiæ meæ. Vnde Diuus Augustinus: [Virtus animi, quæ patientia dicitur, tam magnum donum Dei est, vt & ipsius qui eam nobis largitur patientia prædicetur.] Lib. de patient.

- F Vitium autem oppositum patientiæ, est impatientia, quæ est defectus debitæ tolerantiae, propter quam aliquis desistit à meliori bono; & tunc est peccatum mortale, quando propter dolores seu labores, afflictiones & tristitias prorumpit in murmurationes, aut blasphemias, vel in alia vitia contra charitatem, siue dilectionem Dei, aut proximi, iniuriando, conuiciando, detrahendo, aut aliquid simile

Tract. 1.
contra De-
met.

simile faciendo, vel omittendo, quod ad necessitatem salutis pertinet. Audi quomodo quibusdam loquebatur D. Cyprianus: [Apud vos, inquit, impatientia clamorosa semper & querula est: apud nos fortis & religiosa patientia, quieta semper, & semper in Deum grata est, nec quicquam istinc latum, aut prosperum sibi vendicat, sed mitis & lenis, & contra omnes fluctuantis mundi turbines stabilis diuinæ pollicitationis tempus expectat.] Non est autem contra rationem patientiæ, cum tormenta inferuntur, voces emitte-
re, plangere & clamare: hæc enim naturalia sunt, sicut lacrymas emittere, dummodo illa immoderatè non fiant. Porro, sicut Deus est author patientiæ, ita diabolus author impatientiæ. Deum autem esse authorem patientiæ affirmat idem Cyprianus. [Origo, ait, & magnitudo patientiæ Deo authore procedit.] Impatientiam verò à Dæmone inchoasse asserit Tertullianus: [Sicut, inquit, patientia in Deo, ita aduersaria eius in aduersario nostro nata atque comperta est. Igitur natales impatientiæ in ipso diabolo deprehendo.]

Sermo de
patientia.

Lib. de pa-
tientia. c. 5.

Ibidem.

Ostendit idem Dôctor Dæmonem per impatientiam, simul & per malitiam proto-
parentes tentasse, illòsque pariter non tan-
tùm per impatientiam peccasse, sed etiam
primum illorum peccatum impatientiam ex-
titisse affirmat, ait enim. [Quod crimen ante
istud impatientiæ admissum homini imputa-
tur: innocens erat, & Deo amicus, & paradisi
colonus. At ubi semel succidit impatientiæ,
desiuit Deo sapere, desiuit cælestia sustinere
posse,

posse. Exinde homo terræ datus, & ab oculis Dei eiectus facile usurpari ab impatientia cœpit in omne quod Deum offenderet.] Recessit igitur homo à Deo suo per impatientiam, accedat ad eum per patientiam.

Vnde meritò Diuus Ambrosius patientiam Lib. 1. Epist.
matrem fidelium appellat. Nam, si fameſcat 4.
puer, recurrit ad suam matrem: si ab aliquo percutiatur, si lædatur, si doleat, statim ad matrem se recipit: in tuto se putat si in gremio matris existat, à qua defenditur, & fouetur. Ita, si aliqua quis tristitia teneatur, aut iniuria afficiatur, vel aliquo morbo laboret, aut famè & paupertate prematur, ad patientiam, tanquam ad communem matrem recurrat, quæ illum consolabitur, fouebitque.

G Ad illam Iob toto prorsus corpore tabidus & putridus, & à planta pedis, vsque ad verticem capitis fœdo vlcere confectus se recepit: & quamuis saniem testa radere cogeretur, sederetque in sterquilinio, ac amicorum, propriæque vxoris conuiciis valde exasperatus esset, nullum tamen impatientiæ signum dedit, quia in sinu matris patientiæ fouebatur, & ab ea protegebatur. Similiter fecerunt Moyses, Tobias, Dauid, aliique quàm plurimi, vel dum aliquo affligerentur morbo, vel iniuriis & persecutione afficerentur, aut alia calamitate premerentur. Hæc enim mater est, quæ nos ad ipsam recurrentes, patri nostro Deo reddet, Diuo testante Cypriano. Lib. de patient.
[Patientia est, inquit, quæ nos Deo & commendat & seruat.]

Vocatur etiam patientia à Tertulliano instrumentum Lib. de patient. cap. 5.

strumentum sustinendi. [Solus , inquit, sustinere non poterit carens instrumento sustinendi.] Sicut enim corpus humanum iam grauescente ætate, atque ad senium omnino perductum sustentari ac baculo fulciri necesse est : ita anima humana , ærumnis & calamitatibus pressa, in desperationem , ac ruinam laboraretur , nisi instrumento isto patientiæ sustineretur.

In Psal. 33.

Hac de causa etiam Diuus Augustinus vocat patientiam, ossa. [Patientia, inquit, quæ est in fide, ossa sunt interiùs.] Nam sicut non potest sine ossibus corpus sustentari, ita nec homo sine patientia : imò verò charitas ipsa, quæ , vt Apostolus ait, *omnia suffert, omnia sustinet*, nihil penitus sufferre ac sustinere posset sine patientia, quam idcirco aliqui vocant charitatis dorsum, cui charitas innixa, omnia libenter suffert. Vnde Cassiodorus : [Patientia , inquit, omnia vincit aduersa, non colluctando, sed superferendo.] cui competit illud Virgilianum:

Cassiod.

Superanda omnis fortuna ferendo est.

Quàm igitur sit ista patientia necessaria, capitulo sequenti demonstrabitur.

Quàm sit necessaria patientia.

C A P V T III.



Quamvis omnibus omnes sint virtutes necessariae, specialiter tamen & præcipue de patientia ab Apostolo dictum est : *Patientia vobis necessaria est, vt voluntatem*

Hebr. 10.

luntatem Dei facientes reporteris promissionem.
 Hoc est, vt finem ad quem conditi estis, re-
 portetis, & ad vitam perueniatis æternam,
 maximè vobis est patientia necessaria. Tot
 enim difficultatibus, & tentationibus vita
 Christiana referta est, vt nisi clypeo patien-
 tiæ homo se muniat, nullo modo possit sibi
 coronam gloriæ comparare. Ideo optimè
 Cyprianus: *Neque accipi potest, ait, dolorum & Lib. I. de*
passionum corona, nisi precedat in dolore & passio- bon. pat.
ne patientia.

Antisthenes dicere solebat, nulla alia re
 opus habere, nisi robore Socratico. Socrates
 autem ad omnium rerum patientiam obdu-
 ruerat, vt testis est Laërtius. Ego autem dico, Lib. 6. c. 1.
 nos opus habere nō Socratica, sed Christiana
 patientia, quia per illam fit homo perfectus.
Patientia opus perfectum habet, ait Apostolus, Iacob. 1.
 id est, patientia hominem perfectum osten-
 dit: vel, patientia alia bona opera & virtutes
 perficit. Vnde Tertullianus asserit patientiam
 omnibus hominis actibus & Dei mandatis
 interuenire & intermisceri: *Patientia*, in- Lib. de pa-
 quit, *fidem munit, pacem gubernat, dilectionem tient. c. 15.*
adiuuat, humilitatem instruit, poenitentiam ex-
pectat, exomologesim adsignat, carnem regit, spi-
ritum seruat, linguam frenat, manum continet,
tentationes inculcat, scandala pellit, martyria con-
summat, pauperem consolatur, diuitem temperat,
infirmum non extendit, valentem non consumit,
fidelem delectat, Gentilem inuitat, seruum Domi-
no, Dominum Deo commendat, sceminam exornat,
virum approbat; amatur in puero, laudatur in
iuvene, suspicitur in sene; in omni sexu, in omni

atate formosa est. Videas quæso ; quàm sit necessaria illa virtus, quæ tanta producit bona.

In lib. de
patiēt... 11.

Idem Doctor etiam docet, nullam esse per- B

Matth. 5.

fectam virtutem quæ non habeat comitem patientiam, probatque in omnibus beatitudinibus, quas Christus apud Matthæum enumerat, patientiam quoque intelligendam esse.

1. Cor. 13.

Quos, inquit, felices Dominus, nisi patientes nuncupavit? & explanans illa verba Pauli, Charitas patientest; ostendit thesaurum charitatis disciplina patientiæ contineri. Cuius, ait, nisi patientiæ disciplinis charitas eruditur? Charitas omnia suffert, omnia sustinet, utique, quia patiens est. Hinc Prudentius:

Prudent. in
psychomachia.

Omnibus una comes virtutibus associatur,

Auxiliūque suum fortis patientia miscet:

Virtus nā vidua est quam non patientia format.

Sicut ad humanam vitam sustentandam panis est necessarius, ut vnà cum cæteris cibis comedatur, qui quidem cibi sunt ut plurimum absque pane insipidi: ita ad spiritualem vitam conseruandam necessaria est patientia, quæ cæterarum virtutum socia sit & comes. Sicut enim si comeditis carnes, pisces, fructus, aut similia huiusmodi, adiungitur panis: sic si ieiunatis, si eleemosynam largimini, aut bonum aliquod præstatis, semper adhibenda est patientia, ut omnia rectè & completè fiant.

Sicut autem patientia omnibus ferè miscetur virtutibus, nec vix aliqua sine ipsa reperiri potest; ita nullū est vitium cui non miscetur impatientia. Quare quis in superbiam erigitur? quia non vult pati humiliationem. Quare irascitur? quia non vult sustinere iniurias.

rias. Cur furatur, aut avaritia incumbit? quia non vult tolerare pauperiem & inopiam. Cur fit luxuriosus? quia non sustinet tentamenta carnis, ideo sinit se citò vinci titillationibus carnalibus. Quare invidet bonis alterius? quia impatienter fert eius prosperitatem. Quare gulosus? quia nō vult pati famem. Quare denique fit quis desidiosus? quia nullum vult ferre laborem. Tolle ergo impatientiam, tolletur & omne vitium: adsit patientia, aderit omnis virtus. Audi Tertullianum:

Marix, inquit, *impatientia in omne delictum diffundens de suo fonte varias criminum venas. Omne peccatum impatientie adscribendum, malum est impatientia boni: nemo impudicus, non impatiens pudicitie, & improbus probitatis: & impius pietatis: & inquietus quietis, &c.* Lib. de patient. c. 6.

- C Item, da patientem, & erit homo: da impatientem, & non erit homo, quod ex illis verbis Christi colligitur: *In patientia vestra possidebitis animas vestras.* Luc 21. Vnde sic argumentari licebit: Qui non possidet animam, non est homo: Sed qui non habet patientiam non possidet animam; Ergo qui non habet patientiam non est homo: id est, non vivit ut homo, quia irrationabiliter vivit, multa quæ non sunt rationi consentanea, operando. Ideo, ait Diuus Gregorius, *per patientiam possidemus animas nostras, quia dum nobis ipsis dominari discimus, hoc ipsum incipimus possidere quod sumus, &c.* Hom. xxviii. Evang. Sumus autem rationales: in hoc igitur possidemus nos ipsos, quod secundum rationem gubernamur, gubernaculo scilicet patientiæ.

Iob. 18.

Itaque, patiens possidet animam, quia secundum rationem mediante patientia degit, & agit. Impatiens vero animam amittit, quia rationem amittit, dum furore ductus, abique ratione esse videtur, iuxta illud; *Quid perdis animam tuam in furore tuo?* &c. Ad hoc necessaria est hominibus patientia, ut verè & propriè homines sint, & possideant, quod sunt. Dico vno verbo, quod sine virtute patientiæ tu non es tui.

Hom. 33. in
1. ad Cor.

Diuus Chrysostomus vocat patientiam, causam omnium bonorum. *Patientia*, inquit, *est omnium bonorum causa, & vniuersa philosophiæ radix.* Quod quidem verum esse ipsa experientia docet. Certum est quod sine patientia, bona ipsa temporalia consequi non possumus. Quanti subeundi sunt labores

Iac. 5.

mercatori, ut ex sua mercatura aliquid lucretur? quanti militibus? quantique agricolis, ut ditescant? *Ecce*, inquit Apostolus, *agricola expectat pretiosum fructum terra, patienter ferens, donec accipiat temporaneum & serotinum.* Tolle ab eis tolerantiam, tolle patientiam, nunquam diuitias acquirant. Similiter qui literatus euadere cupit, necesse est legat, vigilet, studeat. Qui bona etiam spiritualia obtinere contendit, oportet ut laboret, oret, meditetur, & alia maximi laboris opera exerceat cum spe futuri præmij suæ patientiæ: quia, inquit Sapiens, *Vsq; ad tempus sustinebit patienti, & postea erit redditiō incunditatis illius.*

Eccl. 1.

Lib. 2. Sol.
cap. 4.

Requiritur etiam patientia, quia per eam citò Deus placatur; nostrasque citò exaudit orationes. Vnde Isidorus: *Qui aduersa patienter*

*patienter tolerat Deum sibi cuius placat. Citò exaudita est deprecatio pij latronis in cruce pendentis, eo quod patienter illa tormenta perferebat, vt alibi dicemus: & sicut Christus exauditus est pro sua reuerentia: ita latro ille exauditus est pro sua patientia. Tertullianus, qui sigillatim bona patientiæ enarrare sum-
pserat, istud omittere noluit: Patientia, in-
quit, preces commendat; hac aures Christi
Dei aperit, seueritatem dissipat, clementiam eli-
cit, &c. De hac virtute sic Sapiens: Patientia, inquit, lenietur princeps.*

Lib. de pa-
tient. c. 13.

Prou. 25.

Vide igitur quo valeas Deum in te iratum placare, quod cum sit patientia, hanc compa-
ra, conserua, hac vttere: patere tu, vt tibi com-
patiatur Deus. Æquum est etiam, vt ille pa-
tienter ferat aliorum in se peccamina, qui
sua cupit à Deo exaudiri precamina. Patien-
ter Deus tuas audiet orationes, si tu patienter
feras tribulationes.

Valeat etiam plurimum patientia ad regna
ipsa conseruanda; ideo Cœlius vocat illam
praclarum instrumentum ad tutelam regni. Pro-
pterea multos Reges, etiam inter infideles,
hac fuisse præmunitos legimus. Ex illis mul-
tis vnum referam Antigonum, qui aliquibus
cum non videntibus, & tamen de illo omnia
excipiente malè loquentibus comiter & se-
datè: Abite, inquit, longius ne obloquentes
fortè obaudiat Rex.

Lib. 21.
lect. ant.
c. 28.

E Adeo est ista virtus necessaria, vt sine ipsa
nec vnā diem nobis transigere liceat. Non
licet nobis, inquit Tertullianus, vna die sine pa-
tientia manere. Ratio est, quia vix præterit vna

Lib. de pa-
tient. c. 13.

B

3

dies



Matth. 6.

dies sine aliqua animi, aut corporis molestia & anxietate. Hoc autem sic se habere, ostendit Christus his verbis; *Sufficit diei malitia sua.* Per malitiam intelligit tristitiam, aut vexationem, ut exponit Diuus Hieronymus. Cum igitur vnaquæque dies nobis afferat aliquam mœstitiam, ad illam perferendam nobis opus est patientia: & sic, cum singulis diebus nobis aliquid triste accadat, singulis quoque diebus indigemus patientia. Vnde Cyprianus; *Ad varia carnis incommoda, & crebros corporis durôsque cruciatus, quibus humanum genus quotidie fatigatur, patientia necessaria est, &c.*

Lib. de bono patient.

Lib. de patientiæ, c. 5.

Quando autem inceperunt isti cruciatus & afflictiones in homine? dum incepit ira Dei in hominem. Quando incepit ira Dei in hominem? dum cœpit homo peccare in Deum. Quando cœpit homo peccare in Deum? dum, ut suprâ diximus, desiuit esse patiens. Audi Tertullianum. *Hinc prima iudicii, unde delicti origo: hinc Deus irasci exorsus, unde offendere homo inductus: inde in Deo prima patientia, unde indignatio prima, &c.*

Serm. de bono patientiæ.

Itaque, si nulla in homine fuisset iniquitas, nulla ei nocuisset aduersitas: sed quia propter peccata ei eueniunt aduersa, ideo ut ea tolerare valeat, indiget patientia. Hoc optimè obseruauit Diuus Cyprianus: *Ut manifestius, inquit, & plenius possit nosci, quam sit utilis & necessaria patientia, Dei cogitetur sententia, quam Adam præcepti immemor, & data legis transgressor accepit. Tunc sciemus, quam patientes in isto saculo esse debemus, qui sic nascimur, ut pressuris istis & consuetationibus laboremus, &c.*

Post

Post peccatum sunt nostræ ærumnæ multiplicandæ : quod enim vni, omnibus quoque à Deo dictum est; *Multiplicabo ærumnas tuas.* Gen 3.
 Ad quid igitur recurrendum est in tanta ærumnarum multiplicatione? ad patientiam, ut aliquam suauitatem habeat vita nostra tot calamitatibus plena. Grande enim malum esset si hæc ferre non possemus. Hoc animaduertit vnus ex septem Sapientibus, nimirum Bion, qui referente Laërtio dicere solebat: Bion.
 Magnum malum est non posse ferre malum; absque hoc enim nulli potest esse vita suauis. At per patientiam omnia sunt nobis leuia, quæ graui videbantur, nullumque est malum, quod patiendo non feramus. Vnde Euripides apud Ciceronem sic affatur: *Nec fors,* Euripides.
nec ira, nec tam iniunctum malum, quod non natura hominis patiendo ferat. Cui congruit quod ab alio Poëta dicitur:

Posse pati facile est, tibi ni patientia desit.

Quid. lib. 1.
de remediis
amor.

Vide quàm sit necessaria patientia, cum sine ipsa nullus sanctorum coronatus fuerit. Fuit semper in Ecclesia pressura, ob quam tolerandam requirebatur patientia; vnde Hieronymus: *Quis, inquit, sanctorum sine patientia coronatus? à cunabulis enim Ecclesia non defuit,* Hieron. in
iniquitas premens & insistit patienti. Et magnus Epist.
 ille Gregorius: *Nemo sanctorum, ait, ad celestem gloriam, nisi patientiam seruando peruenit.* Sicut autem requiritur patientia, ut toleretur aduersitas: ita requiritur aduersitas, ut probetur patientia, ut sequenti capitulo dicetur. 1. in Ezechiel.

Patientia in aduersis probatur & manifestatur.

C A P V T I V.

In Psal. 93.



Sicut stellæ non lucent in die, A
sed in nocte; & sicut *stellas*, ait
Augustinus, *non extinguit nox:*
ita vera patientia non in pro-
speris, sed apparet in aduersis, à
quibus non debet extingui; vt quod de lucer-
na dicitur, de tua patientia enuncietur, non
extinguetur in nocte aduersitatis patientia:
indecorum enim esset illam aduersis obtene-
brescere quibus deberet clarescere.

Simile.

Greg.

Est patientia veluti lapis Chrysoprasus,
quem secundum Isidorum lux celat, & prodir
obscuritas, lucet enim & splendet nocte, in
medio tenebrarum; diurno verò tempore ex-
palescit & micare cessat. Sic non lucet, nec
apparet patientia durante die, vel tempore
prosperitatis: in tenebris autem aduersitatis
splendescit, ac dignoscitur. Vnde Gregorius:
*Vera fortitudo non ostenditur tempore pacis, neque
etiam tempore prosperitatis patientia.* Prosperi-
tatem autem similem esse luci, & aduersita-
tem tenebris indicat Diuus Augustinus his

In Ps. 138.

*In hac mortalitate vita humana habent
homines lucem, habent tenebras: lucem prosperita-
tem, tenebras aduersitatē; sed ubi venerit Christus,*

& dona

Et donauerit patientiam, incipit homo fidelis indifferenter in mundo isto nec extolli, quando res prosperè accidunt, nec frangi, quando aduersa sunt, &c.

Tantò plus apparet patientia, quantò maior insurgit aduersitas, ac tantò plus occultatur prosperis, quantò minùs homo agitur aduersis. Vis itaque videri? opta vexari. Vis approbari? quare probari. Desideras victoriam? sustine pugnam. Nam teste Chrysostomo, nisi tentatio, nec corona: nisi certamina, nec premia: nisi studia, nec honores: nisi tribulatio, nec remissio. nisi hyems, nec æstas, &c.

Hom. 3. ad pop.

B Non possunt aromata suam expandere fragrantiam; nisi conterantur, vel in ignem coniiciantur; ita non potest quis dare odorem patientiæ, nisi angustietur, incommodisque afficiatur. Hæc similitudo est Sancti Gregorij. Sicut, inquit, aromata non nisi cum incenduntur fragrantiam expandunt: ita sancti viri omne quod virtutibus redolet in tribulationibus innotescunt, &c. Idem Doctor asserit electos aduersitate proficere, pressurisque crescere, ac flatu persecutionum roborari; ait enim: Electorum desideria, dum premuntur aduersitate, proficiunt. Sicut ignis flatu premitur, et crescat, & unde quasi extingui cernitur, inde roboratur, &c.

Simile.

Lib. 1. mor.

Demetrius apud Senecam, vitam securam sine ullis fortunæ incurSIONIBUS mare mortuum vocabat. Non potest nautarum solertia apparere; nisi aduersis flantibus ventis, intumescente mari, ac periclitante naui. Et nisi præcedat pugna, non potest esse victoria: ita, non potest quis suæ patientiæ periculum fa-

Epist. 86.

Similia.

Lib. de mor-
talitate.

cere, nisi accedant aduersa. Audi Cyprianum; Gubernator, inquit, in tempestate dignoscitur: in acie miles probatur; delicata iactatio est, cum periculum non est, conflictatio in aduersis probatio est virtutis: arbor qua alta radice fundata est, ventis incumben- tibus non mouetur, & nauis qua forti compage solida est, pulsatur fluctibus, sed non foratur, & quando area fruges terit, ventos grana fortia contemnunt & manent: palea autem flatu portante rapiuntur, &c.

Noli tu impatientia tua fieri arundo, ant palea omni vento afflictionis agitata; nam arundo parue & brevis est durationis: & ex palea aut fimus, aut fumus, quia vel purre- dine, vel combustione consumitur: sed esto veluti arbor firmissimè radicata, nullis cedens tempestatibus: non tua aduersitatibus debilitetur patientia, sed manifestetur. Est item veluti granum purum excussa palea in horreum Christi congregandum. Dictum est enim: Matth. 13. *Triticum autem congregate in horreum meum.* Vis ergo fieri vnus ex electis? esto vnum ex isto In Psal. 47. *tritico granum: nam, inquit Augustinus, Non cadet vnum granum tritici in acerum palea comburendum, nec vna arista palea transiet ad messem in horreo recondendam, &c.*

Recordare quanta opus est, vt granum fru- C
menti patriatur, priusquam panis efficiatur. Audi vnum ex istis granis, Beatorum scilicet Ignatium: *Frumentum Christi sum, dentibus be- stiarum molar, vt panis mundus inueniar.* Vt igitur frumentum illud Christi probaretur, necesse fuit, vt bestiarum dentibus contereretur. Non poteris tu similiter probari, nisi tribu-
lationibus

lationibus conteraris. Vnde Cyprianus: *Per ipsa, inquit, quæ nos cruciant, & fatigant, probari & corroborari nos scimus, & confidimus, &c.*

*Tract. i. contra Deme-
trianum.*

Refert Gregorius Nazianzenus finxisse antiquos aliquam arborem, quæ excisa magis germinabat, & contra ferrum decertabat.

Arbor quedam, inquit, est fabulosa, quæ excisa magis germinat, & contra ferrum decertat, & si

*Orat. cum
reuertere
tur ex agro.*

quid mirabilius in re mirabiliori dicere oportet, morte vivit, & abscissa pullulat, nec non consumpta augetur. Quis nisi patientia munitus huic arbori meritò comparatur? Afflicatur morbo, expoliatur bonis, iniuriis afficitur, persecutionibus agitur, videtur mortuus propter quotidiana flagella & æumnas; veruntamen, quia fortiter hæc omnia tolerat, Deus illum conseruat illæsum ac vegetum; talis erat, qui clamabat: Quasi morientes, & ecce viuimus.

i. Cor. 6.

Turpe existimat Seneca, si gubernator nauis cedat fluctibus maris, aut yela propter ventorum impetum dimittat, vel clauum ingruente tempestate deserat. *Turpis est, inquit, nauis rector, cui gubernacula fluctus eripuit; qui fluctuantia vela deseruit, permisit tempestati nauem: at ille vel in naufragio laudandus, quem obruit mare clauum tenentem & obnixum, &c.* Potest tamen aliquando contingere, vt tanta insurgat tempestas, vt cogat etiam peritissimum nauclerum omnia illa deferere: verum nulla vnquam nobis eueniunt aduersa quæ Dei gratia tolerare non possimus, cum, teste Apostolo, *Fidelis sit Deus, qui non patietur nos tentari supra id quod possumus, sed faciet etiam cum tentatione prouentum, vt possumus sustinere.*

*Lib. de consolatione
cap. 6.*

i. Cor. 10.

Pulchra

Simile.

Tra& de
patientia.

Pulchra similitudine iumentorum & va- D
forum figuli hanc Apostoli sententiam de-
clarat Sanctus Ephrem. *Si enim*, inquit, *ho-*
mines suis iumentis non plus oneris imponunt,
quàm ferre queant, multò minùs hominibus plus
tentationum aut afflictionum imponet Deus, quàm
ferre possint. Rursum; Si figulus vasa sua igne
excoquit eousque, dum ritè coquantur, nec
antè ea eximit, ne minùs cocta & solida sint,
nec rursum vltèriùs ea finit in igne, ne adu-
rantur, fiántque inutilia. Multò magis idem
faciet Deus, vt igne tentationum eousque
nos coquat, dum percoquat, & perficiat; vltè-
riùs verò tentatione aduri & consumi nos
non sinet. Vult quidem vtràuersitatibus pro-
bemur, sed non obruamur: vult vt nostra pa-
tientia appareat, sed non pereat.

Epist. 8.

Tempore Diui Cypriani, magna contra ci-
uitatem Carthaginensem, cuius ipse erat
Episcopus, infidelium persecutio insurrexe-
rat, ablens cùm esset iste Sanctus, hæc ad cle-
rum & ad plebem illius ciuitatis scripsit: *Per-*
secutio ista, inquit, *examinatio est atque explora-*
tio pectoris nostri, excuti nos Deus voluit & pro-
bare, sicut semper suos probauit, nec tamen eius au-
xilium in tentationibus defuit, &c. Nónne satius
est, vt probemur, quàm reprobemur?

Simile.

Nota.

Videtur Deus se habere in hoc mundo,
sicut ille artifex, qui campanam confecit,
quàm cùm perfecit, priusquam illam in ex-
celsū, ac in turrim attollat, solet eam malleo
ferreo pulsare, vt hoc pacto probet an sana &
integra sit, vel si bonum sonum edat. Ita an-
tequam Dominus eleuet in cœlum aliquem
electum,

electum, consuevit cum laboribus & afflictionibus percutere, ut probet an firma sit eius patientia, & qualem edat sonum, aut qualem emittat vocem. Pulsauit olim Iob, ut ipsemet testatur: *Manus Domini tetigit me.* Iob. 19.

Et quo malleo? diabolo, qui à Ieremia vocatur *malleus vniuersæ terra.* Sed audi sonum Ierem. 50.

istiꝝ campanæ: *Dominus dedit, Dominus abstulit, &c. sit nomen Domini benedictum.* Benedicenda est hæc campana, quæ tam benedictum edit sonum. Percipiebatur iste sonus, de quo sic Apostolus: *Sufferentiam Iob audistis.* Et non 12. 5.

audiretur nisi Iob percuteretur, nec vñquam eleuaretur in cælum, nisi talem edidisset sonum. Quid de sono huius sancti viri dicat Augustinus, audiamus. *Quomodo sonuit, quàm suauem sonum dedit? Adhuc tunditur datus in potestatem diaboli, ut & caro eius percuteretur. Percussit eum à capite vsque ad pedes graui vulnere, & putrescens verminibus sedebat in stercore. Audiuimus quemadmodum tunsus est, audiamus quomodo sonet. Si bona suscipimus de manu Domini, mala non sustinebimus? O sonum fortem! ô sonum dulcem! ô quem non dormientem excitet sonus iste!* In Psal. 97.

E In vniuersitatibus literariis, priusquàm aliquis ad gradum aliquem, verbi gratia, Bachalaureatus, promoueatur, necesse est probetur & examinetur. Quod si omnibus quæ ei proponuntur difficultatibus satisfecerit, omniâq; soluerit argumenta, tunc admittitur & approbatur. Sic antequam quis ad aliquem gradum beatitudinis æternæ perueniat, oportet vexationibus, multisque probetur afflictionibus. Sic fuit probatus idem Iob, qui de se ipso loquens,

Tob. 13.

Tob. 3.

Sap. 3.

Tob. 13.

Ouid. lib. 4.

Trist.

loquens, ait: *Probanit me Deus, quasi aurum quod per ignem transit.* Sic Tobias, cuius filij vxor ita Deū alloquebatur: *Hoc pro certo habes omnis, qui te colit, quod vita eius, si in probatione fuerit, coronabitur.* Vt igitur quis lauream illam cœlestis doctoratus adipiscatur, decet illum laboribus, & angustiis probari: & vt mote Academico loquat, oportet respōdeat *pro tentatina*; necesse est, inquam, tentetur, vt coronetur; probetur, vt approbetur; pressuris afficiatur, vt gaudiis reficiatur. De iustis sic Sapiens: *Deus, inquit, tentauit eos, & inuenit eos dignos se.* Vtinam sic probetur nostra patientia, vt gaudeat diuina præsentia.

Sed dices; cū Deus sciat, quid sit in homine, & abscondita cordis agnoscit, quid est opus, vt probet, antequam approbet? Non probat Deus, vt sciat & cognoscat, sed vt scire & cognoscere faciat. Sciebat Abrahæ obedientiam antequam illum tentaret: sciebat Iobi & Tobix patientiam antequam vexarentur; sed ideo tentati ac probati fuerē, vt nobis constaret illorum obedientia & patientia, & sciamus, quod optimo iure aliquos recipit & alios reicit: dictum est ab Angelo Tobix; *Quia acceptus eras Deo, necesse fuit vt tentatio probaret te.* Quasi diceret, debuit tua patientia in aduersis tentari & probari, & sic manifestari; vt omnes cognoscerent Deum ob id te acceptasse. Non enim hominibus manifestaretur, nisi tentationibus probaretur.

Hinc Poëta,

*Quæ late inque bonis cessat non cognita rebus,
Apparet virtus, arguiturque malis.*

Scilicet

Scilicet aduersis probas exercita rebus,

Tristi materiam tempore laudis habet.

Hugo Cardinalis explanans verba illa Pauli;
Tribulatio patientiam operatur: asserit Aposto- Rom. 5.

lum hic innuere patientiam esse veluti terram fructiferam, quam tribulatio operatur, id est, arat, colit & exercet, ut fructum ferat meritorum, eo sensu, quo Adam dicitur po- Gen. 2

situs in paradiso, ut operaretur & custodiret illum. Sicut igitur non potest aliqua terra Simile,

bonum fructum producere, nisi sarculo, aratro, alióve instrumento excolatur; ita non poterit patientia, siue vir patiens ferre aliqué fructum meritorium, nisi aduersitatibus & tribulationibus probetur. Tunc autem illi

conuenire potest illud Christi: *fructum afferet* Luc. 8.

in patientia. Quia, ut notat Chrysostomus,

necessaria est pluuia, glacies, ut vernans exurgat Hom. 3. ad popul.
spica: sic necessaria sunt aduersa, ut appareat patientia.

Dolebat Iulius Cæsar mortuo Pompeio, eius aduersario, atque suspirantem hæc dixisse fertur: Doleo, quod non habeo de cætero cum quo belligerem. Optabat etiam noua bella: clausas potius quærebat portas, quam patentem: non ut ciuis, sed ut bellator incedere volebat; ideo gratior sibi erat recusata, quam concessa via; unde de eo Lucanus: Luc. lib. 12.

---- Non tam portas intrare patentes

Quàm fecisse innuat, nec tam patiente colono

Arua premi, quàm si ferre populetur & igni,

Concessa pudet ire via, cuiusque videri.

G Hoc desiderabat, ut eius animi dexteritas probaretur, corporisque fortitudo manifesta-
retur,

retur, atque ita breuissima quadam humana laude afficeretur. Noli tu optare, vt tibi ad votum omnia succedant, sed illud desidera, quo tua exerceatur, ac tandem coronetur patientia. Illud autem est aduersitas, hanc, si non aduenerit, cupias: si superuenerit, sustineas. Audi Senecam: Anida est, inquit, periculi virtus, & quod tendit, non quid passura sit cogitat. Militares, viri gloriantur vulneribus. Calamitas virtutis occasio est. Ignis aurum probat, miseria viros fortes, &c. Quod autem requiratur aduersitas vt probetur patientia, affirmat Gregorius; *Pensate quaso vbi eris patientia, si deest quod toleretur.*

Lib de pro-
uident.

Ex Regi-
stro lib. 9.
inditione
4.
Exod. 27.

In Exod.
27.

Plinius.
Lib. 6. lect.
ant.

De ligno Sethim, ex quo fieri altare iussit Dominus Moyse, ait Dionysius Carthusianus talis esse natura, vt in ignem proiectum non comburatur, vnde quamuis super illud ignis apponeretur ad offerenda sacrificia, nullo inde afficiebatur detrimento. *Vicino*, inquit, *igne illius altaris lignum Sethim non cremabatur.* Nec est illud difficile creditu, cum Diuus Hieronymus asserat dari lignum, Anthitom nuncupatum, quod non solum igne non consumitur, sed magis ab eo purificatur, si quid habeat in se purificandum. Idem refert Plinius de alio ligno, quod vocatur Laix, ex quo quidem ligno Caelius Rhodiginus turrin constructam se vidisse affirmat, quam Iulius Cæsar destruere volens iussit ignem ei applicari, sed nullum detrimentum ei intulit. Viri patientes sunt veluti huiusmodi ligna: licet enim accedat ignis persecutionis, aut afflictionis, non propterea tædio vel tristitia consu

consumuntur, imò potius fortiores ac puriores inde redduntur. Talis fuit Iob, Tobias, & alij quamplurimi, qui illustriores aduersitatibus euaserunt.

H Rubus ille, in quo visus est Deus Moyfi Exod. 3.

igne inflammatus, in cinerem minimè redigebatur, quin potius illustrabatur. Eundem in modum, viri iusti mundi insectationibus velut igne incenduntur, sed non absumuntur, quin potius summa gloria illuminantur.

Quid de illo dicat Philo, audiamus: *Rubus frutex est debilis, & senticosus, ut vel solo contactu vulneret; nec tamen absumitur ignis voracis natura, imò conseruatur etiam, qualis antea fuit permanens, adeò nihil amittens, ut nitesceret etiam: hac designabant exhortationem quandam clamantem pressis calamitate: nolite succumbere, hac vestra infirmitas est potentia.* Lib. 1. de vita Moy-
sis.

Si quis habeat vas vitreum, velitque probare, an sanum & integrum sit, extremitatè digiti illud paululum pulsabit; si verò argenteum, vel aureum sit, lapide, aut malleo ferreo utetur ad illud probandum, quia fortius est. Ita Deus, qui, teste Apostolo, non patitur nos tentari supra id quod possumus, quos infirmiores & debiliores esse cognoscit, leuius, quos verò validiores, fortius vexari permittit. Non est igitur, quod conquæramur; illud enim possumus ferre, quod Deus vult inferre, nouit quid possimus, superest ut velimus. Similes

Tandem, quod aduersitatibus nostra debeat probari patientia, innuit Seneca his verbis: Vnde possum scire, quantum aduersus Lib. de prouid. Dei.

C

pau

paupertatem tibi animi sit, si diuitiis diffuis? unde possum scire, quantum aduersus ignominiam, infamiam, odiûmque populare constantiæ habeas, si inter plausus senescis, si te inexpugnabilis, & inclinatione quadam mentium pronus fauor sequitur? unde scio, quàm æquo animo laturus sis orbitatem, si quoscunque sustulisti, vides? Calamitas, virtutis occasio est. Illos meritò quis dixerit miseros, qui nimia fœlicitate, torpescunt, quos velut in mari lento, tranquillitas itineris detinet. Quidquid illis inciderit, nouum veniet. magis vrgent sæua inexpertos. Graue est non asfuetis ferre ceruicibus iugum. Ad suspicionem vulneris tyro pallefcit, audacter veteranus cruorem suum spectat, qui scit se sæpe vicisse post sanguinem.

Nemo in hoc mundo immunis est ab afflictionibus: ideo illud est patienter ferendum, quod omnibus commune est.

CAPVT V.

In Tusc. 3.



LV RIMI facit Tullius carmen A
illud Euripideum,

*Mortalis nemo est, quem non
atingat dolor.*

Quod ita verum est, vt quidam ex antiquis iudicauerint non solum illum esse miserum, qui reuera miser est, sed etiam, qui miser non est, aut cui nihil aduersi accidit. Celebratissima & frequentissima fuit illa
apud

apud Senecam Demetrii vox : Nihil mihi videtur infelicius eo, cui nihil vnquam euenit aduersi. Vnde ait idem Seneca. Miserum te iudico, quod nunquam fuisti miser.

Lib. de providētia c. 3.
& 4.
Lib. de remen. fort.

Nam si quis mortalium immunis omnino ab afflictionibus reperiretur, nimium miser esset, quod omni miseria indignus haberetur: atque ita non esset sine afflictione, qui plenus esset tali indignatione: illum enim Deus iudicaret indignum qui affligeretur, quod non minima esset miseria, cum sine afflictione ad illum perueniri non possit. *Considera*, inquit Augustinus, & videbis in tantum te esse miserum, in quantum non appropinquas ei quod summum est. At non appropinquat quem Deus non flagellat, cum, teste Scriptura, flagellet Deus omnem filium quem recipit. Vnde optimè quærit idem Augustinus: *Itane omnem? ubi te volebas abscondere? omnem, & nullus exceptus, & nullus sine flagello erit? Quid est omnem? vis audire quem omnem? etiam unicus sine peccato, non tamen sine flagello.* Si ergo ipse vnigenitus Dei Filius, qui peccatum non fecit, nec inuentus est dolus in ore eius, multa passus est incommoda: quo pacto speras te sine flagello futurum? Qui proprio filio suo non pepercit, tibi, aut aliis peccatoribus parceret?

De libero arbitrio.

Hebr. 12.

In Psal. 31.

B Vbi primum homo in peccatum lapsus est, multis cæpit miseriis & calamitatibus subiacere, quæ tot ac tantæ sunt, vt, teste Demetrio, ipsæ ei dominantur. Calamitates, inquit, hominibus imperant, & non homines calamitatibus. Non enim sinunt illum lætari, nec comedere: sed iubent flere, iacere, ac si-

Demet.

Iob 14.

De 12. grad.
humil.

milja tristia exercere. Sic imperatur, qui ante lapsum omnibus imperabat: sic subiacet, cui omnia subiacebant: qui prius immortalitate donabatur, modò *brevi vivit tempore*: & qui antè multis fruebatur deliciis, nunc multis repletur miseriis. Vnde Bernardus: *Multis repletur miseriis, multis & multiplicibus, inquam, miseriis corporis, miseriis cordis, miseriis dum dormit, & miseriis dum vigilat, miseriis quocunque se vertit, &c. Consideranti tibi quid sis, occurret tibi homo nudus & pauper, & miser & miserabilis homo, dolens quòd homo sit: erubescens quòd nudus sit: plorans quòd natus sit: murmurans quòd ad laborem natus sis.*

Eccl. 40.

Galfridus.

Sed quando incipiunt istæ miseriæ, & isti labores homini accidere? à die natiuitatis suæ. Audi Sapientem: *Iugum graue*, inquit, *super filios Adam à die exitus de ventre matris eorum, usque in diem sepultura in matrem omnium.* Vnde sic exclamat quidam: *Dura omnino conditio, quandoquidem non est nobis excutere à cernicibus graue iugum, donec ingrediamur sepulchrum, nec euadere vitæ huius laborem, nisi per mortis horrorem.*

Serm. de
patient.

Præsentit homo nascendo quantæ iugum istud sit grauedinis, atque hoc satis superque innuit, & testatur vagitu & lacrymis, quas in ipso suo exitu emittit, quibus etiam naturaliter prædicere videtur se ad laborem & tribulationem nasci. Audi Cyprianum: *Vnusquisque nostrum cum nascitur, & hospitio mundi huius excipitur, initium sumit à lacrymis. Et quamuis adhuc omnium nescius, & ignarus nihil aliud nouit in ipsa prima natiuitate, quàm flere:*
prout

providentia naturali lamentatur vita mortalis anxietates, & labores & procellas mundi, quas ingreditur, in exordio statim suo ploratu & gemitu rudis anima protestatur.

Diuis quoque Augustinus asserit pueros in hanc lucem prodeuntes prius prædicere, quàm dicere, siue prius prophetare, quàm loqui, ac si interrogentur, ploratu, non verbis responsuros: sic enim scribit. *Istos pueros, qui nascuntur, interrogemus, quare à ploratu incipiunt, qui nec ridere possunt. Nascitur puer, & statim plorat, post nescio quot dies, ridet. Quando plorabat nascens, propheta sua calamitatis erat; lacryma enim testes sunt miseria. Nondum loquitur, & iam prophetat. Quid prophetat? in labore se futurum, vel timore. Esi bene vixerit & iustus fuerit, certè in meditationibus positus, semper timebit.*

Serm. 24. de verb. Apost.

C Porro iugum hoc super omnes filios Adam dicitur, nullus excipitur, non persona hominis, sed nec temporis hora: super quos? Super pauperes tantum? Super ignobiles, super sæculi contemptores, aut ab eo contemptos? parum est: *Super omnes, inquit, filios Adam. Quicumque nascitur istud iugum ferre cogitur, propterea Ambrosius. Quid in hac vita, inquit, non experimur aduersi? quas non procellas, tempestatesque perpetimur? quibus non exagitamur incommodis? cuius parcitur meritis?*

Lib. de morte Satyri.

Ista autem aduersa & incommoda non improprie nomine iugi, siue iugo à Sapiente exprimuntur: quia iugum à iugando, vel à iungendo dicitur; nam per iugum diuersa animalia inuicem iunguntur ad laborandum. Homini igitur nascenti iugum imponi dicitur,

tur, quia statim labori & molestiis huius vitæ iungitur, quibus ita adhæret, ut ab eis non valeat separari; nec mirum, cum ad eas videatur alligari, in cuius rei indicium dum nascitur, ligatur fasciis, quod cæteris animalibus non contingit, idque admiratur

Lib. 7. hist.
natu.

Plinius: Ne quidem feras, inquit, inter nos genitas vincula excipiunt, & omnium membrorum nexus: at homo infœliciter natus iacet manibus pedibusque deuinctis.

Ecclef. 40.

Huiusmodi iugum portabit homo, id est, omnibus aduersitatibus subiicietur *vsque in diem sepultura in matrem omnium*. Exclamet iterum supradictus Galfridus, dicatque: *O qualis mater! qualis ille uterus terra, tumultu sepultura! & tamen paritura est ipsa, quos concipit redditura*. Dicitur terra omnium mater, quæ omnes morientes recipit in utero, non ut eos perpetuò retineat, sed ut in nouissimo die enitatur: ideo cum sepelitur homo, quasi semen utero matris reconditur, ut illum in illo ultimo die pariat. Dico itaque; sicut hæc mater omnes excipit morientes, siue Reges, Principes, diuites, nobiles, siue pauperes, ignobiles sint: ita tribulatio omnes tangit nascentes cuiuscumque sint conditionis. Nec

Homil. 66.
ad pop.

Rex, inquit Chrysostomus, *procul à curis & cruce vitam agit, sed vitam vivit plenam multis tribulationibus*. Et quemadmodum mori omnibus contingit, ita & pati, ait Euripides: & sicut moriendo unusquisque suam habet sepulturam, sic viuendo habet omnis homo suam crucem: quando moritur, portatur crux ante ipsum, sed quando nascitur, imponitur

nitur crux supra ipsum : nam *ingrum graue su-*
per filios Adam à die exitus de ventre matris.
 Cum fletu nascimur , cum labore viuimus ,
 & cum dolore morimur , & nullus potest ista
 effugere. Ridet Seneca eos qui dicunt , fu- Lib. de re-
 giamus dolorem. quid ? quod ille sequitur med. fort.
 fugientes ?

D Fingunt Poëtæ Iouem duo habuisse dolia,
 vnum mellis, alterum fellis: & de illo quidem
 guttatim distillare in terras, de hoc verò large
 & vbertim effundere. Sed omnibus omissis
 fictitiis , dicimus Deum optimum maximum
 habere calicem præ manibus , & inclinare ex
 hoc in hoc , ac de illo bibere omnes peccato-
 res terræ. Hoc attestatur Regius psaltes; *Calix* psalm. 74.
in manu Domini vini meri plenus mixto. Et incli-
nauit ex hoc in hoc : veruntamen fax eius non est
exinanita , bibent omnes peccatores terra. Omnes,
 ait, peccatores bibent. Fortè tu peccator non
 es ? Si hoc diceres, mentireris , quia *qui dicit se* 1. Ioan. 1.
peccatum non habere , mendax est. Et quamuis
 nullo peccato inquinareris, non tamen omni-
 no è tribulationibus eximereris: nam Christus
 ipse qui nec peccare poterat , calicem sibi à
 Patre oblatum bibit. *Calicem quem dedit mihi* Ioan. 18. 11.
Pater, non vis ut bibam ? Audi quid tibi per Pro-
 phetam dicat Pater ille cœlestis. *Ecce quibus* Ierem. 49.
non erat indicium , ut biberent calicem , bibentes
bibent ; & tu quasi innocens relinqueris ? non eris
innocens, sed bibens bibes.

Nec existimemus eos qui nos præcesse-
 runt, & dormiunt in somno pacis, fœlicio-
 rem hic vitam transegisse, & meliores quàm nos
 dies habuisse: nam Diuus Augustinus expla-

Psal. 33.

nans illa verba psalmistæ: *Quis est homo, qui vult vitam, diligit dies videre bonos?* ostendit, non esse in hoc mundo quærendos dies illos bonos, nec Patres nostros, imò nec ipsum Christum vnquam eos habuisse. Quid dicat audiamus. *Quotidie, inquit, murmuratis, & hoc dicitis. Quandiu ista patimur, & quotidie peiora? apud parentes nostros fuerunt dies latiores, dies meliores. O si interrogares ipsos, similiter tibi de parentibus murmurarent: fuerunt beati patres nostri, nos miseri sumus, malos dies habemus. O Deus! ostende nobis dies bonos. Bonos dies quaris, simul eos quaramus, nolite hic; sed illos habuerunt patres nostri: fallimini; omnes enim laborauerunt. Legite scripturas: ideo voluit Deus ut scriberentur, ut nos consolaremur. Temporibus Helia fuit fames, passi sunt eam patres nostri. Semper dies mali in sæculo, sed semper dies boni in Deo. Habuit dies bonos Abraham, sed intus in corde: habuit dies malos, quando à fame mutauit regionem, & querebat cibum. Sic omnes quaesierunt. Dies malos habuit Paulus, qui dicit: in fame, in siti, in frigore, in nuditate. Non irascantur serui: ipse Dominus non habuit dies bonos in hoc sæculo, contumelias, iniurias, & crucem, & tanta mala patiebatur. Non ergo Christianus murmuret, videat cuius vestigia sequatur. Sic Diuus Augustinus.*

In Psal. 40.

Idem Doctör non vult, ut aliquis sibi promittat in hac vita, quod nec Euangelium ipsum promissit, nempe omnia prospera, imò potius vult, ut hic speremus aduersa. *Nemo, inquit, sibi promittat, quod Euangelium non promittit. Fratres mei, obsecro vos, attendite scripturas nostras, si aliquid fecerunt, & si aliquid dixerunt,*

ixerunt, & aliter accidit, quàm dixerant. Non nobis promittunt scriptura nostra in hoc saculo, nisi tribulationes, pressuras, angustias, tormenta, dolores, abundantiam tentationum. Ad ista nos precipue paremus, ne imparati deficiamus. Quod autem hæc promittant scripturæ; patet legentibus illas. Dicat igitur vnusquisque mortalium illud Dauidicum: *Posuisti tribulationes in dorso* Pla 165.
nostro.

Pulchra quadam similitudine Diuus Chrysostomus ostendit non posse quidem euitari aduersa; sed posse tolerari, atque in his nobis valde laborandum esse. *Qui*, inquit, *domum* Hom 36. in 1. ad Cor.
struit, non hæc spectat, ut non pluuia super ipsam
descendat, neue radius incumbat, quia istud nulla
ope caueri potest; sed studet quomodo hæc omnia do-
mus sustinere possit. Et qui nauem fabricat, non hoc
agit, ut ne fluctus obturbet, neue unda extollantur,
cum illi impossibile sit; sed ut nauis compages & late-
ra ad omnia idonea sint: & corporis curam habens,
non hoc agit, ne inæqualis aëris vis oborietur; sed
quomodo corpus omnia tolerare possit. Hoc ipsum in
moribus fieri oportet.

Sicut ergo non possumus impedire pluuiam ne cadat super tecta: fluctus ne feriant nauem: aut morbos ne corpus afficiant; sed nobis curandum est, ut tecta pluuiæ, naues verò fluctibus resistent, morbisque remedium afferatur: ita cum non sit in nostra potestate prohibere ne afflictiones & tribulationes eueniant, nobis tantum incumbendum est ut patientia præmuniti, illas æquo animo feramus. Vnde Plutarchus: Non est, inquit, om- Plutar. de anima.
nino dicere; viuis hoc non patiar. ne sit sanè.

C 5

At

At est dicere; viuis hoc non faciam: non mentiar: non versutia utar: non infidiosè captabo, Quasi dicar: possumus quidem mala non agere, sed non possumus mala non pati.

Præclaram sententiam Homerum protulisse affirmat Simonides: scilicet, *quod hominum generatio talis sit, qualis est foliorum*. Folia enim producuntur, & licèt aliquandiu vire-scant, non minùs tamen omni vento mouentur, tandem cadunt, exsiccantur, & putrescunt: & sicut nullum est folium, cui hæc omnia non contingant, sic nullus est homo, qui postquam in lucem editus est, licèt iuuentute floreât, tribulationis vento non agitetur; qui tandem morte non cadat, & cuius corpus non putrescat; hæc omnia omnibus hominibus communia sunt. Meritò igitur homo folio comparatur, quod ad instar folij vento rapiatur, de quo sic Iob ad Dominum;

Iob. 13.

Contra folium, inquit, quod vento rapitur ostendis potentiam tuam? In quem locum ostendit Gregorius ista propter peccatum homini accidisse, illumque de arbore tanquam folium cecidisse, imò ex arbore folium deuenisse.

Lib. 11. mor. cap. 22.

Quid est homo, inquit, nisi folium, qui videlicet in paradiso ab arbore cecidit? Qui enim arbor fuit in conditione, folium à semetipso factus est in tentatione. Quòd autem homo per peccatum, tanquam folium deuenierit, indicant illa foliorum tegumenta quibus turpitudinem suam protoparentes nostri velant: foliis, non indiguissent, si à fructu abstinuissent. Currant igitur ad folia, illisque se contegant, qui veluti folia minimo flatu tentationis exciderunt.

Genes. 3.

Quàmuis

Quamvis autem nulla sit aduersitas quæ unicuique nostrum accidere non possit; veruntamen non eadem omnibus eueniunt aduersa, sed quædam uni, alia verò alteri: atque ita nullus est, qui ab omnibus omnino eximatur, & qui aliquam afflictionem aut corporis, aut animi non experiatur, licet aliàs aliqua prosperitate gaudere videatur. Audi Boëtium: *Huic sensus exuberat, sed est pudori de gener sanguis. Hunc nobilitas notum facit, sed angustia rei familiaris inclusus mallet esse ignotus; ille verò utique circumfluit, vitam cælibem deslet: ille nuptiis fœlix, orbis liberis, alieno censum mittit heredi: alius prole letatus, filij, aut filia delictis mæstus illacrymet. Inest enim singulis, quod inexpressius ignoret, & expertus exhorreat.*

Lib. 1. de consola. pro. 4.

G Hinc Philomenes dicere solebat, nullum esse usquam mortalium, cui non aliquid triste accadat, aut acciderit: hunc verò sapere, qui illud minimi facit: certum est enim, quòd, teste Seneca, nulla domus in toto orbe terrarum, aut est, aut fuit sine comploratione. Quia, iuxta eundem, neminem illæsum fata transmittunt. Non immeritò igitur Solon legum Atticarum conditor dicebat, vrbes, atque oppida nihil aliud esse, quàm humanarum ærumnarum domicilia, quibus luctus, mœrores, tristitiæ mortalium, quasi sepris includuntur. Oporteret sanè illis exire, qui tot mœstittias nolle experiiri.

Philomenes.

Lib. de consola. cap. 35

Lib. de reméd. fort.

Interrogatus Socrates, quonam modo minimè doleremus, hoc fieri dixit nullatenus posse: non est enim quispiam, qui ciuitates aut domos inhabitet, aut cum hominibus conuer

conuer

conuerfetur, qui aliqua triftitiâ non afficiatur.

Ouid. lib. 2.
de reme.
amor.

Et quis non caufas mille doloris habet?

Cùm igitur omnes fint calamitatibus obnoxij, nullûsque fit, qui non vel magnas, vel modicas experiatur aduerfitates; cûr æquo animo non fufinebimus, quod omnibus commune eft, & quod euitari nequit? Propterea

Pub. Mim.

fic nos hortatur Publius: *Feras, non culpes, quod mutari non poteft.*

Cæterùm bene nobis confultum eft, dum nos afflictionibus fubiici ftatutum eft: quia nifi hoc ita fe haberet, fortè Deum ipfum obliuifceremur. Si, inquit Auguftinus, cefferet Deus, & non miferet amaritudines felicitatibus faculi, obliuifceremur eum. Affert & aliam

In Pfal. 93.

Lib. 7. de
oper. Trini.

rationem Rupertus. *Dum, inquit, uiuit homo, illum in laboribus pane fuo Deus uelci uoluit, ut uidelicet antequam ueniret dies iudicij, quò cum peccatore antiquo damnandi funt omnes iniqui, refipifcant aliqui laboribus & doloribus, &c. Porro illorum qui nec tantis paterna difciplina uerberibus afflicti refipifcunt, damnatio iufta eft, quia culpa inexcufabilis eft. Quid enim ultra faciet Deus, ut eos a malis coerceat?* Recurramus igitur ad Deum in quo eft fuma requies, & in quo nullus eft dolor, nullaque triftitia, quia quocunque pergas, femper tecum deferes quod patiat, & inuenies quod patiaris. Eundem Auguftinum cum Domino colloquentem audiamus. *Quaquauefum fe uerterit anima hominis, ad dolores fugit alibi, praterquam in te.* Et infra: *Verfa & reuerfa in tergum, & in latus, & in ventrem, & dura funt omnia, & tu folus requies.*

Lib. 4. Conf.
felf. c. 10.

Lib. 6. Conf.
c. vltim.


quies. Tandem, sic mihi pindarifando liceat concludere.

Laborum autem exors nullus est, nec erit.

Pind. hym.
5.

*Plurimum nobis hic profunt aduersa,
atque ideo equo animo ferenda.*

C A P V T V I.

A  E M P E R consueverunt viri sancti dolere de prosperis, gaudere verò de aduersis : verebantur enim, ne Deus velit aliqua prosperitate, bona quæ faciunt compensare. Hinc Diuus Gregorius: *Sancti viri*, inquit, *cum sibi suppetere prospera huius mundi conspiciunt, pauida suspitione turbantur: timent enim, ne hic laborum suorum fructus percipiant.*

Lib. 2. mor.

Siue bonus, siue malus sis, tibi potius aduersa quàm prospera sunt peroptanda : si enim bonus es, & tibi prospera succedant, fortè illa tua bonitas remuneratur in hoc sæculo. Audi eundem Gregorium ; *Canendum nobis est, ne si fortè aliquid nobis agimus in presenti sæculo, remunerationem accipiamus, ne fortè dicatur nobis, receperunt mercedem suam.*

Hom. de diuit. & Lazaro.

Si autem malus sis, & nihil tibi accadat aduersi, tibi sanè pertimescendum est. Nam, inquit Augustinus, *nihil est infœlicius fœlicitate peccantium.* Quod si Deus tibi vitioso aliqua immitteret aduersa, fortè tuum in præsentem puniretur vitium, aut saltem in fu-

Serm. de puero Cœntur.

turo

turo tuum minueretur supplicium. Vides igitur, quocunque in statu simus in hoc sæculo, magis conducere aduersa, quàm prospera.

De cōsolat.

Philo. c. 2.

prof. 8.

Vnde Boëtius: *Plus reor, inquit, hominibus aduersam, quàm prosperam prodesse fortunam.*

Serm. 4. de

verb. Dom.

Ideo sapienter Diuus Augustinus aliquem de tribulationibus submurmurantem sic consolabatur; *Nōne melius est, ut Deus flagellet te & recipiat te, quàm parcat tibi & deserat te?*

In cap. 10.

Oscz.

Vitis quæ non putatur, syluescit & luxuriatur, nullumque, aut saltem acerbum fructum affert. Hoc aduertens Hieronymus, ait; *Vites quæ putata non fuerint à vinitore, in flagella frondisque luxuriant, & humorem quem debuerant in vina mutare, vana frondium & foliorum ambitione disperdunt.* Sic quotidiano experimento cognouimus, hominem bonis temporalibus, honoribus, & prosperis affluentem, vitiosum ac deprauatum esse, multisque affectu in vitiis: sed si labore aliquo, aduersisque rebus vexetur, ad se redit, & flagitiosa vita relicta, piam & Christianam sectatur.

Cùm putatur vitis quasi flere, lacrymasque fundere videtur: at cùm autumnī tempore suauissimis vuis abundat, certè si rationis particeps esset, putatori gratias ageret, vehementerque lætaretur, eò quòd ab eo putata, & lacrymas effundere coacta sit. Ita etiam nos labores & res aduersas à Deo optimo illatas, læto, atque grato animo debemus excipere, cùm ea in nostrum commodum, vtilitatēque cedant. Minabatur olim Dominus populo suo per Isaiam, atque de eo sic

sic loquebatur; *Dimittam vineam meam, & non* Isai. 5. *putabitur, nec fodietur.* In quem locum Diuus Basilius ostendit quantum conducant aduersa: *Quemadmodum*, inquit, *qui vineam putant* astringunt eius vites, ut maiora cum temperamento procedat ad proferendos viles fructus. Ad eundem modum contingit anima assiduitate afflictionum propendenti & incuruata, quodam modo in se contrahitur, seque utiliter demittit atque humiliat, & ad sui diligentiore custodiam retrahitur. Dum Israëlita diuitiis, voluptatibus, oblectationibus, aliisque huiusmodi bonis abundarent in terra promissionis, in quam ex Ægypto tanquam vinea fuerant translati, pluribus cœperunt flagitiis ac deliciis operam dare; quando autem luto, & lateritio operi addicti erant, Deum assidue inuocabant, & animum à vitiis omnino auocabant. Vnde colligimus plurimum prodesse aduersa, obesse verò prospera.

Si quis auem aliquam magni pretij habeat, *Similia,* alas eius præscindit, aut illam in cauea includit, ne volando aufugiat. Sic Deus sæpe alas, hoc est, diuitias, honores, salutem, filios, & similia, solet amicis suis abscindere, & in aliqua graui calamitate includere, ne ab eius præsentia & amore discedant. *Nam*, inquit *In Psal. 102.* Augustinus, *si aui pennas detraxeris, quasi onus tollis, & quo magis onus abstulisti, eo magis in terra remanebit, iacet, non volat, quia tulisti onus.* Quoties auis quæ euasit libera in ramo occiditur, quæ incauta pascebatur? Fœlix ergo captiuitas, qua obtinetur libertas.

Aqua illa, quæ per præcipitia decurrit, melior

Apoc. 17.

lior est ea, quæ diu immota manet, iuxta Diui Ioannis sententiam, *Aqua multa populi multæ.* Vt igitur purior euadas, tibi per multas tribulationes transeundum est, non autem in deliciis commorandum.

Si videat mater filium gladium præ manibus tenentem, ab eo etiam inuito, imò lacrymante illum amouebit & arripiet, quia per ipsum fortè aut se necaret, aut vulneraret: nemo tamen debet sortem illius pueri gladium suum lamentantis, dolere. Nouit Dominus diuitias tuas, honores tuos, sanitatem tuam, filios tuos tibi plurimùm obesse, illis ut plurimùm vteris in perniciem tuam, idcirco vult ut illis careas & priueris, tunc ad modum pueri fles, doles: verùm si scires Dei intentum, gauderes, illique gratias ageres.

Si contingat aliquam domum comburi, eius possessor magnum sibi exhiberi beneficium putat, si afferatur aqua & super ignem infundatur, ut sic extingatur. Ita quoties ignis peccati in cordibus nostris accenditur, misericorditer nobiscum agit diuina bonitas, si tribulationis aquas superinfundat.

Præterea quod est equo calcar, & boui stimulus, homini est aduersitas. Nobis ut plurimùm accidit, quod & iumentis, quæ cum in via cibum reperiunt voluptate pellecta trahere aut incedere desinunt, & pastui tandiu inhærent, quandiu bubulci stigma non sentiunt; tum demum accelerant dum verberantur: tum se viæ accingunt, tum itineri student, cum nihil, quod delectet occurrat. Nam dum non nisi in termino quietem

tem expectant, gressu citatiore defudant: at qui sæpius in via, quod tardat, offendit, ad finem viæ seriùs pergit. Vnde optimè Gregorius: *Electis suis*, inquit, *ad se pergentibus Dominus huius mundi iter asperum facit; ne dum quisque vita presentis requie quasi amœnitate via pascitur, magis eum diu pergere, quam citò peruenire delectet: ne dum oblectatur in via, obliuiscatur, quod desiderabat in patria.*

Lib. 29. moral.

Authore Seneca, flantem ventum, qui Circius dicitur, Galli salutare consueuerant, quodd illius flatu purgaretur aër. Sic quia tribulationibus purgamur, salutandæ, aut salutem cum eueniant, sunt æquo animo excipiendæ. Diuus Augustinus sic de tribulatione loquitur: *purgatio est, non damnatio.*

Lib. de natur. quæst. quæst. 5.

D Quod autem aduersitates sæpe nobis dentur per modum medicinæ; & purgationis, patet per illam, quam Deus protoparentibus nostris immisit pœnam: tanto enim ab eis perpetrato delicto, tantòque Deo offenso merebantur illi audire, ac subitò mortis æternæ subire sententiam: sed clementissimus Deus volens potiùs curare quam damnare, venit ad hominem, illique non maledictionem inflixit, sed curationem præscripsit, nam in primis assignantur ei herbæ tum ad esum, tum ad purgationem; *Comedes herbas terræ.* Deinde sudor ei iniungitur, cum ei dicitur; *In sudore vultus tui vesceris pane tuo.* Tum demum mutatio aëris, aut saltem ad propriam patriam regressus tanquam ei salutaris prædicitur, *in puluerem reuerteris.* Ipsa mortis sententia non est damnatio, sed aëris aut status mutatio:

In Ps. 102.

Gen. 3.

D Deus

Ibidem.

Deus igitur nos hic puniendo, non tam iudicis, quàm medici partes gerit, cum tales punitiones aut afflictiones censendæ sint curationes. Vnde idem Augustinus; *O fili quid plangis in medicina est, non pœna.*

Lib. 3. de
patient. cap.
19.

Est & alia aduersitatis utilitas, quam obseruauit Baptista Mantuanus: nam liberat nos mortis metu, quo incommodo maximè laboramus, cuius memoria sic amarescit, ut si cuncta possideas, si vescaris semper ambrosia, quicquid gustatur, reddat amarum: & sicut, cum quis calceo nimium premitur, etsi perbellè, ac perquam venustè pedem vestiatur, discalciari optat; sic nimirum, cum quis hanc vitam experitur aduersam, & sine spe salutis affligitur, pro singulari remedio mortem expectat.

Mart. lib. 3.
Epigr.

Rebus in aduersis facile est contemnere vitam.

Fortiter ille facit qui miser esse potest.

Iob. 14.

Vnde & ipse Iob patientiæ exemplar, quem carnis infirmitas premebat, sic clamabat; *Cunctis diebus, quibus nunc misero, expecto donec veniat immutatio mea.* Fœlix afflictio, qua dulcis sit ex hac vita migratio; & qua quod, teste Aristotele, est omnium terribilissimum, redditur omnium gratissimum. Audi Apostolum præ tristitia & propter ærumnas exclamantem; *Infelix ego homo, quis me liberabit de corpore mortis huius?* Ac si dicat: miser & ærumnosus, hoc enim sonat Græca vox *ταλαιπώρος*. Quis me liberabit à corpore moribundo, calamitatibus & corruptioni obnoxio? Hoc erat ardens Apostoli ex hoc misero & mortali corpore ad beatam & cœlestem vitam anhe-

Rom. 7.

anhelantis suspirium.

E Dium quoque Augustinum; aut, si Trithemio credimus, Hugonem Victorinum pari modo suspirantem audiamus: *Audi, inquit, o anima qualis sis: onerata es peccatis, irrita vitiis, capta illecebris, affixa membris, confixa curis, distenta negotiis, contracta timoribus, afflicta doloribus, erroribus vaga, suspitionibus inquietata, sollicitudinibus anxiosa, advena in terra inimicorum, coinquinata cum mortuis, &c. Quando veniam, & apparebo ante faciem Domini, ad videndum eum in bonitate electorum suorum, &c. Hæ sunt piæ voces afflictorum, quas fortè non ederent, si quietè viuerent, nec dissolui cuperent, si voluptatibus dissoluerentur. Tertullianus probat non esse timendam mortem, quod nos ab omni quod timeri potest eripiat: *Non est, inquit, timendum quod liberat ab omni timendo. Vix gustabit mortem, qui aduersa gustauerit; qui autem delicias huius mundi gustat, illud inueniet amarum, cuius & ipsa memoria amara est. O mors, inquit Sapiens, quam amara est memoria tua? Sed cui? Homini pacem habenti in substantiis suis: viro quieto. Non autem homini qui ob afflictiones iam amaro est animo.**

Lib de spir. & anima, cap. 62. qui extat Tomo 3. oper. August.

Lib. de test. animæ.

Ecce

Naues ventis secundis impelluntur & ad optatum portum ducuntur: contra verò euenit in nauigatione spiritali: non enim benenavigatur ventis qui secundi aut prosperi vocantur, & videntur, quales sunt diuitiæ, honores, salus corporis, & cætera huiusmodi, quæ valdè sunt pertimescendæ; quippe quæ sapissimè corpora nostra ad illecebras pertrahunt,

Greg.

trahunt, & animas nostras à portu salutis retrahunt. Illa autem sunt desideranda, quæ nos ad vltimum finem, qui est Deus, impellunt, qualia sunt morbi, persecutiones, paupertates, & similia. Nam, teste Gregorio, *Mala, quæ nos hic premunt, ad Deum ire compellunt.* Compellit, inquam, tribulatio viros iustos vitam istam ex animo despiciere, & ad aliam longè feliciorem ardentissimis votis aspirare.

Collat. 3.
cap. 4.

Cassianus tres ait esse modos, quibus homines vocari solent ad Deum. Horum primus ex Deo est, secundus per hominẽ, tertius ex necessitate & aduersitate. Ex Deo est, quoties inspiratio quædam immissa in cor nostrum nos ad obseruationem diuinorum mandatorum, & ad desiderium æternæ vitæ ac salutis exsuscitat.

Alter vocationis modus est, quem fieri per hominem diximus, cùm vel exemplis quorundam sanctorum, vel monitis instigati, ad desiderium salutis accendimur.

Tertius est, qui ex necessitate descendit. F Hic autem modus vocationis, licet inferior duobus prioribus dignitate sit, est tamen multò frequentissimus: plurimi namque per hanc viam ad salutem æternam perducuntur; ideo illud vsurpare possunt, periissemus, nisi periissemus. Sunt enim plerique diuitiis mundi huius, vel voluptatibus obligati, qui si vel morbo afflicentur, aut bonorum amissione ac proscriptione percutiantur, aut charorum morte compungantur, aut alia afflictione premantur, statim ad Deum, quem sequi in rerum prosperitate contempserant, saltẽ

saltem inuiti properare compelluntur.

Hunc vocationis modum idem Cassianus illustrat exemplo Abbatis Moyſis, qui metu mortis, quæ ei propter homicidij crimen inrentabatur, impulsus, ad monasterium decurrit: qui necessitatem conuersionis sic arripuit, ut eam in voluntatem prompta animi virtute conuertens, ad summa perfectionis vestigia peruenerit. Fœlix ergo necessitas, quæ ad meliora compellit; fœlix aduersitas, quæ nos Deum vocantem audire facit.

Dauid ipse conuersum se fuisse in ærumna dum ei configeretur spina, liberè confitetur: unde appositè Diuus Bernardus de tribulatione sub nomine spinæ sic loquitur: *Spina*, inquit, *pœna est; spina falsus frater; spina vicinus* Psal. 31. Sermon. 48. in Cant. *est malus. Bene autem confixus est, qui conuersus exinde est: bene pungeris, si compungeris: multi enim sentiunt spinam, corrigunt culpam: & talis dicere potest; conuersus sum in ærumna mea dum configitur spina. Vtilissima ergo punctio, quam sequitur compunctio: multi enim non conuerterentur nisi pungerentur.*

Præterea, calamitatibus, quasi quibusdam iniectis frænis, seruorum suorum lasciuientem carnem domat & coërcet Dominus, ne in varia peccata præcipites ferantur. *Bonum* Psal. 118. 2. Cor. 12. *mibi, quia humiliasti me*, ait Rex Dauid. Paulo quoque datus fuit stimulus carnis & angelus Sathanæ, ne magnitudine reuelationum extolleretur.

G Inter complures alios salutare tribulationis effectus arque fructus, ille præcipuus est, quod aperit, & illuminat oculos animi, facit-

D 3 que

que multa tunc homines reminisci, & aduertere, & intelligere, quæ rebus prosperis, vel obliuioni tradita erant, vel non aduertebantur, vel pro nihilo ducebantur. Enimverò prosperitas est sicut nimia pinguedo hebetans atque obscurans visum; vel est vt nimius lucis splendor præstringens aciem oculorum. Est etiam veluti nimia vbertas segetem sternens; aut vt copia fructuum frangens arborum ramos. Vnde optimè Seneca: Segetem, inquit, sternit nimia vbertas, rami onere franguntur; ad maturitatem non peruenit nimia fœcunditas: idem quoque animis euenit quos immoderata prosperitas rumpit, qua non tantum in aliorum iniuriam, verum etiam in suam vtuntur.

Epist. 39.

Isai. 28.

Ex aduerso autem, *Vexatio*, ait Isaias, *dat intellectum*: & vt idem ait; *Quem docebit scientiam? & quem intelligere faciet auditum? ab lacte à lacte, a uulso ab uberibus.*

3. Reg. 1.

Est tribulatio quasi lignum illud ab Eliseo proiectum in aquas Iordanis, ferrum in profundo aquarum demersum sursum natate faciens; id est, ex profundo peccatorum hominem extrahens ad aspectum lucis, hoc est, cognitionem Dei, & sui. Est tanquam lutum illud, quo Dominus vnxit oculos cæci, vt videret. Nam, ait Gregorius, *Oculos quos culpa claudis, poena aperit.* Et secundum Augustinum; *Tribulatio excitat torpentem, humiliat superbientem, purgat poenitentem, illuminat cecutientem, coronat innocentem.*

Ioan. 9.

Greg.

August.

Alterum etiam sumimus ex tribulatione cōsolationem: si enim patienter toleretur, poena

pœna peccato debita tolletur. Hoc aperte indicat scriptura, quæ ait; *Pius & misericors est Deus, & remitteret in die tribulationis peccata.* Et apud Tobiam sic Sara ad Dominum; *In tempore, inquit, tribulationis peccata dimittis his, qui innocant te.* Hoc autem fit dum afflictione purgamus quod delectatione commisimus. Vnde Gregorius; *Quicquid in nobis polluerunt opera, diluent lamenta, & si quid adhuc culpa delectationis inquinat, pœna mœoris tergat.*

H Sciendum est autem secundum Chrysostomum, peccatum esse veluti saniem: pœnam verò aut tribulationem sicut ferrum medicinale. Habentem igitur saniem secari necesse est: ita peccatum habenti tribulari & affligi utile est, tum ad purgationem, tum ad tuitionem. Nam, teste Augustino; *utile quiddam est tribulatio, vile medici ferramentum contra diaboli tentamenum.* Hoc aduertens David, ad omnia flagella subeunda se paratum dicebat: *Ego, inquit, ad flagella paratus sum:* vel, ut alij vertunt, *paratus sum dilaniari & dilacerari:* aut secundum Chaldæum, *paratus sum ad contractionem.* Quasi dicat: scio me deliquisse, paratus sum pœnam portare: veniant itaque flagella, veniant dilacerationes, aut contractiones, ad omnia illa paratus sum, quoniam mihi utilia sunt. Nam, ait Gregorius, *quia viri sancti mentis sue corruptionis vulnus sine putredine non esse considerant, libenter se sub manu medici ad sectiones parant.* Et secundum eundem, *Deus tanto ad salutem certiores non exhibet, quanto flagella durius secant.*

Si quis hostis coronatos aut gemmas in

dorsum tuum coniceret, non doleres, sed
 gauderes, & colligeres eas: talibus lapidibus
 Beat. Iunip. Beatus quidam lapidari cupiebat Pariliis Au-
 reliam vsque. Hæ gemmæ, hi lapides pretiosi
 sunt tribulationes, quæ cum sint tanti pretij,
 tantaque utilitatis, toto animo optare debe-
 remus, vt illis per totam vitam ad mortem
 vsque impeteremur.

Ne vnquam recedat à memoria tua quod
 A. 14. à duobus Apostolis dictum est; *Per multas tri-
 bulationes oportet nos intrare in regnum Dei.* Cum
 tribulationes sint via qua tenditur ad cœ-
 lum, si fuerint extra te, eris tu extra viam;
 nunquam ergo peruenies ad patriam. Merito
 qui in hac vita voluptatibus indulget, com-
 paratur viro, qui ad carcerem, vel ad suspen-
 dium per amœnissimum ducitur agrum. Audi
 D. Greg. Gregorium; *Quasi per amœna prata ad carcerem
 peruenit, qui per præsentis vite prospera ad interi-
 um tendit.* Sunt igitur tribulationis necessa-
 riæ, prosperitates verò nociuæ.

Conducunt etiam aduersitates ad beatitu-
 dinem capeſſendam, sacra testante Scriptura;
 1. Petr. 3. sic enim scribit Beatus Petrus; *si quid patimini
 propter iustitiam, beati: si exprobramini in nomine
 Jac. 1. Christi, beati eritis:* Et Diuus Iacobus; *Beatus
 vir, inquit, qui suffert tentationem.* Neque hoc
 Iob. 5. latuit Iob, qui ait; *Beatus homo qui corripitur
 à Deo.*

Nemo ignorat in quantam gloriam huic I
 Beato Iob ceſſerit inuicta illa patientia in do-
 loribus, vt non dubitet scribere Diuus Chry-
 sostomus, etiam finum ac sterquilinium, in
 quo sedebat Iob, magnæ esse venerationis.

Multi,

Muli, inquit, nunc longam transmarinam peregrinationem à terra sinibus suscipientes in Arabiam abeunt, ut fixum illum cernant, & conspicati terram deosculentur, qua illum victoris certamina & cruorem omni auro pretiosorem excepit. Homil. 5. ad POP.

Atque hac de causa Gregorius Nazianzenus Stoicos præ Peripateticis collaudat, quod res externas nullum ad beatitudinem impedimentum afferre dicant; sed virum bonum beatum esse, etiam si in Phalaridis tauro concremetur. Epist. 64. ad Philagrium.

Datur aliud non contemnendum aduersitatis emolumentum, facit enim Deum nobis esse præsentem, qui licet ubique præsens sit, tamen peculiari modo afflictis adesse significat; teste enim psalmista, *Iuxta est Dominus his qui tribulati sunt corde.* Et de afflictis, sic per eundem Prophetam idem Dominus, *Cum ipso sum in tribulatione.* Psalm. 33. Noluit Deus Moyse apparere in lauro, vel in cedro, aut simili arbore, sed in rubo spinis referto, ut innueret nobis, non in prosperis, sed in aduersis inueniri, atque adesse dum afflicti sumus. *Noli timere,* inquit Augustinus, *quando tribularis, ne quasi non sis secum Deus, nec putes te deseri, quia non quando vis, eripit.* Psalm. 90.

Insuper, sicut non nocet, sed prodest racemis conculcatio, oliuis contusio, & frumento tritura: sic nobis plurimum confert tribulatio. Audi Gregorium Nyssenum innuentem, quantum sit sic pati causa Dei. *Vna,* inquit, *calcibus tunditur, & in vini saporem liquatur: sic oliua contusionibus expressa amurcam suam deserit, & in olei liquorem pinguescit. Sic per tri-* Hom. 15. de quadrag.

Epiſt. 27.

turam area à paleis grana ſeparantur , & ad hor-
reum purgata veniunt. Ita quiſquis hic flagellatur,
ſecurus ad Deum venit , quippe cuius rubiginem
ignis tribulationum purgavit. Idem ſic de aduer-
ſitate loquitur ; Sicut ſemina meſſium gelu coo-
perta fertilius germinant : & ignis flatu premitur ,
ut creſcat : ſic adverſitas magis auget deſiderium
in Deum.

Virg. Ænci.
lib. 12.

Non ſunt igitur reiiciendæ , ſed libenter
ferendæ adverſitates , cum ex his tot nobis
comparentur utilitates , & cum , teſte Poëta,
miſeros meliora ſequantur.

*Tribulationibus erudimur , atque ideo
gratanter acceptandæ &
tolerandæ.*

CAPUT VII.

Laërt.



EFERT Laërtius Diogenem A
Cynicum profectum Athenas,
ad Antiſthenem , ut ab eo doce-
retur , ſe contuliſſe , cumque ab
eo ſæpe repelleretur , non deſti-
tiſſe tamen ei in hære : adeò ut cum ali-
quando ei baculum intentaret Antiſthenes ;
ultrò baculo caput ſubiecerit , dicens : Cæde
ſi vis , at nullum inuenies baculum tam du-
rum , quo me abs te abigas , dum aliquid
docueris.

Vnuiſque Chriſtianus , ut verus ſit
Chriſti diſcipulus , debet ſe humiliter baculo
cuius

cuiuscunque tribulationis submittere, illam libenter ferendo, & Deum propterea non deserendo, qui sæpe tribulatione tanquam pædagogus utitur ad castigandum, erudiendum & corrigendum nos. *Nam, inquit Chrysostomus, pædagogus noster tribulatio est.* Hom. 62. ad pop.

Egregius fuit Paulus Christi discipulus, quem nihil potuit à schola, & charitate sui magistri abigere, ait enim: *Quis nos separabit à charitate Christi? tribulatio, an angustia, an fames, an persecutio?* Quasi dicat: nihil horum poterit nos, si noluerimus, à Christo separare; non enim propter præceptorem aut pædagogum debet filius fugere à paterna domo, & patrem relinquere, cuius sperat hæreditatem. Ideo hortabatur Hebræos idem Apostolus his verbis; *In disciplina perseverate.* Hebr. 12. Ibidem. Per disciplinam intelligit labores, & aduersitates, quæ ideo disciplina vocantur, quia displicent: nam disciplina à *displiceo* dicitur; tamen per illas amici Dei patientiam & alias virtutes addiscunt: vnde Dauid; *Disciplina tua ipsa me docebit.* Psalm. 117. Deus non solum verbis, vel inspirationibus, sed etiam suos interdum erudit tribulationibus, quas immittit his, qui verbis, monitis, lectionibus, exhortationibus, aut inspirationibus nolunt peccata deserre, & se ad Deum conuertere, ut quasi coactè præstent quod sponte noluerunt. Audi Augustinum: *Quod te Dominus permisit pati flagellum, corrigens est, non pœna damnantis.* Tra&. in Ioan. Dauid sic de seipso loquebatur; *Castigans castigauit me Dominus, & morti non tradidit me.* Psalm. 117. Sed ut morti æternæ non tradaris, flagella libenter

libenter patiaris. Elephas non domesticatur, nisi verberibus afficiatur: sic sunt nonnulli, qui si aduersitatibus & flagellis non percutiuntur, domestici Dei non efficiuntur: illos nouit Dominus; fortè tu de illis es, ideo ab afflictionibus immunis non es.

Nemo, teste Sapiente, sine tentatione & B
 Ecclef. 3. vexatione aliquid scit; *Qui non est tentatus,*
 Isai. 28. *quid scit? Nam, iuxta Prophetam, Vexatio dat*
intellectum. Fratres Ioseph non antè cognoue-
 runt sceleris sui in ipsum patrati atrocitatem,
 quàm cùm in afflictione constituti, dice-
 rent; *Merito hæc patimur, quia peccauimus in*
 Genes. 42. *fratrem nostrum.* Vides quomodo tribulatio-
 ne sunt eruditi, & ad agnitionem suorum de-
 lictorum, ac pœnæ sibi debitæ, deueniunt;
 quæ omnia, antequam affligerentur, igno-
 rabant.

Rex Nabuchodonosor beneficio tribula-
 tionum obtinuit, vt verum Deum & Regem
 in cœlis agnosceret; quem prius ignorabat;
 atque post multas quas tulit calamitates, sic
 Dan. 4. affatus est: *Ego Nabuchodonosor oculos meos ad*
cælum leuavi, & sensus meus redditus est mihi, &
altissimo benedixi, & viuentem in sempiternum
laudavi & glorificavi. In qua schola hæc omnia
 didicit? in agris sub dio manens, à consortio
 hominum eiectus, atque ad instar bouis fœ-
 num comedens, cadente super eum rore cœli.
 In ea quidem schola ita profecit, vt, teste Au-
 gustino, intra septennium ad gradum sancti-
 tatis peruenerit, ac doctus in cognitione veri
 Dei euaserit. Quid filium prodigum fecit ex-
 Luc. 15. clamare, & dicere; *Pater, peccavi in cælum &*

coram te, nisi fames, atque aliæ quibus premebatur ærumnæ? Dicamus igitur cum Diuo Augustino: *flagellat nos Deus. Ad quam rem flagellat? utique ad Regnum cælorum.* In Psal. 93.

Rectè à Ieremia dictum est; *Castigasti me Domine, & eruditus sum.* Ac si diceret: non eruditer nisi castigares; non castigares nisi diligeres; quia quos amas, castigas. Ideo Domine mi, propter tuum diligere, propter tuum erudire, ac propter tuum castigare, debeo tibi gratias agere, atque gaudere. *Gratulari*, inquit Tertullianus, & gaudere nos decet *Lib. de pat. c. 11.* dignatione divina castigationis. O serum illum beatum, cuius emendationi Dominus instat! cui dignatur irasci, quem admonendi dissimulatione non decipit.

C Audi optimum Sapientis consilium; *Disciplinam Domini ne abicias, ne desicias cum ab eo corripieris: quem enim diligit Dominus, corripit, & quasi pater in filio complacet sibi.* Nota, sicut pater flagellat filium, non ut cruciet, eiusque cruciatu se pascat, sed ut erudiat, & lasciuios mores ipsius castiget & emendet: ita pariter flagellat Deus filios suos, ut castiget eorum vitia, eosque ad omnem virtutem instruat, non autem quoddam eorum castigatione & plagis delectetur. Prouer. 3.

Et præcipuè castigat illum *in quo sibi complacet*, siue quem vnice diligit, & cui optimè vult. Diuus Paulus Septuaginta Interpretes sequutus, citat hunc locum his verbis; *Quem diligit Dominus castigat, flagellat autem omnem filium quem recipit.* Hebr. 12.
 Diuus Augustinus maximè perpendit illud *omnem*, & ait: *Vis audire quem omnem?* In Psal. 31.

omnem? etiam vnicus sine peccato, non tamen sine flagello. Hinc collige, Deum patrem nullum ex suis filiis excipere à flagello: nam vnicus erat ei filius consubstantialis, & in omnibus æqualis, qui vt talis minime pati poterat, sed carne est indutus, ad hoc vt flagellaretur. Itaque flagellatus est ille filius sine peccato, & tu non flagellaberis cum peccato? Audi quid tibi dicat idem Augustinus; Tu fortè exceptus eris? Si exceptus es à passione flagellorum, exceptus es à numero filiorum.

Lib. de past.

Ibidem.

Quod probatur verbis eiusdem Apostoli ad eosdem Hebræos scribentis; *Tanquam filiis vobis offert se Deus. Quis enim filius, quem non corripit pater? Quod si extra disciplinam estis, cuius participes facti sunt omnes; ergo adulteri, & non filij estis. Ac si apertè dicat: per hanc disciplinam; & castigationem & persecutionem Deus se vobis exhibet tanquam Patrem: suscipite ergo hanc disciplinam grato & hilari animo, æstimate vos beatos hac tribulatione, eaque gloriamini; quia ipsa signum est vos esse filios Dei, & quasi filios à Deo regi, & tractari. Id ipsum cognouit Seneca, Deus, inquit, bonos vt seueri patres durius educat, vultque eos doloribus, ac damnis colligere robur, &c. Dicant ergo ipsi; digni visi sumus Deo, in quibus experiretur, quantum humana natura posset pati.*

Lib. de provident.

Quod si extra disciplinam, id est, absque tribulatione, estis, cuius participes facti sunt omnes genuini & dilecti filij; ergo adulteri, & non filij estis. Quasi dicat: si semper voluptuamini, & ex libidine traducitis vitam in deliciis, expertes

partes paternæ castigationis Dei, ergo non estis germani Dei filij, sed veluti spurij & supposititij. Castigatio enim & disciplina promptè, humilitèrque suscepta, germanos Dei filios probat, còsque à spurjiis secernit: periunde enim atque Aquila pullos. Soli exponendo, vt illum aduersis & irretortis oculis intueantur, genuinos probat, & à spurjiis, quos ad Solem conuiuentes vngue dimittens præcipitat, distinguit & separat: ita Deus suos afflictioni exponendo, explorat & secernit, atque ita illos cœlesti priuat hæreditate: ergo noli, inquit Augustinus, *depellere flagellum, si non vis repelli ab hereditate, nec attendas quam pœnam subeas in flagello, sed quem locum teneas in testamento.* Idem alibi conqueritur, dicens; *Ad hereditatem sempiternam erudimur, & flagellari dedignamur?* In Gal. 2. 10

Vt commodè vtaris equis vel iumentis tuis, necesse est domentur; domantur autem minis & flagellis: ita homines rebelles, & ad illicita defluentes, necesse est vt aduersitatibus & pressuris coërceantur atque domentur. Tanquam leo siue equus indomitus fuit aliàs Rex Nabuchodonosor, qui vt domaretur, per septennium tanquam bos paleas & fœnum in agro comedebat, vt iam diximus. Leones etiam indomiti fuerunt Ahas & Manassès, qui tandem angustiis sunt humiliati. Alius fuit leo indomitus superbus ille Antiochus, qui flagellis cæsus ad tantam deuenit mansuetudinem, vt de illo dicat Scriptura, *Diuina admonitus plaga, dixit: Iustum est subditum esse Deo, & mortalem non paria Deo sentire.* Dan. 4.
3. Reg. 21.
2. Mach.
Et

Et sicut nullum animal potest domare seipsum, sed oportet quæratur homo ad illud domandum : ita nullus potest hominem domare nisi Deus , qui postquam aduersitate hominem domuerit, facit illum filium suum.

Serm. 4. de
verb. Dom.

Audi Diuum Augustinum : *Equus non se domat, camelus non se domat, leo non se domat, sed ut dometur equus, bos, camelus, elephas, queritur homo. Ergo queratur Deus, ut dometur homo; & plerumque profert domitor noster etiam flagella. Si enim tu ad domanda iumenta tua profers virgam, profers flagella; ita Deus profert ad domanda iumenta sua, quia sumus nos, qui de iumentis suis facit filios suos.*

Ibidem.

Dat rationem idem Doctor cur dometur & erudiatur homo, dum ait; *Deus autem tuus, redemptor tuus, & dominator tuus, pater tuus, castigator tuus erudit te, quò? ut accipias hereditatem, ubi non offendas Patrem, sed & hereditatem habeas & ipsum Patrem. Ad hanc spem erudis, & submurmuras?*

In Psal. 93.

Oportet ut hic à Patre erudiaris, antequam Patre in cælo fruaris : non habebis Deum remuneratorem in cælis, quem noluisti habere domitorem in terris. Indignum se præbet filius hæreditate patris, qui respuit disciplinam patris. Dilectionis paternæ probatio, est frequens in filium animaduersio. *Es quis est filius, inquit ille, cui non det disciplinam pater eius? Quod cum facit Deus, ad hereditatem sempiternam nos erudit.*

Apud Lacones, si puer à quodam castigatus, querebam ad patrem detulisset, turpe erat patri, si hoc audito non iterum filium

emen

emendasset. Eam enim ex institutione maiorum de se mutuò fiduciam habebant, ut crederent neminem esse, qui cuiusquam liberis, quos quisque pro suis habebat, quicquam imperaret inhonestum. Itaque omnium seniorum eadem erat in pueros auctoritas, quæ patrum. Non licebat pueris apud illum populum conqueri de castigatione, aut disciplina à quouis sene exhibita, cum ad illos erudiendos infligeretur; & nos eò impudentiæ devenimus, ut conqueramur & submurmuremus de flagellatione, aut tribulatione, quæ nobis à Deo Patre ad maiorem utilitatem nostram, hoc est, ad hæreditatem cælestem, immittitur, vel permittitur? *Non timeas flagellari, sed ex-* In Psal.
heredari, inquit Augustinus.

F Interdum similes sumus illis pueris sub pædagogo constitutis, de quibus loquitur Basilus, qui castigatione irati scindunt libellos: patri verò consulenti, ac cibum prohibenti vestem concerpunt, vel matris ora vnguibus petunt. Tunc illis similes efficimur, dum flagellari indignamur, vel de afflictatione murmuramus in Deum, aut proximum, nos ipsos excruciantes, vel dum insurgimus in affligentes nos, illisque paria reddere contendimus. Pudëat nos, quod grandæviam ætatem iactemus, & tamen pueros imitemur: volumus viri haberi, & nolumus viriliter, sed pueriliter agere. Sumus ætate viri, & moribus pueri. Idcirco tribulatione, tanquam pædagogo indignemur.

Sicut enim pueri præsentem pædagogo non audent illicita perpetrare, sed coërcentur,

E manent

manéntque sub ferula; illo autem absente ludunt, lasciuunt ac ineptè se gerunt: ita premente nos aliqua calamitate, de nulla cogitamus voluptate, cessat risus, à ludo, ab illecebris abstinemus; ipsa autem cessante, de Deo minimè cogitamus, voluptatibus indulgemus, ac pro libito viuimus. Ideo valdè nobis necessaria est aduersitas ad nostram lasciuiam edomandam, & ad nostros illicitos motus refrænandos: nam, teste Augustino, *flagellum interius, & exterius glorificat creatorem, compellit nolentem, erudit ignorantem, excitat torpentem, humiliat superbientem, purgat penitentem, coronat innocentem.* Ne igitur recuses, quod omnibus prodest: sustine flagellari, qui speras coronari.


In Psal.

Vis autem scire quinam sint pædagogi tui, vel flagella tua? Interdum vicinus tuus, frater tuus, dominus tuus, superior, aut subditus tuus, rixosa vxor, morosus maritus, domestici tui; nam *inimici hominis domestici eius.* Illis aliquando Deus utitur ad domandum nos, permittens vt vel flagello linguæ suæ nos percutiant, conuiciis lacessant, aliis iniuriis nos afficiant. Abelis pædagogus, aut potius flagellum fuit Cain: pædagogi Ioseph fuerunt fratres eius: pædagogi Regis Pharaonis fuerunt muscæ, ranæ & cyniphes, quibus flagellabatur, & tamen non conuertebatur: Saül, Semei, & alij quamplurimi fuerunt Dauidi veluti pædagogi, qui illum verbis & factis crudeliter diuexarunt. Habent etiam Reges suos pædagogos, suæque flagella, & tu nullum vis habere? Scito infirmitatem tuam, inopiam

inopiam tuam, & aliquando filium tuum esse flagellum tuum: Deus namque variis pædagogis, variisque flagellis vitur pro varietate morum in nobis corrigendorum, vel pro nostro augendo merito. *Misericors Deus fieri hac omnia permittit, ut per omnia famulos suos clariores efficiat,* ait Chrysostomus, Super c. 39. Gen.

Afflictiones propriè iustis & Christianis immittuntur, suntque signum dilectionis, & electionis diuinæ; idcirco patienter ferenda.

CAPVT VIII.

A  **STENDIT** regius psalter, quibus præcipuè contingant afflictiones, dum ait; *Multa tribulationes iustorum.* Psal. 35. Iusti sunt qui multas, iniusti qui paucas, aut nullas patiuntur aduersitates. Ideo hunc locum explanans D. Augustinus sic scribit: August. *Iniusti pauciores habent tribulationes; iusti verò multas habent. Sed post paucas tribulationes, aut nullas, illi veniunt ad tribulationem sempiternam, unde nunquam eruentur; iusti autem post multas tribulationes veniunt ad pacem sempiternam.*

Ad hoc vocatur homo ad Christianismum, ut scilicet patiatur pro Christo: unde Diuus Petrus; *In hoc, inquit, vocati estis,* id est, ad patiendum, ut exponit Caietanus. Itaque ille non est verè Christianus, qui patienter per-

secutiones & afflictiones non sustinet. Et
Diuus Hieronymus illum errare iudicat, qui
sine persecutionibus se Christianum putat.

Epist.

2. 1.

*Erras, inquit, si putas unquam Christianum
persecutionem non pati.*

In Psal. 55.

Imò Diuus Augustinus censet illum non-
dum cœpisse esse Christianum, qui nondum
cœpit tribulationes pati, aut saltem eum non-
dum piè viuere in Christo, qui nondum per-
secutionem patitur pro Christo. *Si putas, ait,
te nondum habere tribulationes, nondum cœpisti
esse Christianus. Et ubi est vox Apostoli; Omnes
qui volunt in Christo piè viuere, persecutionem
patiuntur? Si ergo non pateris pro Christo ullam
tribulationem, vide, ne nondam cœperis in Christo
piè viuere.*

Lib. de pass.

Qui non est de numero Christianorum,
non est de numero filiorum. Ille autem non
est de numero filiorum, qui non est de nu-
mero afflictorum. Nam, teste eodem doctore,
*flagellat Deus omnem filium, quem recipit, & tu
fortè exceptus eris? si exceptus es à passione flagello-
rum, exceptus es à numero filiorum.*

2. Tim. 3.

Quæres, quomodo vniuersaliter vera sit B
illa Apostoli sententia; *Omnes qui piè volunt
viuere in Christo Iesu, persecutionem patientur.*
Multi enim pij inter Christianos piè viuunt,
& quietè sine persecutione. Respondet Chry-
sostomus, per persecutionem hic intelligi
omnes difficultates, labores, dolores, & an-
gore, quos patiuntur ij, qui student pietati,
dum concupiscentias frænare, continentia,
humilitati, temperantiæ studere, piis labori-
bus insistere conantur.

Vel,

Vel, per persecutiones intelligimus tentationes diaboli, de quo sic Hieronymus: *Persequitur me hostis, cui nomina mille, mille nocendi artes.* Et Diuus Augustinus: *Non, inquit, quia diabolus modò per reges non sauit, ideo non Christiani persecutionem patiuntur. Si mortuus est diabolus, mortuæ sunt persecutiones. Si autem ille aduersarius noster uiuit, unde non tentationes suggerit? unde non sauit? unde non minas & scandala procurat?* Nimirum sciat Christianus se non vocari ad otium, delicias & ad gaudia, sed semper sibi ob oculos proponat illud Sapientis: *Fili, accedens ad seruitutem Dei, sta in iustitia & timore, & præpara animam tuam ad tentationem.*

Epist. 1. ad
Heliod.

In Psal.
124.

Ecclef. 1.

Qui bellum diabolo indixere, illos diabolus tentare, & perturbare, siue per se, siue per alios non desinit; quos autem quieto iure se possidere sentit, tentare negligit. Sed quia proprium Christianorum est insurgere in dæmonem & vitia, ideo præcipuè proprium erit & Christianorum agitari, affligi, impeti vel à dæmone, vel à sequacibus suis: non est cum illis pax ineunda, aliud est tempus pacis & quietis. Recordemur igitur nos esse athletas & pugiles, quos non decet otio, & deliciis vacare. Audi Chrysostomum; *Impossibile est, inquit, ut qui malis bellum indixerit, pressuris careat; nefas est pugilem Dei vacare deliciis, non licet epulari luctantem; luctamen enim sunt præsentia omnia, certamen, bellum, pressura, angustia, stadium. Aliud est quietis tempus, hoc arumnis deputatum est, atque sudoribus, nullus ubi ad certamen se exiit, unctisque est, requiem querit. Si*

In Epist. 1.
ad Tim. 3.

*enim requiem quæris, cur te exuisti? cur libidinibus
& natura bellum indixisti?*

- Præterea, dicimus pios persecutionem pati, dum de mala vita impiorum, à quibus odio habentur, dolent & cruciantur, ut cum
 Psal. 118. Dauide dicat; *Vidi prauaricantes, & tabescebam.*
 2. Petr. 2. Pessima Sodomitarum vita valde Loth cruciatur, de quibus sic Apostolus: *Iustam animam iniquis operationibus cruciabant.* Vnde Diuus Augustinus: *Loth, inquit, persecutionem patiebatur, non vapulando, sed malos videndo.*
 Aug. Nam, teste Prospero, *magnus bonorum labor est mores tolerare contrarios.*
 D. Prosp. in sentent.

Itaque, siue in extinguendis vitiis, & incumbendo virtuti, siue à dæmone, aut ab impiis impetentibus, siue ab iniqua malorum vita, aut quouis alio modo, semper iusti & Christiani in hac vita afflictabuntur, & laboribus atque angustiis prementur. Hoc asserit Chrysostomus; *A Christiana vita, inquit, insolubile vinculum est tribulatio.*

Hom. 67.
ad pop.

Liuius.

Gloriabantur olim Romani, teste Liuius, quod fortia agerent, fortiaque paterentur, atque in hoc potissimum agnosci Romanum asseuerabant. Ideo hæc euentilare solebant; fortia agere & pati Romanum est. Sed verius hoc de Christianis dicatur; cum bonâ agere, & mala pati Christianum sit, alioqui non merebitur ille Christianus vocari, qui Christi vestigia noluerit sectari. Itaque non est illi murmurandum, si aliquid graue sibi fit tolerandum. Vnde Augustinus; *Non murmures Christianus, videat, cuius vestigia sequatur.* Et alibi ad Lippium scribens ostendit non

In Psal. 33.

non esse mirandum si membra caput suum sequantur, cum Christus nostrum sit caput, nosque membra eius, consentaneum est ut illum sequamur. *Noli, inquit, mirari si postquam Christianus effectus es, mille te undique tribulationes vexent, quoniam Christus nostra Religionis caput est, nosque membra eius sumus: debemus ergo non solum eum, sed & vitam eius cumulatissime sequi; vita enim Christi respersa fuit angustis plurimis, &c.*

Epist. ad
Lippium.

Verum aliquid adiungit idem doctor, *Ibidem:* quod non parum nobis affert consolationis, cum ex tribulationibus quæ nobis à Deo immittuntur, si patienter ferantur, coniectare possimus nos esse de numero electorum. *Coniectura est, inquit, cum te Deus immensis persecutionibus corripit, te in electorum suorum numerum destinasse.* Propterea alibi nos hortatur ne depellamus flagellum, si ab hæreditate nolumus repelli. Sic enim ait; *Noli depellere flagellum, si non vis repelli ab hæreditate; nec attendas quam pœnam subeas in flagello, sed quem locum teneas in testamento.*

In Psal. 111.

- D** Qui eligitur à Deo, diligitur ab eo; qui autem diligitur, ut plurimum donis & muneribus cumulatur. Vis scire quænam sint dona quæ Deus iustis elargitur? Audi quid quibusdam dicat Apostolus: *Vobis donatum est pro Christo, non solum ut in eum credatis, sed ut etiam pro illo patiamini.* Vbi expendendum est, quanti fecerit, quantumque commendauerit Apostolus laborum tolerantiam, cum illam cum fide copulauerit. Magnum sanè & illustre Dei in nobis donum ac beneficium

Philip 2.

In lib. de
præd. Sancti.

Lib. 9. mor.
6. 35.

AA. 9.

Tob. 12.

exitit, cum nobis Christi fidem, sine qua salui esse non possumus, donauit; sed magnum etiam existimauit Paulus nobis datum esse, ut pro Christo patiamur. Vnde Augustinus: *Verumque, ait, ad gratiam pertinet, & fides credentium & tolerantia patientium, quia verumque dixit esse donatum.* Quid autem inde colligendum sit, ostendit Gregorius, dum ait: *Electos Dei cernimus, & pia agere, & crudelia multa tolerare. Hinc ergo colligitur, quanta districtus Index illis ferat districtione quos reprobat, si hic sic cruciat, quos amat.*

Volens Christus ostendere hunc Apostolum Paulum fuisse ab eo electum, ait Ananias: *Vas electionis est mihi*, statimque subiunxit: *Ego ostendam illi quanta oporteat eum pro nomine meo pati.* Id est, ex eo quod illum multis laboribus afficiam, cognoscetis, quanti ego illum faciam. Cum videris illum multa incommoda, multasque pro me subire calamitates, inde iudicare poteris eum à me fuisse electum.

Cum Angelus Tobiae explicaret causam cæcitatis eius, ait illi: *Quia acceptus eras Deo, necesse fuit ut tentatio probaret te.* Quasi dicat: qui acceptatur à Deo, flagellatur ab eo; gratis, & acceptis dona conferuntur. Erit igitur tribulatio, acceptationis manifestatio. Videas, quæso, sculptorem in officina sua plures arborum truncos habentem, hunc dimittere intactum: illum verò eligere, ut ex illo imaginem aliquam, verbi gratia, Beati Francisci, elaboret, quem variis ferramentis secat, expolit tot ictibus, ut lignum illud si sensum,

sensum, linguamque haberet, de ipso artifice valde cōqueri posset, quòd alio ligno intacto se ita cruciat. Posset autē sculptor respondere, illud igni referuare, quia nodos habet, aut aliquas alias maculas, quæ ipsum omnino ineptum reddunt ad talem ex eo conficiendam imaginem: alio verò ut ligno, quia est aptum ad tale opus. Sic supremus ille artifex Deus sanctos suos excudit: sic Beatum Franciscum plagis suis insignitum elaborauit: sic Martyres variis cruciatibus affici permisit, quia apti erant ut sancti efficerentur. Cæteri autem in quibus insunt vitiorum nodi, igni referuantur tartareo.

E Cùm immortalis Deus sanxit fœdus cum Noë, nunquam deinde aquarum eluione terram dissipandi, dixit: *Arcum meum ponam* Genes. 9.
in nubibus, & erit signum fœderis inter me, & inter terram. Mirum profectò signum: Iris enim procelloso tempore, magnisque imbribus pleno apparere solet. Atque idcirco Aristoteles censet Iridem fieri ex nube iam rorida, nondum tamen in pluuiam effusa; & ibidem subiungit Philosophus; Iris perfectissimè representatur in nigerrima nube. Quod cùm ita se habeat, Iris procellam potius & diluuium, quàm pacem & serenitatem significat. Qua ergo ratione in signum pacis & fœderis constituitur? Et quidem, cùm præpotens Deus pacis & belli, turbinis ac serenitatis Dominus sit, illud signum pacis & serenitatis statuere potest, quod natura sua dissensiones, tempestatesque portendebat. Eodem igitur modo, labores quibus iusti à Deo

Lib. 3. mete.
cap. 4.

premuntur , odium sanè & malevolentiam videbantur significare : sunt tamen certissima diuini amoris , benevolentia & electionis argumenta.

Osee 2.

De peccatoribus sic olim loquebatur Deus per Prophetam : *Dabo eis vallem Achor ad aperiendum spem.* Quid quæso spei & valli Achor ? Achor vallis est , vbi Achan suffuratus nonnulla ex anathemate Hiericho , turbauit populum Israël. Achan autem , secundum Lyranum significat idem quod tribulatio. Vallis igitur illa tribulationem importat , quia in ea tribulatus est populus propter furtum Achan. Hæc autem vallis datur ad aperiendam spem , quia tribulatio spem aperit nobis diuinæ misericordiæ , ideo enim Deus nos hic tribulationibus quatit , vt in æternum parcat.

Hester 5.

Est tribulatio velut aurea virga Regis Assueri , in cuius palatium si quis non vocatus ingrediebatur , sine cunctatione interficiebatur , nisi , ait Scriptura , *Rex auream virgam ad eum tetenderit pro signo clementia.* Idcirco Regina Hester ingredi non audebat. *Quomodo*, inquit , *ad Regem intrare potero ?* Non dum enim senserat huiusmodi virgam. Tandem extendit Rex contra eam virgam auream , quam tenebat manu. Et quia huiusmodi virgæ extensio , erat regij amoris ostensio ; ideo Hester accedens osculata est summitatem virgæ. Fili mi , habes vnde læteris , si dignus sis qui virga afflictionis tangaris. Exosculandæ igitur sunt tribulationes , tanquam argumenta & indicia diuinæ dilectionis ; quos enim Deus

Cap. 6.

amat,

amat, castigat. Vide quid in Apocalypsi dicat: *Ego quos amo, arguo & castigo.* In quem locum sic Rupertus: *Non est mos sapientia, ut quem diligit, quasi filium, permittat iuueniliter extolli, & euanesce- re; sed amat, & ideo castigat, & lasciuientem coërcet, & quem infantem lactauit, eum nimis verbosum atque inconsultum uerberat & uirga percutit.*

Apoc. 3.

Rup.

F Solet Deus, teste Haymone, electos tractare more pij & prudentis patris duos filios habentis, quorum vnum, quem diligit, & suorum bonorum hæredem relinquere statuit, durè tractat, & in seuerâ continet disciplina, delinquentem grauitè increpat, nullumque peccatum eius dissimulat & impunitum dimittit, cibi & potus, & vestitus, aliorumque commodorum & bonorum parcissimum ei concedit vsum. Alterum verò filium, quem sibi hæredem non destinat, suæ ipsi voluntati permittit, comedendi & bibendi licentiam tribuit, ad ambulandum quandocunque & vbicunque voluerit, libertatem concedit. Similiter Deus iustos multis & variis tribulationibus affligit, non finit eos ad votum viuere. Audi Gregorium: *Transitorio hic uerberè affliguntur electi, ut à prauitate flagella corripiant, quos paternâ pietas ad hæreditatem seruat, &c.* Diuus quoque Augustinus ad hoc propositum, quid timendum sit, ostendit: *Non timeas*, inquit, *flagellari, sed exhæredari.* Sed non exhæredabitur, qui flagellabitur, & patienter flagella patietur. Præcipua igitur hominis commendatio apud Deum est, ab ipso corripì & castigari.

Lib. 21.
mor. 6.4.

Aug. sup.
Psal.

Habet

Pfal. 30.

Lib. II.

Habet se Deus ad modum medici, qui dum videt infirmo nullam inesse spem recuperandæ valetudinis, omnia illi permittit, & concedit, ut ad libitum comedat & bibat: ei autem quem sanandum credit, multa denegat, potiones amaras præscribit, nec finit illum vivere ad votum. Ita Deus reprobos, quos propter sua scelera æterna manent supplicia, in suis deliciis volutari, atque voluptatibus & oblectamentis gaudere sæpe permittit: quia vitulus, qui occisioni præparatur, liberius pascuis faginari permittitur; de ipsis sic Dominus: *Dimisi eos secundum desideria cordis eorum.* Iusti autem, qui nunc temporalibus atteruntur flagellis, ab æterno sunt liberandi supplicio, & ad æterna gaudia transferendi. Audi eundem Greg. *Iniustus ad debitam mortem currens effrenatus voluntatibus vivit, quia & vituli qui mactandi sunt, in liberis pascuis relinquuntur. At contra iustus à delectationis transitoria incunditate restringitur, quia & vitulus ad laboris usum deputatus, sub iugo tenetur.* Negantur electis hic bona terrena, quia agris quibus spes vivendi est, nequaquam cuncta que desiderant à medico conceduntur. Dantur reprobis bona que petunt: quia desperatis agris omne quod desiderant, non negatur.

Si Rex vellet quempiam eodem panno indui, iisdemque cibis vesci, quibus ipse vitur, nonne hoc esset maximæ benevolentia signum? Percunctare, precor, quo panno fuit Christus Rex noster in hac vita indutus, & quo cibo nutritus, id est, quomodo circa illum se gesserint homines, & audies quod
secun

secundum Prophetam; *saturatus est opprobriis*; non cibis delicatissimis, sed opprobriis, contumeliis & flagellis erat saturandus, per quem famelici saturantur. Pauperem vitam degit: vivebat ex mendicatis, vel ex oblatiis; iniuriis afficiebatur: multa denique aduersa pro nobis sustinuit. Si velit igitur, ut pauper sis, sicut & ille, inopia premaris, laboribus & flagellis atteraris, & similia, quæ ipse pertulit, patiaris, cur doles? cur conquereris, cum hæc sint diuinæ amicitiae argumenta? Nonne discipulos suos Christus amavit, qui eos ad passionem & tormenta misit? Vis videre signum huius amicitiae? Audi Gregorium: *Electos*, inquit, *Apostolos Dominus non ad mundi gaudia, sed sicut ipse missus est ad passiones, in mundum mittit. Quia ergo & filius amatur à Patre, & tamen ad passionem mittitur: ita & discipuli à Domino amantur, qui tamen ad passionem mittuntur in mundum. Itaque rectè dicitur: Sicut misit me Pater, & ego mitto vos; id est, ea charitate vos diligo, cum inter scandala persecutorum mitto, quam me charitate Pater diligit, quem venire ad tolerandas passiones fecit.* Eodem, aut simili modo fuerunt omnes tractati, qui à Deo sunt attracti. Sic affliguntur, qui à Deo eliguntur. Eos mundus persequitur, quos Deus amore prosequitur. Has patiuntur sortes, qui æternæ gloriæ futuri sunt consortes.

Thren. 3.

Hom. 26.
in Euang.

Existimat Diuus Chrysostomus illum non esse iustum, qui tribulationis est expers. *Non potest dicere*, inquit, *quia iustus est aliquis, qui expers tribulationis existat.* Tribulatione igitur dignoscitur iustus, quia tribulationes potissimum

Hom. 29. in
Epist. ad
Hebr.

Greg.

simum iustorum sunt. Vide quid de Diuo Ioanne Baptista dicat Gregorius, & quid inde colligendum sit. *Quid est*, ait, *quod Dei voce Ioannes laudatur: veruntamen caput eius truncatur: a gressibus cibis vescitur, & ab hominibus despicitur? Hinc ergo unusquisque colligat, quid illis sint passuri quos reprobat, si sic hic cruciat quos amat.*

Hom. 1. ad
pop.

Sed cur Deus iustos & electos sic affligari, H ac calamitatibus exerceri permittit? Idem Chrysostomus has assignat rationes. Prima est, ne propter meritorum magnitudinem, & miraculorum donum extollantur.

Secunda, ne cæteri maiorem habeant de ipsis opinionem, quàm humana patitur natura, & plus quàm homines illos arbitrentur.

Tertia, ut illorum patientia in sustinendis aduersitatibus manifesta fiat, & constet, non propter mercedem temporalem, sed purè & sincerè illos diligere Deum, ei que inservire.

Quarta, ut de resurrectione cogitemus. Cum enim iustos hic premi intelligimus, oportet ex hoc omnino aliquid de illo iudicio cogitemus, ubi remunerabuntur illorum labores.

Quinta, ne dum inuitamur ad eorum virtutes amplectendas, torpeamus ad imitationem, existimantes ipsos propter gestorum excessum alterius naturæ fuisse participes.

Sexta, ut qui graua patiuntur, sufficientem habeant consolationem & mitigationem, respicientes in illorum afflictionem.

Hom. 6. ad
pop.

Septima, ut animus noster ab amore temporalium bonorum auocaretur ad amanda æterna.

æterna. Si enim, cùm sint tot tristitia, tot pericula, & curæ, tam libenter præsentì immoramur vitæ; si nihil horum esset, omnisque ærumnæ expers esset vita nostra, nunquam futura desideraremus. Ideo secundum Gregorium Deus solet fœlicitatibus huius sæculi quasdam miscere amaritudines, vt hæc caduca amarescant, & insipida reddantur, atque ita ad cœlestis patriæ desiderium prouocemur. Deus, inquit, donis suis flagella permiscet, vt omne quod nos in sæculo delectat, amarescat, & illud incendium surgat in animo, quod nos semper ad cœlestē desiderium excitet.

Greg. super
Ezech.

Aliam quoque rationem affert idem doctor, ob quam Deus permittit suos in hac vita vexari, nimirum, ne via pro patria, aut terra pro cœlo diligatur. *Præsens vita*, inquit, *viam est qua ad patriam tendimus*, & idcirco hic occulto Dei iudicio frequenti perturbatione conterimur, ne viam pro patria diligamus.

Lib. 23. moral.

Veruntamen quidam præsentibus licet amaritis ita alliciuntur, vt Diuus Augustinus sic exclamare cogatur: *O infœlicitas generis humani! amarus est mundus, & diligitur. Putas si dulcis esset, qualiter amaretur? Turbatur mundus, & amatur, quid si tranquillus esset? flores eius quomodo colligeres, qui à spinis non reuocas manum?*

Serm. 3. de
Tēp. & 149.

I Meritò iusti comparantur *uix*, quæ non producit, vt duntaxat in vite pendeat, sed vt ex illa vinum profluat; ideo necesse est prematur & conculcet, nec propterea sit ei iniuria, imò nisi talis iniuria accederet, sterilis remaneret. Sic necesse est, vt electi tribulationibus premantur, ne steriles relinquantur

quantur : hoc enim actō grati Deo efficiuntur. Hæc similitudo est eiusdem Augustini.

In Psal. 55. *Vna*, inquit, in vite pressuram non sentit, integra videtur, sed nihil inde manat : mittitur in torculari, calcatur, premitur, iniuria videtur fieri *vna*, sed ista iniuria sterilis non est ; imò si nulla iniuria accederet, sterilis remaneret. Eadem similitudi-

In Psal. 83. ne vititur alibi idem doctor. *Vna*, inquit, pendet in vitibus, & oliua in arboribus : his enim duobus solent torcularia preparari, & quandiu pendens in frutetis suis libero aëre perfruuntur, & nec *vna* vinum est, nec oliua oleum ante pressuram. Sic sunt homines, quos prædestinat Deus ante sæcula, contribulabuntur, cõterentur, comprimentur, non ut in hoc sæculo pereant, sed ut defluant in apothecas Dei. Gaudeas igitur, si in hac vita calamitate premaris, & fac ut libenti animo patiaris, ut hoc pacto filius regni efficiaris.

Vis autem scire quàm grati sint Christianorum labores ? Certè istud est valdè observandum. In veteri lege temporalia bona, quæ naturaliter homines expetunt, promittebantur, ut patet apud Isaiam : Si volueritis, & audieritis me, bona terra comedetis. Et apud Exodum sic etiam Deus ad populum suum ; Si audieris, inquit, vocem Domini Dei tui, &c. cunctum languorem, quem posui in Ægypto, non inducam super te. Sed quamvis ista promitterentur, pauci tamen ex Gentibus conuertebantur. At verò in lege Euangelica promisit Christus labores & persecutiones, & tamen quamplurimi illum securi sunt, suamque legem sunt amplexati. Cur ita ? Quia sciebant Christianorum esse crucem baiulare, dicente

Isai. x.

Exod. 15.

dicente Domino: *Qui non baiulat crucem suam*, Luc. 14.
& venit post me, non potest meus esse discipulus.
 Ille baiulat crucem suam, qui sibi occurrentes labores, & cruciatus patienter pro Christo fert. Ille verò crucem rejicit, qui molestias sibi oblatas pro Christo ferre non vult, vel impatienter tolerat. Sciebat etiam aduersa patienter ferentibus vitam promitti æternam, quæ in veteri lege non ita promittebatur; ideo tam liberè, sicut modò, tribulatio, aut persecutio non ferebatur. Itaque non te pœniteat esse de numero afflictorum, cùm sis de numero Christianorum, vel iustorum, & cùm societatem speres beatorum. Lapidés in sublimi conspicuòque ædificij loco statuendi, pluribus quàm alij percussionibus dolantur: sic in sublimiori throno cœli collocandi homines, pluribus quàm cæteri cruciatibus expoliuntur.

*Nobiscum est Deus cùm afflictamur,
 ideo libenti animo patiamur.*

CAPVT IX.

A



VAMVIS Deus sua immensitate ubique sit: peculiari tamen modo, siue auxilio, in tribulatione constituto se adesse testatur: *Cam ipso sum in tribulatione.* Proponamus nobis Ioseph, quem missum à fratribus in cisternam veterem

Plal. 90.

Gen. 37.

F. Deus

Sap. 10.

Deus non dereliquit, sed, vt ait Sapiens, *descendit cum illo in foveam*: quæ quidem cisterna, vt tradit Rabbi Solomon, plena erat serpentum & scorpionum, à quibus illum defendebat, qui cum illo descendebat: de qua tandem fecit vt extraheretur, & sicut proiectum non reliquerat, extractum non deseruit; imò cum illo Ismaëlitis vendito in Ægyptum iuit, vbi denuò venditum, falsò accusatum, & in carcerem coniectum nunquam dereliquit; de ipso sic Scriptura, *Domini-
nus erat cum illo*. Vnde Ambrosius: *Inaudita*

Lib. de Ioseph c. 5.

*causa & inexplorata fide veri, tanquam reus criminis in carcerem Ioseph mittitur, sed eum Dominus nec in carcere deseruit. Non turbentur innocentes, cum falsis criminibus appetuntur, & oppressa iustitia detruduntur in carcerem: visitat Deus & in carcere suos; & ideo ibi est plus auxilij, ubi est plus periculi. Quò non penetrat diuina misericordia? Vide quomodo Deus illum comitabatur, qui pro Deo hæc aduersa libenter patiebatur; ideo per continuos quatuordecim annos variè vexatum, tandem in altissimum honoris, & principatus fastigium euexit, atque ita labores quatuordecim annorum ab eo patienter tolerati, prosperitate & tranquillitate octoginta annorum fuerunt compensati; nam *triginta annorum erat Ioseph, quando stetit in conspectu Pharaonis*. Et mortuus est anno centesimo decimo vitæ suæ, & post mortem requiem obtinuit sempiternam. Ecce quomodo præmiatur ac compensetur patientia ab omnipotenti Deo, qui à patientibus non recedit.*

Gen. 41.
Gen. 50.

Non

Non deseruit Dominus populum Israëliticum in afflictione constitutum, & captiuitate Ægyptiaca pressum, & vt innueret se esse in medio illius, voluit in medio rubi Moyfi apparere. *Apparuit ei Dominus in flamma ignis de medio rubi, & videbat, quid rubus arderet, & non combureretur.* Ibi testatur se vidisse afflictionem populi sui. *Vidi afflictionem populi mei.* Apparens autem Dominus in rubo igne non consumpto, ostendit verè adesse afflictis in ipsum sperantibus. Sicut enim rubus qui ardebat, non comburebatur; sic afflictione pressus, ea non consumitur, quia adest Dominus. *Hoc rubo, inquit Theodoretus, significatur Israëllem ab Ægyptiis inimicis non consumendum.* Philo quoque in vita Moyfis scribit huiusmodi rubum ardentem, & incombustum nos quodammodo adhortari, ne dum affligimur, animo cadamus, & ne succumbamus. *Rubus, inquit, frutex est debilis, & senticosus, ut vel solo tactu vulneret, nec tamen absumitur ignis voraci natura; imò conseruatur etiam qualis antea fuit permanens; adeò nihil amittens, ut nitesceret etiam: hac designabant exhortationem quandam clamantem pressis calamitate: Nolite succumbere.*

B Præterea rubus Pharaonem, & Ægyptios populum Dei diuexantes designabat. Rubus enim pungit, & cruentat, & quem semel detinet, non dimittit quin laceret. Sic Pharaon volebat populum dimittere, licet multoties dixerit ei Dominus per Moysem: *Dimitte populum meum.* At ille respondebat; *Israël non dimittam.* Tandem ipse variis plagis percussus,

dimittere cogitur, quos multis laboribus vexauerat. Habet quoque rubus quandam cum Ægypto similitudinem: est enim rubus colubris, serpentibus, aliisque venenatis reptilibus amicus, & ideo à rubo dicitur rubeta quædam rana venenosa, quæ rubos inhabitat. Vnde iuxta rubos dormire non est tutum propter huiusmodi venenata. Ægyptus etiâ, præcipuè in superiori parte, abūdat basiliscis, tigribus, aspidibus, serpentibus, & similibus venenatis animalibus. In inferiori verò hippopotamis, & crocodillis. Rubum etiâ in quo apparuit Dominus, Ægyptum specialiter significare dicimus: quia sicut iste rubus ardebat, & non comburebatur: sic Ægyptus ardere dicitur propter penuriam imbrium, & pluuiarum ærem refrigerantium. Vnde, secundum Pierium, antiqui corde in ardenti ara posito Ægyptum repræsentare consueverant: non tamen propterea comburuntur fruges, nec habitatores illius terræ. Apparet igitur Dominus in rubo senticoso, serpentibus amico, ut innuat afflictis adesse, etiamsi inter spinas, & serpentes versentur. Voluit Dominus spinis circundari, cuius populus circundabatur afflictionibus; scriptum est enim: *Iuxta est Dominus his qui tribulato sunt corde.*

Lib. 34. hic-
rog.

Psal. 33.

Super Psal.

Est & rubus tribulationis hieroglyphicum, ut notat Hesychius. Nam sicut rubus suis aculeis defendit & protegit, quod cingit; ita tribulatio, quem premit. Vnde Augustinus: *flagellum interius, & exterius custodit virtutem, protegit infirmantem.* Præterea, sicut
rubus

rubus corpus nostrum pungit & torquet; sic tribulatio animam nostram vellicat & lacerat, sed vtiliter, si feratur patienter, & conuertatur qui pungitur. Audi Bernardum: *Spina* Serm. 48. in Cant.
pœna est, spina falsus frater, spina vicinus malus. Bene pungeris, si compungeris; multi cum sentiunt pœnam, corrigunt culpam, & talis dicere potest: Conuersus sum in ærumna mea, dum configitur spina. Non cauet, neque horret spinas qui apparet inter spinas, quando sui sentiunt ærumnas, melius est igitur esse cum illo inter spinas, quàm sine illo inter rosas.

C Existentibus tribus pueris in fornace Babylonica visus est vnus, cuius species similis erat filio Dei; illum Tertullianus affirmat fuisse Christum humana figura apparentem. Dan. 3. Lib. 4. cōtra Marc. c. 13. Vides quomodo Deus afflictos atque vexatos sequatur. Si spinis vexentur, in spinis apparet; si in caminum iniiciantur, in camino videtur; vt illis adesse demonstret. Narrat Perrus de Natalibus Dionysium quendam, Lib. 9. cap. 41. missum in clibanum, dixisse: *Et eris hic mecum bone Iesu?* Quasi diceret; malo esse tecum in clibano, quàm sine te extra clibanum; imò melius est esse in camino cum ipso, quàm in cœlo sine ipso. Si itaque tibi contingat in aliquam cadere aduersitatem, dic; *Esto mecum Domine Iesu.* Ipse enim est; qui vt afflictum soletur, ait: *Ne timeas, quia ego tecum sum.* Isai. 41. Diuo Anthonio & Catharinæ Senensi, post diras vexationes dæmonum & tentationes, de Christo sciscitantibus, *Vbi tunc erat;* respondit ipse, ibidem fuisse se nō spectatorem tantum, sed & adiutorem. Audiamus Diuum

- In Psal. 90. Augustinum. *Noli timere, inquit, quando tribulatus, ne quasi non sit Deus tecum: fides sit tecum, & Deus est tecum in tribulatione.* Beatus quoque
- Serm. 17. Bernardus sciens Deum tribulato adesse, nihil aliud requirebat præter tribulationem: *Cum ipso sum in tribulatione, ait Deus: & ego interim aliud requiram, quam tribulationem?* Descendit Deus, ut propè sit his qui tribulato sunt corde; sed quando differt auxiliari, videtur stare post parietem, respicere per fenestras, prospicere per cancellos.
- Cant. 1.

Psal. 66. Observat is, quem vocant Hieronymum in Psalmos, antequam tentaretur Iob, ei nunquam loquutum Deum, venisse autem postquam tentatus est, ac familiariter egisse, quasi cum amico amicum. *Respondit Deus Iob de turbine, quasi latens, sed præsens in tribulatione.*

Iob. 39. *Et quia, inquit Gregorius, flagellato loquitur, de turbine locutus fuisse describitur.* Illum irridebat vxor, illum deseruerant amici, omni humano destituebatur auxilio, solus Deus, quamvis latens, aderat, cuius recreabatur præsentia. Dicat igitur ille author: *Veniant plaga, & omnia pœnarum genera, dummodo post plagas Christus adueniat.*

Ex his quæ Christus in finali iudicio bonis dicturus est, liquidò constat nobiscum esse in tribulatione. Dicit enim; *Esuriui, & dedistis mihi manducare. Sitivi, & dedistis mihi bibere. Hôspes eram, & collegistis me. Nudus, & operuistis me.* Propter quæ remunerabuntur iusti, non quodd ea ipsi Christo impenderint, sed aliis in quibus Christus pati dicitur, & cum quibus erat, cum talia paterentur. Si enim

enim Paulus infirmabatur cum infirmantibus, flebat cum flentibus; quāto magis Christus, qui nos plusquā Paulus diligit?

D. Qui igitur fuit cum Ioseph in carcere; cum Iob in sterquilinio; cum tribus pueris in fornace; cum Daniele in lacu leonum; cum Iona in ventre ceti; cum Dauide, grandinante super eum tempestate, & persequente eum Saule; cum populo Israëlitico, ipsum vexante Pharaone; cum Paulo in profundo maris; & qui, testante psalmista, est cum homine in tribulatione, quique iuxta est his qui tribulato sunt corde; & qui denique dicturus est se fuisse cum famelicis, cum nudis, & egentibus, cum infirmis, cum incarcerationis; tibi non aderit? Vel Deus tecum est, vel tu in tribulatione non es. Audi Bernardum quærentem & respondentem: *Vnde scimus, inquit, quod nobiscum sit Dominus in tribulatione? Ex eo utique, quod in ipsa tribulatione nos sumus. Quis enim sustineret, quis subsisteret, quis persisteret sine eo?* 2. Cor. 11.
Psal. 90.
Serm. 16. in Cant.

Loquens David de auxilio, quod Deus solet homini cadenti præbere, sic ait: *Cum ceciderit, non collidetur, quia Dominus supponit manum suam.* Psal. 36. Secundum Augustinum: cū scilicet ceciderit in aliquam tribulationem, contumeliam, afflictionem, damna, aut in alia incommoda quæ solent hominibus euenire, in his non collidetur, quia Dominus tanquam præsens, videns, & auxilians supponit manum suam. Videas quendam sursum vitrum proicientem, ut peritè cū cadit, manu colligat: qui vitrum cadens intue-

tur, & peritiam proiicientis ignorat, existimabit vitrum in mille frustra fractum iri: at qui proiicit, cum iam prope terram vitrum accedere videt, brachium admouet, & supponit manum suam, & vitrum excipit incolume. Sic Deus hominem sæpe à se proiicere videtur, dum illum in aduersa cadere sinit: qui hominem in aduersis positum intuetur, existimat actum esse de illo, & in frustra frangendum; verum Dominus supponit manum suam, ut cum ceciderit non collidatur. Cadere videbatur Susanna, cum falso accusata ducebatur ad supplicium; sed Dominus supposuit manum suam, dum Danielem suscitauit, qui eam liberauit. Petrus in mari videbatur mergi, sed Dominus supposuit manum, & illum erexit. Sic multi cadere & cecidisse videbantur, sed Domino manum suam supponente mirabiliter euaserunt.

Dicat itaque Domino Deo vnusquisque. **E** nostrum illud Dauidicum: *Si ambulauero in medio umbra mortis, non timebo mala, quoniam tu mecum es.* Naucerus quidam, ut narrat Plutarchus, Cæsarem vehibat, qui tempestate exorta, eaque perterritus, retrò scaphæ cursum vertere statuebat. At Cæsar; Ne extimescas quicquam, dixit, Cæsarem vehis. Equidem multò meliori iure quisque in mediis tempestatibus, & in omni tribulatione, hac se voce confirmare potest: Ne extimescas, tecum habes Deum. Est enim adiutor in opportunitatibus, in tribulatione. Vnde Bernardus: *Felix, Domine, qui te consolatore, & adiutorem habet.* Deum autem habebis auxiliantem,

Psal. 138.

In vit. Cæf.

Psal. 9.
Serm. 46. in
Cant.

liantem, si credas præsentem. Nam qui diffidit, vel qui credit Deum non esse secum in tribulatione, iniuriam Deo facit, quia illum amico similem credit, qui est amicus secundum tempus suum duntaxat, id est, secundum utilitatem propriam, & non permanet in die tribulationis: quod, teste Poëta, omnino turpe est: Ouid. 3. de Ponto.

*Turpe sequi casum & fortuna cedere, amicum
Et, nisi sit fœlix, esse negare suum.*

Commendat Seneca paupertatem, & in ea omnes alias aduersitates, quod per eas à quibus verè, vel fictè diligamur, cognoscimus. [Ad hoc vnum, *inquit*, amanda est paupertas, quod à quibus ameris, ostendat.] Sunt aliqui veluti argentum viuum, quod alij Mercurium vocant, quod quærit semper auro vni-ri; veruntamen, si aurum ut probetur, in ignem mittatur, statim huiusmodi argentum relicto auro in fumum conuertitur. Sic ficti amici quos vident diuitiis & potentia affluere, sequuntur: verum si in ignem afflictionis, aut in fornacem tribulationis incidant, statim eos deserunt, de quibus Sapiens: *Socij* Eccl. 6.
mensa, non permanentes in die necessitatis. Ita autem de Domino sentire nimis impium esset, Prou. 17.
cùm ipse sit *verus amicus, qui omni tempore diligit*: & qui ideo permittit nos cadere in tribulationem, ut sit nobiscum in tribulatione. Nónne audiui- mus illum mansisse in fornace cum tribus pueris, imò apparuisse, quandiu in illa manserunt? Non deseruit Laurentium dum in craticula superpositus vreretur; nec alios Martyres dum cruciarentur. Non etiam

Isai. 43.

deferet te aduersa patientem. Audi quid dicat; Cum transferis per aquas, tecum ero: cum ambulaueris in igne, non combureris, & flamma non ardebit in te. Noli timere, quia ego tecum sum. Deum etiam nobiscum esse affirmat Seneca, dum sic inculcat; [Propè est à te, tecum est, intus est.]

Epist. 41.

Dices; si Deus adsit afflictis, cur eos statim F ab afflictione non liberat? Responder Diuus Augustinus pulchra quadam similitudine: Propè Deus est, inquit, ibi est: nondum dedisti quod vis; ibi tamen est. Quomodo medicus, si fortè aliquòd imponat, vel oculo, vel visceribus, quod urendo sanat; si roget ager ut tollatur illi, medicus spectat tempus, non facit quod rogat ager; non tamen recedit: & propè est, & non facit; & ideo magis non facit, quia propè est, curando enim imposuit, quod imposuit; & curando non facit quod rogatur. Non te exaudit ad præsentem voluntatē, exaudiendo ad futuram sanitatem, & hoc utique ad voluntatem. Nam utique sanus esse non vult, qui vri non vult. Ostendit ille doctor Deum non recedere ab afflicto, licet ab eius recedat voluntate: optaret enim afflicto citò liberari; sed Deus qui præsens est, non tollit afflictionem, quando ille petit, sed quando ei expedit.

In Psal.
144.Serm. 1. in
Psal. 118.

Cæterum, non tantum Deus tecum est cum afflictaris, tribularis, cruciaris: sed & cum epularis, fornicaris, deliciaris. Putas, inquit Ambrosius, te solum esse cum fornicaris, & non recordaris quia oculi Domini vident orbem terrarum? Putas quod in lupanari Christus te non videat, quem vides lupanar ingredientem? Putas quod

quod in adulterio te non deprehendet, quem videt
adulterium cogitantem? Est igitur nobis Deus
semper proponendus, ut illo spectante & fe-
ramus aduersa, & fugiamus illicita; qui enim
videt & reficit laborantes, videt etiam & pu-
nit peccantes. Propterea sume hoc Senecæ
salutare consilium; [Sic viue cum hominibus, Epist. 10.
tanquam Deus videat: sic loquere cum Deo,
tanquam homines videant.] Dicam & ego.
Sic sustine cum hominibus, tanquam Deus
videat: sic patere pro Deo, ac si homines vi-
deant.

*Tribulationes sunt patienter ferendæ,
quia à Deo mittuntur.*

C A P V T X.

ANONN VLLI cō dementiæ
deuenerunt, ut omnia tam
prospera, quàm aduersa casu,
& non diuina prouidentia ac-
cidere autuinent. Vnde meritò
conquerebatur Hieremias: *Quis est iste, qui* Thren. 3.
*dixit, ut fieret Domino non iubente? ex ore alius-
simi non egredientur, nec mala, nec bona? Quid
murmurauit homo viuens, vir pro peccatis suis?*
vel ut aliqui legunt, Quis est iste, qui dixit,
quòd aliquid factum est Domino non iubente?
Nam, testante alio Propheta, *non est malum* Amos 3.
*in ciuitate, quod non fecerit Dominus. Quod de
malo pœnæ intelligitur, uti sunt morbi, pau-
pertas,*

pertas, & similia mala, quæ cum à Deo emanent, non simpliciter mala, sed mala bona vocari possunt. Quemadmodum, quæ medicus ægroto infert mala meritò bona dicuntur, cum in bonum finem, & ad recuperandam sanitatem conferantur. Hinc Magnus Basilius: *Vnum*, inquit, *hoc habere in mentibus nostris presumptum oportet, quòd ciam si mus boni Dei opificium, & ab illo constemus, omnia circa nos, tam modica quàm magna dispensante, nihil nobis malum sit, aut tale, ut melius illo excogitare possimus.*

Hom. quòd
Deus non
est author
mali.

Libenter bona accipimus de manu Domini, gratanter etiam aduersa accipiamus, dicamúsque Deo, quod olim fortunæ Demetrius; [Tu me extulisti, tu rursus deiicis.]

Lib. 3. natu.
quæst.

Hoc, teste Seneca, ab Æschylo didicerat: nos autem à Iob discamus bonorum oblationem, eorúmque ablationem, ac cætera aduersa à

Iob. 1. & 2.

Deo emanare: sic enim ait; *Dominus dedit, Dominus abstulit*, &c. *Si bona suscepimus de manu Dei, mala quare non sustineamus?* Observant duo

grauissimi Doctores, Iob non dixisse diabolum, aut Chaldæos bona sua abstulisse, sed Dominum; qui diabolo talem potestatem

In Psal. 31.

contulerat. *Non dixit*, ait Augustinus, *Dominus dedit, diabolus abstulit; ne dicatis, hac mihi diabolus fecit. Prorsus ad Deum tuum refer flagellum tuum; quia nec diabolus tibi aliquid fecit, nisi ille qui desuper habet potestatem, permittat, aut ad pœnam, aut ad disciplinam; ad pœnam impiis; ad disciplinam piis.*

Lib. 2. mor.
cap. 12.

Idem adnotauit Gregorius, qui inde non esse dolendum colligit. *Sanctin vir*, inquit, *sentante*

tentante aduersario cuncta perdiderat, sed sciens, quia contra se Sathan tentandi vires, nisi permit-
tente Domino non habebat, non ait, Dominus de-
dit, diabolus abstulit, sed, Dominus dedit, Domi-
nus abstulit; fortasse enim fuerat dolendum si
quod Dominus dedit, hostis abstulisset. At post-
quam non abstulit, nisi ipse qui dedit, sua recepit,
non nostra abstulit. Si enim nos ab illo accipimus,
quibus in hac vita utimur, cur doleamus, quod
ipso iudicante exigimur, quo largiente fœnera-
mur?

Idem Doctor ostendit quonam pacto sint
accipienda illa Dei verba apud Isaiam; Ego Isai. 45.
Dominus creans mala. Nam per illa mala non
intelligimus peccatum, quod, cum nihil sit,
non creatur à Deo, sine quo factum est nihil:

& quia, teste Diuo Thoma, peccatum nul-
lam habet substantiam, sed dicit defectum, Part. 1. qu. 49. art. 2.
non potest à Deo emanare, qui dum permit-
tit mala culpæ, concurrat tantum ad sub-
stantiam actus, & non ad deformitatem de-
licti, ut dicetur inferius. Quid dicat Grego-
rius, videamus. Neque mala, inquit, quæ nul-
la sua natura subsistunt, à Domino creantur; sed
creare se mala Dominus indicat, cum res bene
conditas nobis male agentibus, in flagellum format:
ut ea ipsa & per dolorem quo feriunt, delinquen-
tibus mala sint, & per naturam qua existunt, bo-
na. Vnde & venenum mors quidem est homini; sed
vita serpenti.

C Quod autem ea quibus castigamur & af-
fligimur, nobis diuinitus obtingant, patet in
verme hederam Ionæ corroden-
te, de quo sic Scriptura; *Parauit Dominus vermem*, vel ut Ier. 4.
alij

Deut. 18.

alii legunt; *Præcepit Dominus vermi matutino.* Non aliunde euenit, sed à Domino paratus, & iussus est, vt scilicet illi arbusculæ hærentes infingeret, sicque arefceret, & Ionas æstualet: Deus enim est, qui etiam vermiculos mittit, illisque vtitur ad castigandos peccatores. Sic olim legis suæ contemptoribus minabatur; *Vineam plantabis, & fodies, & vinum ex ea non bibes, quoniam vastabitur vermibus.*

Sol. c. 9.

Vermibus etiam veluti iudiciorum suorum satellitibus ac ministris superbissimos & crudelissimos tyrannos Antiochum, & Herodem corrodendos tradidit: nec propterea fit Deus inferior in creandis illis vermiculis, quod piè attendens Diuus Augustinus, sic Deum alloquitur: *Omnipotens manus tua, Domine, semper una & eadem creauit in cælo Angelos, & in terra vermiculos, non superior in illis, non inferior in istis. Sicut enim nulla alia manus Angelum, ita nulla alia potest creare vermiculum.* Itaque sicut Angeli non nisi iussu diuino veniunt ad nos ad protegendum nos; ita illi vermiculi, & alia id genus quæ nos infestant, non nobis immittuntur, nisi iubente vel permittente Domino ad castigandum nos.

Psal. 31.
Sap. 5.

Considera interim, quot satellites Deus habeat, cum pœnas de refractariis sibi hominibus sumere voluerit. Nam Ionæ peccatum castigaturus præstò habet Solis radios, ardores, ventorum spiramina, & vermes terræ. Et quid non? *Multa flagella peccatoris, &c. Armas omnem creaturam ad vlsionem inimicorū.*

Con

Contra primum parentem Adamum parauit spinas & tribulos, sudores & labores: contra Pharaonem armauit ranas, cyniphe & muscas: contra Absalonem ramos arborum, imò proprios capillos: contra Herodem pediculos, &c. Ecquis ergo manum eius effugere poterit? Contra nos interdum parat grandines, aquarum eluiones, sterilitatem, & similia, quæ nos terræ fructibus priuant, vt vel sic fame premamur: parat etiam aliquando infirmitatem quæ corpus nostrum afficiat: mittit etiam aliquos qui nos litibus & processibus exagitent, ita vt cogamur omnia litigando consumere: parat qui nos persequantur, iniuriis lacessant. Itaque Deus, qui in mundi fine arinabit omnem creaturam ad ultionem inimicorum, & supremum cum eis conferet bellum, nunc armat tantum aliquas creaturas ad ultionem aliquam sumendam, & leues pugnas excitat, quæ vulgò dicuntur *Escarrouches*, sicut D. Clemens à D. Petro Apostolo se audiuisse testatur.

Lib. 5. Recognitionum.
In Act. Apost.

D Refert Oecumen. in Ciuitate Atheniensium pestem maximam grassatam fuisse, quæ eam miserè vastabat. Ciues verò in discrimine positi ad Iouis simulachrum accedentes plura obtulere sacrificia, vota, ac orationes, vt eos à peste eriperet, sed non id Iupiter potuit. Postea ad Saturnum, Neptunum, & Mercurium, aliosque Deo confugerunt, nec tamen eis opem tulerunt, sed in dies pestis crescebat: cumque huiusmodi res versaretur, ac in Curia tractaretur, quidam inter ipsos sapiens dixit. Sine dubio hi Dij à nobis cogni

A. 17.

cogniti non immittunt pestem hanc, quia rogati illam auferre non possunt: est alius Deus nobis ignotus, qui eam immittit, qui- que eam tollere potest, ipse est igitur obsecrandus, eique ara est erigenda; statim huius sapientis consilio erecta est ara ignoto sibi Deo, cui sacrificia & orationes offerentes, à peste fuerunt liberati. Transactis autem pluribus annis, hanc aram cum hac epigraphe, **IGNOTO DEO**, ostendit Paulus prædicans Athenis, & dixit: verus Deus, qui vobis ignotus est, & cui hæc ara consecrata est, & quem vobis annuncio, ipse est qui pestem, & alia flagella immittit, quique ea tollere potest, nec est alius, qui talem habeat potestatem. Ad illum igitur est recurrendum, solus est agnoscendus, adorandus, ipsique duntaxat sunt sacrificia offerenda. Itaque omnia aduersa, & incommoda huius vitæ ipso volente nobis euenire; ideo illa patienter feramus, & ad ipsum humiliter recurramus.

Si quispiam ex tuis amicis paruulos aliquos lapides in te proiiceret, vel baculo, quamuis leuiter, te percuteret, statim excandesceres, minas intentares, optaresque vindictam sumere, ignorans vnde ista eueniant: verum, vbi primùm tibi exploratum esset huiusmodi esse amicum tuum, aut sanè aliquem magnæ authoritatis virum, nec odio, sed potius amore id præstitisse, desineres irasci & conqueri, veniàmque ab illo postulares, atque æsseuerares, quòd nullo modo ægrè tulisses, si sciuiesses illa ab eo emanasse, nec non protestareris te gratanter ea velle acceptare,

acceptare, tanquam maximæ benevolentia
& familiaritatis argumenta.

E Si paupertate, morbo, bello, aut morte ca-
rorum, vel alia calamitate premaris, aut in-
iuria afficiaris, processibus exagiteris, vel ali-
quod malum pœnæ patiaris, scito hæc omnia
tibi Deo clementissimo, atque amantissimo
immittente, vel permittente accidere: nam,
vt suprà diximus, *non est malum in Ciuitate, quod* Amos 3.
non fecerit Dominus. Hoc agnoscens Dauid, sic
ait; *Virga tua & baculus tuus ipsa me consolata* Psal. 22.
sunt. Quasi dicat: fauori, ac proinde conso-
lationi mihi est, quod digneris baculo affli-
ctionis percutere me. Idcirco sciens huius-
modi percussiones, & alia similia à Deo, tan-
quam saltem permittente emanare, lapidibus
à Semei appetitus, ac iniuriis affectus obmu-
tuit, assignâtque rationem, quod videlicet
hæc omnia à Domino efficerentur. *Obmutui,* Psal. 38.
inquit, & non aperui os meum, quoniam tu feci-
sti. Nolo vices rependere, non irascar, nec vin-
dictam sumam, *quoniam tu fecisti.* Si solus &
suo marte, te non permittente, aut volente
hoc faceret homo, fortè indignarer & exan-
descerem, *sed quoniam tu fecisti,* patienter
feram, tibi que gratias referam, cum sint tui
erga me amoris signa.

Quando autem Dauid dixit Deum fecisse,
imò præcepisse, vt scilicet Semei illum
offenderet & malediceret, *Dominus enim præce-* 2 Reg. 16.
pit ei, vt malediceret Dauid; non propterea
censendus est author illius peccati quod Se-
mei commisit in Dauidem. Deus enim non
præcepit ei, vt malediceret Dauid præcepto

G eiusmo

August.

eiusmodi , ubi laudaretur eius obedientia: sed dicitur Deum præcepisse Semei , ut malediceret Dauid , quoniam videns malam voluntatem Semei , usus est illa mala voluntate, quam non fecerat, ad humiliandum & corripiendum Dauidem. Hinc Augustinus : *Quomodo , inquit , dixerit Dominus Semei maledicere Dauid, quis sapiens, & intelliget ? non iubendo dixit , ubi obedientia laudaretur. Nam si iubenti obtemperasset, laudandus potius, quam puniendus esset, sicut ex hoc postea nonimus esse punitum. Propterea hæc verba, Tu fecisti, & similia, sic intelligenda sunt.*

Primò , *Tu fecisti*, non propriè, & impellendo voluntatem Semei, nec eam physicè , vel immediatè mouendo : nec moraliter, id est, verè, & propriè imperando ei, sed tantùm permittendo, ut ipse mala vteretur sua voluntate persequendo me.

Secundò , *Tu fecisti*, deferendo me, vel auxilium tuum à me subtrahendo ; videntes autem Semei & alij inimici mei me iustè propter peccata mea à te derelictum, sunt me persecuti, dicentes ; *Deus dereliquit eum, persequimini eum.*

Tertiò , *Tu fecisti*, non tanquam causa particularis , sed tanquam vniuersalis ; etenim ut talis concurrens ad omnes effectus : peccauit igitur Semei , quia illo generali concursu abutebatur ad nocendum Dauidi.

Caiet.

Quartò , *Tu fecisti*, id est, tu positiuo voluntatis actu permittere voluisti : quia secundum Caietanum , voluntas Dei per se in peccata

cata ipsa non se habet positiuè per velle, & nolle, sed negatiuè per non velle; non vult positiuè, quia bonus: non habet nolle positiuum, quia cum fiant, non esset omnipotès; sed inuito ipso fierent: fieret autem aliquid ipso inuito, si fieret aliquid quod ipse fieri nollet. Non igitur erga peccata habet velle, aut nolle; sed non velle. Propterea ipsemet Dauid non dixit, *Nolens iniquitatem tu es*; sed *Psalm. 5.*
ait, *Non Deus volens iniquitatem tu es*. At verò licet non habeat Deus velle fieri malum, habet tamen velle permittere malum, ex quo nouit elicere bonum. Vnde D. Augustinus: *Magna opera Domini exquisita in omnes voluntates eius, ut miro & ineffabili modo non fiat praeter eius voluntatem, quod contra eius sit voluntatem: quia non fieret, si non sineret: sed volens non sineret bonus fieri mala, nisi omnipotens de malo facere posset bene.*

In Enchir.
cap. 100.

Quintò, *Tu fecisti*, id est, voluisti ut hoc fieret, non quatenus est culpa, sed quatenus est poena Dauidis: nam quamuis malum esset Semei peccare, quod Deus non volebat, sed prohibebat; bonum tamen & iustum erat puniri Dauidem, quod voluit & fecit Deus: fecit autem non incitando Semei ad malum, neque ei suadendo, vel imperando, sed permittendo, cum facile impedire posset. Noluit autem impedire, quia sic Dauidem volebat punire: intendebat igitur poenam illius, non culpam Semei.

Sextò, *Tu fecisti*, auertendo voluntatem Semei ad multa scelera inclinatum, & cohibendo ab aliis, & ad has iniurias viam ape-

riendo, id est, sinendo illum ruere in me, & non sinendo ruere in alium: immittendo videlicet cogitationem aliquam bonam, ex qua Semei ob suum vitium sumpsit occasionem iudicandi melius esse Dauidi nocere, quàm alteri. Et hæc est sententia Dñi Thomæ, qui sic ait: *Deus non solum inclinat voluntates malas ad unum potius, quàm ad aliud, permittendo, ut ferantur in unum; & non permittendo, ut ferantur ad aliud, sed etiam positivè inclinando in unum, & auerendo ab alio, non quidem per se & physicè mouendo voluntatem ad unum, & remouendo ab alio; sed occasionaliter & moraliter; immittendo videlicet cogitationem aliquam bonam, ex qua malus ob suum vitium occasionemumat iudicandi melius esse huic nocere, quàm alteri, sine huic potius iniquitati seruire, quàm illi.*

In cap. 9. ad
Rom.

In orat.
quòd Deus
non sit au-
thor. mal.
Lib. 21. de
Ciuit. Dei
cap. 11.

Lj. 1. de Sa-
gramentis.
part. 5. cap.
32.

Septimò, propterea, & præterea, *Tufecisti*, G
præsido voluntati Semei, eamque regendo in bonum meum. Nam licet Deus non faciat malas voluntates, eis tamen præsidet & regit, atque ordinat in bonum electorum suorum; quemadmodum (ut docet Diuus Basilii) medici vtuntur viperæ veneno, quod ipsi non fecerunt, ad corpora curanda. Vnde Diuus Augustinus: *Sicut Deus*, ait, *naturarum bonarum optimus creator est, ita malarum voluntatum iustissimus ordinator est.* Et hæc doctrina est valdè notanda, quæ etiam ab Hugone de Sancto Victore luculentissimè & doctissimè explicatur his verbis. *De illo modo*, inquit, *diuina moderationis, quo malas etiam voluntates præsiciens occulta & inuisibili operatio-*
ne

ne ad suum arbitrium temperat & inclinatur; hoc sentiendum, ut credatur Deus malis voluntatibus non dare corruptionem, sed ordinem. Voluntati ego mala vitium est ex ipsa quo mala est; ordo autem ex Deo est, quo per velle sine ad hoc, sine ad illud est. In voluntate ergo vitium est, & ipsum malum est, & ex ipso voluntas mala est: in velle autem & vitium est, in quantum velle ex voluntate mala est: & ordo est, in quantum ad hoc, vel ad illud ex disponente est. Et cum ipsum velle ad hoc aliquid est, malum est quod ad hoc est, quia ex mala voluntate est. Quod autem potius ad hoc, quam ad illud est, bonum est; quia ordo est, & ex bene disponente est. Potest ergo voluntas mala in se corrumpi & resolui per proprium vitium, quod ei aliunde non datur; sed non potest per velle extra se precipitari, nisi quatenus ei via aperitur; & qui precipiti, quatenus vult ad ruinam viam aperit, quodammodo ipsam inclinatur, non impellendo, sed permittendo, & non tenendo; nec auctor ille est ruendi, sed incedendi ordinator. Hæc Hugo; quibus constat malas impiorum voluntates non quidem fieri à Deo, sed sic ab eis deprauatas & ad nocendum determinatas, ab illo regi & ordinari, ut in nos potius quam in alios ruant & se determinant, vel ad castigandum nos, vel ad augendum meritum, & ad nostram exercendam patientiam. Et quia huiusmodi ordo & dispositio à Deo est, idcirco dicimus omnes etiam iniurias, & alia incommoda, quibus impij nos afficiunt, à Deo sic disponente immitti; ideo hæc sunt à nobis patienter ferenda, tanquam in bonum nostrum redundantia.

Simile.

Cæterum, sciendum est Deum sapissimè se habere ad modum percutientis Ianuam alicuius domus, cui, vel domesticis notus est, qui interroganti & quærenti quisnam ille sit qui pulsat, hæc duntaxat respondere solet: Ego sum, *c'est moy*, & illicò illi aperitur: si verò percutiens non agnoscat, non satis est dicere; Ego sum: sed necesse est etiam exprimere nomen suum, ac indicare, quisnam ille sit, ac notum se præbere, ut ei aperiat.

Sic Deus dum fideles & amicos suos tribulationibus percutit, fat ei est dicere; Ego sum, *sup.* qui percutio: ait enim; *percutiam, & ego sanabo.* Loquens olim amico suo Moyfi, qui illum agnoscebat, hoc solum dixit: *Ego sum, qui sum.* At volens multis plagis percutere Pharaonem à quo non agnoscebat, qui dicebat, *Nescio Dominum;* non sat erat dicere, *Ego sum;* sed variis signis & prodigiis necesse fuit palam ostendere se esse omnium Dominum, qui iuste illum percutiebat.

Exod. 5.

Quadam vice existente naui ubi erant discipuli Christi, in medio mari, flantéque vento contrario, ambulavit Iesus supra mare, existimantibus illis phantasma esse, atque exclamantibus & conturbatis, ait Christus; *Confidete, ego sum.* Ego inquam sum, qui hanc tempestatem, quæ me iubente vobis orta est, sedare possum: hoc solo verbo discipuli illum tanquam sibi familiarem agnoscentes non timuerunt urgentem tempestatem, quæ fortè à Christo immittebatur ad probandum illorum animum & patientiam.

Saulum

Saulum nondum Dominum agnoscentem, & fideles acriter persequentem, cæcitate percussit Dominus, ac ei quis esset percunctanti respondit: *Ego sum Iesus, quem tu* ^{Act. 9.} *persequeris.* Non satis fuit dixisse, *Ego sum;* sed quia ignoranti ipsum loquebatur, oportuit, ut nomen suum adderet & exprimeret. Illicò Saulus sciens hanc cæcitatem, ac cætera quæ postmodum illi acciderunt aduersa, à Domino immitti, acquieuit & aperuit, id est, illa libenti animo tolerauit, ut ipsemet fatetur dum ait: *Spiritus sanctus per omnes* ^{Act. 20.} *ciuitates mihi protestatur dicens, quoniam vincula & tribulationes Hierosolymis me manent, sed nihil horum vereor.* Quibus verbis ostendit illa vincula & tribulationes sibi parata esse à Spiritu sancto; ideo libenter eò se conferebat ad illa subeunda. Deus igitur sicut omnium rerum causa est, ita in omnibus operatur: & sicut per illas nobis bona elargitur tanquam prima & præcipua causa: ita per illas etiam nos flagellat, ut ipsemet testatur per Amos Prophetam, dum de illa quam immiserat siccitate loquitur: *Ego quoque prohibui à vobis* ^{Amos 4.} *imbrem, &c. & plui super vnâ ciuitatem, & super alteram ciuitatem non plui, pars vna completa est, & pars super quam non pluit, aruit.* Et per Isaiam sic minabatur: *Nubibus meis* ^{Isai. 5.} *mandabo, ne pluant super eum imbrem.* Ex quo patet, quòd illa siccitas ab illo imbrem prohibente promanabat, sicut & cætera quæ nos hic vexant.

I Apud Ioannem legimus, Diuum Petrum voluisse gladio impedire, ne Christus cape-

Ioan. 12.

retur in horto, flagellaretur in ciuitate, & moreretur in Cruce. At Christus, *Calicem*, ait, *quem dedit mihi Pater, non bibam illum?* Non dixit Iudæos, aut Pharisæos hunc sibi propinasse calicem, sed Patrem, à quo per manus Iudæorum accepit. Si aliquando mandus, aut Sathan te ob aliquam animi, aut corporis ægritudinem & afflictionem ad impatientiam inducat, dic ei; *Calicem*, id est, infirmitates, animi molestias, tribulationes, infestationes, quas dedit mihi Deus per manus persecutentium & odientium me, non patiar? Cum igitur pro comperto habeas, omnes tuos dolores, morbos, paupertatem, persecutiones, & cætera te vexantia à Deo obuenire, illa patienti animo tolerare debes. [Quicquid, ait Seneca, viro bono acciderit, æquo animo sustinebit; sciet enim id accidisse lege diuina, qua vniuersa procedunt.] Habes saltem vnde consoleris, quia Deus qui te percutit & affligit, ipsemet te sanabit. Audi Iob: *Ipse vulnerat, & medetur; percutit, & manus eius sanabunt.*

Epist. 77.

Iob. 3.

Ergo ab eo expectes medelam, à quo recepisti plagam. Scit ille sanare, qui nouit vulnerare. Habet quando te cupiat eripere, qui habuit, quando te voluit percutere. Ab eo patienter spera tempus liberationis, à quo iuste recepisti modum vexationis. Scit enim quando sis curandus, qui nouerat quando fuisti castigandus.

Distum S.
Cath. Sen.

Diua Catharina Senensis in extremo spiritu, spiritualibus filiis hoc memorabile documentum reliquit. Oportet Christianum magnam fiduciam habere de prouidentia Dei,

Dei, scientem omnia quæ sibi, vel aliis eueniunt, ex diuina prouidentia prouenire, non ex odio ipsius, sed dilectione eximia ad creaturam. His consentiunt hæc verba Diui Augustini: *Constanter, inquit, Deo crede, eique te totum committe, quantum potes. Noli esse velle quasi proprius, & in tua potestate, sed eius elementissimi Domini te seruum profiteri. Ita enim te ad se subleuare non desinet, nihilque tibi euenire permittet, nisi quod tibi profit, etiamsi nescias.*

Tom. 8. in
fine lib. 1.
Sola.

Conformanda est nostra voluntas voluntati diuina, etiam dum nobis immittit aduersa, vt patienter illa tolerare valeamus.

C A P V T XI.

A



V A M V I S sit homo libero arbitrio præditus, non tamen licet ei pro libito viuere, sed debet omnino voluntati sui creatoris subiici, qui ideo iubet, vt iuuat, imperat, vt remuneret.

Quid tam superbum, inquit Hieronymus, quid tam ingratum, quam aduersus eius viuere voluntatem, qui ideo aliquid imperat, vt occasionem habeat remunerandi? neque enim obsequij nostri Deus indiget, sed nos illius indigemus imperio. Noli igitur renuere, quod tibi opus est.

Epist. ad
Colontiam.

Ideo data est nobis voluntas, vt velimus

G 5 quod

Epist. 11.

quod Deus vult : si aliud velis , tortuosa est tua voluntas , atque corrupta , regulanda & corrigenda est , conformando illam voluntati diuinæ , quæ est vera regula. Notum est illud Senecæ dictum ; [Nisi ad regulam praua non corriges.] Illa regula , nempe diuina voluntas , semper est recta & integra , nunquam tortuosa : si illam sequaris , recta , & non tortuosa ambulabis via. Quando non vis sequi Dei voluntatem , sed potius vis vt ipse sequatur tuam , tunc tortuosam vis facere illius voluntatem , quod maximè cauendum est. Audi Augustinum ; *Quid volunt homines ? parum est , quia voluntatem suam tortuosam habent ; etiam volunt Dei voluntatem tortuosam facere secundum cor suum , vt hoc faciat Deus quod ipsi volunt , cum ipsi hoc debeant facere quod Deus vult , &c.*

In Psal. 93.

Quid volunt homines ? parum est , quia voluntatem suam tortuosam habent ; etiam volunt Dei voluntatem tortuosam facere secundum cor suum , vt hoc faciat Deus quod ipsi volunt , cum ipsi hoc debeant facere quod Deus vult , &c.

Si contingat aliquando , vt velit homo voluntatem Dei conformari suæ voluntati , non propterea curuabitur voluntas diuina , sed maximè torquetur voluntas humana , quia multa ei euenient iniucunda. Quædam sunt huius rei exempla proponenda. Existens tibus filiis Israël in deserto , misit Dominus manna , illoque solo cibo cos tunc pascere volebat : illi autem , non hoc cibo contenti , voluerunt adhuc carnes , quas cum lacrymis postulauerunt : ideo Moyses ait ad Dominum ; *Flent coram me dicentes ; da nobis carnes , vt comedamus.* Ipsi etiam vbique clamabant ; *Quis dabit nobis ad vescendum carnes ?* Ad quos Dominus ; *Ego , inquit , audiui vos dicere : Quis dabit nobis escas carniū ?* Contulit igitur

Num. 11.

Deus

Deus illis quod volebant, & in tanta abundantia, ut dicat David; *Et pluit super eos sicut puluerem carnes, & sicut arenam maris volatilia pennata, &c. Manducaverunt, & saturati sunt nimis.* Psal. 77.

B Voluerunt ipsi carnes, Deus autem noluit set dare carnes: tandem importunis eiulati-
bus illas obtinuerunt; sed non remansit im-
punita illorum propria voluntas. Nam, ait
sacer textus; *Adhuc carnes erant in dentibus* Ibidem.
*eorum, & ecce furor Domini concitatus in popu-
lum, percussit eum plaga magna nimis: vocatus-
que est ille locus, sepulchra concupiscentia; ibi enim
sepelierunt populum qui desiderauerat carnes. No-
li igitur petere, ut Deus tuam sequatur vo-
luntatem.*

Nolebat olim Deus dare filios Racheli, ipsa
autem rogabat sibi dari filios: dicebat enim;
Da mihi filios; alioquin moriar. Datus est illi fi- Gen. 30.
lius; Deus conformauit voluntatem suam vo-
luntati istius mulieris, cui hoc malè cessit:
nam mortua est pariendo huiusmodi filium.
Voluntas nostra, secundum Philosophum, est
potentia cæca: si illam sequaris, cæcam seque-
ris; hoc tibi non consulit Plutarchus, qui ait. Plot.
[Neque cæcum ducem, neque amentem
consultorem adhibeas.] Si enim cæcus cæ-
cum ducat, ait Christus, nonne ambo in fo-
ueam cadunt? Noli igitur tuam sequi volun-
tatem, nisi voluntati Dei, qui omnia videt,
vniatur. Optimè videt ductor, qua sit cæco
transeundum; ideo non debet cæcus quærere,
ut ductor eum sequatur:

Sapientissimus est Deus, atque optimus;

ut

Matth. 7.

vt sapiens nouit, quid uobis magis expediat: vt bonus, vult uobis dare non nociua, sed quæ uobis necessaria sunt. Magis te diligit Deus, quàm pater filium; malus pater non vult mala dare filio suo; Vos, inquit Christus, *cùm sitis mali, nōstis bona data dare filiis uestris.* Ergo Deus qui optimus Pater est, non dabit uobis nisi optima, quamuis aliquando uobis non arrideant; non enim placent morbi, contumeliæ, afflictiones: non autem attendit Deus Pater, an illa uobis placeant, sed an magis conueniant.

1. Tim. 2.

Vis autem scire quid Deus velit omnibus hominibus? Salutem. nam, teste Apostolo, *omnes homines uult saluos fieri.* Si illius uoluntatem sequare, salutem assequeris, ad quam omnes qui peruenerunt, per ærumnas, & afflictiones transierunt. Audi Augustinum; *Sine laboribus nequaquam ad Deum peruenire possumus. Neceſse est ut omnes dicant: Per multas tribulationes oportet nos intrare in regnum celorum, &c.*

Epist. ad
Lippium.

At verò non satis est, vt Deus velit te saluum fieri, necesse est etiam vt velis & tu. Qui te fecit nescientem, non saluabit nolentem.

In Epist. ad
Ephes. 1.

Vnde Hieronymus; *Vult Deus saluari omnes: sed quia nullus absque propria uoluntate saluatur (liberi enim arbitry sumus) uult nos bonum uelle, ut cùm uoluerimus, uelit in nobis & ipse suum implere consiliū, &c.* Itaque, vt illa uoluntas Dei fiat completa & efficax, id est, vt efficaciter sortiatur effectum, scilicet salutem ab ipso uolitam, debet accedere conditio à Deo requisita ex parte hominis, nimirum, vt ho-

mo

mo cooperetur , ac mediis ad salutem præscriptis utatur , nec deferat viam , licet asperam , per quam vult illum Deus ducere ad patriam.

Vtinam omnes , qui Christianum nomen profitentur , ita diuinæ voluntati subiaceant , ut dicere cum Demetrio valeant. [Quid vis à me Deus immortalis ? vis aliquam corporis mei partem ? Sume , non magnam rem promitto : citò relinquam totum. Vis spiritum ? Quidni ? nullam moram faciam , quominus recipias quod dedisti , à volente feres quidquid petieris , maluissimè offerre , quàm tradere. Quid opus fuit auferre ? accipere potuisti. Sed nec nunc quidem auferes , quia nihil eripitur , nisi renitenti : nihil cogor , nihil patior inuitus , non seruiò , sed assentio Deo.] Quid quæso melius & Christianius dici potest ? Pudeat nos , qui nondum ad talem diuinæ voluntatis conformitatem devenimus.

Seneca de
diuin. prou.

Si autem hanc tuæ propriæ voluntatis resignationem ab Ethnico discere erubescas , à pio saltem & Catholico viro se omnino diuinæ voluntati conformante , discas. Refert igitur Diuus Taulerus fuisse olim insignem quendam Theologum , qui annis octo precibus continuis à Domino cupiebat obtinere , ut ipsi hominem quendam ostenderet , qui eum viam veritatis edoceret : cumque vice quadam vehementissimo huius rei flagraret desiderio , vox quædam coelitus lapsa ita ipsum alloquuta est. Exi foras ad limina templi , & offendes illic hominem ,
qui

In Collo.
Theologi;
& mendici.
pag. 685.

qui te viam veritatis edoceat. Exiens igitur inuenit mendicum quendam diruptis, sordidis, lutosus pedibus, cuius vestes in vniuersum vix tribus obolis supputares, quem salutans ita affatus est.

Det tibi Dominus prosperum mane. Respondit mendicus: non memini me vnquam aduersum mane habuisse. Et Magister: Eia, inquit, vt fortunatum te faciat Deus. Quid ita loqueris? Respondit mendicus: Sed nec infortunatus aliquando fui. Rursus itaque Magister: Saluet, inquit, te Deus, iam nunc apertius loquere: neque enim capio quod dicis. Tunc pauper respondit: Id faciam libenter. Optabas mihi, Magister, prosperum mane, & ego me nunquam aduersum mane habuisse respondi. Quando enim fame premor, Deum laudo; si frigus patior; si gran-do, si nix, si pluuia cadit; si aura serena est, vel turbulenta, Deum laudo: & ideo nunquam triste mihi mane contigit. Optabas me etiam fortunatum fieri, & ego nunquam me infortunatum fuisse respondi. Noui enim cum Deo viuere, certusque sum quicquid ille facit, non posse non esse optimum. Vnde, quicquid ipse vel dabat, vel euenire mihi permittebat, siue gratum id esset, siue contrarium, dulce, vel amarum, lætus id tãquam optimum ab ipso suscepi, ideo nunquam infortunatus fui. Dicebas præterea, vt fœlicem me faceret Deus; ad quod ego similiter, nunquam me infœlicem fuisse subiunxi: soli namque diuinæ voluntati inhærere statui, in quem sic integrè omnem meam transfudi
volun

voluntatem, vt quicquid ille vult, & ego velim, & meam ipsi voluntatem ex integro resignauerim.

Hæc autem cum mendicus ille retulisset, ita eum rursus Magister affatus est. Quid obsecro dicturus esses, si te Dominus Maiestatis in abyssum demergere vellet? Et ille, in abyssum me demergeret? Et reuera, si id faceret, duo mihi brachia sunt, in quibus eum amplexarer: vnum est vera humilitas; & hoc illi suppono, atque per ipsum sacratissimæ humanitati ipsius vnitus sum: alterum, idemque dextrum est amor, qui diuinitati ipsius vnitus est; atque per hunc ipsum circumplector, ita vt mecum ad infernum descendere cogereretur. Oportius autem mihi foret in inferno cum Deo esse, quàm vel in cœlis sine illo. Ex his igitur Magister ille didicit, veram resignationem cum humilitate profunda compendiosissimam ad Deum semitam esse.

Ita tua voluntas cum diuina conformanda est, vt in neutram parrem semper inclines, nec in prospera, nec in aduersa. Deus enim non solum scit, quid nobis magis ad salutem expediat: sed nulla alia de causa immittit nobis afflictiones, quàm qua largitur consolationes. Hoc antidoto munitus erat Abraham, cum iussus esset vnigenitum suum immolare, firmissimè credens, non posse sibi aliquid à Deo imperari, quod non in maiorem suam, filiique cederet incolumitatem. Vnde legimus quendam sanctorum Patrum in afflictione constitutum si orare consueuisse; *Fili*

Genes. 22.

In vit. Patr.

Dei,

Dei, Fili Dei, sicut scis, & sicut vis, miserere mei.
 Cùm enim tribulamur, non debemus tempus, nec modum Domino præscribere: sed magis cuncta arbitrio eius relinquere.

Idipsum nobis omnibus exemplo suo Christus imitandum reliquit, qui cùm ex impendentis passionis acerbitate tanto mœrore obrueretur, ut sanguinem sudaret, peteretque tam durum calicem à Patre cœlesti transferri à se; tamen semper addidit, *Non sicut ego volo, sed sicut tu vis.* E

Math. 26.

Cùm in hæc verba Christi inciderimus, quærendum est, an Christus aliquam habuerit voluntatem discrepantem à Patris voluntate, cùm dixerit; *Pater, si possibile est, transcat à me calix iste.* Volebat enim Pater illum mori: ipse autem videbatur nolle mori: Ergo alia erat Christi voluntas à Patris voluntate. Respondetur breuiter, illam Christi voluntatem, quæ mortem renuebat, fuisse conditionalem: non enim dicebat apud se, nolo mori, sed nolum mori, si fieri posset: ideo subiungit, *si possibile est:* quod, teste Augustino, idem valet quod, *si vis.*

Lib. 3. de
 conf. Euan-
 gel. c. 4.

Marc. 14.

Obiicies: cùm Christus sciret esse Deo possibile transferre huiusmodi calicem, ut ipse apud Marcum fatetur, *omnia tibi possible sunt:* & cùm perspecta fuisset ei voluntas Patris, cur addidit, *si possibile est*, vel, *si vis;* cùm hæc sint verba ignorantis, aut dubitantis, & non omnia cognoscentis? Respondeo, Christum in hac oratione ita locutum fuisse, ut si prorsus fuisset homo, cui neque diuina voluntas cognita esset, neque satis esset ei
 forti

fortitudinis ad mortem superandam. Relinquebatur natura humana partes suas agere, quemadmodum egisset, si neque cum diuinitate coniuncta fuisset, nec de diuino decreto quicquam sciuiſſet. Vnde Athanaſius; *Christus in occulto habuit suam diuinitatem: atque ideo sub tempus mortis anxius esse, & morere cepit, & obsecrabat calicem transire.* Propterea non est mirandum, si per modum dubitantis, & ignorantis locutus fuerit, licet Patris potestatem & voluntatem agnosceret.

Athan. de
cruce &
pass. Dom.

F Quæres præterea: vel illa voluntas Christi, qua mortem respuebat, erat bona, vel non: si bona, quare non fiebat? si non bona, quomodo erat Christi? Hanc quæstionem mouet Diuus Bernardus, illamque deuotissimè soluit. *O Domine, inquit, voluntas, de qua dixisti, ut non fieret, si bona non erat, quomodo tua? Si bona erat, quare derelicta est? Et bona erat, & eius erat; neque tamen minus relinquenda, ob hoc videlicet, ut fierent meliora, neque enim oportebat propria præiudicare communibus. Erat ergo voluntas Christi, & bona erat, qua dicebat; Pater, si fieri potest, transeat à me calix iste: sed ea, de qua dicebat, fiat voluntas tua, melior erat quia communis non solum Patris, sed & Christi, & nostra. Hæc voluntas Patris erat; ut videlicet haberet, quos adoptaret in filios: Christi erat, ut sit ipse primogenitus in multis fratribus: nostra erat, quia pro nobis faciebat ut redimeremur. Hæc de Christi voluntate, quibus docemur, quomodo tandem diuina voluntas præferenda, illique nostra in omnibus conformanda sit. Christum imitabatur Sanctus ille, de*

Serm. 3. de
Resurrec.

H

quo

quo legitur, quod positus in oratione Alphabeti literas referebat, & à Domino postulabat, ut eas coniungeret, sicut vellet, & id concederet, & non aliud, siue illud esset aduersum, siue prosperum.

lib. 3. nar.
quæst.

Stob.

Laërt. lib. 6.
in Diogene.

Existimabat olim Seneca, sic nos aduersa tolerare debere, quasi voluerimus ea nobis accidere. [Nam, *inquit*, debuisses velle, si sciisses ex decreto Dei fieri.] Nos autem certi sumus ex decreto diuino nobis euenire aduersa, quatenus ordinantur vel ad pœnam, vel ad augenda merita. Cum igitur velit te pati quod pateris, debes velle quod ipse vult. Est etiam iuxta Stobæum, voluntas nostra euentibus accommodanda. Idcirco Diogenes Cynicus rogatus, quid ex Philosophia lucratus fuisset, respondit; Etsi nihil nihil aliud, vel hoc ipsum, quòd ad omnem fortunam paratus sum.] Vtinam tu ex Philosophia Christiana discas esse paratum ad omnem euentum, & ad omnia infortunia, quæ volente, vel permittente Deo tibi obuenient.

Orat. 2. in
orat. Dom.

Qui infirmantur, impatientes sunt, ac minime ictu læduntur. Si propriam voluntatem sequaris, scito te infirmari; non mirum igitur si impatienter feras quidquid tibi contingit aduersi. Vis autem ab illa infirmitate liberari? noli à Dei volūtate separari. Nam, *inquit* Gregorius Nyssenus, *sanitas anima est diuina voluntatis prosper successus; sicut è contrario excidisse ab ea, morbus est in mortem desinens.* Itaque, ut curari valeas, & sic omnia patienter feras, dic, *fiat voluntas tua.* Quandoquidem,

dem, teste eodem doctore, *verba hac morbi* ibidem.
animo inharentis curatio sunt.

Saulus voce, tanquam fulgure, è cœlo de-
lapsa percussus, atque in terram deiectus,
surgere non potuisset, nisi hæc verba protu-
lisset; *Domine, quid me vis facere?* Quicquid Ad. 9.
iusseris præstabo, quidquid immiseris; subi-
bo: in posterum tuum velle meum erit: si vis
patiar animo, quid mihi ferendum sit, osten-
de. Ideo Christus Ananiæ: *Ego, inquit, osten-*
dam illi quanta oporteat eum pro nomine meo
pati.

Dolebat Dauid, quod aruerit cor suum;
aruit autem, quia oblitus erat comedere pa-
nem suum: ait enim; *Aruit cor meum, quia* Psal. 103.
oblitus sum comedere panem meum. Cibus ho-
minis est executio diuinæ voluntatis. Vnde
Christus; *Meus cibus est, ut faciam voluntatem* Ioan. 4.
Patris mei. Anima quæ hanc voluntatem non
perficit, panem suum non comedit, atque
ita arefeit, flaccescit, ac minimo statu perse-
cutionis, aut alicuius aduersitatis corrui.

Gaudebat Iob, quòd in persona propria &
filiorum, ac in sua substantia voluntas diui-
næ adimpleretur: idcirco statim vt audiebat
sibi aliquòd aduenisse infortunium, dicebat,
& bene dicebat; *Sicut Domino placuit, ita fa-* Iob 1.
ctum est, sic nomen Domini benedictum. Hoc pa-
cto subleuabatur, videns sibi euenire, quæ
Deo erant placita. Pudeat te, quòd tibi di-
spliceant, quæ Domino placent. Crede mihi,
omnis tibi placebit aduersitas, si propria ti-
bi displiceat voluntas. Nam, teste Ambrosio,
non est quòd cuiquam nostrum ascribamus arum-

De vita
beata &
Iob 15. 4. 1.
can. non est.

nam, nisi nostra voluntati. Idem sentit Augustinus, qui ait; *Sola voluntate miser quisque efficitur.*

Conquerebatur olim Deus de Pharaone **H**
 Exod. 10. cui dicebat; *Vsquequò non vis subiici mihi?* Caue
 ne etiam conqueratur de te. Ille enim Deo
 non vult subiici, qui patienter aduersa pati
 non vult, quæ Deus vult. Vis autem scire,
 quid sit Deo subiici? est velle voluntatem eius
 perfici. Vis adhuc scire, quid hoc sit? est simi-
 lem Deo effici. Audi Bernardum; *Velle quod*
 Ad fratres de monte Dei. *Deus vult, hoc est iam similem Deo esse.* Nonne
 peroptas patria illa Paradisi tandem perfrui,
 in qua beati volunt, quod Deus vult, nec pos-
 sunt velle, quod Deus non vult? Incipe iam
 exequi in via, quod completurus & perfectu-
 rus es in patria. Hoc incipias operari, sine quo
 non poteris beari.


Ostendebat olim Epitectus Philosophus,
 qua in re omnia nobis prosperè succederent,
 Epiet. dum ait; [Ne velis quæ fiunt, fieri ut velis:
 sed velis quæ fiunt, fieri ut fiunt, & prosper-
 eris.] Velis, inquam, quæ fiunt, fieri ut fiunt,
 scilicet à Deo, vel ut ita fiant permittitur à
 Deo. Hoc sanè velle debemus, quia tunc ad-
 uersa nobis vertentur in prospera. Itaque, ad-
 ueniente tibi aliqua aduersitate, dic humili-
 ter cum beato illo Machabæo; *Sicut fuerit vo-*
 1. Mach. *luntas in cælo, sic fiat.*

Diuus Augustinus vocat illos recticordes,
 qui sequuntur in hac vita voluntatem Dei.
 In Psal. 36. *Quod, inquit, sape diximus, illi sunt recticordes,*
qui sequuntur in hac vita voluntatem Dei. Vo-
luntas Dei est aliquando, ut sanus sis; aliquando
ut

ut agrotas. Si quando sanus es, dulcis est voluntas Dei, & quando agrotas, amara est voluntas Dei, non recto corde es. Quare? Quia non vis voluntatem tuam dirigere ad voluntatem Dei, sed Dei vis curvare ad tuam. Illa recta est, sed tu es curvus. Voluntastua corrigenda est ad illam, non illa curvanda est ad te, & rectum habebis cor tuum. Si sumus recto corde, erimus etiam læto corde; erimus autem recto corde, si rectam Dei sequamur voluntatem, non nostram curvam.

*In omni angustia semper ad Deum
per orationem recurrendum; Ut
consolationem & leuamen con-
sequamur.*

CAPVT XII.

A  EGIVS Psaltes sic de Deo nostro loquebatur; *Deus noster* Psal. 45. *refugium & virtus, adiutor in tribulationibus, quæ inuenerunt nos nimis.* Sunt quædam tribulationes quæ inveniunt nos: est & alia tribulatio, quam nos inuenimus, de qua sic idem Psalmista; *Tribulationem & dolorem inueni.* Psal. 114. Dum à tribulationibus inuenimur, aut dum illas inuenimus, quid nobis agendum sit, docet Augustinus. *In utraque tribulatione, inquit,* In Psal. 45. *sive quæ te inuenit, sive quam tu inuenis, ut utramque depellat, ille rogandus est, qui est adiutor in tribulationibus.*

Pfal. 145.

Interdum iniurgente aliqua aduersitate confugit homo ad potentes huius sæculi, vel ad parentes, aut amicos, & non attendit dicentem; *Nolite confidere in principibus, nec in filiis hominum. in quibus non est salus.* In illis, inquam, non est salus, quia Domini est salus. Quando ad illos recurris, tunc confugis ad fugientes te, quæris deferentes te, accedis ad recedentes à te. Sunt enim aliqui, quibus meritò dici potest.

Petron. in fragmen.

*Cum fortuna manet, vultum seruatis amici,
Cum cecidit, turpi vertitis ora fuga.*

Pfal. 90.

Deus autem non deserit hominem in tribulatione, ait enim; *Cum ipso sum in tribulatione, eripiam eum, &c.* Ipse est, qui vult inuocari in tribulatione. *Inuoca me in die tribulationis, eruiam te, &c.* Quis Rex, aut diues ad conuiuium inuitaret te, & non reficeret te? Ad hoc inuitat, vt pascat: non inuitaret, si reficere non optaret. Cum igitur Dominus te inuitet, promittatque te liberandum, cur orare renues? Pauci sunt inter homines, qui velint postulari, vel quæri ab his qui in aduersa sunt fortuna; at verò Deus noster ab ipsis præcipuè vult inuocari.

3. Par. 20.

Exempla docent, quid in angustiis, atque salutis nostræ discriminibus nobis sit agendum, nimirum, cum pio Rege Iosaphat, totos nos ad rogandum Dominum conferre debemus, dicendo; *Cum ignoremus, quid agere debeamus, hoc solum habemus residui, vt oculos nostros erigamus ad te.* Ita & multi alij dum vexarentur, oratione se munierunt; de quibusdam sic Augustinus. *Per orationem, inquit,*

Serm. 32. ad frat. in Ere 200.

Ezechias

Ezechias sanatur, & salutem anima & corporis adipiscitur: per orationem Hieremias confortatur in carcere: Daniel inter leones exultat: Job in sterquilinio nudus triumphat: Susanna inter senes defenditur: Paradisum de cruce latro invenit: Stephanus de torrente in cælum suscipitur. Ipsi orando consolationem sunt assequuti, consequeris & tu, si oraveris vt illi. Ideò fortè permittit Deus, vt in hoc mundo aduersitatibus premamur, quibus ad illum ne compellamur; nam teste Gregorio, mala qua nos premunt, ad Deum ire compellunt. Greg.

De nobis potest Deus conqueri, sicut olim de populo suo per Oseam: *Non clamauerunt ad me in toto corde suo, sed ululabant in cubilibus suis super triticum & vinum ruminabant, recesserunt a me.* Osee 7. Sunt nonnulli, qui dum aliquid perdiderunt, aut aliqua afficiuntur iniuria, vel dum eis aliqua accidit aduersa, nimium anguntur, omnino se exerceant muliebriter flentes, ac discindunt corda sua, ruminantes & attentè considerantes illam quam fecerunt iacturam, aut illam quam acceperunt iniuriam, aut aliam quam patiuntur aduersitatem, quando potius ad illum deberent accedere, qui talia eis permisit accidere. Nihil prodest flagella considerare, & multùm prodest in flagellis Deum exorare; planctus, & eiulatus non verè liberant hominem, nec auferunt tribulationem, sed potius augment miseriam. Irasci autem, vel blasphemare, aut maledicere Deo, vel creaturis eius, impium est, augétque iram cœlestem: desperare verò totum hominem hic, & in æternum perdit,

dit, sicut patet in Caini, Saulis, Achitophelis, Iudæ, & aliorum plurimorum exemplis.

Christus ipse suo exemplo docuit nos ad orationem tanquam ad sacram anchoram maximè tempore tribulationis confugiendum esse: unde doctissimus Iansenius asserit, Christum Dominum non solum in orto, & in Cruce inchoasse & perfecisse passionem suam orando: verum etiam, quoties aliquid graue pateretur, vel notabili iniuria afficeretur, ad Patrem orasse, præueniendo scilicet oratione dolorem, vel contumeliam talem.

Quòd autem Christus passionem suam C oratione inchoauerit, affirmant Eùangelistæ: quòd in Cruce orando animam efflauerit, testatur Diuus Hieronymus, dicens Christum in Cruce decem recitasse Psalmos, incipiendo à Psalmo vigesimo primo, cuius initium est, *Deus meus, respice in me, quare me dereliquisti*: &c. vsque ad Psalmum, *In te Domine speravi*, &c. inclusiue: ac spiritum emisisse recitando vltimum illius Psalmi versiculum; *In manus tuas commendo spiritum meum*. Hoc attendens pius ille Cæsarius Arelatensis, increpat nos, quòd in afflictione constituti, Christi exemplo non recurramus ad orationem; sic enim scribit. *Quid indigebat Christus, ut taliter supplicaret? Non ille quidquam indigebat, sed nobis suo exemplo orationis remedia præparabat: orat misericordia, & non orat miseria: orat charitas, & non humiliatur iniquitas: prostratus in terra orat medicus, & non*
inclinatus

Ianf. lib. de
vit. ecci-
nea.

D. Hieron.

Psal. 21.

Psal. 30.

Hom. 29.

inclinatur egrotus : orat innocentia , & non orat nequitia : orat qui peccatum non fecit , & non se prostermit multis peccatis obnoxius : orat Index , & desiderat parcere , & non orat reus , ut indulgentiam mereatur accipere.

Opportunum itaque & commodum tempus orandi est, cum Dominus nos durius & grauius affligit : quandoquidem nos ad se praesertim tunc inuitat , quando ad extrema discrimina redigit , vel aduersa immittit ; cam ob rem Dauid de se scribit : *In tribulatione mea inuocavi Dominum.* Qui potuit & voluit flagellare , poterit curare : non curabit , si illum orare non cures : illi fundas orationem , qui potest conferre curationem ; nec differas deprecari , qui optas citò liberari : sit tibi refugium , à quo speras subsidium. Refert Diuus Ambrosius piscem esse in mari , qui oborta tempestate , ne ab ea rapiatur , sese rupi adiungit & adhæret , quousque cesset tempestas. Magnis quatiuntur tempestatibus homines , procellisque agitantur , quibus facili negotio resistere poterunt , si Domino adhæreant , atque ad eum per orationem recurrant. Sic faciebat , qui dicebat ; *Mibi adharere Deo bonum est , ponere in Domino spem meam.*

D Qui ita Deo adhæserit , non habebit quod timeat. Audi Augustinum Deum alloquentem : *Cum inhaesero tibi ex omni me , nusquam erit mihi dolor , & labor , & viuis erit vita mea plena te.* Ipsemet Iob optabat poni iuxta Dominum , ibique nullius manum formidabat ; *Pone me Domine iuxta te , & cuiusvis manus* Iob 17.

H s pugna

orationes mittit in excelsum. Dum otio & deliciis fruebaris, otiosè orabas; idèò necessaria fuit tibi tribulatio, ut frequentior & feruentior tua fieret oratio, quæ eò citiùs exaudietur, quò feruentiùs emittetur.

Si autem statim post orationem tuam non exaudiaris, & à tribulatione tua non eripiaris; noli propterea animo deficere, sed expecta Dominum, qui nouit, quando sis ab afflictione tua liberandus. Audi Hieronymum; *Dominus noster sciens clementia sua pondera, atque mensuras, interdum non exaudit clamantem, ut eum probet, & magis provocet ad rogandum, & quasi in igne excoctum iustiorum & puriorum faciat.*

Si membrum aliquod habeas putridum, nouit medicus, quid vel quantum sit præscindendum; & licèt clames, illùmque roges, non debet te exaudire; multùm enim tibi noceret. Vnde Augustinus. *Crudelis est medicus, inquit, qui exaudit hominem, & parcat vulnere, & putredini. Matres quomodo fricant in balneis ad salutem filios? nonne paruuli clamant inter manus earum? Illæ ergo crudeles sunt, ut non parcant, non exaudiant lachrymas? Nonne sunt plena pietate? & tamen clamant pueri, & non eis parcitur. Sic & Deus noster plenus est charitate; sed ideo videtur non exaudire, ut sanet, & parcat in sempiternum.*

Pfal. 33.

Cæterùm cùm Dauid dicat Dominum iustos à tribulationibus liberaturum, *Multa tribulationes iustorum, & de omnibus his liberabit eos Dominus; quæritur, an omnes iusti fuerint à suis tribulationibus liberati. Respondeo, quòd*

quòd liberatur quis dupliciter à tribulatione, scilicet corporaliter & spiritualiter: Corporaliter, quando ipso durante eius tribulatio terminatur; sic enim liberatus fuit Petrus corporaliter de tribulatione carceris: Paulus de naufragio. Spiritualiter autem, quando quis tribulatus non succumbit per impatientiam tribulationis; sed ipsam superat, patienter illam ferendo; & hoc modo fuerunt liberati iidem Petrus crucifixus, & Paulus capite truncatus, & Laurentius dum in craticula vreretur, & alij quamplurimi, qui nusquam suppliciiis, sed potiùs ipsamet supplicia illis cesserunt, & quorum, secundum Cyprianum, *pulsata, ac laniata corpora, pulsantes ac laniantes ungulas vicerunt.* Et sic iustos de omnibus tribulationibus liberat Deus, quia ipsos triumphare facit in pœnis: licet enim succumbant corpore; mente tamen superant.

Lib. 2. Epist.
6.

G Hunc Dauidis versiculum explanans Augustinus, eadem vitur distinctione, cum ait; *Noli timere, tantùm fac quod Deus iubet: si te non eruat corporaliter, eruet spiritualiter.* Ille enim qui tulit de flamma tres pueros, nunquid tulit de flamma Machabeos? Nonne illi in ignibus hymnizabant; hi in ignibus expirabant? Deus trium puerorum, nonne ipse est & Machabeorum; Illos eruit, & hos non eruit: imò utrosque eruit. Sed tres pueros sic eruit, ut & carnales confunderentur: Machabeos autem ideo non sic eruit, ut illi qui persequebantur, in pœnas maiores irent, cum putabant se oppressisse Martyres Dei. Eruit Petrum, quando venit ad illum Angelus, cum esset

August. in
Psal. 33.

in vin

orationes mittit in excelsum. Dum otio & deliciis fruebaris, otiosè orabas; idèò necessaria fuit tibi tribulatio, vt frequentior & feruentior tua fieret oratio, quæ eò citiùs exaudietur, quò feruentiùs emittetur.

Si autem statim post orationem tuam non **F**
exaudiaris, & à tribulatione tua non eripiaris; noli propterea animo deficere, sed expecta Dominum, qui nouit, quando sis ab afflictione tua liberandus. Audi Hieronymum; *Dominus noster sciens clementia sua pondera, atque mensuras, interdum non exaudit clamantem, vt eum probet, & magis pronocet ad rogandum, & quasi in igne excoctum iustiorum & puriorum faciat.*

* Si membrum aliquod habeas putridum, nouit medicus, quid vel quantum sit præscindendum; & licet clames, illùmque roges, non debet te exaudire; multùm enim **G**
In Psal. 33. tibi noceret. Vnde Augustinus. *Crudelis est medicus, inquit, qui exaudit hominem, & parcat vulneri, & putredini. Matres quomodo fricant in balneis ad salutem filios? nonne paruuli clamant inter manus earum? Ille ergo crudeles sunt, vt non parcant, non exaudiant lachrymas? Nonne sunt plena pietate? & tamen clamant pueri, & non eis parcutur. Sic & Deus noster plenus est charitate; sed ideo videtur non exaudire, vt sanet, & parcat in sempiternum.*

Psal. 33. Cæterùm cùm Dauid dicat Dominum iustos à tribulationibus liberaturum, *Multa tribulationes iustorum, & de omnibus his liberabit eos Dominus;* quæritur, an omnes iusti fuerint à suis tribulationibus liberati. Respondeo, quòd

quod liberatur quis dupliciter à tribulatione, scilicet corporaliter & spiritualiter. Corporaliter, quando ipso durante eius tribulatio terminatur; sic enim liberatus fuit Petrus corporaliter de tribulatione carceris: Paulus de naufragio. Spiritualiter autem, quando quis tribulatus non succumbit per impatientiam tribulationis; sed ipsam superat, patienter illam ferendo; & hoc modo fuerunt liberati iidem Petrus crucifixus, & Paulus capite truncatus, & Laurentius dum in craticula vreretur, & alij quamplurimi, qui nusquam suppliciis, sed potiùs ipsamet supplicia illis cesserunt, & quorum, secundum Cyprianum, *pulsata, ac laniata corpora, pulsantes ac laniantes ungulas vicerunt.* Et sic iustos de omnibus tribulationibus liberat Deus, quia ipsos triumphare facit in pœnis: licèt enim succumbant corpore; mente tamen superant.

Lib. 2. Epist.
6.

G Hunc Davidis versiculum explanans Augustinus, eadem vtitur distinctione, cùm ait; *Noli timere, tantùm fac quod Deus iubet: si te non eruat corporaliter, eruet spiritualiter.* Ille enim qui tulit de flamma tres pueros, nunquid tulit de flamma Machabeos? Nonne illi in ignibus hymnizabant; hi in ignibus expirabant? Deus trium puerorum, nonne ipse est & Machabeorum; Illos eruit, & hos non eruit: imò utrosque eruit. Sed tres pueros sic eruit, ut & carnales confunderentur: Machabeos autem ideo non sic eruit, ut illi qui persequiebantur, in pœnas maiores irent, cùm putabant se oppressisse Martyres Dei. Eruit Petrum, quando venit ad illum Angelus, cùm esset

August. in
Psal. 33.

in vin

orationes mittit in excelsum. Dum otio & deliciis fruebaris, otiosè orabas; idèò necessaria fuit tibi tribulatio, vt frequentior & feruentior tua fieret oratio, quæ eò citiùs exaudietur, quò feruentiùs emittetur.

Si autem statim post orationem tuam non exaudiaris, & à tribulatione tua non eripiaris; noli propterea animo deficere, sed expecta Dominum, qui nouit, quando sis ab afflictione tua liberandus. Audi Hieronymum; *Dominus noster sciens clementia sua pondera, atque mensuras, interdum non exaudit clamantem, vt eum probet, & magis pronocet ad rogandum, & quasi in igne excoctum iustiore & puriore faciat.*

Si membrum aliquod habeas putridum, nouit medicus, quid vel quantum sit præscindendum; & licèt clames, illùmque roges, non debet te exaudire; multùm enim tibi noceret. Vnde Augustinus. *Crudelis est medicus, inquit, qui exaudit hominem, & parcat vulnere, & putredini. Matres quomodo fricant in balneis ad salutem filios? nonne paruuli clamant inter manus earum? Illa ergo crudeles sunt, vt non parcant, non exaudiant lachrymas? Nonne sunt plena pietate? & tamen clamant pueri, & non eis parcitur. Sic & Deus noster plenus est charitate; sed ideo videtur non exaudire, vt sanet, & parcat in sempiternum.*

Cæterùm cùm Dauid dicat Dominum iustos à tribulationibus liberaturum, *Multa tribulationes iustorum, & de omnibus his liberabit eos Dominus; quæritur, an omnes iusti fuerint à suis tribulationibus liberati.* Respondeo, quòd

quòd liberatur quis dupliciter à tribulatione, scilicet corporaliter & spiritualiter: Corporaliter, quando ipso durante eius tribulatio terminatur; sic enim liberatus fuit Petrus corporaliter de tribulatione carceris: Paulus de naufragio. Spiritualiter autem, quando quis tribulatus non succumbit per impatientiam tribulationis; sed ipsam superat, patienter illam ferendo; & hoc modo fuerunt liberati iidem Petrus crucifixus, & Paulus capite truncatus, & Laurentius dum in craticula vreretur, & alij quamplurimi, qui nunquam suppliciiis, sed potius ipsamet supplicia illis cesserunt, & quorum, secundum Cyprianum, *pulsata, ac laniata corpora, pulsantes ac laniantes ungulas vicerunt.* Et sic iustos de omnibus tribulationibus liberat Deus, quia ipsos triumphare facit in pœnis: licet enim succumbant corpore; mente tamen superant.

Lib. 2. Epist.
6.

G Hunc Dauidis versiculum explanans Augustinus, eadem vitur distinctione, cum ait; *Noli timere, tantum fac quod Deus iubet: si te non eruat corporaliter, eruet spiritualiter.* Ille enim qui tulit de flamma tres pueros, nunquid tulit de flamma Machabeos? Nonne illi in ignibus hymnizabant; hi in ignibus expirabant? Deus trium puerorum, nonne ipse est & Machabaorum; Illos eruit, & hos non eruit: imò utrosque eruit. Sed tres pueros sic eruit, ut & carnales confunderentur: Machabeos autem ideo non sic eruit, ut illi qui persequabantur, in pœnas maiores irent, cum putabant se oppressisse Martyres Dei. Eruit Petrum, quando venit ad illum Angelus, cum esset

August. in
Psal. 33.

in vin

orationes mittit in excelsum. Dum otio & deliciis fruebaris, otiosè orabas; idèò necessaria fuit tibi tribulatio, ut frequentior & feruentior tua fieret oratio, quæ eò citiùs exaudietur, quò feruentiùs emittetur.

Si autem statim post orationem tuam non F
exaudiaris, & à tribulatione tua non eripiaris; noli propterea animo deficere, sed expecta Dominum, qui nouit, quando sis ab afflictione tua liberandus. Audi Hieronymum; *Dominus noster sciens clementia sue pondera, atque mensuras, interdum non exaudit clamantem, ut eum probet, & magis provocet ad rogandum, & quasi in igne excoctum iustiores & puriores faciat.*

* Si membrum aliquod habeas putridum, nouit medicus, quid vel quantum sit præscindendum; & licèt clames, illumque roges, non debet te exaudire; multùm enim G
tibi noceret. Vnde Augustinus. *Crudelis est medicus, inquit, qui exaudit hominem, & parcat vulneri, & putredini. Matres quomodo fricant in balneis ad salutem filios? nonne paruuli clamant inter manus earum? Illa ergo crudeles sunt, ut non parcant, non exaudiant lachrymas? Nonne sunt plena pietate? & tamen clamant pueri, & non eis parcitur. Sic & Deus noster plenus est charitate, sed ideo videtur non exaudire, ut sanet, & parcat in sempiternum.*

Psal. 33.

Cæterùm cùm Dauid dicat Dominum iustos à tribulationibus liberaturum, *Multa tribulationes iustorum, & de omnibus his liberabit eos Dominus; quæritur, an omnes iusti fuerint à suis tribulationibus liberati. Respondeo, quòd*

quòd liberatur quis dupliciter à tribulatione, scilicet corporaliter & spiritualiter. Corporaliter, quando ipso durante eius tribulatio terminatur; sic enim liberatus fuit Petrus corporaliter de tribulatione carceris: Paulus de naufragio. Spiritualiter autem, quando quis tribulatus non succumbit per impatientiam tribulationis; sed ipsam superat, patienter illam ferendo; & hoc modo fuerunt liberati iidem Petrus crucifixus, & Paulus capite truncatus, & Laurentius dum in craticula vreretur, & alij quamplurimi, qui nusquam suppliciis, sed potiùs ipsamet supplicia illis cesserunt, & quorum, secundum Cyprianum, *pulsata, ac laniata corpora, pulsantes ac laniantes ungulas vicerunt.* Et sic iustos de omnibus tribulationibus liberat Deus, quia ipsos triumphare facit in pœnis: licèt enim succumbant corpore; mente tamen superant.

Lib. 2. Epist.
6.

G Hunc Davidis versiculum explanans Augustinus, eadem vitur distinctione, cùm ait; *Noli timere, tamùm fac quod Deus iubet: si te non eruat corporaliter, eruet spiritualiter.* Ille enim qui tulit de flamma tres pueros, nunquid tulit de flamma Machabeos? Nonne illi in ignibus hymnizabant; hi in ignibus expirabant? Deus trium puerorum, nonne ipse est & Machabeorum; Illos eruit, & hos non eruit: imò utrosque eruit. Sed tres pueros sic eruit, ut & carnales confunderentur: Machabeos autem ideo non sic eruit, ut illi qui persequebantur, in pœnas maiores irent, cùm putabant se oppressisse Martyres Dei. Eruit Petrum, quando venit ad illum Angelus, cùm esset

August. in
Psal. 33.

in vin

dit, sicut patet in Caini, Saulis, Achitophelis, Iudæ, & aliorum plurimorum exemplis.

Christus ipse suo exemplo docuit nos ad orationem tanquam ad sacram anchoram maxime tempore tribulationis confugiendum esse: unde doctissimus Iansenius asserit, Christum Dominum non solum in horto, & in Cruce inchoasse & perfecisse passionem suam orando: verum etiam, quoties aliquid graue pateretur, vel notabili iniuria afficeretur, ad Patrem orasse, præueniendo scilicet oratione dolorem, vel contumeliam talem.

Quòd autem Christus passionem suam C oratione inchoauerit, affirmant Eùangelistæ: quòd in Cruce orando animam efflauerit, testatur Diuus Hieronymus, dicens Christum in Cruce decem recitasse Psalmos, incipiendo à Psalmo vigesimo primo, cuius initium est, *Deus meus, respice in me, quare me dereliquisti?* &c. vsque ad Psalmum, *In te Domine speravi*, &c. inclusiue: ac spiritum emisisse recitando vltimum illius Psalmi versiculum; *In manus tuas commendo spiritum meum*. Hoc attendens pius ille Cæsarius Arelatensis, increpat nos, quòd in afflictione constituti, Christi exemplo non recurramus ad orationem; sic enim scribit. *Quid indigebat Christus, ut taliter supplicaret? Non ille quidquam indigebat. sed nobis suo exemplo orationis remedia preparabat: orat misericordia, & non orat miseria: orat charitas, & non humiliatur iniquitas: prostratus in terra orat medicus, & non inclina*

Ians. lib. de
vit. occi-
nea.

D. Hieron.

Psal. 22.

Psal. 30.

Hom. 29.

inclina

inclinatur egrotus: orat innocentia, & non orat nequitia: orat qui peccatum non fecit, & non se prosternit multis peccatis obnoxius: orat Index, & desiderat parcere, & non orat reus, ut indulgentiam mereatur accipere.

Opportunum itaque & commodum tempus orandi est, cum Dominus nos durius & grauius affligit: quandoquidem nos ad se praesertim tunc inuitat, quando ad extrema discrimina redigit, vel aduersa immittit; eam ob rem Dauid de se scribit: *In tribulatione mea inuocavi Dominum.* Qui potuit & voluit flagellare, poterit curare: non curabit, si illum orare non cures: illi fundas orationem, qui potest conferre curationem; nec differas deprecari, qui optas citò liberari: sit tibi refugium, à quo speras subsidium. Refert Diuus Ambrosius piscem esse in mari, qui oborta tempestate, ne ab ea rapiatur, sese rupi adiungit & adhæret, quousque cesset tempestas. Magnis quatiuntur tempestatibus homines, procellis que agitantur, quibus facili negotio resistere poterunt, si Domino adhæreant, atque ad eum per orationem recurrant. Sic faciebat, qui dicebat; *Mihi adhaerere Deo bonum est, ponere in Domino spem meam.* Psal. 72.

D Qui ita Deo adhæserit, non habebit quod timeat. Audi Augustinum Deum alloquentem: *Cum inhaesero tibi ex omni me, nusquam erit mihi dolor, & labor, & vita erit vita mea plena te.* Ipsemet Iob optabat poni iuxta Dominum, ibique nullius manum formidabat; *Pone me Domine iuxta te, & custodis manus* Iob 17.

H s pugnes

pugnet contra me. Veniant quæque aduersa,

Pfal. 22.

insurgant aduersarij, non timebo mala, quoniam tu mecum es. Illi autem sunt iuxta Dominum, iuxta quos est Dominus. Vis autem

Pfal. 33.

scire iuxta quos sit Dominus? Audi dicentem; *Iuxta est Dominus his, qui tribulato sunt corde.* Si igitur Dominus iuxta sit tribulatis, & secundum eundem Psalmistam, *Prope est Dominus innocantibus enim;* necessaria, imò beata

Rom. 13.

erit tribulatio, cui iungitur oratio, qua acquiritur Dei approximatio; tunc cum Apostolo dicere possumus, *Propior est nostra salus, quam cum credidimus.* Non credas te longè esse à salute, cum sit prope te conferens salutem. Inuoca ergo & ora illum, qui iuxta te, prope te, & intra te est.

Hom. 18. in
Matt.

Ion. 2.

Porrò, qui in afflictione sunt, videntur quodammodo extincti, & suffocati: sed orēt vt respirent; nam teste Chrysostomo, orare est respirare. Ionas in ventre piscis non poterat naturaliter aërem trahere, verum illum respirasse dicimus, quia illum orasse legimus, atque ita fuit ab illa angustia liberatus. Sicut igitur semper est nobis necessaria respiratio, vt viuamus: ita semper est nobis necessaria deprecatio, vt ab angustiis eripiamur.

Psal. 119.

Audi respirantem: *Ad Dominum, cum tribularer, clamaui, & exaudiuit me.*

Lib. 1. de
orando
Deum.

Epi. 31.

Mat. 6.

Meritò Diuus Chrysostomus vocat orationem, *anima Solem*: quia vt Sol mundum, sic oratio mentem illuminat; & Beatus Paulinus *nausfragorum tabulam*, quæ inter fluctus tribulationum nos ad portum deducit. Sit itaque in aduersis tua tabula oratio Domi-

nica:

E

nica; ibi enim Deum appellas Patrem, qui nouit conferre filiis non sæpe quæ illi cupiunt, sed semper quæ eis expediunt. Ibi insuper oras, vt fiat eius voluntas: quodd si velit te aliquo morbo, aut penuria, vel graui alia aduersitate afflictiari, debes velle & tu; quia hoc pacto incipies more Angelorum viuere, quorum, teste Bernardo, præcipua felicitas in hoc consistit, quod Dei voluntas iam omnino facta sit ipsorum voluntas. Opta igitur, vt sicut ipsi in cælo parati sunt agere quod Deus vult, & præcipit: ita in terra paratus sis pati quod voluerit & permiserit: tibi sit iucundum pati, sicut illis agere, quod Deus vult, & ipse liberabit te à malo, à quo te nouerit liberandum: aliquando enim illud malum à quo liberari postulas, tibi potius bonum est, quàm malum. Ideo, ait Augustinus,

Serm. 6.
quad.

In Ioan.
Serm. 29.

non fit quod vis, sed fit quod tibi expedit.

Si dicās te non bene posse orare dum angustiaris, aut dum premit tribulatio. Respondebo, te tantò feruentius Deum debere deprecari, quantò vehementius te videris afflictiari: nam tribulatio ad feruorem orationis plurimùm conducit. Quod Diuus Chrysostomus probat hac similitudine: Sicut, inquit, aqua dum per plana & ampla spatia fertur, non in altum cōsurgit, sed tenuem sese latè quagnauesus expandit; cum autem coarctatur in angustum, sese in excelsum iacularur, petiique supernam regionem: sic mens humana, dum otiosa & liberior degit, diffunditur, & latè diffluit: cum autem asperiori rerum euentu, casuque aduerso coercente sollicitatur, iam agilius se extrudit, & dilucidas orationes

Hom. 5. de
incomp.
Dei nat.

orationes mittit in excelsum. Dum otio & deliciis fruebaris, otiosè orabas; idèd necessaria fuit tibi tribulatio, vt frequentior & feruentior tua fieret oratio, quæ eò citiùs exaudietur, quò feruentiùs emittetur.

Si autem statim post orationem tuam non F
exaudiaris, & à tribulatione tua non eripiaris; noli propterea animo deficere, sed expecta Dominum, qui nouit, quando sis ab afflictione tua liberandus. Audi Hieronymum; *Dominus noster sciens clementia sua pondera, atque mensuras, interdum non exaudit clamantem, vt eum probet, & magis pronocet ad rogandum, & quasi in igne excoctum iustiores & puriores faciat.*

G
Super Abac. Si membrum aliquod habeas putridum, nouit medicus, quid vel quantum sit præscindendum; & licet clames, illumque roges, non debet te exaudire; multum enim tibi noceret. Vnde Augustinus. *Crudelis est medicus, inquit, qui exaudit hominem, & parcat vulneri, & putredini. Matres quomodo fricant in balneis ad salutem filios? nonne paruuli clamant inter manus earum? Illa ergo crudeles sunt, vt non parcant, non exaudiant lachrymas? Nonne sunt plena pietate? & tamen clamant pueri, & non eis parciunt. Sic & Deus noster plenus est charitate; sed ideo videtur non exaudire, vt sanet, & parcat in sempiternum.*

Psal. 33. Cæterum cum Dauid dicat Dominum iustos à tribulationibus liberaturum, *Multa tribulationes iustorum, & de omnibus his liberabit eos Dominus;* quæritur, an omnes iusti fuerint à suis tribulationibus liberati. Respondeo, quodd

quòd liberatur quis dupliciter à tribulatione, scilicet corporaliter & spiritualiter: Corporaliter, quando ipso durante eius tribulatio terminatur; sic enim liberatus fuit Petrus corporaliter de tribulatione carceris: Paulus de naufragio. Spiritualiter autem, quando quis tribulatus non succumbit per impatientiam tribulationis; sed ipsam superat, patienter illam ferendo; & hoc modo fuerunt liberati iidem Petrus crucifixus, & Paulus capite truncatus, & Laurentius dum in craticula vreretur, & alij quamplurimi, qui nusquam suppliciis, sed potiùs ipsamet supplicia illis cesserunt, & quorum, secundùm Cyprianum, *pulsata, ac laniata corpora, pulsantes ac laniantes ungulas vicerunt.* Et sic iustos de omnibus tribulationibus liberat Deus, quia ipsos triumphare facit in pœnis: licet enim succumbant corpore; mente tamen superant.

Lib. 2. Epist
6.

G Hunc Daudidis versiculum explanans Augustinus, eadem vitur distinctione, cùm ait; *Noli timere, tantùm fac quod Deus iubet: si te non eruat corporaliter, eruet spiritualiter.* Ille enim qui tulit de flamma tres pueros, nunquid tulit de flamma Machabaos? Nonne illi in ignibus hymnizabant; hi in ignibus expirabant? Deus trium puerorum, nonne ipse est & Machabaorum; Illos eruit, & hos non eruit: imò utrosque eruit. Sed tres pueros sic eruit, ut & carnales confunderentur: Machabaos autem ideo non sic eruit, ut illi qui persequiebantur, in pœnas maiores irent, cùm putabant se oppressisse Martyres Dei. Eruit Petrum, quando venit ad illum Angelus, cùm esset in vin

August. in
Psal. 33.

in vinculis, & ait illi; Surge & exi. Nunquid Petrus perdiderat iustitiam, quando non illum eruit de Cruce? Non eruit nunc, & eruit tunc: an idèò diu vixit, ut iniustus fieret? Fortè plus eum exaudiuit postea, quàm prius, quando illum verè de omnibus pressuris eruit. Nam quando primum illum eruit, quanta ille pertulit postea? Illuc enim misit postea, ubi nihil mali pati potuisset.

Itaque in tribulatione ne cesses orare, quia vno aut altero modo liberaberis: aut enim Deus postulata concedet, aut quæ tibi magis conueniunt: oratione saltem obtinere poteris, quo fortiter tribulationem feras. Audi Bernardum vnumquemque nostrum adhortantem: Nemo nostrum, inquit, parvipendat orationem suam; dico enim vobis, quod ipse ad quem oramus, non parvipendit eam. Postquam egressa est ab ore nostro, ipse scribit eam in libro suo, & vnum ex duobus indubitanter sperare possumus, quoniam aut dabit quod petimus, aut quod nouit utilius.

In omni tribulatione plurimum iuuat intercessio Beatissimæ Virginis Genitricis Dei Mariæ, idèò ad eam recurrendum.

C A P V T XIII.

*Tract. de
mag.*



CRIBIT Plutarchus moris fuisse, apud Romanos, singularem aliquam personam, piam à Senatu desi-

tu designari certis statis stipendiis, vt in pauperum causis aduocaret, eisque patrocinaretur. Scio quidem in iure ciuili cautum esse, ne fœminæ admittantur ad officium aduocandi, tam in causis ciuilibus, quàm in criminalibus. Verumtamen in causis pupillorum & orphanorum, similiûmque aliorum pauperum, & miserorum, fœminis aduocare & suffragari concessum est. Voluit diuina bonitas, vt in cœlesti Curia inter tot suffragantes & intercessores præcipuum locum teneret Beatissima Virgo Maria, quæ in omnibus causis, peccatoribus & in miseria constitutis suffragaretur, ac pro eis ad Dominum incessanter intercederet.

1. fœmina.
ff. dereg. iur.

Hanc autem protectionem, vel intercessionem non obscure indicant verba illa, quibus Sapiens in persona Virginis vtitur, *sicut* *Eccl. 24.*
platanus exaltata sum. Nam, teste Æliano, *lib. 1. de natu. anim.*
folia platani noctuas arcendi vim habent. Africanus etiam in his quæ de agricultura conscripsit, vespertilionem eò non ingredi tradit, vbi platani folia suspensa conspexerit. Per huiusmodi animalia nocturna, lucisque inimica intelligi possunt dæmones, qui intercessione iustius gloriosissimæ Virginis à nobis acerentur & expelluntur. Obseruat Hugo Cardinalis platani folia speciem & figuram habere clypeorum, ita vt tot quasi clypeis platanus cingatur, quot foliis ornatur, in typum quidem Genitricis Dei, quæ ideò meritò platano comparatur, non quòd sibi, sed quòd nobis plurimos clypeos, id est, protegendæ rationes administret: est enim clypeus

Cant. 4.

Opusc. 4.

peus protectionis symbolum: unde in Canticis de illa mysticè sponsus; *Mille*, inquit, *clypei pendent ex ea*. Quæ verba sic interpretatur Divus Thomas; mille clypei, id est, mille remedia ex Beata Virgine contra pericula pendent. Quare si telis temptationum grauaris, voca Mariam.

Præterea, illa est notissima platani commendatio, quod æstate ab infestatione radiorum solarium homines protegit: hyeme illos admittit. Habet namque folia ita inter se connexa, & intexta, ut sub umbra illius quiescentes tempore æstatis, radij solares minimè offendere queant: hyeme tamen accedente, folia illa inter se connexa sic adinvicem explicantur, & sepatantur, ut radiis solaribus facilis pateat aditus ad fecundandas suo calore radices eius. Hæc duplex platani proprietas, duplex sapientissimæ Virginis officium, quo erga nos utitur, egregiè adumbrat. Ipsa enim tempore æstatis, diuinæ iracundiæ velut platanus se interponit, ne scilicet radij diuinæ vindictæ peccatores attingant. Tempore etiam hyemis, cum videlicet dura peccatorum corda frigescent, ipsa viam parat, & iter pandit, quo radij diuinæ misericordiæ, velut ceram, rebelles eorum voluntates emolliant, ut dignos pœnitentiæ fructus faciant. Divus Germanus sic sacratissimam Virginem alloquitur: *Nemo est, qui liberetur à malis, nisi per te o Virgo purissima.*

De zion.
Dom.

Cant. 6.

Indicat etiam eandem Virginis protectionem communis illa Lunæ appellatio, qua Beata Virgo, *pulchra ut Luna*, cohonestari solet.

solent. Dicunt astrologi, & Albumazar, quòd si Luna nocte omnino non radiaret, vapores ascendentes de terra, aded condensarentur, vt animalia respirantia suffocarentur. Non dissimiliter Maria, quasi Luna conseruat hominibus vitam spiritualem: tempore enim noctis, id est, aduersitatis surgunt continuò ex melancholia vapores tristitiæ, quibus homo quodammodo suffocabitur, nisi interueniat, intercedatque Virgo illa sanctissima. Hinc Anselmus; *Sicut, ô Beatissima Virgo, omnis à te auersus, & à te despectus, necesse est vt intereat: ita omnis ad te conuersus, & à te respectus, impossibile est vt pereat.*

Anselm. in orat. de laud. Virg.

B Sciendum est autem in omni mediatore, & intercessore duo requiri, vt eius fauor aliquem consequatur effectum. Primum, vt velit alterum, vt possit. Vtrūque reperitur in Virgine; & vt alia omittam, patet ex verbis quæ in nuptiis, deficiente vino, Virgo habuit ad filium, & ex responso filij ad matrem. Ait itaque mater; *Vinum non habent.* Quibus verbis manifestè constat Virginem voluisse orare, nam etiam non rogata rogabat. Quid si rogeretur? Vnde Bernardus: *Quid mirum, inquit, si innocata adest, quæ etiam non vocata præsto est?* Præterea id colligere licet ex amore Virginis in Deum, qui optat & vult omnes homines saluos fieri; & præcipuè ex amore eiusdem erga filium: nam cum ipsa præ oculis viderit illum pro nobis natum, passum, & mortuum; sciâtque ad eius gloriam & honorem pertinere; non perire eos, quos pretioso sanguine suo redemit, quid non hac ratione præstabit?

Ioan. 2.

Super missus est.

quo non orabit ardore, vt passio filij sui optatum assequatur intentum, & ne tantus labor sit cassus, nec tantum pretium irritum fiat? Non est igitur de eius voluntate dubitandum.

Iustinus
quæ 136.

Quod verò plurimum possit erga filium, constat ex responsione ipsius filij ad illam, & ex miraculo ab eo petitione matris patrato: sic enim respondit filius; *Quid mihi, & tibi est mulier?* Quæ verba, licet repulsam præ se ferre videantur, tamen non sunt verba recusantis, nec indignantis, aut increpantis; sed, vt notat Diuus Iustinus (cuius libenter sequor huius loci expositionem) verba sunt monentis, & concedere volentis. Monet enim Christus his verbis, nihil sibi, & matri esse, vel nihil inter se, & matrem reperiri, quod prohibere, & impedire possit, quin ab ea postulatum concedat; quod miraculum statim subsequutum comprobauit. Nam volens Dominus ostendere matrem à petendo non repulisse, protinus miraculum edidit. Si enim ei molesta petitio fuisset; si matrem postulantem reiecisset, sanè non statim post eius petitionem, vinum, quod ipsa petebat, conuiuiis largiter suppeditasset. Non, inquit Iustinus, *obiurganda matris causa à Salvatore dictum est; Quid mihi, & tibi res est mulier? Non enim Christus matrem verbo obiurgauit, quam re honorauit.* Quapropter intelligens Virgo filij loquentis tam verba, quàm animum quo illa proferebat, sciensque filium concessurum, quod ipsa postulauerat, dixit ministris; *Quodcumque dixerit vobis, facite.* Cum igitur

Ioan. 2.

igitur Deipara velit pro nobis rogare, & possit à Deo nobis impetrare, miror quòd tardent afflicti illam inuocare. Audiamus Bernardum de illa loquentem: *Si pie nobis pulsata fuerit & inuocata, comparietur nobis, nec deerit necessitati nostra: siquidem nec facultas deesse poterit, nec voluntas; quoniam regina cœlorum est, & mater misericordie.* Quasi dicat; quia regina cœlorum, potest: quia mater misericordiæ, vult.

Serm. 2. in
Dom. 1.
Epiph.

C Quòd autem vinum pia mater à filio petierit, non caret mysterio. Est enim vinum lætitiæ symbolum, iuxta illud; *Vinum lætificat cor hominis.* Hinc fortè dicterium istud à Pierio relatum: [Nulla adest hilaritas ei qui aquam bibit.] Propterea tristi & perturbato homini Plautus vinum propinandum monet. Cui concordat, quod à Sapiente iniungitur; *Da mœrentibus vinum, & eis qui in amantitudine sunt.* Si quis cordis deliquium patiatur, statim vino hausto corroboratur; quibus patet vinum esse lætitiæ & consolationis symbolum. Cùm igitur Dei Genitrix postulauerit vinum suppeditari, quòd solet cor hominis lætificare, mœrentesque consolari, clarè ostendebatur illam futuram esse aduocatam mœrentium, ac omni consolationis vino destitutorum. Itaque deficiente vino, id est, deficiente gratia, quæ lætificat animam, aut sanitate, vel deficientibus bonis temporalibus, & premente aliquo morbo, aut paupertate, vel urgente persecutione, aut aliqua alia calamitate, rogabit pro te Beatissima Virgo, vt tibi vinum consolationis,

Psal. 103.

Lib. 53.

Prov. 31.

nis, aut aliquod solamen à Domino concedatur. Maximam igitur senties consolationem, si ad illius recurras intercessionem: magnum in te experieris effectum, si erga illam magnum habeas affectum. Si enim non rogata rogauit adhuc existens in terris, quanto magis inuocata nunc regnans in cœlis inuocabit? Audi Bonauenturam: *Magna fuit erga miseros misericordia Maria adhuc exulantis in mundo; sed multò maior erga miseros est misericordia eius iam regnantis in cœlo. Maiorem per beneficia innumerabilia nunc ostendit hominibus misericordiam, quia magis nunc videt innumerabilem hominum miseriam. Quis est super quem Sol non luceat? Quis est super quem misericordia Maria non resplendeat?*

In speculo
Virg. cap.
8.

Cant. 6.

Vides Seraphicum illum doctorem Virginis misericordiam, & intercessionem Soli comparare. Est enim hæc Virgo *electa ut Sol*: quia sicut Sol non tantum hunc mundum illuminat, sed & in ipsis terræ visceribus vires suas exercet; ibi enim aurum & gemmas producit, ac multa, veluti flores, herbas, & similia foras emittit & erumpere facit: ita huius sanctissimæ Virginis clementia & miseratio tam longè, latèque se diffundit, ut non solum pro his qui in terris vitam degunt, sed & pro illis qui in inferis pœnas luunt, intercedere legamus. Quod quomodo debeat intelligi, attende. Certum est, iuxta sententiam Diui Thomæ, omniumque Thebologorum, damnatos puniri in inferno citra tondignum; aliqui autem docent huiusmodi beneficium punitionis citra condignum

2. part.
quæst. 22.
art. 4.

gnum intercessioni Beatissimæ Virginis Mariæ ascribi debere, inter quos Rutilius Benzonius Episcopus Lauretanus, qui sic scribit; *Quantitas pœna damnatorum ex Dei misericordia, & intercessionibus Beata Maria Virginis citra condignum taxatur.* Si ipsi damnati, qui hanc Virginem non rogant, sunt eius intercessionis participes, quantum magis nobis adhuc viatoribus aderit, præcipue si in nostris necessitatibus illam humiliter inuocemus?

In Psal. 86.
cap. 32.

D Legimus etiam nonnullos fuisse ex inferno, ex ipso statu damnationis, efficacissima ac potentissima Deiparæ intercessione reuocatos: vt de quadam muliere in territorio Lionicensi, siue Lingonensi, narrat idem Rutilius, quæ licet aliàs religiosè viueret, in eo tamen defecerit, quod facinus quoddam in iuuentute commissum nunquam in specie, sed tantum in communi, ac generaliter confessori aperuisset, ac proinde, postquam è vita discessit, à dæmonibus ad flammæ inferni raperetur; illicò Beata Virgo Iesum filium exorauit, vt ab eiusmodi pœnis inferni eam liberaret, eo quod dum viueret, quotidie coram eius imagine illam piè exorasset, ne ob tale peccatum damnationi addiceretur æternæ. Annuit filius Dei, & mulier vitæ restituta occultum, ac tamdiu non propalatum peccatum integrè cum aliis confessæ est: Virginisque precibus iterum moriens in cœli gloriam recepta est. Habetur etiam hoc exemplum in speculo exemplorum. Nec mirum: nam si Apostolis ex priuilegio concessum fuit, vt nonnullos Ethnicos

Lib. 1. de
anno Iubili.
lxi. cap. 45.

distinct. 3.
exemp. 46.

qui ad infernum iam descenderant, resuscitarent, qui sic ad vitam reuocati, perfecta pœnitentia, iterum mortui, salui fierent, vt scribit Egesippus: & Beatæ Agneti, vt filium Præfecti, quem diabolus occiderat ob stuprum in Virginem tentatum, resuscitaret, vt narrat Diuus Ambrosius; cur matri Dei negandum erit, potuisse ex summo filij priuilegio portas inferni infringere, & quos voluisset ad vitam mortalem iterum reuocare, vt perfecta debita pœnitentia salui fierent?

Dices; quomodo hoc fieri potuit, cùm, vt canit Ecclesia, *in inferno nulla sit redemptio*: & iuxta Diuum Augustinum, *nimis presumptuosum sit dicere cuiquam eorum supplicium æternum non futurum, quos Deus ituros ad supplicium dixit æternum*? Respondeo, huiusmodi animas precibus Beatissimæ Virginis, aut aliorum Sanctorum ad vitam reuocatas, & tandem perfecta legitima pœnitentia, ad gaudia cœlestia translatas; licet ex occultis Dei iudiciis in mortifero peccato decesserint, ac proinde in inferno secundum præsentem earum iniustitiam cruciatæ fuerint; tamen suspensio finali iudicio nondum fuisse ad huiusmodi locum damnatorum finaliter deputatas, sed absolutè prædestinatas fuisse ad salutem æternam per medium illud prodigiosum ex immensa Dei benignitate, & Virginis intercessionem, qui habent, licet diuersimodè, clauis mortis, & inferni, vt docet Diuus Thomas.

Si igitur tam singulare beneficium quibusdam per intercessionem Virginis à Deo collatum

Lib. 3. de
Ciuit. Dei
cap. 14.

Quest. 6. de
veritate.
art. 6. ad 4.

E

collatum est, ut ab æternis miseriis eriperentur; quomodo non liberabimur à præsentibus tribulationibus, si, ut decet, sub illius confugiamus præsidium? Si autem postquam illam rogauerimus, non eripiamur, signum erit huiusmodi miseriae & afflictiones nobis maximè expedire; quia fortè ab æternis non eriperemur, nisi præsentibus cruciaremur: hoc saltem illius intercessione obtinere poterimus, ut nimirum miseria æterna præsentibus nobis commutetur; ideo semper est obsecranda, quia semper illius interuentu nobis aliquid à Deo conceditur, quod in utilitatem nostram semper vertitur. Nullus ergo est qui ab hac Virgine vacuus recedat, *quæ*, ait Bernardus, *omnibus suauis est, omnis misericordie sinum aperit, ut de plenitudine eius accipiant vniuersi, captiuus redemptionem, ager curationem, tristis consolationem, peccator veniam.* Si quid igitur à Deo obtinere desideras, roga Mariam, quia, teste eodem Sancto, *nihil nos Deus habere voluit, quod per manus Mariæ non transiret.*

Serm. de
verbis
Apo.

Serm. in vi-
gil. nat.
Dom.

Vnum adhuc adiciam, quod paradoxum videbitur, in quo tamen apparebit, quanti sit meriti hæc Virgo apud Deum. Nondum erat, & Deus propter ipsam populo Israëlítico non deerat: ipsa non rogabat, & Deus propter ipsam erogabat: nondum existerat, & multis, ut ita dicam, adisterat. Nam, se-

Serm. 61. de
Virg.

protoparentes nostros de prima eorum trans-

gressione ; Noë de diluuiò inundante ; Abraham de Hur Chaldæorum ; Isaac de Ismaële ; Iacob de Esäu ; Israëliticum populum de Ægypto, & de impia Pharaonis manu, de mari rubro, de captiuitate Babylonica, & Assyriorum ; Dauidem de leone & vrsis, de Goliath, & de Saùle infestissimo eius hoste. Omnia denique beneficia à Domino Deo collata sunt propter huiusmodi benedictæ Virginis reuerentiam, & amorem, quibus eam Deus in æterna sua prædestinatione honorandam cunctis operibus suis ab æterno præordinauit. Imò verò, teste Beato Fulgentio, *Cælum*

Lib. 4. Mythol.

& terra iam dudum vnissent, si Maria precibus non sustentasset. Si Deus populum suum à multis eripuit calamitatibus Mariam tantum præuidendo ; quid nobis nunc denegabit illam & videndo simul & audiendo ? Insuper, si cœli & terra stare non possunt sine Mariæ precibus, quomodo poterimus subsistere sine eius interuentione ? *Merito*, inquit Bernardus, *in te, Maria, respiciunt oculi totius creaturæ, quia in te, & per te, & de te benigna manus omnipotentis quicquid creauerat, recreauit.*

Serm. 2. in die Pent.

Optarem maximè, vt dum aliqua necessitate premeris, aut afflictione afficeris, veniant tibi in mentem incommoda quæ Beatissima Virgo passa est in hoc mundo. Nam magnam afflictionem subiit, quando Ioseph mysterij ignarus, *voluit occultè dimittere eam.* Maiorem, quando cum filio in Ægyptum fugere cogitur. Maximam, quando Christus crucifigitur. Certè non doluit Virgo quando Christus ex ea natus est, sed quando coram

Matth. 1.

ea passus est. Tunc enim adimpletum est illud Simeonis : *Tuam ipsius animam pertransibit gladius. Qui quidem gladius non illam trucidavit, sed vehementer transfuerberavit; adeo fuit intensus huius gladij dolor, ut alios quoscunque homines occidisset. Audi Diuum Bernardinum. Tantis fuit dolor Virginis, quod si in omnes creaturas qua pati possant, divideretur, omnes subito interirent. Si diuisus occideret, quid si integer? Ipsa tamen non interiit, quia peculiari auxilio Dei vires ei suppedantis adiuta, omnia aduersa patienti animo pertulit.*

Tom. 1. ser. 61. art. 3. cap. 2.

Itaque libenter compatietur afflictis, quæ aliàs fuit afflicta : compatietur virginibus, quæ semper fuit Virgo : compatietur coniugatis, quæ aliquando mansit coniugata : compatietur viduis, quæ fuit vidua : compatietur pauperibus, quæ pauperem vitam duxit : compatietur denique miseris, quæ veriùs quàm Dido apud Virgilium dicere potest;

Non ignara mali, miseris succurrere nosco.

Æneid. 1.

& cui miserorum demandata est cura. Dicamus igitur cum Augustino & Ecclesia; *Sancta Maria succurre miseris, iuua pusillanimes, refoue flebiles, &c.* Et ut compassio miseriæ nostræ semper sit apud eam, congratulemur ei, quod ab istis miseriis ad gaudia transierit Paradisi; hoc, teste Bonauentura, consulit Diuus Anselmus : *Affidue roganda est Maria, & congratulatio beatitudinis eius sit semper apud nos, ut compassio miseriæ nostræ sit semper apud eam.*

Serm. 18. de Sanctis.

In speculo Beat. Virg. cap. 9.

Tandem, quia, iuxta Diuum Thomam,

Opusc. 4.

conuenit Beatæ Virgini nomen Maria, quæ interpretatur stella maris, ac nauigamus in huius mundi periculoso pelago; ne ventis tentationum, vel procellis afflictionum obruamur, sed ad portum salutis dirigamur, illam sæpe saluteinus, dicamûsque cum Ecclesia; *Aue maris stella*, &c. aut cum Damasceno: *Aue unicum molestiarum solamen. Aue omnium cordis dolorum medicamentum.* Ad hoc

Orat. 2. de
dormit.
Virg.

Hom. 2. su-
per missus
est.

Innoc. III.
Papa.

nos hortatur Bernardus. *Si insurgant ventis tentationum, si incurras scopulos tribulationum, respice stellam, voca Mariam. In periculis, in angustiis, in rebus dubiis Mariam cogita, Mariam inuoca, non ab ore, non, discedat à corde.* Et cum summo Pontifice Innocentio III. huius beatissimæ Virginis auxilium in nostris miseriis sic imploramus:

*Angelorum Imperatrix,
Peccatorum consolatrix,
Consolare me lugentem,
In peccatis iam fœtentem.*

*In omnibus angustiis semper est nobis
Christus proponendus, pro quo sunt
omnia aduersa æquanimiter tol-
randa.*

CAPVT XIV.

Senec. Epi-
stol. 96.



ON incongruè à Seneca dictum A
est; [Vita sine proposito vaga est.]
Sicut nauigantibus ad aliquod sy-
dus

us dirigendus est: curius: ita necesse est, ut nobis proponamus aliquod exemplar, ad quod nitamur, & quod imitemur.

Assignat Diuus Paulus ad quem respicere debeamus, dum ait; *Per patientiam curramus* Hebr. 12.
ad propositum nobis certamen, aspicientes in authorem fidei, & consummatorem Iesum. Quasi dicat; pergamus patienter, & fortiter perseueremus: currendum enim nobis est per exilia, per bonorum rapinam, per medios hostes; ita fiet, ut cœlestē præmium ritè currentibus propositum assequamur. Induamus ergo patientiam; hæc nobis erit thorax impetrabilis, quo omnium hostium tela elidamus: hac armati alacres, & inuiolabiles in media persecutionum certamina irruemus.

Præterea, alludit Apostolus ad pictores, qui ut ex prototypo paragogum, vel imaginem exprimant, necesse est sæpe prototypum ipsum, siue exemplar intuantur & respiciant; vel ad illos, qui ut aliquas literas, aut characteres optimè efformare valeant, debent frèquenter exemplaria, quæ præ oculis habent, respicere. Sic, inquit Paulus, propono vobis exemplar patientiæ, scilicet Christum crucifixum, ut in illud assidue intuentes, eius patientiam, & constantiam in vobis exprimere & imitari studeatis.

Ad hoc propositum Diuum audiamus Augustinum. *Causa, inquit, patiendi capiti fuit,* In Psal. 34.
ut corpori praberet exemplum: Dominus enim voluntate passus est, nos necessitate: ille miseratione, nos conditione. Proinde illius voluntaria passio, nostra est necessaria consolatio, ut quando salua
foris

forte perpetimur, intueamur caput nostrum, ut eius exemplo commoniti, dicamus: *si ille, quid nos?* Si, inquam, ille, qui peccatum non fecit, nec inuentus est dolus in ore eius, tot ludibria, tot alapas, tot flagella, in mortem denique pertulit: quid nos, qui tot peccata commisimus, tolerare debemus? Quando igitur aliquid patieris, hoc tibi semper versetur in ore, vel mente: *si ille, quid ego?* Si iniuria afficiaris: si paupertate premaris: si te inimici persequantur: si falso accuseris, continuò dic: *si ille, quid ego?* Nam, teste Diuo Petro, hæc est, vna ex causis cur Christus passus sit, ut videlicet esset nobis in exemplar, vel exemplum; *Christus, inquit, passus est, vobis relinquens exemplum, ut sequamini vestigia eius.*

s. Pet. 2.

S. Brigit. in
reuelat.

Beatæ Brigittæ reuelatum fuit, quòd dum **B** Christus visibiliter versaretur in terris, familiaris hic erat sermo Hebræis mœstitia affectis; *Eamus ad intuemdum filium Maria, ut hilares reddamur.* Fortè quia speciosus erat præ filiis hominum, vel quia, teste August. facies decoris eius erat laudabilis. Non tantum ob id, sed etiam quia patiens fuit præ cæteris hominum, quamuis pulchrior ac purior extiterit omnibus hominibus, in qua quidem puritate præcipuè fulgebat eius pulchritudo. Audi Cassiodorum; *Non quia formæ eius decore lactei coloris eluxit, aut flauo crine lampauit, aut insigni statura pramiciuit, sed veraciter humano genere pulchrior fuit, quia peccatum non habuit.* Tantus itaque fuit Christi aspectus, ut conspicientes exhilaret. Quem modò oculis corporeis intueri non possumus, saltem

August.

Cass. in
Psal. 44.

saltem mente respiciamus, & quæ pro nobis pertulerit attendamus, ut vel sic pro illo patienter omnia feramus.

Ideo Apostolus, qui paulo antè hortabatur nos ut essemus *aspicientes*, modò ait; *Re-* Hebr. 12.
cogitate eum, qui talem sustinuit à peccatoribus
aduersus semetipsum contradictionem, ut non fati-
gemini animis vestris deficientes, nondum enim
usque ad mortem restitistis. Quem in hac vita
viderenon potestis, illum recogitate, id est,
seriò, sape cogitate. Ait Paulus Christum
sustinuisse contradictionem. Hoc prædixerat
senex ille Simeon; Hic positus est in signum, cui Luc. 2.
contradicetur. Huic contradixit Lucifer, cùm
 eius incarnationē impedire tentauerit. Huic
 contradixit Herodes, cùm illum recenter na-
 rum de medio tollere voluerit. Ei contradi-
 xerunt Iudæi, quando in eum blasphemantes,
 eius miracula negabant, multaque im-
 properabant, & dum eum usque ad mortem
 persecuti sunt.

Sicut igitur Christus positus est in signum
 illarum contradictionum, noli mirari, nec
 tristari, si tibi interdum contradicatur. Ut
 autem valeas quascunque contradictiones
 patienter ferre, sit tibi Christus in signum,
 illum expendito, ad hoc te hortatur Diuus
 Basilus: *Si, inquit, pauper es, memor sis Do-* Hom. de
mini nostri Iesu Christi, qui cùm diues esset, nostri Ira.
gratiâ egere voluit. Si verò stultus & indoctus ap-
pelleris, reminiscere eorum, quæ à Iudæis iactata
sunt in veram sapientiam. Alapa seu pugillo cæsus
es? expuit aliquis in faciem? eadem & Dominus
est passus: non enim ab expuentibus, & cadentibus
faciem

faciem auertit. Calumniam pateris? & Dominus. Tua laceratur vestis? & à Domino quoque vestis per vim extracta est, & super eam missa sunt sortees. Nondum condemnatus es: nondum Cruci affixus es: multa tibi toleranda sunt, vt ad eius imitationem peruenias. Hæc ille.

Lib. de bono
patient.

Tantos autem labores Christus sustinuit, **C** vt postquam illos Diuus Cyprianus fuse prosequutus est, tandem concludat; *Talis est Christi, ac tanta patientia, quam nisi tanta, ac talis esset, Paulum quoque Apostolum Ecclesia non haberet.* Ac si dicat. Nedum Christus sustinuit persecutiones, sed & persecutores, inter quos fuit Paulus, qui cū esset sua malitia vas indignationis, factus est Christi patientia vas electionis: & qui Christum in fidelibus persequabatur, multa postea pro Christo ab infidelibus patiebatur: & qui prius Christi membra non agnoscebat, membris. eius Christus pōst non ignoscebat: in corpore suo aspera sustinere non recusauit, qui multa caput suum Christum sustinuisse cogitauit: quia, teste Gregorio, nihil est adeo graue, quod non equanimiter toleretur, si Christi passio ad memoriam reuocetur.

Greg.

Et secundum alium Gregorium, passionis & laborum Christi consideratio fiet nostrarum passionum & mœstitiarum extinctio.

Greg. Naz.
in sententiis
tetrastich.

Si quando, inquit, animus tuus acceptæ iniuriæ dolore exarserit, fac tibi Christus, Christi quæ vulnera in memoriam veniant, quantulæque pars hac sint eorum, quæ Dominus tuus perpeffus est; hac ratione animi dolorem velut aspersa aqua extinxeris. Et, vt cum Diuo Augustino loquar,

soto nobis figatur in corde, qui pro nobis fixus est in Cruce. Titus Lilius hæc de milite dicere solebat: [Deuotus miles non sentit sua, cum benigni ducis intuetur vulpera.] Attentè igitur Christi vulnera consideremus, vt nostra patienter toleremus.

Lib. de san.
cta virgini-
tate.
Lib. 2. de
cad. 1.

Vult Diuus Petrus, vt Christum passum sæpe cogitemus; ait enim, Christo igitur passo in carne, & vos eadem cogitatione armamini.

1. Petr. 4.

Vocat Apostolus hanc cogitationem passionis Christi, armaturam, qua facili negotio poterimus quibuscunque tentamentis ad impatientiam impellentibus, resistere. Experimento didicit idem Apostolus, quantum prodest semper oculos & affectum ad Christum dirigere. Legimus enim apud Matthæum, ambulantiem illum supra mare, videntem ventum validum, timuisse, ac cepisse mergi, quia fortè oculos à Christo abduxerat, illòsque ad huiusmodi ventum, procellamque coniecerat. Qui itaque à Christo mentis oculos abducit, eosque ad tempestates, atque ad aduersa quæ illi accidunt, conuertit, illicò demergitur, id est, aduersis frangitur, irascitur, in verba blasphemix prorumpit.

Matth. 14.

D Tanta fuit Christi in sustinendis iniuriis patientia, vt propter ipsam voluerit Tertulianus, Phariseos Christum agnoscere debuisse. Hinc, ait, vel maxime Pharisei Dominum agnoscere debuistis, patientiam huiusmodi nemo hominum perpetraret. Sicut in patientia cognoscebatur Christus, sic in patientia cognoscatur Christianus. Ab illis etiam debebat

Lib. de part.
cap. 3.

bat

Lib. 4. Epist.

hat agnosci, à quibus patiebatur se crucifigi. Quia si illum pro ipsis talia patientem agnouissent, similia ipsi pro illo patienter sustinuis-
libet nobis anxietatem vite præsentis propinet affli-
ctio, parua toleramus, si recordemur, quid biberit ad
patibulum, qui inuitat ad cælum, &c.

Homil. 4. in
Epist. ad
Philip.

A. 5.

Itaque, vis pati pro Christo? quid passus sit, assidue cogitato. Vis autem scire, quid sit pati pro Christo? Diuum Chrysostomum audito: *Pro Christo pati*, inquit, *munus est maioris admirationis, quam sit reuera mortuos excitare, & signa miranda patrare: nam illic quidem debitor sum, hic verò Christum habeo debitorem.* Debet tibi Christus, si pro ipso patiaris, & tu debes Christo, cum per ipsum miracula operaris. Inter beneficia discipulis collata, istud annumerat Scriptura, quòd, videlicet, digni habiti sint pro nomine Iesu contumeliam pati. Optanda potius est ista dignatio, quam miraculorum operatio. Non ideo Sancti Deo grati sunt, quòd miracula patraverint, sed quòd multa pro ipso gratissima sustinuerint.

16. 53.

Sciendum denique est, Christum ad omnium nostrum maiorem consolationem omnia sustinuisse incommoda, quæ in hominem cadere possunt: omnia, inquam, pertulit, quæ solent esse hominibus dolori & mœstitiæ, peccato & ignorantia demptis. Ideo non immeritò Propheta vocat illum, *virum dolum*: quia verè languores nostros tulit, & ægrotationes nostras ipse portauit.

Nam si molestum sit homini fuisse in vili loco

Ioco natum, nullum habere domicilium, pauperem vitam ducere, persecutionibus agitari, iniuriis affici, alapis percuti, flagellis caedi, falso accusari, à cunctis despici, ab omnibus derelinqui, morti adiudicari, ac denique patibulo suspendi; hæc ideo omnia Christus pro nobis passus est, ut si quædam ex his nobis contingant, statim illius recordemur, atque in eo consolemur, dicamúsque semper, ut supra, cum Augustino: *si ille, quid ego?* prius ille, postea ego: ille innocens, & ego peccator: ille tunc pro me, & ego nunc pro illo: ille iniuste patiebatur, & ego iuste: ille tristabatur, & ego gaudebo? Pauper erat, & ego ditabor? Afficiebatur iniuriis, & ego laudibus? Non habebat, ubi caput reclinaret, & ego habebó, ubi totum corpus reclinem? Esuriuit, & ego satiabor?

Quod Christus præcepit, hoc ipsum perfecit: quod aliis iniungebat, sibi adiungebat. Vnde optimè Augustinus; *Omnia bona terrena contempsit homo Deus, ut contemnenda monstraret, & omnia terrena mala sustinuit, qua sustinenda præcipiebat, ut neque in illis quereretur fœlicitas, neque in ipsis timeretur infœlicitas.* Diuus Ambrosius probat Christum sufficientissimum esse ad consolandum nos in quacunque aduersitate constitutos. *Omnia, inquit, habemus in Christo, & omnia in nobis Christus. Si à vulnere curari desideras, medicus est: si febribus astuas, fons est: si grauaris iniquitate, iustitia est: si indiges auxilio, virtus est: si mortem times, vita est: si tenebras fugis, lux est: si cælum desideras, via est: si cibum quæris, ali-*

Lib. de catechizandis rudibus.

Ambros. in quodam serm.

K mentum

Super Lucā
lib. 4.

mentum est. Quomodo autem Christus nos consoletur, ostendit alibi idem doctor, dum ait; *Factus est Christus pauper pauperibus, flens flentibus, esuriens esuriens, sitiens sitientibus, est in carcere cum paupere, cum Maria flet, cum Samaritana sitit.* Verè de homine dicit; *Cum ipso sum in tribulatione.* Sed ut tecum sit in tribulatione, noli illum tibi auferre in tribulatione; *Nemo, inquit idem, tibi Christum potest auferre, nisi te illi auferas.* Auferes autem, si illum offendas, vel si patienter propter ipsum tribulationem non feras.

Hieron. in
Psal.

Diuus Hieronymus nulla timebat incommoda, dummodo post illa Christus adueniret; *Veniant, inquit, plaga, veniant omnia malorum genera, dummodo post plagas Christus adueniat.* Si autem vis, ut Dominus tibi adueniat, opta ut aduersa tibi adueniant; & cum aduenerint, patienter ferto, quod ut præstes, veniat tibi in mentem Christus, illum tibi semper proponas.

Serm. 16. de
passion.

Ostendit disertissimus Leo, quam via ad Christum tendere possimus, dum ait; *Per Christum ad Christum tendit, qui per sententiam patientie & humilitatis incedit, in quo planè itinere, nec æstus deest laboris, nec nubes tristitie, nec procella formidinis: ibi sunt insidia iniquorum, persecutiones infidelium, mina potentium, contumelia superbiorum, qua Dominus Rex gloria ideo omnia percurrit, ut inter presentis vite pericula, non tam optandum sit nobis declinando ista effugere, quam tolerando superare.*

Senecam illum notissimum Philosophum ad subeundos difficiles, durósque labores,

Sextij

Sextij cuiusdam liber adeò incendebat, vt casus omnes ad congressum prouocaret. Quid autem de se scribat audiamus. [In quacunque positione mentis sum, cùm lego Sextium, liber omnes casus prouocare, liber exclamare; quid cessas fortuna? congregere: paratum vides; illius animum induo, qui quærit vbi se experiatur, vbi suam virtutem ostendat: libet aliquid habere quod vincam, cuius patientia exercear.] Si vir Ethnicus sibi alium proponebat Ethnicum ad omnia incommoda toleranda; quid Christianus præstare debet? Christum sibi proponat, maiora namque summet à Christo, viro dolorum, incitamenta, quàm Seneca à Sextio. Dicat igitur: cùm Christum opprobria, flagella, mortem denique ferentem intueor, libet omnia pro illo aduersa tolerare, quid moraris aduersitas? accede, paratum inuenies.

Sed vt illud præstare valeamus, nobis Christus tanquam vestis induendus est: ad hoc nos hortatur Apostolus; *Induimini Dominum Iesum Christum*. Si ille Seneca animum Sextij induere fatebatur, itaque vt alter Sextius apparebat; induat fidelis Christum Dominum. Quid autem sit induere Christum, indicat Diuus Chrysostomus:

Induere, ait, Christum, est undique in nobis per sanctimoniam & mansuetudinem Christum conspicuum esse. Homo enim indutus, id esse videtur, quod indutus est: appareat itaque in nobis Christus. Vel secundum Diuum Thomam, Christum induit, qui Christum imitatur, quia sicut homo continetur vestimento, & sub eius

Epist. 65.

Rom. 13.

Chrysost. in
Epist. ad
Rom.

In eundem
locum.

colore videtur : ita in eo qui Christum imitatur, solus Christus, eiusque indumenti color, id est, sanctitas apparet.

Rom. 8.

Serm. 44. de
Sanctis.

Hieron. in
quad. Epist.

Bernard.

Vt igitur illum, vel illo induaris, oportet **G**
ut illum intuearis, & quem debes contempla-
ri, necesse est imitari : nec poteris cum illo in
cœlis regnare, nisi valeas pro illo in terris ad-
uersa tolerare. Nam, teste Apostolo, qui non
compatitur, non conglorificabitur. Et Diuus
Augustinus existimat illum recusare esse in
corpore, qui tribulationem non vult sustinere
cum capite, nec mereri congaudere in patria,
qui recusat condolere in via. Non enim erunt
in cœlo membra glorificata sub coronato ca-
pite, quæ hic sub spinoso extiterunt delicata:
nec Christum videbit regnantem, qui recusat
imitari patientem. Vnde Hieronymus ; *Si vis
habere partem cum Christo, tibi viuendum est Chri-
sti exemplo.*

Cæterum quosnam consolentur Christi
actiones & passionēs, ostendit Bernardus his
verbis. *Non consolatur Christi infantia garrulos:
non consolantur lacrymæ cachinnantes: non conso-
lantur panni eius ambulantes in stolis: non conso-
lantur stabulum & præsepe amantes primas cathe-
dras in synagogis.* Vis igitur, ut Christus te
consoletur? fac ut vita tua illum imitetur:
consoletur enim humiles, consoletur paupe-
res, consoletur mites, & eos qui persecutio-
nem patiuntur propter iustitiam: non conso-
latur Christi paupertas diuites, nec pauperes
optantes esse diuites: nec eius humilitas infla-
tos: nec obedientia rebelles: nec impatientes
patientia eius.

Valde

Valde sunt consideranda verba Apostoli sic ad Romanos scribentis; *Christus non sibi placuit.* In quæ verba ostendit Diuus Chrysostomus, Apostolum semper nobis Christum proponere in exemplum. Quid dicat iste doctor audiamus. Semper, inquit, nobis Christum in exemplum Apostolus proponit: nam & cum de eleemosyna loqueretur ipsum adducebat, dicens; Cognoscite gratiam Domini, quoniam cum dives esset, propter vos egenus factus est: & cum ad dilectionem adhortaretur, dixit: sicut & Christus dilexit nos: de ferenda etiam confusione, & periculis consilens ad eundem confugit, dicens: Qui pro gaudio sibi proposito Crucem sustinuit, confusione contempta. Postmodum iste doctor explicans supradicta verba Apostoli, sic ait; Quid est, non placuit sibi ipsi? poterat nulla ferre opprobria, poterat qua passus est, non pati, si qua sua sum spectare voluisset; verum noluit, sed quod nostrum erat respiciens, quod suumerat neglexit.

H Itaque ille sibi placet, cui pati pro Christo non placet: sed sicut Christus tormenta pro nobis sustinendo sibi placere recusavit; ita consentaneum est, ut pro ipso patienter omnia aduersa ferendo nobis ipsis displicere studeamus. Naturaliter tibi displicent labores, dolores, morbi, paupertas, & similia, quæ si recuses, aut impatienter feras, tibi placebis, sed non Deo, quia non vis, quæ tibi non sunt placita: si verò æquo animo sustineas, tibi exemplo Christi displicebis, sed Deo placebis. Audi Bernardum: Quidni caput suum membra sequantur? si bona suscepimus ab hoc capite, id est, Christo, mala autem quare

Rom. 15.

Hom. 27.

Serm. 1. in capite ieiunij.

non sustineamus? An respondere tristitia volumus, & communicare iucundis? Si ita est, indignos nos capitis huius participatione probamus. Omne enim quod ille patitur, pro nobis est. Quod si in opere salutis nostra ei collaborare piget, in quo deinceps coadiutores nos exhibebimus illi? Non est magnum si compatimur, membrum capiti, cum quo & glorificandum est. Fœlix membrum, quod huic adhaerit per omnia capiti, & sequetur illud quocunque ierit. Ducem Catonem sic Poëta inducit loquentem;

Lucanus
lib. 8.

———Primus arenas

*Ingrediar, primisque gradu in pulvere ponam;
Me calor atherens feriat, mihi plena veneno
Occurrat serpens, fatoque pericula vestra
Præsentate meo.———*

Sic Christus Dux, & Deus optimus maximus per huius mundi tribulationes suos ducens milites, primus in pulvere gradus posuit, vestigiâque reliquit impressa, quibus insistamus. Nam primum impiorum oppugnavit invidia, primum labores affligere, primum truculenti vulneraverunt leones, primus torrentem mortis transfretavit; videamus illum, & sequamur: eius exemplo omnia subeamus aduersa. Olim Hebræorum exercitum per Arabiæ deserta loca præcedebat columna; nos autem non columna nubis & ignis, sed Deus ipse in nube, hoc est, in humanitate, præcedit. Sequebantur illi nubem, nos sequamur Christum, iuxta illud Ambrosij; *Exercitata mens non aquilarum præfert imagines, nec dracones, sed in Cruce Christi, & in Iesu nomine progreditur ad prælium.*

Lib. 3. de
Abraham
cap. 7.


Nullum

Nullum certè ad omnem patientiam efficacius remedium dari potest, quàm Christi Redemptoris vel exemplum, vel gratia, vel doctrina. Sanctus Alzarius Comes, cum vxor eius nimiam eius, vt videbatur, patientiam miraretur, quòd in tam ampla familia, & tam multis negotiis toties offensus nullum offensionis signum daret. Ecquid verò, inquit, prodest irasci? Nihil profectò. Attamen explicabo tibi arcanum pectoris mei. *Noueris me interdum sentire aliquam in animo aduersus infestantes me indignationem. Sed illicò me conuerto ad cogitandas iniurias. Christo illas, dicoque mihi ipsi eum imitari cupiens: Etiamsi famuli tui barbam tuam conuellerent, & colaphos tibi impingerent, nihil hoc totum esset pra. illis quæ Dominus tuus, & plura, & maiora perpeffus est; certòque habeas, coniux mea, me nunquam cessare à commemorandis iniuriis Saluatoris mei. donec animus planè sit tranquillius.* Hæc ille, qui sæpe offende- batur, sed nunquam irascebatur: quia Christum meditabatur. Magis attendebat dolores, quos pro nobis Christus perferebat, quàm iniurias, quas domestici ei inferebant.

Apud Sur.
tom. 5. in
vita eius
cap. 23.

*Spe beatitudinis æternæ omnia aduersa
sunt æquanimiter toleranda.*

CAPVT XV.

A  **OLENT** hi, qui minùs acri sunt oculorum acie, eos auocare ab intuitu rerum nociuarum; defigere

Simile.

verò in flores & viridantia, vt refocillentur. Ita anima auertere debet à rebus moleſtis & mœrore plenis, quas patitur: obuerrere verò ad eorum contemplationem quæ bona & iucunda ſunt, vtpote Paradifi gaudia. Idcirco Diuus Baſilius; *Afficit te, inquit, aliquis ignominia? Quin tu ad eam ſuſpice gloriam, qua reposita in cœlis eſt. Iacturam rerum tuarum adiſti? Imò oculos imprime fixius illis cœleſtibus diuitiis, & theſauro incomparabili. Patriõne ſolo excluſus es? At patriam habes cœleſtem illam Hieruſalem. Perit tibi filius? Sed Angelos habes cum quibus in circuitu diuini illius throni tripudies latitia ſempiterna exhilarandus, &c.*

Hom. de
grat. act.

Lib. 9. Inſt.
cap. 13.

Poteſt igitur homo in omni anguſtia & aduerſitate mentem ſuam erigere ſpe, & fiducia promiſſæ felicitàtis æternæ, ſi patienter ſuſtinuerit. Hoc vnum etiam Ioannes Caſſianus pro curanda omni triſtitia, quæ concipitur ex rebus aduerſis, antidotum proponebat. *Hanc ergo, inquit, pernicioſiſſimam paſſionem ita de nobis expellere poterimus, vt mentem noſtram ſpiritali meditatione iugiter occupatam futura ſpe, & contemplatione repromiſſa beatitudinis erigamus. Hoc enim modo vniuerſa triſtitiarum genera, ſive quæ ex præcedenti ira descendunt, ſive quæ amiſſione lucri, vel detrimenti illatione nobis adueniunt, ſive de irrogata generantur iniuria, ſive quæ de irrationabili mentis confuſione procedunt, ſeu quæ lethalem nobis deſperationem inducunt, valebimus ſuperare, &c.*

Indignum exiſtimat Diuus Cyprianus, ſi B
Chriſtiani ad Paradifum inuitati, dolore afficiantur ob aliqua aduerſa, de quibus nihil
omnino

omnino curare debent, cum copia regni celestis eos expectet. *Vinea fallat, inquit, & olea* D. Cypri. *decipiat, & herbis siccitate morientibus astuans campus arescat, quid hoc ad Christianos? Quid ad Dei servos, quos Paradisus inuitat, quos gratia omnis & copia regni celestis expectat? exultant semper in Domino, & latantur & gaudent in Deo suo, & mala atque aduersa mundi fortiter tolerant, dum bona & prospera futura prospectant, &c.* Verissimum enim est illud Publij Mimi; Publ. Mim. [Ex præmij spe, solatium fit laboris.] Loquens Diuus Paulus de Moyse renuente delicias aulae Pharaonicæ, ait, hoc ideo præstitisse, quia *aspiciebat in remunerationem.* Ac si diceret: ideo Moyses opes Ægypti posthabuit gentis suæ miseriis, quia sic secum ratiocinabatur. Si ego Ægyptiis deliciis & honoribus me dedam, his tantum fruatur ad viginti, vel triginta annos, & mox ab irato Deo damnabor ad æterna inferorum tormenta: sin autem, his abdicatis, populo Dei afflicto me iungam, cum eo premar latere & luto, affligar tantum ad viginti, vel triginta annos, & mox à Deo remuneratore liberalissimo donabor æternis gaudiis. Satiùs est autem hic modica miseria emere æternam fœlicitatem, quàm modica fœlicitate & voluptate præsentis emere æternam miseriam. Atque hæc conclusio, & spes Moysen ad omnia dura & ardua fortiter subeunda impulit. Nec mirum, cum dicat Diuus Augustinus; *Quis non* in Psal. 68. *contemnat dulcedinem sæculi inhians dulcedini vite æternæ?* Similiter tu, si aliqua afficiaris iniuria, si premaris penuria, si morbo deti-

nearis, aut aliquam aliam afflictionem patiaris, *aspice in remunerationem*, & inuenies consolationem. Nam, teste Gregorio, *consideratio præmij minuit vim laboris*.

Simile.

Baiuli seu onerarij homines, dum onera cęstant, gemunt quidem & sudant, sed pretij consideratione pergunt, feruntque patienter onus, imò sæpe lætantur, & finito labore alia quærunt onera vehenda, nec pristino labore deterriti cessant onera indagare: & quidem, si nos præmij cœlestis magnitudinem attentè contemplaremur, non solum virtutis & sanctitatis onera, omniâque aduersa non detrectaremus, sed & vehementer optaremus. Si enim baiuli onera illa adedò amant, quia ex illis vitæ suæ ratio pendet; cur nos onera Christi, pondus Crucis, nimirum afflictionum, portare renuemus, cum sine illis sempiternum & cœleste præmium nancisci non possimus? *Non cogites arumnam*, ait Chrysostomus, *sed libertatem, non flagella, sed honores*. Sanctus Stephanus non lapides, sed superna brauia considerabat, ideo *lapidum ictus, veluti suauem quendam rorem excipiebat*, inquit Nysenus. Ratio est, quia, teste Scriptura, *erat intendens in cœlum*.

Hom. 22.
ad Pop.

Lib. de beatitud.

Proposita temporali vita, nullos recusas labores, curris, huc illuc vagaris, insudas, operaris, mari, terræque te das; cur ita? Ut viuam, inquis. Quanto tempore? Per viginti, vel triginta, aut fortè sexaginta annos. Ergo tibi grata est vita sexaginta annorum, ad quam traducendam tanta subis incommoda. Cur potius tibi gratior non est vita, non
centum

centum annorum, sed æterna? Cùm cupias hic aliquandiu viuere, cura in cœlo in æternum viuere: cogitato aliquo temporali lucro, multa sustines; proposito verò sempiterno præmio, non omnia subibis aduersa? [Cogita, inquit Seneca, quàm multa temere pro pecunia, quàm multa laboriose pro honore tentaueris: aliquid & pro otio audendum est.] Sed dic tu; aliquid pro Deo, pro vita æterna audendum & subeundum est. Quid non moliuntur homines, quid non patiuntur pro tuenda, aut recuperanda valetudine? Vnde Poëta;

Epist. 19.

*Vt corpus redimas, ferrum patieris & ignem,
Arida nec sitiens oralauabis aqua.*

Ouid. lib. de
remed.
amor.

Vt valeas animo, quicquam tolerare negabis?

D Quid non patiuntur auari? Quas vigilias, nauigationes, labores non tolerant, vt aurum cumulent? Et tamen terrena bona nullo conatu, nulloque labore sunt digna: pro æternis bonis sunt labores subeundi. *Tanti vitreum*, inquit Tertullianus, *quanti verum margaritum?* Bona huius sæculi sunt veluti vitreum margaritum, & nullus pretij: cœli bona veræ sunt gemmæ. Si vitreum margaritum, id est, sæculi caduca bona auari tanto emunt pretio & labore; verum margaritum, id est, cœlestia bona quantis laboribus nos comparare debemus? Ideo addit idem doctor; *Quis non libentissimè tantum pro vero margarito habeat erogare, quantum alij pro falso?* Vnde & Hieronymus, *Quantis, inquit, sudoribus hereditas cassâ expetitur? minori labore margaritum Christi emi poterat, &c.* Diuus quoque Chrysostomus

In lib. ad
Martyres.

Ibidem.

Epist. 2. ad
Nepotian.

mus

Rom. 14.
in Matth.

mus sic à minori ad maius argumentatur. Si nautis, inquit, minaces illi pelagi fluctus, si tempestates, atque hyemes agricolis, si vulnera, cadésque militibus, si grauissimi illi ictus, plagaque pugilibus leues videntur, atque tolerabiles propter spem temporalium ac pereunium comodorum, multò magis cum cælum proponatur in pramio, & ineffabilia illa bona, atque perpetua, nihil ex presentibus his aduersitatibus sentietur.

in Psal. 93.

Certè æterna beatitudo labore æterno effert emenda, sed dignatione & miseratione diuina temporali comparatur labore. Vnde de ea sic August. *Digna est quidem emi labore perpetuo, sed necesse est, ut labore temporali ematur. Certè tantus debuit esse, id est, sempiternus labor pro requie sempiterna, &c.* Audi precor quid idem doctor Deo loquenti dicat. *Venale habeo. Quid Domine? Regnum cælorum. Quo emitur? paupertate regnum, dolore gaudium, labore requies, vilicate gloria, morte vita.*

Ibidem.

Val. lib. 6.

Magna esset Christianorum confusio, si patientiam in aduersis non haberent expectatione æternæ gloriæ; quam multi Gentiles habuerunt ostensione virtutis, & acquisitione laudis humanæ. De Theodoro Cyrenæo refert Valerius, quòd cum Symmachus Rex illum iussisset crucifigi, libera voce, & paruipendens huiusmodi tormentum, respondit: [Mea quidem nihil interest, an humi, aut in sublimi putrescam.] Laudat idem Valerius patientiam Zenonis, qui dum in equuleo torqueretur, non supplicem emisit vocem, nec eiulatum, sed ita fortiter illud tormentum sustinuit, ut Tyrannus, qui eum

damna

Lib. 4.

damnauerat , à populo lapidibus obrutus fuerit. Plurimum commendat Seneca paupertatem Fabricij , exilium Vitellij , tormenta Reguli , venenum Socratis , mortem Catonis , quia viri illi libenti animo pro inani quadam gloria omnia illa pertulerunt : quam quidem transeuntem gloriam sic magnificiebat idem Seneca , vt de illa diceret ; [Nos non aduocabimus patientiam , quos tantum præmium expectat ?] Hoc de pereunte gloria dixit Ethnicus ; nos verò Christiani maiori ratione de perenni dicere possumus , non habebimus patientiam , qui cœlestem speramus gloriam ?

Lib. de Pro-
uid.

lib. 2. de
la.

F Attamen sunt nonnulli , qui tanto amore prosequuntur istud sæculum , vt maiores subeant labores pro terrenis & perituris rebus , quàm pro sempiternis & cœlestibus , de quibus meritò conqueritur Diuus Gregorius. *Omnes , inquit , huius sæculi dilectores in terrenis rebus fortes sunt ; in cœlestibus autem debiles : nam pro temporali gloria desudare vsque ad mortem appetunt , & pro perpetua nec parum quidem in labore subsistunt. Pro terrenis lucris quaslibet tolerant iniurias , & pro cœlesti mercede , vel tenuissimi verbi contumelias ferre recusant. Terreno Iudici toto etiam die assistere fortes sunt , in oratione verò coram Domino , vel vnius hore momento lassantur. Sæpe nuditatem , deiectionem , famemque pro acquirendis diuitiis , atque honoribus tolerant : superna autem laboriosa tantò magis querere dissimulant , quantò ea tribui tardius putant , &c.*

Et habetur
dist. 1. cap.
omnes.

Dilectores autem cœlestis patriæ tantò magis de illa cogitant , quantò minùs de terrenis

renis

D. Greg.

renis curant, quia, teste eodem Gregorio;
vilescunt temporalia, dum cogitantur aeterna.

Epist. 32. ad
Paulinum.

Terrena ad tempus negligunt possidere, ut
 valeant cœlestibus sine fine gaudere: non
 curant hic omnibus tormentis affici, ut pos-
 sint ibi diuina visione refici. Omnia patien-
 ter tolerant, quia cœlum impatienter desi-
 derant, dicuntque cum D. Augustino; *Desi-*
deramus Hierusalem cœlestem, & quanto impa-
tentiùs desideramus ipsam, tantò patientiùs susti-
nemus omnia propter ipsam.

Hom. 37. in
Euang.

Pudeat nos, qui pro tanta gloria nihil in
 hoc mundo sustinere volumus. Cruciaban-
 tur Martyres omni tormentorum genere.
 Aliqui enim in frustra discerpri extremum
 exhalabant spiritum: aliorum corpora vngu-
 bus dilacerata, aceto & sale perfundebantur.
 His bestiis dilaniandi tradebantur, illorum
 carnes candentibus forcipibus identidem
 carpebantur. Quæ omnia aeternis considera-
 tis præmiis fortiter perferebant; sciebant enim
 ad magna præmia non posse perueniri, nisi
 per magnos labores. *Igitur, ait Gregorius, dele-*
et mentem magnitudo præmiorum, sed non deter-
reat certamen laborum, &c.

Hebr. 10.

Laudat Diuus Paulus Hebræos, quòd co-
 gnita meliori in cœlo substantia, cum gau-
 dio rapinam bonorum suorum ferebant. *Ra-*
pinam, inquit, bonorum vestrorum cum gaudio
suscepistis, cognoscetes vos habere meliorem &
manentem substantiam. Sciebant Hebræi qui
 Christo nomen dederant, huius sæculi opes
 esse inania quædam parui momenti acciden-
 tia: cœlestes verò diuitias esse substantiam
 solidam

solidam ac sempiternam. Ideoque cum gaudio rapinam ferebant accidentium, ut substantiam perpetuam compararent. Iucunda enim est iactura plumbi, qua comparatur aurum. Cur nobis eadem cognoscentibus, eademque sperantibus, idem non contingit gaudium? Quia idem nobis non inest desiderium. Nam, ait Augustinus, *temporalibus* In Psal. 51. *gaudent, qui bona aeterna non norunt desiderare,* &c. At verò, teste Isidoro, *qui futura vita premia* Isidor. *diligenter excogitat, praesentis vita mala equanimiter portat.* Denique, omnibus mihi liceat dicere, quod suis sociis Aeneas;

Per varios casus, per tot discrimina rerum

Virg. 1.
Aeneid.

Tendimus in caelum. — — —

Cum post huius vitae incommoda coelestibus bonis fruimur, poterimus gratias agentes Deo, haec Israelitarum verba usurpare; *Lata* Psal. 79. *risum pro diebus, quibus nos humiliasti, annis quibus vidimus mala.* In quæ verba luculenter loquitur Divus Bernardus in hunc modum. *Opportune post tristitiam gaudium subit: post* Serm. 62. *laborem quies, post naufragium portus: placet* super Cant. *cunctis securitas, sed ei magis qui timuit: iucunda omnibus lux, sed enadenti de potestate tenebrarum incundior: transisse de morte ad vitam duplicat vita gratiam.*

H Beatissimus Pater noster Franciscus dum affligeretur, dicere solitus erat; *Tanta est gloria, quam expecto, ut omnis me poena deleatet,* S. Franc. *omnis morbus, humiliatio omnis, persecutio omnis, mortificatio omnis.* Pudeat nos nullis velle cruciate molestiis, qui optamus aeternis gaudere deliciis.

Tanta

Serm. 2. de
feli. oia.
Sanct.

Tanta est gloria illa cœlestis, vt pro illa comparanda, omnia sint nobis tormentorum atque tribulationum genera perferenda. Hinc Augustinus: Si quotidie, ait, oporteret nos tormenta perferre, si gehennam ipsam paruo tempore tolerare, vt Christum videre digni essemus venientem in gloria, & Sanctorum eius numero sociari; nonne erat dignum pati omne, quod triste est, vt tanti boni, tantæque gloria participes haberemur?

Lib. 7. mor.
cap. 6.

Et reuera, si ritè cœlestem dulcedinem gustaremus, huius vitæ amaritudines non respueremus. Hinc Gregorius: Cum quis æterna patria quanta sit dulcedo considerat, pro ea presentis vitæ amaritudines ardemer amat. Et hanc modò Apostolicam rationem afferamus: quia non sunt condignæ passionibus huius temporis ad futuram gloriam, qua reuelabitur in nobis.

Rom. 8.

D. Thom.

In quem locum obseruat Diuus Thomas, Apostolum non dixisse actiones, sed passionibus, quia, inquit, passio maior est actione, vt innueret, quodd ad comparandam æternam beatitudinem, illud est dandum quod maximum est inter ea quæ ab homine dari possunt; scilicet passionibus. Homo igitur patiatur, vt tali gloria potiatur: ferat, vt ad illam se conferat: subeat tormenta, vt transeat ad oblectamenta. Vnde Augustinus ad vnumquemque nostrum; Tolerare, inquit, quod non vis, vt assequaris quod vis. Idem assignat rationem, cur in hoc mundo tribulemur, cum ait; Tota die tribulatio, quando in patria non est delectatio. Id est, si patriæ cœlestis consideratione, & expectatione delectaremur, nullo modo huius vitæ molestias sentiremus.

Super illud
Psal. In die
tribulationis
meæ clam.

Deuotissi

*Deuotissimè prolato, & inuocato sacra-
tissimo nomine Iesu, omnis dolor, om-
niâque aduersa vel mitigantur, vel
equo animo feruntur.*

CAPVT XVI.

A **N** solùm persona Christi Iesu, sed & ipsius nominis inuocatio, & prolatio est maximæ virtutis. Romani, teste Plutarcho, Deum Romæ tutelarem nominare nefas ducebant: vnde Valerium Soranum malè periisse dicitur, quòd numinis nomen efferre ausus esset. Huius autem occultationis rationem assignant Plinius, & Macrobius. Solebant enim Romani, dum hostium urbem obsiderent, euocare Deum tutelarem illius urbis, illique eundem, aut ampliorem locum, & cultum promittere; quia aliter urbem capi posse non credebant. Ideo ipsi Romani Deum in cuius tutela vrbs Roma erat, ignotum esse voluerunt, ne vllò modo nominari, ac inuocari posset ab hostibus, atque ita non caperetur vrbs.

Occultabant ergo Romani Dei tutelaris nomen: at Deus omnipotens, non tutelaris solùm, sed omnium deorum, quibus seruibant, nomina iam obruit: nomen verò Iesu toti orbi patefecit, vt illud possit quisque

L

nomin

Lib. proble-
mat.Lib. 28. c. 2,
Lib. 3. Sa-
tur. cap. 9.

Luc. 1.

Cap. 2.

Ioan. 19.

Psalm. 4.

Jerem. 11.

nominare, laudare, & inuocare; ideo Angelus ad Virginem antequam Christus conciperetur; *Vocabis*, inquit, *nomen eius Iesum*. Idem dictum est Iosepho, postquam conceptus est. Quando est circumcissus, palam *vocatum est nomen eius Iesus*. Et dum crucifixus est, concelebratum est nomen eius Iesus, imposita à Pilato supra caput eius hac insigni inscriptione: *Iesus Nazarenus Rex Iudeorum*.

Excogitabant impij sacrum istud nomen deperdere, & de medio tollere, vt David in persona Christi prædixit: *Inimici mei, dixerunt mala mihi, quando morietur, & peribit nomen eius?* Ieremias quoque nomine eorum inquit; *Eradamus eum de terra viventium, & nomen eius non memoretur amplius*. Non tamen Deus illorum vota impleri permisit: imò nomen Iesu filij sui ad omnem propagauit æternitatem. Quod vt perageret, trophæum Crucis crexit, vbi nomen illud maneret inscriptum, nulla vnquam obliuione delendum: & sicut quæ sunt sublimi loco posita ab omnibus cernuntur, sic nomen Iesu non in porphyreticis columnis, non in Ægyptiorum obeliscis, aut æneis statuis, vel altis pyramidibus, sed in culmine, ac throno Crucis locauit, vt sic omnibus manifestaretur, & ab omnibus honoraretur, ac inuocaretur. Debuït enim illud nomen ab omnibus videri, quod ab omnibus debet proferri; ac in altum eleuari, quod à cunctis debet inuocari; & omnibus esse conspicuum, quod omnibus est proficuum.

Olim.

B Olim nomen *Iehouah* erat Hebræis ineffabile; vel quia, ait Eusebius, non constabat, quoniodo proferendum esset; vel secundum Galatinum, quia Deus trinus & vnus, qui omnino ineffabilis est, per illud nomen significabatur. Eam ob rem antiqui Iudæorum à Mose edocti, ad designandam hanc diuinæ Trinitatis & ynitatis ineffabilitatē, statuerunt hoc nomen minimè proferri; sed vbicūque inueniretur, loco eius nomen *Adonai* pronunciari debere. At nomen Iesu non vult Pater æternus, vt sit nobis ignotum & ineffabile, sed notum & effabile, atque ita pronunciari, efferrri, ac inuocari possit ab omnibus. Hoc prædixerat Isaias: *Vocabitur tibi nomen nouum, quod es Domini nominauit.* Lib. 11. de præp. Euāg. cap. 8. Lib. 2. c. 10. Isai. 62.

Triadicit Propheta sanctus. 1. *Vocabitur tibi*, id est, à te; quia omnis homo potest nomen Iesu vocare, & inuocare. 2. *Nomen nouum.* Quærit Diuus Thomas, an hoc nomen Iesu nouum debeat appellari, cū in veteri Testamento pluribus fuisse impositum legatur. Sed respondet idem doctor, quod his qui fuerunt ante aduentum Christi, potuit nomen Iesu, quod Saluatorem significat, conuenire secundum aliquam particularem, & temporalem salutem, quam illi hominibus attulerunt: at verò secundum rationem spiritualis, & vniuersalis omnium hominum salutis, nomen Iesu est proprium Christi; & hac ratione prædictum est, ipsum esse habiturum nomen nouum: & vocatur nouum, quia ei conuenit, quatenus homo ex tempore factus est; vel quod ex nouo incar-

L 2 — natio,

nationis, & redemptionis opere accepit nominatum, & in libro vitæ tanquam omnium saluandorum caput conscriptum: vnde Diuus Bernardinus: *Nomen Iesus, inquit, primò fuit à Patre prænominatum, imò à tota Trinitate in principio libri vitæ æternaliter fuit scriptum.* Illud igitur Pater nominauit, in capite libri vitæ descripsit, ac nobis reuelauit, vt etiam nos illud nominaremus, scriberemus, & in omnibus actionibus, & angustiiis nostris, invocaremus, cum huiusmodi inuocatio & nominario adedò sit grata & utilis, vt dicat Bernardus: *Si scribis, non sapit mihi, nisi legam ibi Iesum: si disputes, aut conferas, non sapit mihi, nisi sonuerit Iesus.* Diuus Augustinus etiam ante suam conuersionem hoc nomen semper sibi in ueneratione, & deliciis fuisse testatur, cum ait: *Hoc nomen Saluatoris mei filij tui in ipso adhuc lacte matris, tenerum cor meum pie biberat, & alitè retinebat: & quicquid sine hoc nomine fuisset, quamuis literatum, & expolitum, & veridicum, non me totum rapiebat.* Illa autem nominatio ac huius nominis ueneratio plurimùm ei profuit ad conuersionem.

In nominando sacratissimo nomine Iesu, C
ita delectabatur Diuus Paulus, vt in quatuordecim suis Epistolis illud repetat ducenties decies nouies. Maiores erant consolationes, quas in illo inueniebat, quàm afflictiones, quas pro illo tolerabat: Iesum, inquam, sæpe proferebat, pro quo libenter omnia perferebat; sic enim prædictum erat à Domino: *Ego ostendam illi quanta oporteat eum pro nomine meo pati.* Patiebatur pro Iesu, & deliciaba-

tur

Tom. 2.
Serm. 42.

Serm. 5. in
Cant.

Lib. 3. C66.
cap. 4.

Act. 9.

tut in Iesu : nominabat Iesum , & vapulabat pro Iesu ; ait enim , *ter virgis casus sum* : portabat Iesum , & ligabatur pro Iesu : scribebat Iesum , & necabatur pro Iesu. Audi illum clamantem ; *Non solum alligari , sed & mori paratus sum propter nomen Domini Iesu.* 2. Cor. 11. Act. 21.

Et non tantum dulce illud nomen Iesu viuendo protulit , sed & moriendo. Nam resectum eius caput Iesum protulisse referunt Historici. Quia sicut vas , vnguento odorifero imbutum , licet frangatur , semper odorem seruabit , iuxta illud ;

Quo semel est imbuta recens seruabit odorem Testa diu. ----- Horat.

Ita Paulus ; de quo Christus , *Vas electionis est* Act. 9. *mibi iste , vt portet nomen meum coram Gentibus , & Regibus , & filiis Israel.* Vas , inquam , rota terrij coeli elaboratum , vas quidem terreum , & fragile , coctum tamen in fornace tribulationum , tantam in illo nomine recepit fortitudinem & constantiam , vt quamuis Tyranni in ipsum desæuientes huc caput , & illuc corpus proiecerint , nunquam nomen Iesu , pro quo moriebatur , dimiserit ; imò tanquam vas quod suauissimum diu continuerat liquorem , licet confractum , bonum eius odorem retinens , suauitatem exhalabat.

Nec minus mirabile prodigium fuit ; ter saliente Pauli capite , postquam fuerat abscissum , trës in eodem loco fontes aquarum erupisse , impleto non solum in spiritu , sed & re ipsa , quod prædixerat Isaias ; *Haurietis aquas de fontibus Saluatoris.* Isai. 12. Est autem Iesus ille Saluator , cuius non solum persona , sed &

L ; nom

nominis ipsius inuocatio, & prolatio est tantæ virtutis, vt Moysis virga in operatione miraculorum longè sit eo infirmior, & impotentior : illa enim fontem vnum ; nomen autem Iesu à Paulo repetitum tres fecit scaturire, qui adhuc extant ; & de quorum aqua ego ipse bibi. Celeberrimus est hic Romæ locus trium fontium, qui omnium peregrinorum concursu visitur. Itaque, illud nomen quod fecit emanare è terra fontes aquarum, faciet etiam emanare è cælo aquas consolationum, si deuotè proferatur & inuocetur, & non tantum nobis afferet præsentem consolationem, sed æternam saluationem. *Non enim aliud nomen est sub cælo datum hominibus, in quo oporteat nos saluos fieri, præterquàm sacratissimum nomen Iesu.*

Act. 4.

Inter nomina, quibus Deus Incarnatus D
vocari voluit, præcipuum locum tenet nomen Iesu, quod magno pretio sibi comparauit, scilicet proprio sanguine, ac propria morte: cætera autem nomina nullo pretio, nulloque labore acquisiuit. Itaque quando illud venerabile nomen Iesu nominamus, & inuocamus, tunc passionem eius commemoramus. Est enim Iesus veluti signum illa omnia in memoriam reuocans, quæ, vt homines saluaret, admirabilia fecit Deus. Docet hoc Diuus Bernardinus. *Nomen Iesu*, inquit, *est signum representans tibi omnia quacunque Deus undique fecit propter salutem humanæ naturæ.* Cum itaque Iesum nominas, liberatorem, & saluatorem dicis ; *Ipse enim saluum faciet populum suum à peccatis eorum.* Ergo, vt salueris,

Tom. 4.
serm. 48.

Matth. 1.

salueris, & ab omni malo, & angustia libereris, illud est sapissimè nomen proferendum, & inuocandum, quod saluatorem & liberatorem importat. Audi Bernardum. Cum nomine Iesum, hominem mihi propono mitem, humilem corde, benignum, sobrium, castum, misericordem, & omni sanctitate conspicuum; eundemque ipsum Deum omnipotentem, qui suo me exemplo sanet, & roboret adiutorio. Hac omnia simul mihi sonant, cum insonuerit Iesus; sumo mihi exempla de homine, & auxilium à potente.

Serm. 15.
in Cant.

Aliqui existimant hoc nomen Iesu fuisse Patriarchæ Iacob reuelatum, & ab eo in extremis diebus vitæ suæ ægrotante inuocatum, quando scilicet inter benedicendum filios suos, dixit; *Salutare tuum expectabo, Domine*: vel, ut alij cum Procopio transferunt; *Iesum tuum expectabo, Domine*. Quæ verba exponens Oleaster, ait, quoddà quemadmodum solent senes & ægroti inter verba suspiria emittere; ita Iacob iam fessus, nimirum senio confectus, morboque detentus hanc vocem emisit ad Deum; *Salutem tuam expectabo, Domine*. Iesum infirmus inuocabat sub nomine Saluatoris, vel salutis, docens filios suos, ac posteros sperandum esse in Iesum, illumque in omni angustia, & in omni euentu inuocandum. Vnde Gregorius: *Beati Iacobi*, inquit, *mens ostenditur, quomodo Iesu desiderio ardebat, qui moriens expectare se perhibebat*.

Genes. 49.
Proc. in c.
49. Gen.

Oleaster

Hom. 8. super
Ezech.

Notat Diuus Ambrosius, nomen Iesu ante incarnationem fuisse quasi in vase inclusum, postea verò effusum per totum orbem: vnde

Lib. de Spiritu
sancto.
cap. 7.

Cant. 1.
Lib. 2. cap.
109.

sponsa sic sponso suo hoc nomine insignito loquebatur; *Oleum effusum nomen tuum*. Teste Plinio, si mare intumescat, tranquillum efficitur iniectione olei: si cor nostrum affligatur, & laborum, tribulationumque fluctibus, tanquam mare æstuans conturbetur, illicò recreabitur & requiescet, si hoc oleum infundamus, id est, si deuotè proferamus & inuocemus nomen Iesu. Vnde Bernardus: *Tristatur aliquis vestrum? veniat in cor Iesus, & inde saliat in os, & ecce ad exortum nominis lumen, nubilum omne diffugit, redit serenum. Labitur quis in crimen? Currit insuper ad laqueum mortis desperando? Nonne, si innocet nomen vitæ, confestim respirabit ad vitam? Cui in periculis palpitanti, & trepidanti, innocatum virtutis nomen non statim fiduciam præstitit, depulsi metum? Cui quæso in dubiis æstuanti, & fluctuanti, non subito ad innocationem clari nominis emicuit certitudo? Cui in aduersis diffidenti, iam iamque deficienti, si nomen adiutorij sonuit, defuit fortitudo?*

Serm. de
Circuncis-
sione.

Audiendus est etiam Beatus ille Laurentius Iustinianus Patriarcha, qui, ut in tentationibus, doloribus, periculis, miseræque huius vitæ tempestatibus Iesum inuocemus, sic adhortatur: *Si tentaris à Diabolo, si ab hominibus opprimeris, si configeris agritudine, si doloribus fatigaris, si desperationis agitaris spiritu, si concuteris formidine, si dubietate pulsaris, Iesu nomen edicito. In arduis, in periculis, in terroribus, in domo, in via, in solitudine, in fluctibus, ubicunque extiteris, Saluatoris profer nomen. Adest enim Iesus piè illum inuocantibus, & sanctum*

sanctum nomen suum reuerenter proferentibus. Idcirco quoties tibi aliquid occurrerit aduersi, dic; *Adesto mihi Iesu*. Iob audita morte filiorum, omnique sua deperdita substantia, ac toto suo vlcerato corpore, & in sterquilinum proiecto, totam spem suam in nomine Domini collocauit, dicens; *Sit nomen Domini benedictum*. Quibus verbis confortabatur, & ad omnia aduersa fortiter subeunda roborabatur; imò beatificabatur: Nam *beatus vir, cuius est nomen Domini spes eius*. Iob. 1. Psal. 39.

Infundendum est igitur hoc oleum in tumescentes fluctus: est, inquam, proferendum, & inuocandum sacratissimum nomen Iesu, cuius inuocatione insurgentes aduersitates vel auferentur, vel patienter ferentur. Obseruat Beda, nomen Iesu apud Hebræos à littera *Iod*, & apud Græcos à *Iota* incipi, quæ utraq; in sua gente denarij numeri est nota; quem quidem numerum tanti faciunt prisce scriptores, ut, teste Alexandro, illud decumanum, seu decimum vocitent, quod ingens, & amplissimum est; & præcipuè inter fluctus maris, decimum obseruarunt esse maximum, quod astruit Ouidius his verbis:

Qui venit hinc fluctus, fluctus supereminet omnes: Lib. 1. de Trist.

Posterior nono est, undecimòque prior.
& alibi sic scribit:

Vastius insurgens decimaruit impetus undæ.

Hinc Gregorius Nazianzenus ait: *Doctus Gubernator decimas undas cauet*, propterea quod cæteris maiores & ampliores sint; quod Lib. 10. Mor. in distichis.

L 5 & ipse

& ipſemet Beda adnotauit , qui de mari æſtuante ſic loquitur. *Dein & dein fluctus ordinantur, quorum decimus eſt maximus.* Exiſtente itaque maiore ac periculoſiore decimo fluctu, eoque inſurgente, appoſitè tunc inſunditur oleum, vt conquieſcat. Sic, quò maior fuerit tribulatio , eò crebrior debet eſſe inuocatio huius nominis à numero denario inchoantis, ac oleo inſuſo aſſimilati.

Pſal. 78.

Familiaſe fuit patribus antiquis , in ſuis calamitatibus petere auxilium à Deo propter nomen illius. Vnde Dauid ſic precabatur. *Adiuna nos Deus ſalutaris noſter, & propter gloriam nominis tui Domine libera nos, & propitiuſ eſto peccatis noſtris propter nomen tuum.* Libenter nomen Ieſu nominaret, ſi illud Dominus ei reuelaret , tunc enim cœpit inuocari, quando cœpit reuelari : & tunc auxiliatur, quando ritè inuocatur. Multùm confidebat Auguſtinus in nomine Ieſu ; præſtat illum audire deprecantem perſonam Ieſu, propter nomen eius. Ieſu. Ieſu, inquit, *propter nomen tuum dulce, fac mihi ſecundum nomen tuum Ieſu : reſpice pie miſerum, te inuocantem : Ieſu nomen delectabile, nomen confortans peccatorem, & nomen beata ſpei. Quid eſt enim Ieſus ? Eſto mihi Saluator benignus : noli Domine, noli attendere ſic malum meum, vt obliuiſcaris bonum tuum : ô bone Domine Ieſu, etſi ego amiſi, vnde me damnare poſſis ; tu non amiſiſti, vnde ſaluare ſoles.* Sic ille, docens nos quomodo ſit Ieſus inuocandus & exorandus. Quod ſi illo inuocato nondum ceſſet quaſſatio & tribulatio ; non propterea debet ceſſare huius nominis inuocatio,

catio, quia nunquam nobis deerit, vel in præ-
fenti, aut in futuro auxiliatio. Igitur sic cum
Bernardo concludam: *Semper tibi in sinu sit Ie-*
sus, semper in manu, quò tui omnes in Iesum & sen-
sus dirigantur & actus.

Serm. 15. in
Cant.

*Plurimum confert conscientia munda
ad omnia aduersa patien-
ter ferenda.*

C A P V T XVII.

A



DVERTENS Diuus Grego-
rius quid possit conscientia, ait;
Nihil poterit obesse, si sola conscien-
tia defendat. Sed non defendet
te, si accuset te, accusabit te, si

Hom. 9. su-
per Ezech.

peccatum sit in te. Sicut enim in externo iu-
dicio reperiuntur accusatores qui accusant,
satellites qui ligant reum, Index qui senten-
tiam fert, sententia quæ pœnæ addicit, cru-
ciatus qui torquent, ita si culpa sit in te, ha-
bebis intus apud te, quod accusabit, ligabit,
condemnabit, & castigabit te; *Nam, inquit*
idem Gregorius, conscientia accusat, timor ligat,
ratio indicat, dolor excruciat, &c.

Lib. 25.
Mor. cap. 5.

Ipsi Ethnici agnouerunt hominem tum
à bona conscientia subleuari & defendi, tum
etiam à mala vexari. Vnde Tullius; [Magna,
inquit, vis est conscientia in vtramque par-
tem, vt neque timeant, qui nihil commise-
runt, & pœnam semper ante oculos versari
putent,

Cicero pro
Milone.

Lib. de trā-
quil. anim.

putent, qui peccauerint.] Plutarchus quoque conscientiam mundam ab omni labe maximum esse adminiculum affirmat: sed [vice versa; *ait*, facinorosa conscientia instat vlceris in corpore pœnitentiam relinquit in anima lancinantem iugiter, impetentem, atque excarnificantem.] Arbitrabatur insuper idem Plutarchus flagitiosos ac facinorosos homines non indigere Deo, aut homine ultore; sed perniciosam ipsorum vitam omni prauitate, impietate, ac scelere corruptam, refertam & contaminatam, satis superque ad seipsam plectendam, ac torquendam sufficere, iuxta illud Tullianum; [Sua quemque fraus & suus error maximè vexat, suum quemque scelus agit.]

Cir. pro
Roscio.

Lib. l. c. 10.
de Tom.
Scip.

Hæc malæ conscientia tormenta ex antiquis nonnulli, teste Macrobio, rectè vulturis imagine significari dixerunt, iecur Tityri perpetuò dilanantis. [Vulturem, *ait ille*, iecur immortale tondentem, nihil aliud intelligi voluerunt, quàm tormenta malæ conscientia obnoxia flagitio, viscera interiora rimantis, & ipsa vitalia, indefessa admissi sceleris admonitione laniantis.] Dicere igitur potest quisque peccator, quod Poëta de seipso,

Ouid. lib. 1.
de Ponto.

----*Facto torqueor ipse meo.*

Lib. 3 de
summo bono.
Lib. de moribus.

Nam teste Isidoro, *nulla pœna grauior est pœna conscientia.* Seneca quoque quid timendum sit, ostendit. [Nullum, *inquit*, conscium peccatorum tuorum magis timueris, quàm te metipsum: alium enim potes effugere, te autem nunquā; nequitia enim ipsa est sui pœna.]

Consi

B Considerabat Diuus Chrysostomus, quid Epist. 7. filij Iacob dixerint, dum accusarentur, quodd aureum poculum essent suffurati; *Merito, in-* Genes. 41. *quiunt, hec patimur, quia peccauimus in fratrem nostrum, &c.* Quid illos torquebat? non furtum: non enim surripuerant huiusmodi poculum: & quamuis ab eis crimen illud exigeretur, atque ob id in iudicium traherentur, non propterea discruciabantur, quia illius criminis non erant conscij. Merito tamen se pati fatebantur, quia in fratrem peccauerant; quod quidem peccatum nemo eis obiiciebat; nemo ab eis de illo pœnas exigebat: sed solum eos perstringebat, accusatque conscientia. Vnde, inquit ille doctor, *misericos Deus* Hom. 26. *conscientiam eiusmodi accusatorem assistere voluit,* in Genes. *ut nunquam soli relinquiatur, sed illa nobis indefinenter congregiatur, clamet, & pœnam exigit delictorum, &c.*

Si igitur nulla in te dominabitur iniquitas, nulla tibi nocebit aduersitas, licet tibi obueneat. Vis scire, cur Sancti gaudebant in medio tormentorum? Quia nulla erat in eis culpa, propter quam talia paterentur, ideo illa omnia tormenta æquo & læto animo ferebant, non enim illis nocebant, sed conducebant. Ideo optime consulit Isidorus. *Vis,* Lib. 3. de summo bono. *inquit, nunquam esse tristis? bene vine. Secura mens tristitiam leniter sustinet.* Audita Diuus Cyprianus Valeriani Imperatoris contra se sententia respondit; *Deo gratias*, quia sciebat se omni culpa carere.

C Vide quid de animabus iustorum dicat Sap. 1. Sapiens; *Iustorum anime in manu Dei sunt, &*
 non

non tanget illos tormentum mortis. Quodnam est hoc mortis tormentum, quo non sunt iusti tangendi? nunquid iusti sicut cæteri doloribus corporis, infirmitatûmque acerbitate in morte non vexantur? Imò sæpe acerbius. Tormentum igitur mortis, quo iusti non plectuntur, non est corporis, sed cordis, non est carnis, sed spiritus: tormentum, inquam, conscientiæ non tanget illos, cum nullo sint obstricti crimine. Illud autem malæ conscientiæ tormentum solet tunc magis torquere, quàm quatumcunque corporearum pœnarum acerbitas, ac ipsa animæ à corpore separatio.

In Psal. 45. Audi Diuum Augustinum: *Inter omnes, inquit, anime humana tribulationes nulla maior est, quàm conscientia delictorum.* Si enim ibi vulnus non fuerit, ubique alibi passus fuerit homo tribulationes, illuc confugiet, & ibi Deum inueniet: quòd si non fuerit ibi requies propter abundantiam iniquitatis, quid facturus est? quò confugiet, cum tribulationes cœperit pati? fugiet ab agro in civitatem, à publico in domum, à domo in cubiculum; à cubiculo iam quò fugiet? non habet, nisi interius ad cor suum. Quòd si ibi tumultus est, si fumus iniquitatis, si sceleris flamma, illuc confugere non potest; pellitur enim inde: & cum inde pellitur, à seipso pellitur, quò fugiturus est? quocunque enim fugerit, se trahit post se, & quocunque traxerit se, cruciat se. Arcta igitur ista & vehementes omnino tribulationes sunt, &c.

In explan.
7 Psal. pœ-
nit.

Idem affirmat Gregorius; *Si mala conscientia tribulationem perferens, in arcano cordis Deum non inuenit, quoniam fortè recessit ab hospitio cordis pro abundantia iniquitatis, quid facturus est homo?*

homo? ubi consolationem inueniet? ubi requiem perquiret? Grandis tribulatio, ubi nullus euadendi aditus, ubi nulla libertatis spes, ubi nulla erptionis fiducia. Si ad exteriora recurrit, si in transitoris consolationem quaesierit, ibi animi afflictio urgebit. Quæ enim in temporalibus consolatio? quale in diuitiis gaudium? nunquid nobiscum permansura sunt?

D Videntur isti doctores censere, nullum superesse homini refugium, si læsa sit conscientia. Ego autem dicerem adhuc illi superesse pœnitentiam, ad quam tanquam ad secundam post naufragium tabulam confugere poterit, quam nullo pacto relinquere debet, donec mundetur. Naufragus, ait Gregorius, cupiens ibidem vitam in undis seruare, semel adeptam tabulam non ante dimittit, quàm vehiculi presidio adiutus optatum litus attingat, &c.

Si igitur intra te sit fumus iniquitatis, aperiendæ sunt fenestæ, vt exeat fumus; aperiendum, inquam, est os tuum per confessionem, vt exeant peccata: si flamma sceleris consurgat, proficiendæ est aqua, vt extinguatur, effundendæ sunt lacrymæ. Nam lacryma veniam non postulant, sed merentur, inquit Ambrosius. Danda est etiam eleemosyna, qua extinguuntur peccata, sacra testante Scriptura; Ignem ardentem extinguit aqua, & eleemosyna resistit peccatis. Atque ita tua mundabitur conscientia, quæ nihil aliud est, quàm scientia & testimonium animæ, quo anima bene sibi conscia est, sibi que attestatur se pure & sanctè iuxta Dei legem viuere.

Cùm igitur magis cruciet culpa, quàm pœna,

pœna, purganda est sæpe anima per confessionem sacramentalem, & alia bona opera, vt ad illam sic mundatam recurrat homo in aduersitate constitutus: quia plus lætabitur ex bona conscientia inter aduersa, quàm ex mala inter prospera. Vnde Augustinus; *Tu*, inquit, *qui veram requiem, qua post hanc vitam Christianis promittitur, quaris, eam inter amarissimas huius vite molestias degustabis, incundiſque ex bona conscientia inter arumnas lætaberis, quàm ex mala inter delicias, &c.* Quid enim melius, quàm

De Catechumenis.

Horat. lib. 1. Epist. 1.

Nil conscire sibi, nulla pallescere culpa?

Itaque præcedat confessio, vt sequatur consolatio. Exeat quod te intus torquet, vt cesset quod foris tibi nocet. Quia, teste Gregorio,

In Iob. 11.

vulnera clausa plus cruciant: nam cum putredo, quæ interius feruet, deicitur, ad salutem dolor aperitur.

Vt sit Deus consolator tuus, esto tu accusator tui: vbi enim est culpa animam maculans, ibi non est Deus animam consolans.

In Psal. 84.

Igitur, vt ingrediatur in te Deus totius consolationis, egrediatur à te peccatum sacramento confessionis. Nam, ait Augustinus, *antequam confitearis peccata, intercluseras ad te viam Dei, non erat qua ad te veniret: confitere vitam, & aperi viam, & veniet Christus.* Neque hoc latuit Poëtam, cum dicat,

Ovid. lib. 10. Met.

Numen confessis aliquod patet.---

Ad pœnitentiam tanquam ad consolationis portum confugiebant olim Israëlitarum in afflictione existentes, vt liquet in historia

Iudith 4.
1. Mach. 2.
Ioan. 3.

Iudith, Machabæorum, & alibi: *Si gens illa, inquit Deus, pœnitentiam egerit à malo suo, quod locutus*

locatus sum aduersus eam, agam & ego pœnitentiam super malo quod cogitavi, ut facerem ei. Ierem. 18.

Hoc antidotum Gregorius Nezianzenus commendauit populo suo, cum fruges iam maturæ grandine percussæ fuissent. Cum Deus, Orat. in plag. grand. inquit, non nisi coactus nostris peccatis percutiat, quid afferri potest, quin natura sua bonitate vitens, indulgentem se nobis prabiturus sit, modò nosmetipsi nostri misereamur, insisque patris visceribus viam patefaciamus, ac proinde in lacrymis seminemus, ut in exultatione metamus, peccato medeamur, ne cum peccato conficiamur?

F Quid præterea præstet bona, vel mala conscientia, videre licet in ipso Ioseph, & duobus illis Pharaonis Eunuchis cum ipso incarceratis. Nullum Ioseph patrauerat crimen, idcirco nulla tristitia, nulloque mortis metu afficiebatur, quamuis: carceribus mancipatus fuisset: at verò Eunuchi, quia malè sibi erant conscij, timebant, ac tristabantur. Vnde ad illos aliquando Ioseph; *Cur tristior est hodie solito facies vestra?* Si fuissent innoxij, nullo modo timuissent, nec consolatione indiguissent: nullus consolabatur Ioseph nisi propria conscientia, quæ culpa carebat. Interrogatus Bias, quidnam in vita metu vacaret, respondit: *Bona conscientia.* Genes. 40.

Quis Petrum inter catenas, & sui carceris Act. 12. custodes tam securè dormientem non demitteretur? Iam contra eum lata erat mortis sententia, in crastinum erat iugulandus, gladius paratus, locus martyrij iam constructus, & tamen tam profundo somno sopitus erat, ut ad illum excitandum necesse fuerit laus-

M cius.

Lib. 1. de
vita con-
temp. c. 18.

eius ab Angelo percuti; dormiebat somno confidentiæ, sciebat enim nullum se commisisse crimen: ideo non ægrè ferebat carcerem, qui etiam patienter tolerasset mortem: non dolebat, inquam, de carcere qui tam securè dormiebat in carcere. *O quantum securitatis habens, qui sibi bene sunt conscij!* inquit D. Prosper.

Prov. 15.

Bona conscientia est veluti perpetuum conuiuium, iuxta illud Sapientis; *Secura mens quasi iuge conuiuium*. In conuiuium nihil triste auditur, omnia sunt læta, quandiu quis conuiuetur, tandiu lætatur. Quòd si fortè aliquid triste annuncietur, adsunt illicò ex amicis conuiuantibus qui consolantur, quia ut plurimum solent amici vocari ad conuiuium. Si bona fruaris conscientia, iugi etiam frue- ris conuiuium, ad quod vocabitur patientia,

Lib. de pat.
cap. 5.

quia, teste Augustino, *patientia amica est bonæ conscientia*. Si igitur tibi aliquid aduersi contingat, aderit statim amica patientia conso-

Lib. de cōf.

lans te. Audi D. Bernardum; *Bona conscientia, inquit, quotidie virescit, laboribus non affligitur: afficit gaudio viuentem, consolatur morientem, &c.*

Ibidem.

Conscientia munda non tantum consolatur, sed etiam non patitur hominem pati, quia, teste eodem Bernardo, nihil aduersi formidat. *Quid dulcius, ait, aut quietius bona conscientia, nec quædamna, nec verborum contumelias, nec quicquam aliud formidat?*

Vnde sancti viri nulla afflictionum, aut tormentorum genera timuerunt: habebant enim conscientiam placidam & pacatam, nulliusque peccati sibi consciam. Ideo non solum

soldm æquanimiter illa ferebant, verùm & parui pendebant; inter quos Diuus Tiburtius martyr, qui, vt habent eius acta, ad Torquatum Iudicem insultans & quasi triumphans dicebat; *Applica equuleos suspende Christianos, damna, percutere, incende, vniuersa denique supplicia adhibe, decernere quicquid libet, omnis nobis vilis est pœna, ubi pura comes est conscientia.* Tertullianus Scapulam Carthagini Præsidem in Christianos læuientem sic alloquebatur; *Cum omni seuitia vestra concertamus, etiam ultrò erumpentes, magisque damnati, quàm absoluti gaudemus.* Vnde tanta libertas, nisi ex recta eorum conscientia? Meritò igitur interrogatus Periander, quid esset libertas, respondit, [Recta conscientia.] Liberè enim possunt loqui, qui rectæ sunt conscientia. Hinc Plautus,

Lib. ad
Scap. cap. 1.

Periander.

Qui non deliquit, decet audacem esse, & confidenter loqui.

Plaut. in
Amph.

G Cæterùm tempore prosperitatis bene operare, vt si fortè in aduersitatem incidàs, tibi sit consolatio bonorum operum recordatio: sed non poteris recordari, si neglexeris bene operari. *Fœlix conscientia*, inquit Hieronymus, *quæ afflictionis tempore bonorum operum recordatur, &c.* Recordare præcipuè tuam mundare conscientiam, vt valeas in te veram seruare patientiam: imò & murum seruare æneum; sic enim à Poëta vocatur recta conscientia,

In Isai. lib.
1.

— Hic murus æbeneus esto.

Hor. lib.
1. Epist. 1.

Omnia subibis, nihil tibi nocumento esse poterit, si hoc muro protegaris, qui quidem murus, si culpa destruat, pœnitentia erigatur.

M 2 tur.

tur. Si enim tibi sit munda conscientia, habebis quod consoletur te; si prava, quod cruciet te.

Iob. 31.

Nihil magis consolabatur Iob in afflictione constitutum, quàm pura conscientia, quam quidem peccatorum suorum confessione purgauerat; quod patet his verbis; *Si abscondi quasi homo peccatum meum, & celavi in sinu meo iniquitatem meam.* Quod exponens D. Gregorius, ait; *Mirentur in eo qui volunt castitatis continentiam, mirentur integritatem iustitia, mirentur viscera pietatis: ego in eo non minus admiror confessionem humillimam peccatorum, quàm tot sublimia gesta virtutum, &c.*

Bernard. de
confid.

Quod autem bona conscientia nihil paveat, nihilque timeat, docet Bernardus. *Quid,* inquit, *securius bona conscientia? damna rerum non metuit, nec verborum contumelias, non corporis cruciatus, quæ & ipsa morte magis erigitur, quàm deprimitur.* Huic consentit Tullius ad

Cic. lib. 6.
Epist. fam.

Torquatum scribens. [Conscientia, ait, rectæ voluntatis maxima consolatio est rerum incommodarum.] Iuvat & Diuum Chrysostomum audire ad hoc propositum loquentem, & in quo consistat tristitia, & in quo consolatio, differrentem.


Homil. 25.
ad pop.

Nihil, inquit, *aliud est triste, nisi Deum offendere: quod cum aberit, non poterunt tribulationes sapientem animam contristare: sed quemadmodum, si exiguam scintillam in profundum lacum deieceris, statim extinxis; itidem & omnis tristitia superabundantia in bonam missa conscientiam, extinguatur.*

Ad

*Ad omnes afflictiones, & persecutio-
nes fortiter subeundas plurimum
prodest sanctissimum Eucharistia
Sacramentum dignè sumptum.*

C A P V T XVIII.

A  I G N A Dominici corporis re-
ceptio vehementer accendit in
amorem Dei, & ad ardua quæ-
que pro Christo perferenda,
magnasque vires subministrat
in afflictione, vel persecutione existentibus,
tum quia typus est Dominicæ passionis ra-
tione sacrificij incruenti, in quo Eucharistia
conficitur, tum quia Christus mandavit il-
lud in memoriam suæ passionis offerri & su-
mi. Poterat quidem Dominus hoc venerabi-
le Sacramentum alio tempore instituere: ve-
rùm tempus suæ passionis expectavit: qua
imminente illud instituit, eoque suos mu-
niuit discipulos; & quid dico discipulos?
Imò seipsum seipso, si sic fari liceat, robo-
ravit, ut ostenderet eo etiam nos esse mu-
niendos urgente aliqua afflictione, aut per-
secutione. Idcirco, cum olim à Tyrannis fi-
deles ad tormenta, & eadem propter Chri-
stiani nominis confessionem vulgò raperen-
tur, ne illi fortè dolorum acerbitate victi in
salutari certamine succumberent, vetus in
Ecclesia Catholica mos fuit, ut his Sacra-

M 3 men

mentum Dominici corporis præberetur. Vnde Cyprianus : *Cum ad hoc*, inquit, *fiat Eucharistia, ut possit accipientibus esse tutela, quos tutos esse contra aduersarium volumus, munimento Dominica saturitatis armemus.* Et alibi sic scribit ; *Idoneum esse non potest ad martyrium, qui ab Ecclesia non armatur ad prælum : & mens deficit, quam non recepta Eucharistia erigit & accendit.* Quod igitur vires suppeditat ad fortiter, & alacriter ferendum martyrium, conferet etiam ad quascunque tolerandas tribulationes.

Quod iste panis Eucharisticus habeat vim B corroborandi, indicant diuersæ versiones istius versiculi ; *Et erit firmamentum in terra in summis montium* : ubi alia translatio habet secundum Chaldæum ; *Erit substantificus panis in terra.* Alij sic legunt ; *Erit fulciens*, seu, *confortans panis in terra.* Quidam verò sic vertunt ; *Erit panis robustorum in terra.* Vnde alibi vocatur *panis fortium*, ut notat Diuus Hieronymus, qui etiam hæc verba Dauidis ; *Panem Angelorum manducauit homo*, sic vertit ex Hebræo ; *Panem fortium manducauit homo.* Et vocatur panis fortium ab effectu, quia fortes illum dignè sumentes efficit ad omnia aduersa subeunda. Hinc Diuus Thomas asserit, ideo Christum Dominum istud Sacramentum instituisse in pane triticeo potius quam in hordeaceo, quia frumentum magis hominem confortat ; ad denotandum hunc huius Sacramenti effectum.

Secundum eundem doctorem Angelicum, præfigurabatur olim huiusmodi effectus subcineri

Lib. 1. Epist.
2.

Epist. 54.
ad Corn.
Pap.

Psal. 71.

Psal. 77.

3. part. qu.
74. art. 3.

3. part. qu.
79. art. 2.

cineritio pane, quo Elias ex persecutione impiæ Iezabelis de via fessus ministerio Angelorum pascus est, sic ut quadraginta dierum inedia sustinuerit. Quid enim aliud designat panis subcineritius, nisi corpus Domini sub cineribus specierum panis delitescens? Si sola figura tunc Prophetam roboravit, quid modo veritas? Hoc etiam patet in alio huius Sacramenti typo, scilicet manna, quod vires integras & sanitatem sumentium conservabat, fortisque reddebat, ac erat facillimæ decoctionis. Nam, ut notat Genebrardus In Psal. 77. post Abulensem, totum sine excrementis in membrorum vertebatur substantiam. Quales vires digne sumentibus non præbebit ipsa met veritas, istud, inquam, Sacramentum? de illo sic Laurentius Iustinianus: *Hoc Sacramentum est tanquam cellarium quoddam omnium aromatum in se continens pretiositatem & virtutem: in ipsum qui ingrediuntur, refocillantur ab omni fatigue, nec deficiunt, donec presentis vite terminus finiatur.* De discipl. & perfect. Monast.

C Multa occurrunt exempla, quibus vis & efficacia nutriendi & corroborandi huius diuini Sacramenti comprobatur. Narrat Sophronius, Petrum Ponticum sumpta Eucharistia in monte Sina, usque Alexandriam longo & locorum & temporis intervallo emenso, absque villo cibo, potuque perrexisse. In agro Tullensi puella quædam, teste Fulgosio, duodecim annos nata, sumpta tantum sacra hostia sine alio cibo & potu triennium vixit. Idem scribit sua tempestate compertum, ut Perusij Palumba mulier In- In Prato. Spir. c. 100. Ful. lib. 1.

Ibidem.

Vuernerius
in fascicu.
10.

teramnensis annos nata viginti, ipsa Eucharistia, nullo alio sumpto cibo, septem annos vixerit: quod Innocentius Octauus Pontifex re diligenter quæsitâ inspexit. Hermita quidam valdè pius Suitensis nomine Nicolaus, sola Eucharistia apud Heluetios prope Vnderualdem singulis mensibus sumpta, annos quindécim, nullo prorsus alio sumpto cibo, vixisse traditur circa annum Domini 1463. Beata Catharina Senensis, sola Eucharistia sumpta diu vixit, vti Pius Secundus suis literis in eius canonizatione testatus est. Ita sit, vt is qui aliis cibis vim alendi contulit, ipse longè excellentior sit homini cibis nutriendis, roborans, & diu seruans, maximè quando sic expedire cognoscit.

Lib. 9. hist.
cap. 5.

Placet hic referre, quod ab Eusebio refertur de sancto Luciano presbytero & martyre, qui cùm in carcere esset supinus, substratis acutis testulis, & pedibus in cippum iniectis, atque distractis, sine cibo & potu, sacram Eucharistiam ardentè desiderabat, & suspensis discipulis quomodo altare illuc inferrent, ait: Mensa erit nobis hoc pectus meum; templum verò sanctum vos mihi eritis, me omni parte circundantes. Impositis igitur suo pectori signis diuini sacrificij, sublato in cælum obtutu, & sacro ritu precibus peractis, & ipse fuit particeps Sacramentorum, & aliis distribuit, quibus maximè confortatus, tandem in hac voce, *Christianus sum*, emisit spiritum. Fœlix, in cuius pectus intrauit hostia, quæ supra idem pectus fuerat consecrata; & quæ illum interiùs roborauit,

borauit, qui eam exterius portauit: diuinus ille cibus suam reficiebat mensam.

D Valde expendenda sunt hæc Christi verba;

Qui manducat meam carnem, & bibit meum sanguinem, in me manet, & ego in eo. Ioan. 6.

Quidam sic interpretantur, *in me manet*, quasi gutta aquæ cum intrat in mare: & *ego in eo*, sicut virga ferrea fortis in arundine. Gutta aquæ, si scotsum & in se sola existat, tenui vento, aut modico calore siccatur, & consumitur: at verò, si in mare iniiciatur, diu conseruabitur. Sic quamuis homo per se fragilis sit, potest tamen sumpto hoc Sacramento in Christo existere, ac proinde quibuscunque tentationibus resistere. Et sicut arundo, licet debilis sit, omnique vento agitetur, tamen, si intra illam virga ferrea includatur, facile poterit quoscunque ventorum impetus repellere: sic homo per susceptionem huius Sacramenti habens in se Christum, fortior efficitur ad omnes subeundos labores. Vnde Beda; *Si tentatio pulsauerit, inhæreamus stabili corde Sacramento nostræ redemptionis.* Beda lib. 5. in Lucam.

Vis adhuc scire quid Christus efficiat dum manet in nobis? Audi Cyrillum; *Sedat sensentium membrorum nostrorum legem, pietatem corroborat, & perturbationem animæ extinguit.* Lib. 3. in Ioan. Itaque si aliqua animi mœstitia afficiaris; aut aliqua calamitate premaris, sume hoc Sacramentum, & inuenies medicamentum: nam secundum Ignatium, *Eucharistia est pharmacum immortalitatis, mortis antidotum, medicamentum purgans vitia, & omnia pellens mala.* Pergat, & ex ad medicum, pauper ad diuitem,

tem, afflicto ad fontem totius consolationis, & dicat assumpto, postquam dignè sumperit; *Non timebo mala, quoniam tu mecum es.*

Plal. 1. 2.

Asserit Plinius carnes ceruorum manè E sumptas habere vim expellendi febres, corpúsque corroborandi, aitque suo tempore fœminas quasdam à febribus præseruatas, quòd ceruorum carnem degustare solitæ essent

Lib. 8. c. 32.

quotidie. [Quasdam, inquit, fœminas sci-
mus omnibus diebus matutinis carnem cer-
uorum degustare solitas, longo æuo caruisse
febribus.] Nónne Christus cerua matutina
dicitur, iuxta versionem Diui Hieronymi in
titulo Psalmi vigesimi primi? Nam quemad-
modum mitis cerua à venaticis exagitur
canibus; sic Christus matutino tempore à
rabidis vexatus hominibus, domum Pila-
ti adductus, verberibus laniatus, ad Cru-
cem perlatus est. Vox mitissimæ huius ceruæ

Plal. 22.

hæc est; *Circundederunt me canes multis.* Heu
quot illam canes circundederunt! quàm sæ-
uos diuino illi corpori dentes infixerunt! nec
verò ab ea insectanda destitere, quousque vi-
tam eripuerunt: huius autem ceruæ carne
qui pascitur, à diris peccati febribus præ-
seruatur, ac consequenter agilis fortisque
efficitur: scribit enim idem auctor ceruos
febrium non sentire morbos. Hinc Bernar-
dus: *Si quis, inquit, vestrum non tam sepe mo-
dò, non tam acerbos sentit iracundia motus, inui-
dia, aut ceterorum huiusmodi, gratias agat corpori,
& sanguini Domini, quoniam virtus Domini ope-
ratur in eo.*

Ibidem.

Serm. 1. in
Cæna Do-
mini.

Hom. 45. in
Ioan.

Affirmat Diuus Chrysostomus, quòd in-
gredien

grediente in nos corpore Christi, statim in fugam dæmones vertuntur, qui solent tentare nos, & ad impatientiæ motus impellere, qui præsentiam Christi verentur: Angeli verò concurrunt tanquam Dominum suum comitantes. Pulsis igitur malignis spiritibus, & præsentē Domino cum Angelis suis, cur times? cur doles? Non timebat Iob iuxta Dominum positus; *Pone me iuxta te, & c.* Iob. 7. *insuis manus pugnet contra me.* Quasi dicat; insurgant aduersitates, vrgeant dæmones, sæuiant homines, omnis denique in me irruat dolor, horum nihil ego verebor, dummodo, Domine, sim iuxta te. Sume hoc Sacramentum, & eris non tantum iuxta Dominum, sed intra Dominum, qui proteget, consolabitur & roborabit te. Nam qui viuit propter Christum, libenter patitur propter Christum: ille autem viuit propter Christum, qui manducat Christum. Audi dicentem; *Qui manducat me, & ipse viuet propter me.* Ioan. 6. Quia sumendo hoc Sacramentum non mutatur Christus in nos, sed nos in Christum, iuxta illud Augustini inducentis Christum loquentem sibi; *Non tu me in te mutabis, sicut* Lib. 7. Conf. cap. 10. *cibum carnis tuæ, sed tu mutaberis in me.* O felicem mutationem! mutatur homo in Christum, id est; fit Christo similis. Fuit autem Christus patiens, libenter omnia opprobria, alapas, flagella, ac mortem sustinuit: similiter fiet patiens, libenterque sustinebit, qui illum dignè manducabit.

F Cuiusdam mensæ Solis meminit Diuus In Epist. ad Hieronymus, dum ait. *Apollonius perrexit* Paulinum. *Æthio*

Herodot.
lib. 3.

Lib. 29. lect.
Antiq.

1. Cor. 11.

Psal. 23.

Plaut. Men-
ech. sc. 1.
Act. 1.

Varro.

Æthiopiam, ut Gymnosophistas, & famosissimam Solis mensam videret in Sabulo. In eâ noctu à diuitibus apponebantur cibi: deinde Sole lucescente, licitum erat omnibus indigenis ad illam accedere, cibosque capere, ac illis vesci & refocillari; de illa sic Herodotus. [Solis, inquit, mensa talis esse memoratur. Est in suburbanis pratum omnium quadrupedum assa refertum carne, quam per noctem singuli ciuium magistratus properant ponere, ad eamque, vbi illuxit, cuilibet epulatum licet accedere. Hæc autem à terra redi assidue indigenæ aiunt.] Vnde Cœlius ait diuitum domos, omni rerum copia affluentes, expositasque inopum necessitatibus, atque alimentis, rectè dici mensam Solis. Sed multò rectius famosissima mensa Solis, maximi Solis, id est, Christi, mensa appellari potest, quam ipsemet noctu, hoc est, *in qua nocte tradebatur*, nobis parauit; ut postea ipso lucescente, id est, resurgente ad illam accederemus, non carnes assas, sed ipsummet Christum manducaturi: de qua mensa sic Psalmista; *Parasti in conspectu meo mensam aduersus eos qui tribulant me.*

Non timebant antiqui ad mensam accum-
bentes, quia Deos suos mensæ adesse crede-
bant: ait enim Plautus,

Mos erat & mensa credere adesse Deos.

Nihil nobis timendum occurret, si ad hanc mensam accedamus; in eâ enim Christus adest, manducatur & consolatur, sumitur & non consumitur. Mensa secundum Varro-
nem; quasi mesa, id est, media, dicitur, quia
inter

inter duos statuitur: mediante hac mensa, id est, mediante huius Sacramenti susceptione fortes, & generosi efficimur ad omnia aduersa subeunda. *Medius vestrum stetit.* Non Ioan. 1. accedet ad te malum, nullæque tibi nocent aduersitates, si inter te & illas hæc mensa, vel Christus medius steterit. Dico etiam quod mediante hac mensa, Christus nobis vnitur, vel potius nos Christo: nam secundum Chrysostomum, *hac mensa est fiducia vinculum,* Hom. 24. in 1. ad Cor. *nerui mentis,*

Inualuit quondam vsus, vt milites fortes, & præliis explorati ad liberum conuiuium, & mensam reciperentur: vnde narrant historici, Rodericum de Biuar habuisse mensam rotundam à maioribus nostris valde celebratam, ad quam accumbere solum licebat ducibus, ac militibus animo & rebus gestis præstantibus. Verum aliam Christus in Ecclesia mensam erigit longè pretiosorem: nam illa, de qua diximus, non faciebat conuiuias ex ignauis fortes, vel ex imbecillis firmos: sed illos iam strenuos ac præstantes tantum admittebat. At Christi mensa, in qua caro eius sumenda proponitur, ideo parata est, vt fortes & generosi Christiani efficerentur, atque aduersus visibiles & inuisibiles hostes armarentur. Vnde Chrysostomus sic Christum loquentem inducit; *Ego carnibus meis vos alo, & meipsum vobis appono,* Hom. 61. ad pop. *vos omnes generosos esse volens.* Cui non afferet robur tam eximij roboris cibus? Quem non faciet fortem panis fortium? Quem non reddet generosum, animoque forti, excelsum,

Ibidem.

sum, & caducarum rerum contemptorem, aded generosa mensa? à qua, teste eodem doctore, *tanquam leones ignem spirantes recedimus facti diabolo terribiles.*

Hinc est, quod in primitiua Ecclesia fide-
 les sumpto hoc diuino Sacramento tanta
 erant fortitudine præditi, vt nulla vi, nullis
 cruciatibus, nulla Regum, & Imperatorum
 potentia superari potuerint. Mulieres ipsæ,
 ac teneræ virgines, pueri, & impuberes ma-
 xima cum animi alacritate ad vincula, ad tor-
 menta, & ad mortem tanquam ad conuiuia
 properabant. Propterea, si aliqua aduersitate
 premaris, præmissa integra omnium pecca-
 torum tuorum confessione, accede humili-
 ter ad hanc mensam, & sume hoc venerabi-
 le Sacramentum, &, teste eodem Chrysosto-
 mo, *tribulationes efficiuntur consolationes*; præci-
 puè, si cogitaueris te illud recipere corpus,
 quod pro te flagellatum est, spinis coronat-
 um, & cruci affixum: & quod, sicut prius
 voluit accipi & manducari, quàm pati, ita
 illud accipias, priusquàm patiaris, vel dum
 pateris: vt ipsa passio tua sit consolatio; quia
 ideo Christus tibi seipsum præbuit, vt illius
 passionis recorderis: *Quotiescunque enim*
manducabitis panem hunc, & calicem bibetis,
mortem Domini annunciabitis. Sicut igitur in-
 stituto hoc Sacramento, & discipulis exhibi-
 to, libenter Christus pro nobis quæque tor-
 menta passus est; ita sumpto eodem Sacra-
 mento, patienter pro eo omnia aduersa fe-
 ramus. Vis autem scire, qua de re tantum
 dolere debeas? Audi eundem doctorem;

Vnu

Vnus su nobis dolor, una mœstitia, si hoc alimento Hom. 60.
spiritali priuemur. Quia tunc robore & animi ^{ad pop.}
 viribus ad subeundas quasunque tribulationes, priuaremur.

*Illi sunt reuocandi in memoriam, qui
 multa patienter tolerauerunt in-
 commoda, ut illorum exemplo, simi-
 lia aequo animo feramus.*

CAPVT XIX.



VXTA Senecæ dictionem, pro Epist. 15.
 dest sine dubio habere quos re-
 spicias: & præcipue, si eadem,
 quæ nos ipsi patiantur, vel passi
 sint. Nam, ait Chrysostomus, ^{Hem. 1. ad}
molestiarum communicatio quandam affert lapsu ^{popul.}
consolationem. Volantia animalia se vicissim
 alis suis feriunt; atque hoc pacto ad volan-
 dum excitantur: ille te ala sua percutit, qui,
 verbi gratiâ, exemplo suæ patientiæ te ad si-
 milia ferenda accendit.

Olim Miltiades Imperator Atheniensium, Philo in
 ut scribit Philo, quando Rex Persarum tam lib. cui ti-
 multa millia traiecit in Europam, quasi ad tulus;
 primum clamorem oppressurus Græciam, Quod om-
 conuocatis sociis pugnantes gallos gallina- nis probus
 ceos ostendit, ratus hoc spectaculum maio- est liber.
 rem vim habiturum ad permouendos ani-
 mos Græcorum, quàm orationem; nec eum
 fefellit

sefellit sua opinio, spectata in brutis patientia, pertinacique contentione, vsque ad necem pugnantibus, inuicto pectore, correptis armis eam expeditionem susceperunt contemptis mortibus & vulneribus. Sic Philo. Huiusmodi milites ad pugnam animabantur propositis gallis illis pugnantibus. At nobis non galli gallinacei, nec alia bruta animalia, sed homines exhibentur dimicantes, tormenta, ludibria, conuicia, filiorum mortem, bonorum iacturam, ac similia mala, imò mortem ipsam fortiter & æquo animo ferentes, vt illorum exemplo, similia simili animo ipsi feramus.

Referunt historiographi nonnullos etiam inter Gentiles forti animo ad supplicia corpora sua tradidisse: nam Mutius dextram suam comburendam libens in ara reliquit; Empedocles totum se Catanensium Ætnæ incendiis donauit.

Regulus, ne vnus pro multis hostibus viueret, toto corpore cruce patiebatur; ideo illum in captiuitate victorem appellat Terullianus.

Anaxarchus Philosophus, teste Laërtio, dum à Nicocreonte quasi in mortario pile contunderetur, sic exprobrando Tyranno loquebatur. Tunde, tunde Tyranne follem, Anaxarchum enim non tundis; follem vocans corpus suum, Anaxarchum verò animam, vel potiùs animos, quos gerebat excelsos.

Quid Atticam meretricem memorem, quæ carnifice iam fatigato linguam suam postre

postremò in Tyranni saeuientis faciem expuit,
vt expueret & vocem, ne coniuratos confite-
ri cogeretur?

Laudatur & animi fortitudo Zenonis Elea-
tis, qui à Dionysio interrogatus, quidnam
Philosophia præstaret, cum respondisset, con-
temptum mortis, impassibilis flagellis ob-
iectus, sententiam suam ad mortem vsque
signabat.

Quales non pertulit ærumnas celeberrimus ille Socrates, cuius exemplo, ait Apuleius, & commemoratione in nos ipsos erigimur? Talia illi pro se ipsis ad inanem quandam laudem comparandam, patiebantur: fortem igitur illorum animum, non inane eorum intentum, imitemur.

De Deo
Socratis.

B Nonnullos etiam nobis proponamus ex tot Sanctis, qui pro Deo, & perenni ac cœlesti gloria tam multa incommoda sunt perpessi; nam, teste Chrysostomo, *ideo Deus Sanctos tribulari permittit, vt reliqui in grauius incidentes, sufficientem mitigationem, & consolationem habeant in eos respicientes.* Veniat imprimis Abel ante oculos, qui & occisus à fratre scribitur, & non legitur reluctatus: Iacob ad memoriam reducat, qui iam multos perpessus labores, iram etiam fratris sui potius eligebat mitigare, quàm fratrem superare: Ioseph ad mentem redeat, qui à fratribus venditus, à sua domina falsò accusatus, & in carcerem coniectus, semper fuit patienti animo, atque ita membra sua nouerat regere, vt regenti quoque Ægyptum præfuerit: Moysem & Aaronem ante oculos deducamus,

Hom. 1. ad
pop.

Num. 25.

N qui

Lib. 1. in
Ezech.

qui persecutionem populi passi sunt, ad tabernaculum cucurrerunt pro ipso populo exorantes, quem fugiebant. Sancta autem eorum mens & tumorem superbientium pertulit, & tamen contra eos ad odium non erupit. *Nam, ait Gregorius, patientia vera est, quæ & ipsum amat quem portat: nam tolerare, sed odisse non est virtus mansuetudinis, sed velamentum furoris.* Samuelem cogitemus, qui de principatu deiectus à populo, cum idem populus petiisset, ut pro eo ad Dominum preces funderet, respondit; *Absit à me hoc peccatum, ut cessem orare pro vobis.* Iudicabat enim peccare pro inimicis non orare. Dauid ad memoriam deducatur, qui persequentem Regem cum posset occidere, bonum elegit, quod ipse facere tenebatur, non malum, quod ille pati merebatur, dicens: *Absit à me ut mittam manum meam in Christum Domini;* atque eum, quem persecutorem dum viueret pertulit, fleuit occisum.

3. Reg. 8.

2. Reg. 13.

Porro, si filius, frater, aut aliquis ex parentibus, vel amicis tuis repentina, aut turpi morte sublati sunt, aut soror tua fornicata fuerit, veniat tibi illico in mentem idem Dauid, cuius filius Ammon propriam sororem Thamar violavit, propter quod & ipse iussu fratris sui Absalon interfectus est: ac tandem ipse Absalon propriis capillis suspensus, lanceis fuit confossus, & sic misere periit; quæ omnia Dauid patienti animo tulit.

Si ignis domum tuam absumpsit, vel latrones substantiam tuam deprædati sunt, aut
si ali

si aliquod aliud tibi infortunium obuenerit, propone tibi Iob in sterquilinio iacentem, graui vlcere percussum, omni medicamine, imò & linteamine carentem, testa saniem radentem per putredinem defluentem, liberis & omni substantia orbatum, ab amicis derelictum, præterquàm duris & importunis, cum potius ad desperationem inducentibus, quàm consolantibus; omni ope & auxilio humano destitutum, à propria vxore derisum. Ille erat, qui, vt obseruat Gregorius, à Domino laudabatur, & tamen plagis vsque ad sterquilinum sternebatur. Et, vt cum Augustino loquar; *Humiliatus videbatur Iob perdita substantia sua, perditis filiis suis, perditis quæ seruabat, perditis quibus seruabat, remansit sine hereditate, & quod tristius est, sine heredem remansit ad solam vxorem, non suam consolatricem, sed diaboli potius adiutricem.* Hæc autem omnia patienti animo tulit. Si captiuitate, paupertate, aut cæcitate premaris, veniat tibi in mentem Tobias similia passus, & cui, teste Scriptura, ideo hæc acciderunt, vt posteris patientiæ præberet exemplum. *Hanc autem tentationem ideo permisit Dominus euenire illi, vt posteris daretur exemplum patientiæ eius, sicut & sancti Iob.*

Lib. 3. Mor.
cap. 5.

in Psal. 30.

Tob. 2.

Orig.

C Propterea Origenes sic de sanctis viris loquitur; *Incedant primi armati: ipsos enim nobis proponimus, & videntes fortia eorum facta, ad prælum spirituale armamur, & dimicamus.* Procedant igitur illi, quos Apostolus tam grauiâ sustinuisse commemorat, quorum alij distensis sunt, &c. *Alij verò ludibria & verbera experti,* Heb. 12.

N 2 in super

*insuper & vincula, & carceres, lapidati sunt, secti sunt, tentati sunt, in occisione gladii mortui sunt, circuierunt in melotis, in pellibus caprinis, egen-
tes, angustati, afflicti, quibus dignus non erat mundus, in solitudinibus errantes, in montibus, &
speluncis, & in cauernis terra.*

Loquitur hîc Apostolus de multis sanctis viris veteris Testamenti, quorum aliqui *dis-*
stenti sunt, vel secundum Græcum, *tympani-*
zati sunt: vbi nota tympanum fuisse genus tormenti, quo homines fortiter & rigide di-
stendebantur quasi in equuleo, & pulsaban-
tur vti pelles distentæ in tympano. De illo-
rum numero fuit Eleazarus, qui *voluntarie*
præbat ad supplicium: Græcè, *ὅτι τὸ τύμ-*
πανον, id est, *ad tympanum*: & septem fratres
Machabæi, quos Antiochus Epiphanes dire-
cruciauit *flagris & taureis*, id est, neruis & lo-
ris taurorum: in tympano enim & flagris,
lorisque cædebantur, & fustibus pulsabantur,
& baculis, saxis, malleisque tundebantur, &
quasi tympanum omnium verberibus cru-
ciatibusque obiiciebantur.

Alij verò ludibria & verbera experti, insuper
& vincula, & carceres. Talis fuit Ieremias, qui
cùm rebellibus Iudæis minaretur excidium
Hierosolymæ, ab eis durissima est passus, sci-
licet probra, alapas, verbera, famem, carce-
rem, sæpe à toto populo reus mortis est pro-
clamatus, ac tandem lapidibus obrutus mar-
tyr occubuit. Itaque Ieremias Christi à Iu-
dæis afflicti expressissimus typus extitit, ac
merito ab Isidoro Pelusiota calamitosissimus
nuncupatur. Talis quoque fuit Michæas, qui
quod

quoddam cladem prædiceret Achab Regi, ab eo ; Reg. cap.
in vincula coniectus, & à pseudopropheta^{vi.}
irrisus & verberatus est. Dicat igitur Clima-
cus; Parit talia certamina superna peregrinatio: Climac.
magnorum enim reuera est pati a suis ludibria.

Lapidati sunt, vt Naboth procurante Ie-^{3. Reg. 21.}
zabele, & Zacharias filius Ioiadæ Pontificis,^{2. Par. 24.}
aliique multi. De Zacharia sic Tertullianus: Scorpiac. 8.
Zacharias, inquit, inter adem & aliare occidi-
tur perennes cruoris sui maculas silicibus assi-
gnans.

Señti sunt. Talis fuit Isaias, quem tradunt
Hæbræi serra dissectum esse à Manasse, quodd
eius & Principum vitia acrius, & sæpius ob-
iurgasset. Idem tradit Epiphanius, & Sanctus In vita
Thomas; dicunt autem serram illam fuisse Isai.
ligneam, nimirum vt Isaias, qui nomine suo,
Iesu Saluatoris nomen & aduentum figura-
bat, morte quoque sua materiam & formam
crucis in lignea serra figuraret; vnde carmen:

*Quem populus sectum ligno sine labe repertum,
Immeritum demens crudeli morte peremit.*

D Tentati sunt, scilicet alij grauib; & diu-
turnis calamitatibus, vt Iob: alij persecutio-
nibus, exiliis, fame, & penuria, vti Propheta
sub Iezabel: alij per arduam obedientiam, vt
Abraham: alij omni pœnarum genere tenta-
ti sunt, vt præfati Machabæi; sed fide &
spe cœlestis gloriæ has omnes tentationes
vicerunt.

In occisione gladij mortui sunt. Tales fuerunt
Israëlitæ illi in persecutione Antiochi, de
quibus dicitur: Fiebant ergo cades iuuenum & 2. Mach. 2.
seniorum, & mulierum, & natorum exterminia,

virginumque & paruulorum necesse; erant autem toto triduo octoginta quinque millia interfecti.

Circuierunt in melotis, &c. Melota dicitur ouina pellis, aut potius exuuium, hoc est, pellis corpori ouis detracta vnà cum lana. Nam *μῆλον* Græcè vocatur ouis. Adde melotem per catachresim cuiusuis quadrupedis pellem significare. Hoc vili & aspero amictu utebantur olim Elias, Elisæus, multique alij Prophetæ, tum quia Achab, Antiochus & alij ad extremam paupertatem eos adigebant, vt homines & hominum solatia fugere, atque in montibus & speluncis instar ferarum oberrare & latere cogerentur: tum quia hoc suo vili habitu volebant docere homines, luxum vestium esse spernendum.

Vide hîc quanta sint passi sancti veteris Testamenti, qui nondum viderant Christum passum, quid si vidissent? Vis videre quanti Christiani in primitiua Ecclesia pro fide Christi passi sint? Audi Tertullianum ad Scapulam Præsidentem. *Quid facies de tantis millibus hominum, tot viris ac foeminis, omnis sexus, omnis ætatis, omnis dignitatis, offerentibus se tibi? quantis ignibus, quantis gladiis opus erit?* Indigebat potius Tyrannus instrumentis tormentibus, quàm Christianis illa subire volentibus: plures erant martyres, quàm martyria; & vt cum Ambrosio loquar, *defecerunt supplicia, cesserunt tortores, non defecerunt martyres.*

Audiamus Diuum Cyprianum de martyribus sui temporis sic scribentem. *Steterunt torri tormentibus fortiores, & pulsantes ac lanian-*

Lib. ad Sca.
Præs. c. 5.

Lib. 1. offic.
cap. 41.

Epist. ad
martyr. &
cōfessores.

tes ungulas pulsata ac laniata membra vicerunt. Inexpugnabilem fidem superare non potuit diu repetita plaga: quamuis rupta compage viscerum torquerentur in seruis Dei iam non membra, sed vulnera; fluebat sanguis, qui incendium persecutionis exstingeret, qui flammis & ignes gehenna glorioso cruore sopiret.

E Dico itaque, si senex sis, & aliquid triste patiaris, vel aliquid tibi præter, aut contra voluntatem obueniat, propone tibi Elcazarum illum, virum ætate prouectum, & vultu decorum, qui mortem fortiter maluit subire, quàm turpiter patriis legibus contraire; quique, teste Scriptura, *intuens quemadmodum* 2.Mach. 6. *oporteret accedere, patienter sustinens, destinauit non admittere illicita propter vitæ amorem.* Deficientibus autem propter nimiam ætatem corporis viribus, noli animo deficere, cuius tantò virtus est validior, quantò corporis debilior.

Si iuuentutis flore gaudeas, considera, quid in illa florescente ætate subierint septem illi fratres Machabæi, qui, ait Gregorius Nazianzenus, *tormenta quasi thesauros præcipientes, pro magistra lege pericula subeuntes, quæ non magis illata formidabant, quàm relictæ requirebant.* Illis enim fuit lingua amputata, & cutis capitis abstracta, postmodum præcisus manibus & pedibus sartagine torreretur iussi sunt; quæ omnia pro Deo obseruandæ legis gratiâ libenti animo subierunt.

Cap. 7. orat.
20. de Machab.

Si mulier existas, reuoca in mentem, quid mater illorum septem filiorum præstiterit, quidque tam in se, quàm in filiis pertulerit.

Lib. 1. off.
cap. 41.

Quæ, ait Ambrosius, *spectabat læta filiorum quot funera, tot trophæa; & morientium vocibus, tanquam psallentium cantibus delectabatur, pulcherrimam ventris sui citharam in filiis cernens, & pietatis harmoniam omni lyra numero dulciorem.*

O virilem animum in muliebri corpore!

2. Mach. 7.

Nam, sacra testante historia, *singulos illorum hortabatur voce patria fortiter, repleta sapientia, & fœminæ cogitationi masculinum animum inferens, &c. nouissimè ipsa post filios consumpta est.*

Si adhuc puerasceas, vel adolesceas, ferto patienter eas quæ tibi euenient aduersitates, & scito multos tuæ ætatis non tantum mundi illecebras spreuisse, sed & multa tormenta subiisse. De Diuo Pancratio legitur, quod nobili genere natus annorum duntaxat quatuordecim Romam se contulit, ubi suscepto baptismo, postea virili fortitudine pro Christo ceruices præbuit, ut illustrem martyrij coronam consequeretur. Recordare etiam illius adolescentis, quem Diuus Hieronymus laudibus celebrat, qui seruandæ pudicitie gratiâ, linguam expuit in faciem blandientis mulierculæ illum tentare satagentis.

Lib. 1. de
virg.

Si puella sis, vna tibi veniat in mentem, Virgo scilicet Agnes, quæ vix tredecim annos nata, non habuit, inquit Ambrosius, in suo corpusculo quo ferrum reciperet, habuit quo ferrum vinceret. *Hæc inter cruentas carnificum impauida manus, hæc stridentium grauis immobilis tractibus catenarum, nunc furentis mucroni militis totum offerre corpus, mori adhuc nescia, sed parata; vel si ad aras innuita raperetur, tendere,*
Christo

*Christo inter ignes manus, atque in ipsis sacrilegio
focis trophæum Domini signare victoris, nunc fer-
ratis colla manûsque ambas inferere nexibus: sed
nullus tam tenuia membra poterat nexus includere.*

*Corpus autem suum volebat perire, quod
amari poterat oculis, quibus ipsa nolebat.
Tandem stetit, orauit, ceruicem inflexit, vir-
go permansit, & martyrium obtinuit. Hæc*

*potuit & voluit puella subire in illa tenera æ-
tate; quare non tu in eadem, vel in maturio-
ri tolerabis ea quæ tibi aduenient aduersa?*

*Audi Augustinum tuam socordiam arguen-
tem. Tu non potes? quare ille potest? quare alter*

*potuit? nunquid tu infirmior es illo, aut illo in va-
letudine? nunquid tu infirmior es fœminis? fœmi-
na potuerunt, viri non possunt?*

G *Si cogaris manere sub dio, extra ciuitates,
oppida, omniâque ædificia, vino carere, ci-
bique priuari delicatis, ac mollibus vesti-
mentis, quibus alij abundant, atque vtun-
tur, mentis oculos in Ioannem reducito in
cremo commorantem, rigida veste indutum,
pauperem vitam degentem, ab omni lautitia
abstinentem, à deliciis segregatum, ac tan-
dem capite truncatum. Illum miratur Diuus
Gregorius: miremur & nos, & imitemur.*

Non sine gravissima admiratione, inquit ille Lib 3. Mor.
c. 5.
*doctor, perpendo, quòd ille prophetia spiritum in-
tra matris uterum impletus, atque, ut ita dixe-
rim, priusquàm nasceretur, renatus, ille amicus
sponsi, ille quo inter natos mulierum maior nemo
surrexit, ab iniquis in carcerem mittitur, & pro
puella saltu capite truncatur, & vir tanta fene-
ritatis pro risu turpium moritur. Nunquidnam*

N s credi

credimus aliquid fuisse, quod in eius vita, illa sic despecta morstergeret? Sed quando ille vel in cibo peccauit, qui locustas solummodo, & mel siluestre edit? Quid Deo vel de qualitate sui regminis deliquit, qui camelorum pilis corpus operuit? Quid de conuersatione sua offendere potuit, qui de eremo non recessit? Quid illum loquacitatis reatus polluit, qui disunctus longè ab hominibus fuit? Ita Gregorius. Vbi vides Ioannem ne leui quidem fame vitam maculasse; & tamen multa aspera tolerasse: in nullo, inquam, offendisse, & in multis passum fuisse. Quanta tibi post tot commissa peccata sunt perferenda?

Ibidem.

Porro quærens idem doctor, cur Deus quos sibi charos in æternum conspicit, tam vehementer, quasi despiciens affligat, sic prosequitur. *Quid est, inquit, quod Deus omnipotens sic vehementer in hoc sæculo despicit, quos sic sublimiter ante sæcula elegit; nisi hoc quod pietatis fidelium patet, quoniam idcirco sic eos premit in infimis, quia videt quomodo remuneret in summis, & foras usque ad despecta deicit, quia intus usque ad incomprehensibilia perducit? Hinc ergo unusquisque colligat, quid illic sint passuri quos reprobat; si hic sic cruciat quos amat: aut quomodo ferientur, qui in iudicio arguendi sunt, si sic eorum vita premitur, qui ipso iudice teste laudantur. Quid dicis ad hæc? vides probos cruciari, & tu peccator vis deliciari? Optes igitur flagellari, si cupias beari. Nam melius est, inquit Augustinus, ut Deus flagellet te, & recipiat te, quam parcat tibi, & deserat te.*

Serm. 4. de
verb. Dom.

Præterea, si assiduus angaris sollicitudinibus,

bus, ac præter huiusmodi innumeris agiteris incommodis, variisque afficiatis iniuriis; recordare Apostoli Pauli, qui tot tantæque pertulit, ut, teste Chrysostomo, omnia enumerare difficile sit. *Vide Paulum*, inquit, *quanta passus est, quæ etiam enumerare difficile est, carceres, vincula, verbera, supplicia. A Indæis lapidatur, virgis caditur, precipitatur, latrones incurrit; ab inimicis, & à falsis fratribus insidias perfert: intus timores, foris pugnas patitur, famem, nuditatem, calumnias, tribulationes; bestias tolerat; & quid opus est multa dicere? quotidie moritur, & tamen in his omnibus non solum nihil blasphemum ex ore suo profert, sed & gaudet, gloriatur, atque exultans dicit? Gaudeo autem in passionibus meis. Si ergo hic tanta patiens gaudebat & gloriabatur; quæ erit venia, quæ excusatio his, qui pro parvis iniuriis, aut qualibuscunque tribulationibus, quæ utique illis longè inferiores sunt, blasphemant?* Ita Chrysostomus.

Hom. quòd nemo la ditur nisi à se ipso.

Tu nondum sicut Paulus fuisti incarcerationis: quòd si fueris, nondum flagella subiisti: quòd si fortè subieris, non tot quot ipse: nec adhuc fuisti catenis vinctus, nec lapidatus; aut semimortuus relictus, nec fuisti sicut ipse in profundo maris, nec tot terras sicut ille propter Christum peragrasti. Quare ergo de minimis illis quæ pateris, conquereris, quæ tibi cœlestem beatitudinem promittere non vereris.

Sic itaque cum Diuo Augustino exclamet unusquisque nostrum. *Cum tot viri, tot mulieres, & tanta, ac tam delicata puella, flammæ, ignes, & bestias aquanimiter periulerint; nescio,*
qua

Serm. 16 de tempore.

qua fronte, vel qua conscientia cum omnibus Sanctis partem in æterna beatitudine habere desideramus, quorum exempla sequi non acquiescimus. Excitemus nos ipsos ad sectanda illorum vestigia, ac sæpe sæpius nobis dicamus, quod eidem Augustino aliquando torpenti dictum est; *Tu non poteris quod isti & ista?* Non est quod dicamus illas, vel illas alterius aut præstantioris fuisse naturæ; sed ingenuè fateamur maioris quàm nos fuisse patientiæ, ac purioris conscientiæ: nos verò maximæ esse mollietiei. Ideo meritò sic nos increpando inuitat Ambrosius: *Imitemur Sanctorum patientiam, & cognoscamus illos non natura præstantioris fuisse, sed observantia maioris, nec vitia nescisse, sed emendasse.*

Lib. 8. Cæf.
cap. 11.

Lib. de Ioseph.

Cæterùm, sentis tuam afflictionem; non sentis alienam: grauiora semper nobis videntur quæ experimur in nobis, quàm quæ videmus in aliis. Interim alios vides sua incommoda patienter tolerare: quare tu non tua? dic; *Tu non poteris quod isti & ista?* Et si quos vidisti impatienter tulisse, quæro, an sua impatientia illis aliquod remediũ contulerit? Scito etiam quòd si te excrucies, nihil omnino proficies. Seipsum consolabatur D. Chrysostomus propositis sibi his, qui ante ipsum passi fuerant, dum ab Eudoxia in exilium pelleretur. *Ego, inquit, cum è ciuitate fugarer, nihil horum curabam, sed dicebam intra meipsum. Si Regina vult exulem, agat in exilium, Domini est terra. Et si vult secare, secet, idem passus est Isaias. Si vult in pelagus mittere, Iona recordabor. Si me lapidare vult, Stephanum habebam socium.*

Epist. ad
Cyrilac. E-
pist. 3. tom.
3.

*socium. Si caput tollere vult, tollat, habeo socium
Ioannem. Si substantiam auferre, auferat, nudus
exiui de utero matris meae, nudus reuertar illuc.
Et tu fac similiter.*

*Ad patienter ferenda quaecunque
aduersa, magnopere prodest pro
illis gratias Deo agere.*

CAPVT XX.

A **D** I V V S Paulus scribens ad
Theſſalonicenſes, ſic eos hor-
tabatur. *Semper gaudete, ſine* 1. Theſſ.
*intermiſſione orate, in omnibus
gratias agite.* Tria hic commen-
dat Apoſtolus, ſcilicet, gaudere, orare, &
gratias agere. Quasi dicat: vt gaudeatis, ne-
ceſſe eſt oretis, & gratias agatis: qui enim
orat, & gratias agit, cum Deo verſatur, ac
Deo loquitur; hæc autem ſunt homini læ-
tandi occaſio. Vnde Theophylaëtus in hæc
verba; *Ite, ait, monſtrat Apoſtolus, quo fiat vt* Theophyl.
*ſemper gaudeamus, orationem nimirum qua non
ceſſet, atque gratiarum actionem, qui enim af-
ſueuit cum Deo verſari, eiſque gratias agere in
omnibus rebus, tanquam vtiliter contingentibus,
planum eſt, quòd perpetuum ſit gaudium habi-
turus.*

Et reuera vix in Scriptura reperitur gau-
dium & lætitia ſine gratiarum actione. Apud
Eſdram;

3. Esdr. 12. Esdras; *In dedicatione muri Hierusalem requisierunt Levitas de omnibus locis, ut facerem dedicationem, & letitiam in actione gratiarum, & cantico, & incymbalis.* Prædixit quoque Isaias letitiam quandam, quæ huic terrestri Hierusalem accidere debebat, sed non sine gratiarum actione; *Gaudium, inquit, & letitia inuenietur in ea, gratiarum actio, & vox laudis.*
- Isai. 52.
- Apoc. 7. Et, teste Ioanne, inter acclamations eorum qui in cœlesti Hierusalem stabant in conspectu Throni, semper audiebatur *Gratiarum actio.* Si igitur aliqua tristitia afficiaris, non parum tibi eueniet gaudij, si Deo gratias agas.

Antiqui Religiosi maximè lætabantur au- B
dito hoc verbo, *Deo gratias*: idcirco illud frequenter habebant in ore, eoque cum inuicem fierent obuij, se mutuò salutabant, vti etiamnum multi faciunt. Hunc morem laudat Diuus Augustinus, quem carpebant Circumcelliones, sed defendit ille doctor, dicens. *Qui dicit Deo gratias, gratias agit Deo. Vide si non debet frater Deo gratias agere, quando videt fratrem suum. Num enim non est locus gratulationis, quando se inuicem vident, qui habitant in Christo?* Hoc ipsum verbum magni facit idem doctor, illudque plurimum commendat, dum ait. *Quid melius & animo geramus, & ore promamus, & calamo exprimamus, quàm Deo gratias? Hoc nec dici breuius, nec audiri letius, nec intelligi grandius, nec agi fructuosius potest Deo gratias, qui se tam fideli pectori distans.*

in Psal. 77.

Prima autem quæ hoc verbo, *Deo gratias*,
vsa est,

usa est, exstitit Beatissima Virgo Deipara, ut dicunt aliqui; dum enim salutabatur, aut vocabatur, respondebat; *Deo gratias*. Quid de illa dicat D. Bonaventura, audiamus: *Ne forte in salutatione sua Virgo à Dei laudibus tolleretur, si quis eam salutabat, illa pro salutatione sua, respondebat, Deo gratias*. Diuus quoque Antoninus sic de illa scribit. *Virgo, cum vocabatur, respondere solita erat, Deo gratias, ut illud modicum verbum non esset sine laude Dei*. Et meritò illa eructabat, *Deo gratias*, quæ erat gratia plena: & tam in prosperis, quàm in aduersis non cessabat à gratiarum actione, quæ propriè ad fideles, & Christianos pertinet, ut testis est Hieronymus, qui ait; *Christianorum propria virtus est, etiam in iis quæ aduersa putant, referre gratias Creatori. Qui sibi sanctiores videntur, solent Deo referre gratias, quòd de periculis, vel miseriis liberati sunt: sed, iuxta Apostolum, hac virtus est maxima, ut in ipsis periculis, & miseriis gratiæ Deo referantur, & semper dicamus: Benedictus Deus; minora me scio sustinere, quàm mereor, hac ad mea peccata parua sunt: nihil mihi dignum redditur. Hic animus Christiani est, hic crucem suam tollens sequitur Saluatorem, quem nec orbitas, nec damna debilitant, quem, ut Flaccus ait, si fractus illabatur orbis, impavidum ferient ruina.*

Barrad.
tom. 1. lib.
7. cap. 13.

D. Bonau.

4. part.
sum. Theol.
tit. 6.

In Epist. ad
Ephes. 5.

1. Theil. 5

Ephes. 5.

C Sciens igitur Apostolus, quantum conducat gratias Deo referre, sic hortatur: *In omnibus gratias agite*. Et alibi vult, ut simus *gratias agentes semper pro omnibus*. Pro omnibus, inquam, & in omnibus gratiæ agendæ sunt Deo, putà tam in morbo, quàm in sanitate:

tate: tam in inopia, quàm in copia: tam in desolatione, quàm in consolatione: tam in bello, quàm in pace: tam in humiliatione, quàm in exaltatione: tam in aduersitate, quàm in prosperitate: tam in iactura, quàm in lucro. Quia non minus, imò sæpe maius donum & beneficium Dei est morbus, inopia, desolatio, bellum, humilitas, aduersitas, iactura, & similia, quàm sanitas, copia, consolatio, pax, exaltatio, prosperitas, &c. Atque hæc est, uti iucundissima, ita & sanctissima via, qua per ærumnas huius vitæ læti, & quasi ludibundi imus in cælum, si nimirum in quavis re cum psalte canamus;

Psalm. 33. Benedicam Dominum in omni tempore. In quæ
August. in verba iuuat audire Augustinum; *Dicis: quan-*
Psalm. 33. *do benedicam Dominum? ait tibi aliquis, quando*
tibi benefacit, quando abundant secularia, quan-
do multum abundat frumenti, olei, vini, auri,
argenti, mancipiorum, pecorum, salusque ista
mortalis inuulnerata, & incorrupta persistit, nihil
immatura morte subtrahitur, felicitas tota abun-
dat in domo, circumfluant omnia, tunc benedices
Dominum: non, sed in omni tempore; & quando
ista dat, benedic, & quando ista tollis, benedic:
quia ille dat, ille tollit, sed seipsum à benedicente
se non tollit.

Nota hæc postrema verba; *Deus seipsum à benedicente se non tollit.* Tollantur à nobis omnia, dummodo Deus non tollatur: derelinquant nos omnia, dummodo non derelinquat nos Deus noster: non autem derelinquet, si illum etiam in aduersis non derelinquamus, sed illum benedicamus. Illum Iob non

non derelinquebat, qui semper illum benedicebat, atque plus meruit in aduersitate Deum benedicendo, quàm in prosperitate domum suam egenis aperiendo: illumque non tam admiramur facultates suas amittentem, quàm ob id Deo suo gratias agentem. Audi Chrysostomum. *Non perinde miror Iob domum suam egenis aperientem, ut suspicio & celebro, quòd facultates amiserit gratias agens. Neque tu perinde magnum fructum tuleris, si diuitias erogaueris in egenos, & tuas facultates esurientibus dissipas, quantum per hoc verbum, Deo gratias, lucraberis.*

Hom. 2. in
2. ad Cor.

D Existimat idem doctor, diabolus ideo petiisse, ut eidem Iob mala infligeret, quia sperabat se aliqua verba blasphemiae ab eo auditurum: idemque optaret à nobis dum afflictamur. Propterea, inquit, *damna nobis diabolus facit, non solum ut pecunias nobis auferat, sed ut per hoc nos cogat dicere aliquod blasphemum: sic in causa Iob, non hoc egit ut tantum illum faceret pauperem, sed ut blasphemiam aliquam proferret.*

Hom. 10. in
Epist. ad
Hebr.

Verùm non blasphemiam, sed gratiarum actionem promebat, dicens; *Sit nomen Domini benedictum: & sic percussus percutientem percutiebat, superbumque hostem vulnerantem vulneratus vulnerabat. Nam, ait Gregorius, quot voces patientiae in Dei laudem beatus Iob percussus reddidit, quasi tot in aduersarij peccatore iacula intorsit.*

Iob. 1.

Lib. 2. Mor.
cap. 12.

Diuus etiam Chrysostomus gratiarum actione Iob Satanæ vulnus intulisse scribit. *Hoc vulnus infert diabolo, inquit, ex hoc corona-*

Hom. 1. ad
pop.

batnr beatus Iob, & pradicabatur, quòd cùm tentationes illata essent innumerabiles, & uxor quoque eum supplantare uellet, non auersus est, sed Deo de omnibus perpetuò gratias egit: non solum quando fuit diues, sed etiam quando erat pauper: non solum quando erat sanus, sed etiam quando caro scasebat ulceribus. Hoc enim est in primis grati animi, in rebus aduersis Deo semper habere & agere gratias.

Hom. 16. in
Matth.

Exemplo etiam Christi docemur, in aduersitatibus gratias agere, qui imminente sua passione Deo patri gratias egit, instituens tunc nobilissimum Ecclesiæ nostræ Sacramentum & sacrificium cum gratiarum actione, Eucharistiæ scilicet, quæ idem est ac gratiarum actio, ut docet idem Chrysostomus, dum ait; *Reuerenda ac salutaria illa mysteria, quæ in omni certè Ecclesia congregatione celebramus, Eucharistia, id est, gratiarum actio nuncupatur.*

Greg. lib. 1.
Mor.

De huiusmodi gratiarum actione, & quid per eam Christus nobis innuere voluerit, hæc adnotat Gregorius. *Christus, inquit, cùm appropinquaret passioni, accepto pane, gratias egit, & benedixit. Gratias itaque egit, & benedixit, qui flagella aliena iniquitatis suscepit: & qui nihil dignum percussione habuit, humiliter percussus benedixit, ut hinc scilicet ostendat, quid unusquisque nostrum in flagello propria culpa facere debeat, si ipse aquanimiter flagella portat aliena culpa: & quid in correctione faciat subditus, si in flagello posuit patrem benedicit, & patri gratias filius agit aqualis.*

Diuus Ambrosius exponens illa verba E
Psalmi

Psalmistæ; *Memor fui nocte nominis tui*, ostendit parum esse in prosperis tantum, & non in aduersis Domino gratias agere. *Non magnum est*, inquit, *si tunc Domino gratias agas, quando in prosperis, & secundis es; sed si tunc adhareat Christo, quando te persecutio exagitat, quando aliqua procella perturbat. Amisisti filium, memento Domini Dei tui, ne in tua preuariceris erumna: pulsus in exilium, memento Domini Dei tui: alicuius diuitis oppressus potentia, amisisti proprias facultates, memento Domine Dei tui, ne te nox egestatis abducat à deuotionis affectu.* Tunc memor eris nocte Domini Dei tui, quando illi gratias ages in aduersis. Esto Philomelæ similis, quæ ita in caliginosæ noctis tenebris, ac in ipso auroræ, aut meridiei tempore cantat.

D. Ambros.
Serm. 7.

Dices; quam vtilitatem haurire potero ex illa gratiarum actione? Certè magnum thesaurum, magnasque diuitias, inconsumptum bonum, imò armaturam fortem lucraberis, sic enim vocat Chrysostomus gratiarum actionem; quia gratias agendo lucratur quis animam suam, quam blasphemando amittit. *Magnus thesaurus*, inquit, *magna diuitia, inconsumptum bonum, armatura fortis. Perdidisti pecunias? si gratias quidem egeris, animam lucratus es, & maiores nactus es diuitias, quia Dei beneuolentiam hausisti amplius: si verò blasphemaueris, insuper & salutem tuam amisisti, & quam habuisti animam, occidisti.*

Hom. 1. ad
popul.

Ex gratiarum actione, tanquam ex magno thesauro lob cuncta quæ amiserat, in duplo recuperauit: tres pueros in camino flamma

Ibidem.

non terruit, nec tantillum læsit, quia gratiarum actione, veluti fori armatura erant induti, illamque cæteras creaturas assumere suadebant: dum ad diuinas laudes & benedicendum Dominum illas inuitabant. Vnde exclamat idem Chrysostomus: *O rem admirabilem! vinctos soluit flamma, & ipsa de reliquo à vinctis est vincta: compedes disrumpit, & talos non attingit. Erit igitur in tribulatione remissio, se semper in ea Deo gratias agamus.* Illos impij accularunt, ligauerunt, in fornacem miserunt, & tamen nunquam blasphemauerunt, aut maledixerunt; & ita laudantes & benedicentes Dominum, ignis illius camini non consumpsit. Sic nec te ignis tribulationis consumet, si in illa Dominum benedixeris, illique gratias egeris.

Iob. 1.

Psal. 103.

In Psalm.

144.

Quacunque igitur calamitate premaris, **P** aut tristitia afficiaris; vel si tibi aliquid aduersi contingat, statim dic; *Sit nomen Domini benedictum*: vel, *Benedic anima mea Domino*: aut, *Benedictus Deus*: vel, *Deo gratias*: aut similia verba in Dei laudem, & gratiarum actionem. *Sine in donis eius*, ait Augustinus, *sine in flagellis*, lauda eum: quia laus flagellantis, medicina est vulneris. Hoc visum fuit in Iob, cuius vulneribus nulla fuit adhibita curatio, nisi gratiarum actio. Nec tu poteris in aduersis, aut ab aduersis subleuari, vel saltem aliquid mereri, nisi in illis Deum benedicendo, & gratias agendo. Audi Chrysostomum: *In aduersitate gratias offeramus Domino, ut visa gratitudine nostra, largiorem suam erga nos declaret providentiam.* Ideo alibi sic monet idem doctor.

Super c. 45.
Genes.

doctor. *Admoneo vos*, inquit, *ut Dominum* In tra&. de Symbolo.
semper benedicatis. Si venerint mala, benedicite,
& dissolventur mala: si prospera venerint, benedicite,
& perseverabunt bona. Et licet mala non cessarent, & bona non perseverarent, non minus est à nobis Deus benedicendus, ac illi gratiæ agendæ; ut illum iam incipiamus laudare in terris, quem desideramus laudare in cœlis. Procul igitur sint à nobis maledictiones, aut verba blasphemix: cum enim *per multas tribu-* AG. 14.
lationes oporteat nos intrare in regnum cœlorum,
gratias agamus Deo, qui nobis iam illud im-
mittit, per quod sumus ad regnum ingressu-
ri: iamque nobis accidit, sine quo non possu-
mus ad cœlum accedere.

Othilia virgo, referente Marulo, apud Ba- Lib. 5. c. 3.
 uariam cæca nata fuerat, ac propter huius-
 modi corporis vitium multa incommoda per-
 pessa est à patre, qui eò processerat insanix,
 ut ei necem intentaret. Illa verò in omnibus
 quas patiebatur angustiis, Deo gratias agens,
 moruit tandem & visum recipere, & in gra-
 tiam patris redire, & quod his præstabilius,
 beatiùsque est, in sanctarum virginum nume-
 ro computari.

Vis tandem videre, quid conferat in ad-
 uersis, & propter aduersa gratias Deo agere?
 Audi Chrysostomum: *Nihil hac lingua san-* Hom. 8. in Epist. ad Coloss.
ctius, qua in aduersis Deo gratias agit. Cerrè non
inferior est lingua martyrum, utraque pariter
coronatur. Nam & aduersus istam instat licetor
Deum per maledicentiam negare cogens, instat
diabolus argutis cogitationum questionibus lace-
rans, & animi angustiis obtenebrans. Si ergo do-

lores pertulerit, & gratias egerit, martyrum coronam sortitur. Martyres in tormentis si in Deum blasphemassent, nunquam martyrij coronam meruissent; sed illam sunt adepti Deum benedicendo, illique gratias agendo. Eandem tu consequeris, si in aduersitatibus gratias agas.

Ex his, quæ hic inuiti patimur, haurire etiam utilitatem, imò æternam salutem possumus.

CAPVT XXI.

Epist. 68.



ECTÈ à Seneca dictum est. A [Patientia suadet, quod effugere non possis, quàm fortissimè ferre.] Et hic est vnus ex effectibus patientiæ, vt scilicet æquo animo feramus omnia aduersa quæ euitare non possumus, cùm ex his non mediocrem utilitatem haurire valeamus. Propterea Diuus Chrysostomus vult, vt ex necessitate voluntariam faciamus virtutem, aut quod est necessitatis, fiat per patientiam nostræ voluntatis. Cogita, inquit, quòd sine velis, siue nolis, calamitatem patieris. Quòd si gràtè, maxima lucraberis: si verò agrè & impatienter feras, neque illam ita minorem facies; sed maiorem reddes procellam. Cogitantes ergo, quod necessitatis est, hoc nostræ voluntatis esse faciamus: verbi gratià,

Hom. 64.
ad popul.

gratiâ , proprium quis amisit filium , alter verò substantiam , si noveris , quòd semel peractum est solui non posse , licebit ex illa insanabili calamitate aliquid visceratis comparare , si magno & virili animo aduersos tuleris casus , & pro maledictione Deo referas laudem : hoc pacto , quæ præter spem obuenerint mala , in voluntatis officium commutabis.

Aliquos tibi præ oculis afferre desidero , quibus coacta aduersitas , patienter tamen perpeffa æternam attulit salutem. Mendicum Luc. 16. primò attende Lazarum : pauper erat , sed non voluntarius : premebatur fame , sed præter voluntatem : vulneribus , quæ noluiſſet , erat plenus : iacebat humi & ad ianuam , qui libenter intra domum iacuiſſet in lecto : micis carebat , qui de illis saturari cupiebat : potiùs optaſſet , famulos pascentes quàm canes lingentes ; à quopiam poscebat , quod nemo illi dabat. Verumtamen , quia in his omnibus quæ inuitus patiebatur , fuit semper patientia munitus , nunquam blasphemasse , nemini detraxiſſe legitur , ab Angelis in sinum Abrahæ portati meruit. Vnde de illo Theophylactus : *Num in tantis malis Lazarus blasphemabat ? num conuiciabatur ? num incessabat luxum diuitis ? num inhumanitatem condemnauit ? num providentiam Dei reprehendebat ? Nihil horum , sed fortis erat & magnæ philosophiæ.*

B Idcirco meritò Chrysostomus communem orbis doctorem illum appellat. *Communis* , ait , *orbis doctor Lazarus propositus est rem quamcunque molestam patientibus.* Sed quid nos docet iste doctor ? Deum in tribulationibus

Chrysost.
hom. 1. de
Lazaro &
diuice.

non incusare : diuitibus non inuidere : denc-
ganti nobis auxilium non obtrectare , at-
que libenter tolerare quæ non possumus
cuitare.

Tom. 5. Ep.
3. ad Olym-
piadem.

Nulla alia bona opera illum fecisse legi-
mus. Hoc solum nobis constat , quod omnia
mala sibi aduenientia æquo animo tolerabat,
sicque partem cum Abraham habere meruit.
Vnde optimè de illo idem Chrysostomus:
*Solummodò, inquit, patiebatur, & viriliter por-
tabat, cum non esset, qui curaret: tolerabat enim
dolorem venientem à vulneribus, à fame, ab aspe-
ctu diuitis & crudelitatis eius. Interim nobis
quas adipisci meruit postea coronas; & qui-
dem nullum eius praeclarum facinus inuenimus; non
quod pauperibus sit miserus; non quod oppressis
affuerit, non quod aliud quid effecerit boni, sed
quod ianna diuitis permiserit exclusionem, & de-
bilitatem, & canum linguas, & despectum diui-
tis contra se; quæ omnia laboriosa esse constabat.
Magnificum autem nihil fecerat: verum, quia
tantummodò malorum istorum tristitiam foriter
pertulit, Patriarcha, quem plurimas fecisse virtu-
tes scimus, finem habere promeruit. Fortè dices,
Lazarus saltè nullum patraverat crimen;
non miram igitur si patienter aduersa feren-
do, æternam adeptus est salutem.*

Fides boni
latronis.

Volo tibi alium exhibere, bonum scilicet **C**
latronem, qui ob multa patrata scelera cruci
affixus est. Quomodo autem se in illa gesse-
rit, & ex ea ad Paradisum cum Christo eno-
lauerit, attentè considerandum est: nam cre-
didit, sperauit, confessus est. Quid credidit?
Christum innocentem: ait enùn; *Hic verò
nihil*

nihil mali gessit. Quid amplius? Christum Dominum, Christum Regem, Christum Salvatorem, ac bonorum remuneratorem, hæc omnia continebat illa quam obtulit deprecatio,

Domine, memento mei dum veneris in regnum tuum. Vnde optimè de illo magnus Leo: Luc. 23.

Quæ, inquit, istam fidem exhortatio persuasit? Quæ doctrina imbuït? Quis prädicator accendit? Serm. 2. de pass.

*Non viderat prius acta miracula, cessauerat tunc languentium curatio, cæcorum illuminatio, vini-
ficatio mortuorum, ea ipsa quæ mox erant gerenda,
non aderant, & tamen Dominum confuetur, &
Regem, quem vidit supplicij sui consortem.*

Nec in illo supplicio perdidit spem: quando enim alij diffidentes clamabant; *Seipsum non potest saluum facere,* ipse firma quadam Sper boni latronu. Marc. 15.

in Christum confidentia gratiam & gloriam ab eo postulabat, nec dubitabat ab eo petere veniam, qui tantam pro nobis sustinebat ignominiam: ac tunc confugiebat in eum, quando omnes fugiebant ab eo: oprabar esse in illius memoria, cuius Iudæi volebant perdere memoriam: illum sperabat regnaturum, quem Iudæi amplius negabant venturum: hunc agnoscebat redimere, quem Iudæi volebant interimere: illum affirmabat resurrecturum, quem ipsi nullo modo credebant victurum. Ideo ab eo meruit exaudiri, pro quo libenter sustinuisset crucifigi, Vnde meritò exclamar Augustinus; *Vim fecisti, credidisti, rapuisti, hodie mecum eris in Paradiso.* Serm. de feria 3. in pass.

Confessus est igitur Christum, ut diximus, innocentem, Regem & Salvatorem,

O 5 de qua

de qua quidem confessione sic Ambrosius.
 Serm. 45. *Confitetur Latro, quem discipulus abnegavit: Latro honorificat parentem, quem Iudas prodidit osculantem.* Videbat enim vulneratum, nudum, contemptum, & opprobriis affectum, Regem tamen esse profitebatur. Confitetur illum primum, quem Propheta appellat novissimum virorum. Propterea miratur Dives Augustinus: *Alij, inquit, non cognoverunt miracula facientem; agnovit ille in Cruce pendentem.*

Quid præterea confessus est? Culpam. D
 Ita de eo Chrysostomus; *Electus peccatum agnovit, & confessus est publicè.* Item & Dives Augustinus: *Exclusit, inquit, iniquitatem suam, accusavit eam, & caruit ea.* Si quæ habuit membra libera, his usus est ad salutem suam. Nam, ait Gregorius, *in cruce clavis manuum Latronis, pedesque ligauerant, nihilque in eo à pœnis liberum, nisi cor & lingua remanserat. Inspirante Deo totum illi obtulit, quod in se liberum inuenit, ut corde crederet ad iustitiam, ore autem confiteretur ad salutem.* Fac & tu similiter. Quibuscunque premaris afflictionibus, offer omnia Deo quæ tibi erunt libera. Si non præpediatur lingua illum lauda; peccata tua confitere. Si solum tibi relinquatur cor liberum, corde crede, corde ora, corde benedic, corde diligas, & semper sicut iste Latro patientiam habeas. Si quæras causam tantæ patientiæ istius Latronis in suppliciis sibi debitis, dixerim ego fuisse Christi patientiam in tormentis sibi non debitis. Vidit enim Christum tam libenti animo tot ludibria,

bria, opprobria, ac crucis mortem subire, atque pro crucifigentibus orare; & , vt ait Ambrosius, *intellexit Latro, quod pro alienis peccatis has plagas Christus susciperet.* Voluit, inquam, ipse exemplo Christi patienter sua ferre tormenta, quæ quidem se meruisse confessus est; Nos, inquit, *digna factis recipimus.* Serm. 45. Luc. 23.

Vis itaque tu, sicut & ille, à doloribus, tormentis & angustiis tibi ob peccata tua debitis, ad eandem peruenire gloriam? Patienter, sicut ipse, omnes animi & corporis angustias ferto: fatere te illa mereri tormenta: blasphemantes Christum in tribulationibus increpa: ingentes Christi dolores, quos iniuste pro te sustinuit, meditare: ab illo auxilium postula: illum lauda: in illum spera, eique gratias age: atque ita non parum ex tuis tribulationibus hauries emolumentum.

Notandum est autem, hunc Latronem in cruce existentem nunquam petiisse, vt ex ea liberaretur, sed vt sui Christus tantum recordaretur; *Memento mei*, inquit. Non erat quidem in eius potestate euitare crucem, sed erat in eius voluntate patienter subire crucem. Libenter pati voluit, quod euitare non potuit, nec poterat fugere: illud ad quod damnatus erat supplicium, sed ex illo potuit sibi comparare meritum. Non potuisset impetrare à iudicibus, ne ad tempus pateretur, sed à Christo impetrauit, ne in æternum damnaretur. Luc. 23.

Contrà verò impius Latro, quia coactè & impatienter patiebatur, postulabat ab illis tormenta

tormentis eripi, dicebat enim : *Saluum fac te metipsum & nos*. Malorum est huiusce vitæ misérias respuere, indignanter tolerare, vel tolerando blasphemare. Bonorum verò gratanter accipere, patienter ferre, atque in his semper Deum benedicere.

Sed quid huic impio sua profuit impatientia? Quid sua in Christum iactata conuicia? Quid sua sibi contulit blasphemia? Nihil penitus. Imò verò de cruce ad crucem, de tormentis ad tormenta conuolauit, quia impatienter pœnam illam sibi debitam perferibat, à qua ore blasphemoliberari postulabat. Sic nec tibi quicquam prodest tua in tormentis & aduersitatibus impatientia, nihil tuæ blasphemantes voces, nihil tua in Deum obmurmuratio. Vnde, teste Diuo Augustino, sicut sub vno igne aurum rutilat, palca fumat: ita sub pari pœna boni proficiunt, & mali deficiunt.

Lib. 1. de
Ciuil. Dei.

Quæritur autem, an plus Latro martyr extiterit in sustinendis patienter pœnis sibi debitis. Diuus Augustinus refert, Beatum Cyprian. illum affirmare martyrem. *Latro ille, ait, non ante crucem Domini sectator, sed in cruce confessor à Cypriano Sancto inter martyres computatur.* Hæc autem sunt verba Cypriani: *Latro factus est particeps regni, factus collega martyris.* Certum est iuxta eundem Augustinum, non pœnam, sed causam martyrem facere. Verumtamen tanta fuit fides istius Latronis, tam magna illius confessio, ac tanta in cruce perferenda patientia, vt cum eodem Augustino dicamus, inuentam fuisse in eo mensu

Lib. 1. de
anim.
Orig. tom.
7.

Serm. de
pass. Domi-
ni.
Lib. 3. con-
tra Cre-
scon. c. 4.

mensuram martyris, quamvis propriè martyr non fuerit, quia pro Christo & fide eius non est mortuus. *Apud Deum, inquit, tantum valuit quòd confessus est Dominus crucifixum, quantum si fuisset pro Domino crucifixus. Atque ita inuenta est in eo mensura martyris, qui tunc in Christum credidit, quando defecerunt, qui futuri erant martyres.* Ita Augustinus.

Alij volunt illum fuisse martyrem desiderio, & sic intelligendum esse Diuum Cyprianum. Optasset enim nullum commisisse crimen, ob quod crucifigeretur, sed tantum credidisse in Christum, ob quod cum ipso in cruce moreretur.

Aliqui autem re ipsa martyrem esse contendunt, quia, quando milites fregerunt Latronis crura, id non solum effecerunt, quia ita moris erat crucifixos hoc supplicij genere, antequam morerentur, afficere; sed simul etiam ex odio in Christum, eo quòd viderant hunc Latronem cum coluisse, & tanquam Regem cœli & terræ confessum fuisse. Cum igitur hæc illata tormenta patienter sustinuerit propter egregiam, quam de Christo protulerat confessionem, non dubitarim illum martyrem vocitare. Præterea magnam aduertimus in illo Latrone fortitudinem; nam & fortiter pro suo peccato supplicium & crucifragium pertulit, & fortiter de Christo testimonium protulit. Secundum autem D. Thomam, præcipuus actus fortitudinis, est martyrium. Videas, quæso, quomodo quis patientia, etiam in tolerandis tormentis sibi debitis, sit propè martyr.

Cart. lib. ix.
hom. 3. de
conuers.
Latron.

D. Thomæ
2. 2.

Quic

Quicquid sit, sine ut martyr, siue ut confessor, à cruce ad lucem, à Caluario ad cœlum, à pœna ad gloriam, culpam suam agnosce, Christum confitendo, ac illi tormenta patienter pro suis demeritis perferendo, euolauit. Inuenit in illis tormentis Paradisum. Caue, ne tu impatientia tua cum altero Latrone in tuis afflictionibus inuenias infernum. Propterea patienter aduersa sustine, in illis culpam tuam agnosce, Deum semper lauda: hæc in ore tuo versentur; *Digna factis recipio, &c. Domine, memento mei, &c. Sit nomen Domini benedictum.* Ac Dominum deprecare, ut omnia quæ pateris aduersa, ab ipso acceptentur pro pœnis peccatis tuis iuste debitis, atque ita illud erit tibi adiumentum, quod tibi prius fuerat tormentum, ibique inuenies consolationem, ubi antea patiebaris afflictionem. Interim *deprecemur*, inquit Chrysostomus *Dominum, ut Latronem & istum Lazarum pauperem imitari possimus. Si persecutio venerit, imitemur Latronem; si pax fuerit, imitemur Lazarum.*

Conc. i. de
Lazaro.

Dico itaque, omnes fideles posse in hoc mundo aliquod meritum sibi comparare ex illis aduersitatibus, & afflictionibus, in quas Deus illos etiam inuitos cadere permisit: id ipsum similiter posse eos, qui ob sua scelera sunt aliquibus suppliciis adiudicati, dummodo omnes patienter illa aduersa ferant: verbi gratiâ, illi qui sunt ad triremes damnati, vel carceribus mancipati: aut qui graui & insanabili morbo laborant, si illa omnia incommoda patienti animo sustineant, applicando

cando ea pœnis peccatis suis debitis, Deum-
que semper glorificent, & ipsum innocent,
vt bonus Latro, sine dubio de trremibus ad
pörtum salutis; de carcere ad regnum; de
miseria ad gloriam conuolabunt. Idem est
iudicium de aliis, qui vel ultimo supplicio
afficiuntur, aut alia calamitate preiuntur.
Vnde Diuus Chrysostomus: *Vi discas*, inquit,
quantum lucri afferunt passionēs, etiamsi non pro-
pter Deum eas quis patiatur (neque id me hyperbo-
licè quis dicere credat) *dummodo patienter & man-*
suetè ferat, & Deum in omnibus glorificet; vide Iob,
qui nesciebat se propter Deum pati, quā patiebatur,
& tamen pro his coronabatur, quā cū causam
nesciret, patienter ferebat.

Epist. 3.^a ad
Olymp.
tom. 5.

H Plus enim potest homo mereri mala pa-
tiendo, quā bona faciendo. Probat Gerson,
ipsum Iob plus patientia suā meruisse bona
sua perdendo, quā si illa pauperibus distri-
buisset. Non inuocabat, nec incitabat diabo-
lum ad sibi atferenda illa bona, & ad corpus
suum flagellandum; neque etiā Tobias se-
ipsum excæcauit: Ioseph seipsum non ven-
didit Ismaëlitis, nec voluntariè ingressus est
carcerem: Dauid non quærebat, nec opta-
bat, vt ipsum Saül. persequeretur, nec vt ei
Semei malediceret: sed quæ libenter euitas-
sent, patienter illi ferebant, quando ipsis ac-
cidebant, ac volebant quæ nolissent; vole-
bant, inquam, æquo animo ferre, quæ no-
lissent sibi accidere.

Tob. 2.
Genes. 37.

1. Reg. 16.

Tribus tantum in locis dolores reperiun-
tur: in tartaro, in purgatorio, in hoc sæculo.
Magnum tamen inter huiusmodi dolores di-
scrimen

ferimen est. Etenim tartari dolores æterni sunt, nullumque meritum, ac nullam pœnæ debitæ peccatis solutionem afferunt. Purgatorii dolores temporarii sunt, peccatisque satisfaciunt; attamen nouum meritum gratiæ, aut gloriæ minimè pariunt. Dolores verò huius sæculi pretiosissimi sunt, breui tempore cruciant, peccatis debitam pœnam soluunt, noua nobis gratiæ, gloriæque comparant merita. Quis igitur nolit hic potius dolores, vel tormenta, quàm in tartaro, aut in Purgatorio tolerare? Quis nolit hic potius, quàm illo igneo Purgatorio expurgari?

Metu æternæ damnationis, vel considerata æterna damnatorum pœna, omnes huius vitæ labores æquanimiter tolerantur, & voluptates spernuntur.

CAPVT XXII.

Hom. 3. in
Epist. ad
Rom.



NOVERAT Diuus Chrysostomus, quàm utilis esset æternæ gehennæ consideratio, tum ad abstinendum ab omnibus illecebris, tum ad quoscunque perferendos labores: ideo de illa semper & vbique colloquendum ac disputandum esse iudicabat; *Vitam*, inquit, *in prandis*, & *cœnis*, & *balneis*, imò & *vbique de gehenna disputaretur.*

taretur. Nec enim mœrore affecti essemus in vita huius malis, neque in bonis illius deliciati, & latati. Quid enim mihi potes obicere incommodi, paupertatem, morbos, captiuitatem, corporis caci-
tatem? omnia hac comparatione futuri iudicij ridi-
cula sunt. Continuos itaque sermones de gehenna
versemus, non enim sinet in gehennam incidere ge-
henna recordatio. Vbi triplex inferni considera-
tionis commodum obserua; scilicet huius
mundi prospera contemnere; aduersa facile
tolerare; & bona opera præstare, quibus à
gehenna liberemur.

Et certè hæc pœnarum æternitas cogitan-
da est, vt voluptatem turpem dulcedinem
hoc felle amarissimo repellamus. Nam, vt
ait Diuus Prosper, hac terribilia mala, fidelium
mentes salubriterrore concutiunt, & ab omnibus
vitiosis delectationibus abducunt. Hac cogitare
nihil est aliud, quàm vitis omnibus repudium
dare, & omnia blandimenta carnalia refranare.
Quis aded insanus est, vt pro voluptate
vnius dici, igneos centum annorum crucia-
tus ferre velit ô insaniam hominum impio-
rum! pro modica voluptate in tormenta se
præcipitant sempiterna. Quis vestrum, inquit
Isidorus Clarius, vno die ignem ferre eliget ac-
cepto mille nummorum aureorum pretio? & pro
longè minori re non veremini perferendi ignis pe-
riculo vosmet exponere? Vnde & alibi adiicit:
Nihil mihi videtur tam efficax ad auocandos ani-
mos ab istis caducis quàm hac cogitatio.

Lib. 3. de
vita con-
temp. cap.
12.

Orat. 11.

Orat. 12.

Si aliquis Iudex cuidam teterrimum car-
cerem, vel exquisitissimas pœnas esset inter-
minatus, & posset ille eas cogitando vel eua-

P dcre,

dere, vel diminuerè, aut aliquam aliam vtilitatem ex illarum consideratione reportare; certè à tali cogitatione nunquam animum suum abduceret. Miror sanè, quòd cùm æternarum pœnarum contemplatio efficiat, vt eas euadamus, & præsentes aduersitates æquo animo feramus, pauci sint qui eas timeant, ac mente reuoluant. Hoc mirabatur

Serm. 18. de verb. Apost. Diuus Augustinus: *Timet homo, inquit, carcerem, & non timet gehennam: timet cruciatum temporalem, & non timet pœnas ignis æterni: timet ad modicum mori, & non timet in æternum mori.*

Solet nutrix volens paruulum ablactare, aliqua amaritudine mammillam suam perungere, qua prægustata discat infantulus deinceps à nociuo lacte abstinere. Vt ab omnibus huius vitæ voluptatibus abstineamus, necesse est æternas illas inferni amaritudines consideremus; vel expedit, temporales amaritudines prægustemus, vt ab æternis liberemur: Ad hoc fortè intendebat Propheta nos adhortari vis verbis; *Pone tibi amaritudinem, dirige cor tuum in viam rectam.* Quasi dicat: vt recto tramite ad patriam cœlestem incedas, propone tibi æternas amaritudines. Vnde idem Augustinus: *Melior est modica amaritudo in faucibus, quàm sempiternum tormentum in visceribus.* Nam huius vitæ labores & dolores modicæ amaritudini similes sunt; quæ ex amara potione in faucibus residet; tormenta verò inferni non solùm fauces, sed viscera ipsa penetrant, grauissimamque illis afferunt amaritudinem.

Valdè

Valdè attendendum est quod ait Sapiens;
Nec inferorum regnum est in terra. Quod, meo
iudicio, sic potest intelligi. Non sunt super
terram æterna inferni supplicia: quicquid in
hac vita patimur, breui finietur: non sunt
morbi, labores, aut dolores sempiterni: ideo
non debemus moueri, aut conturbari, si hîc
quibusdam afficiamur angustiis & calamita-
tibus; cùm temporales & finibiles sint; imò
quò maiores & intensiores, cò vt plurimùm
sint breuiiores. Hoc testatur Seneca: [Sum-
mi doloris, *inquit*, intensio citò inuenit fi-
nem.] Quidam magnæ authoritatis vir, dum
aliqua calamitate premebatur, sic seipsum
consolabatur. Sicut Iob, inquebat, munda-
na quorundam fœlicitate exposita, de ipsis
tandem concludebat; *Ducunt in bonis dies*
suos, & in puncto ad inferna descendunt. Ita
è contrà de afflictis, & miseris huius sæcu-
li affirmare & dicere possumus; *Ducunt in*
malis dies suos, & in puncto ad cælum ascendunt.
Quia si patienter præsentia mala tolerant, ab
æternis malis liberabuntur, & æterna bona
consequentur. Nam, teste Gregorio, dum
transitorio labore atterimur, à perpetuo dolore li-
beramur.

Epist. 97.

Ioannes de
Tambaco.

Iob. 21.

Lib. 6. Mor.
c. 14.

Psalm. 54.

Non sunt igitur tartaræ pœnæ super ter-
ram, sed infra terram, id est, in centro terræ,
quò afflictî sæpe descendere debent viuen-
tes, eas mente considerando. Hoc videbatur
optare Dauid: *Descendant in infernum viuen-*
tes, vt scilicet damnatorum pœnas confide-
rent. Sic interpretatur hunc locum Aiguanus,
aliàs incognitus. *Illi, inquit, in infernum mor-*

tui descendunt, qui post mortem in inferno cruciantur: illi autem viui descendunt, qui hic viuentes mentem inclinant ad ipsum meditandum. Sæpe, inquam, descendant viuentes semper reuersuri, ne semel descendant morientes nunquam egressuri. Descendant mente, inquit Bernardus, in infernum viuentes, ne postea descendant morientes.

Bernard. in
quodam
serm.

Descendat vnusquisque nostrum viuens in ^C infernum, non vt Æneas Virgilianus, sed vt prudens Christianus, immania illa supplicia percurrat, & videbit leue, vel nihil omnino esse quod patitur, si illis tormentis æternis comparetur. Vnde Chrysostomus: *Si terribile aliquid videris, cogita gehennam, & illud deridebis.* Cogita, inquam, horrendos illos cruciatus sine fine duraturos, teterrimum illum carcerem, à quo nunquam damnati liberabuntur, catenas igneas, quibus ligantur, & flammæ æternas, quibus cruciantur, horribiles dæmonum visiones, quibus afficiuntur. Cogita denique damnatorum gemitus, lamenta, ululatus, inutilia emissa suspiria, mœstitiam, dolorem, desperationem, tormentorumque acerbicatem & æternitatem, & audi illos tibi dicentes;

Hom. 2. in
Epist. 2. ad
Theff.

Ouid. 5.
Trist. *Elige nostrorum minimum, minimumque dolorum,*

Isto quo quereris grandius illud erit.

Lib. 2. Soli.
cap. 10.

Vnde Diuus Isidorus sæpe hoc dicere solebat; *Patienter leniora portabis, si grauiorum fueris recordatus.* Verbi gratiâ, si hic quibusdam afficiaris doloribus, cogita intensissimos illos dolores, quos patiuntur damnati,
de

de quibus Dominus ; *Congregabo. super eos* Deut. 32.
Iob. 5. *mala : & Iob , Irruet super eos omnis dolor. Quia*

in omnibus potentiis animæ , & in omnibus partibus suorum corporum acerbissimos patientur dolores , propter quos clamabunt , & non exaudientur ; *Vos clamabitis pro dolore.* Isai. 65.

Clamat , & in æternum clamabit diues ille epulo ; *Crucior in hac flamma.* Satius tibi sit Luc. 16.

cruciari temporaliter in lecto , quàm æternaliter in flamma. Hos patere dolores , ne cogaris sine fine clamare ; *Dolores inferni circunde-* Psal. 17.

derunt me. Tanti erunt inferni dolores , vt vnusquisque damnatorum mori , imò ratione tam grauium suppliciorum annihilari desideret. *Desiderabunt mori*, ait Ioannes , *& fugiet mors ab eis.* Apoc. 9.

Desiderabunt, inquam, mori, ne ampliùs patiantur , qui hic cupiebant viuere , vt ampliùs deliciarentur. Vnde Augustinus ; *O mors ! quàm dulcis es quibus tam amara fuisti : te solam desiderant , qui te vehementer oderunt.* Lib. de miser. huius mundi.

Non possunt verbis explicari , & dinumerari quæ à damnatis in inferno tolerantur : exclamet igitur Sibylla apud Virgilium ;

Non mihi si lingua centum sint , oraque centum , Æneid. 6.

Omnia pœnarum percurrere nomina possem.

His itaque consideratis , patienter quamcunque infirmitatem , omnésque tolerabis dolores , dicésque cum Augustino ; *Hic ure,* August. *hic scinde, hic seca, dummodo Domine in æternum parcas.* Scito omnia tormenta, omnia martyria , quæ in hac vita excogitari possunt, comparatione minoris pœnæ inferni solatia & delectationes esse. Hoc testatus est quidam

in obitu Sancti Hieronymi ad vitam reuocatus, & à Beato Cyrillo interrogatus. Ergo, *elige tibi*, ait idem Augustinus, *unum de duobus, aut temporalem dolorem, aut æternum laborem.*

Quales, putas, & quantos subirent labores damnati, si in hanc vitam reuerterentur? Sanè si daretur optio, libenter eligerent pet centum millia annorum acerbissimos cruciatu, omnimodam paupertatem, omniâque genera contumeliarum, ac afflictionum perpeti, omniâque consolatione priuari, dummodo possent ab illis suppliciis æternis eripi, & vitam æternam consequi. Hoc agnouit Poëta,

Virgil.

— — — *Quàm vellent æthere in alto*

Nunc & pauperiem, & duros perferre labores.

Jerem. 44.
Iob. 18.

Si igitur paupertate, fame, sitive premaris, recordare qualem famem, qualémque sitim damnati in inferno patiantur. Vide quid illis per Prophetam dicatur: *Ibi moriemini fame & siti.* Similiter & per Iobum: *Exardescet contra eos sitis, & attenuabitur fame robur eorum, & inedia inuadet costas eorum.* Tanta erit illorum fames, vt, teste alio Propheta, *vnusquisque carnem brachij sui voret.* Nunquam potuit, nec poterit epulo guttulam aquæ ab Abraham obtinere: fugit ab eis omne quod refrigerare, & reficere potest. Si insuper tibi in hoc mundo nihil succedat ad nutum, sed omnia præter, vel contra voluntatem tuam accidunt; cogita, damnatos nihil penitus posse consequi ex his omnibus quæ desiderant; attende, nihil fuisse huic diuiti epuloni concessum

Isai. 9.

cellum ex his quæ postulauerat etiam pro
utilitate suorum fratrum. *Quid grauius*, in-
quit Isidorus Clarius, *quàm semper velle, quod*
nunquam erit; & semper nolle, quod nunquam
non erit? In æternum peccator non assequetur quod
vult, & quod non vult, nihilominus in æternum
cogetur pati. Idque sine merito, & absque spe
retributionis, aut euasione. Tu verò, si huius
vitæ aduersa patienter feras, non carebis
mercede: hoc enim pacto, & gehennam po-
teris euitare, & gloriam æternam comparare.

Orat. 12.

Denique, si æterna supplicia cogitatione
sæpe versentur, morriferæ crimina facilè Deo
opitulante per pœnitentiam animo extru-
duntur. Vrget infirmum morbus ad corporis
purgationem, vrget sanitatis cupiditas, vr-
get mortis metus, vrget vitæ protrahendæ
desiderium ad amaram potionem; vrgeant
etiam nos morbi animi, vrgeat æternæ mor-
tis, æternique cruciatus horror, vrgeat æter-
næ vitæ, æternæque gloriæ consequendæ
spes ad omnes subeundos labores, ad bona
opera peragenda, & ad debitam pœniten-
tiam persoluendam. Audiamus Diuum Am-
brosium ad virginem lapsam, & ad vnum-
quemque nostrum. *Si animo conceperis*, inquit, *Ad virg.*
quia necesse est prauaricatrice animam tartareis *laps. cap. 3.*
pœnis, & gehenna ignibus tradi; nec aliud reme-
dium constitutum esse post baptismum, quàm pœni-
tentiæ solatium; quantamuis afflictionem, quantum-
uis laborem subire esto contenta, dummodo ab æter-
nalibus pœnis libereris.

Considerata huius vitæ breuitate, omniumque temporalium volubilitate, prospera libenter negliguntur, & aduersa, quæ parua etiam sunt durationis, patienter feruntur.

CAPVT XXIII.

2. Cor. 7.



GREGIE argumentatur A-
postolus, dum sic ad Corin-
thios scribit. *Hoc itaque dico*
fratres, tempus breue est; reliquum
est, ut qui habent uxores, tan-
quam non habentes sint; & qui flent, tanquam
non flentes; & qui gaudent, tanquam non gau-
dent; & qui emunt, tanquam non possidentes;
& qui utuntur hoc mundo, tanquam non utantur:
præterit enim figura huius mundi. Huius autem
argumenti hoc est antecedens, *tempus breue*
est; quod ita verum est, ac ipsa experientia
compertum, ut rationibus comprobare ne-
cesse non sit: illud, inquam, antecedens ab
omnibus conceditur & admittitur; imò ab
his, qui finem vitæ & mortem attendere
non curant; Exiguum, & cum tædio est tempus
vita nostra. Conceditur etiam ab ipsis dam-
natis, qui apud Sapientem; quàm citò &
breuiter transierit huius vitæ tempus, fateri
coguntur, comparantes illud rebus omnibus
quæ citò transeunt, veluti tenui vmbre, nun-
cio

Sap. 2.

cap. 5.

cio præcurrenti, naui mare secanti, aut transuolanti, sagittæ emissæ, lanugini, spumæ, fumo, vento, hospitio diæi vnus, & similibus. Conceditur & ab ipso lobo, *breues dies hominis sunt*: vel secundum originale Hebræum, *decurtati*, seu *præcisi sunt*. Quasi dicat: longiori tempore homines olim vivebant; nam aliqui ad annum ferè millesimum perueniebant: nunc autem ita à Deo decurtata & præcisa est vita hominum, vt pauci sint qui septuagesimum annum attingant, ita adhuc in posterum decurtabitur & abbreviabitur, vt secundum aliquos, antequam mundus finiatur, vix possint homines ad annum trigesimum quintum peruenire; eisque tunc vsurpare licebit illud Plinij; [Dimidio vitæ viuimus.] Plin. l. 1. lib. 2.

Adeò brevis, euanida, & momentanea est vita nostra, vt ipse Quintilianus sic declamare audeat; [Tota vita hominis, vnus De. l. amat. est dies.] Hinc Pindarus vocat nos, *vnus diæi homines*. 4. In Pythiis. Quàm parua sit durationis vita nostra, ostendit Diuus Iacobus, cùm ait; *Quidenim est vita nostra? vapor est ad modicum parens*. Iac. cap. 4. Alludit fortè ad illud prouerbum apud Varronem; *Homio bulla*: quòd scilicet Varro. similis bullæ vita hominis sit fluxa, & momento caduca: est enim bulla tumor quidam excrefcens in aqua qui repentè euanescit. Vnde Bernardus; *Verè breue est omnino tempus nostrum: infælix perinde, qui in huius vite lubrico fidens, perituram insumit operam, nec aduertit, quoniam vapor est, & ad modicum parens*. In quibusdam diæis.

P s Quid

Quid verò inter alia ex illo antecedente sequatur, ostendit Paulus cum sic inferat; *Reliquum est*, id est, ergo, *qui flent, tanquam non flentes sint*. Quasi dicat: qui laboribus & tribulationibus vexati flent, flcant ac si nihil paterentur, quia transeunt etiam velocissimo cursu tribulationes, sicut reliqua omnia, sicut vita ipsa. Vnde & *qui gaudent, tanquam non gaudentes sint*, id est, qui prosperitatibus gaudent, recordentur quòd citò euanescant illæ prosperitates: nam quicquid est in hac vita, momentaneum est, ac citò transit. Ideo Christus volens discipulos suos animare ad omnia aduersa fortiter subeunda, ac prospera parui pendenda, bis apud Ioannemyvsus est hoc verbo, *modicum*: vt innueret tum aduersitates, tum prosperitates huius vitæ modico tempore duraturas. Aptè igitur Augustinus præsentem vitam torrenti similem esse scribit; *Sicut torrens*, inquit, *pluvialibus aquis colligitur, redundat, perstrepat, currit, & currendo decurrit, id est, cursum finit: sic est omnis iste cursus mortalitatis. Nascuntur homines, viuunt, moriuntur, & aliis alijs nascuntur*.

Quid hic tenetur? quid hic con decurrit? quid non quasi de pluuia collectum sit in mare, in abyssum? Hinc in huius rei figuram, torrens ille de quo bibebat Helias, paucorum dierum spatio siccatus dicitur, quemadmodum expendit Hieronymus: *Audientes*, inquit, *torrentes huius sæculi, nolite desperare, frequenter hic torrens deficit, videtur quidem tumescere, videtur habere aquas multas: sed citò deficit, si sustineas: unde & Helia defecit aqua*
torrens

Ioan. 16.

in Psal. 109.

3. Reg. 17.

in Psal. 109.

torrentis. Attalus apud Senecam paucis, & pulchrè res huius vitæ describit. [Quid miraris? pompa est, ostenduntur istæ res, non possidentur, & dum placent, transeunt.] Dùm tentaret dæmon Christum Dominum, ostendit ei omnia regna mundi: non dedit, sed ostendit; promittebat quæ non possidebat, non enim possunt dari, quæ non possunt possideri: vnicum est regnum, nimirum cœleste, quod cùm firmum & stabile sit, verè possidentur; terrena verò, cùm fluxa sint, non possunt, nec merentur possideri, licèt per transennam tantùm possint videri. De illo stabili regno sic alibi Christus; *Regnum meum non est de hoc mundo.* Epist. 110. Matth. 4. Ioan. 18.

Nota torrentis appellationem conuenientiùs laboribus huius vitæ accommodari, quàm appellationem fluminis, ea potissimum de causa, quòd torrens quamquam multùm intumescat, cùm tamen aquam habeat collectitiam, non manantem ex fonte, citò defluit, & siccat: sic enim omnes huius vitæ calamitates, quasi rēpentè excitatæ, & primo ipso aspectu grauissimæ, quàm citissimè Deo suis opitulante dissipantur; & non tantùm aduersitates, sed & huius sæculi prosperitates citò præterfluunt.

C Vellem te diligenter attendere quæ ad hoc propositum à Seneca dicuntur, qui miratur quòd ea amemus, quæ fluxa & fugacissima sunt. [Quicquid vides, inquit, currit cum tempore. Nihil ex his quæ videmus, manet. Ego ipse dum loquor mutari ista, mutatus sum. Hoc est, quod ait Heraclitus: In idem Epist. 59. ad Lucil.

idem flumen bis non descendimus : manet enim idem fluminis nomen , aqua transmissa est. Hoc in amne manifestus est , quàm in homine ; sed nos quoque non minùs velox cursus præteruehit : & ideo admiror dementiam nostram , quod tantopere amamus rem fugacissimam , corpus , &c. Igitur ista imaginaria sunt , & ad tempus aliquam faciem ferunt ; nihil horum stabile ac solidum est , & nos tamen cupimus tanquam aut semper futura , aut semper habituri. Mittamus animum ad illa quæ æterna sunt : miremur in sublime volitantes rerum formas , Deumque inter illas versantem.] Hæc ille , & verissimè , & Christianissimè.

Quodd si Ethnicum audire renuas , cogita quid antecedentor dixerit Apostolus : *Præterit figura huius mundi.* Figura ad scenam tragicam spectat , vbi alter figuram Regis , alter verò serui gerit : est enim iste mundus instar scenæ , in qua peragitur fabula vitæ huius : homines personæ sunt ; intrant alij , abeunt isti : *Generatio præterit , generatio aduenit.* Locus theatri est terra ; *Terra autem in æternum stat.* Duæ in scena sunt portæ ; ingredientibus ortus , siue natiuitas : egredientibus occasus , siue mors ; vestes quisque hic commo-

Eccles. 1.

1. Timot. 6.

Ibidem.

Baruch 3.

non

non habet unde gloriatur : nec qui pauperem agit, unde tristetur, cum illius regnum, huius verò paupertas brevis sint durationis: ita nullus est, qui debeat tristiari, quod praeiunctur prosperis, vel agitur aduersis, cum hæc omnia cito transeant.

O passigrauiora, dabit Deus his quoque finem. Virg. 1.
Æneid.

Audiendus est Basilii, quid de hac vita sentiat. *Vidisti, inquit, de via plantam, herbam, aquam, aut aliud quidvis non indignum spectatu. Nonnihil hinc decerpisti oblectationis? Hæc interim abs te defluerunt. Rursus in lapides incidisti, cum in colles, in præcipitia, scopulos, vel ligna acuminata, aut fortè in feras incurristi, reptilia, spinas. Hinc nonnihil contraxisti mæroris? Mox ista reliquisti. Talis est vita præsens, quæ nec delectabilia, nec rursus acerba, & tristitia diu retinet.* Basil. in
Psal. 1.

D Referens Diuus Chrysostomus supradicta verba Apostoli, sic scribit. *Cum audieris, quod transit, quid amplius iam queris? Cum audieris, quod figura sunt omnia humana veritate carentia, quare sponte sustines deceptionem, non cogitans eorum mutabilitatem, & instabilitatem? Quare non transfers desiderium tuum ad illa in æternum manentia, & mutationem non admittentia?* Eruditissimus Lipsius sæpe dicere solebat, atque hoc diu præmeditandum suo sepulchro inscribi iussit, Hom. 39.
ad pop.

*Humana cuncta, fumus, umbra, vanitas,
Et scenæ imago, & verbo ut absolnam, nihil.* Lipsius.

Fertur quendam cordatum, & prudentem virum cum pluribus in dies, maioribusque à Rege suo beneficiis afficeretur, interrogatum,

Lib. de trā-
quil. anim.

tum, quid amplius optare posset, nihil aliud respondisse, nisi clauum vnum; significare volentem timere se volubilitatem illius rotæ & mundanæ felicitatis, ne, qui in summo erat rotæ, mox ad infima præcipitaretur: quocirca optabat clauum, quo infixo totam eius volubilitatem sisteret. Verum ita fortuna, ac omnia humana rotant, ut nullo clauo retineri valeant. Audi quendam apud Plutarchum post deperditas opes; [Sciebam precarias me opes, nec trabali clauo fixas, ut aiunt, possidere, omninoque vtendas accepisse.] Propterea non doluit illis amissis.

Traët. de
vitæ incin-
ribus.

Cur autem huius mundi res fluxæ sint, E mutationique obnoxia, rationem assignat Gregorius Nazianzenus, dum Christo sic loquitur. *Non sine magna sapientia hoc à te Christe constitutum est, ut res omnes huius vitæ incerta atque instabiles sint; nempe ut rerum firmarum, stabiliumque amore ac desiderio inardescamus, & ut discamus à stulta carnis cogitatione mentem erumpere, vitam ab hac vitæ alienam ducere, ac denique cum alio mundo mundum hunc commutando, difficultates omnes huius vitæ, molestiasque forti animo perferre.* Nam vix humana mens ab amore transeuntium, & percurrentium vult se abstrahere; quid si essent permanentia? Vnde idem doctor alibi; *Quid fecissemus, ait, si prosperitas nobis firma, & perpetua esset? cum licet fluxa, & fragilis sit, usque eo tamen ipsi tanquam vinculis quibusdam astricti simus, eiusque voluptate in hanc seruitutem redacti, ut nihil presentibus rebus melius, atque excellentius cogitare possimus. Quis pratercuntia prateribit?*

Orat. 16.

teribit? quis stabilibus, & æternis mentem adiunges? quis de presentibus rebus, tanquam de abeuntibus cogitabit? quis picturam veritate, quis umbram à vita sempiterna discernet?

Iuuat & audire, quid hac de re alius Gregorius cognomento Magnus scribat. *Superba mens nostra adhuc non vult hoc sponte deferere, quòd quotidie perdit inuita.* Et alibi dolet, quòd amarum mundum diligamus, fugientem sequamur, & labenti inhæreamus. *Ecce, inquit, iam mundus in seipso aruit, & adhuc in cordibus nostris floret. Vbiq; mors, vbiq; luctus, vbiq; desolatio: undique percutimur, undique amaritudinibus replemur, & tamen caca mente carnalis concupiscentia ipsas eius amaritudines amamus, fugientem sequimur, labenti inhæremus.* Diuus Augustinus non poterat non conqueri de sua miseria, & infirmitate. *Mundus clamat, deficio, tu Domine clamas, reficio, & miseria mea praua magis sequitur deficientem, quàm reficientem: planè infirmitas mea hac est. Utinam vnusquisque nostrum cum quodam pio viro dicere possit.*

Hom. 4.
Euang.

Hom. 28.
habita ad
honorem
SS. marty.
Nerzi, A-
chill. Do-
mitit. Virg.
& Pancrat.

Solil. c. 23.

*Suspiro ad Dominum, non est mortale quod
opto,*

Futilis mundi fastus, bonorq; vale.

F Non perpendunt mali hanc rerum humanarum velocitatem: ideo eis adherent, deperditas descent; boni verò illas non diligunt, nec de illis curant, cum tam citò curant. *Carnales mentes, inquit Gregorius, idcirco presentia diligunt, quia vita carnis quàm fugitiua sit minimè perpendunt: nam si velocitatem transitus eius aspicerent, hanc etiam prosperitatem*

Lib. 8. Mor.
11.

tema

tem minimè amarent. Electi autem, quia præsentis vitæ momenta sub festinatione conspiciunt, nequaquam in hoc tanta mobilitatis itinere, cordis intentionem figunt.

Reuera boni ex præsentis vitæ velocitate hatum omnium rerum contentum colligunt: at verò impij, licèt etiam illius breuitatem agnoscant, tamen comellationibus, potationibus ac voluptatibus dandam esse operam concludunt; sic enim illos se inuicem inuitantes inducit Propheta: *Manducemus, & bibamus, cras enim morientur.* Illos irridet Diuus Augustinus. tanquam malè colligentes. Vni ergo horum nebulonum sic loquitur. *Quid ais? repete: Manducemus, & bibamus. Age, quid postea dixisti? Planè hoc ipso quod postea dixisti, incussisti mihi timorem ne tibi consentiam; cras enim moriemur. Terruisti, dixisti, & precessit, manducemus, & bibamus: cùm enim dixisses, manducemus, & bibamus, adiunxisti, cras enim moriemur. Audi contrà à me; imò ieiunemus, & oremus cras enim moriemur.* Ac si diceret: ex eo quòd cras finis morituri, sequitur quòd hodie ieiunare, benefacere, orare, pœnitentiam agere debeamus: non autem manducare, bibere, & lasciuiare. Quid enim cras morituro proderit hodierna voluptas, & comessatio? Nihil quoque nocet citò morituro præsens tribulatio.

Cùm itaque & bona, & mala huius vitæ citò præterlabantur, non est de illis curandum; sed illa bona sunt querenda, & mala rimenda, quæ æterna sunt. De bonis & voluptatibus huius sæculi, audi quid in inferno dicun

dicunt aliàs experti, & his modò prinati, *transierunt omnia illa tanquam umbra*. Caue tu, ne sap. 5.
 propter transeuntes umbras, ad sempiternas
 transeas tenebras. De laboribus verò & dolo-
 ribus huius vitæ sic Paulus: *Id quòd in presenti* 2. Cor. 4.
est momentaneum, & leue tribulationis nostra, &c.
 & Petrus; *Modicum, inquit, nunc si oportet con-* 1. Petr. 1.
tristari in variis tentationibus. Momentanea, &
 leuia sunt, quæ in hoc mundo patimur; hæc si
 patienter feramus, emolumentum referemus;
 quia, teste Gregorio, *dum transitorio labore atte-* 1. lib. 6. Moral. 14.
rimur, à perpetuo dolore liberamur.

Propterea, cum omnia in hoc sæculo modi-
 ca sint, & blandimenta, & tormenta; hæc li-
 benter sustineamus: illa verò fugiamus, & sem-
 piterna attendamus. Audiamus Lactantium:
Hæc vita, inquit, quia brevis est; idcirco & bona Lib. 6 de vero cultu, cap 4.
eius, & mala brevia sint necesse est. Altera verò,
quia sempiterna est; idcirco & bona eius, & mala
sempiterna sunt. Ita fit, ut & bonis breuibz mala
æterna; & malis breuibz bona æterna succedant.

*Reuocanda sunt aliquando in memo-
 riam quæ euenire possunt aduersa,
 ut cum acciderint, æquo animo fe-
 rantur.*

CAPVT XXIV.

PRVDENTIS est scire illud posse
 sibi accidere, quod alteri. Nam,
 ait Publius, [quod uni accidit, Publii,
 Q cuique

cuique contingere potest.] Itaque iuxta consi-
 Epist. 108. lium Senecæ,] id agendum est, ne quid nobis
 inopinatum sit, quia omnia nouitate grauior-
 ra sunt; hæc cogitatio assidua præstabit ut
 nulli sis malo tyro.] Cum omnibus sis cala-
 mitatibus obnoxius, omnibusque telis fortu-
 næ expositus, quid mirum, si quibusdam feri-
 riaris? Quod euitasti, pati potuisti, & adhuc
 potes. Cogita, antequam sentias, quid huma-
 narum rerum varietas possit. Errare illos di-
 Cic. 3. Rhe. cit Cicero, [qui in prosperis omnes impetus
 fortunæ putant fugisse; contrà verò sapienter
 cogitare, qui temporibus secundis casus ad-
 uersos reformidant.

Multum valet hæc præmeditatio futura-
 rum afflictionum; ea de causa Christus cum
 aliis, tum Apostolis imprimis futuras accura-
 tè prædixit, ne postquam euenissent, aut scan-
 dalizentur, aut conturbarentur. Hæc, in-
 Ioan. 16. quiens, locutus sum vobis, ut cum venerit hora
 eorum reminiscamini, quia ego dixi vobis. Vnde
 Hom. 46. in optimè Gregorius: *Atinus iacula feriunt quæ*
 Euang. *prævidentur, & nos tolerabilius mundi mala sus-*
cipimus, si contra hæc per præscientia clypeum mu-
nimur. Cui conuenit illud Senecæ: [Præme-
 ditatio futurorum malorum iam lenit eorum
 aduentum.]

Hoc antidotum Gentiles ipsi magni fecê- B
 re. Vlysses, teste Plutarcho, peregrè reuersus
 cognita repentina sui canis morte, illacry-
 mæ fectur, non autem cognita morte vx-
 oris, qui multò antè præsumpserat morientis
 vxoris imaginem. Anaxagoras hoc præsidio
 munitus, nunciata filiorum morte nihil tur-
 batus,

batus, respondit : [Sciebam me genuisse mortales.] Seuerus Imperator , auctore Dione Nicæo , vnam sibi parari voluit , in qua sepeliretur , quam crebrò manibus contrectans dicebat : Tu virum capies , quem totus orbis ferè capere non potest. Idque fecit vt memoriam mortis retineret ; illudque sibi non esset insolitum , quod sæpe fuerat cogitatum. Quid apud se debeant homines meditari , indicat Terentius his verbis.

*Meditari secum oportet, quo pacto aduersam In Phor.
arumnam ferant,*

*Pericla, damna, exilia; peregrè rediens secum
cogitet,*

*Aut filij peccatum, aut uxoris mortem, aut
morbum filie.*

*Communia hac esse, & fieri posse, vt ne quid
animo sit nouum,*

*Quicquid præter spem eueniat, omne id deputare
esse in lucro.*

Theſeus quoque in Euripidis Tragœdia optimum ostendit contra dolorem remedium esse , non expectare tempus obliuionis patrem cuncta mitigantem ; sed omni studio præueniendo , cuncta prius præmeditari ; ait enim :

*Futuras mecum commentabar miseras, Volater-
Aut mortem, aut exilium, seu magnum aliquod ran.c. 31.
malum,*

Ne me imparatum cura laceraret recens.

Scitum est & illud Senecz. elogium. [Quæ Epist. 77.
alij diu patiendo leuia faciunt , vir sapiens le-
uia facit diu cogitando.]

Hoc antidotum est etiam à diuino Spiritu

Q 2 incul

Ecl. 18. inculcatum. *Mememo paupertatis in tempore abundantia. Ex quibus verbis Diuus Chrysostomus fortè suum dēsumpsit consilium: In rebus prosperis, ait, expectes aduersas: in tranquillitate tempestatem: in sanitate morbum: in diuitiis paupertatem, ac mendicitatem. Malum enim inexpectatum perturbat animam; si incidat.*

Tom. 5.
Hom. cum
Sartor.

Ibidem.

Idem doctor, assignans rationes cur Iob **C** tam constans perstiterit in aduersis, atque illa tam forti animo pertulerit. *Quia, inquit, cum diues esset, expectabat egestatem: cum sanus esset, expectabat agrotationem: cum tot liberorum esset pater, expectabat, ut subito fieret orbis. Et hanc anxietatem semper apud se aluit, intelligens rerum humanarum naturam & volubilitatem. Huiusmodi autem consideratio, ac futurorum malorum præmeditatio, non solum pium illum virum disponebat ad patienter ferenda quæque aduersa, sed etiam impediēbat ne prosperis delectaretur. Dicebat enim; Si latus sum super multis diuitiis meis, & quia plurima reperit manus mea. Vnde sic illum interrogat Chrysostomus. Quid ais Iob? non delectatus es diuitiis affluentibus tibi? nequaquam. Quid ita? Quoniam illarum mirabilem fluxamque naturam, ac possessionem non durabilem videbam. Dicam ego cum Poëta:*

Iob. 31.

Quid lib. 4.
de Ponto.

Tu quoque fac timeas, & quæ tibi lata videntur, Dum loqueris, fieri tristitia posse puta.

Infans ille est, qui hic in quibusdam rebus prosperis confidit. Multos vidimus, aut sanè audiuius è foelici statu in maximam cecidisse miseriam; labi poterant, sed non lædi,
& si

& si lædi, non tam grauitè, dummodo se posse cadere sapius præcogitassent. Quæ modò possides, scito te posse amittere: noli de sanitate gaudere, quia vel minimo morbo priuari poteris. Habes pecuniam, sed potes perdere: habes filios, sed poteris non habere. Vnde Seneca: [Ille antefuit filios, & tu amittere potes: ille damnatus est, & tua innocentia sub ictu est.] Qui quidem ictus iuxta eundem sit præmeditatione mollis. Nam, inquit, [præcogniti mali mollis ictus venit.]

Lib. de con.
sol. cap. 6.

Epist. 77.

Idem auctor quærit cur in aduersis consolari nolumus, ac multis angamur doloribus, & hanc affert rationem. [Vnde, inquit, pertinacia in deploratione: nisi quòd nihil mali antequam eueniat, proponimus. Quæ multo antè præuisa sunt, languidiùs incurunt. Non putavi futurum quicquam: tu putas non futurum, quod multis scis posse fieri, quod multis vides euenisse.]

Lib. de con.
sol. cap. 2.

D Idcirco suum adhortans Lucilium, vult, ut non solum præmeditatione, sed etiam exercitatione ipsa, quasi quadam praxi præparemur ad omnia incommoda patienter subeunda; ut, verbi gratiâ, qui multis abundat, sit minimis contentus: qui delicatissimis cibus nutritur, ab illis aliquando abstinere: qui mollibus vestimentis induitur, duris & asperis interdum vestiatur; asseritque multos hæc præstitisse, atque experimento comprobasse, se in his plurimum profecisse. [Interpone, inquit, aliquot dies, quibus contentus minimo ac vilissimo cibo; dura, atque horrida veste, dicas tibi: hoc est quod time-

Epist. 18.

Q 3

batur.

batur. In ipsa securitate animus ad difficilia se præparet, & contra iniurias fortunæ inter beneficia firmatur. Miles in media pace decurrit sine ullo hoste, vallum facit, & superuacuo labore lassatur, ut sufficere necessario possit. Hoc secuti sunt, qui omnibus mensibus paupertatem imitati propè ad inopiam accesserunt, ne vnquam expauescerent, quod sæpe didicissent:] Hoc optabat Ethnicus, ut sic duntaxat leues redderentur calamitates. Quantò magis idipsum & optare, & præstare debet vir Christianus, ut fortiori animo, ac cum merito ferantur infortunia pro amore ipsius, nempe Dei, à quo immittuntur, vel possunt immitti?

Agessilaus cùm admoneretur, ut aliquid de vitæ rigore remitteret, causam addente quodam, eam vitæ volubilitatem euenturam, ut tempus aliam viuendi rationem exigeret. [At ego, *inquit*, me consuefacio, ut quæcumque inciderit fortunæ mutatio, ne quæram ipse mutationem.] Qui ægrotant, Medicos consulunt, remedia adhibent, pharmaca, portiones, sanguinisque effusionem libenter admittunt: sed prudentiùs agunt, qui ut infirmitates præueniant & euitent, huiusmodi remediis tanquam præcautione vtuntur, iuxta Sapientis consilium: *Ante languorem adhibe medicinam*, scilicet præseruatiuam, ne postmodum purgatiua indigeas. Sic quibusdam contingit, ut adueniente aduersitate, ad remedia, si tamen ad remedia, non potiùs aliquando ad desperationes, recurrant. Quod minimè facerent, si variis euentibus se omnino

nino esse obnoxios præcogitarent, ac executioni mandarent, quod ab eodem Sapiente inculcatur: *In die bonorum ne immemor sis malorum.* Obfirmandus est itaque animus contra omnes calamitates aliquando obuenturas, ut cum aduenerint, dicas; sciebam illas mihi posse accidere. Fac ut te paratum ad illas ferendas inueniant. Nam impiorum esse existimat Gregorius nolle futura mala præuidere. *Anima, inquit, peruersa præuidere futura refugit, quæ præsentem lætitiæ conturbent.*

Ecclesiæ 12.

Hom 39. in Euang.

Ad patienter ferenda quæque aduersa plurimum prodest recordatio nostrorum delictorum, propter quæ sæpe Deus nobis immittit tribulationes.

CAPVT XXV.

A



Ic mihi cum Poëta exordiri liceat;

Æquo animo pœnam qui me- Quid. ruere, ferant.

Peccante Adamo, miseræ & tribulationes in mundum sunt introductæ. Quamuis per peccatum illis ianua adaperita sit; verumtamen propter propria peccata Deus plurima nobis immittit aduersa.

Sicut enim tonitrua, grando, nix, fulgura, *Simila.*

Q 4

fulmi

fulminaque è cœlo aëreo descendunt, quorum si causa meteorologica perquiratur, inueniemus vapores & exhalationes è terra sursum ascendere, ex quibus tempestates illæ formantur, atque promanant. Itaque terra subministrat materiam, qua à cœlo vexatur. Interim non videntur huiusmodi vapores dum ascendunt; in tonitrua verò aut fulgura, & grandines conuersi, pertipiuntur. Sic nimirum ex patris peccatis emanant quidam vapores, qui sursum ascendentes efficiunt, ut ad nos descendant fames, pestes, bella, variae infirmitates, & similia mala, quæ videmus & patimur, licet peccata sursum ascendentia, & hæc procurantia, non viderimus. Vnde optimè Chrysostomus: *Auferamus, ait, malorum fontem, & omnia malorum sistent fluentia.*

Jerem. 4. Opprimebatur olim Hierusalem acerbissimis malis, causam ignorabat, cui Dominus per Prophetam: *Via tua, inquit, & cogitationes tuæ fecerunt tibi hæc.* Id est, non est quod in inquirenda causa tuarum aduersitatum, ô Hierusalem, fatigeris, viæ tuæ, & peruersæ tuæ cogitationes fecerunt hoc tibi.

Mich. 1. Sic & Michæas Propheta postquam gravissima comminatus fuerat ei, cui admiratio aliqua subire posset, cur Dominus tam diras pœnas in populum suum electum inducere vellet, sic ait: *In scelere Iacob omne istud, & in peccatis domus Israël.* Quali dicat: non in me, sed in peccatis populi mei, quasi in propria radice continentur omnia mala hæc, quia radix omnium malorum culpa. *In scelere Iacob omne istud.*

Diuus

Diuus Hieronymus affirmat ; Deum propter peccata populi interdum permittere malos etiam in sacra & sancta malè agere, & affert exemplum de Antiocho Epiphane Rege crudelissimo. *Qui*, inquit, *subuertit altare, ipsamque iustitiam fecit conculcari, quia concessum ei erat à Domino; non hoc fecit quod ipse tantum voluit, sed quod propter peccata populi concessit Dominus.*

Lib 2. contra Pelagianos.

Quòd si vniuersaliùs totius orbis mala, prout mala sunt, consideraueris, & causam eorum nosse volueris, tibi pariter respondebo ; *In scelere Adam omne istud.* Vnde tot cæci, claudi, surdi, paralytici, tot infirmi ? vnde tot pauperes, egentes, afflicti ? *In scelere Adam omne istud.* Quòd si ob peccatum protoparentis solùm originaliter contractum, ita clementissimus Deus vniuersum genus humanum punit, ita affligit; quid mirum, si pro actualibus peccatis nos grauiter puniat?

Quàm falsò accusant superos, stultique queruntur Chrysippus.

*Mortales ! etenim nostrorum causa malorum
Ipsi nos sumus, & sua quemque vecordia ladit.*

Refert Ockot, in quadam Britanniaë prouincia iam appropinquante messe numerosam aduenisse locustarum copiam, quæ omnem deuorarent segetem : aliqui autem quasdam ex illis locustis acceperunt, in quarum alis hæc duo verba conscripta repererunt ; *Ira Dei* : ne scilicet existimarent homines illius regionis, hæc aliquo casu & ex naturali tantùm causa ita euenisse. Multa illi adhibebant remedia quibus illas effugarent, sed nihil

Ockot.

Q 5

profi

proficiebant, cum ex iusta ira Dei propter illorum peccata prouenirent.

Olim Deus quibusdam minitans sic loquebatur; *Si ambulaueritis ex aduerso mihi, ego quoque contra vos aduersus incedam.* Alij secundum Oleastrum sic vertunt hunc locum; *Si ambulaueritis mihi à casu, ambulabo etiam ego à casu.* Id est, si casui attribueritis ea, quæ mihi attribuenda sunt, ambulabo etiam ego vobiscum cum casu, id est, ostendam me vestra quodammodo non curare, ac si nihil mea intersit gubernare vos. Hoc est pessimum Dei flagellum, cum scilicet ipse tecum egerit, ac si tua non curaret. Qui enim ita delinquant, ac si nulla esset Dei erga humana prouidentia, solet Deus eos negligere, ac si sua non curaret, ut sine vlllo fræno labantur, & eis promiscuè mala contingant, ac si Deus non aduerteret.

Cum igitur scias omnia mala pœnæ iustæ à Deo procedere, noli illi per culpam te opponere, cum ipse sit durior te, & extremum malum sit in Deum aduersarium impingere. Si enim vis in eum insurgere, tribulationes in te faciet consurgere: si committas culpam, immitet pœnam.

Itaque, qui crimina, quibus se obstringit, considerat, supplicia quæ illis sunt debita, patienter tolerat. Ratio est, quia videt se temporaliter in hoc mundo cruciari, qui in futuro merebatur in æternum damnari. Vnde Lactantius: *Nemini, inquit, mirum debet videri, si pro nostris sæpe delictis castigamur à Deo; imò verò cum vexamur, ac premimur, tum maxime*

Lact. Firm.

maximè gratias agamus indulgentissimo Patri, quòd corruptelam nostram non patitur longius procedere, sed plagis, & verberibus emendat. Ex quo intelligimus nos esse Deo cura, quibus, quoniam peccamus, irascitur.

Assignans D. Augustinus rationē, cur Deus hic puniat, sic nos hortatur, simulque consolatur. *Ad tempus Deus emendat, ne in aeternum* In Psal. 94.
damnet. Elige tibi vnum ex duobus, temporalem dolorem, aut aeternum dolorem: omni quippe culpæ debetur pœna, aut æterna, aut temporalis.

At dices; sunt multi peccatores, qui senescendo pinguescunt, & pinguescentes senescunt, quos nullā pœna tangit, nullus dolor angit: cur igitur hi ob crimina sua non puniuntur, sed vsque ad senectam & senium remanent impuniti? Noli, fili, horum fœlicitati invidere, cū nihil sit infœlicius fœlicitate peccantium, & cū, secundum Anselmum, *illi meritò lugendi sint, qui cū in vita* Ansel. in 2. Cor. 11.
peccent, in hac vita non puniuntur. Nullus est, qui hic puniri non pateretur, si suorum delictōrum recordaretur. Qui enim scit se culpam commisisse, nouit etiam se pœnam meruisse. *Perpendant iusti, inquit Gregorius, quæ sint mala, quæ iniquos manent, & nequaquam* Lib. 22. Mor. cap. 4.
eorum fœlicitatis inuideant, quæ percurrit. Quid est enim quod de eorum gaudiis admirentur, quando & ipsi per iter asperum ad salutis patriam, & illi quasi per amœna prata ad fontem tendunt? Vnde Iob; *Nunquid est perditio iniquo? quasi dicat: etiam. Illi igitur non est inuidendum, licèt omnia habeat ad nutum, cunctaque illi prosperè succedant.*

Notan

Pfal. 38.

Notanda est valde inclyta illa Daudidis patientia, qua Semei tolerauit conuicia: cum enim dixisset; *Obmutui, & humiliatus sum, & filius à bonis: statim addidit; & dolor meus renouatus est.* Quis dolor renouatus est Daudis, cum iniuriis à Semei afficeretur? Præteriti adulterij dolor, cuius tunc recordabatur, vt annotauit Theodoretus, cuius hæc est paraphrasis. *Conuiciis affectus, peccati memini, & stimulis à peccato emissis configebam, reputans hanc esse causam, cur ego maledictis afficiar, & tyrannide opprimar, & à regis domibus exactus fugere cogar.*

Ex hac peccati memoria etiam ab ore eiusdem Daudidis emanarunt hæc verba: *Domini præcepit ei, vt malediceret mihi;* videlicet propter adulterium quod admisi. Idcirco subiungit idem Theodoretus: *Peccati memoriam habet hac clausula, quoniam per hoc castigatio enenit.*

Lib. 30.
Mor. c. 17.

In hanc quoque sententiam audiamus Gregorium. *Dauid, inquit, exurgentem contra se filium fugiens, reduxit ad animam, malum, quod patrauit; & equanimiter pertulit, quod audiuit, & contumeliosa verba, non tam conuicia, quam adiutoria, quibus se purgari, sibi que misereri posset, credidit.* Vide illa conuicia vocari adiutoria. Certum est enim omnia aduersa, si æquo animo ferantur, nos plurimum iuuare ad Dei misericordiam obtinendam, vitamque æternam capessendam. Cane igitur, ne tua impatientia, illa sint tibi impedimenta, quæ tibi esse possunt adiumenta.

Idco perpende quod ab eodem Gregorio
subdi

subditur. Tunc, ait, illata conuicia bene toleramus; cum in secreto mentis ad mala perpetrata recurramus; leue quippe videbitur, quod iniuria percutimur, dum conspiciamus, quia peius est quod meremur.

Hæc peccati recordatio vocabitur alibi ab eodem doctore omnis furoris, omnisque mortificatiæ extinctio. Quasi, inquit, aqua ignis extinguitur, cum surgente furore animi, sua cuique ad mentem culpa reuocatur.

Quantæ etiam sit vtilitatis nostrorum peccatorum recordatio, attendenda sunt verba Diui Chrysostomi de eodem Dauide loquentis. Non est oblitus, inquit, peccati sui, quamuis indultum sibi fuerit, ille tamen in consciencia sua tanquam in imagine adulterium, & homicidium depictum habebat: & per singulos dies videbat putredinem, & ideo dicebat: & peccatum meum contra me est semper. Ego illud video, tu ne id consideres. Ego illud scribo, tu quasi Dominus dele. Vide enim quid sit. Si tu memor sis, Deus non erit memor; si tu oblitus eius fueris, Deus eius memorabitur. Vides quomodo Dauid peccati sui etiam remissi recordabatur, vt Deus illius obliuisceretur. Tunc enim Deus obliuiscitur, quando non irascitur: & tunc non irascitur, quando peccatum cognoscitur. Tunc autem cognoscitur, quando pœna propter illud immissa patienter toleratur. O felix recordatio, qua cessat, aut saltem minus vexat diuina castigatio! Qui graui morbo corripitur, statim recordatur præteritæ intemperantiæ suæ in edendo & potando, unde illum sibi morbum contigisse putat: hoc enim

enim pacto tanto redditur morbus tolerabilior, quanto, causa illius cognita, fiet curabilior. Sic cognita per recordationem culpa, tanquam afflictionis causa, fiet per consolationem leuior poena.

Et cum quis ex inopinato captus à magistratu, ducitur in carcerem, statim memoria reperit prius scelera admissa, de quibus timet se accusatum, & propterea tunc detrudi in carcerem; quibus quidem in memoriam reuocatis, tunc sibi ipsi consulendo, & seipsum consolando, qualiter sibi sit respondendum, cogitat.

Clarissimum huius effectus recordationis exemplum habemus in fratribus Ioseph, qui durè admodum, asperèque tractati à Ioseph, & in carcerem coniecti, vt sacra testatur historia, confestim recordati sunt sceleris, quod in fratrem admiserant, ideòque se meritò illa pati confessi sunt, dicentes: *Meritò hac patimur, quia peccauimus in fratrem nostrum, videntes angustias anima illius, dum deprecaretur nos, & non audiuimus: idcirco venit super nos ista tribulatio.*

Hæc omnia audiuit, & percepit Ioseph nescientibus fratribus, eo quod, ait Scriptura, *per interpretem loquebatur ad eos*; & miserans eis, auertit se parumper & flevit, & reuersus locutus est ad eos. Tamdiu Ioseph peccatores fratres suos flagellauit & corripuit verborum suorum stimulis, donec peccatum suum agnoscerent, & dicerent; *Meritò hac patimur.* Diu & durius fuissent cruciari, nisi peccatorum suorum fuissent recordati. Sic
misere

miserebitur nostri Deus noster, si debitas penas nos luere, cognoscamus, dicamúsque; meritò hæc patimur, quia peccauimus in Deum nostrum: ac fateamur cum Dauide, iusta esse iudicia Dei, atque sic humiliter clamemus;
Induxisti omnia hæc propter peccata nostra. Vnde optimè Diuus Hilarius; *Quando*, inquit, *morbi vexabunt, passiones & cruciatus corporis deserient, damna defatigabunt, luctus & orbitates affligent, semper viemur hac voce, qua vsus est Propheta: iustus es Domine, & rectum iudicium tuum.* Verè iusta & recta illa iudicia, quæ cessare non faciunt in peccatore tribulationem, quoadúsque peccata veniant illi in mentem per recordationem, & in os per confessionem.

Dan. c. 3.
 D. Hil. in
 Psal. 118.

In illo ludo, qui vulgò, *la main chaude*, vocitatur, consueuerunt ludentes alicuius velare faciem, & postmodum illius manum percutere; cùmque iteratos ictus subire cogunt, donec percutientem deprehenderit. Sic solet Deus propter peccata calamitatibus nos afficere; sed quia aliquando bellis grassantibus, interdum verò aëris intemperiei, aliisve causis, & non delictis nostris imputamus; ideo iterum affligitari meremur & cogimur, quoadúsque propter peccata, aduersa illa nobis euenire confiteamur.

Pulchra similitudine ostendit Diuus Gregorius quonam pacto sint dolores, quos patimur, temperandi. *Dolor*, inquit, *flagelli temperatur, cùm culpa cognoscitur, quia tanto quisque* *ferramentum Medici patientius tolerat, quanto magis putridum conspiciit esse quod secat.*

Lib. 10. Moral. c. 5.

Quid

Luc. 23.

Quid in cruce consolabatur pium Latro-
nem, nisi delicti sui recordatio, propter quam
se merito cruciari fatebatur? *Nos*, inquit,
digna factis recipimus. Nisi humiliter culpam
agnouisset, patienter poenam non sustinuisset,
atque ita de salute sua, sicut alter Latro despe-
rasset. Itaque ex vexatione oriebatur pecca-
ti recordatio: ex recordatione consolatio: ex
consolatione confessio: ex confessione depre-
catio: ex deprecatione exauditio: ab exaudi-
tione promissio: & ex promissione in Para-
disum migratio.

Math. 27.

Obiicies: Indas suum agnouit peccatum;
dicebat enim; *Peccaui tradens sanguinem in-
stum*. Verumtamen in illa recordatione non
inuenit consolationem, sed in sui dispen-
dium properauit ad suspendium. Ergo vide-
tur peccati recordatio parum prodesse, sed
potius obesse. Respondeo, Iudam impatien-
tia sua periisse; poterat enim expectare Chri-
sti passionem, quam sperando, maximam
inuenisset consolationem, quia suam distu-
lisset desperationem. Vnde magnus Leo sic
illum alloquitur. *Si expectasses*, inquit, *donec*
*Christi sanguis pro omnibus funderetur peccatori-
bus, informis lethi suspendium distulisses*. Debe-
bat enim attendere, & humiliter recurrere
ad Christum quem offenderat, & non ad eos
quibus illum tradiderat, & illam punitio-
nem expectare, atque libenter tolerare, quæ
sibi ob suum scelus fuisset immissa, sed maluit
sibi mortem consciscere, quàm in hoc mun-
do vel minimam poenam subire, & potius se
interimere præ tristitia, quàm viuere cum
tristitia.

Serm. 11. de
Passione.

tristitia. Ille, inquit Euthymius, *ad mortem* Euthym.
confugit, ut à tristi vita cuius liberaretur.

Nolebat scelestus ille in hoc mundo conuenire Christum, sed in alio prauenire Christum; ad eum viuens noluit recurrere, sed ei moriēdo putauit occurrere. Huius sententiæ est Origenes, qui ait; *Existimauit Iudas prauenire in morte moriturum magistrum, & occurrere ei cum anima nuda, ut consuens & deprecans misericordiam mereretur.* Idem sentit Theophylactus. *Idcirco, inquit, se Iudas strangulauit, ut praueniat Iesum in inferno, & ibi orando salutem assequatur.* Verum, qui hic pœnitentiam non agit in corpore, anima nuda veniam non impetrat; neque ibi potuit eius exaudiri deprecatio, vbi nulla est redemptio. Dico itaque cum Diuo Leone, non peccati recordationem, sed desperationem traxisse Iudam ad laqueum.

Tract. 35. in Matih.

Theophyl. in Matih.

Serm. 3. de pass.

Noli tu desperare, cùm possis veniam impetrare. Ideo cùm propter peccata veniant aduersa, noli recusare pœnam, qui voluisti perpetrare culpam.

Quod merito pateris patienter ferre memento. Cato.
 Sancti ipsi, inter quos Daniel, Isaias, Esdras, Daud, afflictiones suas semper suis suorūque peccatis imputarunt; ideo libenter tolerarunt. Nam, teste Gregorio; *facilis erit consolatio, si inter flagella, qua patimur, delicta qua fecimus, ad memoriam reuocemus.* Quia, secundum eundem, *mala, qua patimur peccata nostra meruerunt.*

In Registro

Et quamuis tuarum tribulationum causam ignores, scito tamen illas iuste tibi im-

R mitti

Lib. 3. de
sum. bono.

mitti ab eo, cuius iudicia iniusta esse non possunt. Hinc Diuus Isidorus : *Disceat non murmurare, qui mala patitur, etiamsi ignoret cur patiatur. Per hoc quisque se iuste pati arbitretur, quia ab illo indicatur, cuius nunquam iudicia sunt iniusta.*

Suam sortem, suumque statum quisque patienter ferat.

CAPVT XXVI.

Man. lib. 4.



APIENTER à Manilio dictum est,

— *Sors est sua cuique ferenda.* A

De consol.
Philosoph.
c. 5. prof. 4.

Ad hoc autem maximè prodest patientia, sine qua non potest quis intra limites sui status se continere. Testis sit mihi Boëtius, qui ait; *Quis est ille tam felix, qui cum dederit impatientie manus, statum suum mutare non optet? Quis est enim tam composita felicitatis, ut non aliqua ex parte cum status sui qualitate rixetur?*

Primus suæ sortis impatiens exitit Lucifer, qui adhuc existens in cœlis, suo non contentus statu altiora appetiit, ac Dei similitudinem affectare præsumpsit: sed qui plus æquo ascendere voluit, descendere coactus est. Postmodum, qui sua sorte non fuerat contentus, hominem sui status impatientem reddere studuit, illi inuidendo, ac impatienter ferendo quoddam ad imaginem & similitudinem

dinem Dei conditus esset , ac sedes illas , è quibus ipse cum sociis suis meritò eiectus fuerat , occupaturus esset. Hoc optimè observauit Tertullianus de impatientia diaboli differens : *Adeo inquit , decepit hominem , quia inuiderat : inuiderat autem , quia doluerat : doluerat , quia patienter utique non tulerat.* Itaque si patienter diabolus tulisset , non doluisset : si non doluisset , non inuidisset : si non inuidisset , non decepisset : & non decepisset , si de cœlo lapsus non fuisset : nec lapsus fuisset , si suæ fortis patiens extitisset.

Lib. de patient. c. 5.

Sicut igitur diabolus fuit proprij status impatiens , impatienter etiam tulit tranquilum illum statum primorum parentum , qui utinam sua sorte contenti in illo amœnissimo loco mansissent : non enim in tot damna genus humanum fuisset prolapsum. Quantum malorum causa adhuc extat nostræ fortis impatientia ? Hinc illa animi inquietudo , ut unusquisque iudicet sortem alienam sua propria fœliciores. Vnde Horatius ,

Alienum nobis , nostrum plus aliis placet.

Lib. I. Epist. Hol. 14.

Incundior nobis apparet aliena conditio , ac

Fertilior seges est alienis semper in agris.

Ouid. lib. I. de arte.

B Inuidet mercator militi , miles autem mercatori : laudat Iurisperitus agricolam : agricola verò solos ait fœlices in vrbe morantes.

O fortunati mercatores ! grauis annis

Horat. lib. I. Epist.

Miles ait , multo iam fractus membra labore.

Contra mercator , nauim iactantibus Austris ,

Militia est potior. ----

Agricolam laudas iuris , legumque peritus ,

R 2 Ille

*Ille datis vadibus, qui rure extractus in urbem
Solos felices viuentes clamat in urbe.*

Epist. 45.

Illum Seneca existimat beatum, [qui neminem videt, cum quo se commutatum vellet.] Scito in* quocunque statu huius vitæ semper aliquid reperiri, quo doceamus. Pensanda sunt verba Saülis ad filios Gemini: *Non est, ait, qui vicem meam doleat ex vobis.* Quid videbatur dolendum in Saule? Rex erat, & diues: quando adhuc erat armentarius & asinas pascebat, magis videbantur eius vices dolendæ; sed in regia dignitate constitutus, nescio qualiter fuerit plangendus, nisi quia etiam in sublimioribus, regisque dignitatibus huius sæculi, quædam semper inueniuntur compassione & dolore digna. Aliquid Saül patiebatur, quod, licet non appareret, illum tamen plurimum cruciabat. Habent Reges & Principes suum calicem, suamque gestant crucem: quamvis enim diuitiis ac deliciis affluant, imperent ac potentia sua subditos terreant, non tamen sunt sine metu, qui eos plurimum angit. Quod autem & aliquando cur non sint sine metu, ostendit Cyprianus. *Maiores illis, inquit, quam ceteris metus est: tam ille timere cogitur, quam timetur; qui securos non sinit esse subiectos, tam necesse est ut non sit ipse securus.*

Lib. 3. Epist.
2. ad Donatum.

Math. 20.

Optabant filij Zebedæi suam mutare sortem, & ab humili ad sublimem statum transire: sed Christus ad eos; *Potestis, inquit, bibere calicem, quem ego bibiturus sum?* Ac si diceret: sedeat licet ad dexteram, siue ad sinistram in regno meo, semper erit vobis calix bibendi

bibendus ; quia nullus est status in hoc mundo, qui suum non habeat calicem. Quod quidem figuratur in sacculo Benjamin quamvis dilecti, in quo repertus est calix. Traditum est memoriae, quendam ex olitore factum esse Regem, & cum ex eo requirerent aliqui, quare ratione prioris vitae inopiam & incommoda tolerasset, respondisse ; requirere potius deberetis, quemadmodum toleraturus sim acerbitates vitae regiae. Magna in oleribus reperiebat acerba, sed maiora in sceptris & diadematis.

Genes. 44.

Si vidisses Amán in Curia Regis Assueri, forte illis inuidisses, statumque tuum cum suo commutare voluisses, foelicemque illum iudicasses, tanquam secundum à Rege, omnibusque diuitiis & honoribus affluentem ; sed scito ipsum cruce non caruisse, cum tandem in ipsa fuerit suspensus. Quot Regum amasij fuerunt trucidati, aut ultimo supplicio affecti ? Dices ; hæc omnia enadam esto ; sed animi anxietatem, curam & sollicitudinem quam adhibere oportet, ut Regi placeas, inuidiam & calumnias vix euadere poteris, quæ tibi amarissimum calicem propinare poterunt, quem nolens bibes. Ergo si non mihi, saltem Poëtæ credito,

Hester 7.

Vive bene, & longè nomina magna fuge.

& paulo post.

Crede mihi, bene qui latuit, bene vixit ; & intra

Fortunam debet quisque manere suam.

Ouid. lib. 1.
de Tristibus.

Quid nobis à Sapiente dicatur, attendere debemus : *Minima pro magnis tibi placeant.* Cui congruit quod ait Seneca ; [Redige te ad

pauca ex quibus cadere non possis.] Nam de parvis parua : de minimis minima : & de magnis magna reddenda est ratio. Eorum semper timemus casum , quos tecta , aut arborum summitas , vel montium cacumina ferunt ; non autem eorum qui in imo iacent : sic valde pertimescendum est ne in aliquo sublimi statu , aut dignitate constituti , lapsu grauiore ruant.

Duobus potissimum generibus hominum D inuidere solemus , nimirum , potentibus , & possidentibus , illorumque statum cum nostro ; si inferior sit , commutare optaremus ; sed te uera compassione potius , quam æmulatione digni sunt. Atque imprimis hoc vnum , quod à Sapiente de potentibus huius sæculi , & de superioribus dicitur , tibi sufficiat , vt tua sis tenuitate contentus , & gaudeas , imò Deum laudes , quòd exiguus sis. *Exiguo enim*, ait ille, *conceditur misericordia : potentes autem potenter tormenta patientur.* Gaudeas etiam quòd inferior & subditus sis , nec optes aliis præesse : *Quoniam*, ait idem , *iudicium durissimum in his qui præsent, fiet.* Vis igitur grauiissima tormenta , ac durissima euadere iudicia ? noli dignitates , vel prælationes querere. Item , si in aliqua dignitate constituaris , vel bene te geres , vel malè. Si bene , infirmaberis , cogerisque cum Apostolo dicere ; *Quis infirmatur , & ego non infirmor ?* Si autem malè , omnes irridebunt te , quod non minimo tibi erit supplicio. Ergo necesse est Prælatos vel infirmari , vel irrideri ; vel in solitudine esse ; nam , *qui præest , in solitudine est.*

Præterea,

Sap. 6.

Ibidem.

2. Cor. 11.

Rom. 12.

Præterea, noli possidentibus siue diuitibus inuidere: si pauper sis, esto tua paupertate contentus. Sic se habebat mater Tobię, dum diceret; *Sufficiebat nobis paupertas nostra.* Per- Tob. 5.
pende quid diuitibus contingat: Nam in pri-
mis non dormiunt: *Saturus diuitis non finit* Eccles. 5.
eum dormire. Maledicuntur; *Va vobis diuitibus.* Luc. 6.
Vix intrabunt in regnum cœlorum: *Amen*
dico vobis, ait Christus, *quia diues difficilè in-* Math. 19.
trabit in regnum cœlorum. Non debent invita-
ri ad prandium, nec ad cœnam; *Cum facis* Luc. 14.
prandium, ait idem Saluator, *aut cenam*, noli
vocare diuites. Irretiuntur laqueo diaboli; nam,
teste Apostolo, *qui volunt diuites fieri, incidunt* 1. Tim. 6.
in laqueum diaboli. Cur igitur optas sortem il-
lorum, qui non dormiunt, qui anathemate
feriuntur, qui à cœna & à cœlo excludun-
tur, & qui à dæmone illaqueantur? Deinde
non ille diues est, quem tu putas; audi Au-
sonium:

Quis diues? qui nil cupiet; quis pauper? auarus. Ausonius.
Hinc illud Stoicorum axioma: Solus sapiens
diues est, eo quòd nihil concupiscat. Qui enim
adhuc aliquid concupiscit, non habet satis, ac
consequenter diues non est. Vt igitur ditescas,
nihil concupiscas. [Quid enim, ait Seneca,
deesse potest extra desiderium omnium posi-
to? quid extrinsecus opus est ei, qui omnia sua
in se collegit?]

E Apud antiquos commune erat illud elo-
gium; *Se contentus est sapiens.* Quod explicans
idem Seneca ait; [Ad beatè viuendum, sed
non ad viuendum tantum; ad hoc enim illi
multis rebus opus est, ad illud autem solo

R 4 animo

animo suo, & erecto & despiciente fortuna-
 Cicero pa- nam.] Vnde Cicero, [Virtus, *inquit*, se ipsa
 radox. 2. est contenta, & qui virtutem habet, ei nihil
 deest ad beatè viuendum.] Sibi olim gratu-
 labatur Socrates, quòd iuxta naturam viuens,
 ac paucis assuetus, diuitum delicias non cu-
 peret.

Receptissima etiam semper hæc fuit inter
 sapientes sententia: *Natura paucis est conten-*
 Senec. *ta.* Quid autem postulet natura, ostendit Se-
 neca. [Panem, *inquit*, & aquam natura de-
 siderat, nemo ad hæc pauper est, intra quæ
 quisquis desiderium suum clausit, cum ipso
 Ioue de fœlicitate contendat.] Vnde & Iu-
 uenalis;

Satyr. 14. ——— *Panem quaramus aratro,*

Qui satis est mensis. ———

Idipsum clamat Lucanus;

Lib. 4. de *Discite quàm paruo liceat producere vitam,*

bell. ciuil. *Et quantum natura petat.* ———

Qui autem ad luxum, ad vanitatem, & vo-
 luptatem, vel ad delicias viuere cupit, nullis
 est contentus: quia postquam vnum adeptus
 est, aliud insequitur, quo adeptus, alterius tene-
 tur desiderio; atque ita nunquam est conten-
 tus eo, quod possidet; quia non habet illud
 quod desiderat. Effet semper homo conten-
 tus, si nihil aliud optaret, nisi quod illi satis
 est. Illud autem quod nobis satis est, præ ma-
 nibus nostris est, teste eodem Seneca, [Ad ma-
 num est, *ait*, quod satis est.]

Epist. 4. Reuera ad manum habemus, quod nobis
 sufficit & satis est, nempe Deum, qui est
 Sadaï, id est, ipsa sufficientia; quam quidem
 sufficien

sufficientiam ut ostendatur nos habere præ manibus, observandum est, nos in manu gestare descriptum nomen illud *Saddai*; nam aperta palma, duobus digitis, scilicet pollice & indice, paululum inflexis, & tribus aliis æqualiter, erectis, efformatur nomen *Saddai*: quia tres digiti erecti formant, quodammodo litteram Hebraicam *ש* *schin*: index verò & pollex inflexi litteras *ד* *daleth* & *י* *iod*, quibus quidem litteris coalescit nomen *Saddai*, quod cum sufficientem Deum significet, significatur etiam nobis, ad manum nos habere quod satis esse & sufficere debet. Nimis ergo est avarus cui Deus non sufficit, aut qui Deo non est contentus. *Homo*, inquit Diuus Cyprianus, *D. Cypri* cuius Deus est, quid querit amplius? Si sufficis tu Deo, sufficiat tibi Deus.

F Pulchrè ostendit Chrysostomus, nos tantò magis Angelis assimilari, quantò paucioribus fuerimus contenti, ac maximè libertati nostræ derogare, si multa desideremus. *Nónne*, inquit, *in hoc ab Angelis differimus: quòd ipsi non egent, ut nos?* Igitur quantò paucioribus indigemus, tantò magis Angelis appropinquamus: quantò pluribus, tantò magis ad hanc caducam vitam deflectimus: & quantò plura amplecteris, tantò magis derogas tua libertati, vera namque libertas est, nulla re indigere, &c. Imò verò non solum Angelis assimilabitur, qui nulla re indigebit, sed & ipsi Deo, secundum Socratem, qui dicere solitus erat, illum esse Deo simillimum, qui quàm paucissimis egeret, cum Deus omnino nullius egeat rei. Qui multa desiderat, multis indiget, qui pauca, paucis.

Hom. 79.
in Io. n.

Socrat.

paucis. Idem Socrates per forum obambulans, cum aspiceret mercium copiam, quæ illic vendebantur, ita secum loqui consuevit; Quàm multis rebus non egeo: aut alij cruciantur animo sic cogitantes; quàm multa mihi defunt.

Porro, attendas velim multos te esse pauperiores, te inferiores, ac te miseriores. Postquam igitur ad ditiores & ad sublimiores respexeris, conuertere parumper ad eos qui inferioris sunt conditionis. Chilon cuidam propter sua mala dolenti, dixit: [Si aliorum omnium mala perpenderis, minùs ægrè feres tua.] Similiter & Poëta,

Ouid. vlt.
Met.

——— *Similes aliorum respice casus,*

Mitiùs ista feres. ———

Quanti sunt, qui pauciora quàm tu possident, & tamen viuunt contenti? Talibus loquebatur Iuuenalis;

Iuven. Sat.
tyr. 14.

Venite contenti casulis & collibus istis,

O pueri. ———

Sed meliora & gratiora, qui propter Deum paucis, aut nihilo fuerint contenti, vel si quæ possederint, pauperibus erogauerint, audient à Christo; *Venite benedicti Patris mei, possidete paratum vobis regnum,* &c.

Plutarch.

Teste Plutarcho, sicut quidam alienas picturas, poemata diligenter aspiciunt, ac singula excutiant per otium, sua neglectui habent: sic multi alienas fortunas magis admirantur, suas oderunt.

Similia.

Item, quemadmodum vincti beatos iudicant solutos, soluti liberos, liberi, ciues, hi rursus diuites, hi Reges, Reges verò Deum, tonare

E

tonare propemodum ac fulgurare cupientes :
sic qui semper expendit , quantò sit aliis infe-
rior, nunquam sua contentus est sorte.

Insuper, sicut qui morbo laborant, cibos pu-
rissimos & lautissimos fastidiunt & recusant,
iidem restituti bonæ valetudini, caseo, aut cæ-
pe libenter vescuntur : ita stultis & animo la-
borantibus magnifica fortuna iniucunda , sa-
pientibus autem humilis ac tenuis fortuna iu-
cunda & grata erit.

Qui aliqua tristitia aut miseria afficiuntur,
se solos infortunatos esse putant , nec recor-
dantur similes casus aliis accidisse , & adhuc
accidere posse. Vnde Sophocles dicebat ;

Nunquam oportet fœlicem existimare sortem Sophocl.
**fortunati.*

Quia, ait alius,

Fortunam habemus in dies mutabilem.

Diphilus.

Itaque Horatius ipse stultum iudicat , cui *Epist. lib. I.*
propria fors non placet , *Epist. 14.*

Rure ego viuentem, tu dicis in urbe beatum,

Cui placet alterius, sua nimirum est odio fors :

Stulus uterque locum immeritum causatur
iniquè.

Interrogatus Epictetus , quis ditior & fœli-
cior in hac vita haberetur ; cui , inquit , satis
est, quod habet.

Morosum sanè est genus humanum sor-
tem suam accusans, & animum gerens graua-
tum, propriumque vnumquemque plus quàm
alienum afficit , & quo quisque tenetur , hoc
omnium molestissimum esse dicit. Quod
ipsum etiam in egregia & lepida fabella de
asino subinde dominos suos mutante de-
pingitur.

pingitur. Nam apud olitorem seruiens conquerebatur de pabuli inopia & nimio labore: apud figulum illi molestum erat, quòd cogeretur assidue portare lutum & lateres; multò igitur magis in hoc suo rerum statu deplorabat suam iniquiorem sortem, quàm prius. Tandem venditus coriario, ibi demum acerbam & luctuosam vitam agebat. Onustus enim foetidis fratrum suorum & affinium pellibus, vanis votis serò priores conditiones exoptabat. Teste me igitur Cicero, [Suz, inquit, quemque fortunæ pœniter.] Sed immeritò, cùm in hoc huic stolido animali assimiletur.

Pulchra quadam similitudine ostendit H Apostolus, non esse conquerendum de sorte qua Deus nos donauit, aut de statu ad quem vocati sumus: sic enim loquitur. *Nunquid dicit figmentum ei qui se finxit, quid me fecisti sic? An non habet potestatem figulus luti ex eadem massa facere aliud quidem vas in honorem; aliud verò in contumeliam?* Hinc sequitur, quòd quisque sua sorte contentus esse debeat: sicut enim lutum tantùm est lutum; sed ex manu figuli hanc, vel illam formam sortitur: ita homo ex sua humo nil nisi humum & lutum habet; sed ex Deo habet, quòd sit homo rationalis, diues, nobilis, sapiens, fœlix, gratus. Deus enim cuique dat suam formam; & secundum sapientem, cuique diuidit sua dona prout vult. Deinde, sicut lutum non potest dicere figulo, cur me fecisti sic? Ita nec nos Deo dicere possumus, cur nos fecisti pauperes, ignobiles, rudes, infirmos; illos verò diuites,

Rom. 9.

Ecl. 33.

diuites, nobiles, formosos, sapientes, validos & fortes? Et sicut vas non inuidet vasi pulchrioris formæ: ita non debet homo homini sublimioris fortunæ inuidere.

Noli esse ad modum materiæ horum inferiorum, siue elementaris, quæ non contenta sua forma, semper aliam appetit, vnde subsequitur illius corruptio & alteratio: sed, cum potius cælo, quàm mundo natus sis, esto sicut materia cœlestis: cuius forma satiat omnino appetitum eius, ideo corpora cœlestia remanent incorruptibilia. Fac itaque vt satisfieris & contentus sis illo statu, ad quem Deus te vocauit, ac illa tibi sufficiat sors, qua Deus te donauit, in illâ propter Deum patienter ferendo quicquid tibi aduersi contigerit: vnicum duntaxat doleas & fugias statum, scilicet peccati, à quo tibi, quàm citissimè poteris, recedendum est, & ad alium, videlicet gratiæ, transeundum, quam tanta debes auiditate appetere, quanta nouam materia sublunaris appetit formam.

Alium quoque tibi consulo quærere statum, nimirum cœlestem illum & æternum, in quo viuunt beati: ibi enim erimus contenti, quia illum videbimus, illóque fruemur, in quo omnia sunt contenta. Vnde Augustinus: *Quid vagaris*, inquit, *homuncio? ama vnum bonum in quo sunt omnia bona, & sufficit. Desidera simplex bonum, quod est omne bonum, & satis est. Quid enim amas caro mea? Quid desideras anima mea? ibi est quicquid amas, ibi est quicquid desideras.*

Sumendum est igitur documentum ex illa nostra

Ex manual. Aug.
tom 9.

nostra inquieta conditione, dicendumque cum eodem doctore. *Inquietum est cor nostrum, Domine, donec requiescat in te; quia non ad creata, sed ad creatorem conditi sumus.*

*Nihil prodest, imò plurimum obest
mœrore confici.*

CAPVT XXVII.

Epist. 100.



ECEPTISSIMA est illa Senecæ sententia; [Superuacaneum est dolere, si nihil dolendo proficias.] Notandum est duplicem dari tristitiam; vnam

secundum Deum: alteram sæculi. De vtraque sic quærit Basilii; *Quæ est tristitia secundum Deum, & quæ sæculi?* Respondet ipsemet: *Tristitia, inquit, secundum Deum est, cum quis ob mandati negligentiam ac contemptum tristatur. At verò mundi tristitia est, ubi quid humanum & mundo dignum fuerit, quod tristitia afficit.*

In reg. breu.
interrog.
192.

2. Cor. 7.

Tristitia igitur secundum Deum est, quæ concipitur propter Deum offensum, de qua sic Apostolus ad Corinthios; *Gaudeo, non quia contristati estis, sed quia contristati estis ad pœnitentiam. Contristati enim estis secundum Deum: quæ enim secundum Deum tristitia est, pœnitentiam in salutem stabilem operatur. Quasi diceret: non simpliciter, quia contristati estis, ego gaudeo, sed quia dolentes de Dei offensa,*

offensa, recurristis ad pœnitentiam. Illa sola bona est & laudanda tristitia, quam sequitur pœnitentia. Nullus dandus est locus tristitiæ, nisi ad expulsionem nequitiae. Peccati remedium tristitia est, quæ ideo tantum conceditur, ut parratum peccatum deleatur: nec ad aliud valet tristitia, qua si quis afficiatur, frustra dolet, si tantum propter Deum offensum non dolet. Audi quæso auream Diui Chrysostomi sententiam, de usu, fine & fructu huius tristitiæ loquentis: *Tristitia*, ait, *ob id nobis data est, non ut in morte, aut alia re doceamus, sed ut deleamus peccatum, quasi morbi illius remedium. Sicuti ergo remedium lippitudinis illam tollit, non alios morbos: sic tristitia peccatum tollit, non alias agritudines: verbi gratia, pecunia quis mulctatus est, doluit, non emendauit: filium amisit, doluit, non resuscitauit mortuum: contumeliis affectus est, doluit, non reuocauit contumeliam: infirmatur, dolet, morbum non aufert, imò auget: & peccat quis, tristatus est, peccata deleuit. Ergo tristitia tantum facta est propter peccatum, a quo nata est; ideo ut tinea ipsum corrodit & absumit, &c.* Vult iste doctor, ut dumtaxat tristemur & pœniteamus propter peccata commissa, cum aliàs sit nostra tristitia superuacanea.

Hoin 5. ad
Pop.

B Tristitia autem sæculi, vel carnalis est, quæ nascitur ex nimio amore & amissione bonorum huius sæculi, ut propter opes, voluptates amissas, aut propter amicos, aut potentes offensos. Hæc sæpe mortem animæ operatur, quia incitat ut per Dei offensam illa recuperentur. De illa sic idem Apostolus;

Sæculi

- Ibidem.** *Sæculi autem tristitia mortem operatur, etiam aliquando corporis; multi enim, dum nimis sua, vel suos lugent, tabescunt, luctu opprimuntur & moriuntur. Vnde Ecclesiasticus: Multos, inquit, occidit tristitia.* De illa igitur sæculi tristitia loquor, quam, cum nullum afferat commodum, imò multa incommoda, explodendam omnino censeo, iuxta consilium eiusdem Sapientis, qui ab ea sic dehortatur, *Tristitiam longè repelle à te.*
- Ibidem.**

Sed dices: quomodo expellere potero huiusmodi mœrorem, qui etiam mihi nolenti accidit? Imprimis, si non reputaveris tibi aliquid triste accidisse: quia ut plurimum opinione nostra potius quàm re ipsa dolemus. [Levis dolor est, inquit Seneca, si nihil illi opinio adiecerit. Ad opinionem dolemus, tam miser est quisque, quàm credidit.] Epictetus quoque Philosophus dicebat, homines perturbari non rebus, sed his, quas de rebus habent, opinionibus.

Epist. 77.

Epictet.

Idcirco dicere solebat: [Si videris aliquem flentem in luctu, vel propter absentem filium, vel amissas pecunias, caue ne tua te phantasia in errorem simul abripiat, tanquam ille malo quopiam laboret: sed statim cogites illum non rei euentu, sed opinione sua cruciari.]

Hoc autem ita se habere constat: nam plurimis legimus aliqua placuisse, quæ aliis omnino displicent. Tibi, verbi gratiâ, non arident infirmitates, contumeliæ, necessitates, persecutiones, & cætera huiusmodi: placeat verò Apostolo Paulo, qui dicebat;

Placeo

Placeo mihi in infirmitatibus meis, in contumeliis, in necessitatibus, in persecutionibus, in angustiis pro Christo. Tibi aliquis locus erit exilium, aliquibus verò patria. Vnde Boëtius; *Hic ipse locus, quem tu exilium vocas, incolentibus patria est. Adeò nihil est miserum, nisi cum putes.* Vides igitur te potiùs opinione tua, quàm rebus ipsis torqueri: desinat illa tua opinio, desinet & tristitia. Potes opinionem deferere; ergo & mœrorem.

2. Cor. 12.
Lib. 2. de
conf. Phis
prof. 4.

C Quòd autem hoc sit in nostra potestate, sic ostenditur. Tristitia causatur ex apprehensione alicuius noliti; vnde vocatur etiam ab Augustino, apud Diuū Thomam, afflictio quædam voluntatis de his quæ nobis nolentibus accidunt. Itaque duo concurrunt simul tanquam causæ partiales ad tristitiam, scilicet intellectus apprehendendo aliquod disconueniens, & voluntas illud nolendo: potes autem auertere huiusmodi apprehensionem, impediendo intellectum tuum, ne feratur ad considerationem illius disconuenientis: potes similiter impedire huiusmodi nolitionem, quia potest voluntas tua elicere actum volendi etiam ea quæ sibi displicent, vtpote afflictiones, morbos, temporalium iacturam, & similia, in quibus plerique non tantum non tristantur, sed ea cupiendo & volendo delectantur. Est igitur in tua potestate tritari, vel non tritari. Quod si non esset, cur diceret Scriptura; *Tristitiam ne des*

Gabr. lib.
14. quest. 12.
art. 3.
D. Thom. 1.
2. quest. 35.
art. 3.

Ecc. 30.

tristitiam, tanquam nociuam. Vnde Cassianus; *Absque illa, inquit, tristitia, quæ vel saluari pœnitentia, vel pro studio perfectionis, vel pro desiderio futurorum suscipitur, omnis tristitia tanquam sæculi, & quæ mortem inferat, equaliter repellenda est, ac sicut fornicationis spiritus, vel philargyria, vel ira, de cordibus nostris penitus extrudenda.*

Ad Lucil.
Epist. 64.

Cùm itaque in nostra potestate sit positum, repellere huiusmodi tristitiam, merito arguit Seneca eos, qui in dolore non consolantur, nisi cùm dolore lassantur, quia sic non relinquunt dolorem, sed à dolore relinquuntur.

Orat. 3. in
Satyr.

[Turpissimum est, inquit, in homine prudente remedium mœrotis, lassitudo mœrendi. Malo relinquas dolorem, quàm ab illo relinquaris.] Vult etiam Diuus Ambrosius, ut ratione, non tempore nostra leniatur mœstitia. *Cur, inquit, mœstitiam tuam non ratio potius, quàm dies leniat?*

Lib. 2. de
prouid.

Præterea, considera, sitne futurum, præteritum, an præsens malum, ob quod mœrore afficeris. Si enim sit futurum, vel erit certum, vel incertum: si certum & infallibile, cur doles, antequam necesse sit? Nam, teste Seneca, [ille plus dolet, quàm necesse est, qui antè dolet, quàm necesse sit.] Noli igitur esse futuri anxius, ne fias ante miseras miser. Plus enim inest mali expectando, quàm patiando, ait Euripides.

Euripid.

Si autem incertum sit, scito Diuum Chrysostomum existimare animi esse prorsus abiecti & stulti mœrore se conficere ob futura mala incerta. Summæ est amentia, inquit,
in re

in rebus incertis certo se iam cruciatu conficere. Quia sic erit tuus dolor certus pro incerto euentu. Et Seneca; [Infirmi, *inquit*, & Epist. 13. imbecillis animi est timere id, quod nondum ad Luci. accidit, vel longinquum est.]

Si præteritum sit malum, vel iam euenisse existimetur, vt filius absens mortuus, vel merces naufragio periisse, necessitatem conuerte in virtutem, fortiter & lubenter sustine, eò quòd ansam tibi hic casus præbeat præclarissimas exercendi virtutes, vt patientiæ, magnanimitatis, fiducia in Deo: deinde tibi data sit occasio Deo studiosius seruiendi, & plus apud eum merendi. Qua cogitatione munitus Dauid Propheta dicebat; *Vide humilitatem meam, & laborem meum, & dimitte omnia peccata mea.* De præteritis malis, præterquam de culpa, noli dolere: nam ad præteritum non est potentia. [Quid iuuat, *inquit* Seneca, Epist. 79. præteritos dolores retractare, & miserum esse, quia fueris? naturale est mali sui sine gaudere. Circuncidenda ergo duo sunt, & futuri timor, & veteris incommodi memoria. Hoc ad me iam non pertinet: illud nondum.]

E Si verò malum sit præsens; videas antequam doleas, quid dolendo proficias. Interroga, an aliquis malo præsentis dolendo, contristando, remedium adhibuerit. Multos Diuus Chrysostomus se audiuisse testatur, qui fatebantur nihil utilitatis sibi ex dolore comparasse. *Audiui, inquit, multos ad seipsos dicentes. Quæ utilitas quòd dolui? nec pecunias recuperavi, & me ipsum læsi, &c.* Sed quod ille de

multis, idem de omnibus effari nobis licet. Cui enim aliquando suus profuit dolor? Non est nouum quod tibi accidit. Multi idem passi sunt; qui si patienter illud sustinuerunt, mercedem suæ patientiæ receperunt: si autem impatienter, quære, quid eis contulerit eorum impatientia. Optimum igitur est sæpe cogitare dolorem, siue sæculi tristitiam nullius esse vtilitatis, ac verissimum esse quod de illa ait Sapiens; *Non est vtilitas in ea.* Quia hoc pacto patienter ferre poterimus omnia aduersa. Vnde Seneca; [Illud, inquit, te non minimum adiuuerit, si cogitaueris, nihil futurum dolorem tuum.]

Ecl. 30.

Lib. de cons.
cap. 30.Lib. 2. de
prouid.

Euripid.

Epist. 3.

Demum perpendite, tristitiam non tantum nihil prodesse, sed plurima incommoda attulisse tam corpori quàm animæ, ac quosdam, teste Chrysostomo, ob nimium mœrorem sibi manus violentas intulisse, & seipsos trucidasse. *Mœror,* inquit, *etiam absente demone, multa per se horrenda efficit, plurimòsque eorum, qui sibi vel nexuerunt laqueos, consciuerunt gladios vel fluuij se vndis, vel flammis donauerunt, vel alio quouis genere perdidere seipsos, sola doloris ac mœroris vi ad ita occubendum impulsos reperiemus, &c.* Videte quid nimia carnalis tristitia efficiat, & quàm, iuxta Sapientis consilium, sit à nobis longè repellenda. Cùm non tantum vnum sit malum, sed multiplex; *Tristitia,* ait Euripides, *multiplex malum.* quid boni ex multiplici malo hauriri potest? Audite quid de illa dicat idem Chrysostomus. *Tinea est, inquit, non ossium tantum, verum etiam mentis, & carnifex perpetuus, non latus trans*

transfodiens, verum animi vires labefactans, &c.
Sicut nihil prodest tinea nisi ad corroden-
dum; ita nec mœror. Dicam igitur illud
Æneidum,

Virg. 1.
Æneid.

Durate, & vosmet rebus servate secundis.

Precor diligenter attendas, quid ad nostrum
institutum dicat Philemon, unde colliges *Philem.*
quod certè flendum & dolendum esset.

Si lacryma nostra malis mederentur,

Et lugens semper dolere desineret,

Vel aurum lacrymis commutaremus.

*Verum ipsa res non auscultant, neque respiciunt
lacrymas,*

Et siue lugeas, siue non, pergunt.

Quid igitur proficis? Nihil.

*Quibusdam respondetur quæstiun-
culis, quas obiectare solent, qui
nihil aduersi in hoc mundo tolerare
vellent.*

CAPVT XXVIII.

ANTA est hominum mollities,
ut nihil molestum, nihilque
quod vel minimum dolorem
animæ, vel corpori inferre pos-
sit, subire velint: sed quia non
possunt omnia effugere incommoda, ad
causas, siue ad rationes, propter quas ta-
lia patiuntur, se conferunt. Vnde Grego-

Greg li. 23. rursus; *Afflicti cordis est proprium, ut si fieri possit, cur ita, vel non ita sit, diuinis sibi responderi vocibus velit.*

cap. 12.

Rom. 9.

Verum, sic mihi cum Paulo liceat in hominem inuchi! ô homo tu qui es, qui respondes Deo? dicam modò & ego, ô homo tu quis es, cui respondeat Deus? Non potes tu respondere Deo; nec Deus debet respondere tibi: satis est, quòd homo dignoscari, ut insufficiens ad Dei iudicia inuestiganda conuincaris.

Lib 9. Mor.

cap. 8.

Quia, teste eodem Gregorio, *respondere Deo non posse conuincitur, qui homo nominatur, qui per hoc quod de humo sumptus est, iudicia superna discutere dignus non est.* Quamuis igitur ad respondendum impares simus; conabor tamen fretus Patrum auctoritatibus, aliquas retundere obiectiones, quas solent proponere, qui quærunt, & conqueruntur, quòd in hoc mundo afflicentur. Hæc itaque est prima quæstio.

1. Cur tanta in hoc sæculo patimur incommoda? Quare potiùs non licet nobis indulgere voluptati, ac deliciis?

Respondeo: posset quidem Deus, absoluta sua potentia, dare nobis gloriam sempiternam, sine ullo perpeßo labore. Sed quia hoc non decet, iustè statuit, ut illam adulti bonis operibus, multisque toleratis aduersitatibus, adipiscamur. Hoc enim pacto tanto nobis erit illa gloria iucundior, quanto fuerit ad ipsam via laboriosior. Suauior est cibus post

In Psal. 43.

maximam famem. *Inuitantur, ait Augustinus, aliquando homines ad cœnam magnam, & cum ad eam volunt auidi venire, ieiunant.* Omnes vocamur ad cœnam cœlestem, quæ ut tibi gratior

gratior sit, abstinendum est à voluptatibus huius vitæ, multaque tibi sunt ferenda incommoda, quibus gratiora efficiuntur prospera. Qui nulla vexaretur calamitate, nesciret bona, & beneficia à Deo sibi exhibita æstimare, nec ei gratias agere. Idcirco meritò nobis immittuntur aduersa: nam dulcia non meruit, qui non gustauit amara. Opposita etiam iuxta se posita magis elucescunt. Vnde Gregorius Nazianzenus: *Sol* Orat. de Cyprian.
nubibus obiectus, latius postea splendet, & ver post hyemis tristitiam est accepius: iucundior tranquillitas post seditiones ventorum, & perturbationes aquarum. Sic post afflictiones, est tranquillior vita.

- B** 2. Cur vni potius, quàm alteri Deus immit-
tit tribulationes? Aut, cur Deus vni, sicut & al-
teri non impertitur bona temporalia?

Tibi vno verbo respondere possem, voluntatis diuinæ nullam dari causam, cùm sit ipsa prima causa, primaque regula contingentium: verumtamen hac similitudine tibi satisfacere conabor. Ingreditur Medicus Xenodochium quoddam, vbi varij & multi sunt infirmi; hic febribus assiduus æstuat; ille laterum dolore corripitur; alius podagra torquetur; alij aliis infirmitatibus laborant: cognitis his omnibus, Medicus diuersa adhibet remedia pro diuersitate morborum, quia cupit omnes curare. Huic enim potionem amaram; alteri verò dulcem præscribit: cibum huic; vinum denegat illi, vel concedit. Cur ita? Quia sic vnicuique iudicat expedire.

Mundus iste est veluti quoddam Xeno-

dochium; infirmi verò nos omnes filij Adæ sumus: infirmitates nostræ sunt, passionēs concupiscentiæ, Medicus verò noster Deus est, qui cū sapientissimus sit, vnicuique id præscribit, quod magis ei nouit expedire. Huic ergo diuitias, illi paupertatem: huic salutem, illi verò infirmitatem: huic honorem, alteri humilitatem: huic tribulationem, illi consolationem elargitur. Cur ita? Quia sic vnicuique nouit esse tribuendum. Nostrum igitur est Medico obedire, & quod præscripsit executioni mandare. Itaque si tibi Deus immisit, verbi gratiâ, paupertatem, vel aliquam infirmitatem, aut aliam tribulationem, scito hæc tibi plurimū expedire; non reluctari, si optes curari; noli conqueri, cū hæc ad tuam spectent salutem. Das Medico pecuniam, quamuis amara iniungat, Deo saltem gratias referas, licet immittat aduersa. Nam, teste

Hieron. in
cap. 5. Iob.

Hieronymo, *artis Medicorum est, per dolorem reddere sanitatem.* Anima sanaberis, si corpore percutiaris. Sicut nulla est medicina iucunda, sic nulla grata est aduersitas: libenter tamen hauritur medicina, spe recuperandæ sanitatis: ita libenter feratur quæque aduersitas, spe salutis æternæ. Audi Augustinum;

In Psal. 22.

Intelligat homo Medicum esse Deum; & tribulationem medicamentum esse ad salutem, non pœnam ad damnationem. Sub medicamento positus vreris, secaris, clamas, non audis Medicum ad voluntatem, sed audis ad sanitatem. Propterea idem Doctor conqueritur alibi, quod de medicina doleas: Unde plagis, inquit, medicina est, non pœna; castigatio, non damnatio.

In Psalm.
103.

Cūm

C 3. Cum propter peccata ut plurimum veniant aduersa, cur permittit Deus alicui malum accidere, qui nullum commisit peccatum? verbi gratia, Iob cur tot flagella pertulit, qui tantam virtutum custodiam sine reprehensione seruauit?

Respondet Diuus Gregorius, dicens: *Ideo Iob flagellatus est, ut pro flagello eius, diuina gloria laus cresceret; non autem ut per flagella peccata, quæ nunquam commiserat, emendaret.* Hoc est, ideo Iob, quamuis iustus flagellatur, ut discat in aduersis, sicut in prosperis Deum laudare & benedicere, atque hæc verba proferre: *Sit nomen Domini benedictum.* Quamuis igitur nullum commiseris peccatum, non debes esse immunis ab omni afflictione, quæ ideo tibi immittitur, ut afflictu discas Deum laudare. Scio quidem mandata diuina seruantibus vitam promitti æternam: sed ad illam non potest quis intrare, nisi per multas tribulationes. Hoc nobis asseuerant duo Apostoli: *Per multas tribulationes oportet nos intrare in regnum cælorum.* Quomodo vis ire ad aliquem locum, & non transire per viam, quæ ducit ad talem locum? Viæ cæli, tribulationes sunt; per illas Christus, qui non potuit peccare: per illas Beatissima Virgo ab omni peccato etiam originali immunis, omnesque Apostoli, ac reliqui Sancti, transierunt. Quare vis eximi à via, qui non cupis excludi à patria?

Si itaque bonus & sine peccato sis, amaberis à Domino, & castigaberis ab eo. Audi Paulum: *Quem diligit Dominus castigat, flagellat*

In præfat.
mor. cap. 5.

Act. 14.

Hebr. 12.

gellat autem omnem filium, quem recipit. Vis talem dilectionem? non recuses castigationem. Operas huiusmodi filiationem? noli respuere flagellationem. Nam, teste Augustino, si exceptus es à passione flagellorum, exceptus es à numero filiorum. Recipe, ut recipiatis: recipe, inquam, aduersa & amara, ut à Domino recipiatis. Nonne, inquit idem, melius ist, ut Deus flagellet te, & recipiat te, quam parcat tibi, & deferat te? Ne deseraris, oportet, licet iustus & bonus, multa patiaris.

Lib. de past.

Aug. serm.
4. de verb.
Domini.

Porrò non est quòd conqueraris, cum tibi D quamuis iusto Christus velit conferre gloriam eodem pretio, quo ipsam acquisiuit. Si à mercatore amico vis emere auream telam, verbi gratià, & ille eodem pretio telam tibi vendat, quo ipse emerat, nonne tibi maximum præstaret beneficium, cum luctum, quod ex aliis emptoribus reportare solet; tibi remittat? Christus quidem regnum cælorum iustis exhibet, non maiori pretio, quam sibi constitit. Emit ille gloriam suam flagellis, spinis, opprobriis, tribulationibus, morte; sic oportuit pati Christum, & ita intrare in gloriam suam. Quid mirum, si eodem pretio cælum iustis offerat? Quidni tu passionibus quoque in alienam intres gloriam?

Luc. 14.

Apoc. 7.

Vidit Ioannes turbam magnam in cælo, quam dinumerare non poterat, ex omnibus gentibus, & tribubus, & populis, & linguis, stantes ante thronum Dei; & in conspectu Agni, amicti stolis albis, & palmæ in manibus eorum: quærenti autem, vnde isti venerint, respondit vnus ex illis, *Hi sunt, qui venerunt de*

de tribulatione magna: non de deliciis, aut voluptatibus huius mundi; sed quamuis iusti, uenerunt de tribulationibus tamquam de termino à quo, & peruenerunt ad terminum ad quem felicitatis æternæ.

4. Cur multi pessimi peccatores hîc non puniuntur, & ego, qui tot peccata non patraui, quot ipsi, multa tamen aduersa sustineo?

Respondet Dicitur Chrysostomus his uerbis. *Multi Pharaonis scelera commiserunt; sed Pharaonis pœnas non dederunt, nec in mari rubro submersi sunt, quoniam pelagus eos expectat abyssus sempiterni. Multi Israëlita peccata sunt aggressi; sed eos serpentes non momorderunt: manet autem eos vermis; qui non morietur. Multi Giezi peccata perpetrarunt; neque tamen lepra respersi sunt: eos enim manet pro lepra in binas partes secari, & cum hypocritis poni. Multi quoque inrauerunt, & peierauerunt; si uerò fugerunt, ne confidamus, imminet eis quoque dentium stridor. Multa igitur mala perpetrantes, nec dantes pœnas, terreri magis & timere debent: augebuntur enim supplicia propter impunitatem, & Dei longanimitatem. Ergo non attendamus, an modò puniamur, sed an peccemus: quòd si peccantes non pœnas damus, magis pauere debemus. Dat autem tibi Deus temporis prædissinitionem, ut ablui possis; cum uerò in peccato perseveraueris, tunc demùm graues infliget pœnas. Hæc ille, quibus ostendit non esse mirandum, si Deus in hac uita quibusdam peccatoribus paucas, aut nullas immittat afflictiones, cum in alio sæculo grauiora illis reseruentur supplicia. Gaudeas uerò, si tibi peccanti statim hîc immittat pœnas: non enim*

Hamil. 27.
ad populū
Antiochen.

enim Deus punit bis in idipsum.

5. Adiungis; cur Deus hunc iustum pauperem, illum autem iniustum diuitem facit? **E**

Respondeo: Non propterea est in Dei operibus deordinatio, sed potius in humana ratione, cui interdum contingit quod phrenetico, aut infano, cui omnia, quæ videri, apparent moueri, & nulla in sede morari: hæc autem turbatio non est in rebus, sed in eius cerebro. Eodem modo, opera diuina summo sunt ordine disposita, ac stabilita; quod si aliud tibi apparet, deliras, & mente turbaris. Si autem scire desideras, cur Deus alios pauperes, alios verò diuites constituat; scito ita illum statuisse, vt illi humilitate, & patientia in sua paupertate: hi eleemosyna, & benignitate in pauperes saluarentur. Nec potest pauper conqueri contra Deum, quod illi malè consuluerit; satis enim prouidit, præcipiens diuiti vt eum pascat: quod si ille non præstet, non Dei culpa est, sed iniqui diuitis malè dispensantis, & quæ pauperis sunt, retinentis. Quemadmodum cum in vno lecto duo decumbunt, quorum alter vniuersa stragula ad se rapit, sociumque frigori expositum relinquit, non potest hic conqueri de hospite, qui sufficientem lectum prouiderat; sed de socio, qui totum stragulum ad se traxit. Ita planè Deus noster dat omnibus sufficienter; nam *aperit manum suam, & implet omne animal benedictione.* Si tamen avarus diues sibi omnia rapiat, quæ in pauperes fuerant eroganda, eius est crimen, non Dei.

Psalm. 14.

6. Qua de causa Deus tam multa animalia condidit,

condidit, quæ non tantum non sunt homini necessaria, sed ei etiam pernicioſa, timenda, ac fugienda; ut ſerpentes, ſcorpiones, & cætera huiusmodi?

Dicerem ego, partim Deum ideo hæc animantia condidiſſe, ut nimirum videamus, quantum intereſt verſari in terris cum venenosis animalibus, & in cœlis cum mundis ſpiritibus. In illis item animalibus diſcamus perniciem, ac crudelitatem dæmonum, & inde fugere ſtudeamus, & præcipuè peccata, quæ illis immundis ſpiritibus nos ſubdunt: boniſque incumbamus operibus, quibus ſocietatem beatorum ſpirituum nobis comparemus. Vnde Auguſtinus: *De pernicioſis animalibus*, inquit, *vel punimur, vel exercemur, vel terremur; ut non vitam iſtam multis periculis, & laboribus ſubditam, ſed etiam meliorem, ubi ſecuritas ſumma eſt, diligamus, & deſideremus, & eam nobis pietatis meritis comparemus.*

Lib. I. de
Gen. contra
Manich.
c. 16.

F Idem Doctör loquens alibi de infectis, & exilibus animalibus, docet ea creata eſſe ad domandam noſtram ſuperbiam. Propter ſuperbiam, ait, *inſtituit Deus minimas, & abiectiſſimas creaturas, ut ipſa nos torqueant; ut cum homo ſe erexerit, pulicibus ſubdatur. Quid eſt, quòd te inflas humana ſuperbia? pulicibus reſiſte, ut dormias. Populum Pharaonis ſuperbum potuit Deus domare de urſis, de leonibus; ſed muſcas, & ranas illis immiſit, ut rebus viliffimis ſuperbia domaretur.*

Tract. I. in
Ioan.

Diuus etiam Hieronymus docet, parua illa animalia eſſe condita ad manifeftrandam noſtræ carnis fragilitatem. *Huiusmodi*, inquit,

anti

animalia idcirco fecit Deus , ut fragilitatem nostra carnis ostenderet , quæ in tantum nihil est , ut ab iis , quæ parua sunt , vulneretur. Multis aliis de causis nobis incognitis produxit Deus illa animalia tum venenata, tum exilia. Non sunt igitur superflua, cum ex illis nostra domatur superbia , & fragilitas manifestatur humana, & in quibus etiam docemur diabolica vitare contagia.

7. Quæritur insuper ; cum peccatum originale sit causa , saltem remota , omnium afflictionum , & infirmitatum , quæ nobis accidunt, cur illo per Baptismum ablato, non tollitur omnis peccati pœna? ac cur etiam sublati per pœnitentiam peccatis actualibus , non cessant aduersa , quæ propter illa nobis obuenerunt?

Respondeo: certissimum est , quod homo nullis omnino miseriis subiacuisset , si in statu gratiæ , in quo conditus fuerat , remansisset. Verumtamen iustissimè visum est diuinæ prouidentiae , ut etiam sublata culpa originali, adhuc multæ homini remanerent pœnæ subeundæ , ut scilicet maiorem aduersus peccatum indignationem conciperemus, maiorique odio illud prosequeremur. Atque moralis hæc vna ratio inter plures alias tibi impræsentiarum sufficiat ; quam ut melius intelligas , notandum est, quid de Scythis referant Historiographi: dicunt enim aliquos ex ipsorum hostibus tanto cum impetu aduersus eos irruisse , ut coacti fuerint , relictis domibus ; & patriâ , fugam arripere, & ad tutiora loca se conferre, dirutis interim ab hostibus

hostibus illorum domibus, oppidisque subuersis. Huiusmodi autem hostibus tandem profligatis, reuersi sunt Scythæ in patriam, vbi de restaurandis vrbibus, & oppidis cogitauerunt; sed inito consilio, ruinas sine vlla reparatione consultò dimiserunt, vt posterius illis animaduersis contra hostes huiusmodi sæuius indignarentur, & vt nunquam cum ipsis inirent pacem; imò de illis acerbiorum sumerent vindictam. Sic se voluit habere diuina prouidentia: tribulationes, mundi labores, infirmitates, ruinæ quidem sunt generis nostri ex peccato promanantes: vt igitur aduersus peccatum excandesamus, & acrius indignemur, miseras illas, etiam peccatis remissis, permittit Deus apud nos remanere; vt illis vilis, & perpeffis discamus odissè causam, cuius non possumus euitare effectum.

G8. Quomodo efficere potero, vt nimia calamitate, vel afflictione non frangar, aut in aliqua verba blasphemiae in Deum, aut proximum non prorumpam?

Respondeo: si cogitaueris omnes tuas blasphemantes voces nihil tibi prodesse, imò plurimum nocere: atque fieri non posse, vt quod factum est, infectum fiat.

[Illud, inquit Seneca, te non minimum adiuuerit, si cogitaueris nihil profuturum dolorem tuum.] Cogita etiam, Deum nunquam plus aduersi immittere, quàm ferre possimus: sic consolabatur Corinthios Apostolus; *Fi-*
delis est Deus, qui non patietur vos tentari supra
id, quod potestis, sed faciet etiam cum tentatione
prouentum.

Lib. de con.
sol. cap. 20.

1. Cor. 10.

prouentum. Homines suis iumentis non plus oneris imponunt, quàm ferre queant : multo minùs hominibus plus tribulationum immittere Deus, quàm sustinere possint. Deus, inquàm, qui tibi aliquam immitit aduersitatem, dat tibi, vnde illam valeas sustinere. Accusanda est igitur tua mollities, quamdam prætendens imbecillitatem. Audi eundem Senecam : [Dura res est dolor, *inquit*, imò tu mollis es. Pauci, ais, dolorem ferre potuerunt, simus ex paucis. Imbecilles, addis, natura sumus: naturam infamare nolite. illa nos fortes genuit.] Vides Ethnicum fateri, nos habere satis virium ab ipso naturæ Deo ad ferendas quascumque aduersitates. Si itaque viribus naturæ, auxiliisque diuinis respondere renuas, non mirum est, si vel minima tribulatione frangaris.

Lib. de re-
med. fort.

Hom. 9. in
Epist. ad
Roman. in
moral.

Diuis quoque Chrysostomus imbecillitati animi potius, quàm afflictionum grauedini tribuit, dum quis illarum oneri succumbit. *Cur, inquit, aliquos afflictio transuersos egit, atque in errorem induxit? Nempe, quod erroris inductio non ab afflictione, sed ab illorum imbecillitate profecta sit: neque enim, si quis stomacho laborans medicamen acre, quo purgari ipse queat, non admittit, sed illud alterat, medicamen incusabimus; sed membri valetudinem, quemadmodum & hic animi infirmitatem.*

Iob. 31.

Dices: Iob forti erat stomacho, verumta- **H**
men videtur oneri succubuisse, dum ait: *Pondus eius ferre non potui.* Respondeo, Iob nunquam afflictionibus, sed potius illi afflictiones cessisse, vt patet in eius historia.
Sed

Sed loquitur hîc comparatiuè, & in persona impij iudicia diuina subeuntis; comparat enim pœnas temporales æternis, & vltima iudicia præsentibus: quasi dicat. Si hîc vix potui subire supplicia temporalia, quomodo potero æterna? Hinc Gregorius: *Ex ipse*, Lib. 11. mct. c. 16.
inquit, *præsenti verberare iudicia æterna pensanda sunt; hinc etenim perpendere summo opere debemus, quomodo feratur illa, quæ reprobis, si ferri modo vix valet eius ira, quæ purgat.*

Quacumque igitur aduersitate premaris, caue ne conqueraris: sunt enim aduersitates veluti alæ, quibus homo subleuatur à terra, & in cælum erigitur: & sicut ala necessaria est aui ad volandum, licet eam videatur onerare; ita tribulatio homini, vt tendat ad cælum, licet eum videatur aggrauare. Vnde Augustinus de iugo Christi, quod potissimum consistit in aduersitatibus pro ipso perpeffis, sic loquitur. *Si aui pennas detrahas, quasi in Psal 59. annus tollis; & quo magis onus abstulisti, eo magis in terra remanebit. Quam exonerare voluisti, iacet, non volat, quia tulisti onus; redeat onus, & volat. Talis est Christi sarcina: portent illam homines, & inuenient, quàm sit leuis, quàm suavis, quàm incunda, quàm rapiens in cælum, & à terra eripiens.*

9. Quando cessabunt tribulationes, illisque exonerabor?

Respondet idem Chrysostomus: *Potest in Epist. ad Rom. c. 5. Deus omnia grania hodie soluere, sed donec nos purgatos videat, donec videat factam conversionem, non dissoluet tribulationem. Etenim aurifex, donec aurum bene purgatum viderit, de*

T confla

290 *Clyp. Patient. Lib. I. Cap. 28.*

conflatorio non extrahit: sic & Deus non abducit hanc tribulationis nubem, donec nos penitus emendauerit. Qui enim tentationem permisit, ipse nouit & tentationis soluenda tempus. Non est semper hyems, nec semper nox, nec semper dies; ita nec semper tribulatio. Illud tantum nobis curandum est, ut per huiusmodi aduersa, nobis gaudia comparemus æterna: necessariae sunt nobis tribulationes, ut superius diximus. Nec eis exonerari quæras; nam

Ouid. lib.
2. de arte
amandi.

*Luxuriant animi rebus plerumque secundis,
Nec facile est æqua commoda mente pati.*

CLY



CLYPEI


PATIENTIÆ

LIBER II.



Persecutiones sunt patienter ferenda.

CAPVT PRIMVM.

A  **ERTVM** est, quod iuxta Apostolum, omnes, qui pie 2. Timot. 3. volunt viuere in Christo, persecutionem patientur. Si igitur pie viuatur, erit qui persecutionem patiatur. Nunquam deerit persecutio, si nunquam desit pietatis obseruatio. Erras frater, ait Hieronymus, si putas vnquam Christianum persecutionem non pati. Cain persecutus est fratrem suum Abel, quia illum bene operari videbat. Audi Apostolum Iudam: Epist. 1. Propter quid occidit eum? quoniam opera eius maligna erant, fratris autem eius iusta. Fortè Cain fratrem non fuisset persecutus, si illum frater fuisset sequutus: nec occidisset, si cum illo malè egisset. Nam mali se lædi existimant, si

Epist. 2. eos boni non imitentur. *Malos quisquis non imitatur, offendit*, ait Cyprianus.

Ecccl. 33. Sicut igitur nunquam deerit persecutio, ita nec qui te persequatur. Scitum est illud Ecclesiastici : *Contra virum iustum peccator. Quinam autem sint, qui aliquandò nos persequantur, ostendit Augustinus explanans locum illum Davidis : Conclude aduersus eos, qui persequuntur me. Qui sunt, inquit, qui te persequuntur? forte vicinus tuus, aut ille, quem laßisti, aut cui fecisti iniuriam, aut qui vult auferre res tuas, aut contra quem predicas veritatem, aut cuius peccatum obiurgas, aut quem malè viuentem bene viuendo lassis.* Unde colligimus, multos posse nos hîc habere persecutores, ac proinde quamplurimâs nos manere persecutiones, pro quibus subeundis quid agendum sit, indicat Paulus, cum ait : *Per patientiam curramus ad propositum certamen.* Currendum esse dicit:

Hebr. 12.

Lib de beatitud.

sumus in hoc sæculo veluti in stadio currentes, inter quos qui celerius currit, is accipit brauium. *Non enim, inquit Gregorius Nazianzenus, aliter currendo quis vincere potest, nisi post se reliquerit eum, qui simul currit.* Ponit ille Doctor ob oculos virum pium, & tribulationem, quasi duos cursores simul currentes : sed cum ille tribulationem præcedit, quasi victorem antecedere, & præcurrere; tribulationem verò à tergo viri pij subsequi, & post eum currere : idcircoque appellari *persecutionem*, non consequutionem, quia persequitur, id est, sequitur virum pium, sed eum non assequitur, neque apprehendit; quia ille cum patientia currit, & pergit : quod si cur-
reret

reret sine patientia, deficeret; atque ita persecutio illum assequeretur.

B Idem Apostolus ita contemnebat persecutiones, ac si in alieno corpore sustinuisset. *Persecutionem patimur, & sustinemus*: quasi dicat. Licet persecutionem patiamur, illam tamen ita patienti animo sustinemus, ac si nobis non accidisset, sed alteri. Vnde de illo Chrysostomus: *Tentationes sic contemnebat, ac flagella, & carceres, quasi in alieno corpore pateretur, quemadmodum si adamantinum possideret corpus*. Propterea si patienter feramus, poterimus dicere, sicut & ille Apostolus: *Persecutionem patimur, sed non derelinquimur: deiicimur, sed non perimus*. Videtur alludere ad vasa fictilia, si ex altissima turri deiicerentur, & tamen non frangerentur: quasi dicat; quamvis simus veluti vasa fictilia, & ex altissimis quasi persecutionum turribus deiiciamur, non tamen frangimur: frangeremur autem, si impatienter persecutiones sustineremus. Ideo ad explorandum nos, permittit Deus, ut mali nos persequantur, & insectentur. Hinc Cyprianus: *Persecutio, inquit, examinatio est, atque exploratio pectoris nostri; & cum precesserit disciplina, sequetur venia*. Orandum est igitur, ut persecutiones sint nobis disciplinæ, quibus tandem patienter toleratis, veniam mereamur. Hoc optabat, qui dicebat: *Proba me, Domine, & tenta me*.

1. Cor. 4.

Homil. 52.
in Act.
Apostol.

2. Cor. 4.

Epist. 8.

Psal. 6.

Durandum etiam nobis est, ut Christo adhæreamus; illique per bona opera iungamur: nam hoc pacto nihil, aut parum persecutionem sentiemus; sed illa premente,

AR. 9.

In Psal. 30.

ipsemet Christus conqueretur, ac si pateretur. Saulus adhuc spirans minarum Christianos persequeretur; at ipsis tacentibus, tamquam non sentientibus, clamabat Christus, *Saule, Saule, quid me persequeris?* Quæ verba attendens Augustinus sic scribit: *Non ait Christus; quid Sanctos meos, quid seruos meos: sed, quid me persequeris? Caput pro membris clamat: vocem namque pedis suscipit lingua, quando fortè in turba contritus pes dolet, clamat lingua, calcas me: non ait, calcas pedem meum; sed se dixit calcari, quia pes, qui calcatus est, à lingua separatus non est.* Ita dummodo nostris delictis à Deo non seiungamur, libenter quamcumque sustinebimus persecutionem: ille enim licet eam sentire non possit, tamen ita conqueretur, & vociferabitur, quasi omnino sentiret. Non est igitur opus, vt de persecutionibus, vel de persequentibus conqueramur, nec in eos inuehamur; sed tantum æquo animo patiamur, cum clamantem, & pro nobis conquerentem habeamus. Habebimus autem, si illum non offendamus.

Notandum est, quòd sicut ille solus non est, qui patienter fert persecutionem, cum secum habeat Christum, vt diximus, conquerentem: ita ille solus non est, qui alium iniuste persequitur, cum secum habeat dæmonem impellentem, & ad persequendum instigantem. Itaque Diuus Augustinus obseruat in vna persecutione nos habere duos hostes; vnum, quem videmus; alterum, qui non videtur; ac ostendit, quomodo circa vtrumque nos gerere oporteat. *Attendamus*, inquit,

dixos

In Psal. 55.

duos hostes; quem videmus, diabolum non videmus. Hominem videmus, diabolum non videmus; hominem diligamus, diabolum caueamus; pro homine oremus, contra diabolum oremus, & dicamus Deo: *Miserere mei, Domine, quoniam conculcauit me homo.* Et Diuus Ambrosius indignum iudicat vindicari de homine, quem diabolus impellit. *Quid magnum, inquit, de homine innalido vindicari, quem ad furorem alter, scilicet diabolus, urget?*

In Psal. 8.

Itaque, si hostis tuus, dum te persequitur, habet dæmonem adiuuantem; habebis tu, dum pateris, Dominum defendentem. Certum est enim, Deum maiorem posse nobis protectionem, & consolationem conferre, quàm omnes inimicos, & diabolum ipsam persecutionem. Loquens Scriptura de filiis Israël, dum opprimerentur, sic ait: *Quanto magis opprimebant eos, tanto magis multiplicabantur, & crescebant.* Hunc locum afferebat Diuus Cyprianus, dum fidelēs ad martyrium hortaretur. *Ex hoc loco, inquit, perquam necessaria nobis traditur admonitio, nempe timendas non esse iniurias, & pœnas persecutionum; quia maior est Dominus ad protegendum, quàm diabolus ad impugnandum.*

Exod. 1.

De exhort. ad marty. cap. 10.

Interim sustinet Deus persequentes te, quamuis magis illum, quàm te in te persequantur: debes & tu similiter patienter sustinere. Quare autem interdum & persequentes, & persecutionibus attritos Deus permittat, indicat Gregorius his verbis: *Iustus Deus*

Lib. 16. moral. cap. 14.

& suos permittit temporaliter opprimi, & violentorum malitiam nequiter augeri; ut dum horum

uita in purgatione teritur, illorum nequitia consumitur.

in Psal. 55. Sunt persequentes, vel persecutiones veluti torcularia; quibus premuntur vna, vt ex eis vinum emanet: nisi enim premantur, & conculcentur, steriles remanent. Audi Augustinum: *Vna mittitur in torculari, calcatur, premitur, iniuria videtur fieri vna, sed ista iniuria sterilis non est, imò, si nulla iniuria accederet, sterilis remaneret.* Ita certè & tu sæpè sterilis remaneres, fructumque patientiæ non afferres, nisi te persecutio premeret.

Stru. le.

Animalia syluestria, vtpote cerui, apri, & D
similia, sunt meliora, & sapidiora, quæ canes sunt persecuti, & insectati: quia ex timore, & ebullitione sanguinis, atque ex calefactione motus redditur caro tenerior, & ad comedendum sapidior. Ita Deus eos, quos ad mensam, siue gloriæ cœlestem præparat, solet tyrannorum, & pessimorum hominum persecutionibus exponere, qui eos multis incommodis, multisque insectationibus diuexant, & lacessunt; vt vel sic aptiores ad vitam æternam efficiantur. Huiusmodi fuerunt hi, de quibus loquitur Apostolus, quorum *alii distenti sunt, vt meliorem inuenirent resurrectionem. Alij verò ludibria, & verbera experti, insuper & vincula, & carceres, lapidati sunt, sciti sunt, tentati sunt, in occasione gladij mortui sunt, &c. angustiati, afflicti, quibus dignus non erat mundus, in solitudinibus errantes, in montibus, & speluncis, & in cauernis terra.* Vnde Tertullianus tyrannis fideles persequentibus sic loquebatur: *Cruciate, torquete, damna, atterite nos; probatio est inno*

*in Apolo-
geti.*

est innocentia nostra iniquitas vestra; ideo nos hac pati Deus patitur. Itaque sit nobis illa persecutio grata, qua reddimur grati; sit beata, qua efficiamur beati. Audi Christum: *Beati estis, cum maledixerint vobis; & persecuti vos fuerint; & dixerint omne malum aduersum vos mentientes, propter me; gaudete, & exultate, quoniam merces vestra copiosa est in calis.* Sit copiosa in terris persecutio, qua acquiritur in calis copiosa remuneratio. Math. 5.

Sapienter à Sapiente dictum est: *Qui diligit filium, assiduatur ei flagella.* Illum pater videtur diligere, quem sibi similem capit efficere. Quandoquidem Christus persecutiones in hoc mundo sustinuit, ostendit se eos diligere, quos ad similia subeunda ordinat. Ideo omnes suos amicos permisit persecutionibus, & pressuris fatigari. *Me persecuti sunt, ait, & vos persequentur.* Vos, inquam, qui viuendo mihi assimilari, ac piè viuere curabitis. Qui autem nullam in hoc mundo persecutionem patietur, vix piè viuere dicetur. Audi Gregorium: *Ego fidenter dico, quia minùs piè viuis, si minùs persecutionem pertuleris.* Audiamus etiam & Ambrosium: *Fortasse cum persecutionem non patimur, tanquam condemnati habemur.* Eccles. 3.
Ioan. 15.
Lib. 6. Epist. 27.
In Psalm. 118.
Serm. 11.

Serpentes, ex quibus conficitur theriaca, diutissimè verberantur, vt huiusmodi percussionibus foras emittatur venenum. Profunt certè & nobis iterata flagella, ac crebræ persecutiones, vt à nobis peccati venenum expellatur. Semina messium gelu cooperta fertiliùs germinant. Ex ignis flatu premitur, vt
T crescat.

Similia.

crescat. Ita persecutio auget desiderium nostrum ad amorem Dei. Ergo patienter ferenda.

Libr. 1 d
Martyres.

Celebrabatur olim, teste Tertulliano, E apud Lacedæmonas solemnitas quædam *διδασκαλία*, id est, *flagellatio* dicta, in qua nobiles quique adolescentes ante aram flagellis cadebantur, astantibus parentibus, & propinquis, & ad illa patienter ferenda adhortantibus. Ornamentum enim, & gloria reputabatur, si animam potius inter verbera exhalarent, quàm ob corporis dolorem succubissent. Si illi pro præmio humanæ & inanis gloriæ, & ut parentum astantium votis satisfacerent, æquo animo subibant huiusmodi flagella: quid nobis in hac vita, quæ est veluti flagellationis, & persecutionis solemnitas, subeundum est, pro cælesti præmio, & ut Christum, omnesque Sanctos astantes, nosque intuentes, ac longè maiora passos, imitemur? Non curabant parentes illi nisi charos flagellari filios: sic etiam Deus, quos charè diligit, flagellari, & vexari in hoc sæculo permittit. *Flagellat omnem filium, quem recipit.*

Hebr. 12.

Psal. 72.

De quibusdam sic loquitur Psalmista: *In labore hominum non sunt, & cum hominibus non flagellabuntur.* Id est, humanis miseriis non agitantur, neque cum cæteris flagella patiuntur: communes misérias non experiuntur. Nihil est infœlicius hac fœlicitate: ideo infœlicissimi sunt illi, qui cum cæteris hominibus persecutionem patientibus non patiuntur: quia, secundum Bernardum, *qui in labore*

Serm. 23. in
antic.

labore hominum non sunt, in labore demonum profecti erant.

Exempla etiam iustitiæ Dei in persecutores fidelium, nos maximè mouere debent ad omnia illorum grauamina patienter ferenda. Puniri enim calamitatibus, tum publicis, tum priuatis; persecutiones, historiæ omnium ætatum testantur: & vel mors sola persecutorum fatetur. Nero tum sua, tum alterius manu adiutus, ferro peremptus est. Domitianus suorum conspiratione confossus occubuit. Adrianus miserabili fato consumptus est, vt in seipsum sæuire voluerit, si per domesticos licuisset. Seuerus, & Iulius Maximinus filius eius, ab exercitu interfecti sunt. Decius cum toto suo exercitu à Gotthis creditur, corpusque paludis voragine absumptum, nusquam inuentum. Valerianus à Persis captus, miserabili captiuitate conficitur. Maximinianus Massiliæ captus, iussu Constantij necatur. Maximinus, Christiani sanguinis appetentissimus, putrescentibus genitalibus, vitæ tædio vim sibi gladio intulit. Iulianus apostata Christianis molestissimus, in Persia exercitum ducens, incerto ictu percussus, blasphemans moritur.

Ioan. Bapt.
Egnatius
lib. 1.

F Aurelianus, postquam meditari persecutionem cœpisset, fulmine repentino territus est; sed eo nihil ad meliora flexus, à suis inter Bizantium & Heraclam occisus est. Diocletianus imperio sponte se abdicauit, eo quodd Christum nomen, propter constantiam Martyrum, penitus abolere non posset. Priuatus vixit Nicomediæ, vbi morbo miserabili

Euseb. lib. 7.
cap. 30.

Nicephor.
lib. 7. cap.
20.

rabili extinctus est : primum hydropisi intumuit ; deinde lingua illius ira vermibus corrumpebatur, ut grauissimo fœtore astantes laderet ; postremò , canis more latrans, scelera tam euomit animam. Omnes denique , qui alios iniuste sunt persecuti , diuinæ vindictæ locum tandem dederunt , pœnasque luerunt.

In Apologia
aduersus
Demet.

Ibidem.

Vnde Diuus Cyprianus aduersus Demetrianum Præfectum sic scribit : *Nunquam impiorum crudelitas in nomen Christianum exurgit , ut non statim diuinus vindicta comitetur. Et rursus : Quanto magis fuerit persecutionis iniuria , tanto & illustrior fiet , & grauior pro persecutione vindicta.*

Matth. 5.

Sicut igitur Deus iuste punit persequentes, ita remunerat persecutionem patientes, illosque beatos alleuerat : *Beati, qui persecutionem patiuntur propter iustitiam, quoniam ipsorum est regnum celorum.* Hæc itaque beatitudo regni que cælestis possessio à Christo promissa, nos ad quascumque persecutiones perferendas inuitare debet.

1. Epist. 3.
Quid sit, pati
propter
iustitiam.

Est autem obseruandum, illos à Christo vocari beatos, non simpliciter qui persecutionem patiuntur, sed qui patiuntur propter iustitiam : quod & adnotatur à Diuo Petro iisdem planè verbis ; *Si quid patimini propter iustitiam, beati.* Ille verò pati dicitur propter iustitiam, qui iustus est, & propterea quod iustitiam, id est, quamlibet virtutem, sequatur, vel tueatur : nomine enim iustitiæ omnis virtus intelligitur. Huic patientiæ redditur corona iustitiæ, debita etiam ex iustitia ob patientis cum Dei gratia, & pacto, promissioque condignitatem.

2. Timot. 4.

Si

G Si persecutio perueniat vsque ad mortem, vt octauam beatitudinem interpretantur multi Doctores, erit martyrium, pro quacumque virtute mors oppetatur, non solum pro fide, ac religione. Exemplo sit Ioannes Baptista, occisus ob liberiores incestus reprehensionem. Thomas Cantuariensis pro iure, ac libertate Ecclesiæ, ac similes alij, vt Stanislaus: Huc possunt referri alij Christiani, qui à Iudicibus pro causa ficta, vel secundum allegata, & probata, vel ex præsumptionibus, & coniecturis damnantur ad mortem, & hanc patienter ferunt. Illos nonnulli propè habendos Martyres existimant. Si quis enim minimè patrauit peccatū, de quo accusatur, eique nullo modo consensum, nec vt patreretur auxilium præbuit, & tamen morti adiudicatur; si illam patienter ferat propter Deum præcipientem, vt omnia aduersa æquo animo feramus, certè non video, cur is quasi Martyr, imò simpliciter Martyr haberi non debeat, cum verisimile sit, eum pro quacumque alia pia causa mortem libenter fuisse subiturum. Multos Sanctos legimus mortem patienter subiisse propter crimina falsò eis obiecta, vt Sanctum Symphorianum, & alios quamplurimos apud Surium, atque ideo martyrij palmam consequutos fuisse. Salm. tom. 5. tract. 24.

Nam aliqui persecutores videri voluerunt Christiani, non quòd Christiani essent, & nominarentur, sed propter conficta scelera pœnas, ac mortem irrogare; simul cauentes, ne sœui, & iniusti haberentur ipsi; simul ne laudem,

Apolog.
cap. 9.

Orat. de
sanctis lu-
uent. &
Max.
Lib. 3. hist.
cap. 10.

laudem, & celebritatem Christiani apud suos consequerentur, titulúmque gloriosum martyrij, quem tanti faciebant. Hoc tempore Catholicos Angli hæretici seditionis, ac perduellionis nomine plectunt: olímque Christianos Pagani prætexendo eadem, & dira, turpiáque crimina, vt notat Tertulianus. Vetuit quoque Iulianus apostata; ne vlla Christianæ professionis, ob quam tenebantur carceribus Martyres, mentio fieret, vt Chrysostomus prodit, & indicat Theodoretus.

In Psal. 34.
Epist. 50.
Epist. 118.

Lib. 2. Epist.
36.

Nulla modo Martyres, nec pati pro iustitia censendi sunt Iudæi, hæretici, & alij similes, quos non reddit persecutio beatos, sed infælicissimos, licet summa peruicacia tormenta, mortémque tolerant, cum illa ob suam perfidiam pati mereantur. Crebro admodum vsurpat Augustinus contra illos: *ibi non esse iustitiam, ubi non est sana fides; & Martyrem facere non pœnam, mortémque, sed causam: Martyrum laudem esse in causa bonitate, non in pœna acerbitate.* Et secundum Gregorium dicimus, quod *persecutio, dum non rationabiliter sustinetur, nequaquam proficit ad salutem.*


In 1. Petr.
3.

Non ideo tamen debitas illatas pœnas patienter ferenti sua deest laus, ac præmium, vt probat Hugo exemplo latronis, qui dexter Christo fuit in Cruce, de quo fusiùs supra libro primo. Dionysius quoque Carthusianus admittit fideles, qui pro demeritis patiuntur, si libenter patiantur, quodammodo censeri posse pati propter iustitiam, ntaximè

maximè si agnoscant, & fateantur, vt bonus ille latro, se propter propria delicta mereri, quòd iustè permittat Deus, vt alij ipsos persequantur, puniant, vel morte afficiant. Licèt enim vnusquisque fidelium cauere debeat, *ne*, vt ait Diuus Petrus, *patiatur vt homicida, aut fur, aut maledicus, aut alienorum appetitor.* 1. Petr. 4. verumtamen, si quis in aliquod crimen incurrat, pro quo meritè debeantur legibus pœnæ, easque patienter subeat, suam humiliter agnoscens culpam, ac de ea dolens, non erit sine præmio, laude, & merito, si ita patiatur, vt magis tristetur de peccato commissio, quàm de pœna inflicta, vellètque nunquam illud commississe propter Deum offensum, non propter pœnam. Si itaque desit causa, accedat patientia, quæ vices suppleat iustitiæ, vt simus beati, quando persecutionem patimur.

*De conuiciis, contumeliis, & detractio-
nibus patienter sustinendis.*

C A P V T II.

A  I Solino credendum sit, extant aliqui homines linguis carentes: [Nonnulla gens, ait, linguis caret.] Idem refert Plinius, idèmq; Diuus Augustinus de quibusdam aliis populis, quibus ora non sunt, & qui per nares tantummodo suscepto, & re

Solin. c. 31.
Plin. lib. 7.
cap. 3.
Augustin.
lib. 26. de
ciuit. Dei,
cap. 8.

& remisso halitu viuunt. Si igitur inter huiusmodi homines, qui loqui non possunt, aut saltem inter Pythagoræ discipulos silentium durante quinquennio profitentes, tantum versaremur, non essent timenda hominum de nobis eloquia; nullus non conuiciis insectaretur, nullusque maledictis impeteret. Sed nobis manendum est inter homines, quorum multi vbique exerunt linguam suam, illamque in omnes laxant, nemini parcentes, ac de omnibus temerè loquentes, tam de iis, qui sursum, quàm qui deorsum sunt. Audi Dauidem, quid de quibusdam malè loquentibus dicat: *Posuerunt in cælum os suum, & lingua eorum transiit in terra.* Hoc est, cælum ipsum laceſſunt, & attingunt, & cælites ipsos non verentur blasphemare. Vel secundum Chaldæum: *Posuerunt in Sanctos calorum os suum, & lingua eorum affixit Sanctos terra.* Nec Sanctis, qui in cælo; nec Sanctis, qui in terra sunt, pepercit lingua eorum.

Imò verò eò vsque deuenit quorundam malitia, vt etiam de ipso Deo, teste eodem Psalmista, perperam loquantur. *Malè, inquit, de Deo loquuti sunt* Sed quid dixerunt? Quære ab eodem, & inuenies quosdam de diuina dubitaſſe ſcientia, & cognitione. *Et dixerunt: quomodo ſcit Deus, & ſi eſt ſcientia in Excelfo?* Aliquos verò Deum non videntem, & non intelligentem autumaſſe: *Non videbit Dominus, nec intelliget Deus Iacob.* Alios indigentem, dicentes: *Numquid & panem poterit dare, & parare menſam populo ſuo?* Alios autem ipſum non curare de rebus noſtris exiſtimaſſe:

Pſal. 73.

Pſal. 77.

Pſal. 22.

Pſal. 77.

masse : *Perambulat , inquit , circa cardines Iob 21. celi , & nostra non considerat.* Si igitur hæc , & similia de tam bono , tamque omnipotenti Deo impij effutire ausi sunt ; miraris , si de te miserrimo peccatore passim malè loquantur , tibi que detrahant ? Audi Origenem ; *Impossibile est , inquit , homini in hac posito omnibus* Origen. ho. mil 2. n. Plal. 37. *satisfacere , & ab omnibus laudari.* Deus ipse odio habetur , & maledicitur à multis , dicente Propheta : *Nonne qui oderunt te , Domine , oderam ? Multi , ac innumeri eius detrahunt honori.* Christus Iesus usque in hodiernum diem à multis adhuc indicatur seductor , & Anathema ei dicitur à Iudæis , & Gentilibus ; & tu existimas te posse ab omnibus diligere , amari , & benedicere ? &c.

B Verumtamen Deus optimus maximus hæc omnia patienter tolerat. Estne ipse pater tuus , Dominus tuus ? Est , ais. Audi ergo Divum Cyprianum : *Si nobis , inquit , Dominus* Cyprian. de bono patient. *& Deus pater est , sectemur patientiam Dei , pariter & patris ; quia & servos oportet esse obsequentes , & filios non decet esse degeneres.* In reipso singulis diebus illum offendente , & in alijs similiter peccatoribus experiri potes singularem illius patientiam. Nam , ait Tertullianus , *sustinet ingratisimas nationes , ludibria artium , & opera manuum suarum adorantes ; nomen , familiam ipsius persequentes , luxuriam , avaritiam , iniquitatem , malignitatem quotidie insolentem.* Tu verò non vis vel minimum pro illius amore sustinere opprobrium ? Tu , inquam , servus , ille Dominus ; tu filius , ille pater ; tu creatura , ille Creator ; tu impius , ille pius ; tu pauper , ille dives. Sustinet tamen ,

V vt susti

ut sustineas. Nihil illi prodest sua patientia, tua verò tibi multum.

Hieronym.
epist. 27. ad
Euseb.
Psalm. 38.

Si autem hæc ratio tibi non suppetat, alias adiungam. Atque in primis, ut hanc tibi adeò necessariam patientiam comparare valeas, plurimum tibi proderit silentium, & taciturnitas. Hoc remedio usam fuisse in aliorum iurgiis beatam Paulam Romanam tradit Diuus Hieronymus: *Si quando, ait, prociacior fuisset inimicus, & usque ad verborum iurgia profuisset: illud Psalterij decantabat: Posueris meo custodiam, cum consisteret peccator aduersum me. Obmutui, & humiliatus sum, & filii à bonis. Vnum illa sibi proponebat Dauidem, qui conuiciis laceffit, tamquam surdus non audiebat, & sicut mutus non aperiebat os suum. Obmutescerebat, quia obsurdescebat; obsurdescebat, quia inimici eius linguâ loquebantur alienâ. [In lingua autem aliena, ait Cælius, iuxta commune adagium, obsurdescere necesse est: loquenti enim linguâ nobis ignotâ respondere non possumus.] Detrahentes non loquuntur linguâ Christianâ, sed linguâ diabolicâ, & infernali; ac proinde respondere non debes, ut ostendas te illam non callere linguam. Deinde, ut optimè aduertit Hieronymus, *irasci hominis est, frenum iracundie imponere Christiani. Si acceptâ iniuriâ hominem te consideres; irascere; si Christianum, iram cohibes.**

Hieron. ad
Euseb.

Ambros.
lib. 2. offic.
cap. 3.

Si autem respondeas, inimicus tuus habebit intentum, qui tibi conuiciando nihil aliud quærit, nisi ut illi similis fias respondendo. Audi Diuum Ambrosium: *Quando, inquit,*

inquit, aliquis nobis conuiciatur, laceffit, ad violentiam prouocat, ad iurgium vocat, tunc silentium exerceamus, tunc muti fieri non erubescamus. Peccator enim est, qui nos prouocat, qui iniuriam facit, & nos similes sui fieri desiderat. Denique, si taceas, si dissimules, solet dicere: quid taces? loquere, si audes: sed non audes, mutus es, elinguem te feci. Si ergo taceas, plus rumpitur, victum se reputat, irrisum, posthabitu, atque illusum. Si respondeas, superiorem se factum arbitratur, quia parem inuenit. Si autem taceas, dicitur: ille conuiciatus est huic, contempsit iste. Si refferas contumeliam, dicitur: ambo conuiciati sunt. Vterque condemnatur, nemo absoluitur, &c.

Ne igitur tum à Deo, tum ab hominibus condemneris, noli tibi conuiciantibus respondere. Christum imitare, qui, ait Apostolus, cum malediceretur, non maledicebat; cum pateretur, non comminabatur. Multi, cum non possunt de inimicis vlcisci, saltem vtuntur minis. At verò Christus, quamuis posset, noluit tamen non tantum non vindicare, sed nec etiam comminari, nec vllis signis, aut verbis vindictam permittere: ideo addidit Apostolus, non comminabatur, sed tamquam agnus mansuetissimus obmutescerebat, ut nobis inter calumnias, & iniurias exemplum præberet silentij. Vide quid de hoc silentio dicat alibi idem Ambrosius: Beatus, inquit, qui potest tantam habere virtutem, ut laceffitus non rascatur. Inimici hoc agunt, ut prouocent ad iracundiam; maledicunt, ut maledicamus; criminantur, ut crimen retorqueamus, conuician-
tur, ut excitent nos ad vicissitudinem contumelia.

1. Petr. 2.

Ambros. in
Psalm. 37.

Sed iustus ad Christi similitudinem, atque imaginem cupiens sua vita instituta formare, accusatus tacet, laesus remittit, dissimulat laceffitus, & non aperit os suum, & cum possit habere quod referat, magis vult silere, quàm dicere, &c.

In epist. ad
Theſſalon.
cap. 5. in
moral.

Nota Diui. Chryſoſtomi ſimilitudinem. *Conuiciatus eſt quiſquam? vituperauit? tu claude os tuum: ſi enim illud aperueris, concitabis magis ventum hunc. Non vides in adibus, quòd quando è regione, ac directè dua ianna oppoſita ſunt, & flatus vehemens irruerit; ſi alteram clauſeris, nihil valeat efficere flatus, ſed plurimùm de illius robore pracidatur? Ita & hic dua ſunt ianna, os tuum, & os illius, qui te vituperat, & probro afficit: ſi tuum occluſeris, & ſpirationem non dederis, omnem iſtum flatum extingues; ſi verò aperueris, effranis reddetur.*

Matth. 27.

Tantum autem exitit Chriſti ſilentium, D
vt eo in admirationem raptus fuerit Pilatus:
nam, ait Matthæus, *non reſpondit ei ad vllum verbum, ita vt miraretur Praeſes vehementer. Stupebat quippe Pilatus, quia nouam, & inauditam cernebat rem, nimirum hominem accuſantibus reſpondere nolentem, cum omnes alij omnibus viribus oppoſita ſibi crimina diluere conentur. Non, ait Ambroſius, accuſationem tacendo confirmat, ſed deſpicit non refellendo. Voluit itaque Chriſtus Dominus ſic tacendo, ac omnia patienter ſuſtinendo, nobis relinquere exemplum, vt in ſufferendis iniuriis ſequamur veſtigia eius. Nemo enim Chriſto nobilior, nemo mortalium illuſtrior, nemo ditior, nemo ſapientior, nemo prudentior, ſanctior, ac potentior*

Ambroſ.
lib. 10. in
Luc. ſerm.
49. de Chriſto accuſato.

excogitari, imò nec fingi potest. Cùm igitur adeò gloriosus opprobria, & maledicta, & conuicia patienter tulerit; qua fronte abiectissimus vermibus, miserimus, inquam, peccator, dignus alioqui æternis suppliciis, minimam etiam iniuriam sustinere renuit, ardentique iracundia vindictam perficit? Audi Plutarchum: [Silentium, cùm vbique culpa vacet, tum maximè in aliorum conuiciis nescio quid egregium, Socraticum, aut potius Herculeum præ se fert.] Ego autem dico, silentium in conuiciis, & calumniis diuinum quid, & Christianum præ se ferre.

Plutarch.

Noli dentem, vt aiunt, rodere dente; quod de eo dicitur, qui pari mordacitate mordet. Nam ait Poëta;

Martian.

——— *Quid dentem dente inuabit*

Rodere? ———

Imò verò, teste Apostolo, hoc plurimum obest. *Quòd si, inquit, inuicem mordetis, & comeditis; videte, ne ab inuicem consumamini.* Diuus Ambrosius pro *comeditis*; legit *criminatis*. Nolite inuicem rodere, & lacerare detractionibus; atque calumniis, veluti canes inuicem rixantes, & mordentes seipsos conficiunt. Certum est enim, quòd si mordentem mordeas, magis te mordebit; si conuicianti respondeas, magis tibi conuiciabitur. Non deerunt, qui te mordentem mordeant, te lædentem lædant. Audi quid mordenti te dicat Propheta: *Consurgent qui mordeant te, & suscitabuntur qui lacerent te; & quia expoliasti, expoliaberis.* Equissimo enim Dei iudicio, qui fratris sui maculat honorem, propriæ

Galat. 5.

Abac. 3.

quoque famæ patietur detrimentum. Hoc agnouit Poëta,

Hesiod.

Si quemquam verbo ladas, ladéris & ipse.

Vnde sapienter à Salomone dictum est: E

Prouerb. 13.

Qui detrabit proximo suo, ipse se obligat in futurum. Quod duobus modis potest intelligi. Primò, obligat se in futurum, paria audire, & pati; mordet, mordebitur; lacerat, lacerabitur. Vel, obligat se in futurum, id est, tenebitur famam proximi suis maledictis ablatam restituere; alioqui audiet aliquando ab ipso Deo:

Psal. 49.

Sedens aduersus fratrem tuum loquebaris, &c. Hac fecisti, & tacui. Quasi dicat: quando deliberato animo (hoc enim significat *sedens*) aduersus tuum proximum loquebaris; quia tunc erat tempus tacendi, ego ipse tacui, illum quoque volui tacere; modò autem *arguam te, & statuam contra faciem tuam.*

Luc. 7.

Habes igitur qui, dummodo taceas, tibi detrahendum arguat, increpet, & puniat; non indiget ipse tuis responsis. Hoc cognouit Magdalena, quæ Phariseo conuicianti, ac discipulis murmurantibus, imò sorori de ipsa conquerenti nihil penitus respondit; sed Christus illius tuebatur partes, ac pro ipsa respondebat. Denique sufficiat tibi, quòd teste Diuo

Basil. ho. mil. 10. de ira.

Basilio, *detrahenti contumelia regnum calorù claudit, tibi verò taciturnitas idem aperit.* Memen- to etiam iniurias non esse iniuriis compensandas, neque rabie cohibendam petulantiam: nam, iuxta illud Iuris, *innocentiâ rem purgatur, non relatione criminis.*

Lib. 48. de publ. iud. l. 8. qui reus, &c.

Propterea, & præterea tibi contemnenda sunt probra, ac hominum conuicia, quæ etiam

etiam contumeliaz à contemptu dicuntur, eo quòd sint contemptu digna. *Si parvus puer,* D. Basil ho- mil. 10. de ira. inquit Basiliius, *te verbis contumeliosis peteret, occasionem tibi potiùs ridendi daret. Quòd si phrenesi captus, & sensu excidens verba vitæ incompõsita, & stulta, minimèque vera dicat, misericordia potiùs, quàm odio dignus erit.*

Ecce qui te iniuriis, & contumeliis afficiunt, pueri, aut similes pueris sunt: nam, ait Seneca, [à pueris magnitudine tantum, formaque corporum differunt.] Si pariter mendici, vel stulti te verbis contumeliosis impeterent, nonne pateris? Tibi conuiciantes, teste eodem Seneca, mendici sunt. [Scimus etiam, inquit, illos nihil à mendicis differre, imò inferiores esse: illi enim exiguo, hi multo egent.] Stulti sunt, quia non ratione, sed passione ducuntur. Cato senior, teste Plutarcho, iratum ab insano nulla alia re differre dicebat, quàm mora temporis; sentiens iram esse breuem insaniam. Ideo monebat Sapiens; *Ne respondeas stulto iuxta stultitiam suam, ne efficiaris ei similis.* Seneca lib. 2. de tranquill. vitæ. cap. 3. Lib. 2 de ira. c. 32. Plutarchi. Prou. 26.

F Colligit Beatus Hieronymus quædam ænigmata ex Aristotele, quorum vnum erat: *Ignem gladio ne confodias.* Si videres hominem, qui valido igni se opponeret, tenens, & stringens gladium, nitens illius flammæ secare, stultus iudicaretur: nam ad ignem assumendum, & extinguendum adhibenda est aqua, non gladius. Ita stultus est, qui, cum inimicus igne iracundiæ succensus, flammæ conuiciorum emittit, gladium persecutionis, aut ultionis adhibet: aquam potiùs adhibeat

lacrymarum, plorans illius miseram sortem, qui talibus flammis ardet; & in mentem reuocet, inquit Chrysostomus, *quàm graue supplicium illum maneat coram Deo, & quod ea agat, de quibus non multo post acturus est penitentiam.*

Elephantem mirantur Naturalistæ, qui cum sit tantæ magnitudinis, & inter terrena animalia primas teneat, omnibûsque aliis emineat, conturbatur tamen à minoribus bestiolis, & ab eis laceffit motibus furiosis, & inordinatis circumagitur. Nam, teste Plinio, grunntu porci ita grauiter perturbatur, vt quamuis à primo ætatis tempore domitus sit, & mansuetus, tamquam furii incitetur, nullumque teneat ordinem; cuius exempla tradit Ælianus. Mouetur etiam viso mure, quem maximè odit. A vermiculis quoque cæruleis, qui prope Gangem reperiuntur, mirum in modum torquetur, vt testis est idem Plinius. Sed quis non magis mirabitur, hominem ratione eminentem conturbari alicuius improperantis, & conuiciantis verbis, quæ potius ridere, aut contemnere deberet? Nam, teste Seneca, [ille magnus, & nobilis est, qui more magnæ feræ larratum minutorum canum securus obaudit.] Puerorum est leuiter ob minima verbula concitari. Ne citò excandescas; noli magna æstimare, quæ tibi, vel contra te dicuntur. [Inde enim, ait idem Seneca, vobis ira, & insania est, quòd exigua magna existimatis.]

Aristoteles, teste Æliano, Alexandro Magno naturâ iracundo consilium dedit, vt omnibus

omnibus se superiorem æstimans maledicta contemneret. Sed hoc erat vno vitio aliud curare. Vir autem Christianus maledicta contemnere debet, non quasi conuiciatore melior, sed quasi contumeliis fortior, & validior. Conuicia enim per se nullam habent vim; sed quemadmodum tela, si in corpus durum incidant, repercussa cadunt, non penetrant. Talis est vir sapiens, in quem, ait Seneca, non potest cadere iniuria; cui competit quod recte ab Apostolo dictum est: *Et quis vobis nocebit si boni amulatores eritis?* Dic igitur cum Seneca de quibusdam sibi oblatrantibus:] Mouerer, inquit, si iudicio hoc facerent, nunc morbo faciunt. Non de me loquuntur, sed de se. Bene nesciunt loqui: faciunt quod non mereor, sed quod solent. Quibusdam enim canibus sic innatum est, vt non pro feritate, sed pro consuetudine latrent.]

Lib. de quatuor virt.

1. Petr. 3.

Seneca lib. de remed. fortunæ.

Paucis itaque cum Publio dicam; [Quàm magnarum virium est, negligere ledentem: qui enim vindicat, sentit.] Laudatur Antigonus, qui, cum ex militibus quidam in eum conuicia iactarent, ignorantes illum propè esse, tentorio virgâ patefacto; Flebitis, inquit, nisi longius remoti malè de nobis dicatis.

Publ. Mim.

Plutarch. in Apoph.

G Et nec citò ad iracundiam incendaris, noli citò credere, quæ de te dicta fuisse tibi referuntur. Nam, teste Scriptura; *Qui citò credit, lenis est, & minorabitur.* Attende etiam, quid à Seneca dicatur: [His, quæ nobis narrata sunt, non debemus citò credere. Multi ementiuntur, vt decipiant; mulgi, quia decepti sunt.

Ecclesi. 19.

Seneca lib. 2. de ira. cap. 29.

V s Alius

Nota.

Alius criminatione gratiã captat , & fingit iniuriam , vt videatur doluisse factam. Qui dicere tibi nisi clàm non vult , penè non dicit.] Sæpè variantur , quæ nobis renunciantur ; nec semper eo animo , quo ab aliis dicta sunt , referuntur. Deinde dum tibi hæc enarrantur , fortè iam habes hunc laudatorem , quem antè habueras detractorem , quia dicti illum pœnitet. Interdum plus nocet tibi præfenti referens , quàm tibi absenti detrahens. Quia , inquit Augustinus , *quando tibi aliquis absenti detrahit ; non audis , nec sentis.*

In Psal. 92.

Lib. 3. de ira. c. 11.

Sed audis enarrantem , quem tu deberes audire excusantem , & detrahentem increpantem. [Non expedit , ait Seneca , omnia audire , omnia videre ; multæ nos iniuriæ transiunt , ex quibus plerâsq̃ue non accipit , qui nescit. Non vis esse iracundus ? ne sis curiosus. Qui inquit , quid in se dictum est , ipse se inquietat.]

Ibidem.

Quòd si propriis tuis auribus tibi detrahentem , aut conuiciantem audias , debes tunc iuxta Senecæ consiliũ , naturam , voluntatẽque detrahentis excutere : [nam , inquit ille , si puer est , ætati donetur , nescit an peccet. Mulier est , errat. Læsus est , non est iniuria pati , quod prior feceris. Malus est , noli imitari ; dabit pœnas alteri , quas tibi debet.] Nónne vis bonus haberi , imò & esse :

Plutarch. lib. de offic. audit.

Audi quid à Phocylide apud Plutarchum tibi dicatur. [Necessè est , inquit , non solum multorum dolis expositum esse eum , qui cupit in bonorum haberi numero , sed etiam crebrò irrideri , contemni , ac morsus dentatos

tatos in se recipere.] Vis aliud in tali casu consilium? Qui tibi detrahit, aut prudens, aut stultus est: tunc, ait Seneca, [prudenter cedamus, stultiori remittamus.] Item, vel verum dicit, vel falsum: si verum, quid miraris, quod alij dicant quod ipse feceris? *Cesset vitium, cessabit & rumor*, ait Hieronymus. Si falsum, dic cum Socrate: si falsa conuicia in nos iaculentur, nihil ad nos. Ideo ipsemet cuidam admiranti, quod nihil in eum commoueretur, à quo conuiciis incessabatur; Mihi, inquit, non maledicit: quandoquidem ea, quæ dicit, mihi non adsunt, nec in me hærent. Dices; si hæc patienter tulero, quid mihi erit præmiij illam assequeris beatitudinem à Christo assignatam, ore suo promissam. *Beati, inquit, estis, cum maledixerint vobis homines, & aixerint omne malum aduersum vos mentientes, propter me.* Sed vide, vt in te iactata conuicia falsa sint; & ea propter Christum patiaris; qui ideo addidit, *propter me.* Vnde Hieronymus: *Illud, inquit, maledictum contemnendum est, quod beatitudinem creat, quod falsò maledicentis ore profertur.*

Lib. 3. de ira. c. 22.

Epist. 10. ad Furiam.

Erasm. lib. 3. Apoph.

Matth. 5.

In Matth.

H Conqueritur Diuus Augustinus, quod cum illam optemus beatitudinem, nolumus pati hominum conuicia, cum amore illius multi viri, multæque delicatissimæ puellæ longè maiora æquo animo tolerauerint: *Tot viri, inquit ille, tot mulieres, & tanta ac tam delicata puella flammæ, & ignes, & bestias equanimiter pertulerunt: & nos hominum conuicia dicimus tolerare non posse? Vnde nescio qua fronte, vel qua conscientia cum omnibus Sanctis partem*

Serm. 16. de tempore.

partem in aeterna beatitudine habere desideramus, quorum exempla sequi in rebus minimis non acquiescimus? &c. Postulabat olim Regius Psaltes, ut Deus illum liberaret à labiis iniquis. *Li-*

Psal. 119.

bera, inquit, animam meam à labiis iniquis, & à lingua dolosa. Sed responsum est ei: *Quid detur tibi, aut quid apponatur tibi ad linguam dolosam?*

Id est, (ut notat quidam) considera, quid tibi dabitur, scilicet præmij, si patienter feras labia illa iniqua: aut quid apponatur tibi, scilicet supplicij, si impatiens fueris. In Scriptura enim, dare significat præmiare, ut apud

Matth. 19.

Matthæum; *Quid dabis nobis præmij?* Apponere verò significat punire, ut in Apocalypsi;

Apoc. 22.

Apponet super illum Deus plagas.

Item, si in te debacchantes audias, declina parumper, & exi ab eo loco: sic præstitit Christus, dum vellent illum Iudæi lapidare, quamvis posset verbo, vel facto se defendere.

Ioan. 8.

Vnde optimè Gregorius; *Quanta humilitate, inquit, iram proximi ferre debeat, perpendat homo, si furores irascentium abscondendo se declinauit Deus.* Nemo ergo se contra acceptas iniurias, & contumelias erigat; nemo conuiciis conuicium reddat. Imitatione enim Dei gloriosus est iniuriam tacendo fugere, quam respondendo superare. Sed contra hoc superbia dicit in corde: *Turpe est, ut acceptâ iniuriâ taceas.* Quisquis conspiciit, quia contumeliam accipis, & taces, non putat, quia patientiam exhibes, sed crimina agnoscis. Sed unde vox ista in corde nostro contra patientiam nascitur, nisi quia in imis cogitationem fiximus; & dum in terra gloriam querimus, placere ei, qui nos de calo respicit, non curamus?

Gregor. ho.
mil. 18. in
Euangel.

Acceptâ

Acceptâ ergo contumeliâ , meditemur in opere vocem Christi ; Ego non quero gloriam meam , est qui querat , & iudicet , &c. Audis in te iactata conuicia , audit & Deus , qui in illis plus offenditur , quàm tu ; repone in illo gloriam tuam , & laudabunt Angeli patientiam tuam.

I Memineris etiam , obtreçantium linguas te nullo modo coërcere posse. Lingua hominum , teste Apostolo , manet indomita. *Omnis , inquit , natura bestiarum , & volucrum , Iacobi 3: & serpentium , & ceterorum domantur , & domita sunt à natura humana ; linguam autem nullus hominum domare potest.* Quæ verba explanans Diuus Thomas obseruat , omnium ferè ani- D. Thom. malium naturam ; quamuis sæuam , hominum industria mansuehieri. Quid enim leone ferocius ? quid rapidius tigride ? quid elephante immanius ? quid aspide formidabilius ? Verumtamen illarum bestiarum domatur natura. Audi Senecam. [Leonibus , Epist. 85. inquit , magister manum insertat : Tigrim custos suus osculatur : Elephantem minimus Æthiops iubet subsidere in genua , & ambulare per funem.] Plinius aspidem quamdam narrat in Ægypto à patrefamilias domitam , quotidie de camera sua egressam , à mensa eius annonam accipere solitam. Quidam igitur homines potuerunt huiusmodi animalia domare , sed linguam nullus hominum domare potest.

Tu quidem poteris facili negotio tuam linguam refrænare , alienam verò minimè , ne aliquando effutiat. Nam , inquit Valerius Maximus , [nulla est tam modesta fœlicitas , Lib. de re-
med. for-
tunæ.
Valer. Ma-
xim. lib. 4. quæ

Greg. Nazian. de silentio similit. Epist. 10. ad Furiam.

Seneca lib. de remed. fortunæ.

D. Gregor. homil. 9. in Ezechiel.

D. Bern. ad confid.

quæ malignantes dentes vitare possit.] Hoc & sancti Patres agnouerunt. *Nihil est*, ait Gregorius Nazianzenus, *quod à lingua sagitta tutum, atque immune sit.* Idem sentit Diuus Hieronymus. *Fieri*, ait, *quidem non potest, ut absque morsu hominum vite huius curricula quis pertranseat.* Cum igitur hominum ora occludere, illorumque linguas ligare minimè valeas, noli mirari, nec moueri, si de te mali malè loquantur; sed sume perutile consilium Senecæ; [Optimum est, inquit, pati quod emendare non potes.] Sit tibi illa impotentia, merendi occasio: fiat illa necessitas, virtutis materia: & audi magnum illum Diuum Gregorium. Cum, inquit, *lingua derogantium corrigi nequeant, æquanimiter sunt per omnia toleranda; nec obrectationis sermo timendus est, ne dum vituperatio peruersorum metuitur, recti operis via deferatur.* Leuius sanè fiet patientiâ, quod corrigi non potest.

Illas duntaxat blasphemias, atque conuicia ægrè feramus, quæ ore maligno in Deum à quibusdam passim effunduntur; de his verò, quæ de nobis, aut contra nos dicuntur, non curemus, sed gloriemur, optemusque, ut nobis dicantur, non Deo. Huiusmodi erat Diuus Bernardus, qui de seipso sic ad Eugenium scribebat: *Bonum mihi, si dignetur me Dominus meus uti pro clypeo, libens excipio in me detrahentium linguas maledicas, & venenata spicula blasphemorum, ut non ad ipsum perueniant. Quis mihi det gloriari in voce illa; quoniam propter te sustinui opprobrium, & operuit confusio faciem meam?*

Sum

*Sunt iniuriæ condonandæ , non
vindicandæ.*

CAPVT III.

A **M**ULTA sunt, quæ nos ad condonandas quasunque iniurias impellunt : atque in primis , si cogitauerimus ultionem non ad nos , sed ad præpotentem Deum pertinere , qui ideo vocatur à Psalmo-grapho *Deus ultionum Dominus* ; & qui sic Psal. 93. apertè loquitur : *Mea est ultio* , vel ut legit Deut. 32. Vatablus ; *Meum est ulcisci*. Quem locum citans Diuus Paulus , eundem Dominum ita inducit loquentem : *Mibi vindicta , & ego retribuam*. Rom. 12. Non tantùm Dominus vindicationem sibi vendicasse affirmat , sed & illam se facturum repromittit ; *ego retribuam* : & per Isai. 47. Isaiam ; *Ultionem , inquit , capiam , & non resistet mihi homo*.

Si aliquis tibi amicus , optimis armis munitus , videret inimicum tuum animo nocendi ad te inermem accedere , tibi que diceret : sine , sine me congredi cum illo , meliùs enim armatus pugnabo contra illum , quàm tu sine armis ; si nolles desinere , non æquum esset , ut ipse cum illo vnà tecum congrediretur : nam , ut aiunt , *neque Hercules contra duos*. Tua igitur esset culpa , si tibi aliquid detrimenti contingeret. Pari modo , cum videat Deus nocentem , ac te lædentem , ait tibi :

Ecce

- Hierem. 51. *Ecce ego indicabo causam tuam, & vlciscar ultionem tuam. Relinque, relinque: Mihi vindicta, & ego retribuam. Ego, inquam, qui Deus sum, omniumque iustissimus prouisor, iudex, & vindex, meum est iniurias vlcisci; quod igitur meum est, præstare volo. Si autem renuas illi vindictam relinquere, sed velis tu ipse illam sumere, quid mereberis? certè, vt deferat te, & non defendat te, imò verò vt te puniat, & vlciscatur. Audi Sapiensem: *Qui vindicari vult, à Domino inueniet vindictam.**
- Eccl. 18.
- Prou 24. *Caue igitur, ne dicas, quomodo fecit mihi, sic faciam ei. Hoc enim pacto tibi arroganter vsurpares, quod soli Deo conuenit; atque ita tibi ipsi accideret, quod inimico tuo contigisset.*

Psal. 102. *Valdè perpendenda sunt illa verba Dauidis; Faciens misericordias Dominus, & iudicium omnibus iniuriam patientibus. Iniuriam patienter ferentibus duo præstabit Deus. Primò, misericordias: est enim patientia tam grata Deo, vt abundatissimas misericordias effundat in eos, quos tali viderit virtute affectos. Nec solùm hæc præstat, sed & facit eis iudicium. Tunc alicui fit iudicium, cùm eius offensæ plena vindicta plectuntur: faciens enim eis misericordias, non relinquit illorum inimicos impunes. Vnde sic hortatur Augustinus: *Ferto iniurias, securus esto; faciet enim misericordias Dominus, & iudicium omnibus iniuriam accipientibus.**

In hunc
Psal.

Dices; libenter indulgerem, si Deus, qui **B**
sibi vindictam reseruatur, confestim vlcisceretur: sed quando videbimus illam ultionem,
quam

quam se redditurum promittit? Citò. Audi quid apud Lucam asserenti Iudici iniquitatis Deum non facturum vindictam electorum suorum, responderit Dominus: *Dico vobis*, Luc. II; inquit, *quia citò faciet vindictam illorum*. Quibusdam etiam animabus interfectorum clamantibus, & vindictam à Deo postulantibus, responsum est, *ut requiescerent adhuc tempus modicum*. Nota hîc breuiter verbum illud, *requiescerent*: ex quo colligimus, quòd abstinere à vindicta, requiescere est. Vnde Diuus Augustinus diligenter attendit, quid Scriptura dicat de oratione, & dormitione sancti Stephani. Primò, inquit, *beatus Stephanus stans orauit pro se*, deinde genu flexit, & ait: *Domine, ne statuas illis hoc peccatum*; & hoc dicto obdormiuit. Fœlix somnus, & requies vera; ecce quid est requiescere, pro inimicis orare. Vis dormire? parce. Vis requiescere? ora pro inimicis.

Apocal. 6.

Serm. de sancto Stephano.

Sed, ais, cum citò promittatur illa vindicta, cur citò non perficitur, & adimpletur? Iterum dico, quòd citò veniet, & citò fiet, imò citò fit, licet tibi videatur non citò fieri. Egregia autem similitudine ostendit, idem Augustinus, cur tibi diuturnum videatur, quod festinum est; & longum, quod breue est: sic enim scribit. *Infirmitas facit diu videri, quod citò est*. Quomodo inueniuntur desideria egrotorum? nihil tandiu, quàm ut calix sitiienti prepararetur: utique festinatur à suis, ne fortè offendantur infirmi. Quando fiet? quando coquitur? quando dabitur? Celeritas est in illis, qui tibi seruiunt; sed infirmitas tua diuturnum putat, quod

In Psal. 36

X

quod citò agitur. Sublata igitur infirmitate, festinum erit ægroto, quod prius erat prolixum. Infirmitas tua odium est erga inimicum; quod quidem odium si deponas, modicum illud tempus inuenies, quod vindictæ seruatum est, licet ad diem vsque Iudicij protraheretur. Vel dicendum cum eodem Doctore. *Quod tibi longum videtur, citò est Deo; subiunge te Deo, & citò tibi erit.*

Ibidem.

Lib. de bono patient

Et quamuis tardaret Deus vindicare, non minùs tamen præstolari patienter debemus. Ad hoc nos hortatur Diuus Cyprianus: *Expectemus, inquit, ultionis diem, nec ad vindictam doloris nostri querula festinatione properemus, cum scriptum sit, expecta me, dicit Dominus.* Certi enim sumus, quòd nullum malum remanebit impunitum, & tanto grauiùs punietur, quantò tardiùs. Nouit ipse Valerius Maximus: aliquando lento gradu diuinam procedere iram, tarditatémque vindictæ grauitate compensare. Cur etiam interdum Deus differat punire tam lædentes te, quàm ceteros delinquentes, obseruat Diuus Gregorius, dum ait. *Idcirco venire Deus citiùs differt, ut minùs inueniat quod condempnet.* Promisit quidem Deus punitionem, sed non denegat dilationem; adimplebit promissionem, nisi viderit satisfactionem. Audi Apostolum: *Non tardat Dominus promissionem suam, sicut quidam existimant; sed patienter agit propter vos, nolens aliquem perire, sed omnes ad pœnitentiam reuerti.* Non poterit autem lædens perfectam agere pœnitentiam, nisi tibi læso satisfaciatur. Caueat interim vnusquisque, ne aliquo odio vindictam

Valer. Maxim.

Homil. 10. in Euang.

2. Petr. 3.

dictam Deo relinquat, velítque, vt plus no-
ceat Deus lædenti, quàm ipse nocere possit;
quia, teste Augustino, talis esset *in superficie* Augustin.
bonus, & in abdito malus; opere parceret, sed corde
sauiet; manu mitis, sed voluntate crudelis. Sed
optare debet, vt Deus suis inimicis ignoscat,
sicut vellet sibi ignosci. Hoc enim est Deo gra-
tissimum, nobis verò vtilissimum. Vnde Chry-
sostomus: *Læsit te quispiam, aut contumelia infe-* Homil. 51.
ctatus est? Deum precare, vt mox illi concilietur, ad popul.
& parcat: frater enim est, tuum est membrum. At
dices; si id egero, maiorem mihi in modum aduer-
sarius insultabit. Ergo & maiora, & plurima te
manebunt premia.

- C 2. Deinde, noli attendere, nec considerare
iniuriam tibi illatam, ne consideratio illius
te ad iracundiam, & ad vindicationem pro-
uocet, sed cælum respice: hoc consilium dat
tibi idem Chrysostomus. *Facillimè, inquit,* Homil. 78.
iniuriam ferre poteris, si tantum in cælum respi- ad popul.
cias, si spectes hanc pulchritudinem, & quò te Deus
suscipere promissit iniuriam generosè ferentem, &c.
Ne respicias in terra nocentem, sed in cælo
coronantem. Hoc præstitit beatissimus Ste-
phanus, qui, vt sacra testatur historia, dum
lapidibus obrueretur, *erat intendens in cælum.* AG. 7.
Non erat intendens in lapidantes, aut in la-
pides: non iniuriam considerabat, sed cælos
spectabat, qui illi ignoscenti, & pro lapidan-
tibus deprecanti erant aperti. Vadantibus
aliquod flumen tutius est sursum, aut ripam,
quàm aquam respicere, ne titubantes prola-
bantur. Sic, ne aliquò ducaris vindicandi
desiderio, Deum potiùs ignoscere præci-
X 2 pientem,

pietatem, quàm inimicum lædentem, attendas. Aquæ sunt iniuriæ, illo teste, qui ait, *Intrauerunt aquæ usque ad animam meam.* In quibus noli mentis oculos figere, sed in cælo, vel in ripa, hoc est, in morte.

3. Præterea, maximè te à vindicta retrahet, si consideraueris neminem tibi fore iniurium, & infensum, nisi à dæmone impellatur. Si quis filium tuum, vel fratrem, aut amicum impelleret in te, & ab impulso lædereris, cui irascereris, impellentine, an impulso? certè impellenti potiùs. Age ergo in dæmonem, sine quo instigante, & concitante nunquam tibi homo nocuisset. *Quid enim magnum,* ait Ambrosius, *de homine inualido vindicari, quem ad furorè alter, scilicet diabolus, urgebat?* Id ipsum agnouit Chrysostomus, atque quid nobis agendum sit, indicat. *Cum aliquis infestat, ipsum ne respicias, sed dæmonem instigantem, & omnem tu in illum iram effunde; ipsius autem misere, qui mouetur ab eo: non enim Christianorum sunt scommata.* Ille est, qui inimico tuo arma ministrauit, contra illum solum sunt arma sumenda. Vt vliscaris, arripis ensen, gladium, aut alia huiusmodi; his armis non expugnatur diabolus, qui, ait Ambrosius, *non gladio, sed verbo Dei vincitur.* Verbo, inquam, Dei, quòd à nobis adimpletur, verbi gratià, quando ei opponuntur quæ à Deo nobis præcipiuntur. *Non queras ultionem, nec memoreris iniuriæ ciuium tuorum.* Vel quod Christus in Euangelio præcipit. *Dimitte, & dimittemini.* Et, *Si dimiseritis hominibus peccata eorum, dimittet vobis pater vester cælestis.*

In Psal. 39.

Homil. 51.
ad popul.

Ibidem.

Leuit. 19.

Luc. 6.
Matth. 6.

caelestis delicta vestra. Et illud Apostoli; *Vi-* 1. Theff. 5.
dete, ne quis malum pro malo alicui reddat. Hæc,
 & similia Scripturæ loca, quibus ultio prohi-
 betur, sunt dæmoni inimicum tuum impel-
 lenti obiiicienda, exemplo Christi, qui, ut dia-
 bolum tentantem profligaret, nihil nisi quod
 scriptum erat, protulit. Ideo enim dæmon
 hominem in te concitat, ut te ad iracun-
 diam, & ad ultionem prouocet: quodd si vlcif-
 caris, habebit intentum; si verò obiiicias, quod
 scriptum est, & quod vindictam prohibet, ac
 propterea te nolle vindicari, aufugiet, & tu vi-
 ctor euades.

Matth. 4

- D 4. Cogita præterea exigui esse animi vindi-
 catione delectari, malumque pro malo red-
 dere. [Pusilli hominis, inquit Seneca, & mi-
 seri est, repetere mordentem, ut mures, & for-
 micæ, ad quas si manum admoueris, ora con-
 uertunt. Imbecilla se lædi putant, si tangan-
 tur.] Si tibi nocentibus noceas, aut te læden-
 tes lædas, similis muribus, formicis, & aliis hu-
 iusmodi animalibus efficieris. Tangis murem,
 tangis formicam, tangis gallinam, quia imbe-
 cilla animalia sunt, non ferunt, tangis equum,
 aut simile aliud validum animal, mansuetè
 patitur. Ita homines imbecilles, si vel mini-
 mo verbo tangantur, irascuntur; vel si tantil-
 lum offendantur, in vindictam profiliunt:
 quia, secundum Aristotelem, sicut debilis sto-
 machi est, duriorum cibum non posse conco-
 quere; ita pusillanimi est, verbum duriuscu-
 lum non posse sustinere. Vnde & Poëta:

Lib. 2. de
ira cap. 34

Lib. 4 Ethic.
cor. c. 3.

Iuuenal.
Satyr. 13.

Semper & infirmi est animi, exiguique voluptas,
Ultio. — — —

lib. 1. offic.
cap. 36.

Propterea optimè Diuus Ambrosius; *Vindicare se*, inquit, *non est actus fortitudinis, sed abiectio- nis, & timiditatis: vincitur ab inimico, non vin- cit, qui se vindicat.*

Desisterem, inquires, ab insectatione, atque libenter ore, & opere ignoscerem; verùm ho- nor, quem profitemur, spectandus, eiusque ra- tio habenda est, non mediocri damno hono- rem meum afficiam: si non vlciscar, timori id potiùs, quàm amorì adscribent homines; non licet ergo dignitatem, honorè inque meum violare, mèque infamia, & ignominia afficere. Scio vtique, scio communem hanc esse mortalium nostri sæculi insaniam. Turpe est, inquiunt homines, vt acceptà iniurià taceas, quisquis te contumeliam accipere conspiciet, & tacere, non te patientiam ex- hibere, sed crimina agnoscere putabit. Ve- rùm ad hæc tibi Diuus Gregorius respondeat.

Homil. 18.
in Euang.

Unde, inquit, vox ista in corde nostro contra pa- tientiam nascitur, nisi quia in imis cogitatio- nem figimus, & dum in terra gloriam quarimus, placere ei, qui nos de calo conspiciet non curamus? Accepta ergo contumelia, meditemur in opere vo- cem Dei; Ego non quero gloriam meam, est qui querat, & iudicet. Si ergo princeps contumeliam passus, se propriam gloriam non querere inquit, sed Dei, quid tu membrum, tanti facis gloriam, & di- gnitatem tuam, vt pro illa quarenda, atque tuenda, ipsius Dei gloriam contemnas?

Ioan. 8.

Nunc igitur quæro, quinam hi sunt, qui E te pusillanimum, & imbecillum iudicant, quòd inimicis ignoscas? Num viri sapientes, & iusti? nequaquam; hi enim potiùs collau- dabunt

dabunt te. Imperitum ergo vulgus est, quod ita sentit, de quo sic Tullius. [Qui ex errore imperitæ multitudinis pendet, is in magnis viris non est habendus.] Si cupias haberi in magnis, & probis viris, errorem imperiti vulgi non attendas; sed sanctissimos viros imitare, qui in condonandis iniuriis, ac in tormentis patienter tolerandis maximam laudem, non vituperium adepti sunt. In cuius rei testimonium videmus illis, aut sacris eorum imaginibus instrumenta tribui, quibus non se de inimicis vindicarunt, sed quibus eis inimici nocuerunt: quæ quidem instrumenta sunt eis veluti trophæi sui arma, & stemmata honorifica, non pro iniuriis, & contumeliis, quas intulerunt, sed quas pertulerunt. Diuus Andreas crucem gestat, non in qua crucifixus inimicum, sed in qua ab inimico fuit crucifixus. Diuus Paulus primò quidem, vt annotat Chrysostomus, catenas tamquam nobilissima stemmata ferebat, non quibus inimicos alligauerat, sed quibus pro Christo ab eis fuerat ligatus: gladius deinde datus est in eius manibus, non quo alterum iugulauit, sed quo iugulatus est. Matthæus lanceam defert, non qua aliquem transfixit, sed qua transfixus est. Stephanus lapides secum fert tamquam victoriæ arma, non quos contra alios gessit, sed quibus ab aliis lapidatus est, pro quibus deprecatus est. Ita & Laurentius craticulam, & alij alia gestant. Ex quibus colligere licet, honorificum esse non referre, sed ferre iniuriam. Non sunt igitur audiendi, qui vindictam suadere contendunt

Homil. 10.
de ira.

Diuus Basiliius, postquam enarrauit aliquos sanctos, & grauissimos viros, qui erga inimicos oximiam dilectionem, & beneficentiam exercuerant, ob quam præcipuo apud omnes habentur honore, tandem subdit: *Quorum ergo, dic tu mihi, cupis esse discipulus? Beatorum hominum, & Deo gratorum; an eorum, qui spiritu referti sunt maligno? Approbas illorum facta, confiterisque illa ipsis fuisse honorifica, & tibi credis, in dedecus cedere, inimico parcere? Quæ nostra confusio, vt quos vocibus celebramus, opere non imitemur? Laudamus Dauidem, Stephanum, Paulum, & cæteros, qui libenter pepercerunt, ac vlcisci renuerunt, sed eos nolumus imitari. Væ tibi, si ore, & opere vsurpare contingat illud Ouidianum:*

Lib. 7. Metamorphos.

——— *Video meliora, proboque:*

Deteriora sequor. ———

ad. 7.

Si aliquod dolium, aut vas plenum est, & F percutiatur, non resonabit: si verò vacuum sit, statim minimo ictu edet sonum. Aliqui iactant suam nobilitatem, ostentant sui ingenij dexteritatem, & industriam, corporisque fortitudinem, ac illis se esse plenos autumant: verum, si vel minimo baculo, aut verbulo impetantur, illicò illos resonare, repercutere, & ad vltionem properare videbis; atque ita testantur se esse his omnibus vacuos, quia si verè nobiles, fortes, & magnanimi essent, tacerent, patienter tolerarent, sicut Stephanus, qui *plenus gratia, & fortitudine*, lapidibus impetebatur, & tamen veniam, non vltionem inimicis precabatur; & sicut illi, de quibus

de quibus Ecclesia. *Non murmur resonant, non querimonia; sed corde tacito, mens bene conscia conseruat patientiam.* Veram, inquam, nobilitatem, veram fortitudinem, verumque profitebantur honorem, qui de inimicis non querebant ultionem. Interrogatus Diogenes, quinam essent hominum nobilissimi, respondit; Contemptores iniuriæ. Quo enim quis nobilior, eo etiam placabilior est. Audi Poëtam:

*Quo quisque est maior, magis est placabilis ira:
Et faciles motus mens generosa capit.*

Laert.

Ouid. 3. de
Tristib.

Loquens Deus olim ad Heli, sic minabatur; *Qui contemnunt me, erunt ignobiles.* Ille autem contemnit Dominum, qui eius mandata spernit, & transgreditur. Ecce quid Deus præcipiat: *Ne quaras ultionem, &c.* Et apud Sapientem: *Ne dicas, reddam malum.* Hæc præcepta sunt negativa, & obligant semper, & pro semper; nisi ea obseruaueris, fies ignobilis, Deoque odibilis. Vide quid dicat Chrysostomus; *Nihil omnium Deus ita odit, & auersatur, ut hominem ultionis audum, & in animo suo perpetuo seruantem inimicitias.* Arrigant aures implacabiles, qui nihil nisi vindictas spirant: magnanimi enim est se placabilem exhibere.

1. Reg. 2.

Leuit. 19.

Prou. 20.

Homil. 18.
in Genes.
tom. 1.

Ignobilis verò, vilis, atque abiecti animi est, iniuriarum perpetuam habere memoriam, vulneraque post obductam cicatricem refricare. Nonne audisti Cæsarem illum inuictissimum, qui nullius vnquam rei, nisi iniuriarum obliuisci solebat, in Pharsalica illa acie militibus dimicantibus, ac in hostes

sæuientibus magno clamore dixisse; *Parcite* ciuibus. Vox quidem tanto Cæsare digna. Sicut enim inhumani, & efferi hominis vox est, *vilescimini*: sic magnanimi, ac inuicti Principis vox est, *parcite*. Si inter nobiles, ac heroës admisceri cupis, audias tuum Cæsarem, ac Imperatorem, Christum, inquam, tibi dicentem; *Dimittite*, *parcite* ciuibus; omnes eiusdem ciuitatis ciues estis, eiusdem Ecclesiæ alumni; ergo *parcite* ciuibus; neque enim decet Christianum in Christianum sæuire. Sapienter igitur à Stobæo dictum est: [Venia ultione melior est; illa namque mitis est ingenij, hæc autem ferini.]

Luc. 6.

Stob.

Num. 14.

Orat.

Parcendo potius, quàm puniendo Dominus ostendit fortitudinem, & potentiam suam: quod apertè declarat Moyse his verbis; *Magnificetur ergo fortitudo Domini*, &c. *Dimittite obsecro peccatum populi huius, sicut propitius fuisti.* In quæ verba sic Oleaster. *Considera*, inquit, *hominum cecitatem. Arbitrantur se suam fortitudinem, suumque animum magnificare, si in alios sauiant, si illatas iniurias vindicent: non sic autem Dominus noster, sed parcendo, & non vindicando, sibi nomen potentissimi acquirit.* Deus, ait Ecclesia, *qui omnipotentiam tuam parcendo maxime, & miserando manifestas, &c.*

1. Reg. 25.

5. Expendenda sunt verba prudentissimæ G Abigail Dauidem à vindicta retrahentis. Fuit olim vir nomine Nabal, qui, teste Scriptura, *erat durus, pessimus & malitiosus.* Hic maximam intulerat Dauidi iniuriam, quod illum, & seruos eius spreuerit, vacuòsque remiserit; quam quidem iniuriam volebat Dauid vindicare:

dicare : quo audito , Abigaïl vxor Nabal
occurrit Dauidi , atque sic affata est ; *Ne po-
nat , oro , Dominus meus Rex cor suum super vi-
rum istum iniquum Nabal , quoniam secundum no-
men suum stultus est .* Quasi dicat ; ô Dauid ,
confidera te Regem , & hunc tibi iniurium ,
stultum ; stultè enim egit , quando te offendit :
non magni faciat Rex iniuriam à stulto illa-
tam . O homo , dum aliquis te iniuria affi-
cit , stultus est . Si aliquis ex stultis , quos
hospitale amentium continet , te iniuriis , vel
contumeliis lacefferet , ponerésne cor tuum
super illum ? certè illum tamquam amentem
relinqueres , illumque tibi nocere non posse
crederes . Scito hominem tamdiu delirare ,
I quamdiu tibi iniurius est , tibi iniuste irasci-
tur . Ira enim , teste Basilio , *brevis insania est .*
breuem vocat , si citò transeat ; fiet autem
longa , si diu maneat . Si itaque vlciscaris , stul-
tus quoque efficieris ; quia huiusmodi vlrio
non carebit ira : ergo nec insania . Sufficiat
mundo infinitus stultorum numerus . Noli tu
vindictâ fieri stultus . Molestum tibi sit , sicut
& Euripidi , stultescere cum stultis . Interroga-
tus Aufonius , quid stulti proprium esset , re-
spondit ; *velle nocere .*

Homil. de
ira.

Aufon.

Afferit & aliam rationem Abigaïl , qua
veniam suadet Dauidi . *Non erit , inquit , tibi* Ibidem.
hoc in singultum , & in scrupulum Domino meo ,
quòd effuderis sanguinem innoxium , aut ipse te
ultus fueris . Quædam continet hæc ratio no-
tatu digna , ait enim : *Non erit tibi hoc in sin-*
gultum . Singultus est species quædam conuul-
sionis : vel est commotio quædam totius cor-
poris ,

poris, procedens ex eo, quòd aliquid comēdisti gustui quidem suaue, orique iucundum; sed stomacho onerosum, quod à calore naturali difficile digeratur. Ideo plerumque sapor, vel odor illius rei manducatæ satis iniucundè emittitur sursum. Quando comedebatur, multa concurrebant, os recipiendo, lingua gustando, dentes conterendo, guttur deglutiendo: at postea comesta, quia non digesta, parit huiusmodi singultus. Similiter vindicta quibusdam videtur suaui, & iucunda, præcipuè indoctis, & insipientibus, iuxta illud:

Iuuenal.
satur. 13.

*At vindicta bonum, vita iucundius ipsa,
Nempe hoc indocti. —*

Lib. 2. de
inuent.

1. Reg. 24.

Ibidem.

Ideo totis viribus vlcisci contendunt, H lingua comminando, ore conuiciando, oculis toruè intuendo, manibus percutiendo, corde odiendo; sed postmodum sumpta illa vindicta multos parit in anima singultus, multosque dolores, ac multa sequuntur incommoda. [Hoc si constitutum sit, ait Cicero, ut peccata homines peccatis, & iniurias iniuriis vlciscantur, quantum incommodorum consequatur?] Videamus hoc in ipso Dauide, qui dormiente Saule eius inimico in spelunca, abscidit oram chlamydis illius; quod quidem modicum videbatur: erat tamen species, aut saltem signum vindictæ, quam sumere poterat; sed attende singultus. *Post hac*, ait Scriptura, *percussit cor suum David, eo quòd abscidisset oram chlamydis Saul.* Quid si honorem? quid si aliquam partem corporis? quid si vitam eripuisset? Nec remansit præcisio illa impu

impunita; nam præter huiusmodi singultum, dicunt aliqui frigiditatem illam, qua in senectute David premebatur, vt nullis vestibus calefieret, ei ob illam abscissionem contigisse; quasi meruerit ille sustinere frigus, qui alterius vestem absciderat. Scrupulus verò est lapillus brevis, & asper, qui in calceo latens, plerumque nos lædit, pressusque dolorem creat. Sicut igitur lapillus torquet, dum premitur: ita si inimicum tuum vindicta premas, & insecteris, tibi ipsi maximam anxietatem, maximumque inferes dolorem. Nam, teste Poëta, *sape vindicta obsuit*. Prudenter itaque consuluit hæc mulier Davidi; prudenter etiam nobis consulunt, qui à vindicta nos retrahunt, quia nobis ex animo scrupulum euellunt, qui nos maximè stimulasset. Arcendi autem illi sunt, qui quibusdam mundanis, aut potius diabolicis rationibus nos ad ultionem prouocant.

Senec. trag.
dial. 1.

6. Præterea, noli de inimico vindictam sumere: quia si læserit te, & non satisfecerit tibi, haud dubiè ipsemet ad ultionem tendet. Hoc innuere voluit altera quædam mulier, dum eidem David mortem filij sui Ammon vindicare, & in Absalonem animaduertere quærenti, sic loqueretur: *Omnes morimur, & sicut aqua dilabimur*. Quasi diceret: noli, mi Rex, vindictam quærere; quia sicut omnes naturali quodam cursu tendimus ad mortem, & aquæ etiam ad ima descendunt, vel ad mare fluunt: ita qui alios iniuria affecerunt, nisi satisfaciant, ad ultionem properabunt. Hoc in ipsomet Absalone perspicuum

2. Reg. 14.

cum est, qui interfecerat, aut interfici iusserat fratrem suum; sed tandem ipsemet interfectus est: nam capillis ad quercum suspensus miserè periit. Ei quidem pepercerat pater; sed quia nondum planè satisfecerat, sui criminis dedit pœnas, atque ad vindictam, & ad pœnam sibi debitam currendo peruenit: quod præuidens mulier illa prudens, superuacaneum ducebat de illo vindictam sumere.

Grauiſſimum crimen proditor ille Iudas I commiserat: poterat Christus iuste vlcisci, sed noluit; imò verò illum multo studio, multisque officiis ad meliorem mentem reuocare voluit; renuit proditor ad pœnitentiam conſurgere, & , vt decebat, ſatisfacere. Quid tandem? nemine, niſi dæmone inſtigante, ipſemet ad vindictam properauit; nam *abiens la-*
Matth. 26. *queo ſe ſuſpēdit.* Et notandum eſt, Scripturam non dixiſſe *abiit*, ſed *abiens*, quaſi ſtatim patrata proditione, iam eſſet abiens, vel abiret ad ultionem. Quod etiam ex verbis Diui Petri, & aliorum Apoſtolorum de illius apoſtolatu colloquentium, colligitur: *de quo*, in-
AA. r. *quiunt, prauaricatus eſt Iudas, vt abiret in locum ſuum.* Non fuit opus, vt quis illum duceret ad talem locum ſuo crimini aſſignatum, cum ipſemet ex ſciſpo abierit. Sicut enim omnia tendunt ad proprium locum; ita offenſæ ad pœnam ſibi debitam tanquam ad ſuum locum. Dole itaque ſortem lædentis te, quia illum manet grauiſſima ultio, quam accelerare non cures, cum ad eam, ſtatim ac tibi nocuit, tendere incipiat.

Aderat Paulus, & conſentiebat interne-
 cioni

cioni beati Stephani, vt ipsemet fatetur ; *Ego* Act. 11.
astabam, & consensiebam, &c. Et vt in omnium
 esset lapidantium manibus, omnium vesti-
 menta seruabat : pro illo peculiariter oraue-
 rat Stephanus ; verumtamen illum audio cla-
 mantem : *semel lapidatus sum.* Quasi dicat : quia 1. Cor. 11.
 consentiendo, vestimenta asseruando, & alios
 cohortando, Stephanum lapidaueram, merui
 ego lapidari ; & sic ad iustissimam vindictam
 tendere, quamuis nullus esset, qui me pro
 hoc peccato ad iudicium traheret, nec vlisci
 quareret : exigente tamen diuina iustitia,
 egomet ad pœnam mihi debitam, fortè non
 cogitans, properaui. Quando autem Paulus
 ad vltionem properauit ? dum Lystram, quæ
 erat Lycaoniæ ciuitas, venit : ibi enim, vt ha-
 betur in Actibus Apostolorum, *superuenerunt* Act. 14.
quidam Iudei & persuasis turbis, lapidantesque
Paulum, traxerunt extra ciuitatem, existi-
mant eum mortuum esse. Si igitur Paulus, vas
 electionis, qui tam diros, & duros labores,
 tormentaque pro Christo iam subierat, tam
 multa patrauerat miracula ; & qui tam piè, &
 sanctè vbique se gesserat, meruerit adhuc la-
 pidibus impeti, quodd vestes lapidantium Ste-
 phanum custodierit ; credis lædentes te im-
 punè mansuros ? Sine, expecta, patientiam
 habe, & audi quid tibi polliceatur Dauid :
Retributionem peccatorum videbis : vel, vt legit Psalm. 90.
 Hieronymus ; *Vltionem impiorum cernes.* Discant
 itaque aliis nocentes, quàm citiùs poterunt
 satisfacere, ne vltionem inueniant, si sa-
 tisfactionem deserant ; vni enim, aut alteri
 subiiciuntur : vtramque autem euadere nullo
 modo

modo poterunt. Quod cum certò sciant læsi, nihil de vindicta curent, sed omne deponant odium.

Adducuntur nonnullæ aliæ rationes, quarum consideratione poterit quis appetitum vindictæ faciliè comprimere.

CAPUT IV.



X tam multis aliis rationibus, A
quæ ad affectum vindicationis
temperandum valere possunt,
has quoque afferamus. Consi-
dera insuper te multos perpe-
trasse defectus, quos à Deo, & à proximo
tolerari desideras; sed non mereberis, quòd
tolerentur, si illatas tibi iniurias patienter
non feras. Hanc rationem validissimam iu-
dicat Diuus Gregorius, eamque commendat.
Nam, inquit, patienter illatam iniuriam tolerat,
qui pie meminit, quòd fortasse adhuc habeat, in quo
debet ipse tolerari: quia erubescit sibi peccata non
parcere, qui vel Deo, vel proximo saepe se recolit
parcendo peccasse. Similiter Diuus Chrysostomus
vult, vt consideratione eorum, quæ
contra Deum commisimus, & diuini iudicij
metu à vindicta abstinamus; patienterque il-
latas feramus iniurias. *Quotiescumque, inquit,*
dolore aliquo amicus te, vel familiaris affecerit,
& ad

Lib. 5. mo-
ral. cap. 31.

Homil. 3. in
Joan.

& ad iram concitauerit, veniant in mentem, quæ tu contra Deum commiseris; quòdque, si a proximo offensam, & contumelias æquo animo toleraueris, lenius in te iudicium Dei prouocabis.

Præterea, cogita, quòd qui te offendit, si Christianus est, benedictione donatus est: non debes igitur illum maledicere, quem semel Deus benedixit. Hac ratione Balaam, licet impius, continuit se, ne populum Dei malediceret, ad quem maledicendum vocatus fuerat, grandi proposito præmio à Balac Rege Moabitarum: jam enim constitutus in monte, ex quo populum Dei intuebatur, dicere cœpit; *Quomodo maledicam, cui non maledixit Deus? quæ ratione detester, quem Dominus non detestatur? Deus illum eduxit de Ægypto, &c.* Considerauit, quidnam Dominus pro illo populo fecerit, quem sibi elegit, & eduxit de Ægypto in manu forti, & transtulit per mare rubrum, & ad terram promissionis dirigebat. Quasi dicat: quem Deus elegit, & tot beneficiis cumulauit, ac sibi adiunxit, ego non abominabor, nec detestabor. Hanc rationem debes mente versare, cum aliquis verbo, aut facto te offendit. Cogita, quòd quamuis ita sit, quòd ex hac parte pœna sit dignus, & supplicio, ac odio; verum ex alia est, quem Deus benedixit, & eduxit de potestate tenebrarum per mare Baptisimi, & lauacrum regenerationis; & quòd tanti Deus eum fecit, ut pro illo sanguinem fuderit: & fortè, quamuis cum te offendit, peccarit, iam facti pœnitens, in Dei gratiam est admissus. Si igitur Balaam continebatur, ne populum ma-

Numer. 23.

lediceret, quia Deus ad illius liberationem ex Ægypto mira præstiterat; multò magis tu continendus es, attendens qualia Deus pro illo, qui te offendit, operatus fuerit: Nunquid tu peior eris impio Balaam?

Dices; nulla maledictione Balaam afficere B debebat populum, qui non fuerat ei iniurius: at cur non debeam ego maledicere, qui mihi maledixit, & iniurias mihi illatas vlcisci? Vnum inter multos tibi profero Noë, qui filio suo Cham, à quo irrisus, & sterilis magica arte effectus fuerat, noluit maledictionem impertiri, eo quòd illum iam benedixerat Dominus: nam postquam Noë, & filij eius arca sunt egressi, benedicti sunt à Domino: *Benedixit Deus Noë, & filiis eius*; inter quos erat Cham. Nefas itaque putavit Noë illum maledicere, cui semel benedixerat Deus; ideo potius Chanaam filium eius maledixit his verbis: *Maledictus Chanaam, servus servorum erit fratribus suis.* Hanc rationem attigerunt Chrysostomus & Theodoretus. Vnde colligimus, indecens esse proximum maledicere, vel de illo vindictam sumere, non obstantibus quibuscumque iniuriis ab ipso nobis illatis, cum illum benedixerit Dominus, conferendo ei beneficium creationis, regenerationis, redemptionis, &c.

Insuper, qui tibi, verbi gratiâ, detrahit, & conuiciatur, vel verum dicit, vel falsum: si verum, patienter feras, & caueas eidem vicissim conuiciari, sed amaro gemitu Deum implora; hoc enim pacto omnem poteris culpam deponere, Deumque tibi placabilem reddes.

Genes.

Beros.

reddes. Hoc Diuus Chrysoſtomus probat parabola Phariſæi, & Publicani. *Erant*, inquit, *Luc. 18.*

Phariſæus quidam, & Publicanus: quorum hic quidem ad ſummam progreſſus erat malitiâ, alter ad ſummam ſuo iudicio peruenerat inſtitutiâ.

Ambo aſcenderunt, ut orarent: Phariſæus dicebat; non ſum ſicut ceteri hominum, &c. velut hic Publicanus.

At Publicanus procul ſtans, non regeſſit contumeliâ, neque viciffim dixit conuicium, neque protulit iſta vulgaria verba; Tunc audes vitæ meæ mentionem facere? melior te ſum, &c.

nihil horum loquutus eſt Publicanus, ſed amarè ſuſpirans, pectusque percutiens, hoc tantum dicebat: Deus, propitiuſ eſto mihi peccatori; &

deſcendit inſtitificatus. Vides celeritatem? accepit probrum, & abluuit probrum; agnouit peccata, & abluuit peccata; & criminum impropèratiô, facta eſt illi criminum remiſſio; & hoſtis, inſciens factus eſt beneficus.

Quot labores erant Publicano ſubcundi, ieiunando, humi dormiendo, vigilando, bona ſua egenis impartiendo, longo tempore in ſacculo, &

cinere ſedendo, ut illa tam multa peccata poſſet deponere? At nunc cum nihil tale fecerit; ſimplici verbo omnem depoſuit iniquitatem, ac probra, conuiciâque Phariſæi, quæ videbantur illum contumelia afficere, pepererunt inſtitutiâ coronam, idque ſine ſudoribus, & abſque longi temporis mora.

Vide, quomodo, etſi vera dicat, qui conuiciatur, ſi amarè ingemiſcentes Deum pro delictis noſtris exorauerimus, omnia peccata deponere poſſumus.

Ita Chryſoſtomus, qui apertè docet, conuicia etiam vera patienter tolerata ſupplere vices multorum bonorum operum pœnaliû, quæ nobis fuiſſent præſtanda, & exequenda in

satisfactionem nostrorum delictorum.

Hac ratione ductus Dauid noluit permit- C
tere, vt de Semei ipsi conuiciante, & crimina

obiiciente, sumeretur vindicta; sed quibus-
dam vlisci volentibus, dixit: *Dimittite eum, vt*
2. Reg. 16. *maledicat iuxta preceptum Domini, si forte respi-*
ciat Dominus afflictionem meam, & reddat mihi
Dominus bonum pro maledictione hac hodierna.

Non solum illis conuiciis Dauid non offen-
debatur, sed illis potius delectabatur; & illa
exoptabat, pro quibus sibi veniam reddendam

arbitrabatur. Audi Ambrosium: *Expetebat*
Lib. 1. offic.
cap. 48. *Dauid maledici sibi, quia maledicto illo diuinam*
exquirebat misericordiam. Interim, vt notat

Orat. de ira. Basilius, agnoscebat Dauid, quod aliqua, quæ
Semei in illum iactabat, vera erant: vt, quod
esset vir sanguinum, qui sanguinem Vriæ pro-
ditoriè fudit; pro quo quidem crimine non
poterat Dauid melius satisfacere, quam pa-
tienter ferendo illa conuicia, & quod ei suum
crimen obiceretur. Ideo ait Bernardus: *Ve-*
Serm. 34. in
Cantic. *luit prohiberi maledicum conuiciantem, quantum*
estimans maledicta. Videbat enim sibi pluri-
mum profutura illa conuicia, & obiecta cri-
mina, si patienter ferret. Similiter & tibi pro-
derit, quod tibi exprobrat inimicus, si patienti
animo tuleris.

Si autem falsum dicat, qui tibi conuicia-
tur, noli contumeliam retorquere, aut conui-
cium conuicio rependere; sed sustine, & me-
mento Domini nostri Iesu Christi, qui ad
consolationem nostram, sua in exemplum
adducere opprobria dignatus est. *Si patrem-*
Matth. 10. *familias, inquit, Beelzebub vocauerunt, quanto*
magis

magis domesticos eius? Et qui etiam post mortem à persecutoribus suis seductor appellatus est, cum dicerent: Scimus, quia seductor Matth. 27.
ille dixit; post tres dies resurgam. Nomine seductoris, ait Augustinus, *appellatur Christus, ad solatum servorum suorum, quando dicuntur seductores.* in Psalm. 63.
 Dicam igitur cum Diuo Gregorio.
Quanta nos peccatores à lingua, vel manibus iniquorum hominum portare necesse est, qui in aduentu aeterni Iudicis indicandi sumus; si & ipse tanta per-
tulit, qui & Index venit?

Idem Doctor hortatur nos, ut maledicentibus inimicis, aut iniuriis nos afficientibus, ad mentem nostram statim recurramus, videamúsque, an verum sit, quod de nobis, vel contra nos dicitur: quia si, inquit, in ea non inuenitur malum, quod de nobis homines loquuntur, in magnam debemus letitiam proficere. *Quae debet esse tristitia, si omnes accusent, sola conscientia nos liberos demonstrat? Habemus Paulum dicentem; Gloria nostra haec est, testimonium conscientiae nostrae.* 1. Cor. 1.
Iob quoque dicit: Ecce in caelo testis meus. Iob. 16.
Si ergo nobis est testis in caelo, testis in corde, dimittamus stultos foris loqui quod volunt. Quid aliud detrahentes faciunt, nisi quod in pulverem sufflant, atque in oculos suos terram excitant?

D Vel, si velis, dicamus, conuicia, maledicta, & opprobria patienter tolerata esse veluti ventum ab inimicis excitatum, quo ad martyrium, & ad portum salutis peruenitur; nam, teste eodem, sine ferro esse possumus Martyres, si patientiam veraciter in animo custodimus. Gregor. homil. 35. in Euang.
 Et affert exemplum cuiusdam Stephani, qui ob insignem patientiam in ferendis iniuriis,

Ibidem.

martyrij palmam meruit obtinere; sic enim de illo scribit. *Fuit quidem diebus nostris Stephanus nomine, pater Monasterij iuxta Reatina urbis mœnia constituti, vir valde sanctus; in eo virtus patientia vehementer excreuerat, ita ut eum sibi amicum crederet, qui sibi molestia aliquid irrogasset. Reddebat contumeliis gratias. Si quod damnum in sua inopia fuisset illatum, lucrum putabat. Omnes suos aduersarios nihil aliud, quam adiutores aestimabat. Hunc cum dies mortis egredi de corpore vrgeret, conuenerunt multi, vram sancta anima de hoc mundo recedenti, suas animas commendarent. Cumque circa lectum illius hi, qui conuenerant, omnes assisterent; alij corporis oculis ingredientibus Angelos viderunt. Quid huic suus Conditor intus dedit, de quo nobis tanta gloria in die eius exitus, & foris innotuit? Quibus hunc credamus, nisi sanctis Martyribus sociatum, quem, attestantibus corporeis quoque oculis, à beatis spiritibus constat esse susceptum? Nullo iste gladio percussus occubuit, & tamen coronam patientia, quam in mente tenuit, in egressione seruauit.*

Jerem. 42.

Cogita etiam, neminem posse cum Christo regnare, qui calicem eius non biberit. Vide quid tibi dicatur per Ieremiam: *Ecce quibus non erat iudicium, ut biberent calicem, bibentes bibent, & tu quasi innocens relinqueris? Tu solus relinquendus es sine calice? tu illum manibus tuis non sumis; nullis ieiuniis carnem tuam affligis, nec flagellis maceras, humi non cubas, cilicium respuis; imò voluptatibus indulges, omnia vis habere ad nutum, in nullo tibi contradici desideras. temporalibus bonis abundare quæris. Cum*
igitur

igitur tuis manibus calicem sumere recuses, Deus tibi compatiens, illum per inimicum persequentem, vel conuiciantem porrigit, in quem inimicum si insurgas, similis eris ægrotanti in Medicum insurgenti, & vasculum medicinæ ad sanitatem paratæ frangenti. Audi Augustinum. *Attende, inquit, Christum Medicum agnitudoinis tuæ, attende Redemptorem animæ tuæ. Propter te pependit in ligno, & nondum est vindicatus, & tu vis vindicari, & non vis tantum & talem magistrum imitari? Ideo pati voluit, ut tibi patientia sua demonstraret exemplum. Vide pendentem, & tibi languenti de suo sanguine medicamentum conficientem, &c.* Porro qui certa bona opera negligit, aut adimplere non potest, ignoscere saltem inimicis non recuset, ut ignoscendo impetret, quod non operando perdidit. Ad hoc nos hortatur beatus Cæcilius. *Qui captiuos, inquit, redimere, & pauperes pascere, vel vestire*

Serm. 2. de
sancto Ste-
phano.

B. Cæsa-
rius.

non praeualet, contra nullum hominem odium in corde referuet, & inimicis non solum malum pro malo non reddat, sed etiam diligat, & pro eis orare non desinat, certus de misericordia, vel de promissione Domini sui, libera conscientia ante tribunal dicere poterit: da, Domine, quia dedi; dimitte, quia dimisi. Sunt nonnulli, qui per alia multa bona opera cælestem gloriam adipiscuntur: videns autem Deus te illa non operari, permittit, ut inimicos habeas persequentes, ac tibi detrahentes, & conuiciantes, ut dimittendi habeas occasionem, & hac tua venia merendi eandem beatitudinem, quam alij aliis operibus meruerunt. Ne igitur hanc

occasionem prætermittas; nec recuses hunc bibere calicem, qui ad salutem tuam porrigitur.

Dices forasſe, olim fuiſſe Iudæis traditam E
 legem talionis, eiſque licuiſſe retaliare, cum
 Exod. 21. ſcriptum ſit; *Qui irrogauerit maculam, ſicut*
 Deut. 24. *fecit, ſic fiet ei: fracturam pro fractura; oculum*
 In Matth. 5. *pro oculo, dentem pro dente reſtituet, &c.* Re-
 ſpondeo cum Diuo Thoma, legem talionis
 fuiſſe Iudicibus in præcepto datam; & hoc,
 vt facerent zelo iuſtitia, & non zelo vindi-
 ctæ, ad malorum cohibitionem, nunquam
 autem fuiſſe priuatis perſonis conceſſam; vni-
 cuique enim tamquam priuatæ perſonæ di-
 ctum eſt: *Non quæras ultionem, &c.* vel, ſe-
 Leuit. 19. cundum Septuaginta; *Non vlciscatur tua ma-*
nus, &c. Reſeruatum quidem eſt publicæ au-
 toritati ſupplicium, non priuatæ. Nunquam
 itaque licuit priuato Iudæo, cui oculum alter
 eruerat, per talionis legem oculum pro ocu-
 lo erueret. Verumtamen quia aliqui hac lege
 talionis abutebantur, volentes ſcilicet, vt
 non tantum ad publicas, ſed ad perſonas
 etiam priuatas extenderetur; ideo Chriſtus
 declarans hanc legem priuatis perſonis ne-
 quaquam competere, aliam talionem, qua
 vnuiſque noſtrum perfectus equare pote-
 rit, ſtabiliuit, dum dixit. *Audiſtis, quia di-*
 ctum eſt: *oculum pro oculo, & dentem pro dente. Ego*
autem dico vobis, non reſiſtere malo; ſed ſiquis te
percufferit in dexteram maxillam tuam, præbe illi
& alteram; & ei, qui vult tecum in iudicio con-
tendere, & tunicam tuam tollere, diſmice ei & pal-
lium, &c.

Quæritur

Quæritur autem, quonam modo hæc Christi verba sint intelligenda; siquidem neque Apostolus Paulus alteram maxillam percutienti præbuit, neque Christus ipse percussus à seruo Pontificis alteram maxillam percutiendam obuertit, sed respondit: *Si malè loquutus sum, testimonium perhibe, si autem bene, quid me cadis?* Respondet D. Augustinus, docere Dominum, alteram maxillam percutienti obuertendam cordis præparatione. Dominus, ait ille Doctor, non dixit; ecce altera maxilla: sed ait, si malè dixi, exprobra de malo; si autem bene, quid me cadis? ubi ostendit, illam præparationem alterius maxilla in corde faciendam. Quod etiam Apostolus Paulus utique nouerat: nam & ipse alapa percussus non ait; percutite maxillam alteram: sed, percutiet te Dominus, paries dealbate, &c. sed tamen cor paratum habebat, non tantum ad alias alapas accipiendas, sed etiam quelibet tormenta pro veritate patienda, &c. Sic Augustinus. Aduerte tamen, Christum semel vna percussus alapa respondisse. At plurimas alias alapas tacitum, non aduersa facie excepisse, iuxta illud Isaïæ; *Faciem meam non auerti*, &c. Similiter & Paulus fecit, iuxta illud ad Corinthios; *Colaphis cadimur, maledicimur, & benedicimus*. Christus igitur his verbis vult nos esse paratos ad omnes tolerandas iniurias absque resistentia, & absque vlla vindictæ cupiditate. Non est prætereundum, quod hîc adnotat Hieronymus, Christum scilicet non iussisse, vt percussa dexterâ nostra sinistram præberemus, sed alteram, hoc est, alteram dexteram: iustus

Aq. 23.

Ioan. 18.

Lib. de mēd.
cap. 15.

Isaï. 50.

1. Cor. 4.

Hieronym.
in Matth.

Y ; autem

autem sinistram non habet. Nunquam præbenda est verberanti maxilla sinistra, sed semper dextera, id est, fortis, & ad colaphum accipiendum paratissima. *Iusti enim*, ait ille, *non habent sinistram maxillam, id est, debilem, quæ ad colaphos, si opus fuerit, Christi causa recipiendos, non sit parata.* Vel sic; iustus acceptâ alapâ, aut aliâ iniuriâ, nullam habet sinistram intentionem, vel nihil cogitat sinistri aduersus percutientem, & lædentem; sed semper est propter Deum dextero, & sincero animo.

Nunquam audierant Ethnici Christum F hanc præclaram talionem stabilientem, & vindictam prohibentem: multi tamen illorum naturali tantum ratione, aut humana quadam honestate ducti, non solum quasi libet iniurias sine ullo ulciscendi animo tulerunt, sed etiam conuiciantibus fuerunt benefici. Diuus Basilus aliquos eorum proponit considerandos. Quidam, ait, in foro Periclem probris omnibus incessabat. Quid tum Pericles? nunquid lege talionis usus, pro conuiciis reddidit conuicia? non: sed patientiam, & beneficia reppendit. Nam probra minimè curare visus, toto ferè die sustinuit: deinde vesperi iam discedentem conuiciatorem cum lumine comitatus est. Euclidi Megarensi concitatus animo quidam mortem se iuravit illaturum. Quid Euclides: numquid par retulit pari? minimè; sed iuravit, si inferret mortem patienter laturum; & ei, quamuis infesto, se conciliatum iri. Alius Socratis faciem vehementi impetu percussit. Quid Socrates? numquid alapam alapâ retaliauit?

Vide

Lib. de legendis lib. Gentil.

Vide quid egerit. Minimè commotus est, sed totus est plagis tumidus, ac contusus, ubi percussor cedere destitit, nihil aliud fecisse dicitur, quàm fronti propriæ inscripsisse; *Talis fecit*, veluti statuæ cuidam auctoris nomen. Qua in re præter patientiam, quàm sit turpe alterum lædere, indicavit; noménque lædentis inscripsit, ut posset quisque ab ipso percutiente scire, an de illo Socrates vindictam sumpserit. Hæc ex Dino Basilio.

Adrianus Imperator creatus, adeò contempsit ultionem, ut vni, quem habuerat capitalem, fortè obuiro dixerit: *Euasisti*. Principibus in priuatis offensis debet esse satis potuisse vlcisci: nos verò dicimus, virum Christianum decere nunquam velle vlcisci, quamuis posset. Quærit Ambrosius, cur Christus in horto Petrum gladio percutientem reprehenderit, qui prius iusserat, ut venderetur tunica ad emendum gladium: *Qui non habet, inquit, vendat tunicam, & emat gladium*. Cur igitur is iubet gladium emere, qui eo ferire prohibet? Respondet ille Doctor; *Ut sit parata defensio, non ultio, & videar potuisse vindicare, sed noluisse*.

Augustus Cæsar Cinnæ machinanti sibi necem condonauit, aitque: Cinna, tibi iterum vitam do, prius hosti, nunc insidiatori, ac parricidæ; ei que Consulatum obrulit. Vis exitum? Cinnam habuit perpetuò amicissimum, solus illi fuit hæres. Arcadion, teste Plutarcho, cum non desineret maledicere Philippo, monitusque ut fugeret: at Rex cum occurrisset homini, humaniter cum eo collo-

colloquutus, ac multa dona misit. Postea iussit amicos rogare, quomodo Arcadion de se loqueretur: cunctis autem testificantibus eum hominem iam mirum Philippi laudatorem esse factum. Ego igitur, inquit Rex, melior Medicus sum, quàm vos.

Non est igitur hoc præceptum de non G vindicando obseruatu impossibile, ut quidam dictitant; sed potius facile, ac rationi naturali consentaneum, cum & ipsi Ethnici lumine tantum naturæ illustrati, illud tam accuratè obseruauerint. Qui hoc præceptum dedit Christus, optimè nouit, quid possumus.

Serm. 6. de
temp.

Quia, inquit Augustinus, nec impossibile aliquid potuit imperare, quia iustus est; nec damnaturus est hominem pro eo, quod vitare non potuit, quia pius est. Quid tergiversamur in cassum? nemo enim, quantum possumus, melius nouit, quàm qui nobis ipsum posse donauit. Et alibi idem Doctor probat, nos quidem posse iniurias, & contumelias ferre, sed nolle: sic enim urget;

Serm. 5. de
sanctis.

Si nobis aliqua potens persona iniuriam facit, si nos etiam in faciem maledicit, nec respondere aliquid asperum, non dicam vicem reddere, ausi sumus. Quare hoc? ne ab illa persona potente adhuc maiora, quàm pertulimus, patiamur. Quod à nobis extorquet hominis timor, deberet à nobis exigere Christi amor. Non responderes Principi tibi conuicianti, aut iniuria afficienti; & non vis ignoscere inimico lædenti, Deo præcipiente?

Præterea attende, in quo stadio, & certamine sis; ubi inimicus non talione, sed patientia vincitur. Audi Chrysostomum.

In Olyn

In Olympicis certaminibus diabolo consecratis, lex est, malefaciendo vincere: in stadio Christi omnino lex est contraria; hic enim non enim, qui percutit, sed qui percutitur, coronari decretum est. Illud demum est diuina virtutis, illud caeleste stadium, illud Angelorum theatrum.

In epist. ad Roman.

Caue, ne Cresiphonti Pancratiastæ fias tuâ impatientiâ similis, qui, vt scribit Plutarchus, mulæ recalcitrauit. Nam quemadmodum ridiculi, furiosi que hominis est, equo calcitranti recalcitrare; ita ridiculi, insanique hominis est, inimico iniuriam inferenti iniuriam inferre. Nautæ, cum vehemens ventus, & aduersus spirat, minimè resistunt, quin potius demisso, contractoque velo, ne submergantur, cedunt. Id ipsum facere docet Dominus eos, qui in cælum nauigant, non resistere malo, hoc est, procelloso turbini, iniuriis, contumeliis; sed dimittere velum, ne odij, simultatûmque fluctibus obruantur.

Plutarch.

Cogita tandem, veniam, & miserationem præ se ferre nescio quam iucunditatem, iuxta illud, *Iucundus homo, qui miseretur, &c.* Iucundus, quia Deum imitatur, qui nullatenus vindicta delectatur; imò si illam comminetur, dolere dicitur; sic eum dolentem inducit Moyses: *Tactus dolore cordis intrinsecus, delebo, inquit, hominem, quem creavi, &c.* Iucundus, quia vt filius Dei efficitur, vt sitis filij Patris vestri, qui in calis est, &c. Iucundus, quia de remissione propriorum delictorum securus efficitur. Iucundus, quia se ab illis malis, doloribus, ac mentis cruciatibus, quæ iram, atque indignationem consequuntur, liberum,

Psal. 119.

Genes. 6.

Math. 5.

berum, atque absolutum sentiet. Iucundus, quia summi Dei gratiam se ignoscendo inire cognoscit.

*Æquo animo ferenda hominum
temeraria iudicia.*

C A P V T V.



1. **V**T patienti, & æquo animo A
simus, dum de nobis alij
malè iudicant, consideran-
dum est. Primò, à còndito
orbè omnes bonos, & fan-
ctos obnoxios fuisse temerario iudicio alio-
rum, maximè improborum, & imperfecto-
rum. Sic temerè iudicauit de Abele Càm: de
Iacob Esaù: de Iosepho fratres: de Moyse so-
ror, & alij: de matre Samuëlis Heli: de Dauide
Saùl: de Mardochæo Aman: de Prophetis Iu-
dæi: & in nouo Testamento iidem de S. Ioan-
ne Baptista, & maximè de Christo Salvatore,
qui apud Lucam ea de re conqueritur, dicens;
*Venit Ioannes Baptista, neque manducans pa-
nem, neque bibens vinum, & dicitis; demonium
habet. Venit filius hominis manducans, & bibens,
& dicitis: ecce homo deuorator, & bibens vinum,
amicus Publicanorum, & peccatorum. Ibidem
Simon Phariseus iudicauit Christum non
esse Prophetam, eo quòd permisisset se at-
tingi à muliere peccatrice. Iudas fractionem
alabastrì in caput Christi malè interpretatus
est,*

LUC. 7.

est, cuius iudicium temerarium Christus multis verbis redarguit. Numquid tu melior es Abele, Iacobo, Iosepho, Moyse, Dauide, & Christo ipso, de quibus male mali iudicarunt? Itaque quotiescumque tibi euenerit, ut homines facta tua etiam optima interpretentur in deterrimam partem, dic cum alio Propheta: *Non sum melior quam patres mei.* Attende etiam quid Christus dicat: *Non est discipulus super magistrum. Si patresfamilias Beelzebub vocauerunt, quanto magis domesticos eius?*

3. Reg. 19.

Math. 10.

- B 2. Præterea, tibi omnia illa temeraria iudicia contemnenda sunt, cum ut plurimum malorum sint. Sic enim docuit Apostolos Dominus. Nam cum illi renunciaissent Domino, Phariseos eius sermone fuisse scandalizatos, respondit; *Sinite illos, cæci sunt, & duces cæcorum.* Reuera cæci sunt de aliis temerè iudicantes; quia vel de facto, vel de intentione iudicant: factum non vident, alioqui non esset temerarium iudicium: intentio non potest nisi ab ipso Deo videri; ergo ad utrumque cæci sunt. Cæcus autem, ut aiunt, non potest iudicare de coloribus, quia illos non videt; quod si aliquando de illis iudicare præsumeret, rideres. Similiter, ridendum potius, quam dolendum est, si videamus aliquos iudicare de his, quæ omnino illos latent. Talibus, ut opinor, loquebatur Apostolus, cum diceret; *Mibi pro minimo est, ut à vobis iudicer.* Ac si diceret; à vobis cæcis, à vobis maleuolis iudicari pro nihilo duco, non moror iudicia vestra. Vnde optimè Anselmus

Math. 19.

1. Cor. 4.

selmus

Anselm. in
epist. 1. ad
Corinth. 4.

felmus ait: *Iusti non humana iudicia, sed eterni iudicis examen aspiciunt; atque ideo derogantium verba cum Paulo despicunt.*

Publ. Mim.

Non quid dicant homines de nobis, sed quid simus à nobis, attendere debemus. Propterea, ait quidam, [quis sis interest, non quis habearis.] Quia non ut habearis, sed ut eris, à Domino iudicaberis, cuius tantum sunt tremenda iudicia. Ideo ait Gre-

Orat. de se-
ipso.

gorius Nazianzenus, *quid mea interest, qui rei veritatem magis curo, imò solum curo? hoc enim vel me condemnauerit, vel absoluerit: hoc miserum, vel beatum reddiderit.* Causam autem, cur

August. lib.
2. serm. iii
monte. cap.
29.

contemnere debeamus humana iudicia, reddit Diuus Augustinus. *Quia, inquit, temerarium iudicium plerumque nihil nocet ei, de quo temerè indicatur; ei autem, qui temerè indicat, ipsa temeritas necesse est ut noceat.* Ferto igitur patienter talia iudicia, cum iudicanti, non iudicato noceant. Timeas solum à Do-

2. Reg. 16.

mino, & rideas ab hominibus iudicari. Nam homo videt ea, que parent; Deus autem intuetur cor. Ipse, ait Isaias, *non secundum visionem oculorum indicabit.* Propterea de illius iudicio lo-

Isai. 11.

quens idem Gregorius Nazianzenus eodem loco, sic ait. *Dei iudicium cordatis hominibus pluris faciendum, magisque curandum est, quam omnium hominum in unum coactorum.* Audi etiam

Lib. 3. de
ira. cap 4.

aureum sanè Senecæ dictærum Christiano dignum. [Conscientiæ, inquit, satisfaciamus, nihil in famam laboremus, sequantur vel mala, dum bene mereris.] Idem, quorum sint

Lib. de re-
med. for-
titud.

iudicia magnificianda, ostendit, dum ait: [Mouerer, si malè de me M. Cato; si Lælius sapiens

sapiens , si duo Scipiones ita loquerentur ; nunc malis displicere , laudari est. Non potest ullam auctoritatem habere sententia , ubi qui damnandus est , damnat.]

C Vellem certè interdum teipsum à teipso iudicari : fortè enim permittit Deus , ut ab aliis iudiceris , quia teipsum non iudicas ; quia , ait Apostolus , *si nosmetipsos diiudicemus , non utique indicaremur.* Et utinam hoc nostro , vel humano iudicio formidandum illud Dei iudicium euitemus. Fac , ut Deus te iudicatum inueniat ; ideo , inquit Augustinus , *ascende tribunal mentis tue , esto tibi iudex ante teipsum.* Ferto in te sententiam , sententiam , inquam , non mortis , sed pœnitentiæ , quàm illicò subibis.

1. Cor. 13.

August. in Psal. 49.

Considera etiam exempla eorum , quibus malè cessit , quòd temerariè alios iudicauerint. Nam in primis Maria soror Moysis , quia temerè iudicauit de Moyse , propter uxorem eius Æthiopissam , percussa est lepra. Deinde Heli Sacerdos , quia Helcana coniugem Annam , Dominum toto pectore deprecantem , ex motu labiorum temerè censuit temulentam , è sella deorsum lapsus , fractis ceruicibus expirauit. Adhæc Michol uxor Dauid , quia leuitati , non humilitati attribuit , cùm Dauid ephod lineo accinctus ante arcam Domini saltauit , perpetuam sterilitatis contumeliam incurrit. Et Hanon Rex filiorum Ammon , cùm ex vana suspicione , quasi exploratum terram suam venissent , Legatis Regis Dauidis partem barbæ abradi iussisset , & vestes vsque ad nates

Num. 12.

1. Reg. 2.

2. Reg. 6.

2. Reg. 10.

Z

succidi;

In Vit. Pa-
trum.

succidi; pro barbis rasis, capitis sui diadema;
pro succisis verò vestibus, regnum amisit. In
Vitis Patrum, Isaac Abbas è Thebaïde ad con-
gregationem fratrum venerat, & in ea fratrem
quemdam temerè iudicarat. Hunc ad eremum
egressum Angelus aditu cellæ prohibuit, di-
cens: non permitto te intrare. Quare? in-
quit ille. Tum Angelus: quò ergo iubes ire,
quem iudicasti fratrem? Tum Abbas supplex
Angelo factus; Peccaui, inquit, ignosce mi-
hi. Et Angelus; surge, ignoscit tibi Deus:
sed deinceps ne iudices fratrem, antequam sit
iudicatus à Deo.

Homil. 27.
in epist. ad
Hebræos.

Recordentur, qui temerè de aliis iudicant,
quid Pharisæo acciderit, de quo sic Chrysosto-
mus; *Ille rem veram dicebat; non sum sicut ille Pu-
blicanus; & dicebat nullo audiente, & fuit condem-
natus. Qui falsa, & de quibus non sunt certi, in om-
nes partes transmittunt, quid non mali patientur?
quid non sustinebunt?* Defendit Deus Publica-
num à Pharisæo iudicatum, sic defendet te ab
his, qui te condemnabunt.

Match. 7.

Video præterea illos, qui ab aliis temerè
iudicantur, multos habere patronos, qui eos
defendunt, maximè si conscij sibi non sint
mali, de quo iudicantur. Audiamus in pri-
mis, quid Christus dicat temerariè iudican-
tibus: *Nolite iudicare, ut non iudicemini.* Id est,
nolite homines iudicare, ut non iudicemini
à Deo. Nam, inquit Hieronymus, *aliter ho-
minum linor, aliter Christus iudicat. Non eadem
est sententia tribunalis eius, & anguli susur-
ronum, &c.* Christus autem vult nos arcere à
iudiciis illis temerariis, quia sic iudicantes
nihil

nihil emolumenti nobis comparamus; inò
verò, ait Chrysostomus, *magis in discutiendo, &
perquirendo aliena commissis, labor est; & iudicare
de alterius mente, difficultas summa, &c.* Valdè
perpendenda sunt verba Apostoli ad Roma-
nos scribentis; *Propter quod inexcusabilis es,
ô homo omnis, qui iudicas.* Propter quid inexcusabilis est; quia nullus eum talem iudicem constituit? nullam refert de illo iudicio utilitatem; à nullo cogitur talem ferre sententiam. Propter huiusmodi igitur est coram Deo inexcusabilis.

D. Chrysol.
lib. 1. de
compunctio-
ne cordis.
Ad Rom. 2.

Vide etiam, quomodo inuehatur Diuus Iacobus in temerè iudicantem. *Tu autem quis es, qui iudicas proximum?* Similiter & Diuus Paulus, quasi ægrè ferens illa de te iudicia, sic in iudicantem insurgit: *Tu quis es, qui iudicas alienum seruum?* Et alibi; *Nolite ante tempus iudicare.* Cùm itaque verba illa scripta remaneant, non semel dumtaxat dicta sunt, sed cùm dicta sint à viuentibus in cælis, semper dicuntur viuentibus de te iudicantibus in terris, qui tanto terribiliùs à Deo iudicandi sunt, quanto minùs de iudicio illorum curaueris. Defendit te Christus, defendunt te Apostoli, quid times? *Si Deus pro nobis, quis contra nos?*

Iacobi 4.
Rom. 14.
1. Cor. 11.

E Accedit, quòd aliquando Deus innocentium hominum existimationem etiam per miraculum contra iudiciorum temeritatem defendit.

Refert Surius, Sanctum Brixium Episcopum Turonensem, cùm populus temerè iudicasset eum ex stupro filium genuisse, infan-

Surius in
eius vita

Valerius
Maxim.

tulo recenter nato publicè in conspectum allato, dixisse; Adiuro te per Iesum Christum Dei Filium, ut palam edicas, num genitor tuus sim? & mox respondit, non es. Simile legimus de Diuo Goare apud eundem Surrum, & de Daniele Abbate Ægyptio in vitis Patrum. Et apud Valerium Maximum, præceptum nimium hæc iudicandi ratio in duabus Vestalibus olim conspicua fuit, in Claudia, & Tucia; quæ cum parum sanctè virginitatem conseruasse crederentur, harum una, Claudia scilicet, nauim aduerso flumine pertraxit; altera aquam cribro hausit. Sic fama mendax concidit, & ægrè credulitatis temerariæ pœnitentiam egere, qui stultè nimium iudicauerant. Puniuit Deus temerarios illos iudices, puniet & tuos, siue in hoc sæculo, siue in futuro. Quid conquereris? manifestauit innocentiam eorum, de quibus temerè iudicabatur; manifestabit & tuam, siue ante, siue post mortem, prout ei melius videbitur expedire. Esto contentus.

Galat. 1.

Porro, si placeas hominibus, fortè ab illis non iudicaberis, sed Christi seruus non eris. Quia ait Apostolus; *Si adhuc hominibus placerem, Christi seruus non essem.* Vni ergo Christo placere stude, ut illius sis seruus, non reus; & dic: *Qui iudicat me, Dominus est,* qui scrutatur corda, & renes; & videt, an verum sit in te, quod alij iudicant de te: fac, ut cum eodem Apostolo dicere possis;

2. Cor. 1.

Gloria nostra hæc est, testimonium conscientia nostra. Dummodo tua non te accuset conscientia, iudicium hominum nullum erit.

Hoc

Hoc optabat Diuus Augustinus , cùm cuidam Manichæo , nomine Secundino , diceret : *Senti de Augustino quidquid libet ; sola me in oculis Dei conscientia non accuset.* Nam ait Iuuenalis :

Augustin.
lib. contra
Secund.
cap. 1. tom.
6.
Iuuenal.
satyr. 13.

Hac est summa boni , mens qua sibi conscia recti est.

Interrogatus Bias, quidnam in vita metu vacaret , respondit ; Bona conscientia. Conscientia autem non est aliud , quam scientia , & testimonium , quo anima bene sibi conscia est , sibi que attestatur se purè , & sanctè iuxta Dei legem viuere. Itaque noli malè agere , & tua non te accusabit conscientia : si te non accuset conscientia , non iudicabit te Deus : si Deus non te iudicet , pro minimo tibi sit ab hominibus iudicari.

F Dic præterea cum Iobo ; *Ecce in calo testis meus.* In quæ verba sic scribit Diuus Gregorius : *Sæpe contingit , ut ipsa in nobis bona opera ab incautis hominibus reprehendantur. Sed qui testem in calo habet , reprehensiones hominum metuere non debet.* Idem Gregorius afferens alibi eundem locum Iob , sic scribit. *Qui vita sua in calo testem habet , iudicia hominum in terra pertimescere non debet.* Consolationem vocat Diuus Bernardus bene agendo blasphemari à malis. *Profectò , inquit , bona consolatio est , cùm beneficientes blasphemamur à malis , si recti diligunt nos. Omnino sufficit aduersus os loquentium iniqua , opinio bonorum cum testimonio conscientia.* Deinde , non omnia nostra opera ab hominibus probantur ; quid mirum igitur , si aliquando ab hominibus iudicentur ? Olim

Iob. 16.
lib. 13. moral.
cap. 13.

Lib. 9. Epist.
39.

Bernard.
homil. 24.
in Cantic.

Xenophon dicere solebat :] Non facile est,
 Xenophon
 2. comment. ait, vt reperiri aliquod opus possit, in quo
 nihil à quoquam reprehendatur : est enim
 arduum, ita quidquam perficere, vt non ali-
 cubi pecces. Quòd si etiam sine aliquo er-
 rore quidquam peragat aliquis, difficile est
 non pati, aut inuenire aliquem iniquum iu-
 dicem.]

*Malorum hominum conuersatio,
 eorumque grauamina patien-
 ter sustinenda.*

C A P V T V I.

Genes. 25.



Serm. 78. de
 tempore.

Ysa. 17. in
 Ioan.

Duo filij olim collidebantur in **A**
 vtero materno : quid autem isti
 filij adumbrarent, indicat Di-
 uus Augustinus. Sicut, inquit,
 duo parvuli in vtero Rebecca colli-
 debantur : sic in vtero Ecclesia duo populi ingiter
 aduersantur. In ventre spiritalis Rebecca, id est,
 Ecclesia, duo populi colliduntur, humiles scilicet,
 & superbi: casti, & adulteri, &c. Quamdiu erit
 grauida ista mater, tamdiu durabit illa col-
 lisio. Erit autem grauida vsque ad finem
 mundi: tunc enim bonorum cessabit vexatio,
 quia nulla erit malorum permixtio. Vnde
 idem Diuus Augustinus : Certissimus, inquit,
 quia omnes, qui sumus in corpore Domini, & ma-
 nemus in illo, vt ipse maneat in nobis, in hoc saculo
 necesse habemus vsque in finem inter malos vi-
 vere:

*uere: non inter illos dico malos, qui blasphemant Christum: rari enim iam inueniuntur, qui lingua blasphemant, sed multi, qui vita. Necesse est ergo, ut inter illos usque in finem uiuamus. Sunt enim quidam, qui licet non malè loquantur de Deo, non tamen bene loquuntur de proximo: semper sunt rixantes, litigantes, aut morosi; quorum etsi onerosa sit conuersatio, potest tamen merendi esse occasio. Si igitur cogaris cum malis hominibus versari, fac, ut tua patientia in conuersatione illa merearis conuersationem Angelorum: propterea recordare, quod Abel sustinuerit Cain; Iacob Esau: Leth Sodomiticus ciues: Dauid Saulem, & alij viri sancti multos homines illos persequentes. Itaque, qui voluerit esse ut Abel, sustineat patienter eos, qui fuerint ut Cain. Nam, ait Gregorius, *Abel quippe renuit esse, quem Cain malitia non exercet. Et alibi: Boni si sine malis fuerint perfecti esse boni non possunt; quia minimè purgantur. Abel esse non suspicor, qui Cain non habuerit.* Vis quoque imitari Iacob? æquo feras animo eos, qui imitantur Esau. Cupis sanctificari ut Dauid? patere eos, qui persequuntur ut Saul.*

Lib. 20. moral. cap. 30.
lib. 9. epist. 39.

Quamuis rosa inter pungentes spinas nascatur, non minùs redolet: sic vir probus, licet inter pessimos versetur, dat semper odorem patientiæ. Huiusmodi fuit Iob, qui dicebat; *frater fui draconum, & socius struthionum.* Talis Ezechiel, cui Dominus: *Increduli,* inquit, *& subuersores sunt tecum, & cum scorpionibus habitas.* Hi, cum quibus morabatur Iob, similes erant draconibus; & cum quibus

Iob 30.
Ezech. 2,

Ezechiel, assimilabantur scorpionibus. Interim nec illi dracones, nec huic nocuerunt scorpiones.

Interdum Deus permittit, ut malos habeas socios, ut sint tibi causa merendi: purgantur enim aliquando boni societate malorum. Sit mihi testis Gregorius: *Ipsa, malorum societas, purgatio bonorum est.* Cur igitur de malorum societate, deque illorum persecutione conquereris.

Lib. 9. epist. 39. *Lib. de moribus.* Illum non adhuc esse felicem existimat Seneca, quem turba non deriserit, nec ad beatitudinem peruenisse, qui non contempserit contemni. Illum audiamus. [Nondum felix es, ait, si nondum te turba deriserit. Si beatus esse vis, hoc cogita primum, contemnere ab aliis contemni.] Sed à quibus quis contemnitur, nisi ab his, cum quibus moratur?

Simile. Boni in hoc mundo sunt veluti in aliena domo, mali verò in propria, ideo vocantur à Christo filij huius sæculi: ut plurimum abundantius viuitur in domo propria, quam aliena. Filij alicuius domus, quamdiu in illa sunt audacius loquuntur, ac aliquando insultant, minantur, imperant, exire cogunt: extranei autem vix verbum vnum proferre audent, quia illius domus non sunt, & patienter ferunt quidquid eis à filiis domus dicatur. Sic non est mirandum, si mali in hoc mundo persequantur bonos, imò sæpe eos expellant: sunt enim mali in domo propria; boni verò in aliena. Christus ipse assererat regnum suum non esse de hoc mundo; ideo illum

illum persequuti sunt mali, qui & membra illius semper persequentur. *Non indignemini, fratres, inquit Augustinus, si in mundo mali flo-* Serm. de Patient.
rent, vos aduersa patimini. Mali enim nihil ha-
bent in cælo, & vos nihil habere debetis in terra.
 Quasi dicat: mali nihil habent in cælo, quo exultent; nec boni quidquam debent habere in terra, quo gaudeant; sed hoc tantum gaudeant, quod hic habeant, quo doleant: habent enim secum impios, cum quibus illis commorandum est; impios, inquam, illos persequentur, vexantes, ac sæpe sæpius lædentes, atque ita illorum meritum augentes.

C Pulchrè ostendit idem Doctor, quomodo se habeant ad inuicem iusti & iniusti in hac vita. *Duo genera hominum, inquit, iustorum, & iniquorum, in hac terra, & in hac vita commixta* in Psal. 36. conc. 2.
sunt. Habent singula ista genera proprias intentiones cordis sui. Genus iustorum conatur in sublimia per humilitatem; genus iniquorum præponderat ad inferiora per elationem. Hoc tantum se deprimat, ut surgat; illud se extollit, ut cadat. Ex eo fit, ut unum genus toleret, alterum toleretur; propositumque sit iustis ipsos etiam iniquos in vitam æternam lucrari: propositum autem iniquis reddere mala pro bonis; & eos, qui sibi vitam æternam volunt, si fieri potest, etiam vita temporali priuare. Nemo dubitat, quod isti duo alterutrum sibi oneri sunt, sed diuersis intentionibus: Ad hoc enim iustus iniusto oneri est, quia iniustum eum esse non vult, sed eum iustum fieri & optat votis, & conatur factis. Iniustus autem sic odit iustum, ut nolit eum esse, non ut bonum velis esse: quanto enim bonus est, tanto ille magis

nus: *Ab iniquis; ait: non potes recedere, quia mixta est palea tritico, usque dum ventiletur in ipsa area. Mirares est de tritico; recedit à palea, cum expoliatur; & non recedit ab area, dum trituratur. Quando autem omnino separabitur? cum venerit ventilator. Ergo modò area in orbe terrarum est, necesse est, ut si proficis, inter iniquos vivas. Ab iniquis recedere non potes, ab iniquitate recede. Odio habeas semper malas peccatorum actiones, sed illorum pro Christo sustineas persecutiones. Noli dolere, quòd te vexent, sed quòd Deo peccent. Non participat triticum de natura paleæ; sic nec tu de malignitate peccatorum participare debes. Valdè laudabile est vitiis alienis tribulari, non implicari: mœrere, non hærere; dolore contrahi, non amore attrahi.*

Chrysost.in
Genel. c. 6.

Diuus quoque Chrysostomus ostendit E
nihil nobis esse nocuenti, inter malos versari, imò Deum conuersionem illam ob maius bonum permittere. *Nam, inquit, ideo misericors Deus sic dispensauit, ut simul essent boni & mali, quòd malorum subneruaretur malitia, bonorumque virtus clariùs elucesceret; & desides, ac studiosi plurima commoda lucrifacerent, modò vellent.*

Genel 6.

Inter malos olim versabatur Noë, nec propterea inquinatus est, cum inter eos, teste Scriptura, semper *vir iustus, atque perfectus fuerit.* Non illorum malas imitabatur actiones, sed illorum potiùs patiebatur persecutiones; impugnabatur, sed non expugnabatur: non poterat à malis illis hominibus recedere; sed potuit à prauis illorum operibus

ribus abstinere: miscebatur quidem pessimis hominibus, sed non implicabatur eorum actibus: seruauit iustitiam inter iniustos; continentiam inter lubricos; deuiantes non sequebatur; & tamen inter illos morabatur. Vnde de illo idem Chrysostomus. Noë, inquit, *multos habebat, imò omnes, qui ad mala, & ad praua opera inhortabantur; & nullus erat, qui ad bonum induceret: & tam domestica illi virtus erat, ut viam diuersam à vulgari, quam omnis multitudo inanibulabat, iret; adimplens illud, quod Moyses olim dicturus erat: Ne sit cum multis in malitia; & illud: Melior est unus faciens voluntatem Domini, quàm innumeri prauaricatores.* Ne verearis igitur eos sustinere, qui tibi non possunt nocere, crisque admirabilis: nam Aristippus interrogatus, quid esset admirandum in vita: vir probus, inquit, & moderatus; quoniam etsi inter improbos agat, non tamen peruertitur. Ibidem.

Valdè tamen vtile erit, dum commodè fieri potest, malorum societatem, & conuersationem fugere; & præcipuè eorum, qui vel impellunt ad peccatum, aut peccandi sunt occasio. Refert Valerius Maximus, quòd dum quidam stolidus audiente Pythagora diceret; Mallem cum mulieribus esse, quàm cum Philosophis conuersari; & sues, inquit, in cæno libentiùs, quàm in pura aqua versantur. Non dissimiles iudicabat ille Philosophus fordidis illis animalibus eos, quibus illorum grata erat periculosa conuersatio. Aristipp.

nus: *Ab iniquis; ait: non potes recedere, quia mixta est palea tritico, usque dum ventiletur in ipsa area. Mirares est de tritico; recedit à palea, cum expoliatur; & non recedit ab area, dum trituratur. Quando autem omnino separabitur? cum venerit ventilator. Ergo modò area in orbe terrarum est, necesse est, ut si proficis, inter iniquos vivas. Ab iniquis recedere non potes, ab iniquitate recede. Odio habeas semper malas peccatorum actiones, sed illorum pro Christo sustineas persecutiones. Noli dolere, quòd te vexent, sed quòd Deo peccent. Non participat triticum de natura paleæ; sic nec tu de malignitate peccatorum participare debes. Valdè laudabile est vitiis alienis tribulari, non implicari: mœrere, non hærere; dolore contrahi, non amore attrahi.*

Chrysost. in
Genes. c. 6.

Diuus quoque Chrysostomus ostendit **E** nihil nobis esse nocuenti, inter malos versari, imò Deum conuersionem illam ob maius bonum permittere. *Nam, inquit, ideo misericors Deus sic dispensauit, ut simul essent boni & mali, quòd malorum subneruaretur malitia, bonorumque virtus clariùs elucesceret; & desides, ac studiosi plurima commoda lucrifacerent, modò vellent.*

Genes. 6.

Inter malos olim versabatur Noë, nec propterea inquinatus est, cum inter eos, teste Scriptura, semper *vir iustus, atque perfectus fuerit*. Non illorum malas imitabatur actiones, sed illorum potiùs patiebatur persecutiones; impugnabatur, sed non expugnabatur: non poterat à malis illis hominibus recedere; sed potuit à prauis illorum operibus

ribus abstinere: miscebatur quidem pessimis hominibus, sed non implicabatur eorum actibus: seruauit iustitiam inter iniustos; continentiam inter lubricos; deuiantes non sequebatur; & tamen inter illos morabatur. Vnde de illo idem Chrysostomus. *Noë, inquit, multos habebat, imò omnes, qui ad mala, & ad praua opera inhortabantur; & nullus erat, qui ad bonum induceret: & tam domestica illi virtus erat, ut viam diuersam à vulgari, quam omnis multitudo inanibulabat, iret; adimplens illud, quod Moyses olim dicturus erat: Ne sit cum multis in malitia; & illud: Melior est unus faciens voluntatem Domini, quàm innumeri prauaricatores. Ne verearis igitur eos sustinere, qui tibi non possunt nocere, crîsque admirabilis: nam*

Ibidem.

Aristipp.

Valdè tamen vtile erit, dum commodè fieri potest, malorum societatem, & conuersationem fugere; & præcipuè eorum, qui vel impellunt ad peccatum, aut peccandi sunt occasio. Refert Valerius Maximus, quòd dum quidam stolidus audiente Pythagora diceret; Mallem cum mulieribus esse, quàm cum Philosophis conuersari; & sues, inquit, in cœno libentiùs, quàm in pura aqua versantur. Non dissimiles iudicabat ille Philosophus sordidis illis animalibus eos, quibus illorum grata erat periculosa conuersatio.

Lib. 7. de memorab. dictis.

Plus

nus: *Ab iniquis; ait: non potes recedere, quia mixta est palea tritico, usque dum ventiletur in ipsa area. Mirares est de tritico; recedit à palea, cum expoliatur; & non recedit ab area, dum trituratur. Quando autem omnino separabitur? cum venerit ventilator. Ergo modò area in orbe terrarum est, necesse est, ut si proficis, inter iniquos vinas. Ab iniquis recedere non potes, ab iniquitate recede. Odio habeas semper malas peccatorum actiones, sed illorum pro Christo sustineas persecutiones. Noli dolere, quòd te vexent, sed quòd Deo peccent. Non participat triticum de natura paleæ; sic nec tu de malignitate peccatorum participare debes. Valdè laudabile est vitiis alienis tribulari, non implicari: mœrere, non hærere; dolore contrahi, non amore attrahi.*

Chrysost.in
Genel. c. 6.

Diuus quoque Chrysostomus ostendit E
nihil nobis esse nocuenti, inter malos versari, imò Deum conuersationem illam ob maius bonum permittere. Nam, inquit, *ideo misericors Deus sic dispensauit, ut simul essent boni & mali, quòd malorum subnueretur malitia, bonorumque virtus clariùs elucesceret; & desides, ac studiosi plurima commoda lucrifacerent, modò vellent.*

Genel 6.

Inter malos olim versabatur Noë, nec propterea inquinatus est, cum inter eos, teste Scriptura, semper vir iustus, atque perfectus fuerit. Non illorum malas imitabatur actiones, sed illorum potiùs patiebatur persecutiones; impugnabatur, sed non expugnabatur: non poterat à malis illis hominibus recedere; sed potuit à prauis illorum operibus

ribus abstinere: miscebatur quidem pessimis hominibus, sed non implicabatur eorum actibus: seruauit iustitiam inter iniustos; continentiam inter lubricos; deuiantes non sequebatur; & tamen inter illos morabatur. Vnde de illo idem Chrysostomus. Noë, inquit, multos habebat, imò omnes, qui ad mala, & ad praua opera inhortabantur; & nullus erat, qui ad bonum induceret: & tam domestica illi virtus erat, ut viam diuersam à vulgari, quam omnis multitudo inambulabat, iret; adimplens illud, quod Moyses olim dicturus erat: Ne sit cum multis in malitia; & illud: Melior est unus faciens voluntatem Domini, quàm innumeri prauaricatores. Ne verearis igitur eos sustinere, qui tibi non possunt nocere, etisq; admirabilis: nam Aristippus interrogatus, quid esset admirandum in vita: vir probus, inquit, & moderatus; quoniam etsi inter improbos agat, non tamen peruertitur.

Ibidem.

Aristipp.

Valdè tamen vtile erit, dum commodè fieri potest, malorum societatem, & conuersationem fugere; & præcipuè eorum, qui vel impellunt ad peccatum, aut peccandi sunt occasio. Refert Valerius Maximus, quòd dum quidam stolidus audiente Pythagora diceret; Mallem cum mulieribus esse, quàm cum Philosophis conuersari; & sues, inquit, in ceno libentiùs, quàm in pura aqua versantur. Non dissimiles iudicabat ille Philosophus sordidis illis animalibus eos, quibus illorum grata erat periculosa conuersatio.

Lib. 7. de memorab. dictis.

Plus.

Ezechiel, assimilabantur scorpionibus. Interim nec illi dracones, nec huic nocuerunt scorpiones.

Interdum Deus permittit, ut malos habeas socios, ut sint tibi causa merendi: purgantur enim aliquando boni societate malorum. Sit mihi testis Gregorius: *Ipsa, malorum societas, purgatio bonorum est.* Cur igitur de malorum societate, deque illorum persecutione conquereris.

Lib 9. epist.
39.

Lib de moribus.

Illum non adhuc esse felicem existimat Seneca, quem turba non deriserit, nec ad beatitudinem peruenisse, qui non contempserit contemni. Illum audiamus. [Nondum felix es, ait, si nondum te turba deriserit. Si beatus esse vis, hoc cogita primum, contemnere ab aliis contemni.] Sed à quibus quis contemnitur, nisi ab his, cum quibus moratur?

Simile.

Boni in hoc mundo sunt veluti in aliena domo, mali verò in propria, ideo vocantur à Christo filij huius sæculi: ut plurimum abundantius vivitur in domo propria, quam aliena. Filij alicuius domus, quamdiu in illa sunt audacius loquuntur, ac aliquando insultant, minantur, imperant, exire cogunt: extranei autem vix verbulum vnum proferre audent, quia illius domus non sunt, & patienter ferunt quidquid eis à filiis domus dicatur. Sic non est mirandum, si mali in hoc mundo persequantur bonos, imò sæpe eos expellant: sunt enim mali in domo propria; boni verò in aliena. Christus ipse assererat regnum suum non esse de hoc mundo; ideo illum

illum persequuti sunt mali, qui & membra illius semper persequentur. *Non indignemini, fratres, inquit Augustinus, si in mundo mali flo-* Serm. de Patient.
rent, vos aduersa patimini. Mali enim nihil ha-
bent in celo, & vos nihil habere debetis in terra.

Quasi dicat: mali nihil habent in celo, quo exultent; nec boni quidquam debent habere in terra, quò gaudeant; sed hoc tantum gaudeant, quòd hic habeant, quo doleant: habent enim secum impios, cum quibus illis commorandum est; impios, inquam, illos persequentes, vexantes, ac sæpe sæpius lædentes, atque ita illorum meritum augentes.

C Pulchrè ostendit idem Doctor, quomodo se habeant ad inuicem iusti & iniusti in hac vita. *Duo genera hominum, inquit, iustorum, & iniquorum, in hac terra, & in hac vita commixta* in Psal. 36. conc. 2.
sunt. Habent singula ista genera proprias intentiones cordis sui. Genus iustorum conatur in sublimia per humilitatem; genus iniquorum preponderat ad inferiora per elationem. Hoc tantum se deprimat, ut surgat; illud se extollit, ut cadat. Ex eo fit, ut unum genus toleret, alterum toleretur; propositumque sit iustis ipsos etiam iniquos in vitam æternam lucrari: propositum autem iniquis reddere mala pro bonis; & eos, qui sibi vitam æternam volunt, si fieri potest, etiam vitam temporali priuare. Nemo dubitat, quòd isti duo alterutrum sibi oneri sunt, sed diuersis intentionibus: Ad hoc enim iustus iniusto oneri est, quia iniustum eum esse non vult, sed eum iustum fieri & optat votis, & conatur factis. Iniustus autem sic odit iustum, ut nolit eum esse, non ut bonum velit esse: quanto enim bonus est, tanto ille magis

oneri est iniquitati illius; & laborat quidem, si fieri potest, ut eum iniustum faciat; si autem non potest, de medio iollat, & à suo radio, molestiâque remoueat. Caueas igitur, ne iniquorum persecutione fias iniquus; hoc enim intendunt iniqui: sed ut ad intentum nunquam perueniant, patienter ferto illorum vexationes.

Erant olim inter Gentiles aliqui aliis nequiores; sed qui minùs erant iniqui, sæpe ab illis nequioribus vexabantur, illorûmque vexationes forti & æquo animo ferebant. Hæc cum legisset Tertullianus, spernebat omnia, quæ à Gentilibus sui temporis tormenta Christiani patiebantur, illâque obieciabat, ac ostendebat exemplo multorum Gentilium pro inani quadam gloria multa acerba ferentium, debere nos patienti animo pro Christo magis tolerare omnia aduersa, quæ nobis immittuntur ab his, cum quibus versamur: sic enim ille ad Gentes. *Licet, inquit, nunc Sarmanticios, & Semaxios appelles, quia ad stipem dimidij axis reuincti sarmenorum ambitu exurimur: hic est habitus victoria nostra, hac palmata vestis, tali curru triumphamus. Apud vos quoque, ô Gentes, Mutius dextram suam libens in ara reliquit. O sublimitas animi! Empedocles totum se Catanensium Etnæis incendiis donauit. O vigor mentis! Regulus, ne unus pro multis hostibus vinceret, toto corpore cruce patitur. O fortem virum, & in captiuitate victorem! Anaxarchus, cum in exitium prisana pilo contunderetur; Tunde, tunde, ait Anaxarchi follem, Anaxarchum enim non tundis. Attica meretrix, carnifice iam fatigato, postremò linguam suam*

Apolog. c. 50. contra Gentes.

suam comestam in Tyranni saeuientis faciem expuit; ut expueret & vocem, ne coniuratos confiteri posset, si etiam victa voluisset. Zeno Aleates consultus à Dionysio, quidnam Philosophia præstaret, cum respondisset, contemptum mortis, impassibilis flagellis Tyranni obiectus sententiam suam ad mortem usque signabat. Si hæc tolerauere Gentiles ab his, cum quibus versabantur; cur non patiemur & nos, si quid nobis contingat aduersi malitia eorum, cum quibus morari cogimur?

D Laude dignus ille est, qui etiam inter malos bene operari nouit; sicut maximo est ei vituperio, qui inter bonos non vult esse bonus. Quid hac de re sentiat Gregorius, Lib. I. moral. in. cap. I. Iob. audiamus. *Sicut, inquit, grauioris culpe est, inter bonos bonum non esse: ita immensi est praconi, bonum etiam inter malos existisse.* Sed qua ratione poterit quis esse bonus, nisi malorum fugiendo peccamina, illorum patienter sustineat grauamina? Cæterum, non deerit, qui te consoletur, Deus; si non desit, qui te persequatur, homo. Deum habebis consolatorem, pro quo sustinuisti persequutorem. Teste eodem Gregorio, *nemo perfectè bonus est, nisi qui fuerit & cum malis bonus.*

Fieri nullo modo potest, ut quamdiu sumus in hoc mundo, sine aliquibus malis hominibus viuamus. Sicut non potest esse triticum sine palea, quamdiu in area, vel in agro est; poterit quidem triturrari, sed non omnino à palea separari, donec ventiletur: possumus etiam nos sine iniquitate viuere, in Psal. 91. sed non sine iniquis. Vnde Diuus Augustinus:

nus: *Ab iniquis*; ait: *non potes recedere, quia mixta est palea tritico, usque dum ventiletur in ipsa area. Mirares est de tritico; recedit à palea, cum expoliatur; & non recedit ab area, dum trituratur. Quando autem omnino separabitur? cum venerit ventilator. Ergo modò area in orbe terrarum est, necesse est, ut si proficis, inter iniquos vivas. Ab iniquis recedere non potes, ab iniquitate recede. Odio habeas semper malas peccatorum actiones, sed illorum pro Christo sustineas persecutiones. Noli dolere, quòd te vexent, sed quòd Deo peccent. Non participat triticum de natura paleæ; sic nec tu de malignitate peccatorum participare debes. Valdè laudabile est vitiis alienis tribulari, non implicari: mœrere, non hærere; dolore contrahi, non amore attrahi.*

Chrysost. in
Genes. c. 6.

Diuus quoque Chrysostomus ostendit E
nihil nobis esse nocuenti, inter malos versari, imò Deum conuersionem illam ob maius bonum permittere. *Nam, inquit, ideo misericors Deus sic dispensauit, ut simul essent boni & mali, quòd malorum subneruaretur malitia, bonorumque virtus clariùs elucesceret; & desides, ac studiosi plurima commoda lucrifacerent, modò vellent.*

Genes 6.

Inter malos olim versabatur Noë, nec propterea inquinatus est, cum inter eos, teste Scriptura, semper *vir iustus, atque perfectus fuerit*. Non illorum malas imitabatur actiones, sed illorum potiùs patiebatur persecutiones; impugnabatur, sed non expugnabatur: non poterat à malis illis hominibus recedere; sed potuit à prauis illorum operibus

ribus abstinere: miscebatur quidem pessimis hominibus, sed non implicabatur eorum actibus: seruauit iustitiam inter iniustos; continentiam inter lubricos; deuiantes non sequebatur; & tamen inter illos morabatur. Vnde de illo idem Chrysostomus. Noë, inquit, *multos habebat, imò omnes, qui ad mala, & ad praua opera inhortabantur; & nullus erat, qui ad bonum induceret: & tam domestica illi virtus erat, ut viam diuersam à vulgari, quam omnis multitudo inanibulabat, iret; adimplens illud, quod Moyses olim dicturus erat: Ne sit cum multis in malitia; & illud: Melior est unus faciens voluntatem Domini, quàm innumeri prauaricatores.* Ne verearis igitur eos sustinere, qui tibi non possunt nocere, erisque admirabilis: nam Aristippus interrogatus, quid esset admirandum in vita: vir probus, inquit, & moderatus; quoniam etsi inter improbos agat, non tamen peruertitur.

Valde tamen vtile erit, dum commodè fieri potest, malorum societatem, & conuersationem fugere; & præcipuè eorum, qui vel impellunt ad peccatum, aut peccandi sunt occasio. Refert Valerius Maximus, quòd dum quidam stolidus audiente Pythagora diceret; Mallem cum mulieribus esse, quàm cum Philosophis conuersari; & sues, inquit, in cœno libentiùs, quàm in pura aqua versantur. Non dissimiles iudicabat ille Philosophus sordidis illis animalibus eos, quibus illorum grata erat periculosa conuersatio.

Plus sibi nocent inimici iniurias inferendo, quàm nobis; idcirco non dolendum, sed illis est condolendum.

CAPVT VII.

Alb. Magn.



EST quædam species Vnicornis, quæ, secundum Albertum, vehementer odit quemcumque rubeum colorem: unde si videat hominem rubeis indutum, maximo cum impetu occurrit ad illum occidendum: verum si iuxta aliquam arborem ipse se abscondat, tunc huiusmodi animal cornu suo adedò fortiter in arborem irruit, illudque in ea ita figit, vt inde extrahere nullò modo valeat, atque ita ipsomet cornu capitur, quo alium ferire, & occidere nitetur. Eodem planè modo contingit inimico nobis nocere nolenti: Scriptura enim non potest falli, quæ ait; *Qui fodit foueam, incidet in eam; & qui laqueum alteri ponit, peribit in illo; & qui statuit lapidem proximo, offendet in eo.* Et rursus: *Qui emittit lapidem, reuertitur ad eum.* Hoc patet in Aman, qui in eodem patibulo fuit suspensus, quod Mardocheo parauerat.

Eccl. 17.

Prou. 26.

Si quis ense lapidem feriat, non lapis, sed ensis læditur, quippe qui percussione obtunditur. Tela emissæ, si duritiem lapidis offenderint,

derint, nonnunquam reperiuntur in eum, qui
emissit; reciproco impetu sæuiunt. Sic iniu-
riæ ab inimicis illatæ, si te patientia mu-
nitum offenderint, in inferentem reuertentur,
qui, quod non doleas, dolebit; cum ideo
lædat, ut doleas. Audi Tertullianum: *Idcirco* Lib. de pa-
quis te lædit, ut doleas; quia fructus lædenti in tient. cap. 8.
dolore læsi est. Ergo cum fructum eius non dolendo
euertis, ipse doleat necesse est amissione fructus
sui. Diuus quoque Hieronymus ostendit,
lædentem maximè confundi, & cruciari
patientia læsi. Nihil, inquit, ita confusam facit In epist. ad
iniuriam agentis, sicut fortis, & mitis patientia Hebræos.
tolerantis, & neque in opere, neque in lingua se
vindicantis.

B Aliis nocentes similes sunt vulpeculis, ad
quarum caudas iunctæ, ac ligatæ erant faces,
ad comburendas Philistinorum segetes, quas Iudic. 15.
quidem incenderunt, sed seipsas consumma-
runt. Sic mali, dum aliis nocere quærunt,
sibi primùm damnum acquirunt. Comparat
Diuus Augustinus malitiam, siue iniuriam
faculæ incensæ, quæ priùs ardet, & consu-
mitur, quàm aliud incendat. *Faculam, inquit,* In Psal. 34.
apponis, ut aliquid incendat; numquid non ipsa
facula prior ardet, ut aliquid possit incendere?
Malitia autem procedit ex te, & quem priùs
vastat, nisi te? Equidem dico, quod geri potest, ut
malitia tua alteri non noceat, ut autem tibi non no-
ceat, fieri non potest. Aliquando malitia tua
non nocebit patienti, tibi verò semper noce-
bit lædenti.

Muræna non potest priùs aquaticos an-
gues in alienam perniciem parere, quàm
propriam

proprium suum ventrem, in quo concepti fuerant, eroserit : ita quiuis iniustus malitiam suam primus experitur, antequam in alios effundat. Ideo multi connatam sibi bilem excitantes ex iracundia multa, prius obicere, quàm hostes suos vlti sint. Vnde idem Au-

In Psal. 36. *gustinus : Iniustitia, inquit, iniusti tibi nocet, & illi non nocet? unde fieri potest, ut non iniquitas eius, qua per eius indignationem, & odium procedit ad ledendum te, non prius ipsum vastet intus, quàm te tentet foris? Tuum corpus premit aduersus, illius animam putrefacit iniquitas. Et infra: Quidquid in te profert inimicus, in illum redit. Eius persecutio te facit purgatum; illum reum. Cui ergo plus nocet?*

Ibidem.

Idem Doctor lædentes ait esse similes his, qui, ut alterius tunicam concidant, per suum proprium corpus gladium traiciunt; ideo illos insanire dicit, eosque meritò irridet. *Quale est, inquit, scire gladio, nec posse occidere, nisi corpus inimici, & posse occidere animam suam? decipiunt, contra se faciunt, insaniunt, non se vident; tamquam si vellet aliquis per corpus suum ferrum traicere, ut concideret tunicam alterius. Attendis quò peruenisti, & non attendis qua traiecisti; illius concidisti vestem, sed tuam perforasti carnem. Constat ergo plus esse, quòd se ledunt iniqui, & quòd sibi nocent, quàm quòd sibi videntur nocere illis, qui oderunt. Sententia Domini est, aliter fieri non potest; & arcus eorum frustrentur. Quid est, frustrentur? Nihil nocent iusto.*

Zachar. 2.

Loquens Deus per Prophetam his, qui ab C
inimicis læduntur, sic ait : *Qui tangit vos,*
tangit

tangit pupillam oculi mei. Secundum versionem Septuaginta sic est legendum : *Qui tangit vos, tangit pupillam oculi sui.* Plantinus quoque testatur se vidisse duo exemplaria vulgatæ editionis, in quibus legebatur, *oculi sui.* Quibus verbis innuit Dominus, lædentes plus sibi nocere, quàm his, quos lædunt, cum eos lædendo pupillæ sui proprij oculi noceant: tanto enim est læsio grauior, quanto pars læsa est nobilior. Obseruat Plinius, pupillam quamuis paruam, integram hominis effigiem reddere; additque non esse in hominis ægritudine timendam mortem, quamdiu oculorum pupillæ imaginem reddunt: quòd si non redderent, esset locus timendi. [Augurium, inquit, ex homine ipso est non timendi mortē in ægritudine, quamdiu oculorum pupillæ imaginem reddunt.] Si itaque inimicus lædens te, lædat & pupillam suam, lædetur illa effigies, quia in illa non apparebit; atque ita præsagium quoddam erit futuræ mortis, non tam corporalis, quàm æternæ.

Secundum autem communem versionem; *Qui tangit vos, tangit pupillam oculi mei;* dicendum est, Deum voluisse etiam hac loquendi formulâ ostendere, quàm graue sit peccatum lædentium proximum: cum Iudæorum, qui Christum iniuriis affecerunt, grauius sit. Iudæi quidem in faciem Christi conspuerunt, alapis cæciderunt, colaphizarunt: totum corpus flagellauerunt: manus & pedes clauis transfixerunt: ori fel obtulerunt: latus lancea aperuerunt, nunquam

Cœl. lib. 3.
cap. 28.

tamen eos pupillam oculi eius percussisse legitur. Qui verò proximum tangit, & lædit, pupillam oculi Dei lædere dicitur, ac proinde læsæ maiestatis diuinæ reus efficitur, cùm membrum percutiat diuinum. Galenus enim, teste Cœlio, vocat pupillam, diuinum membrum. Stoici quoque, referente eodem, hanc partem Dei appellatione honestare non sunt veriti. Proximo igitur inferre iniuriam, non tam est illum lædere, quàm Deum, ac seipsum offendere.

Similia.

Homil. 44.
in 1. ad Corin-
th.

Quemadmodum calcans semetipsum excoquit: & adamantem percutiens seipsum lædit: qui in stimulos calcitrat, seipsum ferit: & qui duros filices manu cædit, ipse, non lapides vapulat. Ita, qui aliis infensus, & iniurius est, seipsum priùs, & magis offendit, quàm alios; quia, multa sibi infert damna, & incommoda; nam non quiescit, non dormit, non comedit, donec vlciscendi appetitum expleat; & ut obseruat Chrysostomus, gladio suo seipsum petit, & interimit, qui alteri nocere quærit. *Imaginare, inquit, hominem, qui vindicari optans, gladium stringit; & ut inimicum feriat, seipsum sciens, & volens eodem gladio transfodit: numquid non hunc mente omnino captum dices?* Ita insanit alium lædens, cùm magis seipsum lædat: quia gladium quærit, quo se iugulet, foueamque parat, qua viuus sepeliatur.

Ratio autem, cur alium lædens sibi plus, quàm alteri noceat, hæc est, quia nimirum ei dumtaxat in corpore, aut diuitiis, vel honore, & fama, aut denique in rebus temporariis

rariis officit : sibi verò in anima , æternam
 asciscens & accumulans damnationem.
 Quamobrem ei potius dicere possumus: mi-
 serere tibi, quàm miserere inimico tuo. Hoc
 patet in Dauide fugiente Saülis persecutio-
 nem , ac latitante in spelunca , in quam in-
 traui Saül , quem poterat Dauid tunc occi-
 dere, sed noluit, imò verò sic rogabat : *Mise-* Psalm. 56.
re me, Deus, miserere mei, quoniam in te confi-
dit anima mea. Lyranus rationem assignat Lyan.
 ipsius repetitionis , & ingeminationis : sic
 enim scribit. *Secundùm quod dicit Rabbi Salo-*
mon, semel dicit Dauid ; miserere mei, Deus ; pe-
tens ne occideretur à Saüle. Secundo, petens ne
Saül occideretur ab ipso. Ideò suadentibus so-
 ciis, vt in illa opportuna occasione cum in-
 terficeret, respondit : *Propitius sit mihi Domi-* 1. Reg. 24.
nus, non faciam hanc rem. Non dixit; propitius
 sit ei Dominus ; sed mihi : quia illum occi-
 dendo, priùs animam propriam , quàm cor-
 pus Saülis interfecisset ; ac proinde magis
 sibi , quàm ei nocuisset. Sibi igitur Dauid
 bene consuluit , quando Saüli non nocuit.
 Magna etiam nobis præstatur misericordia,
 quando inimicis non nocemus ; quia maxi-
 mum damnum nobis intulissemus. Hanc
 misericordiam postulabat Dauid, ne scilicet
 inimicum interficeret: optabat quoque illam
 inimico conferri, ne ei noceret.

E Idem Dauid sic de inimicis suis conque-
 rebatur ; *Circumdederunt me sicut apes , &c.*
 Si quibusdam credere fas est ; illos dicimus
 ab apibus citiùs pungi , qui adulterio , aut
 aliqua alia libidine sese commacularint.

Aristot. lib.
3. de ani-
mal. c. 12.

Lib. de vit.
beat. c. 49.

Simon Ma-
iol. tom. 1.
can. dier.

In Examer.

Fortè Dauid erat tunc adulterio coinquinatus : ideo sibi videbatur ab apibus pungi, quando ab inimicis circumdabatur, & impetebatur : aut potius idcirco inimicos illum insectantes apibus comparat, quia illis idem, quod apibus contingere cernebat. Sunt enim apes inter animalia iracundissimæ, ac pro corporis captu pugnacissimæ ; & dum aculeo percutiunt, euiscerantur, quia cum aculeo exeunt intestina ; atque ita moriuntur : dolorem quidem percussio inferunt, sibi autem mortem. Idem inimicis nos lædentibus contingit : debacchantur, percutiunt, vulnerant ; sed seipsum magis cruentant, sibi-que maius damnum inferunt. Idcirco illud Senecæ eis merito dicere possumus. [Infelixcem linguam bonorum exercete conuicio : instate, commordete, citius multò frangetis dentes, quàm imprimetis.]

Dicunt nonnulli dari aliquas apes non habentes aculeum ; vel si habeant, non eo vtuntur : sicut de Rege apum scribunt Ambrosius, Basilius, & alij ; cui quidem est aculeus, sed eo nunquam vtitur. Fœliciores igitur reperiuntur illæ apes, quæ carent aculeo, quia minùs periclitantur morte : nam aculeata apes, si Regis exemplum sequi neglexerit, sed stimulata aculeum iniecerit, morietur, vt iam diximus : idem continget vlscisci volentibus, vltio enim in vlsciscentis caput incidit.

Non est silentio prætereundum, quod etiam de apibus obseruant iidem Doctores, Si quis apes oleo casu perfundat, propè necantur,

cantur, eo quòd obstructis poris aëreum illud spiramen haurire non possunt; at continuo si quis acetum iis superinfundat, illicò reuiuiscunt, eo quòd citò vis aceti poros illos aperire dicitur. *Apes*, inquit Basiliius, *In Examer. homil. 8.*
oleo madefacta pereunt, meatibus obstructis: aceto autem statim effuso rursus reuiuiscunt. Ex quo discimus, quòd patientia, & misericordia, cuius præcipuè oleum symbolum est, ira necatur inimici: vindicta verò aceto repræsentata, reuiuiscit. Audi Tertullianum: *Fatigetur improbitas patientia tua. Plus improbum cadis sustinendo. Ab eo vapulabit, cuius gratiâ sustines.* Vides igitur, non immeritò Dauidem hostes suos apibus comparasse, apibus, inquam, stimulantibus, atque ex eo plus sibi nocentibus.

F Cæterum, nullis impiorum insectationibus, calumniis, & impropriis lædetur vir probus: sed si quod sit damnum, in lædentes omnino cadet; quod optimè probat Chrysostomus hac similitudine. *Ponamus*, inquit, *Homil. 43. in Matth.*
mirabilem quemdam, atque insignem esse virum, quem omnes adulterum, furem, sepulchrorum inuasorem, homicidam, latronem pradicent: ille verò nec irritetur, nec molestè ferat, nec alicuius huiusmodi rei conscius sit. Qua igitur vituperatione lædetur? nulla profectò. Quid, inquires, si multi malam de ipso habeant opinionem? nulla, inquam, vituperatione laesus est; sed illi se vituperant, qui alium, quàm decet, virum talem existiment. Dic, quaso, si quis Solem tenebrarum authorem existimet, Soline, an sibi detrahit? sibi videlicet ipsi, cum amentis, & insanientis opinionem conse-

quatur. Eodem planè modo, qui bonos pranos esse putant, seipsos vituperant. Sic ille, sentiens syncophantam sibi priùs quàm alteri nocere. Vnde & Hieronymus: *Apud Christianos, non qui patitur, sed qui contumeliam facit, miser est.*

Epist. ad
Eustoch.

Simile.

Quemadmodum qui candelam ardentem digitis propriis mungit, candelæ quidem lumen clarius efficit; suos autem digitos adurit, & contaminat: sic qui iusto detrahit, aut contra proximum obmurmurat, suam quidem mentem, & conscientiam, & linguam contaminat, & reatu peccati adurit; iusto autem meriti materiam præbet, eiùsque famam celebriorem reddit. Nunquam Deus Moysen magis laudauit, quàm dum Aaron contra eum murmurauit: Aaron murmurando fratrem Deo commendauit, sed seipsum contaminauit.

Num. 32.

Sunt detractores, & maledici porcis, & suis similes, quæ amœnissimum hortum pulchris, & odoriferis floribus consitum ingressæ, flores non attingunt, sed fimum, si quis fortè in angulo est; aut lutulentam lacunam ipuenientes, in ea se volutant, illam euentilant. Vnde de maledico conuiciatore eleganter dixit Diuus Bonauentura, quoddam modum porci, ubi ponit pedem, ibi & os; & sicut canis macelli semper habet os sanguinolentum. Sicut igitur sues eodem luto se fœdant, in quo se volutant, eoque se tanquam vestimento sordido induunt; ita conuiciatores seipsos conuiciis inficiunt, quibus alios afficiunt. De vnoquoque illorum sic Dauid: *Dilexit maledictionem, & veniet ei. Induit maledictio*

In dicta
salutis. cap.
19.

Psal. 108.

ledictionem, sicut vestimentum. Fiat ei sicut vestimentum, quo operitur; & sicut zona, qua semper praeingitur. Sunt verba significantissima, quibus docet Spiritus sanctus, detractores, murmuratores, susurrone, maledicos, idem prius, & grauius passuros, quod contra proximum fecerunt. Quæ cum ita sint, non debemus dolere, sed eis condolere: non iniurias referre, sed patienter ferre.

Prouidentiâ Dei ad utilitatem nostram prouenit, quidquid ab inimicis patimur, ideo aquanimiter tolerandum.

CAPUT VIII.

A



T patienter persecutiones, calumnias, & quascumque iniurias feramus, consideremus, Dei prouidentiâ, vel saltem Deo permittente, cuncta nobis euenire: licet enim Deus non habeat velle fieri malum; habet tamen velle permittere malum, ex quo potest elicere bonum. Quod inimici nostri, vel impij sæuiant in nos, permittit Deus, ac eis solam potestatem nocendi tribuit, non voluntatem, licet eorum mala, quam non fecit, voluntate vtatur: sicut Medici ad corpora curanda vtuntur interdum viperæ veneno, quod non fecerunt:

Deus enim est quidem malarum voluntatum ordinator, sed non creator. Nam voluntati malæ vitium est ex ipsa, quo mala est, non ex Deo. Quòd igitur malus velit tibi nocere, habet à se: quòd possit, habet à Deo, qui, ut tibi noceat, permittit, vel ut puniaris, aut ut proberis, vel ut coroneris, aut alia iusta de causa, quamvis tibi ignota. Hoc

In Psal. 39.

fusè tractans Diuus Augustinus, sic scribit. *Sauiant modò inimici, humilient, faciant non quidquid volunt, sed sicut desuper permittuntur, non quòd Deus det illis voluntatem nocendi, sed potestatem. Vnusquisque enim malus apud se habet voluntatem nocendi: ut autem possit nocere, non habet in potestate: ut velit, iam reus est: ut possit, occulta dispensatione prouidentia Dei, in alium permittitur ad pœnam; in alium permittitur ad probationem; in alium permittitur ad coronam. Ad pœnam, quomodo permissi sunt alienigena capere populum Israël, quia peccauerunt in Deum. Ad probationem permissus est diabolus in Iob: probatus est autem Iob, confusus est diabolus. Ad coronam verò permissi sunt persecutores in Martyres.*

Minabatur Pilatus, ac iactitabar se habere potestatem dimittendi, & crucifigendi Christum. At verò Christus intumescenti Iudici ostendens, vnde sit illi hæc potestas; *Non haberes*, inquit, *in me potestatem, nisi data tibi esset desuper.* Quasi dicat: nocendi quidem potes habere voluntatem, sed non potestatem, quæ cur tibi detur, nouit ipse, qui tibi illam contulit. Noli inuidere iniquo, quòd habeat potestatem nocendi tibi; sed illi
compa

Ioan. 19.

compatere, & ignosce, quodd habeat voluntatem. Non enim ob potestatem melior, sed ob voluntatem nocendi fit deterior.

B Idem Doctor explanans illa verba Psalmi- In Psal. 3
stæ; *Quæres locum eius, & non inuenies*; ostendit, locum peccatoris esse usum peccatoris, quia illo utitur Deus, vel ad probandum iustum, vel ad emendandum. *Quid est, inquit, locus eius? usus eius. Habétne aliquem usum peccator? habet. Hic viuitur illo Deus ad probandum iustum, quomodo usus est diabolo ad probandum Iob, usus est Iuda ad tradendum Christum. Est ergo in hac vita, quod agatur de peccatore. Hic est ergo locus eius, quomodo est in fornace aurificis locus palea: ardet palea, ut aurum purgetur. Sic sauit impius, ut iustus probetur.*

Quando, verbi gratiâ, habes vicinum te conuiciis laceffentem; vel dominum rigidum, & asperum; vel maritum crudelem, aut uxorem rixantem; aut aliquem tibi iniurium, & contradicentem, murmuras, vellésque illum longè abesse: sed nouit Deus illum prope, vel iuxta te esse constituendum, tibi que adiungendum. Ibi est locus eius, quia illo vult uti Deus; ne conqueraris, sed æquo animo patiaris. Sic ordinauit, qui omnia ordinatè agit, quique suauiter omnia disponit. Idcirco ne quæras, nec cogites talem de mediò tollere, quia Deus fortè alium illo peiorem aduersum te suscitaret.

Sunt nonnulli, qui magis profunt odio, quàm obsequio. Exempli gratiâ, impius ille Antiochus plus commodi Machabæis attulit, eos necando, quàm beneficiis, & hono-

Serm. 110.
de diuersis.

ribus afficiendo. Pellem capitis eis detrahebat, & illorum capita ad diademata præparabat: torrebantur eorum corpora in ferrea sartagine, & longè fiebant eorum animæ à tartarea voragine. Manus quidem eorum præscindebantur, sed ad præmia æterna sumenda non præpediebantur. Oblatas carnes comedere respuerunt, & proprias carnes cruciandas tradiderunt. Quid de illo Tyranno Antiocho in populum Dei, & in sanctos istos Machabæos sæuiente dicat idem Augustinus, audiamus. *Per istum miserum Antiochum populus Dei flagellatus est, & probatus. Per eum sancti iuuenes Machabæi coronati sunt. Ergo habuit hic locum suum. Malus erat, sed eo bene usus est, qui malus esse non potest. Sicut enim mali homines malè utuntur creaturis bonis: sic Creator bonus bene utitur hominibus malis. Nouit quid tamē agat, qui totum creauit genus humanum. Artifex portat, appendit: aurifex librat: pictor nouit, ubi ponat nigrum colorem, ut sit decor à pictura; & Deus nescit, ubi ponat peccatorem, ut sit ordinata creatura?*

A. 9.

In Psal. 36.

Saulus adhuc spirans minarum habuit C locum suum, quando Deus eo usus est ad erudiendos, & exercendos fideles: verum habuerunt alij locum suum, quibus etiam Deus usus est ad erudiendum, & castigandum eundem Paulum, qui iusto Dei iudicio multa passus est pro nomine IESV, quoniam sæuiebat in nomen IESV. Sic Christus promiserat Ananiæ: *Ego ostendam illi, quanta oporteat eum pro nomine meo pati. Quasi dicat, illi,*

illi, vindicabo me de illo, & patietur pro nomine meo, qui sanxit in nomen meum. Erudio, vel erudini per eum alios, erudiam & ipsum per alios. Factum est hoc, & nouimus, quanta sustinuerit Saulus, multò plura, quàm fecerat; quasi auarus exactor cum usuris recepit quod dederat. Seruatus est Saulus, vt vestes lapidantium Stephanum seruaret; sed seruati sunt alij, qui illum flagellarunt, lapidarunt, iniuriis affecerunt, ac tandem qui ei caput absciderunt. Quòd igitur fideles persecutus sit Paulus, & alij Paulum sint infectati, non malè eis cessit, sed eorum saluti profuit: sic & tibi proderunt malorum infectationes, cum tibi prouidentia Dei obueniant.

De Iacob & Esaü adhuc in vtero materno existentibus dictum est Rebeccæ: *Maiores seruiet minori*; scilicet Esaü seruiet fratri suo Iacob. Quæ verba explanans Diuus Thomas, ait, Esaü seruasse ipsi Iacob, non per se, & directè, sed indirectè, & per occasionem; quia dum odit, & infectatus est eum, id maximè ad bonum, gloriàmque eius profecit: scriptum est enim; *Qui stultus est, seruit sapienti*. Ideo Diuus Augustinus scribit, illud vaticinium fuisse adimpletum persequente Esaü fratrem suum Iacob, cui seruiebat non obsequendo, sed persequendo; quomodo molæ seruiunt tritico, quomodo lima, vel malleus auro, quomodo panibus coquendis furnus. Ita enim mali seruiunt bonis.

D Erat quidem Iacob in domo patris à matre delicatè nutritus, homo lenis, & in pace domestica versatus, deliciis maternis perfruens,

Genes. 25.

In epist. ad Rom. 9.

Prou. 11. Serm. 78 de tempore.

Genes. 17.

fruens, qui matris industria benedictionem fratris surripuerat: qui plus à matre, quàm Esaü diligebatur. Verùm inter huiusmodi blanditias oritur dissidium; insurgit pugna, necem Esaü fratri moliri cœpit. *Dixit enim in corde suo; venient dies luctus patris mei, & occidam Iacob fratrem meum.* Vnde coactus fuit Iacob è domo paterna recedere, & fu-

Genes. 31.

gere in Mesopotamiam, vbi plurimos perpessus est labores; pastoris enim officium per viginti annos exercuit; die noctuque æstu vrebatur, & gelu; fugiebátque somnus ab oculis suis, vt ipsemet fatetur. Verùm quid inde lucratus est? multa sanè; nam se à nece liberauit: inde vitam illam desidiosam in sinu matris excussit, & itinerum laboribus, & pastoralis curæ rationibus delicias abiecit: inde diues nimium effectus est; ibi matrimonium contraxit, ex quo duodecim Patriarchas filios habuit, ex quibus Christus originem traxit. Ecce quomodo maior minori seruiuit. Sic persecutiones, & malorum insectationes seruiunt iustis. Dei igitur consilio, & prouidentia fit, vt à malis boni exerceantur, & ita præmium æternum consequantur.

Iosepho quoque non mediocrem utilitatem attulit odium fraternum: non enim fratres sui tantum potuissent ei prodesse obsequio, quantum profuerunt odio. Nam quem venditum, & deperditum crediderunt, liberum postea, potentem, & gloria sublimatum inuenerunt; & quem subiectum existimauerunt, imperantem in Ægypto viderunt:

derunt : reuera quod pertulit, illum sustulit. Non immeritò igitur quod à fratribus suis contra se actum fuerat, arcano Dei consilio, & prouidentia imputauit, qui magna sæpe mala in longè maiora bona pro infinita sua bonitate, & sapientia mutare solet. Intelligebat enim vir ille pius res mortalium plerumque quidem occulto, semper autem recto, iustoque Dei iudicio, & consilio disponi, & administrari. Scitum est, quod egregie doctus, & disertus Boëtius scriptum reliquit. *Sola est diuina vis, cui mala quoque bona sunt, cùm eis competenter utendo, alicuius boni elicit effectum.*

1. lib. 4. de
cōsol. phil.
prof. 6.

Diuus etiam Hieronymus omnia nobis hîc prouidentia Dei contingere affirmat, non ad nostram perditionem, sed purgationem. *Proidentia Dei*, inquit, *omnia gubernantur; & qua putatur pœna, medicina est.* Quis non à sapiente Medico potionem ordinatam amanter suscipiat, quantumuis amara illa sit, cùm prouidè, & ad sanitatem recuperandam tribui sibi cernat? Interdum malitia infirmamur, idcirco disponit Dens, ut inimicorum, aut malorum hominum persecutione curemur. Quid querimus? salutaris est medicina, ab optimo, & cœlesti Medico præparata, sed manu inimicorum propinata. Noli respicere manum porrigentem, sed attende Medicum ordinantem. *Calicem, quem dedit mihi Pater, non bibam illum?* aiebat Christus. Dedit quidem Pater, sed per manus Iudæorum. Propinat etiam tibi calicem persecutionum, calumniarum, insectationum, per-

Super Ezechiel.

1. cor. 10.

PLANA.

manus proximi tui tibi iniurij. Nulla indigebat medicina, qui alios curaturus venerat. Sanus bibit amarum calicem, cur tu infirmus bibere recusabis? *Quis enim*, ait Augustinus, *non agrotat in hac vita? Quis non longum languorem trahit? nasci in hoc corpore mortali, incipere egrotare est.* Propterea hortatur nos, ut spe futuræ, & certæ sanitatis nullam respuamus medicinam. *Tolera*, inquit, *medicinalem dolorem, futuram cogitans medicinam. Tu non toleras ad incertum: qui promisit sanitatem, non potest falli. Fallitur Medicus aliquando, quia hoc non curat, quod fecit; Deus te fecit, & certus curat, & gratis. Ferto ergo manus eius. Vel ferto manus illas, quibus utitur ad purgandum te. Nouit, quando sint admouendæ. Interim caue, ne tua impatientia illud sit tibi detrimento, quod tibi dabatur pro medicamento.*

In Psalm.
102.

Ibidem.

Lib. 9. epist.
19.

Diuus Gregorius quamdam assignat rationem, cur interdum Deus permittat iustos iniuriis à quibusdam affici. *Sunt autem plurimi, qui vitam bonorum fortasse amplius, quam debent, laudant: & ne qua elatio de laude surrepat, permittit omnipotens Deus malos in obre- etationem, & obiurgationem prorumpere; ut si qua culpa ab ore laudantium in corde nascitur, ab ore vituperantium suffocetur.* Ne extollaris laudibus, permittit Deus, ut humilieris vituperiis: & ne nimia tui opinione corrumparis, necesse est, ut alterius increpatione, imò & insectatione comprimar. Ita Deus nouit tibi expedire; ideo, quamuis posset, nouit impedire.

Denique,

Denique, dum nos insectantur inimici, iniuriis laceſſunt, aut quouis modo lædunt, reuocemus ſtatim in mentem hæc verba Beati Auguſtini, illaque ad noſtram conſolationem ſæpe repetamus. *Sauiant, quantum* In Pfalm. 36. *voluerint, & quantum permiſſi fuerint peccatores. Quidquid acciderit inſto, voluntati Dei deputet, non poteſtati inimici. Saurire ille poteſt; ſed ſi ille noluerit, ferire non poteſt. Et ſi ille voluerit, ut feriat, nouit ſuum quemadmodum excipiat. Quem enim diligit Dominus, corripit; flagellat* Hebr. 12. *autem omnem filium, quem recipit. Quid ſibi ergo plaudit iniquus, quia flagellum de illo ſibi fecit Pater inuus? Illum aſſumit ad miniſterium, me erudit ad patrimonium. Nec attendere debemus, quantum permittat iniuſtis, ſed quantum ſeruet iuſtis. Permittit enim iniuſtis perſecutionem, ſeruat iuſtis glorificationem, & omnibus retributionem.*

Licetbit tamen nobis poſt perſecutionem inimicorum, vel ipsis nos perſequentibus, ſic cum eodem Auguſtino Dominum alloqui. *Domine, lux mea, inimici mei de me fecerunt quæcumque voluerunt, percufferunt, nudaue-* Solil. cap. 6. *runt, vulnerauerunt, polluerunt, corruperunt me, occiderunt me; quia receſſi à te. Deinde ſic Domini* In Pfal. 38. *num cum eodem deprecari. Domine, quoniam tu es qui feciſti me, noli exterminare me; tantum cæde, ut proficiam, non ut deficiam: tantum tunde, ut producar, non ut comminuar.*

Non

*Non debemus malis inuidere ob illorum
huius vite prosperitates ; sed pa-
tienter ferre, quòd prosperentur, &
in hoc mundo floreat.*

CAPVT IX.

Ierem 12.



Iob. 21.

Lib. 20. de
ciuit. Dei.
cap. 2.

COMMVNIS olim apud Iere- A
miam multorum hæc fuit ad
Deum querela ; *Quare via impio-
rum prosperatur : bene est omnibus
qui prauaricantur, & iniquè agunt? Plantaſti eos,
& radicem miserunt : proficiunt, & faciunt fru-
ctum, &c.* Iob quoque hac de re conqueri
videbatur : *Quare impij viuunt, subleuati sunt,
confortatiq; diuitiis?*

Quamuis Diuus Augustinus his quæstio-
nibus satisfacere optans, dicat. *Nescimus, quo
iudicio Dei bonus ille sit pauper, malus ille sit di-
ues : iste gaudeat, qui pro suis deperditis mori-
bus cruciari debuisset : contristetur ille, qui vita
laudabilis gaudere debuisset.* Verumtamen tum
ipse, tum alij Doctores his, & similibus
querulis interrogationibus respondentes va-
lidissimas afferunt rationes, quibus osten-
dunt, impiorum prosperitati nullo modo
esse inuidendum ; nec magni pendenda seu
bona, seu mala, quæ videmus esse bonis,
malisque communia ; sed, vt ait idem Au-
gustinus, bona illa dumtaxat esse quærenda,
quæ bonorum ; atque mala fugienda, quæ
propria

propria sunt malorum. Nam, ait Gregorius, *Lib. 23. moral.*
iustus tantò altius temporalia despiciet, quanto his
abundè etiam frui malos credit, & illa despicien-
da considerat, quæ Deus etiam peruersis præstat:
sed ad percipienda cœlestia mentem suam diri-
git, quæ sibi cum reprobis communia esse non
possunt.

B Attentè illa considerabat, qui clamabat;
Noli amulari in malignantibus, neque Zelaueris *Psal. 36.*
facientes iniquitatem, &c. Noli amulari in eo,
qui prosperatur in via sua: in homine faciente
iniustitias. Id est, noli inuidere, vel imitari
malos, quòd vtantur prospero successu: vel,
noli commoueri, & indignari, visa prospe-
ritate malorum. Ne, inquam, irascaris flo-
rentibus improbis, vt aduersus Deum mur-
mures, aut abiecto pietatis studio sequaris
eorum exempla, vt eadem prosperitate frua-
ris. Valdè consideranda sunt verba, quæ Di-
uus Augustinus præmittit in præfatione *Augustin. in*
huius Psalmi, quem potionem, & saluber- *Psal. 36.*
rimum poculum vocat, quo quis vti pote-
rit, dum infirmatur, affligitur, aut commoue-
tur ob malorum prosperitates. Reuera, inquit,
hoc te perturbat hominem Christianum, quia vi-
des malè viuentes, felices, sanos esse; superbos di-
gnitatibus eminere: & dicit cor tuum nullum esse
diuinum iudicium, omnia casibus fieri, & fortui-
tis motibus ventilari. Nam si Deus, inquis,
res humanas respiceret, non floreret illorum ini-
quitas, & mea innocentia laboraret. Omnis mor-
bis anima habet in Scripturis medicamentum
suum. Qui ergo sic agrotat, vt ista dicat in corde
suo, bibat potionem huius Psalmi. Quid dicebas?

mali florent, boni laborant. Quomodo ista videt Deus? accipe, bibe, Ipse tibi hanc, de quo ista murmuras, temperavit potionem, tantum ne recuses saluberrimum poculum.

Curaberis sine dubio: nullique improbi felicitàti inuidebis, si diligenter attendas allatas à Dauide rationes, quæ sunt veluti poriones: sic enim scribit. *Quoniam tamquam fœnum uelociter arescent, & quemadmodum olera barbarum citò decident: vel, vt legit idem Augustinus, sicut olera prati citò cadent.* Non potest fœnum diu subsistere, nec diu virefcere, quia altas radices non habet; eodem anno quo nascitur, euellitur, aut præscinditur. Nullus est, qui pratorum herbis virefcentibus inuideat, quia vel à iumentis comeduntur, vel calore exsiccantur, aut igne absumuntur, vel putredine consumuntur. Sic non debemus impiorum felicitàti mox peritura inuidere.

Aleiat. emblem. 124.

Pulchro emblemate Alciatus breuitatem C prosperitatis impiorum descripsit, dū quamdam cucurbitam satam olim iuxta arborem pinum repræsentauit; quæ quidem cucurbita cum multis pluuiis, atque cœli temperamento creuisset, lasciuire cœpit, & ramulos audaciùs porrigere: iamque in pinum ferpebat, & suas in ramos frondes audebat inuoluere, prægrandia poma, & virefcentia ostentans.

Æream propter creuisse cucurbita pinum

Dicitur, & grandi luxuriasse coma.

*Cui pinus, nimirum brevis est hac gloria: nam re
Protinus adueniet, quæ malè perdet hyems.*

Hoc

Hoc meritò dicitur in eos, qui ob momentaneam quandam fœlicitatem, aut prosperitatem gloriantur, non attendentes, nec recordantes, quòd fallacia sunt, & caduca, quæcumque à fortuna pendent, opes, diuitiæ, honores, clientelæ, magistratus, potentia, & similia: affluunt subitò, repentè dilabuntur; nullo in loco stabili fixa radice consistunt; sed incerto flatu huc atque illud acta, quos extulerunt in sublime, decursu improuiso destitutos miserrimè deiiciunt: fortunæ enim volubilitas tantùm constans in leuitate sua est, vt ait Naso, qui etiam de seipso sic loquitur:

Ouid. 5. de Tristib.

*Nos quoque floruius, sed flos fuit ille caducus,
Flammæque de stipula nostra, breuisque fuit.*

Scitum est illud cuiusdam prisçi Mimi. [Citò improborum læta in perniciem cadunt,] qui interdum, vt ait Iuuenalis, tolluntur in altum, vt lapsu grauiore ruant; non à fortuna conseruantur, sed infortunio reseruantur. Theramenes Tyrannus, illapsa domo in permultos, solus euasit incolumis. Ob id cùm fœlix prædicaretur, exclamans; O fortuna, inquit, cui me occasione seruas? sentiens se non esse seruatum, sed maiori malo reseruatum.

Satyr. 9.

Erasm. in Apoph.

Ideo meritò Iob vix imprecabatur impij fœlicitati his verbis; *Ego vidi stultum firmam radice, & maledixi pulchritudini eius statim.* Non inuidebat, sed maledicebat; non æmulabatur, sed execrabatur. Quid sit autem stulti pulchritudini maledicere, exponit Gregorius. *Quasi, inquit, firma radice stultus attol-*

Iob. 5.

Lib. 6. moral. cap. 4.

licitur, quando hinc temporali prosperitate fulcitur. Pulchritudini quippe stulti maledicere, est eius gloriam ex considerata damnatione indicare, quia cò atrocius in tormentis obruitur, quò alius in peccatis eleuatur; quia cum transit quod extollitur, permanet quod punitur. Qui honoratur in via, in peruentione damnabitur. Propterea ipse Dauid non vult nos emulari in eo, qui prosperatur in via sua. Non attendas, quanta mali in via possideant, sed quanta eos mala in termino mancant. Postquam illos cogitaueris florentes, considera cruciandos. Vidisti præsentem eorum pulchritudinem, sed non cogitasti futuram eorumdem turpitudinem. Illis, ait Augustinus, est in via prosperitas, in peruentione infelicitas.

In Psal. 36.

Psal. 36.

Ridet modò impius, Dominus autem irridet eum: quoniam prospicit, quòd veniet dies eius. Et hæc est alia ratio, qua probat Dauid non esse impio inuidendum. Cur enim illi inuides, quem Deus irridet? veniet dies eius, Id est, veniet tempus, quo destruetur, & peribit impius, aut eius prosperitas. Potuit olim Sedecias Rex impius Ieremiam Dei Prophetam præcipitare in foueam, fame vexare, ac multa mala tacente Domino perpetrare: sed tandem venit dies eius, in qua captus ipse à Rege Babylonis, regno priuatus est, oculis orbat, eiusque filij trucidati, ac perpetuis fuit mancipatus carceribus. Triumphauit Aman aliquando in aula Assueri Regis, honoribus, diuitiis, & potentia affluebat; sed tandem venit & dies eius, in qua patibulo suspenditur, quod Mardocheo parauerat.

Hest. 3. 6.
& 7.

Fœlix

Fœlix sibi, & beatus, optimoque loco esse videbatur Herodes, quando *vestitus veste regia, sedit pro tribunali, & concionabatur ad Tyrios, & Sidonios. Populus autem acclamabat; Dei voces, & non hominis.* Omnes illi blandiebantur, honoribus afficiebatur, ab omnibus timebatur: sed venit dies eius, nec tardauit. Nam *confestim percussit eum Angelus Domini; eo quod non dedisset honorem Deo; & consumptus a vermibus, expirauit.* Vides tu multos in hoc mundo florere, & prosperari; sed scito, quod veniet dies eorum. *Veniet,* ait Augustinus, *dies iniusti, quem prospicit Deus.* *Qui dies? eius vindicta. Ille habet oculos cognitionis, tu habeto credulitatis. Quod videt Deus, crede tu.*

Nonne audis Iobum quærentem quidem; non tamen conquerentem, sed asseuerantem; *Numquid non perditio est iniquo, & alienatio operantibus iniquitatem?* In quæ verba sic Gregorius. *Festina consolatio bonorum, est consideratus finis malorum. Eant ergo nunc reprobi, & delectationum suarum desideria compleant. Negantur electis in hac vita bona terrena, quia & agris, quibus spes viuendi est, nequaquam à Medico cuncta, quæ appetunt, conceduntur. Dantur autem reprobis bona, quæ in hac vita appetunt; quia & desperatis agris omne quod desiderant, non negatur.* His itaque consideratis; hortatur nos idem Doctor, ne malorum fœlicitati inuideamus. *Perpendant, inquit, iniusti quæ sint mala, quæ iniquos manent, & nequaquam eorum fœlicitati inuideant, quæ percurrit.*

Mirabatur Augustinus, quòd quidam impius bene mortuus fuisset, non minùs tamen vocat illius mortem, caterorùmque

In Psal. 33.

malorum pessimam. *Miror, inquit, quia noni peccata, & scelera ipsius, & bene mortuus est, in domo sua, intra limina sua, & in lecto suo, nulla peregrinationis iniuria fuit illi, nulla vel immatura aetate. Audi Deum; Mors peccatorum pessima. Quæ tibi videtur bona, pessima est, si intus videas. Vides foris iacentem in lecto, nunquid vides intus raptum ad gehennam?* Hoc ut probet, affert exemplum diuitis epulonis, & pauperis Lazari. In illo enim apparet, quàm sit periculosa humana prosperitas: in isto, quàm optanda aduersitas. Videtur quidem prosperitas ventus secundus; sed hoc vento ad infernum navigatur. Contrà verò, res aduersæ aduerso, contrariòque vento similes censentur: at hoc flatu aduerso in cælum tenditur. Prosper diuitiarum ventus plenis velis diuitem in Orcum impulit; flatus paupertatis, & miseriæ aduersus Lazarum in sinum Abrahæ tamquam in portum tranquillissimum duxit. Audiamus Chrysostomum. *Dinici, inquit, navis erat plena mercium, ac secundo navigabat vento; verum ad naufragium festinabat, eo quòd onus nolebat circumspèctè ponere. De Lazaro addit: Cum fluctus essent tam multi, vicissimque alij super alios Lazarum impeterent, non tamen demersum est nauigium; quia scilicet prospero vento aduersitatis impellebatur.*

Luc. 16.

Homil. 1. de
diuit. &
Lazar.

Vtrumque iterum proponit idem Chrysostomus ad nostrum solamen. *Ubi, inquit, videris*

Homil. 3.

videris improbam vitam agentem, nec quidquam acerbi hinc patientem, ne putaueris illum beatum; sed desle potius, ac deplora, velut illic omnia tristitia perpeffurum, quemadmodum diues epulo fecit. Rursus, ubi quem videris virtutis studiosum, & eundem innumeris affligi molestiis, beatum existima, ut qui & hinc omnia sua peccata diluerit, & ibi multam habeat paratam mercedem, sicut Lazaro euenit.

Solo vento prosperitatis fuit nauis diuitis demersa: hoc solum audiuit; *Recepisti bona in vita tua.* Quæ quidem verba, secundum Gregorium, pauore potius indigent, quam expositione. Nam si qui sint, qui in hoc mundo exterioris boni aliquid acceperint, ipsum donum exterius pertimescere debent, ne illis pro quorundam suorum actuum recompensatione sit datum. Hanc causam submersionis, siue damnationis diuitis attendens Bernardus, sic exclamat. *Hæcine cruciatuum causa tota, quod in hoc seculo bona recepit? ita plane. Neque enim ad hoc nos de Paradiso voluptatis animaduersio diuina eiecisse videretur, ut alterum sibi hinc Paradisum adinuentio humana pararet.* Noli igitur æmulari, aut inuidere his, qui pro bonis caducis mala accepturi sunt æterna: opta potius esse de illorum numero, quibus pro transitoriis laboribus patienter toleratis requies conceditur sempiterna.

Serm. de
verb. Petri,
Ecce nos reli-
quimus.

F Beda etiam affert rationem, cur non debeamus æmulari, indignari, aut inuidere prosperantibus malis. *Ne indignemini, inquit, si mali in hoc mundo florent, & vos patimini;*

Beda, & est
gloss. super
illud iacob.
Omne gaudium
dium exist.

Bb 4 quia

quia non est Christiana Religionis in mundo exaltari, sed deprimi. Mali nihil habent in cælo, vos nihil in mundo; sed spe illius boni, ad quod tenditis, quidquid in via contigerit, gaudere debetis. Fruantur bonis temporalibus, qui suis malis actionibus, bonis priuabuntur æternis: floreat iniqui, à flore æternæ hæreditatis alieni: gaudeant hîc sua transitoria hæreditate, qui de perpetua non curant, nec cogitant. Iusti autem æterna bona possessuri, temporalia mala patiantur, & tormenta perpetua aliquando passuris compatiantur. Vnde

In Psal. 70. Augustinus: *Non tibi videantur felices, qui florent ad tempus. Tu castigaris, illis parcitur: fortè tibi castigato, & emendato filio hæreditas reseruatur.*

Simile.

Si aliquem reum iam morti ob sua facinora damnatum, & mox tortori tradendum, videres in carcere ludentem, ridentem, sericis indutum, cibis delicatis nutritum, à multis honoratum, huicne inuideres? Cur igitur inuides flagitiosis hominibus in hoc mundo florentibus, & prosperantibus, cum similes sint noxiis, qui in vinculis ad vltimum seruantur supplicium? Iocari possunt, otari, & tripudiare, sed turpem mortem non possunt euitare. Possunt hæc esse signa lætitiæ, sed non innocentia. *Præsentis vitæ prosperitas*, ait Gregorius, *innocentia testis non est; quia multi ad perennem vitam per flagella redeunt: & plerique ad infinita supplicia sine flagello moriuntur.*

Lib. 15. moral. cap. 24.

Scito illum multum pati, qui peccando nihil aduersi in hoc mundo patitur, & qui
ita

ita peccato suo Deum irritauit, vt nullum in hoc sæculo flagellum meruerit. Audi Augustinum. Irritauit Dominum peccator, vt ista patiatur, id est, vt correptionis flagella non patiat. *In Psal. 9.* Multum irascitur Dominus, dum non exquirat, dum quasi obliuiscitur, & non attendit peccata, & per fraudes, & scelera ad diuitias, honoresque peruenitur. Cur igitur huic talia patienti, & grauiam passuro inuides? Cur potius miseris non misereris? Audi & Gregorium. Peccantes quosque tunc consideremus amplius miseros, quando eos conspiciamus in culpa sine flagello derelictos. *In Ezech.*

G Aliqui apud Psalmistam conquerebantur, & de quibusdam sceleratis hominibus murmurabant, dicentes: *In labore hominum non sunt, & cum hominibus non flagellabuntur.* *Psal. 72.* Et rursum: *Ecce ipsi peccatores abundantes in saeculo obtinuerunt diuitias.* Primæ querimonie respondet Diuus Bernardus his verbis. *Qui in labore hominum non sunt, in labore demonum profecto erunt.* Carent temporali flagello, quos manet æternum. Quid murmurat? quid inuides? Alteri verò respondeat Gregorius. *Tanto, inquit, iniustis temporalia bona suppetunt, quanto aterna denegantur.* *Lib. 11. moral. cap. 4.* Vituli, qui mactandi sunt, in liberis pastibus relinquuntur; qui verò ad laboris usum, vita deputati sub iugo retinentur. Sicut igitur non est inuidendum vitulis, licet vberissimis nutriantur pascuis, cum citò sint mactandi: ita nec malis hominibus, licet diuitiis, deliciisque abundant, cum talia sint futuræ damnationis indicia.

Dicunt aliqui, & refertur ab Aiguano, *In Psal. 36.*

Bb s quod

quòd crescente Luna, crescit humidum in corporibus animalium, & fiunt eorum corpora validiora; decresciente verò, fiunt debiliora: animalia etiam venenosa crescēte Luna magis sunt venenosa. Quid per Lunam, quæ semper mutatur, intelligitur, nisi mundi prosperitas, quæ nunquam in eodem statu permanet? quia nunc crescit, & nunc minuitur: modò hominem extollit, modò deprimat: nunc clarum, nunc infamem reddit. Crescente igitur hac temporali prosperitate, roborantur corpora humana, id est, caro magis insurgit aduersus spiritum; & sic venena, id est, peccata multiplicantur: decresciente verò fortuna, caro minùs spiritui aduersatur, ac consequenter venenum peccati debilitatur. [Res est inquieta fœlicitas, ait Seneca, ipsa se exagitat: hos in potentiam irritat, alios in luxuriam: hos inflat, hos molliat, & totos resoluit.] Non est igitur inuidendum humanæ prosperitati, ad talia vitia, & ad perniciem nos inducenti.

Præterea, quid somnianti inuides? sunt omnes diuites, & fœlices huius sæculi veluti dormientes, & somniantes. Non est ille verè diues, qui somniat se habere diuitias, quas non possidet finito somno; finitur autem somnus minimo strepitu: sic minima interdum infirmitate finitur huius vitæ somnus, quo finito finitur omnis mundana prosperitas. Audi Psalmistam: *Dormierunt somnum suum viri diuitiarum, & nihil inuenerunt in manibus suis.* Vnde Diuus Gregorius de quodam suas ostendente diuitias sic scribit. *Eat ergo nunc,*

Epist. 37.

Psalm. 75.

Lib. 8. moral cap. 12.

nunc,

nunc, & acceptis rebus tumeat, seseque super ceteros extollat, gloriatur se habere, quod proximus non habet: veniet quandoque tempus, ut euigilet; & tunc cognoscet, quàm vacuum fuerit, quod in somno tenuerat. Sæpe namque contingit dormienti inopi, ut se per somnium diuitem videat, atque ex eisdem rebus animum extollat, lateatur se habere quod non habuit: sed repente euigilans, euigilasse se doleat, qui interim diuitiarum imagines vel dormiens tenebat. Sic sic nimirum sunt huius mundi, diuites, &c. Diuus Augustinus vocat etiam mundanam prosperitatem somnium exurgentis, atque diuites, ac fœlices huius mundi defecisse veluti somnium euigilantis. *Quomodo*, inquit, defecerunt? sicut deficit somnium exurgentis. Fac hominem in somnis videre se inuenisse thesaurum, diues est, sed donec euigilet. *Pauper dormierat, sed diues in somnis factus fuerat. Si non euigilasset, diues esset. Euigilauit, inuenit arumnam, quam dimiserat dormiens. Et isti non inuenient miseriam, quam sibi comparauerant? Cùm euigilauerint de hac vita, transit illud, quod quasi somno tenebatur, veluti somnium exurgentis.*

In Psal. 72.

Cæterum, hoc solum iustis sufficiat, quòd Deus illos respiciat: nam *oculi Domini super iustos*. Non tantum respicit, sed & audit clamores illorum. *Et aures eius ad preces eorum. Qui videt te, & audit te, nouit cur non dixeris: noli murmurare, quasi ab illo non videaris, aut exaudiaris. Habemus itaque Deum nos videntem, & audientem, atque quæ nobis expediunt, concedentem. Si, inquit idem Augustinus, murmurantem seruum in domo*

Psal. 33.

In hunc Psalmum.

magna

magna non audiret paterfamilias, quereretur, & diceret: quanta nos hinc patimur, & nemo nos audit? Numquid dicis illud de Deo, quanta hinc patior, & nemo me audit? Si audiret me, forte dicis, tolleret mihi tribulationem; clamo, & tribulor. Quando tribularis, audit te. Sed Medicus est, adhuc putre habes nescio quid: clamas, sed adhuc secat, & non tollit manum, nisi secuerit, quantum videtur. Est igitur tua paupertas, vel miseria veluti ferramentum, quo Deus utitur ad refecanda, quæ tibi fuissent nocitura: refecuit tibi prosperitatem, diuitias, honores, vel fauores huius sæculi, & hæc alteri concessit, quia ita expediebat: gaudeas, & aliis ista possidentibus non inuideas.

De patientia habenda in damno, vel iactura bonorum temporalium.

C A P V T X.



PRODERIT plurimum, si, per- **A**
ditâ substantiâ, illud tempus
quis in memoriam reducat, in
quo, quod perdidit, non possi-
debat. Hoc agnouit D. Grego-

Lib. 2 mo-
tal. cap. xi.

rius, illudque inculcat *Magna*, inquiens,
consolatio est in rerum amissione, illa tempora ad
mentem reducere, quibus non contigit res, quas
perdidimus, non habuisse. Quando non ha-
bebas, non dolebas; cur modò doles, quòd
non habeas? Caruisti, & cares, licet sint
diuersi

diuersi temporis, tamen sunt eiusdem modi; habeas te igitur eodem modo : & sicut tunc non dolebas, ita nec nunc doleas. Multi nunquam habuerunt, quod tu perdidisti, & tamen non dolent, quod non habuerint. Cur doles te habuisse, quod ipsi non habuerunt? vel quid desles te non habere, quod ipsi non habent, & tamen non dolent?

Considerandum est etiam, omnia bona fortunæ à Deo nobis esse data commodato, atque aliena potius esse, quàm propria. Audi Senecam. [Quidquid est hoc, quod circa nos ex aduentitio fulget, liberi, honores, opes, referta vestibula, cæteraque ex incerta, & mobili sorte pendentia, alieni, commodatique apparatus sunt, nihil horum dono datur, collatitiis, & ad dominos redituris instrumentis scena adornatur. Alia ex his primo die, alia secundo referentur : pauca vsque ad finem perseuerabunt, &c.] Dei autem sunt hæc omnia, vide quid dicat; *Meus est enim orbis terra, & plenitudo eius.* Psal. 49. Et per Aggæum Prophetam. *Meum est argentum, meum est aurum, dicit Dominus exercituum.* Ne dicas igitur; propria, vel mea perdidisti, quia secundum Ambrosium impudenter loquereris. *O impudens dictum!* ait, *propria dicis? quæ ex quibus reconditis in hunc mundum detulisti?* Nonne nudus egressus es de utero matris tuæ? nonne nudus reuersurus es? hoc post Iobum clamat Apostolus. *Nihil intulimus in hunc mundum: hand dubium, quod nec auferre quid possumus.* Iob. 1. 1. Timoa. 6. Indicat Diuus Augustinus, qualiter debeamus uti rebus à Deo nobis

nobis concessis, dum ait : *Omnia , quibus uteris in hac vita , sic tibi debent esse , tamquam stabulum viatori , non tamquam domus habitatori.* Non ægrè fert viator stabulum , in quo iacuerat , deferere : ita non ægrè feras perdidisse quod possidebas.

Iob. i.

Lib. de patient.

Cùm itaque commodatarij simus , nulla B fit nobis iniuria , si à nobis repetatur , quod nostrum non est, & maximè ab eo, cuius sunt omnia. Noli ergo dicere, perdidisti : sed dic, accepit Deus, quod mihi commodato dederat. Ille potuit auferre , qui potuit conferre. *Domini dedit, ait Iob, Dominus abstulit ; sicut Domino placuit, ita factum est , sit nomen Domini benedictum.* Utinam & tu in damno bonorum tuorum similia diceres. Sicut Domino placuit , ita factum est. At verò nihil nisi bonum illi placere potest. Nouit ipse aliquando expedire , ut nobis auferantur , quæ prius concedebantur. Alienum erat , quod possidebas ; ergo alienum , non tuum perdidisti. Quæres autem alienum , si amissum ægrè feras. Audi Tertullianum. *Quod nostrum videtur , alienum est : nihil enim nostrum, quoniam Dei omnia, cuius ipsi quoque nos.* Itaque si damno affecti impatientes erimus , non de nostro amissum dolentes , affines cupiditatis deprehendemur ; alienum quarimus , cum alienum amissam ægrè sustinemus.

Præterea , si bona , quæ perdidisti , exigui esse momenti , parvique valoris crederes , certè parum , vel nihil doleres. Scio quidem magni facere homines bona temporalia ; verum talis æstimationis magnitudo non ex valore, sed ex apprehensione nostra procedit.

Sicut

Sicut turrim, verbi gratiâ, Babyloniam in breui papyro depictam iuxta domunculam paruam, incredibilis magnitudinis eam esse iudicamus, cum tamen palmi quantitatem reuerà non excedat, quia scilicet sic illam apprehendimus turrim. Ita etiam bona ista terrena magnitudinem, & valorem ex apprehensione nostra, non ex rei veritate habent; quia scilicet cum vitæ miseriis ea metimur. [Æstimemus singula, ait Seneca, fama remota, & quæramus quid sint, non quid vocentur,] vel quid apud homines habeantur. Ideo subdit idem Philosophus. [Quæ maxime inter vos habentur, diuitiæ, potentia, tertio nummo æstimanda sunt.]

Epist. 96.

C Epictetus Philosophus, cuius tanta fuit olim admiratio, vt, teste Gellio, lucerna eius fictilis tribus drachmarum millibus penderetur, dicere solebat, nos non perturbari rebus huiusce mundi, sed opinione earum. Amisit quis diuitias, honores, dignitates, turbatur, quia se magna perdidisse opinatur; quod si illa parui penderet, non mœreret, iuxta Sapientem: *Non contristabit iustum quidquid ei acciderit: impij autem replebuntur malo.* Cur iustus non tristatur? Num quia nulla ei accidit tribulatio: nequaquam: nam *multæ tribulationes iustorum*: sed quia omnia huiusmodi mala ei aduenientia pro nihilo reputat; solum illud verè malum existimat, quod æternum est, & quod separat à Deo, quale est peccatum. Mali autem, quia bona huius mundi plurimi æstimaunt, dolent, torquentur, lacrymantur, dum illa amittunt.

Lib. 17. cap. 19.

Prou. 12.

Psal. 33.

Verùm

Lib. 3. de
ira. cap. 32.

Verùm illos risu dignos iudicat Seneca. [Quanto risu, *inquit*, prosequenda sunt, quæ nobis lacrymas educunt? Crede mihi, leuia sunt, propter quæ non leuiter excandescimus, qualia quæ pueros in rixam, & iurgium mouent; nihi ex his, quæ tam tristes agimus, serium est, nihil magnum. Inde, inquam, nobis ira, & insania est, quòd exigua magna existimamus.] Hæc ille, & prudenter.

Lib. de hab.
muliebri.

Apud Tertullianum legimus, quibusdam in locis aurum tam paruo haberi pretio, vt etiam incarcerati catenis aureis vinciantur. *Apud quosdam Barbaros, ait, quia vernaculum est aurum, vinctos auro habent in ergastulo, & diuitiis malos onerant.* Si huiusmodi gentes aurum, & diuitias magnifacerent, eis suos malefactores non ornarent, vel potius onerarent; digna illa iudicant, quæ malis dumtaxat concedantur, vt eis crucientur. Pudeat Christianos, qui nolunt harum rerum vilitatem agnoscere: aurum enim, & argentum, cæteræque diuitiæ in se nullius sunt valoris, sed eis pretium dat existimatio hominum. Audi Chrysostomum. *Candore lucentis margarita attraheris? cogita maris esse aquam, & in eius sinibus antè iacuisse deiectam. Rapit animam auri fulgor, & nitor argenti? cogita terram, ac cinerem ea prius fuisse, & modò esse. Placet pretiosa, & serica vestis? at vermium ille contextus est: opinio est, & humana præsumptio; nihil habent in se naturalis pulchritudinis.* Ad opum igitur contemptum inducet cogitatio vilitatis earum, quibus tandem contemptis, contemnetur illarum iactura.

Deindo

Deinde cogita diuitias à Christo vocari spinas, quæ multos suffocant, & te fortè etiam suffocassent, nisi à te fuissent ablatae. Erant tibi diuitiæ, sicut spina pedi, aut alteri parti corporis infixæ, quam si quis tibi extraheret, gratias ageres, quamuis auulsio dolorem pareret. Sic licèt doceas, gratias tamen Deo referas, qui has spinas pungentes, lacerantes, cruentantes, ac suffocantes à te amouit. Luc. 8.

Noli præterea mœrere, quòd ea amiseris, quæ appetitum tuum non satiabant, sed augebant. [Potus, inquit Plutarchus, saltem ad tempus sedat sitim; cibus famem sanat: sed argenti cupidinem non exstinguit argentum, nec aurum cupidinem auri.] Lib. de cup. diuit. Liceat nobis idem diuitiis dicere, quod in Medicum competit impostorem; *Pharmacum tuum morbum auget*. Pulchrè ostendit Seneca, cui assimilentur, qui possidendi diuitias desiderio tenentur. [Vidisti, inquit, aliquando canem, missa à domino frustra panis, aut carnis, aperto ore captantem? Quidquid exceperit, totum protinus integrum deuorat, & semper ad spem futuri inhiat. Idem euenit nobis expectantibus quidquid fortuna proiecit, id sine voluptate dimittimus, statim ad rapinam alterius erecti, & attentij.] Diuitias potius videmus deficere, quàm reficere. *Anarus*, inquit Epi. 73. Sapiens, non implebitur pecunia; & qui amat diuitias, fructum non capiet ex eis. Ecc. 5. Quid igitur dolens de rebus, quæ non satiant te, nec aliquem tibi afferunt fructum?

Cogita etiam, quòd nisi diuitias perdidisses, ipsæ fortè te perdidissent. Crates The-

Lib. 3. contra
Iovinianū.

In Psal. 51.

Homil. 35.
in Euang.

Epist. 11. ad
Ageruch.

banus, vt scribit Hieronymus, proiecto in mare non paruo auri pondere; *Abite, inquit, possum mala cupiditates, ego vos mergam, ne ipse mergar à vobis.* Agnouit ille Philosophus posse hominem mergi nimia diuitiarum copia. Natanti non est plumbum amplectendum, sed omnia ad vestes vsque sunt excutienda, omnia sunt abiicienda. *Naufragium fugis, ait Augustinus, & plumbum amplecteris?* Qui diuitiis affluit, pondere premitur. Nullus autem est graui aliquo pondere oneratus, qui non desideret quàm citissimè exonerari. Vellem te auream audire Senecæ sententiam, illamque diligenter attendere. [*Pecuniam, inquit, perdidisti: ô te foelicem, si cum illa auaritiam perdidisti; Pecuniam perdidisti, & illa quàm multos. Eris nunc in via expeditior, domi tutior: exonerauit te fortuna, si intelligis, & tutiore posuit loco: damnum putas, sed remedium est: desles, gemis: miserum te clamitas, quòd opibus excussus es; tuo vitio ista tibi iactura tam tristis est: non tam moleste ferres, si tamquam perditurus habuisses.*] Hæc ille, quibus ostendit prodesse potius, quàm obesse bonorum temporalium iacturam; quam faciliè tolerabimus, si damnum, quod per hoc damnum euasimus, pensemus. Nam, ait Gregorius, *si fixa mente mansura damna pertimescitis, damna rerum transeuntium grauiora non putatis.*

Iuuat & Diuum audire Hieronymum de E
his, quæ magis nobis expediunt, differentem.
Melius est, inquit, rem familiarem minui, quàm salutem.

salutem animæ perire. Melius est amittere, quod velimus nolimus aliquando perituum est, ac sponte dimittere, quàm id amittere, id est, Deum, pro quo omnia dimittenda sunt. Hoc est certissimum, satius esse amittere, quàm amitti; nudato corpore ad cælum tendere, quàm vestito in Orcum descendere. Gregorius Nazianzenus, ut expeditius ad cælum posset euolare, proprias vestes optabat exuere; laudatque Diuum Basilium, quod nihil habuerit præter corpus, & corporis tegumenta. Columba à Noë cessantibus aquis emissa, cum non inuenisset, ubi requiesceret pes eius, reuersa est ad eum in arcam. Non reuerteretur, si ubi requiesceret inueniretur. Ita & tu, si haberes in terra, ubi affectum tuum collocares, fortè de cælo non curares.

Pulchrè Diogenes diuitias *vomitum fortuna* vocitabat. Nullus est, qui vellet sorbere quod alius euomit: ita nullus debet curare de diuitiis, quæ à fortuna euomuntur, & reiciuntur. Rursus, nullus est, qui non optet euomere quod stomachum premit & onerat. Quando aliquo infortunio bona tua perdidisti, tunc euomisti: illud infortunium Deus tamquam Medicus tibi propinauit & immisit, ut te ad vomitum prouocaret. *Quare plangis?* inquit Augustinus, *medicina est, non pœna; curatio, non damnatio.* Utinam euomisset diues ille epulo quæ illum onerabant, qui ne micæ quidem vomere voluit, quia exoneratus fuisset, atque ita damnatus non fuisset. Dicat igitur Plinius. [Vomitiones homini in remedium sunt excogitata, licet

inimicæ sint dentibus.] Fortè dentes tibi dolent, quòd non habeant quod manducant; scito tamen hanc vomitionem, id est, bonorum tuorum amissionem, tibi valdè esse necessariam ad salutem. Hoc agnouit Deus, qui illam tibi consultò immisit, & ordinauit: gaudeas igitur, quòd exonereris, qui aliàs cruciareris.

Lib. 1. moral.

Porro, si bona acquisita non dilexisses, perperdita non doluisses. Assignans Diuus Gregorius rationem, cur Iob tantam seruauerit patientiam in amissione bonorum suorum, nullumque senserit dolorem, sic ait. *Sine dolore perdidit, quia sine amore possedit.* Potuisti non diligere, ergo poteras non dolere; amor ille dolore purgatur, qui quidem dolor mitigabitur, si cogites te plurimum mereri posse, si hanc iacturam patienter tuleris. Miseranda enim secundum Cassianum conditio est, inopiam sustinere, & fructu, quem ex illa comparare possemus, culpa, & impatientia nostra carere.

Lib. 6. instit. Monach.

Lib. de cõs. ad Marciam. cap. 10.

Psal. 61.

Qualiter autem sint amanda bona fortunæ, indicat Seneca his verbis. [Sæpe admonendus est animus, amet ut recessura, imò tamquam recedentia.] Rebus igitur recessuris, vel recedentibus non debemus vehementer adhærere; ad hoc nos hortatur, qui clamat: *Diuitiæ si affluant, nolite cor apponere*: vel, ut legit Ambrosius, *si fluant*. Quasi dicat: cum diuitiæ fluxæ sint; &, ut aduertit Basilius, possessores suos torrente prærapido ocyus prætercurrant, & alios alio modo mutant dominos, non sunt omnino diligendæ, nec

nec ad eas cor apponendum. Rationem assignat Augustinus; *Non vides, inquit, quasi ibi cor apposueris, & tu flues?* Fluant igitur diuitiæ, non defluat tua patientia; mirare, sed noli amare quæ ita fluunt, vt incessanter ab vno domino transeant ad alium. *Fluenta sunt*, ait Ambrosius, *quæ miraris, quomodo veniunt, sic transeunt, & recedunt.* Et, vt notat Nazianzeni Scholiastes, sunt diuitiæ veluti aqua manu comprehensa, quæ tanto citius per medios digitos elabitur, quanto fortius constringitur. Cum itaque diuitiæ non possint diu conseruari, cur in illas conseruas amorem? Cur, inquam, amas deferentes te? Crede mihi, cesset amor, & cessabit dolor. *Cur amatur*, inquit Gregorius, *quod relinquitur?*

In hunc
Psal. 15.

In orat. 43.

Homil. 15.
in Euang.

Si diligenter attendas, videbis non tantum in te, sed & in multis aliis hunc diuitiarum fluxum. Imperator Caligula, qui aliquando, teste Suetonio, super immensos aureorum acervos patentissimo loco diffusos, nudis pedibus spatatus, & toto corpore aliquandiu volutatus est, tam pauper euasit, vt non habuerit vnde filiâ dotaret, steteritque Calendis Ianuarij in adium vestibulo ad captandas strenas, & stipes, quas in sinu diuersa turba fundebat. Non potuit Imperatoria potentia præterfluentes opes coercere, super quas fortè ideo volutabatur, vt quas sola manu non poterat, toto saltem corpore retineret: sed non potuit ille, nec poteris tu: patientiam habe.

Accius Nauius Augur, cum propter artis

C c 3 suæ

Cic. lib. 1. de
diuinat.

suæ præstantiam non tantum à Tarquinio
Prisco, verum etiam ab aliis quamplurimis
amaretur, & diuitiis ornaretur, ad tantam
paupertatem postea peruenit, vt sues pascere
cogeretur. Tu nondum porcos paviſti, & si
paueris, aut modò pascas, veniat tibi in men-
tem prodigus ille parabolicus, qui tota ab
ipso dissipatâ substantiâ, factus tandem ege-
nus porcos pascebat: & cum fame premere-
tur, non furto se dedit, aut aliis rebus il-
licitis, sed ad patrem suum se contulit, ve-
niam, opemque postulaturus. Disce hac pa-
rabola, in simili necessitate omnia illicita de-
uitare, & ad Patrem cælestem recurrere, de
quo sic Augustinus, *Pascet te, qui fecit te. Si
pascit latronem, non pascet innocentem? Si pascit
damnandos, non pascet liberandos?*

Luc. 15.

In Psal. 61.

Plutarch.

Demades Orator Atheniensis, cum primò
ita opibus, & potentia valeret, vt nihil aliud,
quàm Meceдонum & Antipatri gratiam in
Republica quæreret, ad tantam pauperiem
reductus est, vt eiectus ex ciuitate, non ha-
buerit vnde pecuniam, qua illum Athenien-
ses multauerant, persolueret.

Verum quid plures referam? Taceo cæte-
ros, qui ex diuitibus facti sunt inopes. Vni-
cum Dei Filium nobis proponamus. Ad hoc
nos hortatur Basilius. *Memor sis Domini no-
stri Iesu Christi, qui, cum diues esset, nostri gra-
tiâ egere voluit.* De illo sic scribit Aposto-
lus: *Propter vos egenus factus est, cum esset diues;
vt illius inopia vos diuites effeceris.* In quæ verba sic
Beda *Dominus noster non solum homo, cum Deus
esset, sed etiam pauper, cum diues esset, pro nobis
factus*

Homil. de
ira.

1. Cor. 8.

Beda.

factus est, ut nos diuitiarum, & diuinitatis sua donaret esse participes. Tunc Christi inopia ditamur, dum nostrâ patienter toleratâ inopiâ, cælestium diuitiarum digni efficiamur. Exclamet igitur Diuus Augustinus: Quid Augustin.
factura sunt diuitia eius, cuius paupertas nos diuites fecit? Qui vult te participem futurum in cælo suarum diuitiarum, voluit te in terra participem fieri suæ paupertatis. Numquid tu minùs habes quàm Christus, qui, ut ipsemet fateretur, non habebat in hoc mundo Matth. 8:
ubi caput suum reclinaret? Hoc propter te sustinuit, licèt omnia possideret. Tuam igitur inopiam patienter sustine, licèt aliqua possideres: ille enim non merebitur omnia possidentem videre in cælis, qui noluerit indigentem imitari in terris.

Denique, ostende in sustinenda hac tua inopia te generoso esse animo: nam, inquit, Homil. de ira. Lib. 7. de bello Gall.
Basiliius, non est turpe egere, sed paupertatem generosè non ferre. Et Cæsar hæc aliquando dicebat: [Animi est mollities, paulisper inopiam ferre non posse.] Democritus illum, qui sinistram fortunam ferre nequeat, ne prosperam quidem posse ferre asseuerabat. Si nescias indigere, nesciebas abundare. Generosus illè erat Apostolus, qui clamabat: Scio & abundare, & penuriam pati. Non enim Philipp. 4.
abundantia extollebatur, nec penuria deprimebatur: sed læto semper & erecto erat animo. Qui nesciebat superbire in abundantia, nesciebat deficere in penuria. Quem, Homil. 19. in Ezech.
inquit Gregorius, nec abundantia in superbiam eleuat, nec in necessitate cupiditas irritat,

novit abundare, novit penuriam pati.

Dices, summum esse genus miseriarum;
 In Rudent. fuisse fœlicem, vel cum Plauto: *Miserum illud*
verbum, habuisse, & nihil habere. Verùm falleris,
 si pauperes infœlices iudicas, quos Christus
 Matt. 5. fœlices prædicat: *Beati pauperes*; & diuites
 Luc. 6. beatos, quos idem proclamatur miseros. *Va*
 Lib. 50. ho- *vobis diuitibus*, &c. Vnde optimè Augustinus.
 miliar. ho- *Sic Deus tonat, & steris?* Cui potiùs creden-
 mil. 3. dum; tibi malè iudicanti, an Christo bene
 omnia agnoscenti? Qui laudat indigentes,
 ipsemet egènus factus est. Verbo igitur, &
 exemplo inopiam celebrat.

Præterea, non est miserum habuisse, & H
 nihil habere; sed nihil posse habere. Nam
 ille multum habet, qui nihil habens potest
 omnia habentem habere, scilicet Deum, qui
 vt plurimum dat se minùs habentibus. Pos-
 sunt fures, prædones, aut alij tibi auferre di-
 uitias, sed non Deum, qui tibi illas dederat.
 Ille est igitur quærendus, non diuitiæ; hoc
 In Psal. 34. tibi consulit idem Augustinus. *Illum quare, qui*
desse non potest. Subtrahuntur qua dedit: nunquid
subtrahitur qui dedit?

Subiungis; si aliquid haberem, quo victi-
 tare, non curarem, sed nihil penitus habeo,
 famèque cum tota mea familia pereor. Non
 propterea debes animo deficere: scit enim
 Pater tuus cælestis quibus rebus indigeas,
 & quænam tibi expediant. Propterea caue,
 ne, quacumque necessitate premaris, te ex-
 crucies, vel in verba blasphemiarum prorumpas,
 cùm etiam nihil proficeres. Vnde Seneca.
 Lib. de con- [Illud, inquit, te non minimùm adiuverit, si
 fol. cap. 20. cogi

cogitaueris nihil profuturum doloré tuum.] Sed memineris patientissimi Iob, qui iacturam bonorum suorum, ac mortem filiorum patienter ferendo, & Deum in tanto miseriarum pēlago benedicendo, meruit, non tantum quæ perdiderat, sed & duplicata recuperare. De illo sic Gregorius: *Afflictus terrena perdidit, sed afflictionem humiliter sustinens, caelestia multiplicauit.* Et non tantum caelestia fuerunt ei multiplicata, sed & terrena. Vnde etiam de illo sic scribit Chrysostomus. *Postquam Iob corona patientia, & fortitudinis exornatus fuit, duplicia quæ amiserat, recepit. Tu verò duplicia, ac triplicia, imò centuplicia recipies cuncta, & vitam æternam, si tuleris generosè.*

Dicunt aliqui, non tantum fuisse illi duplicatam substantiam, sed & vitæ suæ ætatem. Nam, vt tradunt Olympiodorus, Suidas, & alij, Iobi calamitas durauit per sparium septem annorum; iam vixerat septuaginta annis, quando ei aduenit, & post illos septem annos vixit etiam alios septuaginta: quia sicut Deus reddidit ei facultates duplicatas, ita credibile est reddidisse etiam annos duplicatos. Hæc autem omnia meruit sua patientia, quam præcipuè toto illo septennio seruauit cum gratiarum actione: Nam hoc vnum ore suo semper promebat; *Su nomen Domini benedictum.* Et quamuis toto vitæ suæ tempore miser extitisset, non minus Deum semper benedixisset, & in ipsum sperasset, etiamsi maiora ei aduersa inflixisset; hoc enim apud se statuerat, dum diceret: *Etiamsi occiderit me, in ipso sperabo.*

Psal. 48.

Psal. 33.

Quæ verba explicans Gregorius, ostendit impium non benedicere Deum nisi in prosperis. De illo sic Dauid: *Confitebitur tibi cum benefeceris ei.* Iustus verò tam in aduersis quàm in prosperis ait, *Benedicam Dominum in omni tempore.*

Lib. de patient.

Vtinam illum imitareris, & ita patienter omnia incommoda patereris, quia fortè sicut & ipse in pristinum statum restituereris: non enim abbreviata est manus Domini. Qui dederat, potuit auferre; & qui abstulit; potest iterum dare; & si non det, scit hoc animæ tuæ non expedire, & spera videre, & possidere bona Domini in terra viuentium, & non in terra morientium. Cæterum, quibus laudibus hunc patientissimum Iob celebret Tertullianus, non pigeat audire, ut illum & mirari, & imitari in omni tua necessitate valeas. O *felicitissimum illum!* inquit, *qui omnem patientia speciem aduersus omnem diaboli vim expunxit. Quem non abacti greges, non ille in pecore diuitia, non filij ruina impetu adempti, non ipsius denique corporis in vulnere cruciatus, à patientia, fide Domino dedita, exclusit, quem diabolus totis viribus frustra cecidit. Neque enim à respectu Dei tot doloribus auocatus ille est, sed constitit nobis in exemplum, & testimonium, tam spiritu, quàm carne: tam animo, quàm corpore, patientia perpetranda, ut neque damnis secularium, nec amissione carissimorum, nec corporis quidem conflictationibus succidamus. Quale in illo feretrum Deus de diabolo extruxit? Quale vexillum de inimico gloria sua extulit, cum ille homo ad omnem acerbum nuncium, nihil ex ore suo promeret, nisi Deo gratias?*

Ad

Ad eos qui litibus, sine processibus exagitati causa ceciderunt.

CAPVT XI.

A VNQVAM defuere rixosi, contentiosi, ac litigiosi. Empedoclem aiunt his fuisse moribus, ut assidue contenderet, simulatesque cum aliquibus susci- peret, easque pertinacissime exerceret. Diogenianus refert anum quampiam Ptolemaidem, quæ quoad vixit lites agitabat, nec unquam ab agendis causis feriabatur. Hyperbolicus fuit mirum in modum appetens litium: hinc adagium, *ultra Hyperbolicum*, quod de illo dicitur, qui causas, processusque, quos vocant, plusquam par sit, suscitatur; & qui similis est his, de quibus Hesiodus: *Muli, inquit, litigant in foro, non tam ut aliquid consequantur, quam ut alios vexent, atque molestant.* Ideo idem consulit, ut ille forum & lites vitet, qui sibi non est conscius magnarum diuitiarum.

Hesiodus.

Christus veniens in mundum, voluit litibus & contentionibus finem imponere. De illo sic vaticinatus est Isaias, prout refertur ab Euangelista; *Non contendet, neque clamabit, neque audiet aliquis in plateis vocem eius*, vocem, inquam, contentiosam. Lites enim, secundum Augustinum, etiam iustæ vix possunt suscipi sine peccato, quia ferè proce-

Isai. 42.

Matth. 12.
August.
in Enchirid. cap. 78.

procedunt ex nimio amore rerum temporalium, & vix carent periculo odij, malevolentia, calumnia. Accedit iactura temporis, pacis, ac tranquillitatis internæ, quæ nisi maiori bono compensentur, non sine peccato lites etiam iustæ suscipiuntur. Vnde & Chrysostomus: *Omne iudicium, inquit, irritatio cordis est. Difficile est rem dimittere, sed difficilius est de iudicio sine peccato exire.* Hoc cognouit Apostolus, qui sic ad Corinthios scripsit: *Iam quidem omnino delictum est in vobis, quod iudicia habetis inter vos. Quare non magis iniuriam accipitis? Quare non magis fraudem patimini?* Quasi dicat: cum litigandi ratio sit peccandi occasio, vtilius esset iudicio iniuriam accipere, fraudemque pari, quàm litigare; quod nihil ferè aliud est, quàm peccare.

Non abs re igitur voluit Christus nos ab **B** omni lite & contentione retrahere, quando nobis sic consuluit: *Ei, qui vult tecum iudicio contendere, & tunicam tuam tollere, dimitte ei & pallium.* Dices; si ad me pertinet tunica, quare cum illa debeo dimittere & pallium? Nouerat Dominus, quod aliquando si contendere velimus, & litigare pro vna tunica, multa oportebit soluere, & expendere, quæ plus valebunt, quàm tunica & pallium simul, vt sæpe contingit: ita vt melius, & vtilius sit dimittere quod postulatur, ne plus litigando expendatur. Præterea, satius est tunicam & pallium dimittere, quàm ea defendendo peccatum committere, & sic animam amittere. Fortè Deus tuæ conscientia tranquillitati consulere volēs, ideo permisit te causa
cadere,

cadere, vt litigare deinceps desineres, atque ita seruus Domini remaneres; quia, iuxta Apostolum, *seruum Domini non oportet litigare.* 1. Timor. 2.
B. Ægid.

Vnde sapienter, & piè Beatus Ægidius paradoxum hoc Christianum sanxit: *Quando quis contendit tecum, si vis vincere, perde.* Perde, inquam, substantiam, pecuniam, bona temporalia, & vinces dæmonem, & vitia. Itaque, cùm quis causa cecidit, diabolus vicit, qui illi suadebat, vt illas possideret facultates, quæ ad eum minimè pertinebant: quòd si pertinebant, vicit superbiam, luxuriam, & alia vitia, quæ facultates illæ nutriebant, fouebântque. Ideo meritò Sanctus Ephrem moriens gloriabatur, quòd nunquam cum vllò Christiano contenderit, aut litigarit, cùm hoc pacto multa lucratus fuerit. Est igitur lucrum, quod iacturam putabas: nam perdendo inuenisti, cadendo vicisti, dando recepisti, restituendo comparasti.

C Propterea, hoc dumtaxat vtar dilemmate, quo valeam consolari te. Vel illud, de quo, aut pro quo litigabas, & iudicio contende-
bas, tibi debebatur, vel non. Si tibi debebatur, iure possidebas; & si tibi sublatum sit, scito tibi semper deberi, illúdque tam aufertentem, quàm possidentem tibi restituere teneri; verumtamen Deum permisissè, vt illud perderes, ne te ipsum perderet. Præiudicauerat Deus illud tibi, aut heredi tuo magnum incommodum, vel animæ iacturam allaturum: fortè enim illo fuisses abusus, aut in vestitu, vel in ludo, & cibo, aut alio modo; & quod nunc perdidisti processibus, amisisses excessi

excessibus. Satius est substantiam nostram aliorum culpa perdere, quàm nostra. Quod altercando perdidisti, poteras naufragio, aut alia via perdere. Vt cataplasma capiti tuo commodè adhibeatur, necesse est capilli abradantur: utilis abrasio, per quam fit curatio. Aliquo modo curandus eras, sed ne illa quam possidebas substantia impediret, necesse fuit, ut à te præscinderetur. Audi Ambrosium: *Quando caput curandum est, iubemur abrasos capillos demere, impedimenta cutis uniuersa deponere, ut nudo capite perfectius medicina proueniat. Ita & cum anima curanda est, precipimur substantiam seculi à nobis auferre, ut nuda & soli anima congruentius spiritalis proueniat medicina.* Quod sponte ad salutem deserere noluiſti, Deo permittente perdidisti: facta est Iudicis sententia veluti tonforis nouacula. Sustineres tonsionem; patere hanc amissionem.

Dices; absque capillis potero quidem vivere, sed non absque istis quas amisi facultatibus, saltem non ita commodè. Respondeo, quòd, quemadmodum licet sanguis necessarius sit, ac sine ipso non possit quis subsistere, cum sit veluti sedes & vehiculum animæ; verumtamen si plus æquo abundet, & nimius sit, minuendus erit: ideo venam scalpello secari iudicabit Medicus. Ita bona temporalia, quæ tibi ad victum necessaria existimas, si affluant, nimiumque abundant, nocebunt; & expedit, ut interdum minuantur: & sicut sententia Medici tibi extrahitur sanguis nociturus; sic hac Iudicis sententia

Serm. 2.

Simile.

sententia tibi subtrahitur nocitura substantia. Tuus erat sanguis, qui ex tua vena emanavit, sed non minùs extrahendus, quia superfluus: tua erat illa, quam iustè possidebas, substantia; sed quia nimia, vel superflua, consultò tibi detrahitur, ne per illam ad interitum traharis. *Cest arrest*, vel lata illa in te sententia, fuit tibi salutaris phlebotomia, qua fuisti quodammodo exoneratus. [Exoneravit te fortuna, inquit Seneca, si intelligis, & tutiore posuit loco; damnum putas, quod remedium est.] Scito interim, quòd sanguis ille tuus, aut substantia tua iniustè ablata requiretur de manu illius Iudicis, qui te condemnauit; sic enim Deus illi per Prophetam interminatus est: *Sanguinem autem eius de manu tua requiram.*

Seneca.

Ezech. cap.
3 & 33.

Si verò ad te non pertinebat, quod tibi hac sententia sublatum est, cur doles, quòd cogaris reddere, quod tuta conscientia retinere non poteras, & quod necessariò sub pena damnationis æternæ tibi restituendum erat? Non fit nobis iniuria, dum præcipimur restituere aliena: nulla Iudicis sententia potuit fieri tuum, quod alienum est: nolim te dolere, quòd reddas, sed quòd cogaris reddere, factus spongiæ similis, quæ nisi prematur ebibitam aquam non reddit. Vtinam igitur sponte reddidisses, quod licitè possidere non poteras: quia, secundum Tullium, [nihil est turpius ingenuo; nihil minùs libero dignum, quàm cogi à Magistratu alienum reddere.] Quod nocivum est in corpore, veluti apostema, necesse est, vt foras emit

Simile.

Cic. 4. 28.
in Verrem.

emittatur, ne vita amittatur: apostema erat, quod illicitè possidebas, quod non exiisset, nisi te Iudex sua sententia percussisset. Non est igitur tibi condolendum, sed congratulandum, quòd à te salubriter exierit, quod miserè te inficiebat: & quòd iam reliqueris, quod tandem relicturus eras, non sine maximo tuæ animæ detrimento.

De verb.
Apoll. sup.
Leuitic.

Dices; quæ non rapui, exoluo, in domo E mea, vel apud hæreditatem meam, quod reddere compellor, inueneram. Inuenisti, nec propterea tenere potuisti. Audi Augustinum: *Quod inuenisti, & non reddidisti, rapuisti.* Idipsum sentit Origenes, qui sic scribit. *Multi sine peccato putant esse, si alienum, quod inuenerint, teneant: & dicunt, Deus mihi dedit: cui habeo reddere? Discant ergo peccatum hoc esse simile rapina, si quid inuentum non reddant.* Non decet retinere, quod scis ad te non attinere. Nesciebam, inquis: esto; doleas, quòd nescieris; & gaudeas, quòd reddideris, etiam Magistratus sententia, tua antea ignorante conscientia: & quod tibi fieri velles, alteri fecisse non pigeat. Velles autem tuam tibi restitui substantiam, si ab aliis quamuis ignorantibus detineretur: patere tu similiter, ut alteri reddatur quod suum est.

Cæterùm, indignum ducebat Seneca de puncto disceptare, vel litigare, & de infinitis cælorum spatiis non curare. Punctum, imò minus puncto est, de quo litigasti, & quod perdidisti: pudeat te de re tam exigua contendisse, quæ eiusmodi est naturæ, ut ad alium transferri nequeat, nisi alteri eripiat.

piatur. [Ista quæ appetis, ait ille, quia exigua sunt, nec possunt ad alterum, nisi alteri erepta, transferri; eadem affectantibus pugnam & iurgia excitant.] Pareit quodammodo angustia itineris, per quod transimus, & quod, teste eodem, rixas concitat transcuntium; verum, si ad infinita illa cælorum spatia, quæ appetimus, mentis aciem dirigamus, pudebit nos certè doluisse ob amissionem tam modicæ substantiæ, ac neglexisse ea, nempe cælestia, pro quibus cætera omnia negligenda, & contemnenda sunt.

Lib. 3. de
ira. cap. 32.

Ad Religiosos.

C A P I T U L U M XII.

AD vos, ô viri Religiosi, non accederet noster Clypeus, nisi audirem: *Fili accedens ad servitutem Dei, sta in timore, & tremore, & prepara animam tuam ad tentationem.* Qui tentationibus impugnetur, indiget armis, ut non expugnetur: ideo quis præmonetur, ut præmuniatur. Munienti præcipuè estis patientia ad ardua quæque in ordine ferenda: patientes autem eritis, si diligenter præmia, quæ vos manent, consideretis. Nam diabolo suggerente existimant vestrum nonnulli se non plus mereri in claustro, quàm in sæculo, ideo optarent exire de claustro & redire ad sæculum; noluntque onus religionis patienter ferre, quòd credant.

Eccl. 3.

D d

nihil

nihil, aut parum præmij ex eo referre. Audiamus igitur illos quærentes, & quasi conquirentes, & audiant ipsi nos respondentes.

1. Ecce nos, aiunt, reliquimus omnia, pauperem vitam ducimus, nihil penitus possidemus. *Quid ergo erit nobis?* Tria vobis promittuntur à Christo. Primò in hoc mundo, *Math. 19. centuplum accipietis.* Deinde in iudicio finali, *sedebitis & vos super sedes duodecim, indicantes duodecim tribus Israël.* Tandem, & vitam æternam possidebitis. Quoad primum, certum est Christum vobis sub centupla quantitate multò plura quàm dimiseritis, polliceri in hac vita: ponitur enim certus numerus pro incerto. Ideo apud Lucam pro *centuplum*, legitur, *muleò plura*, & est sensus: magna pro parvis quæ reliquistis, aut multò plura, quàm reliquistis, recipietis: *nunc in tempore hoc*, ut est apud Marcum.

- Quomodo autem quis pro his quæ dimisit centuplum sit, recepturus, explicat Cassianus: *Centuplam*, inquiens, *fratrum, parentumve recipiet quantitatem*, quisquis patris vnius, vel matris, seu filij pro Christi nomine, charitate contempta, in omnium qui Christo seruiunt, dilectionem sincerissimam transiit. Pro vno scilicet tot inueniens patres, fratresque feruentiore, ac prestantiore sibi affectione deuinctos. Multiplicata etiam domorum, atque agrorum possessione ditabitur, quisquis vna domo pro Christi dilectione reiecta, innumera Monasteriorum habitacula, tamquam propria possidebit, in quacumque orbis parte, velut in sua domus iure succedens;

cedens ; quomodo enim non centuplum , & si Domini nostri sententia superadiici aliquid fas est, plusquam centuplum recipit , qui decem , vel viginti seruorum ministeria , infida , & coactitia relinquens , tot ingenuorum , ac nobilium spontaneo fulcitur obsequio ? Quod ita esse , etiam vestris experimentis probare potuistis , qui singulis patribus , matribusque , ac domibus relictis , quamlibet mundi partem fueritis ingressi , patres , matres , fratresque innumeros , domos quoque & agros , seruosque fidelissimos , conquiritis , qui vos ut proprios dominos summis venerantur officiis. Hæc ille.

B Modicum , aut ferè nihil est , quod in sæculo deferuistis , & amplum est quod in ordine comparastis. Socrates Alcibiadem diuitias suas iactantem adduxit ad tabulam , in qua descriptus erat totius terræ ambitus , rogauitque , vt in ea Atticam inueniret , quam cum ille ostendisset , rogauit item vt suos fundos indicaret ; cum respondisset , nusquam illic esse depictos ; cur ergo , ait , eorum te possessione effers , quæ nulla terræ portio sunt ? Aded. sunt exigua quæ à quibusdam possidebantur in sæculo , vt vix percipi valeant : & licet magna apparerent , tamen nulla ferè essent in comparatione eorum , quæ in ordine acquisierunt. Trithemius de ordine Sancti Benedicti , cuius ipse erat alumnus , affirmare audet , si omnes ei sue possessiones manerent , futurum sine dubio vt Sanctus Benedictus tertiam Christiani orbis partem possideret. Quod nemo mirabitur , si temporum illorum pietatem attendat , ex qua illa liberalitas in

*Lib. de viris
illustrib.
cap. 2.*

Prou 13.

1. Cor. 6.

Serm. 21. in
Cantic.

Deum, eiusque famulos existerat. Verè do-
paupere Euangelico illud dici potest; *Est
quasi dives, cum nihil habeat*. Estis, inquam,
viri Religiosi, *tamquam nihil habentes, & om-
nia possidentes*. Vnde optimè Bernardus: *Non
putent, inquit, diuites huius sæculi fratres Christi
sola possidere celestia, quia audiunt dicentem:
Beati pauperes spiritu, quoniam ipsorum est re-
gnum celorum. Possident & terrena, & quidem
tamquam nihil habentes, & omnia possidentes, è
pro certo magis domini, quò minus cupidi. Vide-
te igitur, quomodo voluntaria vestra pauper-
tas etiam in præsentì amplà compensetur
substantia.*

Lib. de
elemosyn.

Dicet fortè aliquis: habeo quidem multa,
sed non mihi soli, cum omnia sint apud nos
communìa. Esto; nihil refert. Nec in sæculo
solus fuisses usus tua substantia, ex ea come-
dissent filij, domestici, & amici. Cur tibi
tantum vis in claustro, quo solus non vte-
reris in sæculo? Instas: eiusmodi sum institu-
ti, in quo non solum in particulari, sed nec in
communi aliquid possidere permittitur; quo-
modo ergo nobis de necessariis prouidebi-
tur? Respondet Diuus Augustinus te incre-
pando, & increpat respondendo. *An putas,
terrena deerunt, quibus celestia, & diuina tri-
buuntur? unde hæc incredula cogitatio? Quid fa-
cit in domo Dei perfidum pectus? Credo equi-
dem omnia optata tibi non suppeditari; sed
nec ulli sæcularium: neque enim hoc expe-
dit. Sufficiant tibi necessaria, quæ nunquam
tibi deerunt, si Deo non desis. Dico itaque
cum Hieronymo; In promissis veritatis nemo
dubitet.*

In cap. 6.
Matth.

ambitet. Sit homo, qui esse debet, & mox addentur ei omnia, propter quem facta sunt omnia. Vera certè & docta ratio. Nam cùm omnia, quæ in mundo sunt, hominis gratiâ facta sint, nunquam illa se ab hominis obsequio subtraherent, nisi ipse se à diuino obsequio subtraheret. Quare si ille ad eam, quam Deo debet seruitutem, redierit, iure quodam suo reliqua, tamquam sua, & sibi debita recuperabit, porissimùm quæ illi erunt necessaria. Non enim deferet te, pro quo omnia deseruisti: si ei, vt decet seruias; tibi, vt expediet, prouidebit.

C Propterea, & præterea, pro utroque parente, & aliquibus fratribus & sororibus derelictis innumeris, vt diximus, à Domino suscitantur patres, fratres, benefactores, & alij amici spirituales, vos interdum plus diligentes, quàm parentes ipsi carnales, qui vobis ministrabunt quæ necessaria erunt. Audite Bedam. *Qui terrenis, inquit, affectibus, siue possessionibus pro Christi discipulatu renunciauerit, quò plus in eius amorem profecerit, eò plures inueniet, qui se interno suscipere affectu, & suis gaudeant sustentare substantiis.* Non abs re igitur Climacus dicere solebat, *pauperem Monachum dominum esse mundi; & qui iactauit in Deum curam suam, possidere per fidem omnes gentes in seruos.*

In homil.
de Sancto
Benedicto.

Grad. 17.

2. Quantum ad secundum, promittitur vobis in iudicio extremo iudiciaria potestas. *Sedebitis & vos super sedes duodecim, indicantes duodecim tribus Israël.* Hanc autem iudicandi potestatem tribuendam esse à Christo pauperibus

Matth. 19.

- Iob. 36. peribus Euangelicis præuiderat Iob. *Iudicium pauperibus tribuit.* Dicat igitur Magnus
- Lib. 10. moral. cap. ult. Gregorius : *Quisquis stimulo diuini amoris excitatus , hic possessa reliquerit , illic proculdubio culmen iudiciaria potestatis obtinebit , ut simul tunc index cum iudice veniat , qui nunc consideratione iudicij sese spontanea paupertate castigat.* Con-
- Serm. super hæc verba, Ecce nos reliquimus, &c. querebatur Diuus Bernardus, quod nonnulli parui facerent hanc promissionem. *Quid,* inquit, *istud miseria est , quod ad verbum tanta promissionis negligentia humana dormitat?* Iudicent vos nunc filij huius sæculi, atque præiudicent ; sedeant , & aduersus vos loquantur : sunt ipsi futuri tamquam rei , & vos iudices : sunt iudicandi, & vos iudicaturi : stabunt, & vos sedebitis : trepidabunt, & vos
- Serm. 8. in Psal. 90. eritis securi. *Felix paupertas*, ait idem Bernardus, *quæ tam securos, imò tam gloriosos faciat in illo singulari fragore elementorum, in illo examine meritum.* Obtenebratis cæli luminari- bus, cadentibus stellis, trepidantibus cæteris hominibus, ac toto terrarum orbe commoto, critis intrepidi audita hac Christi voce : *Leuate capita vestra, ecce appropinquat redemptio vestra.*
- Luc. 22.

Dicent aliqui : hæc sedendi, & iudicandi **D** potestas Apostolis promissa est, non nobis. Respondeo etiam nobis fuisse promissam, qui Euangelicam profiteamur paupertatem, quæ omnino Apostolica est. Audite Bernardum : *Apostolicam omnes nos vitam professi sumus, Apostolica professioni nomina dedimus vniuersi.* Qui igitur exemplo Apostolorum omnia propter Christum reliquerunt, cum Christo,

Serm. de ingrat.

Christo, & Apostolis alios iudicaturi sedebunt. Testis sit Beda: *Omnes, inquit, qui ad exemplum Apostolorum sua omnia reliquerunt, & sequuti sunt Christum, iudices cum eo venturi sunt, sicut etiam omne mortalium genus est iudicandum. Quia autem duodenario saepe numero solet in Scripturis vniuersitas designari, per duodecim sedes Apostolorum omnium vniuersitas iudicantium, & per duodecim tribus Israël vniuersitas iudicandorum ostenditur. Si modò mendicantes steris, tunc iudicantes sedebitis; & sicut sessuri, & iudicaturi estis cum Christo, ita etiam his qui vobis eleemosynam deuogauerunt, dicturi estis cum Christo: *Esuriui, & non dedistis mihi manducare, &c.* Hoc vobis non exprobrabitur, quibus aliquid possidere non permittitur. Nam, ait Bernardus, quomodo à nobis exigit Deus, quod pro ipsius amore relictum est? Hanc itaque secundam vestram remunerationem concludam cum eodem Patre. Numquid non pretiosiore ducitis paupertatem vestram thesauris saeculi, siquidem ipsa est, qua liberat vos à verbo aspero? Ecce verbum asperum: *Tollatur impius, ne videat gloriam Dei.* Et; *Ite maledicti in ignem aeternum, &c.* *Esuriui enim, & non dedistis mihi manducare, &c.* Fœlix igitur nostra paupertas, quæ & lessio nem cum Christo, & liberationem meretur à verbo aspero.*

3. Tertiò, paupertati nostræ vita promittitur æterna, cum dicitur; *& vitam æternam possidebitis.* Quid quærimus ampliùs? Hoc promittit, qui fallere non vult, neque potest, idque iurciurando; ait enim. *Amen dico*

Id d 4 vobis:

Serm. in
nat. S. Be-
ned.

Matth. 23.

Serm. 3. in
Matth. 23.

Matth. 23.

Matth. 19.

Matth. 10.

Match. 5.

vobis : nemo est, qui reliquerit domum, aut fratres, aut sorores, aut patrem, aut matrem, aut filios, aut agros, propter me, qui non accipiat centies tantum, nunc in tempore hoc, &c. Et in sæculo futuro vitam æternam. Iam beatos vos proclamauit, iamque vestrum esse regnum cælorum declarauit. *Beati pauperes spiritu, quoniam ipsorum est regnum cælorum.* Non dixit, erit, sed, est; vel quia paupertas ita omnium curarum sæcularium expers est, vt in hac quoque præsentī vita futuræ vitæ æternæ fœlicitatem præcipiat ac prægustet : vel quia adeò remota est ab omnibus periculis, adeoque ei certa est huiusmodi vita æterna, ac si eam manibus teneret, vtī dicemus infra ad pauperes, vbi ostendimus, quanta bona, quantæque vtilitates eueniant pauperibus; ita vt satius sit bonis temporalibus indigere, quàm abundare.

Serm. 55.
de tēporc.Serm. 28. de
verb. Apost.

Beatus Pater noster Franciscus paupertatem appellat *Altissimam* : quia in altissimum cælum attollit hominem. *Calca mundum,* inquit Augustinus, *vt eo calcato gradum tibi facias, per quem in sublime conscendas.* Verè altissima paupertas, quæ nos altissimos facit. Dicat iterum idem Augustinus. *Vt ad regnum cælorum veniret diues, possessione sua obtinere non potest, nunc obtinet, vt contempta perueniat.* Seruanda est igitur nostra paupertas, totisque viribus amplectenda, ac læto animo ferenda, qua nunc plura, quàm dimiserimus, nobis acquiruntur; quæ nos in iudicio affidere, ac tandem in cælo regnare faciet cum Christo.

Pergi

Pergitis & dicitis; non tantum pauperem vitam ducimus, sed & cælibem, castæque viuimus. *Quid ergo erit nobis?* Mercedem recipietis, tum in hoc sæculo, tum in futuro. Nam primò, qui cælibes viuunt, liberi sunt. Si vxorem duxissetis, fortè more Achaiaë vixissetis. Id est, non vos vxori, sed vxor vobis imperasset. Solebant olim in Achaia vxores regimen domus gerere, ac negotiari; viri autem fœmineo induti amictu lectos sternerant, domum mundabant, mensam parabant, aliæque fœminarum propria munia subibant: ex quo more emanauit prouerbiũ, vt cum quis nimium se vxoris imperio subiiceret, diceretur *vitam Achaia agere*. Qua loquendi formula vsus est Plinius quendam amicum suum obiurgans, quòd vxori nimium subderetur. Nunquam igitur vobis hoc prouerbiũ competere poterit. Multi verò sunt in sæculo, qui more Achaiaë viuere coguntur.

Epist. ad
Sabarium.

Pulchrè Diuus Chrysostomus virum & vxorem comparat alicui pari seruorum fugitiuorum, qui sunt inter se catena colligati, vt etiam si hero suo se eripiant, tamen alterum alter sequi cogatur; nec ab inuicem seiungi possint. Hoc innuit Paulus: *Alligatus es vxori? noli quarere solutionem*. Vnde ille Doctor sic scribit. *Videsne rei necessitatem, & inexorabilem seruitutem? vides utrumque funiculis constrictum? est enim connubij necessitudo instar vinculorum*. Hinc Diuus Basilius coniugium vocat compedes, à quibus quis liberatur professione castitatis. *Quicumque,*

1. Cor. 7.

De virgin.
cap. 41.

Cust. mon.
cap. 1.

Dd 5 inquit,

inquit, à mundi vinculis liber esse cupit, coniugium veluti compedes quasdam profugere debet, & Deo vitam suam consecrare, & castitatem profiteri. Nolite igitur dolere tanta euasisse vincula, & vxorum non fuisse mancipia. *Quanta felicitas*, inquit Hieronymus, *non vxoris seruum esse, sed Christi; non carni seruire, sed spiritui.*

Lib. I. cont.
Iovinianū.

Gaudete, quòd cælibatum sitis amplexi, F
qui dabit otium, non quomodo mundo, sed quomodo Deo placeatis. Nam qui cum vxore est, sollicitus est quæ sunt mundi, quomodo placeat vxori, & diuisus est. O inutilem sollicitudinem, cogitare quomodo placeat vxori! quæ interdum adedò erit morosa, vt vix possit ei vir placere, nec vnquam placebit, si aliquando, aut semper ipsi non pareat; atque ita cum dedecore placebit. Nam iuxta Democritum, [mulieri parere, extremum dedecus est viro.] Satiùs vobis sit cogitare quomodo placeatis Deo, non mulieri; nam quam mercedem habebit, qui mulieri placere contendit? & quam mercedem non obtinet, qui Deo placere studet? Quid nobis cum mulieribus, quibus non placemus sine muneribus? aut quibus placere dedecus est, displicere labor est? Iuuat adhuc hîc referre quod quidam scriptis mandarunt. [Astrictus nuptiis, non amplius liber est.] Item: [Similes sunt senectus & nuptiæ; vtramque enim consequi desideramus: postquam verò nacti sumus, tristamur.] Omnes quidem optant senescere, sed ob infirmitates, quibus senectus subiicitur, dolent ad talem ætatem peruenisse.

Hippoth.
Theodec.

Sic

Sic omnes ferè nubere vellent, sed postquam onera, & labores matrimonij sunt experti, optarent numquam nupsisse; ac tantò maior illorum dolor est, quantò minor est matrimonij solutio. Fœlices igitur illi sunt, qui, vt ait Gregorius, *nulla coniugis, nulla filiorum cura, nullis noxiis & difficilibus rei familiaris cogitationibus implicantur.* Homil. 6. in Ezech. Marcellà maior rogata à matre sua, gauderétne se nupsisse, respondit: ita valdè, vt ampliùs nolim. Hoc dicebat iam matrimoniali labore pressa.

Porro, quanta viris ex coniugio obueniant incommoda, quantæque animi perturbationes, innuit Theophrastus apud Diuum Hieronymum contra Iovinianum, quorum nonnulla recensere non verebor, vt videat lector, quanto sint affecti beneficio, qui voto castitatis ista euaserunt. Sic enim ille scribit. Impediuntur nuptiis studia Philosophiæ. Non potest quis libris, & vxori pariter inferuire. Multa sunt vsibus matronarum necessaria, pretiosæ vestes, aurum, gemmæ, sumptus, ancillæ, supellex varia, lecticæ & esseda deaurata. Deinde per noctes totas garulæ conquestiones illa ornatior procedit in publicum; hæc honoratior ab omnibus: ego in conuentu fœminarum misella despicior. Cur aspiciebas vicinam? Quid cum ancillula loquebaris? de foro veniens quid attulisti: non amicum habere possumus, non sodalem. Alterius amorem, suum odium suspicatur. Si doctissimus præceptor in qualibet vrbiū fuerit, nec vxorem relinquere, nec cum sarcina ire possumus. Pauperem alere diffi

difficile est, diuitem ferre tormentum. Adde, quoniam nulla est vxoris electio, sed qualiscumque obuenerit habenda. Si iracunda, si fatua, si deformis, si superba, si fœtida: quodcumque vitij est, post nuptias discimus. Attendenda semper eius est facies, & pulchritudo laudanda: ne si alteram aspexeris, se existimet displicere. Si totam domum regendam ei commiseris, seruiendum est. Si aliquid tuo arbitrio seruaueris, fidem sibi haberi non putabit; sed in odium vertetur & iurgia. Verùm quid prodest etiam diligens custodia, cum vxor seruari impudica non possit, pudica non debeat? Pulchrà citò adamatur, fœda facilè concupiscit: difficilè custoditur, quod plures amant. Molestum est possidere, quod nemo habere dignetur. Minore tamen miseria deformis habetur, quàm formosa seruatur. Nihil tutum est, in quo totius populi vota suspirant. Alius formâ, alius ingenio, alius facetiis, alius liberalitate sollicitat.

Quòd si propter dispensationem domus, & languoris solatia, & fugam solitudinis ducantur vxores; multò meliùs seruus fidelis dispensat, obediens authoritati domini, & dispensationi eius obtemperans, quàm vxor, quæ in eo se existimat dominam, si aduersum viri faciat voluntatem, id est, quod placet, non quod iubetur. Assidere autem ægrotanti magis possunt amici, quàm illa quæ nobis imputat lacrymas suas; & hæreditatis spe vendit illuuiem: & sollicitudinem iactans, languentis animum desperatione conturbat.

Quòd

Quòd si ipsa languerit , coægrotandum est & nunquam ab eius lectulo recedendum, Aut, si bona fuerit & suavis vxor, (quæ tamen rara auis est) cum parturiente gemimus, cum periclitante torquemur. Porro liberorum causâ vxorem ducere, vt vel nomen nostrum non intereat, vel habeamus senectutis præsidia , & certis vtamur hæredibus , stolidissimum est. Quid enim ad nos pertinet recedentes è mundo , si nomine nostro alius nominetur , cùm & filius non statim patris vocabulum referat : & innumerabiles sint, qui eodem appellentur nomine ? Aut quæ senectutis auxilia sunt , enutrire domi , qui aut prior te fortè moriatur , aut peruersissimis sit moribus ? aut certè cùm ad maturam ætatem venerit, tardè ei videaris mori ? Hæc , & huiusmodi Theophrastus.

Si fortè quis hunc authorem auscultare noluerit , audiat Gregorium Nyssenum hac de re differentem, atque ita scribentem. *Va-*
ria , & multiplex est malorum copia , quæ ex ma-
trimonio existunt. Dolorem enim liberi afferunt
& nati , & non nati, & viui, & mortui. Hic libe-
rorum multitudine gaudet , sed gemit , quia non
habet unde alat. Ille contrà, qui in diuitiis queren-
dis multùm laborauit , nunc herode caret , cui eas
relinquat. Itaque vnius bona fortuna , alterius est
calamitas , cùm sibi uterque illud euenire velit,
quo alterum cruciari videt. At huic mortuus est
suauissimus puer ; illi verò viuus filius perditus :
uterque sane commiseratione dignus ; vnus enim
filij morte , alter vita dolet. Affectus porro , &
perturbationes, rixas , tum ex rebus veris , tum ex
falsis

Lib. de virg.
cap. 3.

falsis suspicionibus temerè ortas, quis enumeret?

1. Cor. 7.

Lib. 1. ad
uers. Iouin-
ianum.

Ibidem.

Hæc autem incommoda cum per cælibatum euadamus, meritò Apostolus affirmat, *bonum esse homini sic esse*, sup. cælibem. Vnde optimè Hieronymus ita colligit. *Si bonum est homini sic esse, ergo malum est homini sic non esse*. Cum itaque huiusmodi bonum fitis adepti, gaudete. Nam Comicus, teste eodem Doctore, *fortunatum putat, qui uxorem nunquam duxerit*.

Ibidem.
Ibidem.

Scitote etiam in coniugio rarò inueniri **H** voluptates, quæ quæruntur; imò verò tribulationes, quæ non sperabantur. Hoc vno verbo innuit Paulus, dum de coniugibus loquitur: *Tribulationem carnis habebunt huiusmodi*. In quæ verba idem Hieronymus aduersus Iouinianum ostendit nos esse ignaros, putantes nuptias habere carnis lætitiā. Nos, inquit, *ignari rerum putabamus nuptias saltem carnis habere lætitiā. Si autem nubentibus etiam in carne tribulatio est, in qua sola videbantur habere delicias; quid erit reliquum, propter quod nubant? cum & in spiritu, & in anima, & in ipsa carne tribulatio sit*. Nullas itaque delicias continent nuptiæ; sed multas tribulationes, quæ sine merito sæpe tolerantur, quia spe voluptatis sæpe contrahuntur. Vnde Chrysostomus, quid coniugati sentiant de Religiosis pulchrè ostendit. Cum inquit, *se arumnis & angoribus circumseptos vident, solent eos appellare beatos, qui coniugij expertes in cænobiis cum tranquillitate viuunt, quia non secularem tristitiā, non dolorem, non curas illas, non pericula, non insidias, non inuidiam, non zelotypiam, non absurdos amores, nec aliud*

Hom. 16. ad
Pop.

aliud quidpiam eiusmodi patiuntur. Illi nos beatos prædicant, qui nullam ex matrimonio capiunt lætitiā: imò in dies maiorem experiuntur mœstitiā. Expertis credamus, & quòd tantarum miseriarum copiam euaserimus, gaudeamus, Deoque gratias agamus, & si quid laboris sit in cælibatu, libenter feramus.

Caveant interim fratres, ne quod cælibatu euaserunt, alicuius mulieris familiaritate sibi vendicent. Cur vultis mulierculæ implicari consortio, qui renuistis copulari coniugio? Nolite aliquam deperire, si non vultis perire. Habent licita coniugia suas mœstitiās, quantò magis illicita consortia? Diuus Cyprianus vocat mulierem *laqueum compium, & naufragium super terram.* Cur vultis sponte irretiri laqueo, quem effugistis; & certo exponi naufragio, quod euastis? Dicer quis: loquitur ille Doctor de mulieribus improbis & insipientibus, ego autem prudentem diligo: est illa improba, quæ tuum vesanum amorem non improbat: nec valdè sapit, quæ te plus æquo diligit, vel quæ à te aliquid accipit. Nam si dandum sit, furandum est: si accipiendum, restituendum.

Serm. ad-
uers. impr.
mul.

I Numerate deinde, quanta ex nimia illa familiaritate, & amicitia oriantur damna: læditur anima, perturbatur conscientia, teritur tempus, augetur zelotypia, fama commaculatur, proximus scandalizatur. *Quid necesse est,* ait Ambrosius, *ut demus secularibus obrectandi locum?* Crescit insuper dolor, quando illa est relinquenda, quæ nunquam

Lib. I offic.
cap. 20.

erat

erat diligenda. Cur mulierum quæritis confortia, qui non potestis eadem semper habere domicilia? Si vxoratis omnia tandem sunt relinquenda, iuxta illud,

Horat.

Linquenda tellus, & domus, & placens vxor.

De singularitate Clericorum.

Quantò magis vobis, qui iam omnia reliquisse profitemini, & quibus tandem mutandus est locus? Qui quærit cum mulieribus versari, & ab illis adamari, optat peiorem febrem super aliam sibi adhiberi, aut grauius onus super aliud. Audiamus Cyprianum. *Habes nunc carnem tuam, quam superes semper. Quid tibi vis aliam conducere? Nemo super unam febrem cupit adhibere peiorem; neque aliquis super onus proprium tollit insuper alienum, ne oneribus duobus oppressus, usque ad inferos demergatur.* Submergite quamprimùm omnes istos amores, ne mergamini ab eis; nolite cum aliqua amicitiam contrahere, si non vultis ad gehennam attrahi; atque ita quodammodo ab vna gehenna ad aliam traheremini. Denique, iuxta Hieronymianum præceptum, omnes mulieres vel æqualiter ignoremus, vel æqualiter diligamus; nulla à nobis specialiter diligatur, cum omnes deseruerimus, ut Deum specialius diligeremus, & ei liberiùs inserviremus. Apostolus dum aliquos ad cælibatum hortaretur, dicebat: *Volo vos sine sollicitudine esse*; sentiens cælibes vivere in hoc mundo sine sollicitudine, quod non minimum beneficium est. At quæritis sollicitudinem, si fœminarum quæritis familiaritatem: nam cogitandum erit de munusculis præbendis, de loco & tempore ad colloquendum

1. Cor. 7.

quendum cum ipsis, de modo illis placendi, quod non fit sine sollicitudine, sine scandalo, sine murmuratione, & sine animæ detrimento. Quid igitur quæritis sollicitudinem, qui estis sine sollicitudine?

Præterea facit vos cælibatus Angelis similes. *Quid castitate decorius*, ait Bernardus, *qua mundum de immundo conceptum semine, de hoste domesticum, de homine Angelum facit?* Adeo nos castitas Angelis æquat, ut iam in terris de illorum familia deputemur: sic enim scribit Tertullianus de continentibus. *Jam in terris non nubendo de familia Angelica deputantur.* Sola est castitas, quæ in hoc mortalitatis loco, & tempore statum quemdam immortalitatis gloriæ repræsentat. Sola inter nuptiarum solennia morem beatæ illius regionis vendicat, in qua non nubent, neque nubentur: præbens quodammodo in terris cælestis iam illius conuersationis experientiam. Vnde Ambrosius ad cælibes: *Quod nobis promittitur, vobis præstò est.* Quàm puri castitatem seruantes efficiamur, nouerat Cato, licet Gentilis, sentiens, vitam nostram similem vitæ Deorum, si sine vxoribus esse possimus.

K Tandem, magnum & peculiare præmium vobis seruetur in cælis, cum sitis de illis eunuchis, qui se castrauerunt propter regnum cælorum, de quibus sic Propheta. *Hæc dicit Dominus eunuchis, &c. dabo eis in domo mea, & in muris meis locum, & nomen melius à filiis & filiabus: nomen sempiternum dabo eis, quod non peribit.* Quem locum explicans Augustinus ait, quod licet omnes beati sint in cælo;

Ec pecu

Epist. 43 ad
Henricum
Sen. Ar-
chiep.

Lib. 1. ad
vxorem.

Matth. 22.

Lib. 1. de
virg.

Cato.

Isai. 56.

De statu
virg. c. 26.

peculiari tamen, & excellenti gloria potientur, qui castitatem promiserunt & seruauerunt, qua quidem gloria distinguuntur à cæteris caliculis. Ideo Deus nomen se eis daturum promisit. Vnde Basilii Deum ipsum de voluntariis eunuchis, qui scilicet castitatem sibi voto deuinxerunt, ita loquentem inducit. *De humano nomine Angelorum immortalium eis nomen dabo, quod non deficiet, ut calum, & cali pulcherrimam partem habeant ad immortalandum, atque in cali pulcherrima sede, hoc est, in domo mea intra septa habitantes, non Angelorum iam naturam tantum ad dignitatem perpetue successionis accipiant, ipsi sibi in aeterna vita pro successionem generis sufficientes, verum & locum inter Angelos habeant illustrem, noménque indelebile pro eximia virtutis splendore.* Dicat, igitur Sapiens. *Fœlix spado, qui non operatus est per manus suas iniquitatem, nec cogitauit aduersus Deum nequissima: dabitur enim illi fidei donum electum, & fors in templo Dei acceptissima.* Hanc sortem nullus aliis spadonibus promitti putet, sed spadonibus Dei, qui nimirum vltro sese omnibus istis delectationibus in perpetuum priuarunt.

Sap. 2.

Hom. 63 in
Matth.

Itaque, si quem inter vos voti castitatis pœniteret, ac carnis illecebris priuari dole-ret, audiat Chrysostomum, illum sic conso-lantem. *Cogita, inquit, si aut à natura eunuchus esses, aut iniuria hominum sic effectus, quid faceres, cum & huiusmodi voluptate careres, & nul-lam carendo mercedem consequereris? Gratias igitur Deo agas, quia magna premia, rutilantés-que coronas habebis, si ita viuas, quemadmodum illi*

illi sine aliquo premio, imò verò multò faciliùs, ac incundiùs, tum quia spe retributionis corroboraris, tum quia conscientia virtutis gaudes. Ecce, ô cælibes, merces vestra, quæ copiosa est, non solum in cælis, sed & in terris. O verè optanda castitas, cui tanta tribuitur fœlicitas! Beati, inquam, sunt cælibes, cum futuri sint cælites. Ut autem purè, & castè viuamus in hoc sæculo, & votum continentia, quod emisimus, accuratè obseruemus, obscœnas cogitationes expellamus, oculos nostros auertamus, ne respiciant quod concupiscere non licet; mulierum fugiamus consortia, ac praua deuitemus eloquia; & quia non potest quis esse continens, nisi Deus det, idcirco Sap. 8.
adeamus Dominum, illùmque cum Diuo Augustino sic deprecemur. O amor qui semper ardes, & nunquam extingueris: charitas Deus meus, accende me. Continentiam inbes; da quod inbes, & iube quod vis. Lib. 10.
Conf. cap. 29.

Prosecutio eiusdem capituli, ubi agitur de obedientia æquanimiter præstanda, ac de quibusdam aliis difficultatibus, & laboribus religionis patienter ferendis.

L **M**ULTA sunt, quæ nos ad alacriter obediendum, & ad labores, si qui sint in ordine patienter subeundos, inducunt. Primum, si consideremus illos

E e 2 solos

Lib. de au-
dizione.Lib. de bea-
vita.

Lib. 4. cap. i.

Lib. 1. sat. 7.

solos esse liberos, qui obediunt. Hoc videtur
esse paradoxum, verum tamen agnoscitur ab
Ethnico : sic enim loquitur Plutarchus mo-
ralium scientissimus. [Qui parent , soli sunt
liberi : soli enim illi viuunt vt volunt , qui
quid velle debeant , didicerunt. [Seneca ipse
de beata vita differens , sic scribit : [Deo pa-
rere, libertas est.] Quod à Simone Cassiano
probat, cum ait. *Noni multiplicari hominum
voluntates , & sape cognosci ad voluta infallibilem
impossibilitatem. Solus obediens perfecit qua vo-
luit. Nihil enim aliud volebat , nisi obedire , quod
nemini denegatur.* Cum itaque nullus sit , qui
quod vult , perficiat , nisi verus obediens,
sequitur quòd nullus est verè liber , nisi qui
verè obedit, quia ita sibi imperauit, vt alteri
velit obtemperare. Quærat modò & respon-
deat Horatius:

*Quisnam igitur liber? sapiens, sibi que imperiosus,
Quem neque pauperies , neque mors, neque vin-
cula terrent.*

Præterea non est dura obedientia, cum
nos eximat ab innumeris molestiis & curis,
quas in dies experiuntur , qui in sæculo
viuunt arbitrato suo. Religiosi enim omnium
rerum suarum curam in humeros Superio-
rum coniiciunt , & quasi infantes aliorum
vltis se gestari sinunt , ac quasi dormiendo
iter ad cæleste regnum conficiunt. Nam mu-
neri Superiorum incumbit, omnia necessaria
tam in temporalibus, quàm spiritualibus suo
tempore , loco , & ordine cuique prouidere.
Vnde Climacus ita obedientiam describit.
*Obedientia est vita sine sollicitudine ; nauigatio
sine*

sine damno, sepultura voluntatis, est iter facere dormiendo sub onere aliis imposito, & super aliorum vlnas, ne mergaris, natare. Qui itaque obedire renuunt, cum sollicitudine viuunt, non sine damno nauigant, sibi ipsis onus imponunt, nullius innituntur dorso, ideo multis & certis se exponunt pereundi periculis.

Ab ipso Christo discamus hominibus obedire, alioquin nos pudefaciet Bernardus, Hom. 1. su.
Disce, inquit, homo, obedire; disce, terra, subdi; per Missus est.
disce, puluis, obtemperare. De auctore tuo loquens Euangelista, & erat, inquit, subditus illis; hand Luc. 3.
dubium, quin Mariae, & Ioseph. Erubescere cinis: Deus se humiliat, & tu te exaltas? Deus se hominibus subdit, & tu dominari gestiens hominibus, tuo te preponis auctori? Et paulò post. Si non poteris forsitan sequi auctorem tuum quocunque ierit, dignare vel sequi quò tibi condescendit. Voluit autem tibi condescendere usque ad obedientiam, factus obediens usque ad mortem propter Philip. 2.
te. Quare illum non sequeris Superioribus obediendo propter illum?

M Si Prælati obedias, Deo obedis; si autem resistas, Deo resistis, qui illum tibi dedit, dum ut eligeretur, permisit, siue ille bonus sit, siue malus. Audi Apostolum. *Non est po-* Rom. 13.
testas, nisi à Deo: quæ autem sunt, à Deo ordinata sunt. Itaque qui resistit potestati, Dei ordinationi resistit; qui autem resistunt, ipsi sibi damnationem acquirunt. Qui auctor est iurisdictionis temporalis, est & spiritualis. Qui dat populo Regem, dat monacho Superiorem: imò non tantum dat imperantem; sed ut plurimum imperanda præcipue proficua suggerit. Au-

E c 3 diamus

Tract. de
præcep. &
disp.

Luc. 10.

In reg. cap.
68.

Lib. 4. inst.
cap. 10.

Grad. 4.

diamus Bernardum. *Deus Prælatos sibi quodammodo equare dignatus, sibi met imputat illorum & reuerentiam, & contemptum, specialiter contestans eis; Qui vos audit, me audit: & qui vos spernit, me spernit. Quamobrem quidquid vice Dei præcipit homo, quod non sit tamen certum displicere Deo, haud secus omnino accipiendum est, quàm si præcipiat Deus. Nolite itaque attendere præcipientem, sed præficientem. Homo est qui vobis præcepit, sed Deus est qui illum præfecit. Si Deus vobis immediatè loqueretur, ab ipso audiretis quod à Superiore; nōne audistis: *Qui vos audit, me audit?* Nolite considerare cui obediatis, sed Deum propter quem obeditis. In Prælato Deum audite, Deum considerate. Diuus Benedictus dicere solebat, *Deo impendi obedientiam, quæ maioribus exhibetur.* Laudat Cassianus Tabenniotas monachos in Thebaïde, quod sic vniuersa complebant quæcumque à Superiore præcipientibus, tamquam si à Deo cælitus fuissent edita.*

Illustre eius rei exemplum commemorat Ioannes Climacus, referens quid in quodam monasterio acciderit ipso præsentem: sic enim scribit. *Cum in mensa ego & Superior in quodam cænobio confedissemus, aduocat is quemdam nomine Laurentium, qui ferè quadraginta & octo annos in monasterio degerat. Cum aduenisset, nihil illi penitus dixit, sed sic ante mensam sine cibo per duas horas, cum tamen initium esset prandij, stare permisit, adeò ut ipse quoque erubescerem, nec intueri eum auderem. Erat enim canis totius iam octogenarius. Non omisi ego postea à*
sene

sepe percunctari, quid astans cogitasset: Christi, inquit, imaginem Superiori imposui: neque enim hoc præceptum ab illo exiisse, sed à Deo penitus existimavi. Quare, ô pater Ioannes, non coram mensa domini, sed coram altari diuino astare me putans orabam, nullamque penitus malignam cogitationem contra Superiorem admittebam. Hactenus Climacus. Ille senex de suo Prælato non conquereretur, quia in illo Christum intuebatur. Non sunt pensanda quæ Superiores iubent, sed is cuius locum tenent.

N In omni igitur obedientia non est habenda ratio hominis, cui obedimus, sed voluntatis, & ordinationis diuinæ, quæ illum nobis præposuit. Quando autem illi obtemperamus, non tam eius, quàm Dei, imò nostram adimplemus voluntatem: Dei, quia sic iubet: nostram, quia volumus quando vota emisimus. Hoc enim volumus, aut saltem velle debemus, quod nobis profuturum scimus. Multum nobis prodest homini obedire: imò verò, secundum Rupertum, hominibus obtemperare propter Deum, magis aliquo modo meritorium est, & ad gradum excelsiorem obedientiæ pertinens, quàm si immediatè Deo ipsi obediremus; quia maior est difficultas & repugnantia, obedire scilicet hominem homini sibi æquali, vel aliquando inferiori, quàm Deo. Quis enim Deo immediatè iubenti non libenter obediret? Dicit igitur Bernardus. *Parum est subiectum esse Deo,*

Lib. 13. in
Euāg. Ioan.
circa fin.

Serm. 11. in
Cant.

*nisi sis & omni creatura propter Deum, siue Ab-
bati, tamquam præcellenti, siue Prioribus, tam-
quam ab eo constitutis. Ego plus dico, subdere*

Lib. 3. de
ira. cap. 16.

paribus, subdere & minoribus. Caueamus, ne nostrâ impatiētīâ infructuosa sit nostra obedientia, & murmurando amittamus, quod obtemperando lucramur. Certum est, quod illi sibi damnum pariunt, qui ignauiter, & reluctanter parent. [Nam, inquit Seneca, laqueos fera dum iactat, astringit: aues viscum dum excutiunt, crepidantes plumis omnibus illinunt. Nullum tam arctum est iugum, quod non minus lædat ducentem, quàm repugnantem.]

Epist. 4. ad
Rusticum.

Propterea non attendamus quid iubeatur, sed quia iubetur. *Credas*, inquit Hieronymus, *tibi salutare quidquid Monasterij prapositus praeceperit.* Licet enim aliquid præcipiendo Superior haberet tibi nocendi intentionem, maloque animo erga te duceretur, Deus, cuius amore obedis, hoc ad tuum commodum, & ad vtilitatem tuam verteret. Ideo non est discutienda Superioris intentio,

In lib. 1.
Reg. cap. 3.

sed nostra est in mentem reuocanda promissio. Nam, teste Gregorio, *vera obedientia nec prapositorum intentionem discuit, nec praecepta discernit: quia qui omne vita sua iudicium maiori subdidit, in hoc solo gaudet, si quod sibi præcipitur, operetur.* Non tibi de Prælato; sed Prælato de te reddenda est ratio, ac tantò exactiùs, quantò malitiosius se habuerit erga subditos. Audi Sapientem: *Iudicium durissimum his qui præsunt, fiet.* Hoc attentè considerabat Chrysostomus, cùm diceret. *Miror, si potest aliquis Rectorum saluari.* Noli igitur inuidere Prælatis, quos tam durum manet iudicium: vix illis, si præsint, & non prosint.

Sap. 6.

Hom. 36.

Sunt

Sunt enim multi, qui plus habent ambitio-
nis, quàm eruditionis. De illis sic Inno-
centius: *Non curant prodesse, sed gloriantur præ-
esse. Præsumunt se meliores, quia cernunt se supe-
riores, cernicem erigunt, fastum ostendunt, gran-
dia loquuntur.* His addamus; præesse nesciunt,
quia subesse non nouerunt. Nam, teste Tul-
lio, [qui bene imperat, paruerit aliquando
necesse est; & qui modestè paret, videtur,
qui aliquando imperet, dignus esse.] Ne-
scit imperare, qui non didicit obtempe-
rare.

Lib. de vili-
tate cond.
humanæ.

Cic. 3 de
legibus.

O Dices; quid si grauiā & aspera à Superio-
re præcipiantur? Respondet Bernardus: *In*
*ipsa, inquit, obedientia via aliqua fortassis du-
ra & aspera occurrere possunt, ut accipias inter-
dum præcepta nonnulla, quæ licet salubria sint, mi-
nus tamen suauia videantur. Hæc si molestè cœpe-
ris sustinere, necesse est ut illucescat dies patientia,
per quam omnia dura & aspera, tacita amplecti-
ris conscientia, te magis diiudicans, & durius ar-
guens, cui nimirum displicent quæ ad salutem
sunt.* Cogitandum est etiam, quòd si in sæculo
manisses, alicui fortè obtemperasses; qui
grauiora iussisset, quæ sine merito tibi præ-
standa fuissent. In ordine verò, quia totum
se Religiosus Domino tradidit, non solum
meretur in his operibus, quæ ad Deum di-
riguntur, ut sunt oratio, contemplatio, Sa-
cramentorum vsus, & similia; sed & in infi-
mis, & naturalibus, quæ ad corpus spectant,
ut manducare, dormire, corpus ægrum sana-
re, quærere ad victum necessaria; quia hæc per
obedientiam, aut saltem tacito Superioris

Serm. 3. de
Circ. Dom.

2. 2. q. 88.
art. 6.

beneplacito fiunt. Omne enim opus ex voto factum maioris est meriti, ut probat Diuus Thomas.

D. Bonau.
in vita S.
Francisci.
cap. 6.

Vnde Beatissimus Pater noster Franciscus expertus, quanti obedientia esset meriti, maluit semper subesse, quam præesse: de illo sic scribit Doctor Seraphicus. *Ut pluribus modis negotiator Euangelicus lucraretur, ac totum præsens tempus conflaret ad meritum, non tam præesse voluit, quam subesse, nec tam præcipere, quam parere.* Idcirco Generalis cedens officio Guardianum petiit, cuius voluntati per omnia subiaceret. Tam enim uberem asseribat sanctæ obedientia fructum, ut eis, qui iugo ipsius colla submitterent, nihil temporis sine lucro transiret. Vnde & fratri, cum quo erat solitus ire, semper obedientiam promittere consueuerat & seruare. Dixit aliquando sociis; inter alia, qua mihi pietas diuina concessit, hanc gratiam contulit, quod ita diligenter nouitio unius hora obedirem, si mihi Guardianus daretur, sicut antiquissimo & discretissimo fratri. Subditus, inquit; Prælatum suum, non hominem considerare debet, sed illum, pro cuius est amore subiectus. Quanto enim contemptibilior præsidet, tanto magis humilitas obedientis placet. Hæc Diuus Bonauentura; ex quibus, quanti sanctissimus ille Pater, & spiritualium rerum scientissimus obedientiam fecerit, compertum est. Obedire didicerat ab eo, qui dixerat: *Descendi de calo non ut faciam voluntatem meam, sed voluntatem eius, qui misit me.* & alibi; *Non veni ministrari, sed ministrare:* à Christo, inquam, qui, ait Bernardus, maluit perdere vitam, quam obedientiam. Ab eodem

Joan. 6.

Matth. 20.

Ad milites
Templi.

nos libenti & prompto animo discamus obedire, vt ad illum mereamur peruenire: nullos habeamus propriæ voluntatis loculos; nam, teste eodem Patre, *sunt loculi, non modò pecunie, sed etiam propria voluntatis*: qui quidem loculi suos possidentes loco priuarent cælesti. Vtinam cum eodem vobis dicere possim: *Fœlices vos, qui vos & vestra sine exceptiuncula reliqueritis.*

Bernardus.

Serm. de
quadr. dec.

P Nullus itaque se vouisse doleat, cùm tam magna ex votis obtineat. Satiùs ei sit ad aliquod tempus vinculis religionis ligari, quàm ligatis manibus & pedibus mitti in tenebras exteriores. Sine voto, fortè pro voto viueremus, atque ita nosmetipsos perderemus. Gaudeamus, quòd multa non possumus, quæ non debemus. Audi Augustinum: *Non te vouisse pœniteat, imò gaude iam tibi non licere, quod cum tuo detrimento licuisset. Aggredere itaque intrepidus, & dicta factis imple*: ipse adiunabit, qui vota nostra expetit: *fœlix necessitas, qua ad meliora compellit.* Ad religionem nos vocauit, qui extra illam nos perituros agnouit: fœlix ergo illa necessitas, qua premente cogimur sæculo exire, vbi nobis contigisset perire, & vbi, teste Bernardo, *omnis laboris remedium, est alterius laboris initium.* At verò in ordine, remedium laborum, consideratio est præmiorum. *Delectet igitur mentem,* ait Gregorius, *magnitudo præmiorum, sed non deterreat certamen laborum.*

Epist. 45. ad
Aimant.

Serm. de
primordiis.

Hom. 37. in
luang.

Obiiciet aliquis. Ego multa in sæculo reliqui, quæ mihi non parum afferebant consolationis: nunc autem in ordine tristis sum,

sum, omnisque delectationis expers. Vbi est ergo illud centuplum, quod promittitur omnia relinquentibus? Vnum tibi respondere possum; Christus promisit centuplum, & cælum & terra transibunt, verba verò eius non transibunt. Tu dicis; non video hoc centuplum, cui ergo credemus? Respondeo: Christus quidem promisit centuplum relinquentibus. Vide modò, an tu reliqueris, vel potiùs commutaueris; est enim omnino relinquere, & est commutare. Si quis, verbi gratià, in sæculo dimisit honores, voluptates, diuitias, & in religione quærat primum locum, præcipuum munus, vanas delectationes, colloquia inutilia, & omnium rerum copiam; pro certo ipse non censebitur reliquisse honores, dignitates, diuitias, & voluptates, sed commutasse, cum in religione quærat, quod in sæculo quærebat. Non ergo sic reliquit, sed commutauit, ideo centuplum ei non datur: non enim promisit Deus centuplum commutantibus, sed relinquentibus: non dat mercedem his, qui in ordine quæerunt, quod in sæculo deseruerunt. Detur aliquis, qui verè dicere possit; *Ecce nos reliquimus omnia*, & reuera replebitur consolatione diuina, quæ non datur admittentibus, sed dimittentibus carnalem.

Porro, quid curas de consolationibus & delectationibus corporalibus, quæ etiam in sæculo nunquam sunt sine amaritudinibus?

In Psal. 33. Audi Basilium. In corporis voluptatibus plus molestie, quam incunditatis inest. In nuptiis sterilitas, viduitas, zelotypia. In agricultura infecunditas.

ditas. In mercatura naufragia. In diuitiis insidia. Ipsa verò delicia, & saturitas, & assiduus voluptatum usus; multos & varios secum trahunt morbos. Valeat igitur omnis mundi & carnis consolatio, quæ, ait Bernardus, vilis, & ad nihilum utilis est. Sed quærendæ sunt in ordine consolationes, quæ sunt sine amaritudine, & sine turpitudine. Fœlix anima, inquit Augustinus, quæ huiusmodi delectationibus delectatur, ubi turpitudine nulla inquinatur, & veritatis serenitate purgatur.

Serm. 4. vig.
nat. Dom.

Serm. 5. de
verb. Apost.

Qui in clauetro mundi oblectamenta desiderant, similes sunt Hebræis Ægyptias ollas, pepones, porros, & cæpas suspirantibus. Audiamus Gregorium. *Quid signatur per ollas carniū, nisi carnalia vitæ opera in tribulationum doloribus, quasi ignibus excoquenda? Quid per pepones, nisi terrena dulcedines? Quid per porros, & cæpas exprimitur, quæ plerumque qui comedunt, lacrymas emittunt, nisi difficultas vitæ præsentis, quæ à dilectoribus suis, & non sine luctu agitur, & tamen cum lacrymis amatur? Manna igitur deferentes, cum peponibus, ac carnibus, porros & cæpas quasierunt, quia videlicet peruersæ mentes dulcia per gratiam quietis dona despiciunt, & pro carnalibus voluptatibus laboriosa huius vitæ itinera etiam lacrymis plena concupiscunt: contemnunt habere ubi spiritualiter gaudeant, desideranter appetunt, ubi & carnaliter gemant. Quid nobis cum gaudiis, quæ nunquam sunt sine dolore & lacrymis? Alia quæramus, quæ nullum dolorem inferunt, cuiusmodi sunt quæ de creatore percipiuntur. Reuera, inquit Bernardus, illud verum & solū est gaudium,*
quod

Lib. 20. moral.
cap. 16.

Epist. 114.

quod non de creatura, sed de creatore percipitur, & quod, cum possederis, nemo tollet à te; cui comparata omnis aliunde incunditas, mœror est; omnis suauitas, dolor est; omne dulce, amarum; omne decorum, fœdum; omne postremò quodcumque aliud delectare possit, molestum. Si quæ pulchra sunt in mundo mireris, & amore eorum ducaris, cogita illicò quantam habeat ille pulchritudinem, quantumque splendorem, pro quo omnia deseruisti, cui nihil quod delectat deesse potest. Vnde idem Pater: *Miraris, inquit, in Sole splendorem, in flore pulchritudinem, in pane saporem, in terra fecunditatem? Sed à Deo hæc uniuersa sunt, nec dubium quin multò amplius reseruauerit sibi, quàm dederit creaturis. Illum ama, illum quære, illi soli seruias, ut omnia quæ delectant possideas. Quid curas hîc lætari, qui optas in cælo beari? Quid hîc quæris, quod antequam plenè acquiratur, dilabitur? Audi Tullium. [O fragilem fortunam, & inanes nostras contentiones! quæ in medio spatio sæpe franguntur, & corruunt, & antè in ipso portu obruuntur, quàm portum inspicere potuerint.]*

Serm. 1. de
omn. Sanct.

Cic. 3. de
orat.

Alij conqueruntur, quòd intra monasterium morari cogantur, vnde eis exire non licet. Verùm conqueri desinent, si recorderentur damnatorum, qui perpetuis, igneisque detinentur carceribus; quod fortè euitare non possent, si in monasterio non remanerent. Quid quærunt corpore per mundum vagari, cum possint mente in cælo conuersari? Nobiles aquilæ hominum tecta fugere, deserta

deserta loca petere, & ad sublimia solent conuolare: ignobiles verò passeret, loquaces hirundines inter homines liberè versantur, ac nidos struunt. Sic viri sanctitate præclari hominum, quantum fas est, conspectum fugiunt, per ciuitatem circuire non curant, ac Bernardi consilium libenter sequuntur sic inculcantis. *O sancta anima! sola esto, ut soli omnium serues teipsam, quem ex omnibus tibi elegisti: fuge publicum, fuge & domesticos.*

Serm. 40.
in Cant.

At durum est nobis tamdiu in cellis commorari. Respondeo, non debere eos ægrè ferre in cellis ad tempus remanere, qui cupiunt in cælis Deo sine fine gaudere: nam de cella ad cælum est liber transitus, si in cellis agamus quod Angeli in cælis, id est, si in illis oremus, vel Deum laudemus, & aliis bonis operibus incumbamus. Vnde Thomas à Kempis ex Diuo Bernardo: *Est via brevis de cella ad cælum, si in ea calicem duxeris vitam.*

Exercit. spirit.
cap. 4.

Vix potest quis foras exire, & per laqueos non transire. *Agnosce*, inquit Sapiens, *quod in medio laqueorum transit.* Qui transit per tot laqueos, vix effugiet omnes. Audite Chrysostomum de his laqueis, & periculis scribentem. *Processit quispiam in forum, vidit inimicum, exarsit ex solo aspectu: vidit amicum honoratum, inuidit: vidit pauperem, contempsit: diuitem, & inuidit: vidit quempiam infestantem, & indignatus est: vidit speciosam mulierem, & captus est.* Si intus mansisset, hos laqueos euassisset. Palladius monachus, qui priscorum monachorum res oculus conscripsit, se ipsum commemorat, cum aliquando animo

Eccles. 9.

Hom. 15. ad
pop.

æger

æger esset, & anxius, propterea quòd videretur sibi inertem prorsus atque inutilem vitam agere in cubiculo, eam ob causam ad Macharium illum Alexandrinum adiisse; illum autem, vt erat Dei spiritu plenus, eius mœrore cognito, ita ei dixisse: *Responde tuis cogitationibus, te propter Christum quatuor tua cella parietes custodire.* Ita si quis angatur, quòd ei foras exire non permittatur, sibi respondeat, velle propter Deum cellæ, aut conuentus parietes custodire; nec erit huiusmodi custodia sine mercede.

Instant aliqui: durum est etiam nobis in S lectulo duro cubare, qui solebamus super mollem & delicatum dormire. Cogitate, precor, Christum dilectum vestrum in cruce versantem in infirmitate sua. Considerate præterea multos esse in sæculo, quorum lectus est nuda humus, vel quia alium non habent, aut alia coguntur necessitate. Sed media nocte, vel summo manè ad matutinas horas recitandas surgendum est. Esto; etiam mercatores, artifices, viatores, agricolæ, & alij eadem ferè surgunt hora, sine vllò merito: vos verò non ad terram fodiendam, vel ad alia laboriosa opera vocamini; sed ad Deum laudandum, qui vos remunerabit hîc, & in futuro: hîc vos nutriendo; ait enim: *Servi mei comedent*; & in futuro, gloria æterna præmiando. Quot sunt in sæculo mercenarii, qui sua priuantur mercede, & qui post laborem non habent quod manducent? Vos autem non sic. Propterea sustinete, & estote memores illius dicti; *Va qui perdiderunt sustententiã.*

Alij

Isai. 63.

Eccl. 3.

Alij tandem queruntur, quòd in clauſtro graues & crebras patiantur perfecutiones ab iniuſtis & malis fratribus, quos non credebant adeſſe in tam ſacro ordine & inſtituto, quorum nonnulli tãta paſſione, & imperandi cupiditate ducuntur, vt nihil niſi ordinis dignitates ambiant, quas vt adipiſcantur nullum non mouët lapidem, & bonos odio, & malos, ſi ſuas ſequantur partes, amore proſequendo. Hinc tanta oriuntur iurgia, tantæque vindicationes, vt nulla inter fratres videatur eſſe charitas. Vnum de his conquerentibus inducit Auguſtinus ſic lo- In Pſal. 99.
quentem. *Quis me hîc quarebat? Ego putabam, quia charitas eſſet hîc. Quales illi? Inuidi, litigatores, neminem ſuſtinentes, ille illud ibi fecit, &c.*

Credo tamen me reſpondentem illis ſatisfacturum, ſi primò animaduertant, quòd in omni congregatione, & inſtituto boni & mali reperiantur. Nam, teſte Gregorio, *boni ſoli nuſquam ſunt, niſi in celo; & mali ſoli nuſquam ſunt, niſi in inferno.* Hom. 38. in Euang. Non eſt autem monaſterium cælum, vt in illo ſoli boni; nec infernus, vt in eo ſoli mali inueniantur: ſed cùm ſit veluti quædam media via, miſceri in illo bonos & malos neceſſe eſt. *Ad quamcumque profeſſionem te conuerteris,* inquit Auguſtinus, *para te pati fîctos, alioquin ſi te non paraueris, inuenies quod non ſperabas, & deficies, aut perturbaberis.* In Pſal. 36. Notandum eſt præterea illud Eccleſiaſtici: *Contra virum iuſtum, peccator.* Dico itaque: cùm in clauſtro ſint aliqui mali, & malus ſit contra virum iuſtum; quid Eccl. 41.
Ff mirum,

Epist. 1.

mirum, si ibi reperiatur persecutio, vbi sunt persecutionis instrumenta, scilicet mali fratres? Vnde optimè Hieronymus: *Erras frater, si putas unquam Christianum persecutionem non pati.* Quali dicat: cùm in Christianismo sint plurimi mali, ibi esse persecutionem necesse est; ita, cùm sint in claustro mali fratres, ibi sine dubio aderit persecutio; inuenientur iurgia & litigationes, quia ibi sunt etiam boni fratres, piè viuere volentes: sed ferè vbique omnes, qui piè volunt viuere in Christo, persecutionem patientur.

2. Tim. 3.

Genes. 4.

1. Ioan. 3.

In eadem familia Cain persecutus est fratrem suum Abel. *Propter quid?* quærit Apostolus, *quoniam opera eius maligna erant, fratris autem eius iusta.* Esaü quoque persecutus est fratrem suum Iacob: & filij Iacob persequuti sunt fratrem suum Ioseph. Qui itaque voluerit esse vt Abel, aut Iacob, vel Ioseph, patienter ferat eos, qui etiam in claustro se gerunt vt Cain, vel Esaü. Nam, ait Gregorius, *Abel renuit esse, quem Cain malitia non exercet.* Vbique mali oderunt bonos, si malus sis, bonos persequeris; si bonus, persecutionem patieris; satius tibi sit persecutionem ferre, quàm inferre: nec respuas persecutionem, quæ tibi præbet merendi occasionem. Si nulla esset in claustro persecutio, reuera ab eo excluderetur illa beatitudo; *Beati qui persecutionem patiuntur.* Non desunt aliæ beatitudines, cur illam vis excludi, sine qua à cælesti beatitudine excluderis? Beati igitur nos, si Apostolicam vitam profitentes dicere possimus cum Apostolo;

stolo ; *Persecutionem patimur , & sustinemus.* 1. Cor. 4.
Videat lector , quid de persecutione patienter ferenda suprà diximus cap. 1. huius libri. Cæterum , si qui sint alij labores in claustro , facile feremus , si meritum quod ex eis acquiritur , cogitemus. Non est igitur quòd alias difficultates obtendamus , cum illas , si patientes fuerimus , nullo negotio vincamus.

Ad Moniales inclusas.

C A P V T X I I I.

A VPERVACANEVS forsitan vobis erit , Sanctimoniales , Clypeus noster , cum sitis velatæ , muris vallatæ , solennibus votis , ac multis spiritualibus armis munitæ : verumtamen illum vobis offerre non verebòr , cum certum sit communem humani generis hostem etiam in abditissima ac munitissima loca suarum tentationum iacula continuò immittere , vt quarum non potuit in monasterium prohibere ingressum , eis saltem per impatientiam suadeat optare regressum ; & eas studeat à bono proposito deterrere , quas in paternis laribus non potuit detinere.

In primis igitur non vos pœniteat , quòd intra monasterium nunquam exituræ includamini : commune enim omnibus mulieribus semper fuit non vagari , sed intra domum morari. Vnde Aristoteles asserit suo 5. Politic.

Ff 2 tempo

Plutarch. in
præcep.
con.

tempore in urbibus creatum fuisse Præfectum, qui mulieribus intenderet, ne vagarentur, sed domi se continerent. Et apud Sinas etiam hodie, teste Magalliano, nervus pedis eliditur puellis, ne domo exeant. Narrat Plutarchus, quod olim nupta ad domum viri currum tantum vehebatur, ac statim huiusmodi currus comburebatur; quo significabatur, iam non ultra opus sibi esse curru, cum perpetuo domi consistere deberet. Veteres, teste eodem Plutarcho, mulieris imaginem, & symbolum dixerunt esse testudinem: Sicut enim testudo semper clausa intra domunculam suam remanet, eamque semper deferret, unde domi porta vocitatur: ita femina, & præcipue virgo, semper domi debet manere inclusa, ac tam ægre ferre extra illam exire, foris que incedere, quam si totam domus molem super humeros latura esset.

Iud. 8.

Laudatur Iudith, quod *secretum cubiculum fecerit in superioribus domus sue, in quo clausa cum puellis suis morabatur, & obsecrabat, habens super lumbos suos cilicium, ieiunabat omnibus diebus vite sue, præter Sabbata.* Non sat illi fuit domi tantum se continere, & commorari, sed ut strictius clauderetur, construxit adhuc cubiculum, quod se recepit, ibique corpus suum maceravit: & hæc tantò magis extitit Deo grata, quantò minus hominibus nota; ac tantò maiores meruit laudes, quantò strictiores elegit ædes: polebat videri in publico, quæ se affligebat in secreto. Cum nulla tunc essent monasteria, ex propria domo confecit

confecit cœnobium, Tandem hac viuendi formula Holofernem, ac totum Assyriorum prostrauit exercitum. Non minori merito eritis apud Deum, nec minori laude apud homines, nec etiam minorem de dæmone, & vitiis reportabitis victoriam, quæ sponte hanc clausuram, vitæque monasticam ele-
gistis.

B Iuxta communem illam domi manendi consuetudinem, optabat Apostolus, vt mulieres essent *domus curam habentes*: vel, vt vertit Vatablus, *custodes domus*. Nolebat eas foras prodire, ne possent perire. Quam diligimus auiculam, cauea includimus; nec vagari sinimus, de cuius periculo metuemur: si quærat exire, quærit perire: fugit à caueæ retibus ad venatorum retia: sæpe occiditur vaga, quæ pascebatur inclusa; quia omnes illam quærunt in agro occidere, quam in cauea optassent reficere. Nisi Deus vos diligeret, non eligeret; qui igitur vos elegit, vos inclusit. Si enim, teste Seneca, [magni artificis est clausisse totum in exiguo:] certè magni & altissimi Domini fuit clausisse vos totas in exiguo loco. Qui vobis infinita cælorum spatia præparauit, vos ad arcta monasterij septa conuocauit. Illi ergo gratias agite, quòd ibi sitis inclusæ, vbi nec vitia; nec causæ vitiorum sciuntur; cùm, teste Ambrosio, *causa peccandi etiam iustos sæpe deceperit*. Non parum est à peccandi occasione exiisse. Securius viuitur in monasterio, quàm in sæculo. Secundùm Dioscoridem, flores cap-
paris (*les fleurs des capres*) si clausi colligan-

Ad Tit. 1.

Epist. 4.

Lib. 1. de virg.

Dioscorid.

tur, proficui & medicinales sunt : si dilatati & foras emissi , nihil valent. Sic & virgines, & Moniales inclusæ sibi & aliis plurimum profunt.

Gaudeat vnaquæque vestrum quod Alma sit , cum inclusa sit : Alma enim virginem inclusam significat; hoc nomine est insignita etiam Redemptoris mater , quia verè Alma, id est , virgo inclusa fuit , quæ virorum aspectibus non patebat , sic fuit inuenta, quando ab Angelo salutata. Vobis igitur clausura non displiceat , quæ tantæ Virgini, ac multis aliis sanctissimis virginibus & mulieribus placuit. Non est mundus vobis dignus, aut si dignus, illas non potuit tenere quas meruit habere. Audite eundem Ambrosium. *De hoc mundo estis, & non estis in hoc mundo ; saculum vos habere meruit , tenere non potuit.* Ille ab æterno vos elegit , qui in tempore vos vocavit , & ob hanc vocationem nullus erat terrenus sponsus vobis dignus; ideo ille vos ab omni mortali sponso segregavit, qui sibi vos in sponsas assumpsit.

Est itaque vestrum monasterium veluti C
hortus conclusus , in quo semper ambulat
cælestis ille sponsus , ibique facilius inuenitur. *Ibi* , ait idem Doctor , *eum inuenit Susanna mori prius , quam violari parata.* Ibi & vos illum inuenietis , si secundum illius voluntatem ambuletis. Quid unicuique vestrum dicat Tertullianus, attendite. *Nupsisti Christo; illi tradidisti carnem tuam; illi sponsasti maturitatem tuam ; incede secundum sponsi tui voluntatem.* Quænam autem sit eius voluntas, indicat

Ibidem.

Ibidem.

Lib. de ve-
land. virg.
cap. 16.

indicat ille Doctor. *Christus est, inquit, qui & alienas sponfas, & maritatas velari iubet, utique multò magis suas.*

Igitur, qui voluit vos muro vallari, optat etiam facies vestras velari. Non vos pigeat in monasterio cum merito cælestis sponsi implere voluntatem; cum in sæculo cogatur maritata sine merito terreni sponsi sequi voluntatem. Vestram velate faciem, & sponso vestro seruate, qui suam vobis seruat; cui enim dicimus: *Ostende faciem tuam, & salui erimus*; ille sine dubio ait vobis: abscondite faciem vestram, & saluæ eritis. Quæ potest videri, potest concupisci: & quæ etiam videre potest, concupiscere potest. Sola autem concupiscentia sufficit ad perditionem. Quid prodest respicere, quod non prodest concupiscere? Non sit vobis curæ ab illis videri, cum quibus periculum est versari, & quorum non prodest, sed obest visus. Vnde meritò idem Tertullianus sic Monialem hortatur. *Murum sexui tuo strue, qui nec tuos emittat oculos, nec admittat alienos. Quid alios videre, aut ab aliis videri desiderat, quæ ad Dominum videndum se preparat?* Certum est, quòd, ut verbis Hieronymi utar, impudici oculi non norunt animæ pulchritudinem considerare, sed corporum. Non debetis igitur vos illis exhibere videndas.

D Gaudete, quòd steteris post parietes, ac tantum per crates, tamquam per cancellos respiciatis, quia in hoc sponsum vestrum imitamini, de quo sic vna ex suis sponsis: *En dilectus meus stat post parietem nostrum,*

respiciens per cancellos; vel secundum aliam versionem, prospiciens per retia. Videor pariter mihi audire Christum de vnaquaque vestrum sic ad Angelos colloquentem: en dilecta mea stat, orat, flet, ieiunat, obedit, laborat, vigilat, psallit, ac multa bona præstat opera intra parietes nostros, & septa monasterij, prospiciens per cancellos, per crates: non planè videt, nec planè cernitur. Sicut sponsa sic suum libenter videbat sponsum: ita sponsus vester maximè sibi complacet in vobis ita inclusis & velatis, ac ita per crates videntibus, & colloquentibus.

Simile.

Solent venatores accipitribus, quos ad venandum alunt, oculos contegere, ne alias parui pretij aues conspiciant, & ad illas se proiciant, atque ita illis inescari cæteras aues maioris pretij insequi, & aucupari desinant. Sic, ô Moniales, necesse est velemini, facièsque vestræ contegantur, ne fortè visis his rebus caducis, & quæ nullius sunt valoris, illas concupiscere incipiat, & cælestes diuitias diligere & insequi desinatis.

Psal. 118.

Quapropter dicite sæpe sponso vestro: *Averte oculos meos, ne videant vanitatem.* Reuera hæc omnia vana non sunt digna oculis vestris, & dum vobis sese offerunt, vel oculos debetis occludere, vel ad velamen confugere, ad imitationem illius, de qua sic Tertullianus. *Confugit, inquit, ad velamen capitis quasi ad galeam, quasi ad clypeum, qui bonum suum protegat adversus ictus tentationum.* Consuetum est imagines depictas velo contegi, quo possint colores protegi. Conservantur virtutes animæ,

si conte

Lib. de veland. virg. cap. 15.

si contegatur facies corporis. Nulla igitur ex vobis conqueratur, si facies cooperiatur; nam, teste Hieronymo, *Zelotypus est Iesus, non vult ab aliis videri faciem vestram.*

Epist. ad Eustoch.

E Dinus Ignatius vocat Moniales, *Altare Dei.* Epist. 1. ad Tarsicenes.

Sicut enim Altare debet esse omnino coopertum, sic Monialis & mulier Deo sacra & dicata. Sacrilegum esset in Altari, aut coram Altari turpia peragere: ita & coram Moniali. Nihil nisi sanctum, vel sacrum super Altari reponitur: ita à Moniali procul sit omne prophanum. Sunt Altaria intra Ecclesias; sic intra monasteria decet esse Moniales. Circa Altaria, præcipuè dum sacra celebrantur, teste Chrysostomo, adstant Angeli, illaque circumdant & protegunt: sic Moniales, potissimum dum nihil nisi sacra moluntur, ab Angelis proteguntur. Audite Ambrosium.

Vobis, virgines sanctæ, speciale præsidium est, quæ intemerato pudore sacrum Domini servatis cubile; neque mirum si pro vobis Angeli militam, quæ Angelorum moribus militatis. Fœlices igitur, pro quibus militant Angeli, & quæ veluti Altaria magnam habetis venerationem & protectionem. Patienter igitur ferte statum vestrum, qui tali vos insigniuit honore.

Lib. 1. de virg.

Præterea, dignus est status vester, qui apibus compareretur; vel secundum statum vestrum similes estis apibus, & vestra monasteria sunt veluti aluearia. Rore pascuntur apes, nesciunt concubitus, mella componunt. *Apes*, ait idem Ambrosius, *nullo concubitu*

In Examer.

miscentur, nec libidine resolvuntur, nec partus

ff 5 dolore

dolore quatiuntur, sed integritatem corporis virginalem seruantes, subito maximum filiorum examen emittunt. Sicut apes licet sint sine carnali copula, non tamen sunt sine sobole: ita & vos integritatem seruantes habetis filias, & nouellas plantationes, quæ Deo vocante, de mundo eruantur, vobis iunguntur, vt vobis tamquam matribus filiæ succedant.

Matth. 22. *Fœlices vos, quæ iam præmia tenetis resurrectionis, in qua homines non nubent, neque nubentur. Quod nobis promittitur, vobis præstò est. In hoc non tantum apibus, sed & Angelis, cæterisque cælicolis similes estis: sicut enim illi in cælo non nubunt, ita nec vos in monasterio. Nolite igitur nuptis inuidere, quarum nulla est, quæ non vos beatas prædicet. Dicite vt enarrent bona sua, & consolationes suas, & videbitis illas commiseratione potius, quàm æmulatione dignas. Quoties absque voto paupertatis fiunt pauperes? Quoties erubescunt præ inopia? Quoties ieiunant & abstinent se à cibis, non quia iubentur, sed quia non habent? Vilibus induuntur, quia pretiosis carent: sine voto obedientiæ, sæpe etiam obedire coguntur viris interdum morosis, atque rixosis, qui illas iniuriis, ac plerumque verberibus afficiunt, quique illas nolunt exire domo, atque ita clausuram, quam nunquam promiserunt, seruare coguntur, & hoc sine fructu, sine merito.*

2. Cor. 7. *Quænam præterea sint illarum cogitationes, innuit Apostolus. Quæ nupta est, inquit, cogitat quæ sunt mundi, quomodo placeat viro.*
O pessimi

O pessimam cogitationem ; cogitare quæ sunt mundi perituri , & non cogitare quæ sunt cæli ! Cogitare quomodo placeat viro , & non quomodo placeat Deo ! Vix potest vxor viro placere , quia quod ei hodie placet , cras displicet ; & tamen cogitur misera quotidie cogitare , quæ vix poterit præstare. Quanta non pendent ab eius arbitrio , quibus si careat , viro non placebit ? si enim pulchra , & fœcunda non sit , non placet : si verò fœcunda , & non filium , sed filiam pariat , displicet. O miseranda conditio , etiam in his quæ non sunt in eius potestate , posse displicere ! A vobis autem procul sunt huiusmodi cogitationes , & anxietates. Nam *mulier innupta* , *ibidem.*
 & *virgo cogitat quæ Domini sunt.* Quia tantum Domini estis , cogitate tantum quæ Domini sunt ; & secundum Hieronymum , *sic conuersio* *Ad Eustoch.*
illius ad maritum , quæ virum non habet Christum. Vos verò quæ Christum habetis sponsum , ad illum dumtaxat sit conuersio vestra , de illo sit cogitatio vestra.

Tantæ sunt nuptiarum molestiæ , tantisque vincuntur sollicitudinibus , vt vix sit eis locus cogitandi de Deo. Hoc disertè adnotauit idem Hieronymus aduersus Heluidium. *Inde* , inquit , *infantes garrunt , familia perstrepit , liberi ab osculis , & ab ore dependent , computantur sumptus , impendia praparentur.* Hinc *cocorum accinctæ manus carnes terit , hinc textricum turba commurmurat ; nunciatur interim vir venisse cum sociis ; illa ad hirundinis modum lustrat vniversa penetralia ; si thorus rigeat ; si pauimenta verrerint ; si ornata sint pocula ; si prandium*

Hierom ad-
uersus Hel-
uid.

dium

diu preparatum. Responde quaso inter ista ubi sit Dei cogitatio? Hæc autem sunt nuptæ peragenda, ut dumtaxat viro placeat, cui statim displicet si vel in vno ipsa deficiat. O vos tæque quaterque beatæ, si his omnibus liberæ Domino Deo sponso vestro solum placere curetis.

Propterea cauete à deuotis, quos vocant, qui ut plurimum non deuoti, sed de votis sunt retrahentes; aut animo saltem occasionem præbent vota transgrediendi. Non sit vobis curæ ab illis diligi, propter quos periculum est à Christo negligi: nolite alios vocare vestros, quos possidere, & à quibus possideri non potestis, nec debetis. Sit Christus pater, & frater vester; sit, inquam, vobis Deus omnia. Memores estote cuius sponsæ sitis. Cur vultis fieri alterius, quæ Christi estis? Quid prodesset carne non nubere, & spiritu nubere? *Virginis diffinitio est, ait Hieronymus, sanctam esse corpore & spiritu, cum nihil profit carnem habere virginem, si mente quis nupserit.* Cauete ne cuiusdam consortio vestra minuatur conditio, & de sponsis Christi, captivæ efficiamini hominis, & tandem dæmonis. Credite mihi, si quos habeatis, illos deferatis, ne Christus vos deferat, pro quo omnia deseruistis; non enim potestis duobus seruire. Nefas esse sponsas Dei præstare, quæ non audent sponsæ hominum. Non bene Deum amatis, si cum illo aliquem ametis. Zelotypus est sponsus vester, qui non vult, ut quocumque prætextu, vel titulo alij admittantur amatores.

Audite

Ibidem.

Audite Ambrosium: *Quid dicis, denota Deo?* Ad virg. deuotam.
Quid desideras, vel quid quæris? Si Deum quæris, tecum est; si autem hominem quæris, hoc non deuouisti.

G Fortè dicet aliqua: ope alicuius indigeo, vt mihi subueniat, & ab illo accipiam, quod à monasterio non datur, & quod mihi necessarium est; ideo cogor aliquem amore prosequi, vt valeam aliquid consequi. Audite precor eundem Hieronymum hanc proponentem difficultatem, illamque Scripturæ testimoniis soluentem: sic enim ad quamdam virginem scribit. *At dicis: puella sum delicata, & qua manibus meis laborare non possum. Si ad senectam venero; si agrotare cœpero, quis mei miserebitur? Audi Apostolis loquentem Iesum; ne cogitetis in corde vestro, quid manducetis: neque corpori vestro, quid induamini. Respicite volatilia celi, quoniam non serunt, neque metunt, neque congregant in horrea, & Pater vester celestis pascit illa. Si vestis defuerit, lilia proponantur. Si esurieris, audias, beatos pauperes & esurientes. Si aliquis te afflixerit dolor, legito: Propter hoc complaceo mihi in infirmitatibus meis. Latere in omnibus iudiciis Dei. Et reuera sponso vestro fit iniuria, si ab alio accipiatis, quod ipse vobis denegat: si enim vobis expediret, concederet; interdum in præsentī modicum denegatur, quia in futuro maiora reseruantur. Qui habet curam auium per aërem volitantium, habebit & Monialium intra monasterium commorantium. Inclusorum præcipuè solet Deus curam gerere. Recordatus est Iosephi fouea inclusi. Pauit Danirelem in lacu*

Ad Eustoc.
de virgin.
seruand.

lacu leonum. Misit Angelum suum ad Petrum in carcerem coniectum. Dat etiam escam pullis coruorum adhuc in nidulo existentibus, & sponsas suas propter ipsum inclusas deferet? Qui promittit se futurum in medio duorum, aut trium in nomine suo congregatorum, numquid decrit triginta, aut quadraginta ei famulantibus, ac propter ipsum congregatis? Scit sponsus vester quibus indigeatis: ab alio igitur nihil accipiatis.

Præterea, non sit vobis iniucunda capillorum vestrorum resectio. Notum est consueuisse antiquos diis suis consecrare cæsariem. De Ægyptiis tradit Diodorus vota solitos esse concipere morbo affectos, ut, si ex morbo conualescerent, defectum crinem alicui Deo consecrarent. Eandem ob causam ab Hebræis detonsam ex voto, & oblatam comam scribit Iosephus. Athenienses, ut testis est Plutarchus, suæ comæ primitias Apollini Delphico consecrare consueuerant. Refert Suetonius Neronem in aurea pyxide capillos suos Ioui Capitolino consecrasse. Quod illi falsis diis consecrarunt, vos Deo viuo & vero obtulisse non pœniteat. Sit tonsum capillitium vestræ seruitutis indicium. Antiquitus seruile fuisset radi scribit Alexander: vnde Aristophanes ad quemdam, *Servus cum sis, comam geris?* Quod prouerbialiter dicebatur de eo, qui præter decorum quidpiam faceret. Vobis etiam, si comam geratis, merito dicetur; *Ancilla Dei cum sis, comam geritis?* Indecorum sanè esset ancillas & sponsas Christi comatas incedere, cum enupserint,

Lib. 2. c. 4.

Lib. 2. de
bell. Iud.
cap. 15.
In vita
Thesci.

Lib. 5. cap.
15.
Aristophan.
in Aulibus.
& Suidas.

nupserint, quem Iob *conso capite corruens in* Iob. 1.
terram adorauit; & qui aliquando Ieremiæ di-
 xit: *Tonde capillum tuum, & proiice.* Ierem. 7.

H In Ægypto & Syria crines refecare solitas
 virgines Deo sacras, docet Hieronymus. Ta-
 bennesiortas quoque sanctissimas virgines;
 quas Sanctus Pachomius ab Angelo moni-
 tus instituit; idem factitasse, author est Pal-
 ladius. Diuus Basilii præscribit, vt in ipsa Pallad. in
 Lausiaca.
 initione conuersionis monasticæ capita ra-
 dant. Multis nocuerunt crines. Quid profuit 2. Reg. 14. &
 18.
 Absalonî diffusos & flauescientes gestasse ca-
 pillos, quibus tandem suspensus miserè pe-
 riit? Cogebatur semel in anno illos refecare,
quia, ait Scriptura, grauabat eum casaries. Erant
 oneri capilli ei viuenti; sed moriens factus
 est ipse oneri capillis. Nolite itaque grauari,
 si à vobis abscindatur, quod vos plurimum
 grauasset. Non vult Christus vos huiusmodi
 affici grauamine; quas ideo optat contegi
 velamine. Nec perire putetis, quod vobis ab-
 scindi videtis. Audite sponsum vestrum; *Ca-
 pillus de capite vestro non peribit.* Nouit ille re- Luc. 21.
 munerare, qui capillos dignatur numerare:
 ait quoque; *Capilli capitis vestri omnes nume-
 rati sunt.* Si quos ex illis alicui amatori dare-
 tis, ab eo, qui eos numerauit, meritò audi-
 retis: vbi sunt, quos numerauit, capilli? An
 ideo detondentur, vt impudico homini tra-
 dantur? Quos alteri dedistis, mihi rapui-
 stis. Si, teste Publio, [capillus etiam habeat Pub. Mim.
 suam umbram;] habebunt pariter capilli
 vestri amore Christi defecti, suum meri-
 tum, licet incisi nullum sentiant dolorem.

Vnde

Hom. 35 in
Euang.

Vnde sic infert Gregorius. *Cur timetis, ne pereat, quod incisum dolet, quando & illud in vobis perire non potest, quod incisum non dolet?* Si itaque non pereant, sed numerentur, & remunerentur vestri capilli capitis propter Deum detronsi; quantò magis manus vestræ bona opera exercentes, lingua vestra diuinis laudibus occupata, ora vestra ieiunio pallentia, pedes vestri ad chorum pergentes, cor vestrum diuino tantùm ardens amore, vestra anima soli suo sponso intenta, vestræ denique cogitationes ad Deum tendentes? Hinc Beda: *Capillus, inquit, non peribit, quia & tenuissima Sanctorum cogitatio digna mercede donabitur.*

Beda.

Consultò etiam vobis capillatura refecatur, ne in illa aptanda tempus conteratur, quod & ipsos Ethnicos odio habuisse legimus: sic enim de quibusdam conqueritur Seneca. [Sollicitiores sunt de capitis sui decore, quàm de salute, qui inter speculum, & pectinem occupati sunt, quive concinniores esse malunt, quàm honestiores.] Terentius quoque sic in quasdam mulieres inuehitur:

Seneca.

In Meaut.

Dum moliantur, dum comuntur, annus est.

Demosthenem dicunt adèò fuisse suis studiis deditum, vt nulli alteri rei penitus vacare vellent; ideo comam nouacula sibi radi iubebat, tum ne, illam aptando, tum etiam cum amicis (quibus absque capillatura non placebat) colloquendo, tempus contereret. Quod ipse præstitit, vt plus temporis insumeret in literarum studio: illud idem vobis facien

faciendum est, ut plus impendatis temporis in Dei obsequio, & ut illorum consortium, atque intuitum euitetis, quibus forte nisi calamistrata non placetis.

I Gerant, si velint, huius sæculi filiae crines pigmentarii conspersos pulvere, atque in capillitio adornando tempus terant, de illis pro certo redditura sunt rationem. Vos vero hac crinium tonsione ostēdite omnia terrena spreuisse, ac Christo Domino nupsisse, cui non placent cincinnata. De Beata Clara sic canit Ecclesia: *Cuncta pro Christi nomine contemnens. crine tonsa, coram alari Domini nubit aeterno sponso.* Sicut non curabat de capillis abradis; ita nec de temporali substantia, quam in sæculo reliquerat. Nam, secundum Augustinum, *capilli superflua rerum temporalium significant: quia enim sine sensu praescinduntur, illi qui Deo adherent, habent ista terrena tamquam capillos.*

In Psal. 51.

Nec vos angat illa, quam promissistis, obedientia. Nostis enim, quid sexui vestro dictum sit; *Sub viri potestate eris, & ipse dominabitur tui.* Hanc subiectionem non possunt remanentes in sæculo effugere, nisi vitam cælibem, ac statui vestro similem ducant. Nolite attendere quis, vel quæ iubeat, aut quid iubeatur; sed quia iubetur. Adimplete in monasterio cum merito, quod in mundo sine merito perficere cogeremini. Sponte, inquam, exequamini quod coactè præstaretis: vestrum considerate sponsum, qui de cælo descendit, non ut faceret voluntatem suam, sed Patris. Et non tantum Patri, sed &

Genes. 3.

Ioan. 6.

G g homi

Luc. 3.

hominibus obtestperauit ; de illo sic scriptum est ; *Et erat subditus illis*. Et qui factus est obediens usque ad mortem ; ita ut mori maluerit, quam non obedire. Dicit ergo vnaquaque vestrum ; imitabor ego sponsum meum ; fa-

Philipp. 2.

ctus est ille propter me obediens usque ad mortem ; mortem autem crucis ; ero & ego propter ipsius obediens usque ad mortem, inobediens autem propriæ voluntatis. Tunc

Isai. 61.

de ea verificabitur illud : *Non vocaberis ultra derelicta, & terra tua non vocabitur amplius desolata ; sed vocaberis ; voluntas mea in ea*. Verè enim esset derelicta & desolata anima vestra, si Dei ; & superiorum à vobis non adimpleretur voluntas. Excellant titulis aliæ mulieres ; gaudeant quibuscunque voluerint nominibus : religiosa tamen animæ multò verior est gaudendi materia in hoc nomine, quod ei Dominus imposuit, in quo tanquam compendio bona omnia continentur ; *voluntas mea in ea*.

Tandem quotiescunque vos vana sæculi delectauerit ambitio : quoties in mundo aliquid videritis gloriosum ; vel si aliqua insurgant tentationes carnis ; demonis ; vel mundi : aut si ob clausuram , abstinentiam, cæterosque religionis labores, motus impatientiæ vos premant ; illicò ad caelestem illam ; quæ vobis parata est, mercedem mentis aciem conicite, & quod futuræ estis, esse incipite. Hoc Diuus Hieronymus consulebat cuidam virgini, ad quam sic scripsit. *Egredere, queso, paulisper de carcere, & præsentis laboris ante oculos tuos tibi pinge mercedem, quam nec*
oculus

Epist. ad
Eustoch.

oculus vidit, nec auris audiuit, nec in cor hominis ascendit. Qualis erit illa dies, cum tibi Maria mater Domini choris occurret comitata virginis? Tunc Thecla in tuos leta volabit amplexus. Tunc & ipse sponsus occurret, & dicet: Surge, veni proxima mea, sponsa mea, columba mea; quia ecce hyems transiit, imber abiit. Tunc Angeli mirabuntur: videbunt te filia; & laudabunt Regina. Hinc & alius castitatis chorus occurret. Sara cum nuptis veniet: Anna filia Phanuelis cum viduis. Quod huic virgini euenturum promisit iste Doctor, vobis etiam propter Deum inclusis eueniet, si de promissis non doleatis, sed ea patienti & alacri animo adimpleatis. Gaudete igitur, quoniam merces vestra copiosa est in cælis.

Ad quoscumque pauperes.

CAPVT XIV.

A



XI STIMABAM fore superuacaneum illos consolari, quos Dominus beatos prædicauit. Matth. 5.
miseri enim, non beati consolatione indigent. Verum, quia iuxta consilium Magni illius Gregorij, In Psal.
renda est eis consolatio, quos caminus paupertatis excoquit; necesse est temporalibus bonis destitutum audiamus, & consolationem afferamus: ait enim. Psal. 86.
Pauper sum ego, & in laboribus à iuuentute mea. Tum dico.

Pauper es? Ergo diues es. Paradoxum;

Gg 2 cktor

est: tamen sic proba. Ille diues est, qui habet vnde emat cælum, vbi veræ sunt diuitiæ, verique thesauri: at pauper est huiusmodi; ergo diues est. Probatur assumptum auctoritate Diui Augustini dicentis. *Non displiceat tibi paupertas tua, nihil potest ea ditius inueniri. Vie noscere quàm locuples sit? cælum emis.* Vnde Anna

Augustin.
de verb.
Domini.

1. Reg. 2.

in suo cantico: *Dominus pauperem facit, & ditat.* Ditat, inquam, pauperem, cum ei det quo omnes ditantur, & sine quo omnes indigent: nam extra cælum est omnis egestas. Porro esurientes replet bonis, & diuites

Luc. 1.

dimittuntur inanes. Audi Apostolum hæc omnia confirmantem; *Nōne Deus, inquit, elegit pauperes in hoc mundo, diuites in fide, & coheredes regni, quod repromisit Deus diligentibus se?* Porro, nōne illi & diuites sunt, quibus cælestia regna sunt? Ad pauperes sic Christus:

Luc. 6.

Vestrum est regnum Dei. Ergo, pauper, non pauper, sed diues est.

Pauper es? Ergo tui Deus curam habebit,

Psal. 9.

ei enim dicitur: *Tibi derelictus est pauper.* In

Psal. 10.

te Deus oculos coniciet: *Oculi eius in pau-*

Psal. 10.

perem respiciunt. Exaudieris; Pauper cla-

mauit, & Dominus exaudiuit eum. Grata erit

Psal. 11.

Deo deprecatio tua: *Neque despexit depre-*

cationem pauperis. Veniam consequeris: Par-

cet pauperi, & inopi. Saluabitur anima tua;

Psal. 71.

Animas pauperum saluas facit. Dulcedine re-

Psal. 67.

pleberis: Paraſti in dulcedine tua pauperi

Deus. Non patieris violentiam. Si quis au-

Prou. 10.

tem violenter se gerat in te, punitur: *Non*

facias violentiam pauperi, nec conteras egentem

in porta, quia Dominus iudicabis causam eius, &

conſigiet

configet eos, qui afflixerunt animam eius. Tibi subuenietur, & qui tibi non subuenerit, non exaudietur: *Qui obscurat aurem suam ne audiat* Proa. 21.
clamorem pauperis, ipse clamabit, & non exaudietur. Beatus ergo est, & non miset, cuius Deus curam gerit, quem respicit, exaudit, cui parcit, cuius saluat animam, quem dulcedine replet, quem protegit, cui subuenit. Pauper ergo gaude.

B. *Pauper es?* Manum ductricem inuenisti, ac tranquillum portum appulisti, sic enim de paupertate scribit Chrysostomus. *Paupertas est manus ductrix in viam, qua ducit ad calum, & portus tranquillus.* Sicut in portu securus quis existit, ita in paupertate secure viuatur. Vnde Plutarchus: [Paupertas, ait, securitate solum à diuitiis differre videtur.] Homil. 18; in epist. ad Hebr.
 Ideo à Beato Climaco vocatur omnium ciu- Lib. de vitanda viti- ra. Grad 16.
 tarum depositio, securitas vitæ, viator omni-
 bus impedimentis liber. Pauper nullum timet latronem, nullis fortunæ casibus subici- In vita eius.
 citur. De Beato Hilarione sic Hieronymus;
Cum, inquit, habitaret in tuguriolo, latrones ad eum venerunt, reperto puero, quasi per iocum, quid, inquit, faceres, si latrones ad te venirent? Quibus ille respondit: nudus latrones non timet. Nam
cantat vacuus coram latrone viator. Iuuenal.

Ideo vnus ex antiquis pauperem iudicabat fortunatum, quod deteriorei statum non expectaret: *Homine paupere, inquit, nihil* Diphilus.
est fortunatius; mutationem enim in deteriorei statum non expectat. Ducto Rege Ioachin in 4 Reg. 14.
 Babylonem, translati sunt etiam omnes Prin-
 cipes & magnates: *nihilque relictum est, ait*

Scriptura, *exceptis pauperibus*. Hoc priuilegio soli pauperes gaudent, vt scilicet non ducantur captiui. Qui illaqueantur, captiuantur: sed, teste Apostolo, *qui volunt diuites fieri, incidunt in laqueos diaboli*. Ergo qui ditantur, captiuantur. Non dicit: qui fiunt; sed, qui volunt fieri diuites, incidunt in laqueos. Si illaqueat affectus, quid faciet effectus? Si igitur optas ditari, quæris illaqueari & captiuari, imò & agitari, atque vexari. Arbores fructibus onustæ ab omnibus impetuntur; carentes verò fructibus deseruntur. Sic diuiti omnes inuident, omnes ab illo postulant & sperant: à paupere autem nihil quæritur, ideo in pace relinquitur. Vnde Seneca: [In itinere obsessio pauperi pax est.]

Seneca.

Pauper es? Ergo Christo similis, qui, teste C

2. Cor. 8.

Apostolo, *propter vos egenus factus est, cum esset diues, vt illius inopia vos diuites essetis*. Nam in sua natiuitate pro throno regali habuit præsepium: pro culcitra, fœnum: pro igne, halitum bouis & asini: pro peristromatis, arænearum telas: pro purpura, viles panniculos: pro equitatu, bouem & asinum; & tota deinceps vita non habuit, vbi caput reclinaret, vt eius inopia diteſcamus. Exclamet igitur

Augustin.

Augustinus. *Quid factura sunt diuitia eius, cuius paupertas nos diuites fecit?* Tunc autem Christi inopia efficimur diuites, quando eius exemplo patienter ferimus illam, quam nobis immisit paupertatem, quia tandem per eam cælestes sumus possessuri diuitias. O ditissima paupertas, qua æternæ acquiruntur opes! Illam Christus elegit, vt illam æstima-

maret

¶ *maeret homo. Audi Bernardum. Paupertas non inueniebatur in calis. Porro in terris abundabat* Serm. 1. de vigil. nat.

hac species, & nesciebat homo pretium eius. Hanc itaque Dominus Dei filius concupiscens, descendit ut eam eligeret sibi, & nobis quoque sua estimatione faciat pretiosam. Refert Laërtius Ari- Lib. 2. c. 8.

stippum Dionysio interroganti, cur in Siciliam aduentarat, respondisse: ut quod habeo impertiam, & quod non habeo accipiam. Si interrogetur Dei filius, cur in terram descenderit, aptè respondebit; ut quod habeo, nempe cælestes diuitias, hominibus impertiam; & quod non habeo, scilicet paupertatem, & id genus alia, accipiam. *Christus*, inquit Augustinus, *diues est apud Patrem, & pauper apud nos: diues in calo, pauper in terra: diues Deus, pauper homo.* In Psal. 40.

¶ Noli igitur respuere, quod te Christo facit similem, & quod ipse elegit, ut tibi assimilaretur: esto inopia ei similis, qui inopia factus est tibi similis. Laudabantur olim Æthiopes, quod ita Regi suo assimilari optarent, ut si Rex, verbi gratiâ, claudicaret, claudi quoque omnes incederent: si esset monoculus, omnes sibi alterum eruerent oculum; ut hoc pacto Regi suo similes efficerentur, non in maiestate, sed in infirmitate. Pudeat nos velle fieri diuites, existente Christo Rege nostro paupere; ac coactè & molestè ferre, quod multi, ut ei assimilarentur, sponte elegerunt. Quid tibi ipse Seneca consular, audi. [Si vis, inquit, vacare animo, aut pauper esto, aut pauperi similis.] Dico ego: ut assimileris Christo, pauper esto. Eplst. 7.

Matth. 5. *Pauper es? Ergo beatus es. Audi dicentem; D*
Beati pauperes. Primò; quoniam ipsorum est
regnum calorum. Pondera verbum, est. Non
ait de futuro, sicut in aliis beatitudinibus
promissiones per verba de futuro exhiben-
Serm. 4. de *tur. Hoc aduertit Bernardus: Magna pen-*
Aduent. *na, inquit, est paupertas, qua tam cito volatur*
in regnum calorum. Nam in aliis virtutibus, quæ
sequuntur, promissio futuro tempore indicatur;
paupertati verò non tam promittitur, quam da-
tur: unde & presenti tempore enunciatur, est, quo-
nia ipsorum est regnum calorum; cum in cæteris
dicatur; hereditabunt; consolabuntur, possidebunt,
vocabuntur, & similia. Vnde, quamuis promissio-
ni de futuro in his beatitudinibus infalli-
bilitatem concedamus; paupertati tamen,
per verbum de presenti beatitudinem pro-
mittit Dominus, vt altiori quodam modo
eius certitudinem demonstraret. Nota etiam
Christum non dixisse; quia ipsi sunt de regno
calorum, veluti dicimus talem hominem esse
de Regno Galliarum, vel Hispaniarum; sed, ipsorum
est regnum calorum. At dices; quid inter hæc
duo interest? Multum per omnem modum, vt
femel dicam, quod inter Regem & subditos
eius: de subditis quippe asserimus, hi sunt de
regno; de Rege verò, ipsius est regnum: sic
de pauperibus Christus non, ipsi de regno
calorum, sed, ipsorum, ait, est regnum calorum,
eos calorum Reges appellans.

Psal. 9. Præterea, *beati pauperes*, quia peculiari
 ratione Dei sunt, ac sub eius tutela. Nam
factus est Dominus refugium pauperi. Quod præ-
 cipue pauperes ad Deum pertinent, agnoue-
 runt

runt Ethnici ; sic enim Menander : *Pauperes* Menand. Epist. 28.

semper aſtimantur decorum. Et Seneca : [Nemo alius eſt Deo dignus , quàm qui opes contempſit.] Fœlix paupertas , quæ non tantùm Chriſto nos reddit ſimiles , ſed ſuos nos facit : illi enim derelictus eſt pauper. Dicat igitur Diuus Cyprianus , *Cùm Dei ſint omnia* , Serm. 6. de orat. Dom.

habenti Dominum nihil deerit , ſi Deo ipſe non deſit. Deeris autem Deo , ſi paupertatem impatienter tuleris ; ſi verò patienter feras , tua non peribit patientia. Nam *patientia pauperum non peribit in finem.* Id eſt , ſecundùm Chryſoſtomum , nunquam peribit , ſed proprium fructum recipiet : quod non ſemper evenit laborantibus in rebus ad victum pertinentibus , qui finem intentum ſæpe non conſequuntur pereuntibus laboribus. Agricola quidem expectat , & mercator ; at non rarò propter aëris iniuriam , aut aliundè fructus ſui laboris excidunt. Sed pauperis habentis patientiam , fructus nunquam peribit. Si doleas quòd pauper ſis , dolebis igitur , quòd diues , quòd beatus , & Dei ſis.

E *Pauper es ?* Ergo liber es ab illa maledictione , qua diuites feriuntur , quibus ait Chriſtus : *Va vobis diuitibus , quia habetis conſolationem veſtram.* Luc. 6. Gaude privari diuitiarum conſolatione ; quæ digna eſt Dominica maledictione. Eris etiam immunis à grauibz illis curis & ſollicitudinibus , quibus opes ita mentem pungunt , & diſcruciant , vt meritò Dominus eas appellet ſpinas , & diuitias fallaces. Math. 23. Sicut enim ſpina dolo-rem creat & cum inſigitur , & cum infixæ manet , & cum

Serm. de
conuers. ad
Clericos.

extrahitur : sic diuitiæ magno labore acqui-
runtur , maiore timore conseruantur, & ma-
ximo dolore amittuntur. Audi Bernardum.
*Diuitiarum amor longè amplius desiderio torquet
animam, quàm refrigeret usû, utpote quarum ac-
quisitio quidem laboris, possessio verò timoris, amif-
sio plena doloris inuenitur. Si igitur optes di-
tari, optabis pungi, & cruentari; & ita hac
punctione inflari, vt tandem ad cæli introi-
tum præpediaris, cum facilius sit camelum per
foramen acus transire, quàm diuitem intrare in
regnum calorum.*

Luc. 18.

*Pauper es? Commune tamen habes cum
diuitibus substantiam, præter quam si quid
ipsi habeant, corruptioni, ac deperditioni est
obnoxium. Vis autem scire quid tibi cum*

Homil. 3. in
illa verba
Moyfi: At-
tende tibi
v. 10.

*illis commune sit? Audi Basilium. Victus, in-
quit, quotidiani indigus es? Ne tu proinde de-
sponderis animum: contemplare bona tum que
iam à Deo tibi collata sunt, tum que in futurum
promissione reposita. Primum quidem homo es,
solus Dei conditoris manibus formatus, adde ad
imaginem illius, & qui potes per vitæ probitatem
prouehi ad Angelicam dignitatem. Animam
sortitus es intelligentia præditam, cuius solertia
Deum agnoscis, omnesque res naturales; tibi uni
seruiunt animantia cuncta. Tuum inuentum sunt
artes vniuersæ. Nonne calum summæ astrorum cho-
rum, ordinemque tibi ostentat? Quid igitur pusillo
es animo? An quòd desit equus freno argenteo
ornatus? at Solem habes aureum toto die, & Lu-
nam argenteam nocte tibi præradiantem. Non
dormis in lecto eburneo? at terra ebore pretiosior
est, in qua requiem dulcem omnis cura expertem
capeffis.*

capeſſis. Non ſunt laquearia aurea? aſqui cœlo-
tegeris innumeris ſtellis radiante. Hac humana
ſunt, ſequuntur anguſtiora. Deus propter te inter
homines verſatus eſt; Spiritum ſanctum miſit,
mortem deleuit, ſpem reſurrectionis dedit; præcepta
promulgauit, quæ vitam perficiant tuam, quorum
obſeruatione iter aperiat ad vitam æternam, coronam
paratam illis, qui labores pro virtute non deſuge-
rint. Interim nec neceſſaria ad præſentem vitam
deerunt; quare cauſa non eſt, ut animo angaris.
Hæc ille.

F Idem planè oſtendit Ambroſius, qui
etiam te conſolatur his verbis. Attende tibi,
pauper, quia anima tua pretioſa eſt; & ſi caro
mortalis, diuturna anima: & ſi tibi deeſt pecunia,
non deeſt gratia; & ſi non eſt domus ampla, non
diffuſa poſſeſſio, cælum patet, terra libera eſt.
Omnibus in commune elementa donata ſunt, pa-
tent æquè diuitibus, atque pauperibus ornamenta
mundi. Numquid pulchriora pretioſiſſimarum do-
morum aurata laquearia, quàm cæli faciès ſtellis
inſignita fulgentibus? Numquid latiora diuitum
rura, quàm ſpatia terrarum? Maiorem do-
mum tu habes pauper, in qua clamas, & exaudi-
ris. Quid igitur quereris, ſi priueris quibus
aliqui abundant, quæ magis obſunt, quàm
proſint? Sed gaudeas, quòd hæc ſaltem ha-
beas ſine quibus nemo diues, & cum quibus
nemo pauper. [Quæ optima ſunt, inquit Se- Ad Lucil.
neca, communia ſunt.] Habes illa optima, epiſt. 12.
eſto contentus.

Pauper es? Et multi alij innumerabiles,
qui Chriſti de paupertate conſilium, &
exemplum ſponte ſunt ſequuti. Et primò
quidem

Matth. 19. quidem Apostoli, quorum nomine exclamavit Beatus Petrus: *Ecce nos reliquimus omnia, & sequuti sumus te.* Deinde primi Christiani, qui pecuniam ex agris diuenditis confectam ad pedes Apostolorum deposuerunt, nec amplius quidquam suum esse dixerunt. Martyres etiam, & alij, qui, teste Apostolo, *rapinam bonorum suorum cum gaudio susceperunt*, ne Christum desererent. Eremitæ insuper, Paulus, Antonius, Hilarion, Arsenius, Macharij, & alij eorum sectatores innumeri, qui omnibus opibus desertis arctissimam in victu & amictu paupertatem professi sunt. Ordinum quoque religiosorum fundatores, Basilus, Augustinus, Benedictus, Bruno, Dominicus, vterque Franciscus, & quotquot eorum leges, vel regulas susceperunt. Denique nobilissimi quidam viri, qui deserto Regno, Principatu, vei magnis opibus, extremam paupertatem, vel mendicantem elegerunt, vt Sancti Alexius, Rochus, Ioannes Calybita, Iudocus, & alij. Honori tibi est illis assimilari, qui Christum pauperem voluerunt imitari. Hoc vnum te rogo, vt patienter illam saltem, & quam non potes effugere, sustineas paupertatem, quam ipsi sponte elegerunt propter æternam felicitatem; spreuerunt diuitias, quia generant vitia; rarò enim nisi cum vitiis congeruntur diuitiæ: vnde quidam,

Pler. Val.
lib. 12. hier.

*De vitiis quòd diuitiæ cumulentur apertum est,
Nomen idem vitiis, diuitiisque datum.*

Si dicas prædictos Sanctos paupertatem G
elegisse propter eam, quam profitebantur
perfe

perfectionem, illam verò te non profiteri; obijciam ego tibi multos infideles, qui sola ratione naturali non solum paupertatem æquo animo tulerunt, sed etiam illam diuitiis prætulerunt. Illorum exemplo pudescit Diuus Basiliius quemdam Olympium, qui Epist. 169. paupertatem longè à finibus suis profligarat, ei que proponit Zenonem omnia in naufragio abiicientem, ac sibi congratulantem, quod in vestem contritam & laceram coniectus esset; Cleanthem quoque, qui mercenariam operam suam fontibus hauriendis locauerat, unde & ipse sibi victum comparabat.

Proponuntur alij Gentiles paupertatem colentes in confusionem multorum Christianorum paupertatem odio habentium, opibusque inhiantium: Socrates Philosophorum omnium luculentissimus, pauper semper extitit, nudis pedibus incedens, sordido palliolo contentus, honores, & omnia terrena contemnens. Diogenes ita in omni vita paupertatem coluit, vt aduersus calorem & frigus dolio contentus fuerit: poculum fregit, rusticum cauis manibus potantem intuitus. Tam foelix ab Alexandro iudicatus est, vt Diogenem malle se esse dixerit, quàm alium quemquam, si non Rex Alexander esset. Laërtius. Idem.

Phocion Atheniensis grande auri pondus, quod ab eodem Alexandro dono offerebatur, pertinaciter repudiavit, testatus se auro regio non egere. Dignus, de quo quæretur, maiorne fuerit Alexander, an Phocion, qui Sabel. lib. 8. cap. 5.

qui aurum Alexandri contempsit. Democritus diligens naturæ contemplator, vsque ad eò diuitias contempsit, vt non modò aliunde oblatas non acceperit, sed eas etiam, in quibus natus erat, sponte publicarit. Itaque nihil præter ingenium possedit, vel quia noluit, vel quia non debuit.

Fulg. lib. 4.
cap. 4.

Aristides multò iustius se paupertate gloriari posse credidit, quàm Calliam Atheniensium ditissimum opibus amplissimis: dictitans nulli pauperiem indecoram esse, nisi qui inuiti ferrent. Epaminondas Thebanus, cuius virtute, egregiisque facinoribus nemo audiendis satis expleri posset, in tanta rerum decessit inopia, vt domi eius vnum dumtaxat ferreum spiculum, nihilque aliud necessarium repertum fuerit; ita publica impensa tumulatus est. Plures alios afferre possem eximios diuitiarum contemptores, & egregios paupertatis cultores; sed, ne tadio sim lectori, prætermitto.

Ibidem.

Lib. 5. de
ciuit. Dei.
cap. 18.

Dico itaque cum Diuo Augustino, qui aliquos ex illis ad paupertatem commendandam in medium attulerat. *Hæc proposita sunt necessaria commonitionis exempla, vt, si virtutes, quarum ista vtrumque sunt similes, quas isti pro ciuitatis terrena gloria tenuerunt, pro Dei gloriosissima ciuitate non tenuerimus, pudore pungamur: si tenuerimus, superbia non extollamur.*

Serm. 4 de
orat. Dom.

Dicet tamen vestrum aliquis: vnde omnibus bonis destitutus me alere potero? Respondet Diuus Cyprianus; Dominum ideo nos docuisse orare: *panem nostrum quotidianum*

num da nobis hodie. Neque enim, inquit ille,
desse quotidianus cibus potest iusto, cum scriptum
sit: Non occides Dominus fame animam iusti. Prou. 10.

Et iterum: Iunior fui, etenim senui, & non vidi Psal. 36.

iustum derelictum. Danieli in lacu leonum iussu Dan. 14.

Regis incluso prandium procuratur: alitur Elias
in fuga & solitudine coruus ministrantibus. Quasi

dicat iste Doctor: Potuit Dominus hos refi-
cere, potest & te, si adhibita omni tua ad vi-
uendum diligentia, speres in illum, eique
confidas; non enim est abbreviata manus
Domini. Qui vetat ne Gentilium more de
victu & amictu solliciti simus, non deseret

te, si, vt ipse præcipit, *queras primum regnum* Matth 6.

Dei & iustitiam eius. Habet curam auium per
aërem volitantium; & non geret curam ho-
minum in terra degentium, in ipso spe-
rantium?

Queritur Diuus Ambrosius, quòd de ino-
pia queramur, & quòd aliqui nolentes illam Lib. 6. Exa-
mer. cap. 17.

sufferre ad flagitia se convertunt, nosque vt
hirundinem consideremus, hortatur. Nemo,
inquit, *de inopia queratur*, quòd *vacuas pecunie
propriarum ades reliquerit.* Paupior est hirundo,
qua *vacua aris abundat industria.* Edificat, nec
impendit: *tecta attollit*, & *nihil aufert proximi;*
nec indigentia & paupertate ad nocendum alij
compellitur: nec in graui filiorum imbecillitate
desperat. Nos verò & paupertas afficit, & inopia
necessitas vexat, & plerisque cogit in flagitium,
impellit in crimen, improuidi & inertes iacemus,
cum de diuina miseratione tunc sperandum, am-
plius sit, cum præsidia humana defecerint. Certum
est autem, quòd tunc adsunt diuina subsidia,
quando

quando defunt humana præsidia.

Pfal. 54.

Attende precor, quid tibi dicat Psalmista: **I**

Iacta super Dominum curam tuam, & ipse te enutriet. Pondera verbum, *enutriet*, hoc proprium

est matris, quæ filium lactat. Si infans huiusmodi vsum rationis haberet, matrisque

amorem & providentiam nosset, numquid sollicitudine, vel cura aliqua torqueretur,

an securum à matre alimentum haberet? Minime prorsus. Et tu igitur, ait Psalmista, ca-

ue ne victus, aut vestitus sollicitudine angaris; iacta curam tuam in Domino, & ipse

velut mater, quæ vnicè amat filium, *enutriet*

te. Vides quàm à natura destitutus sit infans,

qui nec se induere, nec cibum manibus capere, imò postulare quæ sibi sunt necessaria,

nouit? Mater illius ori mammillas applicat,

nudum induit, à frigore & calote protegit, in lectulum tollit, ut dormiat canit & circum-

agit; plorantem solatur; ridenti artidet; infirmum curat, & nihil non facit, quod filio

expedire considerat. Sic Deus cum pauperibus suis sgerit. *Ipse te enutriet*, quod mater

infanti præstare solet, hoc ipse præstabit, imò

quænam mater ut ille? Sape mater aut ignorantia, aut impossibilitate, aut negligentia

circa infantis sui curam deficit. At Deus, cuius sapientiæ & bonitatis non est numerus,

Isai. 49.

deficere nequit. Audi quid dicat: *Numquid obliuisci potest mulier infantem suum, &c. Quod si illa oblita fuerit, ego non obliuiscar tui.*

In manibus meis descripsi te. Nihil autem præsentius nobis, quàm manus nostræ: sic nihil Deo commendatius quàm nos, quorum

rum

rum ipse curam gerit. Vnde Ambrosius: *Indecorum est*, ait, *homines curare de cibo, qui militant regno: nouit Rex quemadmodum familiam suam pascat, alat, vestiatur.*

In illa verba Genes. 48. *Paui me ab adolescentia mea.*

Idem Dauid expertus illam Dominicam curam, dicebat: *Dominus sollicitus est mei*: seu, vt legit Augustinus: *Dominus curam habet nostri.* Ideo adiungit ille Doctor: *Qui habuit tui curam, antequam esses; quomodo non habebit curam, cum iam es, quod voluit vt esses?* Propterea Diuus Petrus vult, vt simus omnem sollicitudinem nostram proicientes in eum, quia ipsi est cura de nobis. Scit autem quando, & quomodo sis curandus & subleuandus, iacta tantum super illum cogitatum tuum, & scito tibi & omnibus dictum esse, quod aliquando à Domino Catharinæ Senensi dictum fuit: *Cogita de me, & ego cogitabo de te.* Tandem sic mihi liceat cum Diuo Augustino pauperes consolante, concludere. *Dico vobis, pauperes, qui mendicatis, qui de eleemosyna Christianorum viuitis: consolamini, consolamini; tribulatio vestra vertetur in gaudium, & dolor vester in letitiam. Non vobis sit ingratum, quod mendicatis, nec ideo in corde vestro aliquid contra Deum dicatis, quia ille iustus & pius est, & te ideo fecit pauperem, vt suffrendo breuem inopiam, aeternam vitam acquireret: patientes igitur estote, & expectate Dominum.*

Psal. 39.

1. Petr. 5.

Serm. 7. de tempore.

*Ad Aulicos, vel potius ad eos, qui
ab Aula & Curia sui Principis in-
uiti recesserunt.*

CAPVT XV.



VOMODOCVMQVE, Ô Au-
lici, recedatis à Curia, siue spon-
te, siue coactè, deberem potius
vobis congratulari, quàm vos
consolari: verùm, quia huius-
modi recessus aliquam fortè vobis afflictio-
nem parit, ideo consolantis modò, & non
congratulantis personam geram.

Lib. 8. de
bello ciuili.

Recessistis igitur inuiti ab Aula: scitote
Deum permisisse, vt quod vestra voluntas
renuit, præstaret aliena. Noluistis audire il-
lam Lucani non tam poëticam, quàm poli-
ticam admonitionem:

————— *Exeat aula,*

Qui volet esse pius. —

Ieremi. 51.

Nec attendebatis ad id, quod iamdudum
Propheta sanctus clamitauerat; *Fugite de me-
dio Babylonis, vt saluet unusquisque animam
suam.* Per medium intelligitur Aula regia,
quia tunc in medio ciuitatis construebantur
Palatia, vbi Reges morabantur. Porro Ba-
bylon interpretatur confusio: fugere itaque
de medio Babylonis, est deserere Palatium,
siue Curiam regiam, quæ vt plurimum est
omnis confusionis, æmulationis, fictionis,
omnisque malitiæ centrum & officina,
estque

estque tenebrarum locus ; in cuius rei testimonium, ingredientibus Magis Herodianam Math. 2.
Aulam , stella quæ illos comitabatur , vel
potius quæ suo coruscante lumine eos antecede-
bat , disparuit : quam postea ab Aula
exeuntes viderunt, & gauisi sunt gaudio ma-
gno valdè.

B Aulas Principum Dauid appellat tabernacula peccatorum: sic enim ait. *Elegi abiectum* Psal. 83.
esse in domo Dei mei, magis quàm habitare in tabernaculis peccatorum. Alij, vt Hieronymus, legunt, *in tabernaculis impietatis.* Alij verò, *in tabernaculis perturbationis.* Quia ibi multi impietatem profitentur; omnesque ferè perturbantur, tum ad captandam Principis beneuolentiam, tum ad obtinendum ab eo aliquod beneficium, quod cum non adipiscuntur, perturbantur; maxime si alios sibi præferri videant. Verè igitur sunt tabernacula perturbationis, cum illic perturbato potius quàm tranquillo animo viuatur.

Nam vt plurimum ibi ferè scelerum omnium procellæ, virtutumque inenarrabile naufragium: probi illic opprimuntur, pessimi prouehuntur, simplices irridentur, iusti vim patiuntur, audaces & impudentes eriguntur; soli illic prosperantur adulatores, susurrones, renunciatores, calumniatores, famidæ, sycophantæ, parasiti, lenones, & alij similes; adeo vt de Aula dicere possimus quod Apostolus de mordace lingua, quod scilicet sit *iniquitatis vniuersitas.* Vix illic reperitur gallus ad excitandum, sed potius simia ad adulandum, canes ad mordendum Iac.

psittaci ad garriendum, & leones ad deuorandum. Non ergo vos exiisse pœniteat à tabernaculis & receptaculis tantarum impietatum, & perturbationum.

Hebr. 11.

Vocat etiam Paulus Curiam regiam, temporale peccatum, vel temporalem peccati iucunditatem, dum de Moyse Aulam Pharaonis contemnente sic scribit. *Moyſes grandis factus negauit ſe eſſe filium filia Pharaonis, magis eligens affligi cum populo Dei, quàm temporalis peccati habere iucunditatem.* Quasi dicat: maluit Moyſes pati, affligi, & opprobriis affici cum Hebræis, quàm ſibi oblatiſ honoribus, & opibus abundare in Aula Pharaonis; ſciebat enim temporalem illam Curia iucunditatem non carere peccato, ideo elegit potiùs affligi extra Aulam, quàm iucundari in Aula, *maiores diuitias eſtimans theſauro Ægyptiorum improprium Chriſti.* Id eſt, Moyſes in filium & hæredem regni adoptatus, hoc regnum, illiùſque theſauros cum improprio Chriſti commutauit.

Ribera.

Quæres, quodnam hîc vocetur *improprium Chriſti*. Ribera propriè hæc verba accipit, & explicat; quòd ſcilicet Moſes partim ex fide, & traditione Abrahæ, aliorumque Patrum cognoscens Chriſtum pro genere humano paſſurum, partim ſpiritu prophetico præuidens ſpeciatiim iniurias & opprobria illi à Iudæis inferenda, vt Chriſto patienti ſimilis fieret, maluerit calamitatibus premi & affligi cum Hebræis, quàm delicias aulicas, ac ipſius tandem regni ſucceſſionem acceptare. Improprium ergo Chriſti dicitur,

citur, non quod Ægyptij Mose intulerunt in odium Christi, vtpote qui de Christo nihil scirent, sed quod Moses Christi amore, reuerentia, imitatione, similitudine, & vt repræsentaret opprobria Christi, forti & læto animo sustinuit: quia si Ieremias hæc opprobria Christi præuidit, & in suis opprobriis adumbravit, quidni & Moses?

Illud autem obseruatione dignum arbitror, nullibi cum Christo contumeliosius actum fuisse, quàm in Principum Aulis. Nam in domo Annæ fuit accusatus: in domo Caïphæ alapa percussus: in domo Pilati virgis cæsus: in Palatio Herodis veluti amens delusus, ac ab eisdem penè infinitis opprobriis, ac tormentis vsque ad crucis mortem damnatus; cùm tamen in abiectorum hominum ædibus, multis obsequiis & honoribus fuerit honestatus. In stabulo adoratur à Magis: à Simone Phariseo inuitatur: à Zachæo in domum honorificè recipitur: ab Architricino ad nuptias vocatur: in domo Lazari conuiuatur: in ædibus Marthæ hospitatur. Hæc omnia præuidens Moses, si sciuisset se similia opprobria in Aula Pharaonis passurum, quæ Christus in domibus illorum Principum, reuera elegisset potius in huiusmodi Aula, quàm cum populo Hebræo tunc captiuo & afflicto morari.

Christus itaque in Aulis, & Moses extra Aulas patiebatur: vt Christus opprobria sustineret, intrauit Aulas; & Moses vt affligeretur, exiuit Aula. Vos verò non vultis Mose, nec Christo assimilari, quia non in Aula cum

H h 3 Christo,

Christo, nec extra Aulam cum Mose vultis affligari. Nouit autem Christus vbinam sitis ei assimilandi, atque inde saluandi, siue intra, siue extra Aulam: si modò cogamini exire, scitote hoc vobis expedire. Exeat igitur Aula, aut saltem se exiisse gaudeat, qui volet esse pius.

Et non tantùm, qui volet esse pius, sed etiam qui voluerit esse securus, fugiat Aulas. Multi enim minima occasione, quandoque etiam vel ob nudam quampiam suspensionem vitæ periculum subierunt, vt omnium gentium historiæ testantur. Quantus vir Parmenio apud Alexandrum fuit? Tamen optimus senex, tam de patre, quàm filio Rege præclare meritis, cum filio Philota miserabiliter necatur.

Eusebium apud Ptolomæum gratia florentem iussu Regis suspensum fuisse legimus, hac sola ratione, quòd mulierem à Rege admatam alloquutus fuerit.

Plutarch.

Alcimenides, referente Plutarcho, Pannonianum in tantum fastigium euectum, vt solus regni negotia magno cum Reipublicæ commodo administraret, capite truncauit, eo quòd negasset ibi esse locum venationis, vbi Rex asserbat.

Philippus Rex Macedonicus Aratum Sicyonium virum sapientia, iustitia, ac moderatione insignem, cuius consilio multa præclare gesserat, vnà cum filio, veneno tollit.

Valentinianus Imperator Aëtium præstantissimum ducem, cuius opera ingentes Attilæ copias in campis Catalaunicis profligat,

garat, falsa suspitione motus, interim curat.

Et quas Iustinianus in celeberrimum sui temporis ducem Belisarium causas sævitæ alias, præter falsas suspiciones, habuit; cum eum post deſictos Vandalos ac Perſas, omni dignitate, oculiſque priuauit, tum ad ſtipem emendicandam compulſit?

Vnde veteres; teſte Suida, rectiſſimè præcepere: *Maiorem vitæ virum*: multis enim etiam noſtræ tempeſtatis viris ſatius fuiſſet in caula, quàm in Aula commorari. Dicant igitur qui extra Aulam ſunt, illud Senecæ; Suidas.

Stet quicumque volet potens

Aula culmine lubrico;

Me dulcis ſæuret quies.

Merito Thomas Morus, qui & ipſe huiuſmodi fortunæ aulicæ non fuit expertus, ad quemdam amicum ſuum de ſuo ipſius ſtatu aulico, hoc breui ſcripſit carmine. Seneca.

Sape mihi iactas faciles ad Principis aures

Liber, & arbitrio ludis ut ipſe tuo.

Sic inter domitos ſine noxa ſape leones

Luditur, at noxa non ſine ſape metu.

Infremit incerta crebra indignatio cauſa,

Et ſubito mors eſt, qui modo ludis erat.

Tuta tibi non eſt, ut ſit ſecura, voluptas

Magna tibi eſt, mihi ſit, dummodo certa,
minor.

E Cur igitur dolemus, ſi à tot tantique Aulæ periculis eripiamur? Quantæ ſunt nobis gratiæ Deo agendæ, quod vel Principis iuſſu, vel inuidientium perſecutione, & calumniis ab Aula nos recedere, etiam inuitos, permiferit? Nam quis ita fortis eſt, ut

nunquam titubet, præsertim in tam lubrico loco, in quo multos alios cecidisse vidimus? State parumper in tuto, & in littore, & videbitis quanta euaseritis pericula: omnia enim sunt plena periculis.

Diuus Gregorius volens quemdam nobilissimum virum ab obsequio Imperatoris, ad quod aspirabat, retrahere, & ad vitam tranquillam Deo inseruiendo, adducere, sic scripsit ad eum. *Esse in obsequio Principis, quanta est mentis occupatio in appetitu terrena gratia, & quantus est timor, ne hac eadem gratia perdat, si adeptus fuerit? Perpende ergo quæ poena sit, aut prosperitatis desiderio fatigari, aut aduersitatis timore pauescere: & quia in procellas & fluctus cordis tendis, verborum meorum funibus te ad litus reuoco; & si trahentem sequi volueris, quæ pericula euaseris, quæ gaudia inueneris, in ipso quietis tua littore positus agnosces.* Videbis etiam quantas euaseris fraudes; nam secundum Senecam,

Lib. 6. Regit. epist.
190.

Seneca in
Hippo.

Fraudes sublimi regnant in Aula.

Vtinam, ô Aulici, ad vos ipsos reuertentes, interdum cum Diuo Augustino hæc verba promeritis. *Quid quarimus? cuius rei gratiâ militamus? Maior ne esse potest spes nostra in Palatio, quam ut amici Imperatoris simus? & ibi quid non fragile, plenumque periculis? & per quos pericula peruenitur ad grandius periculum? Quando, & quando istuderit? Amicus autem Dei, si voluero, ecce nunc fio.* Non est certum, licet diu moremini in Aula, vos posse etiam post multa obsequia fieri amicos Regis, quia incerta est eius amicitia, incerta quoque sunt illius bene

Lib. 8. C6f.
cap. 6.

beneficia: & quamvis hæc omnia vobis certa forent, nescitis quandiu essent duratura hæc ipsa, quæ tandem certissimè sunt peritura: pro incertis & perituris laboratis, & de certo non curatis. Cùm itaque certa sit vobis Dei amicitia, si illum diligatis; Regis verò incerta, etiam si illi fideliter seruijeritis, sumite certum, & dimittite incertum.

Dicat insuper vnusquisque vestrùm cuto: Dauide; *Et nunc, quæ est expectatio mea? nonne Dominus?* Nunc, inquam, postquam ab Aula expulsus, aut sponte egressus sum: nunc, cognita miseria ac malitia aulica, *quæ est expectatio mea? nonne Dominus?* In Aula, nulla alia vobis erat expectatio, nisi Regis mortalis amicitia siue gratia: nunc autem extra Curiam, sit Rex regum, & Dominus dominantium expectatio vestra, cuius amicitia nulla potest adulatorum industria, nec æmulatorum malitia corrumpi, & qui abundè seruos suos remunerat.

Solet Palatium à Latinis Basilica vocitari, & non immeritò, quia nonnulli asserunt deriuari à Basilico. Sicut enim istud animal visu suo interficit; ita in Principum Aulis veneficus oculus inuidus semper viget: vnde præclare Diuus Bernardus; *Curia, inquit, Lib. 4. de. plures bonos recipit, quos non perficit, sed inficit.* confid. Poteratis quidem in Aula infici, sed non perfici: fœlix ergo vester recessus, erit enim causa vestri profectus.

Notissima vox est apud Senecam eius qui Seneca. in Aula Regia consenuerat, cùm quidam illum interrogaret, quomodo rarissimam rem in

Aula consequutus esset, senectutem, respo-
dit, *iniurias accipiendo, & gratias sape agendo.*
Qis igitur ægrè ferat se deseruisse locum, vbi
non poterat senescere, nisi multis afficeretur
iniuriis, ac pro illis gratias ageret? Pudeat vi-
ros sublimes, & maximi ingenij, Aulas dili-
gere, ibique tot pati repulsas, toties genua
flectere, & semper coram Principe adstare
detecto capite, & vbi non sibi, sed aliis viuere
coguntur, ob leuem quandam ac dubiam re-
munerationem.

Plutarch.

Theophrastus, vt testis est Plutarchus, ex-
probrabat Aristoteli, quòd relicta Acadèmia
mallet in Philippi Regis Aula versari. Vnde
Diogenes irridendo dicere solebat, Aristote-
lem cœnare, quando Philippo: Diogenem
verò, quando Diogeni placeret; eo quod non
tam sibi, quàm aliis viuunt Aulici.

Seneca.

Idem Diogenes dicebat, Aristippum Phi-
losophum Aulicum aureis teneri compedi-
bus, ne posset exire; quod splendidiore Prin-
cipum vita captus philosophicâ vitam men-
tiretur. Verùm, quàm multi sunt, qui etiam
nunc huiusmodi compedibus detenti, Chri-
stianam mentiuntur vitam, illasque amant
compedes, contra illud Senecæ: [Stultum est,
compedes suas, quamquam aureas, adama-
re?] Id tamen quàm studiosè faciant Aulici,
nemo est qui non videat: seruitute enim
voluntaria, eaque grauissima, nec propterea
meritoria; imò interdum turpissima pre-
muntur. Attendant, quòd [nihil est fœ-
dius seruitute; ad decus, & libertatem nati
sumus.] Solutis tandem illis Aulæ vinculis;
siue

Cicero Phi-
lipp. 12.

siue inuidia, calumnia, falsa suspicione, aut quouis alio modo, dicite Deo; *Dirupisti vincula mea, tibi sacrificabo hostiam laudis: & sic compedibus liberi in auctorem vestrum tendite.* Sit enim illud benedictum, quo peruenitur ad Christum. De Aulico sic scribit quidam Poëta.

*Compedibus strictè, & manicis adstringitur excors,
Plusquàm seruili conditione miser.*

Nam quæ seruitus est turpior, imò pudenda,

Quam turpe & fœdum sponte subire iugum?

Gratias, inquam, agite Deo; quòd excusso tantæ seruitutis iugo, vobisque ianuis Aulicis exclusis, ad meliorem & tranquillio rem vitam subtilissimis, mirabilibusque mediis vocati sitis, nec non & liberi ad nullum aliud portandum iugum, præterquàm Christi, quod leue & dulce est; Aulæ verò iugum graue imò grauissimum, portatu difficillimum, & quod portantes atterit. Hoc experti estis; experiamini modò hoc Christi iugum, ad quod ferendum cælestes Aulici sic inuitant vnumquemque nostrum. *Ad vitam te vocamus, o homo; quid fugis vocationem? Ad bonorum participationem, quid negligis donum? Regnum calorum apertum est: qui vocat non mendax est; via facilis est: non tempore, non sumptu, non negotio opus est. Quid cunctaris? Quid tergiversaris? Quid iugum times? bonum est, leue est, cervicem non atterit, sed glorificat.* Portastis aliquando in Aula iugum Principis, quod graue est, & non poteritis nunc extra Aulam portare iugum Christi, quod leue est?

Eccl. hom.
52.

H Quamuis in quocumque statu cautè sit agendum,

agendum, cum nullum sit vitæ genus, quod non insignia vbiuis sentiat grauamina: verumtamē periculosius versatur quis in Aulis Principum, quàm alibi. Idcirco, vt sine periculo, vel vt veriùs loquar, minori cum periculo vita in Aula transigatur, assignat Eras- mus triginta tria præcepta, quæ omnia recensere non curo, tum quia ex eis quædam sunt ridicula, tum quia obseruatu sunt difficillima; & quæ postquam quis obseruauerit, vix intentum adipiscetur: duo tamen ex his afferre non verebor.

Erasin.

Vnum, quo iubet; *Ne pudeat, aut pigeat assentari*. Iam, ô Aulici, experientia didicistis non posse quempiam commodè in Aula versari, nisi assentatoris, vel adulatoris personam gerat: cum in Aulis Principum ferè nascatur adulario, quæ ideo, vt adnotat quidam, quasi adaulario dicitur. Vultis autem scire, quid sit adulator, aut adulari? Pediculis, vmbra, simiæ, coruis, & vermibus assimilari. Nam ait Plutarchus, sicut pediculi corpora exanima deferunt, vtpote defecto sanguine quo alebantur; sic adultores rebus prosperis adsunt, aduersas non attingunt. Et sicut vmbra, quidquid agat, respondet & adest, sic adulator quoquò te veritas, sequitur. Simia, cum nec domum possit seruare more canis, nec onera gerere, sicut equus, nec arare, veluti boues, parasitatur, ac risum mouet: sic adulator cum in seriis ac grauibus rebus nesciat esse vsui, voluptatum minister est. Hæc ex Plutarcho.

Plutarch. in mor.

Diogenes multò periculosius esse dicebat
inci

incidere in assentatores, quàm in coruos, quibus quidem quàm similes sint, indicat Græcarum vocum affinitas. Græci enim κόρακας appellant coruos: vnica literâ mutata κόλακας dicunt adulatores. Quoniam illi mortuos tantùm impetunt, hi etiamnum viuis insidiantur. Anaxilas, vt author est Theophrastus, adulatores esse diuitum vermes assererat, qui triticum nacti non discedunt, donec vacuum reddiderint: sic illi apud diuites substantiam rodunt. Non igitur vobis curæ sit recessisse ab Aula, in qua toties cogebamini vilissimis illis animalculis æquiparari, quoties vobis contingebat assentari, quod omnino ridiculum erat.

Lib. 20.
cap. 33.

I Alterum Erasmi præceptum istud est; *Vbi satis pingueris, excogitanda ratio est, vt, quod paucis contigit, feliciter ab Aula te subducas, tibi que viuas.* Rectè ait, paucis contingere, ab Aula feliciter recedere: de illo non est multùm curandum, nec omnino dolendum, quod paucis accidit. Cæterùm, cùm excogitandam suadeat rationem exeundi, certè vobis est exultandum, quòd, si Aula exiistis, iam quod alij quærunt, inuenistis. Vobis itaque viuetis; & si domo vestra sitis contenti, eritis vosmet in ea veluti Principes: Aulici vestri erunt famuli; & erit familia vestra, Curia, in qua ad bene viuendum decem præcepta diuina duntaxat sunt necessaria: atque ita Deo inferuietis, qui nouit, potest, & vult obsequia sibi exhibita remunerare: ac tandem dicetis; *perissemus, nisi perissemus.*

Si autem Monachus sis, quid tibi cum Aula?

Hugo de
duodecim
abulion.

Aula? Cur doles eo loco exire quem nunquam debebas adire? Et cur non gaudes ad claustrum redire, quo non cogebaris exire? Ordo clauſtri, inquit Hugo, & ordo Curia diuſus eſt. Ibi ſedes in inſidiis, cum diuitibus in occultis, ut interficias innocentem: hic audis, non ſedis cum concilio vanitatis, & cum iniqua gerentibus non introibo. Ibi inſidiaris, ut rapias pauperem, rapis pauperem, dum attrahis eum. Hic dicis; Odiſti eccleſiam malignantium, & cum impiis non ſedebo. Ibi dextera tua repleta eſt muneribus. Hic laudas inter innocentes manus tuas: ibi laudatur peccator in deſideriis anime ſue, & iniquus benedicitur. Hic audis; Benediſtus Deus in donis ſuis, & ſanctus in omnibus operibus ſuis. Si vis eſſe Monachus curialis, laudas quod non debes, defendis quod non expedit: operaris quod non licet, loqueris quod non decet. Hæc Hugo.

Ad viduas.

C A P V T XVI.



1. Timor. 5.

VIDUAS intendo viduas conſolari, quas Apoſtolus vult honorari, ſcilicet quæ verè viduæ ſunt, de quibus ſic ad Timotheum, *Viduas*, inquit, *honora, quæ verè viduæ ſunt.* Illæ autem verè viduæ ſunt, quæ non ſolùm marito, ſed & omnium hominum ſolatio viduatæ ſunt, & dereliſtæ, omnique ſubſidio deſtitutæ, & quæ Deo, non deliciis intentæ, ac dicatæ ſunt. Vnde vidua

vidua Græcè dicitur χήρα, à χρεῶν, quod est destituo, desolor, orbo: & mulier vidua, idem est quod destituta, priuata, orbata, præcipuè humano auxilio. Si quæ autem sit huiusmodi, cui debeat vacare, innuit idem Apostolus, cum ait; *Quæ verè vidua est & desolata speret in Deum.* Talem Iob se fuisse consolatum affirmat; *Cor vidua consolatus sum.* Quia hoc mulierum genus maximè est obnoxium calamitatibus, plurimùmque indiget auxilio & consolatione. Ibidem.
Iob. 29.

Verùm, quò persona quæque afflictior est & miserior, eò diuinæ bonitati est commendatior. Itaque cum viderint viduæ se variis affici miseriis, sperent in Deum, qui aded illarum curam gerit, vt pro grauissimo scelere habeat viduarum causam negligere, aut eis iniuriam inferre. Vnde sic olim in illarum fauorem & præcipiebat, & comminabatur. *Vidua, & pupillo non nocebitis; si laeseritis eos, vociferabuntur ad me, & ego audiam clamorem eorum, & indignabitur furor meus, percutiamque vos gladio.* Omnium Deus audit clamorem, sed præcipuè viduarum: omnium etiam videt lacrymas, sed diligentius viduarum considerat, & quantæ sint virtutis illarum lacrymæ, ostendit his verbis. *Nonne lacryma vidua ad maxillam descendunt, & exclamatio eius super deducentes eas? à maxilla enim ascendent vsque ad cælum.* Omnis aqua tendit deorsum & ad ima; sed aqua lacrymarum viduæ ascendit à maxilla vsque ad cælum, vt contra lædentes pœnam extorqueant. Tot igitur emittuntur voces, quot ab eis funduntur Exod. 22.
Eccl. 35.

Hom. 5. de
pœnitentia.

tur lacrymæ. Itaque, ait Chrysostomus, *ô inique, si viduam læseris, viduarum quoque prouisorum ad iracundiam prouocabis. Quis ad impietatem tam adeò ferox, tam præcepi fuerit, qui sic à Deo defensas viduas ladas?*

Ierem. 5.

Cap. 22.

Matth. 23.

De quibusdam Iudicibus conqueritur B Deus, quòd causam viduæ non iudicauerint, eosque se puniturum promittit. *Causam vidua non iudicauerunt, nunquid super his non visitabo?* Per eundem Prophetam hæc omnibus mandat; *Viduam nolite contristare.* Quasi dicat: sufficiat viduæ tristitia sua; nam quatenus viduata, desolata est, nolo ut aliunde desoleatur. Propterea Christus Dominus Scribis & Pharisæis malè imprecatur; *Va vobis Scriba & Pharisei, hypocrita, qui domos viduarum comeditis.*

Psal. 67.

Hom. 5. de
pœnitent.

Sciendum est, quòd licèt Deus sit omnium Rex & Dominus, omnium Pater & Iudex; specialiter tamen dicitur *Rex regum, & Dominus dominantium*, & apud Psalmistam *Pater orphanorum, & Iudex viduarum*. Hoc obseruat Diuus Chrysostomus, atque huius rationem assignat: *Deus magnus*, inquit, *Rex est regum, & Dominus dominantium.* Idem ipse sui dignitate excellens *Pater inuenitur orphanorum, & Iudex viduarum.* Duo facit, & clementiam ostendit, & potentiam punit: sese Patrem fatetur orphanorum, quò calamitosos soletur, potentesque terreat, ne orphanis, & viduis molesti sint. Non glorientur, nec se extollant Reges & Principes, cùm Deum habeant, qui dominetur eis: non tristentur, nec animum deiciant orphani, & viduæ, cùm eundem Deum habeant Patrem,

pro

protectorem & Iudicem.

Hanc ipsam rationem affert idem Doctor volens aliquam consolari viduam, ad quam sic scribit. *Quòd tot repente concurrentibus malis, non te agritudo absorbuerit, non de naturalis mentis status sis deturbata, non humani auxilij hoc est, sed Patris misericordiarum, & Dei totius consolationis. Nam quàm diu vivebat vir tuus, ipse, ut homo tamen, tui curam gerebat, quia verò illum ad se vocavit Dominus, ipse illius loco nunc se substituit tibi, neque hoc meum est, sed Propheta: Pupillum & viduam suscipiet: & rursus idem Propheta Deum vocat Patrem orphanorum, & Iudicem viduarum. O vidua, qui tuo te priuauit marito, suo non te priuabit auxilio: antea hominem tantum habebas Iudices sollicitantem: nunc autem Deum habes Iudices iudicantem; imò tuum se constituentem Iudicem.*

Epist. ad
viduam iu-
niorem,

C Quæritur, cum Deus sit Pater, & prouisor etiam viduarum, cur potius illarum Iudex dicitur? Cæteris rationibus prætermisissis, respondéo Deum ideo vocari Iudicem viduarum, ut innuat verè ab eo illos esse iudicandos qui viduis grauamini sunt, illasque lædunt: hominum quidem poterunt euadere iudicium, non Dei, qui causas illarum vindicat, & iudicat, sibi que specialiter reseruat, cum non possint proprias, nec aliorum tueri causas, ob silentium omnibus fæminis, sed præcipuè viduis impositum. Vnde Hebræi viduam vocant *almamanach*, quasi ab *alam*, quod est obmutuit, vel, non valens litigare. Ita enim dedecet à mulieribus etiam viro orbatis, iudicia exerceri, ut proximi signum

Lib. 47.
Syntagm.
cap. 11.

Marc. 12.

Pfal. 31.

Antichristi Sibylla Erythræa prædixerit vnus Imperium viduæ, qua de re Petrus Gregorius. Cùm igitur viduæ non possint se defendere, nec virum habeant, qui eas defendat, Deus ipse illarum se declarat Iudicem ac defensorem: & non tantùm defensorem, sed & ipsarum piarum actionum speculatorem, laudatorem, & remuneratorem. Legimus enim apud Marcum, quosdam amplas misisse pecunias in gazophylacium, quibus omnibus vnâ prætulit viduam, cuius tanti fecit duo quæ misit minuta, vt discipulos conuocauerit ad illam commendandam; *Et conuocans discipulos suos, ait illis: Amen dico vobis, quoniam vidua hæc pauper plus omnibus misit, qui miserunt in gazophylacium.* Tantò maiora apparent dona eorum quos diligimus, quantò eis sumus propinquiore. Multi miserant ampliora dona, nam *diuites*, ait Euangelista, *iactabant multa*: sed parua Deo videbantur, quia Dominus non tam propè illis aderat, sicut huic pauperculæ viduæ. Certum est enim, quia *iuxta est Dominus his qui tribulato sunt corde.* Ecce quomodo vel minima bona opera viduarum Deo gratissima sunt.

Nolite igitur statum vidualem ægrè ferre, cùm Dominum habeatis Iudicem, ac protectorem, qui lacrymas vestras ad cælum ascendere facit, quantò magis animas vestras? quique vos Regibus, Principibus, Iudicibus, singulisque personis commendat, nōne & ipse vos commendatas habebit? & qui omnes vestros audit clamores, vestraq̃ bona opera considerat, laudat & remunerat, & qui
plena

plenariam promittit indulgentiam defendentibus vos. *Defendite viduam; & venite, & arguite me, dicit Dominus. Si fuerint peccata vestra sicut coccinum, velut nix dealbabitur. Si Deus vobiscum, & pro vobis, quis contra vos, nisi fortè vos de Deo diffidentes?* Hlai. 1.

D Quàm etiam sint viduæ Domino Deo curæ, Scriptura multis in locis commemorat. Elias inter innumeras fæminas ad Sarephtanam viduam diuertere diuinitus iussus est, de qua sic Ambrosius. *Cum in omni terra esset fames maxima; vidua tamen Deo cura non defuit: ad alendam eam Propheta directus est, & qua fructus fœcunditatis amiserat, pietatis emolumenta non perdidit. Nam & solatium mœroris, & subsidium paupertatis inuenit.* 3. Reg. 17.
Lib. de viduis.
 Per Elisæum quoque Dominus alteri viduæ, ac duobus filiis eius subuenit. Nohemi vidua sancta cum vtraque nuru sua summam à Deo benedictionem consequuta est. Christus etiam viduæ filium ad vitam reuocauit, & misertus illius consolatus est eam, monuitque ne flectet. Idem Dominus vocat Iudicem iniquitatis, qui viduam iudicio non defendit. 4. Reg. 4.
Ruth. 1.
Luc. 7.
 Diuus Petrus viduarum precibus commotus, Dordadem defunctam virtute Christi resuscitat. Non est abbreviata manus Domini: qui dignatus est huiusmodi viduis per seipsum, aut per suorum ministerium succurrere, potest & vobis per alia, aut similia media, si vobis expedire agnoscat. Quodd si non subueniat, nolite animum despondere. Act. 9.
 Interdum enim Deus videtur denegare subsidium, vt augeat meritum. Beatas vos prædicat Ambrosius si Lib. de viduis.

exiguus fletibus, modicis laboribus, transitoria paupertate præmia acquiratis æterna.

Luc. 2. Fœlix insuper viduitas, quam tanti Dominus fecit, ut natus de Virgine, prædicari postea voluerit à vidua, scilicet ab Anna filia Phannël, quæ, testante Luca, vixerat cum viro suo annis septem, & fuit vidua usque ad annos octuaginta quatuor, & non discedebat de templo, ieiuniis, & obsecrationibus feruens nocte ac die, & loquebatur de Christo Domino omnibus, qui expectabant redemptionem Israël: de illa sic scribit idem Ambrosius. *Anna effæta iam corpore, cni diuersorium in templo fuit, colloquium in prece, vita in ieiunio, stipendius viduitatis, & moribus talis inducitur, ut digna planè fuisse credatur, qua Redemptorem omnium venisse nunciaret.* Si viro ligata fuisset, fortè hæc bona opera non exercuisset, quia non in templo, sed domi mansisset, ut viro placuisset: & nisi talibus vacasset, Dominum non prædicasset; & cui nulla erat ad virum conuersio, tota fuit ad Dominum conuersa. Nouerat enim iam Christo nato recessisse tempus amplexandi, & aduenisse tempus longè fieri ab amplexibus: unde de illa sic loquitur Augustinus. *Secundas nuptias recusauit, quia nouerat iam tempus esse quo Christo, non officio pariendi, sed studio continendi melius seruiretur.*

Lib. de uis. & in Luc. 1

Ecc. 3.

De hono viduitatis.

1. Cor. 7. Non lugeant igitur, quæ viro priuantur, E cui placere cogeantur. *Qua nupta est, inquit Apostolus, cogitat quæ mundi sunt, quomodo placeat viro.* Facilius autem & utilius est Deo placere, quàm viro, cui sæpe displicent piæ
exer

exercitationes, ieiunia, eleemosynæ, frequens Sacramentorum usus, ac similia bona opera, quæ omnino Deo placent, & quibus liberè viduæ vacare valent. Nam secundum eundem Apostolum, *mulier innupta cogitat quæ Domini sunt*. Sit tantum vobis curæ cogitare de Deo, eique placere. Audite Augustinum sic vos adhortantem. *Quicquid intentionis animi etiam his rebus impenderetur, quibus placendum esset viro, colligere quodammodo & redigere debet innupta Christiana in eam intentionem, qua placendum est Domino: & videat cui placeat quæ Domino placet. Placete itaque tota intentione specioso forma præ filiis hominum. Placete illi, qui displicuit mundo, ut placentes ei liberarentur ex mundo.*

De bono
viduitatis
ad Iulianā.

Vultis scire, cur interdum Deus permittat mulierem fieri viduam? Audite, precor, Dium Fulgentium ad Galbam sic scribentem. *In eo quod ex coniugata facta es vidua, donum Dei auctum tibi magis existima, non ablatum. Neque enim te deseruit, qui tibi sequendam viam vitæ melioris ostendit. Gradibus te voluit Dominus ad meliora conscendere, ut primitus coniugata cum uno viro fideliter viueres, quod postmodum sine difficultate absque viro vidua permaneres. Ad hoc igitur animum tuum diuina gratia coniugali castitate nutrit, ut qua didiceras illo uno viuente alterum non querere, disceres ab omni viro vidua contineri. Itaque secundum illum Doctorem in viduitate non aufertur donum Dei, sed augetur: non mulier deseritur, sed ad meliora deducitur; viro mulier priuatur, vs Deus acquiratur, & ei vni seruiatur.*

Epist. 2. ad
Galbam.

Hoc agnouerunt , ac executioni mandarunt nobilissimæ quædam fæminæ , quæ factæ viduæ totas se Deo sacrarunt. Paula Romana defuncto marito , spretis omnibus carnis illecebris , ac sæculi huius oblectamentis , vni tantum Deo vacauit : illius exemplum secuta Blesilla eius filia , idem prorsus præstitit immatura viduitate prænenta. Melania statim mortuo marito , ac nondum sepulto , viduitatem suam Domino consecrauit. Eufrasia vidua Romana , licet alioquin ætate florida , facie venusta , nobilitate clara , diuitiis affluens , & ab Imperatore rogata secundas inire nuptias , id constantissimè recusauit , & in Thebaidem se contulit , vbi Deo inseruiendo perpetuam coluit viduitatem. Elisabettha Regis Vngariæ nata , viro orbata , regalibus deliciis contemptis , in curandis pauperibus infirmis tota incubuit , nullum præter diuinum admittens sponsum , quem in singulis illis egenis contemplabatur.

His inferiorem non arbitror Olympiam Constantinopolitanam viduam , quæ , cum per annum & dimidium duntaxat vir eius post initum matrimonium superuixisset , & ab Imperatore Theodosio virum alium accipere moneretur , sapienter respondit : *Si Dominus voluisset me viro nuptam esse , non tam citò illo me orbasset , quia ergo agnouit , non amplius expedire mihi coniugium , coniugem abstulit.* Vtinam , ô viduæ , hoc responsum vestris infingeretur mentibus. Si Deus vellent vos coniugatas , maritum viuere sineret ; nouit Deus ,
cur

cur vobis subtrahatur, qui prius concedebatur. Ille dederat, ille abstulit, & tunc abstulit, quando ita vobis expedire agnouit. Interdum plus diligitur maritus, quàm Deus, atque in eo plus confiditur, quàm in ipso Deo; sæpe etiam diuinum relinquitur officium, vt viro præstetur obsequium, quod non potest esse sine culpa, à qua vt essetis immunes, factæ estis viduæ: opportunè enim tollitur, quem Deus præuidet futurum vobis impedimento ad illi seruiendum.

Merito Diuus Chrysostomus quandam increpabat viduam, quæ plus æquo lugebat maritum, quem ardentius adamabat, quàm Deum, & in quo plus sperabat, quàm in Deo: asseritque ideo fuisse ei ablatum, vt disceret illum solum diligendum, pro quo sunt omnia negligenda, ac in eo sperandum, ad quem solum est aspirandum. *Quamobrem, inquit, luges maritum? quod sperabas fortè te securiorem in vita futuram. At hoc ipsum quantæ est incredulitatis, te de illo id sperare, & non de Deo? Quomodo non putas Deum irritari? Nam plerumque ob id ipsum eos aufert, ne spem in his colles. Amulator enim est Deus, & vult à nobis omnium potissimè adamari, idque ea ratione, quod nos vehementer amet: propterea & Deus tibi maritum abiecit. Quam negligebas amare dantem, amà auferentem. Cur confidebas in viro morituro, & non confidis in Deo immortalis? Non ideo tibi maritum abstulit, vt te solam desereret, sed vt illum solum diligeres.*

Hom. 6. in
ad Thess.
4.

G Nescio, an debeam laudare Valeriam, Herodot.

li 4

quæ

quæ rogata, cur amisso viro suo Seruio, nulli vellet nubere, respondit; *Quoniam mihi semper viuit maritus.* Quòd iterum noluerit nubere, laudo: quòd sibi viueret maritus, non laudo; quia tantum Deus ei viuere debebat, qui ideo permittit maritum mori, vt ipse solus viduæ viuatur. Nec valde laudanda est Martia Catonis filia, quæ cum semper virum defunctum lugeret, interrogata, quem diem vltimum haberet luctus; respondit: quem & vitæ. Non est ille perpetuo lugendus, cui non prodest luctus, nec celebrandus fletibus, sed iuuandus precibus. Verumtamen sunt illæ quodammodo excusandæ, quia Deum immortalem sponsum non nouerant, qui illis viueret, & cui inferuient. At verò viduis Christianis solus debet viuere Christus, vt mori, & viuere possint in Christo, cui omnia viuunt. Vnde Augustinus sic viduas alloquitur. *Currite ad illum per illum: placete illi ex illo: uiuite cum illo, in illo, de illo.*

De bono
viduitatis.

Istis fuit Dido similis, quam Poëta se vniuiram viduam deprædicantem inducit;

Ille meos primus, qui me sibi iunxit, amores

Virg. 4.
Æncid.

Abstulit, ille habeat secum, seruetque sepulchro.

Hæc respondebat his qui illam ad secundas nuptias inuitabant. Si Deum agnouisset, illi soli viuenti, & non viro mortuo fortè suos iunxisset amores. De illa sic scribit Hieronymus: *Si communi lege natura damnat Gentilis vidua omnes voluptates; quid expectandum est à vidua Christiana, quæ pudicitiam suam non solum ei dat qui defunctus est, sed & ei cum quo regnatura est?* Ferte patienter viduitatem, ac
vidui

Epist. ad
Saluinam.

viduitatis incommoda , propter ipsum cum quo optatis perpetuò regnare. Non sit vobis curæ alium virum quærere , quæ Deum habetis , qui potest vos ab omni malo eripere. Ille vestri curam suscipiet : sic enim de illo scriptum est ; *Pupillum, & viduam suscipiet.* Ille Psalm. 45. vestros percipit gemitus , numerat lacrymas , Jabores considerat , ac pro illis vos remunerabit, si pro illo patienter omnia feratis.

H Sic ille vobis ultimus sponsus, qui primum dederat , & quem à vobis abstulit. Quid cogitatis de secundo , aut tertio , quæ non sine incommodis cum primo vixistis? Cur iterum subdi quæritis , quæ liberæ estis? Cur vultis denuò alligari, quæ solutæ estis? Quis scit, an secundus vir futurus sit melior , quàm primus, aut saltem ita bonus? Hoc pulchro dilemmate utebatur vidua quædam Romana, nomine Anna, à consanguineis suis obsecrata, ut iteratò matrimonium contraheret. Aut, inquebat , futurus mihi maritus bonus , vel malus euadet : si bonus , vexabit me semper timor mortis illius : si verò malus , expedit magis mihi malum hoc non experiri. Aliud quoque dilemma offertur à Diuo Hieronymo in epistola ad Furiam. Si, inquit, *habes liberos , nuptias quid requiris? Si non habes , quare expertam non metuis sterilitatem , & rem incertam certo præfers pudori? Scribuntur tibi nunc sponsales tabulæ , ut post paululum testamentum facere compellaris : simulabitur mariti infirmitas , & quod te morituram facere volet , ipse victurus faciet : aut si euenerit, ut ex secundo marito habeas filios, domestica oritur pugna , intestinum prælium.*

Epist. ad
Furiam.

Non licebit tibi amare liberos, nec aquis aspicere oculis quos genuisti. Clam porriges cibos, inuidebit mortuo, & nisi oderis filios, adhuc eorum amare videberis patrem. Quod de priore uxore sobolem habens domum te introduxerit, etiamsi clementissima fueris, omnes Comædi, & Mimigraphi, & communes Rhetorum loci in nouercam sanissimâ declamabunt: si priuignus languerit, & condoluerit caput, infamaberis ut malefica: si non dederis cibos, crudelis: si dederis, venefica diceris. Oro te, quid habent tantum boni secunda nuptia, ut hac mala valeant compensare? Hæc ille, quibus ostendit quanta secundas, aut tertias nuptias sequantur incommoda. Nolite igitur illos lugere, qui sæpe vos lugere, & egere fecerunt. Quid vobis cum viris, qui non vos, nec vestros, sed vestra quærunt? Deo potius intendite, qui non vestra, sed quærît animas vestras. Con- tendat vnaquæque vestrum ita se gerere, ut tandem dicere possit; Sedco ut regina, & vi- dua non sum.

Apoc. 18.

*Ad coniugatos, ut mutuos defectus
patienter ferant.*

CAPVT XVII.



NOSTRYM hunc Clypeum etiam **A** coniugatis offerre non aude- rem, nisi Apostolum audirem de illis non tam dicentem quàm prædicentem; *Tribulationem car- nis habebunt huiusmodi. Vbi ergo reperitur tribulatio, ibi non erit iniucunda consolatio.*

Spera

1. Cor. 7.

Sperabant fortè nubentes saltem ex ipsa carne delectamentum : sed Apostolus asserit in ea reperiri rormentum. Quid igitur ex aliis ad coniugium spectantibus sperandum est , quæ non nisi anxietates , sollicitudines & labores affertunt? Hoc egregiè adnotat Diuus Hieronymus : *Si, inquit, nubentibus etiam in carne tribulatio est, in qua sola videbantur habere delicias, quid ergo erit reliquum, propter quod nubunt; cum & in spiritu, & in anima, in ipsa carne tribulatio sit?* A cantu nuptiæ incipiunt : in luctum desinunt. Paupertas coniuges affligit , zelytypia vexat , rixæ incendunt , curæ premunt , matrimonij pondus obruit, mors denique separat.

Lib. I.
contra Io-
minianum.

Est coniugium veluti nauigium. Qui nauigant multis se exponunt procellis , ventis & tempestatibus , quæ dum accidunt, patienter ferunt : sciunt enim nullum debere mari se committere , qui non nouit maris pericula, & labores tolerare. Nemo matrimonio iungatur, nisi matrimonij labores libenter patiat. Est vxor socia & comes huius nauigationis, idcirco cum illa pacificè viuendum , vt prosperè cuncta succedant : vnde sic hortatur Diuus Chrysostomus. *Omnia faciamus, vt vxorem vitæ sociam & huius nauigationis, & nauis summa cum tranquillitate domi contineamus. Hoc pacto cetera omnia tranquilla succedent, & securè præsentis vitæ pelagus transmittemus.*

Hom. 16.
in epist. 1.
ad Cor.

Idem Doctor non tantum vocat vxorem sociam, sed & portum huius nauigationis: sic enim scribit : *Portus est mulier, & maximum securitatis remedium.* Caueant nauigantes, ne in portu

Loc. cit.

portu fiant naufragantes. Ita se gerant vxorati, vt cōiux sit illis portus refugij, non causa repudij; illam iniuriis, & verberibus non afficiant, ne in ea deficiant: vnde addit ille Doctor. *Si perturbatione & tumultu impleueris, tibi ipsi longe sternes naufragium.*

Ibidem.

1. Cor. 7.

Meminerint coniugati, quodd sunt ligati; *Alligatus es uxori? noli quarere solutionem*, ait Apostolus. Si premar ligamen, recurre ad solamen: non quæras solutionem, sed consolationem. Hæc verba Apostoli exponens Diuus Chrysostomus ostendit, quomodo inuicem ligentur vxorati. *Quemadmodum*, inquit, *serui fugitiui singuli separati vincti à suis dominis, rursúmque tenui catena inter se constricti vniuersi, quod compedibus catena utrinque affixis, alius alium sequi cogitur, liberam non habens abeundi facultatem: sic coniugum anima cum propriam sui curam sustinent: tum altera premuntur necessitate à communibus coniugij vinculis imposita, qua eò grauius urget omnibus vinculis, & hoc ipso ab utroque libertatem aufert, quod alteri ne semel quidem principatum defert, sed utrique distribuit.*

Plutarch.

Patienter ferte hoc vinculum, quod vobis afferet subsidium, si nullum inter vos sit diffidium. Audite Plutarchum. *Et vincula*, inquit, *ex commissura vires accipiunt: sic ex consensu viri, & mulieris familie status.* Vestro consensu ligati estis, eodem protegameni necesse est. Non sit una pars alteri impedimento, quæ data est ei pro adiumento; nolite ei detrahere cum qua voluistis contrahere. Hoc vinculum facit vos vnum corpus, iuxta illud,
erunt

erunt duo in carne una. Dico itaque cum Diuo Gen. 2.
D. Chryf.
Chrysoſtomo ; *Sicut corpus nunquam à ſeipſo
diſſidet : ita virum & mulierem non conuenit diſ-
ſidere.*

Mirentur & imitentur coniuges boum il-
lam ſingularem manſuetudinem , & concor-
diam in iugo ferendo : nulla inter eos lis,
nullum iurgium, nulla eſt rixa, nullus morſus.
Sicut conſtringi oportet boum iugum , non
laxari, vt terram proſcindere poſſint ; ſic con-
iugum iugum amoris & pacis vinculo oportet obligari, vt res domeſtica, totaque familia rectè poſſit adminiſtrari. Non ſit vir vxori leo ; non enim poteſt bos cum leone iugum ferre : vnde à Sapiente monetur maritus, *Noli* Eccl. 4.
eſſe ſicut leo in domo tua, &c. Non ſit etiam vxor viro importuna & nequam , nam iuxta eundem Sapientem, *Sicut boum iugum, quod mouetur ; ſic mulier nequam.* Eccl. 10. Sed ſimul patienter ferant matrimonij iugum. Dicent aliqui : Durum eſt hoc iugum. Eſto , non diu durabit. Nonne auditis Apoſtolum coniugatis loquentem ? *Tempus breue eſt, &c.* Tandem hoc iugum excutietur, & præmium patienter illud ferentibus promiſſum nunquam finiatur. 1. Cor. 7. Deus igitur qui vos coniunxit , ſimul illud ferre vobis iniunxit.

B Tanta eſt enim reuerentia, quæ debetur huic vinculo matrimoniali , vt propter illud debeat vir patienti animo ferre defectus vxoris , & vxor defectus viri. Ad hoc hortatur. Diuus Baſilius omnes coniugatos , proponens eis exemplum viperæ & murenæ marinæ : ſic enim ſcribit. *Vipera genus eſt ſerpentium* In Exam.

tiū omnium exitiosissimū, murena marina nuptias experit, & sibiq̃ suam significat presentiam, eāque è gurgite vasto inuitat ad nuptiales complexus: illa autem obtemperat, & coit cum venenato. Quid hac mea ratio vult? Quid portendit? Siue asper sit cuiuspiam coniux, siue ferus moribus, perferat illum mulier vxor necesse est, nec villam prorsus ob causam, societatem, vinctūque dissoluere patiatur. Feritne? verberātne, estque percussor? At vir tamen est tuus. Temulentūsne? At tibi est natura coniunctus. Durūsne, morosus, implacidus? At membrum iam tuum est. Audiat & ipse vir accommodatam, seque decentem admonitionem. Vipera virus ob nuptiarum venerationem euomit: tu duritiam animi, tu feritatem, tu crudelitatem ob vniōis reuerentiam non deponis? Ille vinculo coniugali facit iniuriam, qui suam non deponit malitiam. Derelinquat igitur vtraque pars quod vni molestum & durum est, & Deo displicet.

Matt. 10.

Christus Dominus adeò delectatur coniugali concordia, vt licet dixerit; *Veni separare hominem aduersus patrem suum, & filiam aduersus matrem suam, & nurum aduersus socrum*: nihilominus inter virum & vxorem nihil voluerit seminare dissidij. Ideo nunquam dixisse legimus; *Veni separare virum aduersus vxorem suam, siue vxorem aduersus virum*. Hæc adnotatio est Abbatis Ruperti sic scribentis. Notandum est, quòd cum ceteras affinitates dixerit, filium aduersus patrem, & filiam aduersus matrem, & nurum aduersus socrum, non dixerit tamen, virum aduersus vxorem, siue vxorem aduersus virum, &c. Vt nullam daret coniugibus causam discordiæ,

Lib. 5. de
oper. Spiritus
Sancti.

diæ, sed vt inuicem pacificè manerent, mutuò se diligerent, atque mutuos defectus patienter ferrent.

Qualiter vir se debeat habere erga vxorem, optimè insinuat Sapiens his verbis ; *Sit tibi vxor sicut cerua charissima, &c.* Dicunt Naturalistæ ceruum & ceruam carere felle : vnde olim, teste Plutarcho, in connybiis pronubæ Iunoni sacrificantes, fel eximebant & abiciebant : quo significabatur coniuges debere esse sine rixa, & felle impatientiæ. Sit itaque vir vxori sicut ceruus, & vxor viro sicut cerua, deponantque omnem amaritudinem.

Præterea, cerui, teste Plinio, quando transnatant, & transfretant maria, vel flumina, gregatim porrecto ordine incedunt, & ope vicaria sustinendo lassos & debiles, se iuuant terram petunt. Est hic mundus veluti mare, in quo variæ oboriuntur tempestates, ac multi enascuntur tumultus ; vt igitur coniugati securè nare huius mundi transfretare, & ad cælum tandem valeant euolare, necesse est, ope vicaria proprios defectus, propriamque imbecillitatem supportent & patiantur, & sint *cum patientia supportantes inuicem*. Illis præcipuè dici potest : *Alter alterius onera portate*. Alter alterius mores ferat, licèt sibi, suæque conditioni dissimiles, licèt asperos, licèt petulantes, licèt morosos, & iracundos.

Innuir & Apostolus, qualiter vir teneatur vxorem diligere, ac illius defectus tolerare, dum ait ; *Viri diligite vxores vestras, sicut & Christus Ecclesiam, &c.* Nunquam Christus Ecclesiam sponsam suam odio habuit, licèt in

ea sint quamplurimi mali & peruersi filij; imò illos patienter fert, vt resipiscant, & pœnitentiam agant: ita vir nunquam debet vxori esse molestus, licèt in ea sint aliqui defectus, sed illam benignè monere.

Varro in Satyra Menippea scribens de of- C
ficio mariti, sic ait; *vitium vxoris, aut tollendum, aut tolerandum est.* Dico, & ego, vitium vxoris, vel ad Deum precibus, & modestis monitionibus tollatur, vel bonis propositis, & Christiana patientia propter Deum feratur: nunquam autem vir irascatur, & sese excruciet ob vxoris defectus. Socrates rixosam habebat vxorem, quæ semper iurgia excitabat, vt illo studente, mensam euerteret. Aliquando post diuturna iurgia ira commota, quòd ille taceret, aquæ poculum capiti eius illa superfudit. *Non ignorabam,* inquit Socrates, *post tonitrua pluuiam secuturam.* Ad quem Alcibiades domi nobilis: *Quomodo,* inquit, *persers hanc rixosam vxorem, nec domo eiicis?* Cui Socrates: *Qui onis vesci vult, glocitantium gallinarum strepitu offendi non debet. Equidem sic domi patientiam disco, vt foris melius exercere queam.* Propter oua ferimus importunos gallinarum cantus; & tu propter filios, aut potiùs propter Dominicum & Apostolicum præceptum de diligenda & toleranda vxore, ferre non vis, si quid sit in ea imperfectionis?

Hom. 16.
in 1 ad Cor.

De hoc, ni fallor, Philosopho loquebatur Diuus Chrysostomus dum sic scribit. *Fertur quendam externorum Philosophorum, cum haberet malam vxorem, prauam, & temulentam, & interrogaretur qua gratia eius mores toleraret, respondisse;*

disse ; ut gymnasium & palastram philosophiæ domi habeam : ero enim cum aliis mansuetior , cum in ea toleranda quotidie erudiar. Qui igitur rixosam uxorem experitur : aut uxor quæ virum habet morosum , cogitet se habere apud se domesticum patientiæ exercitium , ut discat alia quæuis facilius perferre , & superare.

Iuuat audire eundem Chrysostomum omnes maritos adhortantem. *Si aliquid molesti domi contigerit , si quid uxor peccauerit , consolare , & noli augere mœxorem : licet enim omnia proiciias , nihil molestius continget , quàm non habere beneuolam domi uxorem. Quod si onera inuicem ferenda sunt , multò magis uxoris : si pauper sit , noli exprobrare : si stulta , noli ei insultare : sed esto modestior ; tua enim uxor est : si ebria , si iracunda , dolendum est , non irascendum , & Deo supplicandum , & ipsa admonenda , & adiuvanda consilio , & omni cura nitendum , ut his affectibus liberetur.* Loco cit.

Consideret vir suam dignitatem , & uxoris ferat imbecillitatem. Vir est caput mulieris. Non decet caput alicui membro molestum esse. Sibi caput consulit , dum membrum sibi unitum ferre & fouere discit. Considera , inquit idem Doctor , debile quidem esse mulieris genus : tu autem vir , propterea princeps factus es , & caput eius , ut subdita feras imbecillitatem : illustra igitur tuum principatum ; quod facies , si subdita non insultaueris. Demens habetur , & sibi facit iniuriam , qui uxorem afficit iniuria & contumelia. Vnde idem exclaimando : *Quoniam pacto , ait , non ultima dementiæ est , eam afficere contumelia , propter quam*

parentes Deus dimittendos iubet? Cur non dimittis iracundiam tuam contra vxorem, quæ etiam propter te dimisit patrem suum & matrem suam, vt tibi adhæreret?

Singulari memoria dignus est amor, quem, D
Lib. 4. c. 6. teste Fulgoscio, Dominicus Catalusius, qui Lesbi rerum potiebatur, erga vxorem ostendit; quæ cum in lepram incidisset, vir minime veritus à contagione se infici posse, aut aspectus horrore auerti, (etenim illuies magis, quàm viuum corpus videri poterat) neque tetro odore, quem vlcera mittebant, nunquam aut mensa, aut lecto communi eam prohibuit. Coniugalis enim charitas apud eum contagionis timorem, retrumque conspectum, odorémque in securitatem, ac voluptatem verterat, quòd eam iuxta Dei verbum eandem carnem secum esse arbitraretur. Hoc attuli, vt exemplo istius discant viri patienter ferre defectus vxorum tam animæ, quàm corporis, propter Deum qui illos coniunxit. Et cogitet vnusquisque vir, quòd si mala, aut infirma sit eius vxor, fortè peiorem, aut infirmiozem habuisset, si aliam duxisset.

Plut. Ferant etiam, vel auferant vxores defectus maritorum. Nam auctore Plutarcho, sponsæ, quæ statim offensæ moribus viro- rum eos deferunt, perinde faciunt, ac si quis percussus ab apibus mel relinquat. Sicut igitur mel non est deferendum propter apis aculeum: ita nec vxori deferendus, nec contemnendus vir propter eius demeritum. Cum spirat Boreas, ait idem, conatur vi vestem

item reuellere ; at homo magis astringit pallium : quòd si Sol tepido vento demulserit , sponte tunicam abiicit : sic vxor dum conatur conuiciis maritum à luxu reuocare , magis irritat : si placidè roget & ferat , magis efficit.

Recordentur vxores, quòd secundùm Diuum Ambrosium , *mulier non est digna coniugio , qua est digna iurgio*. Nam iurgium & coniugium non bene conueniunt. Discant ab ipsis columbis quomodo se gerere debeant erga maritos. *Columba* , inquit Plinius , *coniugij fidem , communemque seruans domum , imperiosos mares , subinde etiam ini- quos ferunt*. Quod illæ faciunt sola dictante natura, vos præstare debetis ipso præcipiente auctore naturæ.

Epist. 82. ad Verfell.

Lib. 10. c.

34.

E Multæ fuerunt olim mulieres , quæ vos docent , quo amore & reuerentia maritos vestros afficere , & qua patientia eorum defectus , duramque illorum conuersationem perferre debeatis. Refert Plutarchus vxorem Phocionis adedò maritum dilexisse , vt illum suas opes , mundum suum , & thesaurum vocare non vereretur. Illustris fuit vxor Tigranis Regis Armeniæ , quæ , vt testis est Xenophon , cùm ex Aula Cyri Regis Persarum ad maritum reuertisset , ab eo interrogata , quid de Cyro , & Cyri pulchritudine sentiret , respondit : Abs te , inquit , ô marite ; Deum testor , nusquam oculos deflexi ; itaque qualis sit forma Cyri prorsus ignoro. Laudatur Penelope , quòd tanto amore Vlysem maritum profecuta fuerit , vt eo absente

per viginti annos castitatem seruauerit impollutam, nullisque procorum blandimentis succubuerit: vnde Poëta,

Prop. lib. 2.

Felix Admeti coniux, & lectus Vlyssis.

Dicetis fortè: Huiusmodi mariti ob eorum mansuetos mores, digni erant qui ab vxoribus diligerentur, & honore afficerentur: at nos viros habemus rixosos, stultos, vino deditos, qui nobis ita aduersantur, vt quidquid agimus, illis displiceat. Veniat precor vobis in mentem prudens illa Abigail vxor.

1. Reg. 15.

Nabal, qui, teste Scriptura, *iniquus & stultus erat*; illum tamen ipsa adedò coluit, vt Dauidem in ipsum iratum & sæuientem sua prudentia ei obuiam facta placauerit, quod cum fecisset venit ad maritum, & inuenit eum temulentum; ait enim sacer textus, *erat Nabal ebrius nimis*. Videte igitur qua patientia tolerauit Abigail maritum iniquum, stultum & ebrium. Si quæ similem maritum habeat, patiēter ferat, vt sua patientia fatigetur mariti improbitas, & æterna acquiratur felicitas.

Ad pupillos & orphanos, quibus nulla est à parentibus derelicta hereditas.

CAPVT XVIII.



Psalm. 9.

AVDE & lætare orphanæ, quia **A** Deum habes adiutorem; si mihi non credes, Psalmistæ saltem sic Deum alloquenti credito: *Orphano tu eris adiutor*. Cur doles tantum

tantum habens adiutorem? Parentibus orbaris, sed non Deo, cui eris in filium, si tibi sit in Patrem. Iacta ergo in illo cogitatum tuum, affectum tuum: tunc enim adfunt diuina subsidia, cum defunt humana præsidia. Cares pater-
terno præsidio, sed non diuino auxilio. Dices; Nullum amplius habeo patrem, in terris, concedo, in cælis, nego, ubi Patrē habes immortalem, qui tui specialiter curam gerit, & cui meritò dicere potes; *Pater noster qui es in cælis*. Nescis quid à Christo dictum sit; *Patrem nolite vocare vobis super terram*? Et quid possunt patres temporales sine Patre illo æterno, à quo bona cuncta procedunt? Pater ille mori non potest; deferere non vult, nisi deferatur: illius iussis obtempera; mandata eius observa. Audi Diuum Gregor. Nyss. *Memi-*
nisse debemus, quia quando Patrem Deum dici-
mus, quasi filij Dei agere debemus: ut quomodo nos
nobis placemus de Deo Patre, sic sibi placeat ille
de nobis. Matt. 23.

B Cæterum te præcesserunt parentes tui in vita: te quoque postulante natura præcesserunt in morte. Non est mirum, cum dicat D. Aug. *Mortales parentes genuerunt, filij suc-*
cesserunt, mortales mortalibus, & ad hoc nati sunt,
qui succederent, ut qui genuerunt, decederent.
Non decedit qui me creauit; ego ab illo non re-
cedam. Ne Deus recedat à te, noli ab eo re-
cedere, & cum fiducia dic; *Adiutor meus esto,* Aug. in Psal. 26.
ne derelinquas me, neque despicias me, Deus sa-
lutaris meus. Quoniam pater meus, & mater mea
dereliquerunt me, Dominus autem assumpsit me.
Ac si diceret, secundum Genebrardum, Do-

minus collegit me, in tutelam suam me recepit, & veluti expositum me de platea sustulit, vt me aleret. Quia derelictus es à patre, & matre, assumptus es à Domino. Assumpsit ergo te, non dimisit te. Idem Diuus Augustinus videtur assignare rationem, cur liberi à parentibus interdum relinquuntur, cum Deum sic alloquitur. *Pater meus, & mater mea dereliquerunt me, non habent iam quod mihi prestent, quia & quando mihi prestare videbantur, tu prestabas, & illis imputabam.* Quasi diceret: ne parentibus tribuerem & imputarem quod ab eis recipiebam, Deus me illis priuauit, vt deinceps nulli, nisi Deo meo tribueré, quod reciperem; illi soli ero debitor.

Nulla, dicis, relicta est mihi à parentibus hæreditas, nullaque portio. Noli propterea diffidere: etenim hæreditas tua præclara est tibi. Sit portio tua in terra viuentium, & non in terra morientium. Habes amplam in cælo hæreditatem, quæ tantò tibi securior est, quantò minùs de terrena sollicitus es. At, inquis, nihil penitus mihi derelictum est. Adhuc habes vnde Deum laudes, illique immortales gratias agas, cum tantò magis relinquaris Deo, quantò minùs tibi derelicta sunt. Audi Dauidem: *Tibi derelictus est pauper.* Si nihil habeas, nihil perdere poteris, nihilque restituere teneberis. Si tibi aliqua parentes tui reliquissent, fortassis fuissent malè parta, & sic restitutioni obnoxia. Melius est igitur non habere, quod non possumus licitè possidere. Esto quòd bene parta fuissent: fortè tu malè usus fuisses, & sic ad tartara descen

Aug. in
Psalm. 126.

Psal. 15.
Psal. 14.

Psal. 9.

scendisses. Hoc non latet Patrem tuum qui est in cælis, qui tibi hæc denegauit in terris.

C Subiungis; nec habeo quidem quo victi-
tem, timeo ne fame peream. Crede mihi,
spera in Domino, & fac bonitatem, id est, bonum
operare: nam qui dat escam omni carni, il-
lam tibi non denegabit. Non deserit Deus
animalia parentum ope destituta, suo irra-
tionabili modo illum inuocantia, sed nutrit
ea: & te illum rationabiliter, & vt decet
inuocantem derelinquet? *Quis*, inquit Iob, Iob. 38.
preparat coruo escam suam? Nonne Deus? Ipse
est, qui dat irmentis escam ipsorum, & pullis cor- Psal. 146.
uorum inuocantibus eum. D. Isidorus, multique
alij grauissimi authores asserunt, pullos cor-
uorum à parentibus destitui, quoniam dum
nascuntur, candidi sunt, siue quia deplumes,
siue quia plumas habent albicantes: claman-
tibus autem præ fame, Deus immittit mus-
cas, quæ eos, sese in fauces insinuando, alant.
Sunt qui dicunt, eos pasci aura quadam ros-
cida: alij verò vermiculis per auram in os
eorum immissis. O miram Dei prouidentiam,
sese etiam in voracissimas & carniuoras aues
extendentem! Crede mihi, *spera in eo, &* Psal. 36.
ipse faciet. Quid faciet? Quod tibi à parentibus
faciendum erat. *Faciet*, vt induaris. *Faciet*, vt
nutriaris. *Faciet*, vt ne percas. *Faciet*, vt loco
parentum nutritios, benefactores, Mæcenas-
tes habeas, qui tibi de necessariis prouideant.
Faciet, vt Iudicibus, atque magnatibus com-
menderis. Vide quid apud Oseam dicat; *Eum*, Osee 14.
qui apud te est, misereberis pupilli. & in Ecclesia- Eccli. 14.
stico: *In iudicando esto pupillis misericors.* Item; Eccli. 34.

Ne despicias preces pupilli. Qui te aliis commendat, non habebit te commendatum? Qui vult, ut tibi misericordia impendatur, illam tibi denegabit? Qui iubet preces tuas suscipi, illas non exaudiet?

Utinam, ô pupilli & orphani, dicere possitis cum Diuo Augustino. Cognouimus alium Patrem Deum: cognouimus aliam matrem Hierusalem caelestem, quæ est Ecclesia, cuius portio peregrinatur in terra. Relinquat nos pater noster, & mater nostra: Dominus nos suscipiat consolandos temporalibus, beatificandos æternis.

Aug. in Sol. Pergite, & cum eodem sic Deum rogate. Aperi aures tuas clamoribus lacrymarum pupillorum tuorum, qui clamant ad te: Pater noster, da nobis hodie panem nostrum quotidianum, in cuius fortitudine ambulemus die ac nocte, usquequò perueniamus ad montem sanctum tuum.

Voluit Christus Apostolos vocari pupillos, forsitan, ut inde maiorem haberet occasionem diligendi eos. Illis enim aliquando dixit, Patrem nolite vobis vocare in terris. Ac si diceret; ero ipse vobis Pater, à me expectate hæreditatem.

Ad

Ad amantes, siue ad eos qui cupidineo amore ducuntur, & qui dolent quòd simili amore non redamentur.

CAPVT XIX.

A



CONSOLATIONEM fortè, sicut & curationem respiciunt amantes, nam, teste Poëta,

Prop. lib. 2.

Omnes humanos sanat medicina dolores,

Solus amor morbi non amat artificem.

Verumtamen, quàm ineptissimè agant, dum se excruciant, quòd ab amatis deserantur, aut non redamentur, ostendere conabor.

Dic igitur, amice, cur doles priuari, tuæ amatiæ amore, pro quo conseruando multa tibi erant præstanda, quæ omnino vitæ, fame, honori, & conscientiæ tuæ aduersabantur? Quot enim sumptus tibi erant faciendi? quot tempora infumenda? quot litteræ scribendæ? quantæ animi occupationes adhibendæ? & de his omnibus quid tibi supererat, nisi iactura tum bonorum, tum temporis, lassitudo mentis & corporis, vermis conscientiam corrodens, ratio reddenda, & à diuino amore disiunctio? Nam, teste Gregorio, *tanto quisque à superno amore disiungitur, quanto carnali delectatur.* Greg. in hom.

Optimè itaque illa sibi consuluit, quæ te carnaliter amare desiit: ac tibi etiam bene

K k 5

consu

Ibidem.

confuleres, si ab impuro illo amore recederes, & de illo deperdito non curares. Ambo enim nihil nisi carnem diligebatis; quid autem sit caro non attendebatis. *Quid caro*, ait idem Gregorius, *nisi vermis est? Et quisquis carnalibus desideriis anhelat, quid aliud, quam vermem amat? Caro igitur cum concupiscitur, pensetur quid sit exanimis, & intelligitur quid amatur. Nihil quippe sic ad edomandum desideriorum carnalium appetitum valet, quam ut unusquisque hoc, quod vinum diligit, quale sit mortuum penset. Crede mihi, claudentur tandem oculi, quibus facile capiebaris: palleſcent ora, quæ illicite osculabaris: rugabit facies, quam libenter intuebaris: computrescet corpus, quod tam ardenter adamasti: & priuaberis creatura, ob quam nimium adamatam fortè tuo etiam priuaberis creatore. Hoc erit lucrum, hoc præmium, hæc merces tui immoderati &*

Lib 4. Rhet.

impudici amoris; exclamat igitur Cicero. [Perditissima oratio est, diligere formam; negligere famam.] At mirum est, quòd

Ouid. lib. 4. eleg. 1.

*Sentit amans sua damna, ferens, tamen hæret in illis,
Materiam culpa prosequiturque sua*

*Quæ modò te deseruit, tandem aliquando B
deseruisset, cum nihil sit muliere leuius, iuxta illud,*

Quid leuius fumo? flamen: quid flamine? ventus:

Quid vento? mulier: quid muliere? nihil.

Vis scire, quid diligas; quando mulierem diligis? Certè amarum quid: imò quod amarum est amaro amas. Illud autem valde amarum est, cuius sola amara est memoria, & hoc est mors, de qua sic Sapiens; *O mors*

EccL. 48.

quàm

quàm amara est memoria tua ! Morte verò amarior est mulier. Audi Salomonem; *Inueni mulierem amariorē morte.* Pudeat te, rem tam amarā amare, aut velle ab amara amari: tibi potius dulce sit amaro prinari, ne æterna amaritudine crucieris, ac de te dicatur; *Occu-* Eccl. 7.
pet eum caligo, & inuoluatur amaritudine. Tot enim sunt mala, quæ sequuntur amantes, vt Poëta Ethnicus sic scribere cogatur.

*Littore quot concha, tot sunt in amore dolores,
Qua patimur, multo spicula felle madent.*

Quando mulier turpiter te amare desinit, mors te deserit, & doles? Mortem omnes naturaliter perhorrescunt, & fugiunt, & tu illam diligis, & insequeris, quando vis mulierem te amore prosequi.

Præterea Afflorisæus loquens de muliere, Affloris.
vocat illam, *demonem in domo, bubonem in fenestra, picam in porta, capram in horto, fetorem in lecto.* Diuus Chrysostomus vocat mulierem, *malum summum, & acutissimum diaboli telum.* Ideo enarrans mala quæ per mulierem in mundo acciderunt, sic in illam inuehitur. *Per te, inquit, bella fiunt: per te sapientes se perdunt; per te sancti occisi sunt; per te ciuitates combusta sunt; per te vita perita est; per te mors inuenta est: per te diuites pauperes; per te pulchri turpes; per te casti luxuriosi; per te humiles superbi; per te pœnites in obediētes, & Deo odibiles fiunt. Hæc est mulier antiqua malitia, qua Adam eiecit de paradisi deliciis. Hæc humanum genus mersit in infernum: hæc vitam abstulit mundo: hoc malum homines ducit ad mortem.* Ita ille. Quid tibi igitur cum illa, ex qua tot oriun-

Ouidius li.
2. de re-
med. amor.

In Serm. de
decol San-
cti Ioann.
Bapt.

tur mala? Cur afflictaris, quòd ab ea relin-
quaris, quam tu deferere tenebaris?

Vince tu, non vincat mulier; vincet au-
tem, si prior deferat te, quàm tu illam. Vti-
nam prior Dalilam deferuisset Samson: non
enim illum circumuentum illecebris, raso
etiam capite deformatum, alienigenis tradi-
disset. Hunc meritò ridet Ambrosius. *Samson*

Ambr.

*validus & fortis Leonem suffocauit, sed amorem
suum suffocare non potuit: vincula soluit hostium,
sed suarum non soluit nexus cupiditatum: messes
incendit alienas, sed vnius ipse mulieris accensus
igniculo messem suae virtutis amisit.* fac vt alieno

Lib. 12. var.
hist.

damno cautus efficiaris. Narrat Ælianus de
Dioxippo Olympiis victore, quòd cùm pu-
gilum more Athenas eques introiret magno
populi concursu, & alij rerum aliarum quæ in
eo essent apparatu, pulchritudine caperen-
tur, ipse medio triumpho coniectis oculis in
mulierem quandam formosissimam, ab eius
aspectu non potuit abduci: quin etiam vul-
tum sæpe mutabat, vt faciliè appareret cum
telis cupidineis saucium, iam non sui fuisse
compotem: quamobrem Diogenes Syno-
pensis ad populum. En, inquit, magnum ve-
strum pugilem, vt à puella configitur! quasi
dixisset, turpe esse, qui viros vicisset, à mu-
liercula superari. Fortè mulier illa illum qui-
dem respiciebat, sed illum nò amabat: turpif-
simum erat huic pugili capi ab ea, quæ capi
nolebat, & non amātem adamasse. Quæ te de-
mentia cepit, vt illam velis turpiter amare,
ab eaque amari, quæ non curat, nec curare
debet, vt eam sic diligas? Et si diligeret, nihil
nisi.

nisi querelas audires, continuísque agitareris perturbationibus, importunè se haberet, semperque iuxta amantium morem conquereretur, quòd scilicet vt cupit non amaretur; quòd illi nihil daretur; quòd non visiteretur, quòd de illa non cogitaretur : quòd ei alia præferretur, quod contemneretur; atque ita inquietè viueres.

- D Si quid præcipuè in muliere te allicit, pulchritudo est, quam te perdidisse doles, verum, si attendas, quid sit pulchritudo, reuera te doluisse dolebis. Nam in primis *vana* Prov. 31. *est pulchritudo.* Et iuxta Socratem, pulchritudo est modici temporis tyrannis. Secundum Theophrastum, tacita deceptio. Secundum Theocritum, eburneum detrimentum. Secundum Euripidem, res infelix est. Secundum Balduinum, est velamentum turpitudinis. Secundum Poëtam; est fragile bonum, quod breui spatio temporis consumitur.

Forma boni fragile est, quātūmq; accedit ad annos, Quid.

Fit minor, & spatio carpitur ipsa suo.

Quid igitur curas de re tam vana, & fragili, de tyrannide, de deceptione, & detrimento, vel de re afferente detrimentum? Nam teste Sapiente, *propter speciem mulieris multi perierunt.* Ecclef. 9. Noli diligere, nec diligi ab eo, quod tibi potest esse causa perditionis & æternæ miseriæ.

Propterea illud est duntaxat pulchrum adamandum, quod reuera pulchrum est; quid autem illud sit indicat Plato. [Ipsam pulchrum dicimus, quod semper tale, quale est perseverat.] Non enim illa pulchra sunt, quæ flu

fluxa sunt, & quæ senio, vel infirmitate marcescunt. Deus est præcipuè diligendus, & ut ab eo diligamur, totis viribus laborandum, cum in eo sit omnis, perfectâque pulchritudo. Pœnituit aliquando Augustinum, quod illam nimis serò adamauerit. *Quam serò te amavi pulchritudo tam antiqua !* Ideo rogat ut omnis amor cupidineus recedat à se, sed diuino tantum ducatur & inflammetur amore.

August.

In Solil.

O amor, inquit, qui semper ardes & nunquam extingueris; charitas Deus meus, accende me totum igne tuo, amore tui, desiderio tui, ut totus flamma tue charitatis vaporatus diligam te Dominum meum dulcissimum & pulcherrimum ex toto corde meo : nullus in me adulterinis amoribus pateat locus.

Amor noster ad Deum tendat, tanquam ad suum centrum. Quid diceret, si vel minima tela araneorum magnus aliquis lapis detineretur ne in centrum caderet ? Quanam admiratione rapiuntur cælicolæ, dum animaduertunt amorem tuum detineri ab aliqua muliercula, vel alia creatura, quæ respectu Dei leuior est tenuissima tela, quæ leuissimo flatu disrumpitur ? Diligis creaturam, quæ modò pulchra est, modò deformis ; modò diues est, modò pauper : nunc adolefcit, postea senescet : modò diligit, modò odit. Cur Deum potius non diligis, qui semper idem est, semper pulcher, semper diues, & qui nunquam ab amante se recedit ? Ille est, cuius amor, ut notat Bernardus, *dulciter capit, gloriose laqueat, suauiter premit, delectanter onerat.* Contrà verò obscœnus amor turpiter capit,

Lib. de diligendo Deū.

capit, ignominiosè laqueat, crudeliter premit, laboriosè onerat.

E Si ergo vis redamari, Deum ama: ait enim;

Ego diligentes me diligo. Non fictè, sed verè Prou. 8.

amat: non deserit, nisi deseratur: & si ardentissimis illis amoribus delecteris, iisdem ferè te prosequetur. Audi Chrysostomum.

Nemo amatorum carnalium ita exardescere potest in amorem dilectæ suæ; quemadmodum Deus effunditur in amore animarum nostrarum. Quid Super illud, Sic Deus dilexit mundum.

quæris ampliùs? Cur turbaris, quod ab amata tua non diligaris? Imò sine, ut illa conqueratur, quod à te non diligatur, atque ita turpis ille amor ab utroque deseratur. *Felix*

ille, inquit Hieronymus, *in cuius corde præter* Epist. ad Demet.

amorem Christi, nullus alius versatur amor, nec ad recordationem hominis aliquando suspirat, nec videre desiderat, quod cum viderit, noluit dimittere.

Crede mihi, expelle à te omnem carnalem amorem, ut diuino implearis; ad hoc te hortatur Augustinus.

Exclude malum amorem, ut implearis amore Dei: vas es, sed adhuc plenus es, Tract. 2. in Epist. Ioan.

funde quod habes, ut accipias quod non habes. Nihil enim pestilentius impuro amore dari potest; idcirco à nobis quàm citissimè rescindendus est, & gaudere debemus, si ab aliis

erga nos rescindatur. Rescindenda sunt etiam illa quæ huiusmodi amorem nutriunt, & fo-

uent, vel accendunt. Nam,

Vt penè extinctum cinerem si sulphure tangas,

Vivet, & ex minimo maximus ignis erit:

Sic, nisi vitaris quidquid renocabit amorem,

Flamma redardescet, quæ modò nulla fuit.

Ovid. lib. 1. de remed. amor.

Vt

Vt autem penitus extinguatur, necesse est, vt amasiam fugias, vel ipsa te; in hoc enim certamine fuga valde ad vincendū necessaria est;

—— *Spatio debilitatur amor.*

Claud. in

Epist. ad

Olybr.

Quid. 10.

Met.

Lib. 1 de re-

med amor.

Et alius sic consulit.

Ire libet procul hinc, patriaq; relinquere fines.

Quia secundum eundem Poëtam;

Manat amor tectus, si non ab amante recedas.

¶ procul, & longas carpere perge vias.

Porro, reuoca in mentem tempus illud in quo à repudiante non amabaris, nec fortè agnoscebaris: tunc, inquam, non dolebas illius amore priuari, cur modò doles? Præsuppone eam te nunquam adamasse: & vti-
nam non amasset: quid enim ex huiusmodi amore lucratus es? & quid in posterum lucrareris? Erit igitur tibi non minima consolatio, huiusmodi consideratio, nam secundum Gregorium, *magna consolatio est in aliquius rei amissione illa tempora ad mentem redire, quibus nos contigit rem quam perdidimus, non habuisse.* Quo cares, aliàs caruisti, & non doluisti; si modò careas, non doleas.

Lib. 1. Mor.

c. 11.

Sedatur etiam vesanus amor labore, & exercitatione: nam diffinitio amoris secundum Chrysostomum hæc est; *Anima vacantis passio.* Vnde Poëta,

Super Mat.

Quid. lib. 1.

de remed.

amor.

—— *Finem qui quaris amoris,*

Cedit amor rebus, res age, tutus eris.

In cap. 10.

Eccl.

Appositè Diuus Hieronymus otium appellauit *rubiginem sapientia & ingenij.* Sicut enim tempore pacis arma bellica splendore suo destituuntur, & rubigine obducuntur; sic animus noster absque exercitatione torpescit,

cit, & amorem cupidineum veluti rubiginem contrahit. Et sicut illa arma foedantur rubigine, ita animus vesano amore. Tunc Daud, Salomon, & Samson mulieres carnaliter adamarunt, quando otiosi cœperunt. Nam, ut aduertit Augustinus: *Quandiu Daud exercitauit se in militia, non insultauit ei luxuria, sed postquam in domo otiosus remansit, laborauit adulterio. Samson, dum cum Philisteis pugnauit, non potuit capi ab hostibus, sed postquam dormiuit in sinu femina, & otiosè cum ea remansit, mox capitur. Salomon dum occupatus esset in adificatione templi, non sensit luxuriam; sed mox recedens ab opere persensit insultum luxuriæ.* Crede mihi;

Serm. 16. ad frat. in crem.

Otiâ si tollas, pericrè Cupidinis arcus.

Quid.

Delenda quoque sunt illa quæ nos amasiarum reddunt memores, uti sunt imagines, epistolæ, munuscula, & similia, iuxta optimum Poëtæ consilium.

Si potes & ceras remoue; quid imagine muta

Quid. lib. 1. de reme. amor.

Carperis: hoc perit Laodameia modo.

Scripta caue relegas blanda seruata puella:

Constantes animos scripta relecta mouent.

Omnia pone feros, quamuis inuitus, in ignes,

Et dic, ardoris sit roguis iste mei.

Vtinam nos Christiani ad propulsandū omnem impurum amorem iisdem remediis, quæ ipsi Ethnici præscripserunt, uteremur; nouerant illi, quanta ex eo oriantur incommoda.

G Insuper, illum à te longè amoue bis, si cogites sapissimè leui de causa deperdi, atque interdum in odium commutari. Tantus fuit olim Ammonis amor in Thamar sororem

LI suam,

2. Reg. 13. suam, vt, teste Scriptura, *agrotaret propter amorem eius*. Sed vide huius impudici amoris exitum. *Exosam eam habuit odio magno nimis, ita vt maius esset odium, quo oderat eam, amore quo antè eam dilexerat*. Quia forsan morsus & vermis malæ conscientiæ sæuior ei fuit, quàm præcedens voluptas delectauerat. Certum enim est, quòd in illo amore

Ouid. de
art. aman.

Quod inuolat exiguum est: plus est quod ledit amantes.

In Must.

Proponant animo multa ferenda suo.

Inducit Plautus aliquam amasiam alteri colloquentem, atque suadentem vt suum deferat amasium, illam tandem sine dubio, vel ob ætatem, vel satietatem relicturum. Sic enim loquitur. *Stulta es tu planè, quæ illum tibi æternum putas fore amicum, & beneuolentem. Moneo ego, te deseret ille ætate, & satietate. Nihil ego minus, quàm nunc tu, amata sum, atque uni modò gessi morem, qui reliquit, deseruitque me: tibi idem futurum credo*. Sciant igitur mulieres nullo modo à suis amasiis diligì, sed dumtaxat illarum iuuentam, vel pulchritudinem, qua finita, aut accedente alia vel minima causa, finietur & amor. In primo parente Adamo videre licet, quàm facilè deperditur amor viri in mulierem: nam qui Euam priùs adamauerat, & cuius amore peccauerat, postea timore perterritus, illicò amore illo in odium mutato, accusare cœpit vxorem, & in eam reiicere culpam; *Mulier, inquit, quam dedisti mihi sociam, dedit mihi de ligno, & comedi. Quæ* verba attentè considerans Diuus Bernardus, sic exclamat. *Adam transferendo culpam à se in vxorem,*

Gen. 3.

Serm. 1. in
Fest. omn.
Sanct.

uxorem, pœnam quoque meritam voluit in eam solam traducere. O peruersas ! pœnam pro ea suscipere refugis, & culpam admittere non recusasti. Hoc non fecisset, si verè illam dilexisset. Attendant itaque mulieres omnes viros filios esse Adæ, nec degeneres : atque ideo illorum non fidant amicitia, ne Deum exprobrantem audiant; Contempserunt te amatores tui. Non tantum dereliquerunt, sed contempserunt; vide amorè illorum mutatum fuisse in contemptum. Contemnunt igitur mulieres omnium virorum insanum amorem, ne à Deo, & ab hominibus contemnantur.

H Videant etiam viri amasiarum amorem non solum facile perire & extinguì; sed & in odium sæpissimè verti. Pater in vxore Putipharis, quæ ardentèr adamauerat Ioseph co quod esset *pulchra facie, & decorus aspectu.* Sed quia noluit ille acquiescere operi nefario, & ei ipsum sollicitanti ad stuprum, consentire, accusauit eum mulier impudica apud virum suum, dicens : *Ingressus est ad me seruus Hebraeus, quem adduxisti, vt illuderet mihi.* Quid tibi videtur? Hæc mulier subitò odit; quem priùs deperibat, & ob solam repulsam volebat illum videre mortuum, quem tam ardentèr aspexerat viuum, & dormire cum mortuis, quia secum dormire recusauit. *O impudica mulier ! ait Diuus Prosper, amat & persequitur, concupiscit & scuit, & quia ad stuprum non consentit, trucidandum eum statuit, quatitque perire quem diligit.*

Solent amantes vt plurimum ad impossibilia, vel ardua, & ad illicita inuitare. Nam

Ouid. Epi.
Phæd. ad
Hip.

--- *Quid deceat non videt ullus amans.*

Idem. eleg.
16.

Quòd si postulatum indecens, aut impossibi-
le dicas, non obaudiunt, nec accipiunt, quia

Turpis amor surdis auribus esse solet.

Amb. serm.
de Assupt.

De huiusmodi amore nobis etiã liceat illud
Ambrosianum dicere. *Amor non accipit de
impossibilitate solatium, nec ex difficultate reme-
dium, nec consilio temperatur, nec pudore frenatur,
nec rationi subiicitur.* Felix igitur qui nullo est
cupidineo amore irretitus; tranquillam enim
vitam, atque beatam ducet. Nam, teste Plau-
to, *miser est qui amat.* Non sollicitabit, nec soli-
citabitur; non tentabit, nec tentabitur: non
perdet, nec perdetur. Gaudeant viri, gaudeãt
& mulieres, si illius amoris sint expertes; di-
cat denique omnis amans illud Tibulli.

Lib. 2. eleg.
vltim.

Acer amor fractas utinam tua tela sagittas,

Scilicet extinctas aspiciãque faces.

Tu miserum torques, tu me mihi dira precari

Cogis, & insana mente nefanda loqui.

Ad senio confectos.

C A P V T X X.

Psalm. 118.

Ad Tit. 2.

Epist. ad
Furiam.



NO senes prudentiam doce- A
re; non enim *super senes intellexi,*
sed eis patientiam persuadere,
cùm optet Paulus, ut *senes sani*
sint in patientia, tanquam valde
eis necessaria, ob innumera incommoda quæ
senectam comitantur, quorum nonnulla à
Beato Hieronymo enumerantur. Caput, in-
quit,

quit, incanescit, decidunt tanquam ab arbore capilli, dentes cadunt, balbutit lingua, fluunt salivæ, tremunt genua, & fronte ob senium rugis arata, instar boûm à mento palæaria pendent, caligant oculi, accedunt dolores podagræ & chiragræ, ac magna pars vitæ videtur esse truncata, & multis membris præmortua, premit pituita & tussis molestissima. Tantis denique afficiuntur senes infirmitatibus, ut ipsa senectus morbus sit, & huiusmodi, ut sola morte curari possit. Vnde meritò Aristoteles ait, morbum esse aduentitiam senectutem, senectutem verò morbum naturalem. Audiatur Poëta.

*Sed quàm continuus, & quantis longa senectus
Plena malis. ----*

& ad Ne-
Pot.

Lib 5. de
gen. ani-
mal. c. 4.

Iuven. Sa-
tyr. 10.

Senio confecti non tam viuunt, quàm lentè moriuntur. Alexis Poëta cuidam videnti ipsum iam senio fessum agrè, lentèque incedere, ac roganti quid ageret: Paulatim, inquit, morior; significans senes non viuere, sed lentè mori. Milo Crotoniates athleta iam senex, cùm vidisset alios athletas in curriculo sese exercètes, fertur inspexisse lacertos suos, lacrymânsque dixisse: At hi iam mortui sunt. Diogenes interrogatus, quid esset senectus? respondit; vita brumalis, tempestatibus obnoxia. Dauid annos natus septuaginta, senectute frigescere non poterat calefieri. Huic adde Patriarcham Isaac, cuius præ senectute caligauerant oculi, adeò ut filios sola voce, ac contactu discernere valeret. Quod & Iacob, & Heli contigisse scribitur. Asa quoque Rex Iuda tempore senectutis suæ doluit pedes.

Eraf lib 9
Apoph.

Idem.

Gene. 17.

1. Reg. 3.

3. Reg. 15.

Eurip. in
Bacch.

Exclamet igitur Euripides:

*Hæu, quàm multas habet senectus agritudines!
Ætas enim longa plurimas affert calamitates.*

Sisenna.

Secundùm aliquos, senex dicitur quasi semine-
minex, hoc est, semimortuus, quòd acta ma-
iore ætatis suæ parte iam morti propinquior
sit. Nam nex mortem significat, teste Sisenna,
qui ait: *Quoniam neque mea nex, neque interces-
sio posse videtur illorum dementem reprimere au-
daciæ.* Vnde Latini decrepitos vocitabant
capulares senes, id est, morti propinquos, vt
mox capulo, seu feretro sint efferendi. Ob
incommoda senectuti annexa dicebat Me-
nander:

Menand.

Time senectutem, non enim venit sola.

Difficile senectus est hominibus onus.

De Senect.

In Mor.

Hinc Cicero plerisque senectutem sic odio-
sam scribit, vt onus se Ætæna grauius dicant
sustinere. Et Gregorius Nazianzenus appel-
lat *tristissimos senectutis dolores, onusque Siculis
scopulis grauius.*

Lib. de mi-
seria hu-
mana.

Senectutis incommoda breuiter etiam
perstringit Innocentius Papa, cum ait. In se-
nectute cor affligitur, & caput concutitur:
languescit spiritus, & foetet halitus: facies ru-
gatur, & statura curuatur: caligant oculi, &
vacillant articuli: nares effluunt; & crines de-
fluunt: tremat tactus, & deperit actus: dentes
putrescunt, & aures surdescunt. Vnde Augu-
stinus: *Cum sibi homines optant senectutem, quid
aliud optant, nisi longam infirmitatem?* Idem sen-
tiebat, qui dicebat: *Senectus ipsa morbus est.*
Antiphanes vocare solebat senectutem of-
ficinam omnium malorum. Ideo dicebat:

Lib. de ca-
techizandis
rud.
Teret. com.
vlt.

[O senex

[O senectus, quàm cunctis hominibus es optata, beata : deinde cùm accesseris, molesta & grauis : nec vllus benedicit tibi ; sed contrà quisque maledicit.] Est senectus ferè omnibus hominibus exosa ; vnde de sene Mimnermus, de quo Gyraldus : [Oderunt illum pueri, contemnunt mulieres ; adeò miseram Deus senectam fecit.]

C Videns Dauid senectutem tantis affici incommodis, & ab omnibus despici, & destitui, ad Dominum tanquam ad commune auxilium confugiens orauit, & dixit : *Ne proicias me in tempore senectutis, cùm defecerit virtus mea, ne derelinquas me.* Et paulo inferiùs ; *Et vsque ad senectam & senium, Deus, ne derelinquas me.* Dicunt nonnulli Dauidem voluisse etiam alludere ad barbariem quarundam nationum, non tantùm inciuiliter, sed & crudeliter se gerentium erga senes : veluti Derbicum in Persis, qui, vt scribit Ælianus, viros longiùs ætate progressos more hostiarum immolabant ad aras, & mulieres senescentes præfocabant. Hyperboreorum quoque in Scythia, qui, teste Mela, longæuos post epulas sertis redimitos ex rupe abrupta in mare præcipitabant. Simili crudelitate utebantur Tybareni circa senes, vt tradit Eusebius. Indi & Massagetæ senio confectos cædebant in frustra, & carnibus vescabantur. Sardi fustibus cædebant, & vnà cum illis interemptorem sepeliebant. Incolæ insulæ Co ad Hellepontum, supra sexaginta annos natos aconito vitâ finire cogebant, vt author est Strabo. Est autem aconitum herba venenosa, qua ad

Antiphras.

Psal. 70.

Lib. 2. c. 1.

Lib. 3. c. 6.

Lib. 1. de præp. Euâg. c. 3.

Herod. lib. 2. c. 15.

Ibidem.

accelerandam mortē senes vti cogeabantur, ne aliorum annonam absumerent. Caspi, teste eodem, parentes septuagenarios domi claudebant, aut in inculta desertaque loca exponebant, fame, siti, inopia conficiendos. O nimiam barbariem!

Aliter se gerebant nonnullæ aliæ nationes, quæ maximo honore senes afficiebant. Lacon quidam profectus Lacedæmonem, cum vidisset honorem, quem iuniores præstabant senioribus, dixit: In sola Sparta expedit senescere. De quibusdam aliis gentibus sic scribit Iuuenalis,

Saty. 13.

*Improbis illo fuit admirabilis ævo,
Credebant hoc grande nefas, & morte piandum,
Si iuuenis vetulo non assurrexerat. — — —*

Leuit. 19.

Gaudeant nostri senes, quod apud fideles nati sint, quibus præcipitur eos honore, cura, & præsidio afficere. *Coram cano capite*, ait Dominus, *consurge, & honora personam senis.* Item: *Ne spernas hominem in senectute sua; etenim ex nobis senescunt.* Olim Deus conquerebatur, quod aliqui senibus non impenderent obsequium: *Facies Sacerdotum non erubuerunt, neque senum miserti sunt.*

Thren. 4.

Porro non omnia in senili ætate sunt incommoda, ideo non est ægrè ferenda: habet enim illa ætas sua commoda, suæque oblectamenta. O fili, inquit Euripides, *non omnia mala senectuti adsunt.* Et alius: *Non est senectus, ut existimas, pater, onus maximum.* Non prætereundum, quod, teste Phauorino, Platoni, & Pythagoræ videbatur, senectutem non tam esse iuxta finem vitæ, quàm iuxta principium

Eurip.

Anaxandrid.

pium bene, beatèque viuendi. Dicebat Crates ex Antiphane. [Exprobraſti mihi ſenectutem ceu magnum malum, quam qui non aſſecutus fuerit morte mulctatur, quam omnes deſideramus. At ſi quando venerit, ægrè ferimus: adeò ingrati naturæ ſumus.] Non eſt illud ægrè ferendum, quod, niſi citò moriendo, non euitatur. Igitur, aut citò mori, aut tandem ſenſcere, & poſtea mori neceſſe eſt. Omnes quippe moriuntur, ſed non omnes ſenſcunt.

Senem melioris eſſe conditionis, quàm De ſenect.
iuuenem affirmat Cicero, cùm id quod hic ſperat, ille conſecutus ſit. Hic vult diu viuere, ille diu vixit. Landatur reſponſum cuiuſdam ſenis ad aliquem ſibi compatiens: Noli, inquit, mihi compari, quòd ſim ſenex, ſed compatere, quòd iuuenis fui. Hoc nobis omnibus dicendum videtur, non propter ætatem, ſed ob crimina quæ in iuuenili committuntur ætate. Seneca ſic ad veteranum: [Numera, inquit, annos tuos, & pudebit eadem velle ſenex, quæ voluiſti puer: moriantur ante te vicia.] Epiſt. 27.

Bion dicebat nulli exprobrandam eſſe ſenectutem, ad quam omnes optant peruenire. Abſurdum enim eſt aliis probro dare, quod quis optat ſibi contingere. Senex, inquit Democritus, fuit iuuenis aliquando. At verò an iuuenis futurus ſit ſenex, incertum eſt. Perfectum igitur bonum futuro, præſertim incerto, præſtantius eſt. Interrogatus Solon Philoſophus, qua ſpe fretus tam audacter reſponſiſſet Piſiſtrato Tyranno, ait; ſenectute. Laërt.

Eccl. 25.

Non est igitur dolendum peruenisse ad ætatem non tantum audacia, sed & sapientia, ac consilio plenam. Audi Sapientem: *Quam speciosa veteranis sapientia, & gloriosus intellectus, & consilium!* A sene Senatus, & Senator dicitur, quia nullus eligebatur ad Senatoriam dignitatem, nisi senilem attigisset ætatem.

De Senect.

Rationem assignat Tullius. [Consilium, ratio, sapientia constant in senibus, quæ nisi in illis essent, summum consilium maiores nostri non appellassent Senatum.] Voluit olim Dominus, ut Moses eligeret senes quosdam tanquam sapientia, iudicioque pollentes.

Num. 11.

Congrega, inquit, mihi septuaginta viros de senibus Israël, quos tu nosti, quod senes populi sint & magistri.

Epist. 67.

In hoc vel maximè laudanda, atque optanda senectus, quod in illa emoriantur vitia, quæ in iuuentute vigeant. Multa non potest senex, quæ si posset, fortè operaretur, atque ita senex stultus haberetur. Ob hoc agebat Seneca gratias senectuti, qua non poterat, quod non decebat. [Ago, inquit, gratias senectuti, quod me lectulo affixit. Quidni gratias illi hoc nomine agam? Quicquid debebam nolle, non possum. Cum libellis mihi plurimus sermo est.] Non est iuueni licitum, quod seni est impossibile: beata est ætas, qua evitatur iniquitas. Diuus Ambrosius ideo optandam esse senectutem ait, quod ad reprimendas libidines fortior sit. *Quid, inquit, naturam accusas, ô homo? Habet illa impedimenta quadam, senectutem & infirmitatem: sed senectus ipsa in bonis moribus dulcior, in consiliis subtilior,*
ad

Lib. 1. Hexam.

ad constantiam subeunda mortis potior, & ad reprimendas libidines fortior: infirmitas corporis, sobrietas mentis est. Bæotius quidam, cum iam natus annos plusquam septuaginta thesaurum reperisset, contempsit & præterivit, ut qui non amplius usus sibi futurus esset; quamquam, secundum Augustinum, senescentibus aliis vitiis sola videatur avaritia in senes inuenescere, quod quidem monstro simile affirmat Seneca: [Monstro, *inquiens*, similis est avaritia senilis. Quid enim stultius est, ut dici solet, quam via deficiente augere viaticum?] Rara sunt monstra; sic raro, vel nunquam debent senes concupiscere, cum non cessent deficere. Tantò oportet illos esse à peccatis remotiores, quantò se nouerint morti propinquiore. [O præclarum munus ætatis, siquidem id aufert nobis, quod est in adolescentia vitiosissimum!] ait Cicero.

Lib. de moribus.

De Senect.

Gaudeat igitur senex, si non possit quod non decet: fortis est seniorum debilitas, dum per illam fugatur voluptas.] Quàm dulce est, inquit Seneca, cupiditates fugasse, ac reliquisse!] Non enim opus est corporis viribus ad resistendum voluptatibus; hoc experiebatur, qui sic effabatur: *Cum infirmior, tunc potens sum.* Vocentur itaque à Cicerone senum infirmitates, aptissima senectutis arma. Dicat etiam Phauorinus; [Qui sponte à voluptate recedit, sapiens est: qui verò ipsam prorsus non desiderat, beatus: senectus autem istorum utrique idonea est.] Optimum est, ut senilia membra frigescant, ne illicita concupiscant. Sophocles, teste Tullio, senio confectus,

Epiſt. 111.

1. Cor. 13.

Phauor.

De Senect.

Lib. de Senect.

ctus,

Ibidem.

Ætus, interrogatus, vtereturne rebus Veneris: Dij meliora, inquit; libenter verò isthinc tanquam à domino furioso, & agresti, profugi. Dominum furiosum vocat actum Venerium, quem tam in iuuenili, quàm in senili ætate fugiendum censet. Idem Tullius beatam esse ait senectutem, quod corporis voluptatibus careat; increpat autem eos, qui ob id illam miseram prædicabant. [Senectus, inquit, ob id misera à nonnullis creditur, quod voluptatibus careat, sine quibus vitam nullam putamus. Tui mihi non videntur accusare, quod accusandum est: nam si id senectutis culpa accideret, ea maioribus natu evenirent; quorum multorum senectus est absque querela, qui se à libidinum vinculis laxatos esse non molestè ferunt, nec à suis despiciuntur.] Facessat igitur illorum nebulonum commentum, quo asseritur, sine voluptate illam ætatem despici, quam procul à voluptate videmus honorari.

Iunius de
Senect.

Cæterum, ait quidam, quòd à cupiditatibus senes immunes sint, & nihil ampliùs ab eis turbentur, hoc maximum, & pulcherri-
mum à Deo donum hominibus datum esse reor, per quod divinæ naturæ quodammodo similes fiant. Hac de causa forsitan voluit Christus è manibus virgineis ad seniles se conferre; ut cui immaculata placuit virginitas, pura & sincera non displiceret senectas: legimus enim apud Lucam, quòd Christus post dies quadraginta à sua natiuitate maternis manibus ad templum delatus, fuit ibi cuiusdam Simeonis annosi vñis exceptus; unde

Luc. 2.

unde canit Ecclesia : *Senex puerum portabat, puer autem senem regebat.* Poterat Spiritus sanctus aliis suggerere, ut Christo in templum delato, eò se conferrent, ibique illum exciperent: verum annoso viro hoc voluit reuelare, ut hunc honorem sola senectus reportaret. Eodem autem tempore quo Christus à viro Ibidem. sene excipiebatur, à muliere etiam annosa ibidem prædicabatur; ab Anna scilicet filia Phanuëlis, quæ quàm prouecta fuerit ætatis, cognoscitur, cum dicitur, quod *vidua erat usque ad annos octoginta quatuor.* Voluit itaque Christus in iuuenili ætate portari, & prædicari à senili ætate, ut qui mare, & fœminam condiderat, à mare sene exciperetur, & à fœmina sene prædicaretur, & ab utroque benediceretur; atque ita in utroque senectus commendaretur. Meritò Abbas Guericus ambos ætate æquales, similes deuotione, consortes prædicatione, pari turturum confert. *Eccē,* Serm. 1. de purif. inquit, *habes par turturum, senem iustum, & viduam Annam, utrumque castum, utrumque desiderio Redemptoris gembundum.*

G Sed quid mirum, si à senibus Dominus in terris benedicatur & honoretur, cum à senioribus in cælis colatur & adoretur? Vidit enim Ioannes *viginti quatuor seniores procident* Apoc. 4. *ante sedentem in throno, & adorantes viucentem in sacula saculorum.* Dicant quid sentiant, qui hunc locum sunt interpretati, suamque, si velint, Cabalistæ afferant opinionem, dicentes, Bungus de nunt. teste Bungo, per viginti quatuor seniores posse intelligi Reges viginti quatuor regnorum mundi, qui veri legitimique sunt Reges.

Addu

Adducant alij alias huius loci tum mysticas, tum literales expositiones. Hoc vnum ego quæro, vt scilicet omnes aduertant, istos viginti quatuor assistentes ante thronum Dei, senes fuisse, non iuuenes, aut saltem in senili, & non in iuuenili specie representari, in maiorem venerabilis senectutis commendationem. Habeant Reges terreni iuuenes comptos sibi assistentes, quos vulgò vocant, *Pages d'honneur*. Habet antiquus dierum Rex cælestis antiquos ante sedem suam procidentes, quos seniores vocat Euangelista. Si Pererio credendum est, vnus ex istis viginti quatuor senioribus numeratur Simeon ille senex, de quo priùs. Quod si ita est, vt verisimile est, verè ac præcipuè illum beatum prædicamus, quia illo fruitur in cælo, quem amplexabatur in templo; & adorat in throno sedentem, quem suis vlnis exceperat vagientem: & ab illo admittitur in cælis, à quo dimittebatur in terris. Qui, inquam, in templo cantauerat: *Nunc dimittis seruum tuum, Domine*, &c. cantat modò, & in æternum cantabit in cælo: *Dignus es, Domine Deus noster, accipere gloriam, & honorem, & virtutem*, &c. Nemini igitur displiceat senium, quod potest tantum consequi præmium. Et reuera nulli erit senilis ætas horrore, si consideretur, quantum ei tribuatur honoris.

Præterea, non est contemnendâ senectus; quòd in illa mors contemnatur: non enim mori recusant, qui viuere desinunt. Mors senilis, ait Sophocles, diuersorio similis est: iuuenilis autem tamquam eiectio, & naufragium

In cap. 4.
Apoc. dis-
put. 3.

LUC. 2.

Apoc. 4.

fragium est ; elabatur enim anima violenter
contrito corpore. Mors, teste Platone , quam In Tim.

morbi & vulnera intulerunt , violenta est,
atque molesta : quæ verò senio paulatim ad
finem deducente naturaliter surrepit , inter
omnia mortis genera leuissima est , & cum
voluptate potius , quàm dolore contingit.
Gaudeant igitur senes suauiter morituri , &
quò habeant antè , quod iuuenes retrò. Hoc
autem faciliè cauetur , aut saltem ei meliùs
prouidetur , quod antè videtur. Pelago agi-
tatis iucunda est tellus dum cernitur : sic
longo viuendi tramite fatigatis iucunda
debet esse senectus , per quam terræ , mor-
tisque appropinquatur. Audi dicentem : [Mihi Cicero de
Senect.
tam iucunda senectus est , vt quò propiùs ad
mortem accedam , quasi terram videar vi-
dere , aliquandòque in portum ex longa na-
uigatione esse venturus.] Vnde egregiè Sene- Epist. 16.
ca : [Portus aliquando petendus , nunquam re-
cusandus.]

H Vt autem grata sit senectus , & nobis non
sit oneri , abigenda sunt omnia turpia , & quæ
etiam iuuenibus sunt illicita. Cato senior
dicebat : cum senectuti multa adsint probra ,
non est addendum malitiæ dedecus ; sentiens
senectutem multis nominibus vulgò malè
audire , quòd deformis , edentula , lusciosa , &
imbecillis sit. Hæc ferre satis est , vt non
accedat crimen improbæ vitæ , quod omni-
bus quidem fœdum , sed seni fœdissimum.
Idem ad senem quemdam improbæ vitæ
dixit : Quid est , quod senectuti multa mala

Cato ma-
ior.

adii

Lib. de 12.
accusation.

adiicias? Desinamus eadem velle senes, quæ volumus pueri. vultu spectante terram, ad cælum mens erigatur. veteribus malis finis imponatur. Satiùs est relinquere vitia, quàm relinqui à vitiis. Consideret senex quidquid sua eminente ætate dignum sit, ut hoc agat, quod ætatem, & vitam suam vilem non reddat. Inter abusiones Diuus Cyprianus numerat senem virtute, bonisque operibus destitutum; sic enim scribit. *Abusio magna est, si sine virtute senex inueniatur: plus enim virtuti operam dare senibus competit, quos presentis sæculi florida ætas deseruit. Sicut enim in arboribus reproba comparet arbor, quæ post flores fructus optimos cultori suo non exhibet: sic & ipse reprobus est, quem flos deserit iuuentutis, & tamen in senectute bonorum operum fructus maiores proferre parui pendit. Sic viuatur senex, ut in æternum viuatur, ipsumque vixisse, ac consensuisse non poeniteat, & mori non doleat: quod ut diligenter præstet, attendat quid dicat Nazianzenus;*

Greg. Naz.
in Carm.


Senectus venit, exitum praeo clamat:

Omnis bene conuersetur, propè namque indicium est.

Ad

*Ad podagrosos, siue ad eos, qui morbo
articulari laborant.*

C A P V T XXI.

A  **REOR**, ne podagrosi nimis doloribus pressi hæc audire, vel legere renuant; illis tamen paulisper cessantibus, precor attendant: satis enim eis licet per otium, dummodo ista sint ad votum, quæ si non ad planè auferendos, saltem ad patienter ferendos dolores prodesse poterunt.

Meminerint in primis, hunc morbum illis non tantùm cum multis illustrissimis, sed etiam cum quibusdam sanctissimis viris communem esse, qui omnes æquo & patienti animò illum tolerauère; nec propterea à laudabili quodam studio abstinuère. Nam Nicephorus cognomento Botioniates, Romanus Imperator, podagra vehementer laborabat, tamen studiis bonarum artium vacabat, vt testis est Volaterranus.

Lib. 23.
Anthrop.

Septimus Seuerus Imperator, cum podagra laboraret, & ob id à quibusdam irreuerenter tractaretur, qui filium eius Antoninum Imperatorem dixerant, lætica se in tribunal deferri iussit: citatísque contemptoribus, securi percuti iussit. Lacrymis tamè cum errati veniam procumbentes petiissent: *Nunc demum, inquit, intelligetis non pedes, sed*

Ful. lib. de
milit. disc.
cap. 2.

M m caput

caput imperare. Non enim minus imperabat iacens in lecto, quàm sedens in equo.

Pompeius Hispaniæ citerioris Princeps, correptus dolore podagræ, horreis suis ventilandis cum præsideret, merfit se in triticum super genua; leuatúsque siccatis pedibus, eo remedio postea usus est: quo quidem remedio vri possunt podagrosi,

Pont. lib. 2.
cap. 8.

Idem ibi-
dem.

Plutarch. in
Lacon.

Ennius Poëtarum vetustissimus, podagra vehementer laborans, tamen poëtica studio semper maxima cum iucunditate operam dabat. Matthæus quoque Aquilanus, licet pedibus, & manibus captus, mirum quantum Neapolitanis in studiis profuerit, Philosophiam, Theologiam, naturales res assidue docens.

Agésilæus, cum arderet podagræ doloribus, eumque Carneades inuissit, atque exiret tristis: *Mane, inquit, Carneades; nihil enim illinc huc pervenit:* ostensis pedibus & petore, subindicans, pedes quidem dolere, sed animum dolore vacuum esse, ac proinde rebus magni momenti incumbere posse.

Lib. 8. epist.
35.

Diuus Gregorius maximis fuit podagræ doloribus afflictatus, sic enim ad Eulogium Patriarcham Alexandrinum de se scribebat. *Ecce iam biennium penè expletur, quo lectulo tener, tantisque podagra doloribus affigor, ut vix in diebus festis usque ad horarum trium spatium surgere valeam & Missarum solemnia celebrare. Mox autem cum gravi compellor dolore decumbere, ut cruciatum meum possim interrompente gemitu tolerare. Qui dolor interdum mihi lentus est, interdum nimius. Sed neque ita lentus, ut rece*

ut recedat; neque nimis, ut interficiat. Unde fit, ut qui quotidie in morte sum, quotidie repellar à morte. Nec mirum, quia peccator gravis talis corruptionis carcere diu teneor inclusus, &c. His tamen non obstantibus, sanctus ille vir non minùs pastoralis suo munere perfungebatur, ut patet in hac ipsa epistola.

Refert idem Gregorius Marcellinum Anconitanum Episcopum podagrosu miraculis coruscasse. Nam cùm quadam die ciuitas Anconitana succesa esset: cùmque vehementer arderet, occurrerunt omnes, ut ignem extinguerent; sed illis aquam certatim proicientibus, ita crescebat flamma, ut iam totius urbis interitum minari videretur. Verùm sanctus ille Antistes manibus licet gestatus alienis, urbis incendium ex aduerso corpus suum flammis obijciens, derepentè cessare fecit, potentior virtute, quàm pedibus. Terra denegata erat illi calcanda, ut liberiùs cælum mente conscenderet.

Lib. I. Dial. cap. 6.

C Si tantæ sanctitatis viri his fuerunt doloribus afflictati, quid miramur, si nos peccatis onerati similibus premamur cruciatibus? Non obstante quacumque podagra, sanctitatem conseruarunt, & ad æternam felicitatem peruenerunt; non enim obstat podagra, nec alius morbus sanctitati, ac vitæ probitati, dummodo patienter feratur, Deoque gratiæ agantur.

Philemon Sophista morbo articulari laborans dicere solebat: *Comedendum est, manus non habeo: ambulandum est, pedes non habeo: dolendum est, manus & pedes habeo.* At verò

Philest. in Sophistis.

Christiani simili morbo laborantes, licet non habeant manus ad manducandum, & pedes ad ambulandum; habent tamen manus & pedes ad merendum: quia, si æquo animo dolores manuum & pedum, & alios huiusmodi patiantur, magnum sibi comparabunt meritum, augebuntque sibi gratiam. Viribus enim animi potius, quàm corporis resistitur diabolo, & acquiritur cælum.

Lib. 4. var.
hist.

Miratur Ælianus Democritem pugilem, qui cum podagra, doloribusque pedum diuexaretur, ad certamina venit, & consistens in stadio, descripsit sibi circum, & iubebat aduersariis, ut se expellerent extra lineam. At illi victi sunt ab ægroto, & ipse cum bene, & fortiter in statione sua perstitisset, coronam secum deportauit. Sic & vos, ô podagrosi, in vestra lectica decumbentes potestis domesticos aduersarios debellare, mundum scilicet, carnem, & dæmonem; qui, si patientiæ clypeo armemini, extra lineam rationis, aut extra viam æternæ beatitudinis vos expellere nullo modo poterunt, imò victoriam reportantes coronam deportabitis.

Quodnam autem remedium sit huic morbo D
adhibendum, vix reperitur. Nam

Ouid. 1. &c
Ponto.

Soluere nodosam nescit medicina podagram.

Lib. 6. epist.
89 de reb.
famil.

Quamquam alium morbum dicunt esse huius morbi remedium, nempe paupertatem, quam ferè omnes fugiunt. *Si quid*, ait Petrarca, *aduersus podagram auxilij est, totum à paupertate poscendum est; podagra medicina optima est paupertas, seu illam necessitas, seu voluntas attulerit.* Refert Cælius aliquos hoc morbo

Lib. 6. lect.
antiq.

morbo laborantes, proſcriptione bonorum ad ſimplicem menſam, & pauperes cibos re-
daſtos conualuiſſe.

Scribit idem Auctor interdum ſale podagram curari. Hoc autem an verum ſit, & quomodo adhiberi & applicari debeat, dicant Medici. Ego verò iis, quæ per ſalem intelliguntur, libenter dicerem potiùs curari, cibi videlicet parſimonia, omnique in viuendo & comedendo adhibita moderatio-
ne, & prudentia, cuius præcipuè ſal ſym-
bolum eſt. Sicut enim parum ſalis ab homi-
ne ſumitur; ita ſi parum alimenti à podag-
groſis ſumatur, tandem fortè conualeſcent,
aut ſaltem mitigabuntur dolores. Nam con-
ſonum eſt, vt modicitas expellat, quod ni-
mietas appellat. Ibidem.

Podagram morbum eſſe peregrinum autumat Plinius. [Nam, *inquit*, ſi Italiæ fuiſſet anti-
quitùs, Latinum nomen inueniſſet: non
enim Roma, cùm ſudando, laborando, &
vires exercendo homines viuebant, hoc ma-
lum cognouit.] Dico itaque; ſi more peregrini-
ni viſitaffes, morbus iſte peregrinus fortè
non te vexaſſet: peregrini ſemper ambulant,
multa patiuntur incommoda. Exiſtimant
autem aliqui hunc morbum euenire homi-
ni ſuauem vitam ducenti, ac parum ſe exer-
citant. Lib. 26. cap. 10.

Porro, notat Hippocrates, ſpadones & eu-
nuchos nunquam podagra laborare. Nolo
tamen inde colligere, podagrosos libidini
operam dare, vel dediſſe; cùm, teſte Galeno,
podagram caſtratos non tentare verius fue-
In Aphor.

rit temporibus Hippocratis, quàm nostris, in quibus plerique reperiuntur rei Venereæ dediti, qui podagra minimè laborant: quidam autem podagra detenti, qui aliàs castissimi sunt. Verùm, si tandem credere cogeremur eunuchos non podagrizare, libenter ego consulerem podagros, ac omnibus aliis, vt de illis essent eunuchis, de quibus Christus loquitur, qui scilicet se castrauerunt propter regnum cælorum.

Matth. 19.

Lib. de vir.
beat. c. 17.

Seneca nullum aliud remedium præter- E
quàm delinimentum suæ podagræ adhibuisse scribit. [Delinimenta, inquit, magis quàm remedia podagræ meæ compono.] At delinimenta nostra, tam huic morbo, quàm cæteris componenda, sint patientia, recordatio nostrorum delictorum, ac gratiarum actiones.

Lib. 9. epist.
25.

Quid inter dolores podagræ agendum sit, indicat Diuus Gregorius, qui se aliòsque podagricos sic consolabatur. *Podagra doloribus torqueor, qui & mihi, & vobis non dispariliter nocui sum. Inter quos, quid aliud debemus, nisi semper delicta nostra ad memoriam reuocare, atque omnipotenti Deo gratias agere? Quoniam qui ex carnis blandimento multa peccauimus, ex carnis afflictione purgamur. Sciendum quoque est nobis, quia pœna præsens, si animum afflicti conuertit, finis est culpa præcedentis; si autem ad timorem Domini minimè conuertit, initium est pœna sequentis. Curandum est igitur, ne de tormento ad tormenta transcamus. Quod certè fieret, si inter huiusmodi dolores in voces blasphemiarum prorumperemus, & gratias Deo non ageremus.*

Hanc

Hanc tanti Doctoris Sancti Gregorij sententiam attentè meditabatur insignis Doctor frater Ioannes Ruffus, aliàs Margatus, Lugdunensis, Ordinis Minorum regularis Obseruantie, quem honoris & piæ memoriæ gratiâ hîc recensere minimè quoque erit ingratum. Is etenim, cùm per viginti circiter annos nodosa, si quis vnquam, podagra laborauerit, fortem nihilominus se adeò præbuit, vt à publicis concionibus, Lugduni præsertim, etsi podagrosus vehementer, minimè abstinuerit; ita vt omnibus & singulis auditoribus non tantùm in admiratione foret, sed etiam hæreticis, imò vel ipsi Bezæ hæresiarchæ, aliisque eius asseclis Ministris & sectatoribus, qui tunc temporis morabantur Geneuæ, tamquam clypeus formidabilis oppositus & à Deo positus esse videretur; multi siquidem hæretici eius fama commoti, Geneua Lugdunum petebant, qui, nescio qua vi, nonnisi certè diuina, eius verbis tamquam carbonibus consolatoriis percussî & inflammati, statim ad fidem Catholicam conuertebantur. Vnde quamuis se ipsum ferè mouere non posset, vtpote qui propter prædictum morbum in sella gestatoria ad sacrum pulpitu[m] deferendus erat, sæpe sæpiùs tamen veræ & orthodoxæ fidei hostes mortem ei comminati sunt. Sed aduersus eum, Deo sic illum reseruante, nihil prorsus præualuerunt, quinimò tanti apud omnes tum sui Ordinis fratres Franciscanos, tum sæculares meriti extitit, vt omnium votis & applausu, in Capitulo prouinciali, in

Conuentu sancti Bonauenturæ Lugduni celebrato, podagrosus licet, in ministrum provincialē Prouinciæ sancti Bonauenturæ electus sit; nec id solum, sed cum ex eo officio incumberet ei ad Capitulum generale Romæ celebrandum proficisci, ecce & illuc pergit, atque inter tot, tantosque viros eximios, quibus tum Ordo sacer clarebat, ille etiam pro Cismontana familia Diffinitor generalis est electus. & declaratus. Nec ibi sistit, cum namque ex tam difficili, tamque incommoda peregrinatione, in qua parum abfuit quin naufragium pertulerit, Lugdunum rediisset, in prædicandi præclaro munere Guardianus præfati Conuentus sese cōtinuò exercuit, necnon multis, quæ palam apparent, reparationibus eum auxit, ornauit, amplificauit. Tandem cum fermè nullum in suo corpore membrum, præter linguam, quæ certè tam multos ad meliorem frugem reducerat, sanum superesset, summas Deo gratias agens, obiit fideliter in eodem Conuentu Guardianus, anno à parta salute mundi millesimo sexcentesimo sexto, die mensis Decembris decimatertia.

Lib. 3. Tusc.
cul. quæst.

Laudat Tullius Possidonium, quod constanter tulerit articulorum dolores, quibus cum magis premeretur, dicere solebat: [Nihil agis dolor, quamuis sis molestus, nunquam te esse confitebor malum.] Dic tu dolore pressus: nihil agis dolor; non propterea aliquod committam, vel proferam malum. Non enim de hoc malo est conquerendum, ex quo bonum nobis est colligendum.

Mipht

F Miphiboseth Ionathæ filius, deleta Saülis domo solus superfuit, quia utroque pede claudus non potuit interesse bello, quo ceciderunt fortes Israël. Insuper auitos agros solus possedit, & Regis David mensæ particeps fuit. Tantum ergo illi pedum ægritudo contulit, ut & diutius, & fœlicius viveret: si liberè potuisset incedere, miserè potuisset corruiere. Itaque pedum imbecillitas illi non obfuit, sed profuit.

Qui grauitè deliquerunt, incarcerantur, ac interdum manicis, compedibusque includuntur, ut puniri, & ne iterum peccare valeant: fortè peccastis, ideo iustè & misericorditer Deus vult, ut sit vobis carcer lēctica vestra, in qua iacetis: chitagra vestra, veluti manicæ; & podagra vestra, sicut compedes, quibus detinemini, vel ut puniamini, vel ut mereamini: aut ut ne grauius offendatis, præpediamini. Fœlices igitur huiusmodi carceres, fœlices manicæ & compedes, quibus in hoc mundo putgamur, vel quibus mereri possumus, ac quibus pedes nostri prohibentur, ne ad malum tendant, & manus nostræ, ne ad illicita sese extendant. Sic enim nobis aliquando expedit retrahi: quia ubi soluti sumus, vagamur & lasciuimus.

Non tantum misericorditer, sed & ciuilitè nobiscum agit Deus, dum absque vlla infamiæ nota, ciuili quodam ac temporali carcere, talibusque vinculis nos detinet inclusos, ut commissa peccata defleamus, & in posterum nobis caueamus, ne alterius car-

Ibidem.

ceribus , igneisque vinculis mancipemur. Non omnibus hoc contulit beneficium: propterea hortatur Diuus Gregorius , vt tanti beneficij memores simus. *Considerandum quoque est*, inquit, *quanta erga nos dispensatione pietatis agit Conditor noster*, quòd morte dignos assidue percutit, & tamen adhuc minimè occidit. Nos ergo habemus indicium, quia deuelicti non sumus, qui assidue flagellamur. In ipsis itaque verberibus Dei reuocemus ad memoriam & eius munera, & nostri reatus damna. Pensemus quanta bona super nostram malitiam fecerit, & quanta mala sub eius bonitate commisimus.

2. Par. 16. Caute ne similes sitis Regi Afa, de quo G
sic conqueritur Scriptura; *Aegrotauit Afa dolore pedum vehementissimo, & nec in infirmitate sua quasiuit Dominum, sed magis in Medicorum arte confisus est.* Quasi dicat: cum vix possit iste morbus arte Medicorum curari, non erat in eis confidendum, sed Dominus querendus, non pedibus, aut manibus, si dolore præpediantur; sed corde & animo. Cum igitur vobis, ô podagrosi, liber sit animus, liberumque cor, ad Deum animo tendite, corde illum diligite, ei que gratias agite, imò tanto ardentius, quanto dolores vexabunt vehementius.

Cæterum, Seneca agens de morborum doloribus fortiter perferendis, inde probat, & podagræ dolores contemnendos, quòd amantissima nostri natura ita disposuerit, vt cum exilia & macerrima membra doleant, citò obstupefcant; atque ita tolerabilis, aut breuis

brevis sit dolor. Maximè , *inquit* , dolores Epist. 78 ad Luc. consistunt in macerrimis corporis partibus. Nervi , articuli , & quidquid aliud exile est, acerrimè sævit , cùm in arcto vitia concepit. Sed citò hæ partes obstupescunt , & ipso dolore sensum doloris amittunt. Sic podagra , & chiragra , & omnis vertebrarum dolor, neruorumque interquiescit , cùm illa quæ torquebat , hebetavit : impetus mora extinguitur , & finis dolendi est obtorpuisse.] Verùm vt illa vexatio fiat purgandi ; vel merendi occasio , postulanda est potiùs in illis doloribus patientia , quàm desideranda torpedo. Æquum enim est, vt qui toto corpore peccauimus , in nervis saltem & articulis torqueamur, ac macerrima membra doleant, vt pinguiora purgentur. Optandum est igitur, vt non cessent cruciatus, quibus possunt deleri reatus.

Propterea reuocandi sunt sæpissime in mentem intentissimi dolores , quos in inferno patiuntur damnati ; illos fortè non euitaremus, quia peccare possemus, nisi præsentès dolores sustineremus. Audi Hugonem. *Quosdam* , *inquit* , *præsciens Deus multa peccare* Lib. 2. de anima. *posse, flagellat eos infirmitate corporis , ne peccent ; vt eis utilius sit frangi languoribus ad salutem, quàm remanere incolumes ad damnationem.*

H Cogitáte insuper acerbissimos illos dolores , quos Christus in fixatione clauorum manuum & pedum sustinuit. Nam sicut flagellatione visus est tamquam leprosus : ita huiusmodi transfixione factus est velut podagrosus , & chiragrosus. Hanc autem do-

lorum

3 part. qu.
46. art. 6.

Cypr. de
pass. Dom.

Tract. de
pass. Dom.
confid. 3.

Lib. 6. c. 15.
Augustin.

lorum acerbiter ex eo probat Angelicus Doctor, quod in locis nervosis Christus fuerit transfixus. Hi enim dolores adeo vehementes esse solent, ut multis spasmodum cau-
sauerint, aliis membrorum stuporem, ac mentis alienationem immiserint: unde Diuus Cyprianus sic ad Christum. *Consideravi*, inquit, *opera tua, & expansi clavis sacros pedes terebrantibus, fossisque tuis manibus, &c.* Illam etiam dolorum acerbiter explicans doctissimus Eckius, sic ait: *Manus altera obtuso clauo, ut grauior esset dolor, cruci affixa est: altera verò, quando iam foramen attingere non poterat, funibus sic extensa est, ut vena disrumpere-
rentur.*

Non aliter extensum est Christi corpus, quam solet extendi tympanum; ita ut omnia Christi membra, nerui omnes, venæ quoque, atque arteriæ velut chordæ extenderentur. Quare Lodolphus reuelatum asserit pio cui-
dam viro, Christum Dominum nullam maiorem sustinuisse pœnam, quam huiusmodi transfixionem; quod verum esse etiam constat ex reuelationibus Beatæ Brigittæ. Dicat igitur Diuus Augustinus; *Clavi & lancea clamant.* Quid clamant? maiorem præ cæteris fuisse illum dolorem: clamant clavi, & tacet Christus hæc pro te patiundo. Cur ergo te excrucias? cur vociferaris, te minimo premente dolore? Non indiget Deus tuo clamore, qui optimè nouit tuos dolores: at tu clauorum vociferatione indigebas, qui tam acerbos Christi dolores non attendebas. Si adhuc in-
terroges quid clament isti clavi, respondet

Ber

Bernardus. *Clamat clauus, clamat vulnus, quod* D. Bern.
in Christo sit Deus reconcilians mundum sibi.

Aliam quoque egregiam Diui Iustini re-
sponſionem eidem interrogationi adhibere
placet. *Clamant clauis, inquit, lancea, irriſiones,* D. Iust.
& verbera, ut ipſe toto corde, totisque viſceribus

diligatur, qui pro dilectione noſtra talia, ac tanta
patri dignatus eſt. Clamant denique hæc omnia,

ut tu dolendo taceas, ac pro Christo hos tuos
dolores æquanimiter patiaris, ut illo tandem
ſine fine potiariſ. *Nihil eſt,* ait Gregorius, *adeo* D. Greg.
grave, quod non æquanimiter toleretur, ſi Chriſti

paſſio ad memoriam reuocetur. Non debent tuis
importunis clamoribus, & eiulatibus inter-
rumpi tam ſuaues, tamque iuſtæ illorum in-
ſtrumentorum voces.

*Ad eos qui calculo, ſiue lapillis & are-
nulis in renibus, aut veſica in-
generatiſ laborant.*

C A P V T XXII.

A **P**RECETVR vnusquiſque, dicatque il-
lud Tibulli;

Lib. 3.
Eleg. 4.

O ego non poſſim tales ſentire dolores.
Tanti enim ſunt, ut inter morbos experimen-
to comprobatum ſit, uti docet Plinius, aſper-
rimos cruciatus eſſe calculorum. Narrent qui
ſentiunt, quorū cū ſim de numero, eos con-
ſolando, meipſum conſolabor. Recordemur
in

in primis Deū se habere erga nos, sicut nau-
tæ erga naues, quas tutò ad portum deduce-
re cūpiunt: solent enim eas saburrare, im-
mittendo, scilicet, lapides & arenas, vt eis sta-
biliantur, & huc, atque illuc à vento non cir-
cunferantur, & ad scopulos non allidantur.
Grues, teste Solino, arenas volaturæ deuorant,
sublatísque lapillis ad moderatam gra-
uitatem saburrantur: ita vt de illis dicere pos-
simus,

Solin.

Virg. 4.
Georg.

— & sæpe lapillo,
*Vt cymba instabiles fluctu iactante saburram
Tollunt.* — —

Deus opt. max. vult nos saluare, dum digna-
tur his lapillis, calculis, aut arenulis renes
nostros, aut vesicam onerare & saburrare. Si
enim leuitaremus, vix mortem æternam cui-
raremus: vt ad portum salutis deducamur,
necesse est horum pondus, & cruciatus susti-
neamus. Non ergo grauemur grauari, qui cu-
pimus saluari.

Inuenio apud veteres multiplicem calcu-
lorum vsum. Primus quidem & antiquissimus
fuit ad computandum: huc enim spectat ve-
tus illud peruulgatúmque prouerbium, *Ad
calculos renocare*; dictum in eos qui nimio plus
subtilem exigunt computationem, exactám-
que nimis subducere rationem volunt. Alter
calculorum vsus fuit in iudiciis, ad signifi-
candum absolutionem, vel. condemnatio-
nem: absolutio enim albo lapillo notabatur;
atro autem condemnatio.

Tertius vsus erat in comitiis & in ferendis
suffragiis pro creatione magistratuum: nam
cui

cui fauebant, & suffragabantur, eius nomine signatus calculus candidus dabatur.

Quartus vsus fuit ad denotandos dies lætos & faustos: nam quo die valde lætum quippiam & prosperum eis contingebat, eum candido lapillo veteres notare consueuerant. Cuius consuetudinis originem Plinius à Lib. 7. c. 4. Thracibus repetit, hunc in modum scribens. [Thraciæ gens calculos colore distinctos pro experimento cuiusque diei in urnam condit, ac supremo die separatos dinumerat, atque ita de quoque pronunciat.]

Quintus calculorum vsus, secundum Aretam, fuit in theatris, atque certaminibus, ubi calculus candidus victori tradebatur, tamquam symbolum & victoriæ ab eo partæ, & præmij, quod strenuè certando, & vincendo promeritus fuerat.

B Non est dubium, quin Dominus per istos calculos quibus premimur, voluerit nos animum & cogitationem referre ad suprà dictos calculorum vsus. Primò quidem vult nos *ad calculos reuocare*, dum permittit nos calculo laborare: vult, inquam, vt his nostris lapillis, siue calculis in mentem reuocemus, quàm exacta à nobis omnium actuum nostrorum exigenda sit ratio, vt ita maturè ad eam reddendam nos præparemus.

Vult præterea, vt per illam, quam in hoc morbo ferendo debemus habere patientiam, candidum calculum, hoc est, absolutionis beneficium mereamur, & inter electos, vel cælorum magistratus numeremur: atque ita faustum & lætum quid nobis euenisse agnoscamus.

scamus. Quia coronabimur, dabitur nobis candidus calculus, si lapillorum, aut calculorum dolores patienter tolerauerimus, ac victores contra impatientiam euaserimus. Audi, quid Spiritus dicat Ecclesiis: *Vincenti dabo manna absconditum, & dabo illi calculum candidum, & in calculo nomen scriptum, quod nemo scit, nisi qui accipit.*

Quid autem per calculum candidum, & nomen in eo scriptum intelligatur, indicat Ambrosius his verbis. *Potest per calculum, nomenque in eo scriptum, beatitudo celestis patrie designari; & per calculum significetur celestis patria; per nomen autem in eo scriptum, beatitudo celestis patrie figuretur. Hoc igitur nomen nemo scit, nisi qui accipit: quia quanti sit illa celestis beatitudo nemo scire valet, nisi qui ad celestem patriam peruenire meruit, iuxta illud Isaia: Oculis non vidit Deus absque te, quae praeprastis expectantibus te. Hos igitur prementes calculos nunc patiamur, ut aliquando calculo candido, & nomine in eo scripto potiamur.*

Præterea per calculum candidum victoribus promissum, intelligit Victorinus gemmam pretiosam. Idem sentit Primasius, qui sic scribit. *Calculus est gemma pretiosa, quæ ad morem illius margaritæ, quam negotiator inueniens, venditis omnibus comparauit, intelligenda proponitur. Alia denique translatio pro calculo candido, margaritam posuit.*

Vnde non est prætereundum, quod adnotat D. Hieronymus explanans illa verba Isaie: *Et volauit ad me vnus de Seraphim, & in manu eius calculus, &c.* Vbi pro illa voce (calculus) apud

apud Septuaginta Græcè est ἀνθραξ, Latine carbunculus. Hæc sunt verba D. Hieronymi. Epist. 143. ad Damas.
In Hebræo pro carbone, quem posuerunt Septuaginta, legitur calculus, Interpretibus super hoc consonantibus. Videntur autem Septuaginta transferentes in hoc loco ἀνθραξ, idem sensisse quod ceteri: ἀνθραξ quippe, quem nos carbunculum interpretamur, genus est lapidis fulgidi, atque nitentis, quem etiam in duodecim lapidibus inuenimus.

C Carbunculum igitur dicimus gestare, qui nouit patienter calculum tolerare. Liceat ergo mihi calculosos vocare carbunculos, & gemmis ornatos. Quidni? Dolores enim & persecutiones, pretiosos, ac quasi consecratos efficiunt, quos afficiunt. Probatur: Laicus erat Dauid, sed Saülis persecutione tamquam chrismate inungebatur & Antistes consecrabatur: ideo panes propositionis solis Sacerdotibus reſeruatos comedere non verebatur. Hoc diligenter obseruauit idem Hieronymus. Cap. 1. in Soph.
Dauid non erat de Sacerdotibus, nec licebat ei comedere panes propositionis; sed quia persecutio Saül virtutum illius profectus erat, propterea in fuga sua, dum nescit, subito Antistes efficitur, & accipit panes propositionis, & non violat mandatum Dei.

Sic filij Machabæi dolorum ac tormentorum tolerantia veluti Antistites & consecrati euaserunt, quorum mater dum illorum cruciatus cerneret, sic eos apud D. Gregorium Nazian. alloquitur. *Euge filij mei, euge legis, canaque senectutis mee, atque ciuitatis Antistites, Initiabantur, dum immanissimè ex-*

Nn crucia ..

cruciabantur, ac carnificum manibus discerpebantur, & ardenti sartagine torrebantur. Sicut igitur qui patienter tolerat persecutionem, sibi aliqualem acquirit consecrationem: ita, qui libenter patitur calculum, pretiosum obtinebit carbunculum. Non ergo pigeat ferre, quod potest nobis pretiosa conferre.

In locis arena conspersis pugnabant olim gladiatores, vnde adagium; *In sua quisque arena*. In arenam descendere dicebantur, qui in arenam præliaturi descendere cogeantur. Non coronabatur qui in arena fortiter non luctabatur. Vult Dominus nos in arenam, aut arenas in nos descendere, antequam valeamus in cælum ascendere. Vult, inquam, probemur an strenuè in nostris, aut cum nostris arenulis dimicemus, & patienter hos dolores toleremus; atque ita (arena est exigua, qua nobis præmia donantur perpetua) illam perferamus, vt hæc referamus. Quod non bene cohærebat, vocabatur à Seneca, *arena sine calce*. Non sint nostræ arenulæ absque calce patientiæ, vt nobis fiant meritoria. Si enim nobis nocent cum pituita, proderunt cum patientia.

Quid. 3.
Am.

Perfer & obdura, dolor hic tibi proderit: olim

Sape tulit lassus succus amarus opem.

Calculus à calcando dicitur. Calcandus est nostra patientia calculus, quo premimur.

Lib. 5. Mor.
3.

Sancti viri, inquit Diuus Gregorius, *aduersitatem calcantes tolerant*. Apud doctos passim legimus, *Conna calculus*, à Conna quopiam citharædo; & dicebatur de re nullius,

aut

aut parui momenti. Sit nobis iste morbus tamquam Connæ calculus : illum conculcemus & contemnamus patienter ferendo : est enim parui momenti , modicæque durationis, si cum doloribus inferni comparetur.

D Nonnulli dicunt , ideo nos vehementer cruciari his lapillis & calculis , quia angustos habemus meatus : si enim lati essent, facile transirent , & nullb modo nos premerent & afficerent, quod libenter crediderim. Verùm transeuntibus illis per huiusmodi angustos meatus , atque ita nos vehementer prementibus, meminerimus, quòd fortè per angustam portam , ac per arctam viam quæ ducit ad vitam , non intraremus , si hac angustia non afficeremur , & hoc morbo non laboraremus. Nónne audis Christum? *Quàm* ^{Matt. 7.} *angusta porta, & arcta via est, quæ ducit ad vitam, & pauci sunt qui inveniunt eam !* Precare Dominum , vt sicut posuit in te angustas vias, ita ponat te in arctâ viâ, & faciat transire per angustam portam, quam pauci inveniunt. Illam tu inuenisti, si dolores horum calculorum patienter propter Deum tulisti.

Dolores & labores præsentis vitæ sunt illa arcta via, quæ ducit ad beatam vitam; illos nõ respuamus, qui illam vitam desideramus. In via autem & porta quis non permanet , sed transit. Ita transibunt, & finiètur isti dolores, atque ita, si patientes erimus , per citò transièntia perueniemus ad semper permanentia. *Non minima consolatio est*, inquit Euthymius, ^{D. Euthym.} *vocare ipsam portam ac viam , siquidem neutra permanet, sed transit.*

Recordemur præterea, multos pios viros lapidibus extrinsecus aduenientibus fuisse obrutos, quos non cum tædio, sed cum gaudio susceperunt. De Diuo Stephano sic canit Ecclesia; *Ille gaudens suscepit lapides, ut mereretur accipere coronam gloria.* Qui permisit illum lapidari, ut mereretur coronari, permittit & nos his lapillis & calculis cruciari, ut possimus saluari. Sinè nobis isti lapilli dulces, sicut & Stephanus lapides torrentis dulces fuerunt. Dulces, inquam, illi erant, quia à dulci manu Dei emanabant, & dulcem ei requiem comparabant. Si duri sint nostri lapilli, scito quòd *gaudet patientia duris.* Hac duritio purgatur durities cordis nostri. His itaque duris lapillis, *pectoris duros lapides repelle.* Et satius nobis sit his lapillis & calculis affici, quàm molam asinaria in collo suspensa, in profundum demergi: fortè hanc non euitaremus, nisi illis laboraremus; ideo laudem Domino decantemus.

Lucan. l. 9.

Hymn. Sancti Ioan.

Mirabatur Cicero, quòd Demosthenes coniectis in os calculis, summa voce versus multos vno spiritu pronunciarer. Gaudebunt cælicolæ, mirabuntur terrigenæ, si coniectis, aut in renibus nostris, vel vesica, genitis calculis & lapillis, laudes, & gratiarum actiones Domino promamus. Dauid Domino benedicturus dicebat: *Benedicam Dominum*, &c. Quare? quia *increperunt me renes mei*: vel, ut alij legunt, *emendauerunt.* Vnde & Diuus Hieronymus vertit, *erudierunt.* Renes enim, quos Euthymius vocat

Euthym.

cat

eat radicēs concupiscentiæ, lapillis, arenulis, aut calculis grauati videntur nos erudire, monere, & incitare, vt Deum laudemus, & amemus, & vitam in melius emendemus; culpas agnoscamus, pœnitentiam agamus, bonâque operemur.

Ad leproſos.

C A P V T XXIII.

A VAMVIS lepræ morbus opinionione hominum habeatur maximus omnium, & miseratione dignissimus, tum quia incurabilis est, tum quia totum corpus hominis deformat, & exedit vsque ad ossa, ac omnibus hominibus, etiâ parentibus, fratribus, & amicis abominabile reddit, vt eius conspectum & societatem ferre non possint: legimus tamen nonnullas nationes leproſos ad ciuitates admittere. Apud Abissinos leproſi versantur cum populo, vt videatur vulgaris morbus esse. Iosephus ipse sic scribit.

Inter multas gentes leproſi versantur, & in pretio sunt, non relegantur, nec contemptum habentur: in expeditionibus militares dignitates, & in administratione Reipublica ciuiles illis committuntur, ac ne à templis quidem & fanis arcentur. Persis tamen, teste Herodoto, inuisi erât leproſi, cum etiam diceret eum morbum immissum, quod contra Solē homines aliquid deliquisset. Sed superstitiosa ac ridicula erat eorū opinatio. Si

Lib. 3. Antiq. c. 10. & 13. & 1. cōtra Apion.

Lib. 1.

enim etiam apud fideles foras leprosi ciliantur, hoc non fit propter culpam, sed propter lepram, qua sani eorum consortio possent infici.

Mementote eodem vos affici morbo, quo multi graues homines fuerunt percussi. Le-
 Exod. 13. prosam manum habuit aliquando Moyses: fuit & Maria soror eius septem diebus lepra percussa. Naaman princeps militiæ Regis Syriae, *erat vir fortis & dives, sed leprosus.*
 4. Reg. 5. Giezi seruus Helisæi Prophetæ fuit quoque
 Ibidem. subita fœdatus lepra. Rex Azarias, aliàs
 4. Reg. 15. Ozias, *fuit leprosus usque in diem mortis suæ, & habitabat in domo libera seorsum.* Beatam Genouefuam Parisiensem præsidem & patronam multis annis lepra laborasse testatur Volaterranus. Narrat idem, Froilam secundum Regem Asturum in Hispania, filium magni Alphonfi, fuisse lepra correptum. Isti omnes patienter hunc morbum tolerauerunt; videbant enim sibi euenisse vel à Deo immittente, vel permittente: ita & vos eundem libenti animo feratis, vt ex eo aliquem fructum & meritum referatis.

Gaudete quòd eo morbo laboretis, qui ab aliis morbis, nempe peccatis, vos vt plurimum defendit. Audite quid narret Mar-
 Lib. 5. c. 4. rulus de quadam virgine. *Andragosina virgo à patre desponsata Ausberto cuidam, qui domesticus erat Vandegisilli Comitis Palatini, pro tutanda virginitate Deum orauit, atque hinc lepra morbo deformatam exhorruit sponsus, qui sanam antè adamauerat, intactamque reliquit & repudianit. Neque illa quicquam*

quam pensi fecit tam acre malum, dum multo mallet castè viuere, quàm sana. Ne autem morbi huius causa in ambiguo esset, ut primum professus est religionem, sana euasit. Ita palàm factum est, ideo fuisse leprosam, ne esset corrupta.

B Fortè vobis durum est arceri à consortio cæterorum hominum, & solos habitare extra ciuitates, iuxta illud; *Omni tempore quo leprosus est & immundus, solus habitabit extra castra.* Leuit. 13. Verùm si attendatis quàm iucundum & vtile sit seorsum & extra hominum congressum viuere, non ægrè feretis illo morbo laborare, qui cogit vos genus illud viuendi ducere; quod multi sine lepra sponte elegerunt. Audite precor, quid Seneca suo Lucilio respondeat, & consulat. [Quid tibi vitandum præcipuè existimem, quæris? Epist. 7. Turbam. Nondum illi tutò te commiseris. Inimica est multorum conuersatio. Quid me existimas dicere? Auarior redeo, ambitiosior, luxuriosior, imò verò crudelior, & inhumanior, quia inter homines fui. Nam conuictor delicatus paulatim enervat & emollit; vicinus diues cupiditatem irritat; malignus comes quantumuis candido & simplici rubiginem suam affricat.] Satiùs vobis sit leprâ corporali corripi, quàm illa lepra vitiorum corrumpi. Alius apud eundem Senecam dicere solebat: [Satis mihi sunt pauci, satis est vnus, satis est nullus.]

Myson cùm in solitudine ridens fuisset deprehensus, rogatusque quid rideret, cùm esset solus: *Atqui ob hoc ipsum, inquit, rideo: subindicans sibi gratissimam esse solitudinem.*

Basil. de
laude Ere-
mi.
Lib. 1. de
imitat.
Christi. c.
20.

Nolite igitur flere, propter quod alij risere. Antisthenes rogatus quid emolumenti cepisset ex Philosophia; *Vt mecum*, inquit, *loqui & vivere possim*. Quia lepra inficimini, exules mundi efficimini. Sed hoc non vos terreat; quia, teste Diuo Basilio, *Exul mundi, habes est paradisi*. Quidam apud Thomam Theodidactum dicere solebat: *Quoties inter homines fui, minor homo redij. Nemo securè apparet, nisi qui libenter latet. Qui se abstrahit à notis & amicis, appropinquabit illi Deus cum Angelis suis. Maximi sanctorum humana consortia ubi poterant vitabant, & Deo in secreto vivere eligebant*. Melius est homines euitare, quàm cum illis habitare, & illos fugere, quàm ad eos refugere.

Gal. 6.

Multi viri tam inter fideles, quàm infideles mundum fugiebant tãquam leprosum, & vos eundem fugite leprosi. Sit vobis mundus leprosus, sicut vos mundo. Gaudete quòd tales sitis mundo, qualis vobis debet esse mundus. Paulum Apostolum imitemini, *cui mundus erat crucifixus, & ipse mundo*. Id est, sicut mundus horret crucem, vel aliquod cadauer crucifixum: ita & Paulum exhorrebat; & vice versa, mundus erat Paulo veluti crux, aut corpus crucifixum. Sicut omnes horrent fugiuntque cadauer pendens in patibulo; sic Paulus fugiebat mundum, & mundus Paulum. Horret vos mundus tãquam leprosus, illum horrete & fugite tamquam leprosum. Dolete, quòd doleatis à mundo deseri, cum ab eo deseramini, quem vos deserere debuissetis.

Confide

Considerate patientiā Iob, non solum quia D. Iacobus nominatim illam spectandam proponit ; sed quia S. Patres , vt D. Chrysostomus , Apollinarius, Beda, & alij disertè testantur, Iob cum aliis plurimis morbis, tum quoque lepra exitiali, quam vocant elephantiasim , laborasse. Ideo tamquam leprosum extra ciuitatem sedisse in sterquilinio , aperte habet editio LXX. Interpretum. Deinde sicut leprosi abominabiles esse solent etiam fratribus suis & amicis : ita Iob , *Fratres meos*, Iob. 19. inquit, *longè fecit à me , & noti mei quasi alieni recesserunt à me , & qui me nouerunt , obliti sunt mei,*

C Denique sicut leprosi implacabili pruritu vexari solent ; sic & Iob, ita vt coactus fuerit *testa saniem radere*. Solent enim in leprosis Iob. 28. digiti intumescere & putrescere, vt vnguibus se scabere nequeant. Hæc attendens Diuus August. vel si quis alius est auctor, in sermone Serm. 32. ad fratres in Eremito , sic leprosos alloquitur. *Fratres mei dilectissimi, scio, quod percussit vos Deus, & leprosi facti estis vsque ad diem mortis vestra. Ideo obsecro vos in Domino, vt non deficiatis in tribulationibus , quæ sunt pro gloria vestra. Ecce sanctus Iob, iustus, sapiens, diues, rectus, & timens Deum , & tamen leprosus efficitur ; non conqueritur, extra castra proicitur, ab hominibus despicitur, & deseritur, ab uxore blasphematur.*

Oculos etiam in Christum conicite, quem tamquam leprosum reputarunt & fugerunt Iudæi, qui de illo sic apud Isaiam dicebant: *Vidimus eum , & non erat ei species, neque decor.* Isai. 6. *Et nos putauimus eum quasi leprosum.* Christus

cōparatur leproso ob octo analogias. Primò, quia sicut leprosus toto corpore lepra maculatus, sui horrorem intuentibus incutit: ita Christus toto corpore flagellis & vulneribus liuidus, horrorem simul & commiserationem aspicientibus commouebat: vt meritò Pilatus eum Iudæis proponens dixerit; *Ecce homo.*

Secundò, leprosus habebat vestes dissuras: ita milites sciderunt vestes, quin & carnem Christi.

Tertiò, leprosus habebat caput nudum: ita Christus nudo fuit capite, sed spinea corona coronato.

Quartò, leprosus habebat os veste contectum: de Christo ait Isaias, *quasi absconditus vultus eius.* Rursum: *Quasi agnus coram tondente se obmutescet, & non aperiet os suum.*

Quintò, leprosus se contaminatum & sordidum clamare debebat: Christus totus cruentus quid clamat, nisi, *O vos omnes, qui transitis Thren. 12. per viam, attendite & videte, si est dolor sicut dolor meus.*

Sextò, leprosi caro erat vilissima & abiectissima: Christus ait; *Ego sum vermis, & non homo, &c.* Similis fuit Christus Iobo, qui sedens in sterquilinio non fuit agnitus ab amicis, quia non erat ei aspectus, eratque despectus & nouissimus virorum.

Septimò, lepra solebant puniri superbi: & Christus nostræ superbix quasi lepræ speciem gessit, eamque curauit sua hac abiectioe. Eius enim liuore curata est plaga superbix nostræ.

Octauò,

Octauò, leprosi vrbe pellebantur, nemo eos áditu, congressu, sermone dignabatur, omnes illos aspernabantur: ita Christus quasi leprosus extra portam eiectus, & crucifixus est. Vbi nostra vulgaris lectio habet: *Amici mei & proximi mei, aduersum me appropinquauerunt, & steterunt*, Diuus Hieronymus legit: *Quasi contra lepram meam steterunt, & qui iuxta me erant, de longè steterunt.*

Hebr. 13.

Psal. 37. 42.

D Vnde meritò hortatur D. August. vt semper præ oculis Christum habeatis, qui pro nobis & ad consolationem vestram talis voluerit haberi, quales vos estis. *Nihil, inquit, tam saluiferum, quàm quotidie cogitare, quanta pro nobis pertulit Deus & homo. Ecce enim Saluator passus est, leprosus in Cruce factus est, patiens factus est, vobis relinquens exemplum, vt sequamini vestigia eius. Quod si feceritis, infirmitatem non molestè portabitis.*

Loc. cit.

Hinc fortè factum est, Christum sæpe dignatum sanctis suis apparere in specie leprosi, vt Martyrio Monacho apud D. Gregorium ita scribentem. *In terra Lycaonia Martyrius vita valde venerabilis Monachus fuit, qui pergens ad monasterium quoddam, leprosum quendam inuenit in via, ad hospitium suum redire volentem quidem; sed non valentem. Eum itaque pallio suo constrictum super humerum leuauit & tulit, vicinúque monasterio, ad quod tendebat, magna voce clamaui: Currite, ianuæ monasterij citò aperite, quia frater Martyrius venit Dominum portans: statim verò vt Martyrius ad monasterij*

Homil. 36.
in Euang.


sterij aditum pervenit, is qui leprosus putabatur de collo exiliens, & in specie vera Christi Dei & hominis apparens ad calum rediit, dicens: Martyri tu me non erubisti super terram, ego te non erubescam super calos. Narrabat autem postea Martyrius, quòd cum eum portasset, pondus minimè sensisset; nec mirum, quia portabat portantem omnia. Non horret vos Dominus, qui similis vobis dignatus est apparere hominibus. Horreat vos mundus, diligat vos Dominus: diliget autem, si pro eiùs amore hanc lepram toleraueritis.

- Lib. 26. c. 13. Cæterum vomitiones plurimùm profunt leprosis, unde Auicenna, referente Cælio, leprosis, ratione vomitus, adiumento esse nauigationem sanxit: sed magis vobis curæ sit curari lepra spiritali; nempe culpa, quæ non per medicinalem vomitionem, sed per sacramentalem confessionem curatur. Ad Sacerdotes veteris legis leproforum spectabat iudicium. Vnde Christus quosdam leprosos ad ipsum venientes misit ad Sacerdotes: *Ite*, inquit, *ostendite vos sacerdotibus*. Legis antiquæ Sacerdotes lepram non auferebant, sed de sanitate leprosi sententiam ferebant; non curabant, sed aliquem esse leprosum, vel non leprosum declarabant. At verò Sacerdotes nouæ legis longè præstantiores, ipsam peccatorum lepram purgant, veluti ministri summæ Dei; absolutionisque sententiam verè ligatos soluendo, profertunt. Hoc adnotans Diuus Chrysostomus sic scribit. *Corporis lepram purgare, seu, ut verius dicam, non purgare quidem, sed purgatos probare,*
- Luc. 17.
- Lib. 3. de sacerdotio.

*probare, Iudaorum Sacerdotibus solis licebat. At
verò nostris Sacerdotibus, non corporis lepram, ve-
rùm animæ sordes non dico purgatas probare, sed
purgare prorsus concessum est. Satagite igitur ne
duplici lepra inficiamini, scilicet corporis &
animæ, quæ est peccatum. Illa enim vos eii-
cit extra cæstra, hæc autem extra astra. Vnde
Euthymius: Solam lepram animæ conuenit ex-
crari, quæ est peccatum.*

Ad cecos.

C A P V T XXIV.

A  APERE Leones atdvi fuisse
quondam operis, scribit Plinius: Lib. 8. c. 16.
ideo necesse erat cuiusdam pallij
iniectu caput illius animalis ope-
rire, atque ita oculorum erepto lumine tor-
pescens facillè vincebatur & capiebatur. Fortè
tanquam Leo ferocissimus Deo vocanti re-
stitisses, nisi aliquò, vel alicuius iniectu lu-
men oculorum tuorum eripuisset, ac cæcus
fuißes.

Sic captus est Paulus, cuius conuersio à Act. 9.
cæcitate inchoauit: nam per triduum in ci-
uitate Damascenorum nihil penitus videbat,
vt sacra testatur historia. Verùm tunc cœpit
videre Deum, quando non potuit videre ho-
mines: tunc cælum cernebat, quando terram
non discernebat. Dum cæcus factus est, hæc
verba effatus est: *Domine, quid me vis facere?*
Si cæcitatem non incurrisset, Dei volunta-
tem

tem non agnouisset. Deo se ipsum offerebat, qui alios de medio aufererebat. Ille vult Ecclesiam Dei tueri, qui neminem tunc poterat intueri. O beata cæcitas, quæ cæcum videre fecit, & lupum in agnum conuertit! de illo sic Augustinus. *Paulus prostratus est: & ut cæcetur, cæcatus est: ut mutaretur, mutatus est: ut mitteretur, missus est, ut qualia fecerat in errore, talia pro veritate pateretur.*

■ habetur
23. q. 4.

Eccles. 31.

Genes. 34.

I. lib. 3. de
prouident.

Thren. 3.
Lib. 3. Pzd.
cap. 11.

Lucian.

Ouid. epist.
12. Her.

2. Petr. 4.

Valde perpendendum est, quid de oculo ob illicitas visiones dicat Scriptura. *Nequius oculo quid creatum est?* Nequissimi fuerunt Dinæ oculi, nequissimi Dauidi, ac illis viris, qui videntes filias hominum, quod essent pulchræ, illas adamarunt, illisque abusi sunt, atque ob id aquis diluuij submersi sunt. Fortè tibi etiam nequissimi fuissent: hoc cognouit, qui te illis priuauit. Patienter igitur ferendum est; si tibi claudantur fenestræ, per quas ingreditur, quod te aggreditur. Iuxta Saluianum, *oculi sunt fenestrastrarum mentium, & naturales cuniculi.* Sunt etiam veluti latrunculi deprædantes animam; hac de re conqueritur Ieremias: *Oculus meus depradatus est animam meam.* Clemens Alexandrinus vocat oculos, *primam originem, instrumentumque precipuum amatoria fascinationis.* Et, teste Luciano, oculi sunt *prima amoris via*: ac denique homini illis abutenti sunt multorum malorum causa. Hinc Poëta:

Tunc ego te vidi, tunc cæpi scire quis esses,

Illa fuit mentis prima ruina mea.

Et vidi, & perij, nec notis ignibus arsi.

Diuus Petrus nonnullos scribit fuisse, *oculos* B
haberi

habentes plenos adulterij & incessabilis delicti: id est, habentes oculos, quibus incessanter peccabant, modò hanc, modò alteram mulierem semper respicientes & concupiscentes; est enim humanus oculus insatiabilis, ac sæpe concupiscibilis. Quod non potuit, teste Quintiliano, magnus Orator Hyperides exorare pro Phryne, ipsa potuit apud sapientissimos Arcopagitas obtinere, velo reducto pulchros ostentans oculos.

Quint. lib.
2. c. 15.

Diuus Bernardus describit oculos in genere esse occasionem peccati, indicium culpæ commissæ, & causam committendæ. Nam cor sæpe non optaret, nisi oculus monstraret; nec concupisceret, si oculus non respiceret. Est igitur oculorum visio frequens cordi peccandi occasio, & vix à corde expellitur, quod ei semel imprimitur. Vnde Gregorius: *Semel species forma cordi per oculos alligata, vix magni luctaminis manu soluitur.*

De gradibus humilit.

Mor. in Iob.
cap. 31.

Obseruat Clemens Alexandrinus, quòd *ante totum corpus corrumpuntur oculi*. Cor quidem est primum viuens, & vltimum moriens: contrà verò, oculi vltimò viuunt, & primò moriuntur. Quod à sapientissimo rerum omnium conditore ita stabilitum esse crediderim, vt primò oculus deficiat, ne cor amplius inficiat. Videns Seneca oculos multis esseruendi occasionem, sic aliquem cæcitatem deplorantem, consolabatur. [Oculos, inquit, te perdidisse ploras? habet & nox suas voluptates. Quàm multis cupiditatibus via incisa est? Quàm multis rebus carebis, quas ne videres, vel eruendi erant? Non intelligis partem

Lib. 3. Pæd.
cap. 11.

Senec. in
excerptis.

partem innocentia esse cæcitatem ? Huic oculi adulterium monstrant : huic incestum ; huic domum quam concupiscat : huic urbem , & mala omnia. certè irritamenta sunt vitiorum , ducésque scelerum.] Audi quæso , quòd qui cæcus est , penè innocens est.

Multi à dæmonibus caperentur , nisi essent oculis capti. Nam sicut ostensis frondibus trahuntur pecora : sic Christi oves interdum ostensis rebus caducis , honore , gloria , pulchritudine , diuitiis , atque voluptatibus , ad peccatum trahuntur. *Dæmones* , inquit idem Clemens , *pulchritudines , glorias , voluptates , & eiusmodi visiones inescantes , his , qui facile seduci possunt , portendunt , quemadmodum qui pecora abigunt , eis frondes porrigunt.* Certum est , visiones harum rerum terrenarum animas nostras inescare. Non est igitur ægrè ferenda cæcitas , quæ his' nociuis visionibus priuat. Fortè mæchus esses , si cæcus non esses. Nescis mæchari videntem ad concupiscendum ? Quoties vidisses , & concupiuiesses , si oculis orbarus non fuisses ? Hoc nouit , qui te illis priuauit : longè sunt à te vitiorum irritamenta , scelerumque duces ; non sit tibi cura de eo , quod tibi adulterium , aliàque monstrat mala. Gratias agas Deo , qui immissa tibi cæcitate , à tantis malis , tantisque periculis te eripuit. Satius tibi sit , cæcum ingredi vitam æternam , quàm videntem mitti in gehennam. Securius sunt cæci , quia securiùs tendunt in calum : vnde Pierius cæcitatem esse securitatis hieroglyphicum affirmat. Videndi non optes facultatem , quæ

1. ib. 2. stro-
mat. c. 9.

1. ib. 33.

quæ semper non affert ad salutem securitatem, imò etiam sæpe infert dolorem, & tristitiam dum illa videbimus, quibus perturbamur. [Oculi, inquit Tullius, augent dolorem: quia ea, quæ cæteri audiunt, intueri coguntur, nec auertere à miseriis cogitationem sinunt.]

Obseruat Euthymius admirandam illam custodiam, quam oculus pupillæ præstat: nam tunica super tunicam, & alia quædam integumenta eam muniant, quorum alia tenuia, & translucida sunt, ne ullam pupillæ; quæ suapte natura humida est, ac proinde mollis, inferant asperitatem: alia verò exteriùs crassiora, ut palpebrarum tunica, quæ duobus est semicirculis distincta, ut pulueris, atque aëris incursum, & paruula quæque animalia in oculos inuolare solita, repellat ac submoueat: quin pilis etiam vallatæ sunt, ut sudorem propè fluentem aliò auertant, neq; in oculum influere permittant. Itaque, sicut ab authore naturæ prouisum est, ne quid visui noceret: sic maxima cura adhibenda est, ne nobis, aut animæ nostræ visus noceat. Vnde Isidorus Pelusiota: *Omibus, inquit, viribus oculos custodire, ac veluti freno coercere oportet, atque à curioso & impudico aspectu, ut intimas animi partes perstringente, sese abstinere; maxima enim ex eo in animum improbitas influit.* Gaudeas igitur, Deumque laudes, quòd cæcitate tua ab illa cura & sollicitudine eximaris.

D Scribit Hieronymus, quosdam Philosophos effodisse sibi oculos, ne à contemplatio

Lib. 2. contra Iouin.

platione Philosophiæ auocarentur, ideo sic Abigaum cæcum consolabatur. *Ne doleas, si non habeas, quod formica, & musca, & serpentes habent, id est, carnis oculos; sed illum te oculum habere latere, de quo in Canticis dicitur: vulnerasti me, soror mea sponsa, uno de oculis tuis; quo Deus videtur, de quo à Moyse dicitur; Transiens videbo visionem hanc magnam. Denique quosdam etiam mundi Philosophos legimus, ut totam cogitationem ad mentis puritatem cogerent, sibi oculos eruisse. Nolo tibi eruas oculos, sed si tibi contingat illis orbari, debes illam coactam cæcitatem patienter ferre, quemadmodum illi voluntariam. Eodem planè modo Beatus Antonius Didymum, virum eruditissimum oculis orbatum; ac de illa cæcitare dolentem, consolabatur. Miror, aiebat, prudentem virum: eius rei dolore damno, quam formica, musca, & culices habent; & non latari illius possessione, quam Sancti soli, & Apostoli meruerunt.*

• Satis tibi sit, quòd oculos animi habeas, quibus essentia diuina contemplanda est, quam Angeli sine oculis corporeis semper vident in cælo. Effice, ut per hanc præsentem cæcitatem pertideas ad futuram illam felicitatem. Caue, ne impatientia tua de tenebris interioribus proiiciaris ad tenebras exteriores. *Multò melius est, inquit idem Hieronymus, spiritu videre, quàm carne; & illos oculos possidere, in quos peccati festuca non possit incidere.*

Sicut sagittarius claudit oculum, ut alio oculo dirigente certius metam, & terminum, siue scopum attingat: ita necesse est inter

interdum corporis oculum claudi, vt melius mentis oculus Deum finem vltimum percipiat, certiùsque ad ipsum perueniat.

Nemini vnquam, nisi cæco dictum est à Christo : *Quid tibi vis faciam?* Illi Christus se offeribat, ac videbatur illius voluntati velle obtemperare; nec mirum, cum vt plurimum cæci obedientiores sint cæteris, vt constat ex alio cæco ab eodem Christo illuminato. Nesciebat ille, an vellet illum Dominus curare, tamen illi in omnibus obtemperabat. Hoc aduertit Chrysostomus, qui de illo sic loquitur : *Intuere cæci animum in omnibus obtemperantem. Præbuit vultum, nihil sollicitus, an lutum esset, an sputum, & quid sibi Siloë opus esset : non, cur lutum lineret super oculos, aut cur lauari praeceperit : nihil tale reputauit; illud duntaxat curauit, vt obtemperaret.* Noli igitur dolere de statu, in quo, sicut magis quàm in alio cogeris obedire, ita melius quàm in alio salutem poteris inuenire. Et sicut obtemperas puero te ducenti quò vult, & quà vult; sic tibi obtemperandum est Domino te per hanc cæcitatem in cælum ducenti. Quemadmodum igitur cæco dictum est à Christo : *Quid tibi vis faciam?* Ita etiam Christo dictum est à cæco, aut saltem à non vidente : *Domine, quid me vis facere?* Offert se Christus non videnti, vt offerat se nihil videns videnti omnia.

E Considerent insuper cæci, nobiliores & præstantiores virtutes cæcitate affici, aut saltem cæcas à pietatibus representari. Nam fides nihil nisi ex auditu videt, spes nihil

percipit: charitas quoque corde tantum intuetur: iustitia etiam oculorum lumine capta depingitur, quia melius clausis, quam apertis oculis discernit. Et inter animarum potentias, voluntas nostra, sine qua beati esse non possumus, caeca potentia à Philosophis vocitatur. Illis forte virtutibus non esset quis præditus, nisi oculorum lumine esset orbatus: quia dumtaxat quæ videntur crederet, speraret, ac diligeret; & inuisibilia quæ solummodo intellectu percipiuntur, negligeret. Itaque patienter feratur corporis cæcitas, quæ sæpe ad huiusmodi virtutes capeffendas necessaria est; hoc Deus agnoscit, qui illam immittit.

Aliquos ad euitanda pericula, quæ ob visum potuissent incurrere, ita demisso vultu incedisse legimus, ut nihil nisi terram inspicerent. Oculos habebant, videbant, & videbantur non habere, nec videre. De quodam

Lib. 3. c. 30. Imperatore sic loquitur Cælius. [Procopium Imperatorem adnotatum annalibus est, humum intuendo semper incessisse.] Christus ipse non metuens sibi; sed consulens periculo nostro, præsentibus adulteræ accusatoribus, oculos, corpusque totum demisit humi. Hominem deorsum respicientem hieroglyphicè significabit animal quoddam, cuius meminit Plinius, quod Catoblepas nomine Græco appellatur: habet enim graue caput, ac deiectum semper in terram. Forsitan Dominus idcirco liniuit lutum super oculos illius cæci nati, quo significabatur ei, ut deinceps dumtaxat in terram, ubi reperi-

Ioan. 8.

Lib. 8. c. 21.

tur

tur lutum, oculos coniceret, ne cælum amitteret.

Flante vento, & puluerem proiciente, cogimur oculos claudere, ac veluti cæci ambulare; noceret enim tunc illos aperire. Ita arce di sunt suggerente dæmone, atque vt decipiat, illicita præmonstrante. Quibusdam ergo prodest aliquando oculos claudere: tibi verò semper habere clausos. Si videntes noluit interdum videre: nunquam curent non videntes videre. Fenestram arcæ clausit à foris Dominus, quia fortè à Noë, aut à quouis alio cum sui dispendio aperiretur, nisi ab ipso Domino clauderetur. Sic idem Dominus præuidens te oculos in tuam perniciem aperturum, voluit eos ipsemet claudere, auferendo scilicet à te potentiam visiuam, ne illos valeas aperire, per quos poteras perire.

F Considerandi etiam sunt multi, qui cæcitate percussi, illam æquo animo tulerunt, ac in ea fortiter & piè se gesserunt: vt illorum exemplo patienter adueniens corporis cæcitas perferatur. Samsoni fortitudinem non Iud. 16. minuit cæcitas, multoque plures hostium occidit erutis oculis, quàm antè integris occiderat. Tu quoque quem corporis visus destituit, mentis fortitudinem excita, bono animo esto; iam securior irruentes in te vitiorum cuneos excipies clausis obturatisque fenestris, per quas mors ingredi ad animam solet.

De Tobia seniore stercorebus calidis hirundinum excæcato sic loquitur Scriptura.

Tob. 2.

Et non est contristatus contra Deum, quod plaga cecitatis euenerit ei, sed immobilis in Dei timore permansit, agens gratias Deo omnibus diebus vite sue. Ob quam patientiam anno à cecitate sua quarto, visum recipere Angeli ministerio meruit, & rursum gratias Deo agens, ait: *Benedico te, Domine Deus Israël, quia tu castigasti me, & tu saluasti me.* Existimabat Tobias magnum esse gaudium lumen cæli videre; sed quia cæcus factus patiēter tulit hoc gaudio priuari, atque sic castigatus se humiliavit, & in omnibus gratias Deo egit, ideo maiori gaudio est affectus, dum nimirum non solum visum recepit, quo mundus cernitur, sed & quo mundi Dominus conspicitur.

Sur. tom. 1.

In historia Beati Vedasti Atrebatensis Episcopi, cum corpus eius in alium locum transferretur, legimus Andomarum Episcopum cæcum, cum optaret videre Sancti ossa, illi cò visum recepisse: deinde cum orasset, si minus animę conduceret donum videndi, rediret infirmitas, iteratò oculis captum fuisse. O prudens votum, singularémque cæci patientiam, qui ne tunc quidem cernendi copiam postulasset, nisi tam pij desiderij causa incidisset! Ideoque Sancti corpore viso, ad cecitatem suam reuerti maluit, quàm ad ea, quæ ante cecitatem fortè se commisisse recolbat. Contempsit oculos, ut innocentius viveret; & innocentius victurum obducti denuò oculi fidem fecere.

Sab. lib. 5.
cap. 7.

Petrus Abbas Clarenallensis graui valetudine vexatus oculum amisit, & se gaudere dixit, quòd è duobus inimicis alterius molestia

Ria iam liber esset. Vnde colligitur, magis etiam gaudendum illis, qui utroque orban-
tur. Et cur enim non se consolari habeant,
qui ambobus carent, cum non sit eis opus ad
Deum cum Propheta clamitare: *Auerte ocu- Psal. 118.*
los meos, ne videant vanitatem? Qui quidem Pro-
pheta, si illos vel auertere per se potuisset, vel
omnino non habuisset, neque adulterij, ne-
que homicidij crimine se polluisset.

Maiolus Cluniacensis Monasterij Mona-
chus cæcus erat, & tamen sapientiæ ac san-
ctitatis merito factus est Abbas Maticensis;
nec sua ipsi obstitit cæcitas, quin alios cæcos
curaret: surdos insuper, mutosque & claudos
sanauit, proculdubio sanaturus & seipsum,
nisi multo plus emolumenti percipere se sci-
ret ex eiusmodi imbecillitatis tolerantia. Ita-
que cæcus quidem vixit, sed miraculorum
famâ videntibus illustrior euasit.

Ad Vbaldum Eugubinae urbis Episcopum,
quoniam & ipse miraculis pollebat, cæcum
quendam venisse legimus, opemque implo-
rasse, & ab eodem illi persuasum, ne visum
sibi restitui expeteret, qui eo restituto, animæ
cæcitatem esset passurus; itaque incuratum
dimissum. Consolentur hoc saltem exem-
plo, qui videre desierunt, ignari, si sani essent,
quàm continentes oculos forent habituri.
Noluit Vbaldus cæco mederi, ne corpori
subueniens, animæ faceret detrimentum.

Beata Lutgradis virgo, anthore Thoma
Cantipratense, cæca facta, magis quàm antea
visionibus diuinis clauit, eamque Christus
ipse per visum monuit, ut patienter cæcita-

tem toleraret : liberam siquidem fore à Purgatorio, & multa visuram in cælis, quæ iam non videret in terris.

Rauif.

Alia virgo, nomine Fara, quæ sub Heraclio Imperatore floruit, dum ab Hagerico patre ad nuptias compelleretur, in tantas prorupit lacrymas, vt cæcitatem contraxerit. Volebat orbari oculis, vt orbaretur marito; libenter incurtebat cæcitatem, vt seruaret virginitatem.

Cic. lib. 3.
Tusc.

Quid cæcos infideles memorem ? inter quos Antipater Cyrenæicus mulierculis quibusdam cæcitatem ipsius deploratibus: Quid agitis? inquit, an vobis nulla videtur voluptas nocturna? nocte omnes cæci sumus, nec tamen lamentamur. Habet animus quo se delectet, etiam occlusis sensibus.

Alex. ab
Alex. lib. 4.
cap. 11.

Mesellus cum præ nimia senectute oculis H orbaretur, à Senatu pro munere ei datum est, vt curru in Senatum veheretur. Tu verò fac, vt hanc tuam cæcitatem æquo animo patiaris, vt ad cælum veharis, si non curru, saltem spiritu: sic enim itur ad cælum, nec est opus oculis corporeis, qui cum sæpissimè impediunt, non sunt lugendi si deficient.

Pont. lib. 2.
c. 8. de fort.
domest.

Aufidius Prætorius in cæcitare sententiam in Senatu dicebat, nec amicis deliberantibus deerat: Græcam scribebat historiam, & videbat in literis. Plerunque videmus magis docile ingenium, tenacioremque memoriam cæcorum hominum esse, quàm videntium, & eò plus menti eorum datum, quò oculis minus. Conceptus enim, & imaginatio, & ipsa rerum reminiscencia, totam se penitus ad
ani

animam colligit, firmiterque inhæret, dum foras per varia visus objecta nequit euagari. Ita fit, ut hac quoque de causa cæcitas nobis tolerabilior esse debeat, si acciderit. Quid ergo optas videre, ait Augustinus, cum iam multis in Ps. 99. vidisse nocuerit; & plurimis non vidisse profuerit? Illud duntaxat optemtis videre, quod oculus corporeus non videt, obiectum scilicet beatificum.

Cæterum tantò minùs est corporis cæcitas deflenda, quantò magis mentis cæcitas est pertimescenda, quæ nihil aliud est, quàm obduratio quædam in peccatis à quibus non vult homo recedere; quod idem Doctor vocat extra Deum esse. *Penitus*, inquit, *extra Deum est, quisquis dum tempus est, corrigi noluerit. Penitus enim extra Deum esse, quid est, nisi esse in summa cecitate?* Caue igitur, ne tua impatientia, & blasphemia, cadas in illam mentis cæcitatem, quia sic in sensum reprobum caderes. Augustin. in Psal. 6.

Ad quoscunque alios infirmos.

C A P V T XXV.

A ANTI fecêre homines valetudinem corporis, ut nihil dari in vita præstantius autumarint. Nec mirum; nam & ipse Sapiens: *Non est, inquit, census super censum salutis corporis.* Et, teste Menandro,

Non est valetudine præstantius aliquid in vita.

Eccl. 30.

Menand.

00 5 Vnde

Vnde medicamina, quibus tuetur, vel recuperatur sanitas, Philon Medicus, veluti quodam adagio, manus Dei appellare consueverat: alij verò, inter quos Auicenna, donum Dei vocitabant.

Lib. de vi-
de. in f. c. 3.

Verùm sanitatem, & illud, quo conseruatur, appellent antiqui, vt libuerit: nos autem non minùs donum Dei dicimus infirmitatem, vtpote quæ de manu Dei emanat, & quæ multa affert emolumenta. Nam in primis, ideo Deus aliquando immitit infirmitatem, vt resipiscamus, & vitam nostram corrigamus. *Tussi laboras, ait Augustinus, pulmone deficis, cibum stomachus respuit, phibisi decoqueris, vinum fastidis, dyssenteria sauciaris, multimodo morborum genere afficeris; sed & hac, si oculum habes, si cordatus es, Dei tota sunt; disciplinam patris ne abiicias, fili, &c.*

Simile.

Vocant aliqui morbum, vel potiùs lectum, in quo infirmitate percussi iacemus, locum certaminis. Nam, quemadmodum, qui in certamine inimicum, à quo læsus erat percutit, & in terram deiicit, statim districto gladio minitans, ei offert, vt prostratus vitam, veniàmque ab eo postulet; ipse verò videns se in tanto vitæ discrimine positum, signa doloris ostendit, palinodiam decantat, vitam postulat, satisfactionem promittit, ac terrore propter minitantem ensẽ perterritus, veniam efflagitat, atque in eum dicti, factique pœnitet. Ita Deus nos in eum peccantes morbo percutit, ac in lectũ, vel in terram deiicit, vt, teste Gregorio, *terroris sui iaculo transfixos ad sensum reſtitutionis renocet, & vt culpam*

Lib. 6. mor.
cap. 14.

culpam agnoscentes pœnitentiam amplectamur ; quod fortè non præstaremus, nisi morbo laboraremus. Hoc indicat Dauid ; *Multiplicata sunt infirmitates eorum, postea accelerauerunt.* Lento gradu peccatores tendunt ad Deum, nec ob vnam, aut alteram infirmitatem suos accelerant gressus : at multiplicatis infirmitatibus coguntur accelerare, citòque pœnitentiam agere.

B Quòd autem morbi animum ægrotantis excitent, ingerantque salubre consiliũ, ac firmum propositum correctius in posterum viuendi, docet ipsemet Plinius, qui etiam ad hoc plus valere periculosum morbum ostendit, quàm omnia Philosophorum præcepta, omnèsque de fugiendis vitiis, colendisque virtutibus disputationes. Illius verba, quoniam memoratu, obseruatũque digna sunt, lubet hĩc adscribere. [Nuper, inquit, me cuiusdam amici languor admonuit, optimos esse nos, dum infirmi sumus. Quem enim infirmum, aut auaritia, aut libido sollicitat? Non amoribus seruit : non appetit honores, opes negligit : & quantulumcumque vt relicturus satis habet. Tunc Deum esse, tum hominem se esse meminit ; inuidet nemini, neminem miratur, neminem despicit, ac ne sermonibus quidem malignis aut attendit, aut alitur : mollẽmque in posterum, & pinguem, si contingat euadere, hoc est, innoxiam, beatamque destinat vitam. Possum ego quod pluribus verbis, pluribus etiam voluminibus Philosophi docere conantur, ipse breuiter tibi, mihiq̃ue præcipere, vt

tales

Psal. 13.

Plin. lib. 7.
in epist. ad
Maxim.

Plutarch.in
Apoph.

tales esse sani perseueremus, quales nos futuros profiteamur infirmi.] Hæc ille. Rex Antigonus postquam à graui morbo conualuerat, dixit; *Morbus hic submonuit nos, ne animo efferamur, cum mortales simus.*

1. Cor. 12.

Aliquid maximi ponderis reperiebat Apostolus in ægreditudinibus, ut propterea gloriaretur, ac sibi placeret in eis: *Libenter, inquit, gloriabor in infirmitatibus meis, ut inhabitet in me virtus Christi.* In corpore infirmo inhabitat virtus, siue fortitudo, & potentia Christi, tamquam in proprio habitaculo. Corpus infirmetur, & Christus apud nos hospitetur; corpus, inquam, morbo afficiatur, & anima Deo suo iungatur. Certum est enim, quòd, iuxta Gregorium Nazian-

Orat. ad
ciu. Na-
zianz.

zenum, *anima morbo affecta Deo propinqua est.* Ideo subiungit Paulus; *Propter quod placeo mihi in infirmitatibus*, id est, infirmitates mihi placent; vel lætitia afficior propter infirmitates: assignâtque rationem; *Cum enim infirmor, tunc potens sum.* Cui congruit illud

Ioël. 3.

Ioëlis: *Infirmus dicat, quia ego fortis sum*; fortis, inquam, non ad ambulandum; fortis, non ad manibus operandum; sed fortis, quia à vitiis vinci non possum. Tantò enim quis in hoc genere certaminis fortior est, quantò corpore debilior: quia tunc magis debilitatur fomes, cum vehementiùs vexant infirmitates. Vnde Isidorus; *Valere te magis anima opta, quàm corpore: valere te magis mente opta, quàm carne.* *Aduersa corporis, remedia sunt anima.* *Ægritudo carnem vulnerat, mentem curat: languor vires libidinis frangit.*

Lib. 3. de
summo bo-
no.

Propterea

C Propterea , & præterea maximè iuuant infirmitates ad reuocandos nos à peccatis, ad quæ dilaberemur, nisi morbo afficeremur, ac proinde damnamur. Commendat Cælius illud Vibij Crispi dictærum : *Perieram, ni morbo essem grauiter conflictatus.* Lib. 13. cap. 25. Certum est multos nunc in inferno cruciari ob plurima scelera, quæ fortè non perpetrassent, si aliquo morbo laborassent. *Quis enumerare sufficit*, ait Lib. 9 Gregorius, *quanti in sua luxuria dimissi, in blasphemis quoque, & superbia proruentes, in rapinis, & in iniquitatibus permanentes, usque ad diem obitus, ita in hoc saculo vixerant, ut nunquam dolorem vel capitis paterentur, & subito percussi ignibus inferni sunt traditi?* Igitur potius requiratur infirmitas, si per illam acquiratur fœlicitas : illam non optemus incolumitatem, qua patramus iniquitatem. Nam, teste Augustino, *multi* In Ps. 97. *accepta sanitate lasciuunt, qui agroti casti erant, sanati adulteri fiunt : qui dum agrotarent, neminem ledebant ; receptis viribus innadunt, & opprimunt innocentes.*

Non sunt morbi impatienter ferendi, cùm etià Christo , & Sanctis similes nos efficiant. Propheta enim vocat Christum , *virum dolum, & scientem infirmitatem.* Isai. 53. Et de illo sic Euangelista ; *Ipse, inquit, infirmitates nostras accepit, & agrotationes nostras portauit.* Matth. 8.

Quæres ; cùm non legatur Christum vquam ægotasse , quomodo agrotationes nostras portasse dicitur? Lyranus ita explicat hæc verba ; *Ipse infirmitates nostras accepit: scilicet famem, sitim, defatigationem, passibilitatem, mortalitatem; hos enim naturæ humanæ*

humanæ defectus in se accepit Christus. *Et agrotationes nostras portauit*, id est, morbos hominum, quodammodo assumpsit in aliena persona, in quantum ægrotos misericorditer sanauit. Similiter Carthusianus interpretatur; Christus, inquit, infirmitates, id est, famem, sitim, & similia in se accepit, & ægrotationes nostras, ac morbos piè in aliis supportauit, & condolendo curauit. Alij sic explicant; *Infirmitates nostras accepit*, id est, abstulit, quemadmodum is, qui aliquid manu capit, & tollit. *Ægrotationes verò portauit*, hoc est, exportauit, & ab hominibus remouit, & transtulit. Vel quia onere ægritudinum ægros liberauit, idcirco eas portasse dicitur; easque tanta facilitate absque vllis medicamentis abstulit, ac si vnâ rem portabilem tolleretur, & in alterum locum veheret. Vel, *accepit, & portauit*, id est, suas fecit, in suam curam accepit, in mente, in animo, compassionéque portauit, vt veluti proprias curaret, ac sanaret.

Verùm, quamuis hæc verba ita possint D intelligi, tamen dicimus etiam ideo Christum vocari virum dolorum, ac infirmitates nostras accepisse, & ægrotationes nostras portasse, quia tanti, ac tam intensi fuerunt dolores, quos ipse in passione sua pertulit, vt omnes dolores, labores, cruciatus, & tormenta omnium ægrotorum, & Martyrum longè superauerint, vt probat Diuus Thomas; & colligitur ex illo loco; *Attendite, & videte, si est dolor sicut dolor meus.* Itaque non debes tuos attendere dolores, sed Christi.

Attende

Attende etiam plurimos Sanctos , & Sanctas , vehementes dolores , grauissimósque morbos patienti animo sustinuisse , nec curasse vt ab illis curarentur , sed vt illis diu vexarentur. Paula Romana , teste Hieronymo, cum febris laboraret , & stomachi cruditate cibum non digereret , vt modico vino vteretur , nec Medicorum placitis , nec Religiosorum suasis , imò nec Sancti Epiphaniij , quem Hieronymus submiserat , impelli potuit , nolens à vitæ monasticæ institutione , ne in ægitudine quidem declinare : multo enim tempore aquam bibens magis expauit vini gustum , quàm infirmitatis periculum : imò Epiphanius testatus est se senem ferè persuasum ne vinum biberet.

Epist. 27. ad
Eustochiû.

Ægidius ad Rhodani ostia solitarius , cum à venatoribus sagitta in incertum missa inter sylvas lacentem lauciasset , non modò medicinam corpori admittere noluit , sed etiam Dominum orauit , nequando læsa caro sanitatem reciperet. Parum erat solitudinis necessitatem ferre , quotidianas vigilandi , precandi , ieiunandi fatigationes pati , vulnus insuper quasi diuinitus inflictum manere voluit incuratum , vt additus corpori dolor , ab animo procul arceret voluptatis cogitationes.

E Syluia Ruffini Alexandriæ Præfecti soror , Deoque dicata virgo , cum ægrotaret , Medicis consulentibus balnea adire noluit , non medelam contemnens , sed mollitiem cauens ; quippe quæ per annos quadraginta neque vultum , neque pedes lauisset , neque
aliam

Marul. lib.
5. cap. 4.

aliam corporis partem , præter summos manuum digitos, cum vellet capere cibum : non alium lectulum habebat , quàm nudam humum. Cogita nunc , qualiter infirmitatem tulerit, quæ talia, dum sana esset, sua sponte, ut Christo placeret, pertulit.

Cassian.

Tradit Cassianus , Paulum solitudinis cultorem, resolutis paralyti membris in lectulo decubantem cæteris , qui ægrotabant , sanitati fuisse : oleo enim , cui ipse benedictionem imposuisset , peruncti curabantur. Quia quidem in re ostendere voluit nobis Dominus , quantum ille & fortis esset in patiando, & pius in miserendo. Idem enim, qui pro sua valetudine nihil sollicitus videbatur, pro aliena anxius erat, & præsentaneum omnibus remedium conferebat.

Beniamin Eremita aquæ intercutis morbo vehementer laborabat : at ne hoc illi ob delicta datum crederes , alios infirmos oratione sola curauit; eos verò, qui infirmitatem eius miserebantur , è diuerso rogare solebat, ne corporis sui , sed animæ curam haberent, veniamque à Domino sibi exorarent peccatorum , quæ, dum sanus esset, se commisisset aiebat. Itaque quòd peccator esset , plurimum angebatur, quòd æger, nihil.

*Soz. lib. 6.
cap. 29.*

Stephanus Mareotidis regionis Anachoreta , cum aliquas partes sui corporis exulceratas , taboque diffuentes haberet , curationem quidem non recusauit ; sed dum curaretur, maioris patientiæ præbuit exemplum , sectiones à Chirurgo passus , nullo emissio eiulatu , nullo edito gemitu , ac si omnino

omnino doloris vim non sentiret. Adhuc, eiusmodi ægritudine affectus, non intermisit manuum laborem, de palmarum foliis funiculos contorquens, non spiritalis exhortationis curam, semper eorum, qui ad se venissent, salutem consulens. Ita magnam languoris molestiam maiore virtutum meditatione vincebat, animo etiam fortior, quam corpore debilior.

F Mendicus quidam nomine Seruulus, teste Lib. 4. Dial. cap. 14. & hom. 15. in Euang. Diuo Gregorio, à primæua ætate vsque ad finem vitæ paralyticus iacebat: in lectica surgere ad sedendum non poterat, nunquam manum suam ad os ducere; nunquam se potuit in latus aliud declinare, nec omnino se commouere: semper tamen in doloris accessionibus Deo gratias agebat, hymnósque decantabat: quare & moriens Angelorum recreatus est concentu, & mortuus odore suauissimo domicilij locum repleuit. Vnde concludit ille Doctor: *Ecce quo fine ex hac vita migravit, qui in hac vita equanimiter flagella tolerauit. Quid in iudicio dicturi sumus, cum hunc Seruulum viderimus, cui longus languor brachia tenuit, sed tamen à bono opere non ligauit? Non habebat liberas manus, nec liberos pedes, quibus bene ageret; sed habebat liberum cor, & liberum os, quo potuit, & voluit Deum diligere, ei que in tanta infirmitate gratias agere.* Ibidem.

Elisabeth Sconangia, virgo Deo sacrata, vt scribit Sigebertus, toto corpore vlcerebus sigeb. contabefacta iacens, nunquam ob hoc aliquam animi tristitiam vultu prætulit, multas

interim futurorum reuelationes accepit, acceptasque prodidit, vt facile dixerim, & ideo sanctam, quia patiens erat; & ideo patientem, quia sancta.

Sur. 17.
Septemb.

Sancta Hildegardis virgo nobilissima Bingenſis, vt refert Surius, licet morbis continenter vexata in lecto decumberet, ipsius mortis imago: tamen mirandis claruit visionibus, ac futurorum prædictionibus, omnesque ægros tum ad se venientes, tum etiam absentes, in somnis eis apparens, sanitati restituit; quas quidem visiones, futurorumque prædictiones non meruisset, nec tanta miracula patraſſet, si proprias ægritudines impatienter toleraſſet.

Horum exemplis, aliorumque multorum G similibus discimus, quàm patientiſſimè corporis ægritudines nobis ſint tolerandæ: nobis, inquam, grauib; obnoxiiis delictis, & nullo virtutis genere cum his Sanctis conferendis; & tamen quoties morbo aliquo afficimur, indignamur. Quòd si illorum Sanctorum patientiam imitari nolumus, infidelium ſaltem tolerantia in diuturnis languoribus nos pudeſciat. Narrat Plinius Caium Mœcenatem, dum vixit, febris laboraſſe, triennioque ſuæ vitæ poſtremo nunquam ſenſiſſe ſe dormiſſe. Antipater Sidonius Poëta omnibus annis vno tantummodo die, quo genitus erat, febris implicabatur; cùmque ad vltimam ætatem perueniſſet, natali ſuo, certo illo circuitu morbi conſumptus eſt. Verum tamen non legimus eos impatienter tuſiſſe huiusmodi ægritudines, licet illorum

patien

Lib. 7. c. 51.

Val. Max.
lib. 1. c. 8.

patientia nullius esset meriti apud Deum. Nos autem Christiani, si patienter quascumque feramus infirmitates, maximum ex eis meritum, maximamque vtilitatem nobis comparabimus.

Interrogatus Diuus Petrus, cur Petronillam filiam suam diutius ægrotare pateretur, cum aliis male affectis repente sanitatem induceret; ita illi expedire respondit. Ac ne dissimulare impossibilitatem videretur, iussit eam surgere, & ipsis discumbentibus ministrare. Exurrexit sana; & ut perfuncta est officio, rursus patris iussu ad lectulum pariter ac morbum rediit. Ægrotando igitur didicit virginitatis amare puritatem, ita ut postea sanata mori præoptaret, quàm Flacco Prætori nuberet. Quare non modò patienter ferenda ægritudo est, verùm etiam appetenda, quoties intimis in medullis concitatus ardor iuuenilia occupat membra, & dum quis ad turpem libidinem ob nimiam corporis incolumitatem succenditur, Maximum homini confertur à Deo beneficium, quando hostis eius domesticus, caro scilicet, morbo debilitatur, ac inermis efficitur, ne rebellem se præbeat.

H Morbi insuper suppleant voluntariam satisfactionem, ideo sunt æquo animo ferendi. Nam accedente patientia, illud quod est necessitatis, potest fieri voluntatis; & tunc erit satisfactorium, quod prius non fuerat voluntarium. Deus enim videns nos nulla opera satisfactoria operari velle, immittit infirmitatem, ut saltem coactè præstemus, quod

Gregor. in
Iob.

sponte nolimus : vt sic ægroti mereamur, quod incolumes recusabamus. Hinc Gregorius ; *Mitigat vim doloris considerata æquitas ferientis.* Hæc est igitur & illius bonitas, & æquitas, vt cogamur mala pati, qui renuimus bona agere. Itaque dum ægrotamus, possumus Deo optimo offerre omnes dolores, quos patimur, pro satisfactione pœnarum, quas hîc, aut in Purgatorio subire meruimus; sed oportet, vt qui antea noluissemus infirmitatem, postea in nobis velimus diuinam adimpleri voluntatem, illi nos omnino conformando; ac proinde debemus etiam Deo nostram offerre voluntatem ad omnia mala subeunda, omnesque dolores perferendos, quia nihil est ei gratius, nihilque nobis utilius. Vnde idem Gregorius; *Nihil offertur Deo ditius bona voluntate.* Noli ergo indignari, cum indignando peccata, imò & ægritudines non minuantur, sed cumulentur. Qui autem libenter corporis mala tolerat, ad expiationem spiritus proficit. Quòd si ideo nolis infirmari, quia mortem pertimescis, scito te esse moriturum, non tamquam ægrotantem, sed tamquam viuentem. Audi Senecam; [Moricris, non quia ægrotas, sed quia viuis. Cum cõhualueris, non mortem, sed valetudinem effugies.]

Epist. 72.

Aliquando etiam Deus illos ad se adducit, quos ab eo incolumitas abducit. De Beato Dunstano legitur, quòd ante morbum ab Elphego Ventano Episcopo necessario suo nullis hortatibus compelli poterat, vt Monachum profiteretur. At febre correptus,
mox

mox ut conualuit, vltro ad monasterium properauit, & religioni se addixit, multaque vitæ sanctitudine pollere cœpit, breui Presbyter, atque ad Cantuariensem Ecclesiam regendam accitus; Pontificia quoque dignitate effulsit: multis denique miraculorum signis nobilitatus fuit. Itaque tantum illi ægrotasse profuit, quantum, si semper sanus perseverasset, fortasse nocuisset.

I Beatissimus Pater noster Franciscus non antè cœpit esse perfectus, quàm grauissimam corporis valetudinem incurrisset: vigesimo namque ætatis suæ anno infirmatus didicit terrena contemnere, quæ sanus dilexerat. Ager soli Deo seruiendum esse intellexit, qui antè sanus auaritiæ seruierat, dum negotiationibus operam daret. De illo sic Diuus Bonauentura: *Facta est, inquit, super eum manus Domini, & immutatio dextera Excelsi, diuinis languoribus ipsius corpus affligens, ut coaptaret animam ad sancti Spiritus vñtionem.* Quis igitur infirmitatem incusare audeat, quæ tanti est causa boni? Quodd autem in plerisque non eundem sortiatur euentum, non hoc eius vitio fit, sed ipsorum; qui sanati, sic vitam suam instituire negligunt, ut dum ægrotarent, promiserunt.

Ideo etiam Deus immittit infirmitates, ut infirmus foras emittat iniquitates; aliqui enim nunquam confiterentur, si nunquam infirmarentur. Sunt autem peccata plerumque causa morborum, ut asserit Chrysostomus, & colligitur ex illis verbis Christi

Ioan. 5.

ad paralyticum sanatum; *ſam noli peccare, ne deterius tibi aliquid contingat* In quæ verba ſic

Hom. 37.

ille Doctor: *Admonemur, ait, quod ex peccatis morbi generantur.* Idcirco D. Bernardus con-

De interiori
domo.
cap. 55.

ſulit, vt quàm citiſſime infirmi conſiteantur, vt perfectam ſanitatem conſequantur. Si, inquit, *ad perfectam ſanitatem pervenire deſideras, quidquid conſcientiæ ſtomachum grauat, totum vomitu puræ conſeſſionis euomere non diſferas: virus enim vitiorum, niſi feſtinanter eiciatur, prius interiora corrumpit; deinde ad exteriora ebulliens, totum corpus occupat, & maculat.* Salubris igitur illa corporis infirmitas, per quam animæ acquiritur incolumitas: vexet morbus corpus, ne peccatum vexet animam.

Iſaia.

Frater mi, premente tuo morbo, precor K attende quid per Iſaiam Dominus dicat:

Excoquam ad purum ſcoriam tuam, & auferam omneſt annum tuum. Quaſi apertiùs dicat: ego

immittam tibi tam grauem morbum, tam peracutas febres, vt his malis tamquam fornace quadam, aut clibano concludus, ita excoquaris, donec tandem omnis vitæ tuæ peruerſæ ſcoria penitus conſumatur, tuæ omnes cogitationes peſſimæ deleantur, puruſque euadas. Audi præterea, quid per Moy-

Deut. 31.

ſem dicat: *Ego percutiam, & ego ſanabo.* Tu præbuiſti vnde percuteret, præbe illi vnde ſanet, id eſt, propter peccata tua percuſſit te, fac vt propter patientiam & pœnitentiam tuam ſanet te. Porro, qui nouit, quando debuſti inſirmari, præuidet quando debeas ſanari: propterea, ne indigneris, nec conqueraris,

vel

vel submufmures, ſi prout vis, non conualeſcas, licet illum roges, aut rogari facias: quia ſecundum Auguſtinum, *videtur Deus non* In Pſal. 31. *exaudire, vt ſanet, & parcat in ſempiternum.*

Tibi crebro repetenda ſunt hæc verba, *Etiamsi occiderit me, in ipſo ſperabo: & post-* Job. 13. *modum cum ſanctiſſimo illo Doctore hu-* Auguſtin. *militer, & viriliter dic; hîc vre, hîc ſeca; dummodo in æternum parcas. Domine, non parcas corpori, vt parcas animæ; crucietur corpus in præſenti, vt in futuro ſaluetur anima: nolo curari, ſi aliter non poſſim ſaluari: non peto ſanitatē, niſi conducat ad ſalutē: malo ægrotare, quàm peccare. Tum* Pſal. 118. *ſum ego, ſaluū me fac; ſiue per dolores, per labores, per cruciatus, per vulnera, per ægri- tudines, ſiue per acerbiffimam mortem ad te perueniam, hoc ſolo contentus ſum. Iube quod vis, & da quod poſſum, & fac vt poſ- ſim; & velim, quod tu vis. Itaque repete etiam ſæpiſſimè hæc verba, *Fiat voluntas tua.* Nam, teſte Gregorio Nyſſeno, *verba hæc morbi* Orat. 2. in *animæ inharēntis curatio ſunt: & ſi morborum* orat. Dom. *corporis, ſicut animæ, non ſint curatio, erunt tamen maxima conſolatio, & mitigatio. Experire, quod dico, vt aſſequaris quod opto.**

Ad gementes & flentes in hac lacrymarum valle.

C A P V T XXVI.

Lib. 10. de
Trinit.



Lib. 16.
epist. 27.

Apoc. 7.

Isai. 66.

OCAT Diuus Hilarius lacry- A
mas, *sudorem animæ*, Diuus Gre-
gorius verba consolatoria, *candidum lintheum*; sic enim scribit
ad quendam. *Peto, ut frequenter*
dulcissima vestra charitas visitet Anatolium Dia-
conum, ut post labores, quos in causis secularibus
patitur, in verbo Dei vobiscum requiem inueniat,
& quasi quodam candido lintheo, eiusdem laboris
terreni sudorem detergat. Vobis igitur offero
verbula nostra, veluti sudariola, vel lintheami-
na quædam, ad detergendas lacrymas vestras,
cùm sint sudores animæ. Detergam autem, si
primò ab ipso Deo detergi ostendam. Audite
Ioannem de lacrymantibus iustis loquentem:
Absterget Deus omnem lacrymam ab oculis eo-
rum. Quod miram dulcedinem indicat; ducta-
que est similitudo, ut vult Pannonius, à ma-
tribus, quæ paruulos plorantes amplecti so-
lent, blanditiis delinire, eisque lacrymas ab-
stergere, & vbera porrigere. Ita eos qui pec-
cata sua, & aliorum, vel ob iniustas persecu-
tiones sibi illatas fleuerint, Deus in cælo be-
nignè excipiet, & instar blandissimæ matris
consolabitur. Eam ob causam Deus se matri
comparat. *Quomodo si cui mater blandiatur, ego*
consolabor vos. Eadem iustorum in patria con-
sola

solationem iisdem ferè verbis prænuuciauerat Propheta : *Et auferet Dominus Deus lacry-* Isa. 25.
nam ab omni facie. Dicat igitur Bernardus.

Fœlices lacryma, quas benigna manus conditoris De con-
abstergunt, & beati oculi, qui in talibus liquefieri temptum m̃i.
elegerunt. Fœlices vos, si eas fundatis lacry-
mas, quæ à Domino abstergi mereantur; no-
stro non indigeretis linteo ad eas abster-
gendas.

B Ut autem sciamus quasnam lacrymas Do-
minus sit abstersurus ab oculis beatorum,
notandum est, in hominibus piis & iustis va-
ria esse lacrymarum genera diuersis ex causis
orta. Nempe alius luget peccata sua, & quia
malum fecit coram Deo: alius flet, quia bo-
num non egit, quod agere poterat: alius, quia
bonum quod fecit, non ita ut oportebat dili-
genter, & perseveranter fecit: alius illacry-
matur proximi peccatis & miseriis, veluti
Iob, qui dicebat : *Flebam super eo qui afflictus* Iob. 30.
erat, & compatiebatur anima mea pauperi. alius
dura correptionis flagella sustinens: alius ad-
uersitates Ecclesiæ videns: alius prosperita-
tes impiorum, & hostium populi Dei ægrè
ferens: alius luget diuinę legis contemptum,
& Dei offensam: alius flet, quod à propriis
vitiis & concupiscentiis vehementer impu-
gnatur: alius, quia se in oratione, & virtutum
exercitatione sterilem, & tepidum sentit:
alius flet suę peregrinationis moram Omnia
hæc lacrymarum genera dicitur Deus abster-
gere ab oculis Sanctorum.

Absterget quidem, non disperdet, sed in
loco tuto reponet. Audi Psalmistam : *Posuisti* Psal. 55.

lacrymas meas in conspectu tuo. Alij secundum Hieronymum sic legunt ; *Repones lacrymam meam in utre tuo : vel, in laguncula tua.* Lacrymæ comparantur optimo vino, quod in peculiari aliquo utre, vel laguncula reponitur, ut melius asseruetur. Audi Bernardum. *Lacrymæ pœnitentium, vinum sunt Angelorum.* Sicut vinum lætificat cor hominis ; ita lacrymæ verè lugentium & pœnitentium lætificant Angelos, dicente Domino : *Gaudium est Angelis super uno peccatore pœnitentiam agente.*

In Câtica.

Luc. 15.

Item alij legunt : *Posuisti lacrymas meas in rationario tuo*, hoc est, in libro rationum tuarum. Solent mercatores habere librum, qui vulgò vocatur *Liure de raison*; vbi debita, quæ ipsis alij, vel quæ aliis ipsi debent, scribunt & adnotant. Sic Deus dicitur posuisse lacrymas nostras in sua mente & memoria, tamquam in rationario, vbi se veluti debitorem pœnitentis farètur. Alij verò sic transferunt: *Posuisti lacrymas meas in thesauris tuis.* Quæ pretiosiora sunt includuntur & reponuntur in thesauris : vocantur lacrymæ à quibusdam pretiosæ margaritæ, siue vniones ; vnde, teste Pierio, plerique prodidère vniones esse symbolum lacrymarum, sumptum scilicet à coniectoris, qui lacrymarum profluuium per visas in somnis margaritas ostendi tradunt: & teste etiam Suida, margaritæ declarant lacrymarum fluxum. Si vniones, siue margaritæ ornant aures, multò magis lacrymæ causâ Dei effusæ ornant oculos. Vnde Diuus Chrysostomus ait, oculos Davidis fuisse ornatos lacrymarum imbre, quasi margaritarum decore.

Lib. 18.

Hom. 30. in
Genes.

core. Fluant igitur lacrymæ in tanto thesauro reponendæ, ac ita oculos nostros ornantes. Vis te gemmis fulgentissimis ornare, quæ Deo, Angelisque placeant? funde lacrymas, doloris ob crimina concepti testes. Vis munera Iudici gratissima offerre? has offerito margaritas. Sunt enim ad placandum Iudicem potentissimæ.

Merito itaque Christus flentes beatos prædicat: *Beati qui lugent, quoniam ipsi consolabuntur.* Math. 5. Consolabuntur, inquam, cum viderint fletus suos & lacrymas tam diligenter asseruari, numerari ac remunerari. Hinc illud Laurentij Iustiniani, ni fallor, ex Diuo Hieronymo. *O lacryma, inquit, humilis! tua est potentia, tuum est regnum; tribunal Iudicis non vereris; accusatoribus tuis silentium imponis; non est qui te ad Deum accedere vetet: si sola intres, vacua non redsis. Quid plura? vincis inuincibilem, ligas omnipotentem, inclinas filium Virginis, aperis calum, fugas diabolum.*

D • Præterea, consolabuntur; quia lacrymis peccata oblitterantur. Audi Chrysostomum: *Peccata tua in libro scripta sunt; spongia autem instar sunt lacrymæ tuæ. Lacrymas mitte, & oblitterantur: lacrymas mitte, & purus illic liber inuenitur. Magna peccatorum spongia sunt lacrymæ.* In Psal. 50. Cōsolabuntur denique: videbūt enim se illud Domino dedisse, quod maximè optat. Deus, inquit Chrysologus, *esurit gemitus delinquentium, sitit lacrymas peccatorum.* Serm. 93. Peccatores, ac delinquentes omnes sumus: si pane, & vino careamus, quibus Christum reficiamus, non desunt lacrymæ, quas fundamus, ne aliquan-

do

Math. 23. do audiamus; *Esuriui, & non dedistis mihi manducare; sitiui, & non dedistis mihi bibere.* Quando peccas, tunc Deus esurit tuos gemitus, & sitit tuas lacrymas: quodd si non lugeas peccata tua, tunc ei cibum, & potum denegas. Consolamini igitur gementes, & flentes, qui Dominum pascitis. Consolamini etiam fructum lacrymarum vestrarum reportaturi. Scitum est illud Menandri apud Plutarchum:

In orat.
consol.

Dolor, ut arbores fructum, habet lacrymas.

Psal. 135.

Fructus doloris sunt lacrymæ, & fructus lacrymarum sunt exultationes; nam *qui seminat in lacrymis, in exultatione metet.* Vis videre quantam vim habeant ista semina, siue lacrymæ, & quales fructus ex illis oriantur?

Serm. 93.

Audi Chrysologum: *O quanta vis in lacrymis peccatorum! rigant calum, diluunt terram, extinguunt gehennam, delent in omne facinus latam divina promulgatione sententiam.* Verè ergo beati

Luc. 6.

qui nunc fletis, quia ridebitis. Ridebitis, inquam, & exultabitis videntes tot fructus lacrymarum vestrarum: *habet enim luctus repensum sibi*

In Matt. 5. *gaudium,* ait Euthymius.

Ut autem hos fructus afferant vestrae lacrymæ, debent esse Deo gratæ: at non erunt gratæ, nisi fundantur ob commissæ peccata, vel propter mortem Christi, aut ob aliam causam ex his, quas iam diximus, quas omnes in quatuor qualitates redigit Gregorius: *Quatuor, inquit, sunt qualitates quibus iusti viri anima compunctione vehementer afficitur: cum, aut malorum suorum remiscitur, considerans ubi fuit: aut iudiciorum Dei sententiam*

11b 23 mo-
tal. c. 21.

sententiam metuens, & secum quærens, considerat ubi erit: aut cum mala vita præsentis attendens, considerat ubi est: aut cum bona superna patria contemplatur, quæ, quia necdum aspicitur, lugens conspiciit ubi non est. His, & similibus honestis causis flendum est: tunc lacrymæ ob huiusmodi causas effusæ non cruciant, sed delectant. Vnde Ambrosius: *Lacryma mentem allevant, fletus refrigerant pectus, & mæstum consolantur: est enim piis affectibus flendi voluptas.* Hoc etiam agnovit, qui dixit:

— *Est quædam flere voluptas.*

Et alter:

Afflictis hominibus suaves sunt lacrymæ.

Lacrymæ verò, quæ emittuntur ex profani amoris amissione, rei familiaris iactura, aut rei, vel personæ turpiter dilectæ absentia, vel ex vana, & alia levi causa, inutiles sunt, & Deo detestabiles. Dolet Divus Augustinus, quòd aliàs fleuerit Didonis mortem, atque sic seipsum increpat. *Flebam Didonem mortuam, quæ se occidit ob amorem* *Anea, cum interea meipsum in his à te morientem, Deus meus, vita mea, siccis oculis ferrem miserrimus. Quid enim miserius misero non miserrante se, & flente Didonis mortem, quæ fiebat amando Aneam; non flente autem mortem suam, quæ fiebat non amandote?*

Idem Doctor conqueritur de quibusdam hominibus, quòd flagella, quibus ob peccata percutiuntur, defleant; peccata ipsa non defleant. *Flagella, inquit, sua dolent homines, quare flagellantur non dolent. Nescio quis, si damnum patitur, proclivior est, ut dicat: Indignè passus*

De obitu
Valen.

Ouid. 4.
Trist.

Euripides.

Lib. I. Confess.
cap. 13.

In Psal. 37.

passus sum, quam ut consideret, quare passus sit, dolens damnum pecuniæ, non dolens damnum iustitiæ: & talis, secundum eundem Augustinum, nullo modo poterit excusari, cum habeat lacrymas ad deflenda temporalia perditæ, & de iactura animæ non curet. Non utique est, inquit, ut quis se excuset se non habere fontem lacrymarum, qui aliquando lacrymis ostendit dolorem temporalium. Lacrymæ ob damnum rerum temporalium effusæ similes sunt eis, quæ fumo, & cepis emittuntur, quæ omnino nihil profunt, sed obsunt; ita nec illæ.

Lib. de ver-
m & falsa
pœnit. c. 9.

In consolat.
ad Poly-
bium.

Scio quidem multa esse in hoc mundo flētum commouentia, quæ cū attentē consideraret Seneca, sic scribebat. [Larga est ubique, & assidua flendi materia. Lacrymæ nobis prius deerunt, quàm causa dolendi.] Nec mirum, cū simus in valle lacrymarum, & cū ab incunabulis flere didicerimus. Agelasti, siue nunquam ridentes reddebantur, quicumque in Trophonij specum descenderant apud Trœzenios: vnde antiqui prouerbialiter hominem tristem, & semper lacrymantem, in Trophonij antrum descendisse dicebant. Sed ubique terrarum inuenitur huiusmodi antrum, quia ubique se præbent flendi occasiones. Tot bella, morbi, inopiæ, persecutiones, inuidiæ, sterilitates, oppressiones, tot denique calamitates, & miseriæ, & similia mala sese offerunt oculis nostris, ut ex eis lacrymas extorqueant; ita ut dicat idem Seneca: [Excidunt etiam retinentibus lacrymæ.]

Epist. 99.

Verum

Verumtamen nollem vos deflere causam lacrymarum, scilicet miseria; sed causam miseriarum, nimirum peccata. Non est lugenda pœna, sed culpa, quæ nisi hic lugeatur, in æternum lugebitur pœna. *Luge peccata*, ait Chrysostomus, *ne pœnam defleas*. Hom. 5. de pœnit. Peccata igitur in hoc mundo defleamus, ut in futuro gaudeamus. Desinamus hîc latari, ne illîc nobis cōtingat tristari. Præueniamus fletibus fletum, & stridorem dentium. Hoc sibi optabat Bernardus. *Quis dabit capiti meo aquam, & oculis meis fontem lacrymarum*. 1. *ut præueniam fletibus fletum, & stridorem dentium*; Potentissimæ aduersus crimina sunt lacrymæ; postquam è vita excessimus, vires penitus amittunt, & inutiles sunt. Modicus fletus nunc ex pœnitentia emanans magna abolet crimina; sempiternus verò fletus post mortem, ne minimum quidem delet peccatum. Hîc igitur lacrymæ fundantur, ut suscipiantur. Ad hoc nos hortatur Beatus Ephrem: *Fundamus lacrymas, quamdiu tempus est suscipiendi nostras lacrymas; ne abeuntes in sæculum illud, absque fructu & utilitate vlla plangamus. Ibi enim pro nihilo ducentur lacrymæ. Plange hîc modicum, ne plangas illîc in sæcula seculorum*. Satius est flere in valle lacrymarum, quàm in abyssò lacrymarum, scilicet in inferno, vbi erit fletus, & stridor dentium.

Serm. 16. in Cantica.

Serm. 1. de pœnit.

Ad

Ad incarceratos, & ad captiuos.

C A P V T XXVII.



Matth. 25.

IACEAT mihi hoc saltem scripto consolari, quos corpore visitare non potero, ne futurum sim de numero illorum, quibus à Christo dicetur; *In carcere eram, & non visitastis me.*

Meminerint in primis incarcerati, quòd omnia quæ sub cælo continentur, propriis carceribus mancipantur. Nam terra & aqua, quæ simul vnum globum constituunt, ambitu aëris concarcerantur; aër etiam elemento ignis coarctatur, atque ignem orbis Lunæ complectitur, nec illis elementis extra suas sphaeras & limites diuagari permittitur. Inter corpora cælestia vnum ab altero circumdatur, & cicumoluitur. Astra quoque in suis orbibus veluti nodi in ligno includuntur, vnde nunquam exeunt.

Iob. 7.

Præterea habent aues suum carcerem, nempe aërem, & ex illis multæ in cauea includuntur. Pisces in mare veluti in carcerem iam incarceratum detruduntur. Vnde Iob: *Numquid mare sum ego, aut cetus, quia circumdedisti me carcere?* Anima quoque in corpore tamquam in ergastulo includitur, à quo quidem optabat eripi, qui clamabat;

Psalm. 141.

Educ de custodia animam meam: vel, vt Augustinus legit; Erue de carcere animam meam.

Lingua

Lingua dentibus, labiisque velut carcere clauditur. Oculi palpebris custodiuntur. Homines etiam seipsos videntur incarceratione, dum vrbes suas mœnibus circumdant, ibique sibi ædes, & domos construunt, & in illis cellulas, in quibus arctiùs includuntur, ita vt vnique liceat dicere:

Inuida me spatio natura coercuit arcto.

Quid.

Cætera animalia in foueas, speluncas, nidulos, latibula sese abdunt. Quid de bombyce referam, qui ore proprio sibi ipsi ad extremum vitæ suæ carcerem texendo instruit?

Omnes insuper fructus pelliculis suis & corticibus quasi carcere circumdantur: ita vt necesse sit, frangat nucem qui vult habere nucleum. Vniones in conchis, ac lapilli, gemmæque etiam interdum auro veluti carcere includuntur: nec propterea miuùs, imò magis micant & splendent. Omnia denique tantò arctiùs ac diligentius in hoc mundo custodiuntur, quantò pretiosiora iudicantur. Cùm itaque omnia incarcerationentur, & recludantur, cur miramini, & doletis, quòd cum omnibus incarcerationemini?

Quid præterea est iste mundus, nisi communis quidam carcer tenebris, vinculis, immunditia, fœtore, reisque plenus? Vnde Tertullianus quosdam fideles incarcerationatos sic consolabatur. *Si cogitemus, ipsum magis mundum carcerem esse, exiisse vos è carcere, quam in carcerem introuisse intelligemus. Maiores tenebras habet mundus, quam carcer, qua hominum præcordia excacant: grauiores casenas induit mundus, qua ipsas animas hominum constringunt;*

In lib. ad Martyres.

Q q peiores

peiores immunditias expirat mundus, libidines hominum : plures reos mundus continet, iudicia non Proconsulis, sed Dei sustinet. Ea de causa forsitan Iugurtha regno amisso Romam captivus ductus, in carceris ostio etiam iocatus esse dicitur, quod à carcere tenderet ad carcerem.

Si attendatis, quid in carcere proficiatis, illum libenter tolerabitis. In carcere enim nullum malum hominem habetis obuium, qui vos ad malum incitet. Multæ vobis peccandi occasiones rescinduntur : nullæ sese offerunt mulieres ad illas videndum, & concupiscendum. In maiora crimina fortè incidissetis, nisi in hunc carcerem detrusi essetis, atque ita arctiorem, & squalidiorem meruissetis. Vnde optimè, secundum Varro-

Varro.

Item, iuxta Sapientem, *de carcere, catenisque quandoque egreditur quis ad regnum*, interdum temporale, & semper si voluerit, ad æternum ; dummodo ærumnas, & incommoda carceris propter Deum patienter ferat, suas agnoscendo culpas, illasque humiliter confitendo, ac Deo gratias agendo, quod hinc in arcto ponatur, ut tandem in cælestibus spatiis reponatur : quæ quidem spatia sæpe sunt cogitanda, cum non impediatur loci angustia. Potest carcer tuum corpus detinere, sed non animum, qui non obstante quocumque carcere, cælestia, si velit, meditabitur. Audi Apostolum sæpe carceribus mancipatum,

Eccli. 3.

tum,

tum, catenisque constrictum : *Conuersatio nostra in calis est.* In carcere fortè detinebatur, & in cælis versabatur ; ligabatur corpus , & liber erat animus. Considerandus, & optandus est ille locus , vbi non ligabuntur pedes, neque manus. Propterea sustine hîc ligari, vt ibi soluaris , & cum Cypriano dicere valeamus : *O pedes feliciter vincti , qui itinere saluari ad paradysum diriguntur ! ô pedes ad praesens in saculo ligati , vt sint semper in calis apud Deum liberi !* Dic igitur cum sancto Poëta :

Philipp. 1.
Epist. 71. ad
Nemes.

D. Prosper
epigram. de
dilectione
Dei.

*Carcere si caco claudar , ne tætarque catenis,
Liber in excessu mentis adibo Deum.*

C Diuus Hieronymus aliquem in eremo nementem sic consolabatur, *Infinita eremi vastitas te terret : sed tu paradysum mente deambula. Quotiescunque cogitatione ac mente illuc conscenderis , toties in eremo non eris.* Ita sic incarcerato loquar : si carcer te terret , paradysum mente deambula ; nam quoties cogitatione & mente illuc conscenderis , toties in carcere non eris.

Hieronym.

Præterea, libenter quis temporalem patitur carcerem , si diligenter meditetur æternum , quem vt idem Hieronymus euaderet, eremi carcere se damnauit, vt ipsemet fateatur. *Ille ego, qui ob gehenna metum, tali me carcere ipse damnaueram scorpionum tantum socius , & ferarum.* Sustine igitur ad tempus incarcerationi, ne æternaliter in infernum detrudaris: fortè enim non potuisses aliter teterrimū illum inferni carcerem euadere, nisi in hunc cogeris introire. Hoc Deus agnouit, qui tibi ac-

Epist. 23. ad
Eustoch.

cidere permisit, vt coactè cogaris sustinere, quod alij sponte elegère.

Lib. de Ioseph. cap. 5.

Si contingat, te innoxium & absque culpa in carcerem coniici, debes potiùs gaudere, quàm dolere. Recordare eorum, qui innocentes, fuerunt in carceres deturbati, quos patienter tulerunt; ideo illos non deseruit Dominus, pro quo talia perferebant. Veniat tibi in mentem castissimus ille Ioseph, qui, vt ait Ambrosius, *inanda causa, inexplorata fide veri, tamquam reus criminis in carcerem mittitur; sed cum Dominus nec in carcere deserebat. Non turbentur innocentes, cum falsis criminibus appetuntur, & oppressa iustitia detruduntur in carcerem: visitat Deus & in carcere suos, & ideo ibi est plus auxilij, ubi est plus periculi. Sed quid mirum, si visitet Deus in carcere positos, qui se ipsum in suis in carcere inclusum esse memorauit? Quò non penetrat diuina misericordia? Inuenit Ioseph huiusmodi gratiam, vt qui fuerat clausus in carcere, ipse potiùs carceris claustra seruaret; cederet munere clauicularius, & interclusos omnes in potestatem eius committeret. Itaque Ioseph non solum carcerem non sentiebat, sed alios quoque carceris lenabat arumna.*

Hom. 61. in Genes.

Miratur etiam Diuus Chrysostomus eiusdem Ioseph lenitatem, & silentium, dum falsè accusaretur, & in carcerem detrudetur. *Vide, inquit, quanto silentio, & lenitate animi Ioseph bene sibi conscius innocentia sua, tulerit calamitatem illam. Scitis enim eos, qui non sibi conscij ullius sceleris, tamquam rei condemnantur, magna sepe uti confidentia, & dicendi libertate superbire, insurgentes contra eos, qui insontibus cri-*
men

men intentarunt. Non sic Ioseph, sed corde tacito, mens eius bene sibi conscia, conseruabat mansuetudinem & patientiam, expectans Dei auxilium. Illum tandem ab illo carcere eripuit Dominus, qui eripuit & Daniele de lacu leonum, ac aliquando Diuum Petrum à vinculis illæsum abire fecit. Potest etiam & te eripere, si tibi viderit expedire, cum maiorem virtutem & efficaciam habeat quàm Saphirus, de quo sic in lapidario:

— — — — *Educit carcere vinctos,*

Obstrusasque fores, & vincula tacta resoluit.

Quod si non eripiat, sed de carcere ad supplicium te educi permittat, non minùs illi gratias agas, quod velit te adscribi in numero illorum, qui post carceres sine vlla culpa morte affecti sunt, inter quos Diuus Ioannes Baptista, qui licet ne leui quidem fame vitam maculasset, capite tamen in ipso carcere plectitur. Metuit pro Christo mori in carcere, qui meruerat à Christo sanctificari in vtero: qui exierat ex vtero confessor, exiit à carcere Martyr; non terminatur eius vita in carcere, quæ inchoauit à carcere, non morte aufertur, sed transferrur. Audi Chrysologum.

Transfertur ista morte vita Martyris, non aufertur: morte magis clauit, qui ob hoc mortuus est, ut viueret in æternum. Ecce tu Herodes iaces in morte, Ioannes viuit occisus. Ioannes, inquam, dum in carcere cruciabatur, à Christo laudabatur: Herodes verò dum in Palatio deliciabatur, à Christo relinquebatur. Hic modò damnatur; ille verò gloriatur. Scit Deus, qua pœna sit mulctandus, qui te inno-

centem coniecit in carcerem, & adhuc minatur mortem. Non attendas, quod ipse agit, sed quod Deus permittit.

Chrysoft.
in Matth.
cap. 5.

Ani. 69.

Quid de Apostolis Petro & Paulo toties E incarcerationis & vincis referam? Illos sic alloquitur Chrysoftomus. *Quot carceres sanctificastis? quot catenas decorastis? quot tormenta sustinistis?* Tandem, teste Baronio, fuerunt ambo Romæ per nouem menses in eodem carcere Mamertino conclusi, & inde ad martyrium educti.

Coloss. 4.

Diuus Paulus identidem meminit vinculorum suorum, in quibus gloriabatur, & scribens ad Colossenses, vult, vt illorum recordentur: *Memores*, inquit, *estote vinculorum meorum*. Plurimum iuuabit sæpe reuocare in mentem, quæ Paulus, & alij viri sancti perpeffi sunt in vinculis & carceribus. Ad hoc nos hortatur idem Chrysoftomus: *Deliciarum*, inquit, *concupiscentia prebenderis? Recordare carceris Pauli. In afflictionibus es? putas te derelictum esse? Memor esto vinculorum Pauli: considera squalorem Pauli in carcere.*

De consol.
ad Heluiã.

Verè de illis, & de aliis piissimis viris iniuste incarcerationis dicere possumus, quod Seneca de Socrate: [Carcerem, inquit, intrauit Socrates ignominiam ipsi loco detracturus: neque enim poterat carcer videri, in quo Socrates erat.] Ille quidem locus cæteris erat carcer, at non Socrati, quia vir erat sui temporis probus. Minus erant illi viri sancti in carcere, qui nullo coinquinabantur scelere: auferebant carceri ignominiam, qui nullam
mere

merebantur ignominiam. Mansit Ieremias in carcere, ait Scriptura, sed nullam infamiam contraxit ex carcere. Ab eodem Paulo adhuc spirante minarum multi Sanctorum fuerunt incarcerati, ut ipsemet fatetur; *Mult.* Philipp. 1. 10: *Sanctorum ego in carceribus inclusi.* Carceribus quidem includebantur, sed non à merito, & à gloria excludebantur. Carcer igitur tua cohonestabitur præsentia, si in te vera sit innocentia: non enim reputatur ille esse in carcere, qui nunquam meruit carcerem. Et sicut iusto non est lex posita, ita nec poena. Securè Petrus dormiebat in carcere, quia innoxius ingressus erat carcerem: non curabat, quòd catenis ligarentur manus, dummodo anima nulla ligaretur culpa; & quia hæc omnia pro Christo patienter ferebat, ideo Chrysostomus Petrum vinctum Angelo soluenti præferebat: sic enim loquitur. *Si mihi quispiam dixisset, elige virum velis: vis esse Angelus Petrum solvens, an Petrus vinctus? Petrus utique esse maluissem.* Maius hoc vinculorum donum est, quàm Solem sistere, aut mundum mouere, aut dominari dæmonibus, eosque expellere.

Hom. 8. in
Epist. ad
Ephes.

F Vide quid sit, sine noxa vinciri, & incarcerari. Vnde idem Chrysostomus sic de innocentia innocenti loquitur. *Gaude de innocentia, & exulta; gaude, inquam, quia ubique illa est, ubique secura. Si tentaris, proficis: si humiliaris, erigeris: si pugnas, vincis: si occideris, coronaris. Tu in seruitute libera es, in periculo tuta, in custodia lata.*

Chrysost in
quadam ho.
mil.

Si autem noxius & reus in carcerem

Qq 4 detru

detrudaris, compedibúsq; obstringaris, non propterea deficias animo; sed tantò patientiùs debes illud tolerare, quantò grauiùs memineris te peccasse. Sicut Sancti libenter sustinebant carceres, & alia tormenta, quibus illorum augebatur meritum: sic & tu patienter feras, quo tuum purgatur delictum. Et sicut illa ergastula, & vincula fuerunt Sanctis meritoria propter innocentiam: ita curandum est, vt fiant tibi satisfactoria per patientiam. Itaque tibi semper est ad Deum recurrendum, qui etiam hanc coactam inclusionem tibi accidere non permitteret, nisi in maiorem tuæ animæ utilitatem cederet. Fiat ista incarceration tuorum peccatorum purgatio. Qui potionem ad purgandum corpus sumit, necesse est includatur in cubiculo: ita ad animam purgandam plerumque necessaria est inclusio, siue illa sit voluntaria, siue coacta. Ideo illam patienter feras.

Pigr. lib. 11.

Noli esse vřso similis, qui si eò inciderit, vnde desperet posse euadere, semetipsum præ ira suffocat, vsque adeò se genitum ad libertatem putat. Idcirco per huiusmodi animal volunt nonnulli hominem intelligi, qui sibi mortem consciscit, ne in manus hostium incidat. At verò tibi salubrius erit patienter tolerare, quod nullo modo poteris euitare. Caue, ne tua impatientia ab vno damno in plura & grauiora corruas.

Dico iterum, aut ex delicto carcerem meruisti; aut iustus existens minimè deliquisti.

Si

Si detur primum, bonum est tibi, quodd in carcere luas pœnas, quæ tibi in inferno, aut Purgatorio grauius luendæ erant. Si secundum, laudem mereris: sicut Ioseph, de quo sic & Augustinus. *Non ita laudamus Ioseph, Auguſtin. cum frumentum distribuēbat, sicut cum carcerem habitabat.* Si visitantes incarceratum, regnum mereantur æternum, quantò magis carcerem habitantes, & patienter tolerantes? Dum enim quis visitat carceres, socios habet electos: at dum manet in carcere, socium habet eligentem, scilicet Christum, in iudicio exprobraturum & dicturum: *In carcere eram, & Matt 25. non visitastis me.*

Si qui autem sint, qui captiuitate premantur, recordentur multos fideles, multosque Sanctos fuisse captiuos, suamque captiuitatem patienter tulisse, & in ea nunquam pietatem deseruisse, atque ideo multa præclara gessisse. Propheta Ezechiel dum in Chaldæa cum populo Iudaico captiuaretur, vidit in medio captiuorum visiones Dei, Ezech. 8. multaque prophetauit. Similiter & Daniel in captiuitate Babylonica sanctissimè vixit, multaque prædixit. Isaias mittitur ad prædicandum captiuis: *Spiritus Domini misit me Isa. 6. predicare captiuis indulgentiam.* Plurimum commendatur Tobias, quodd in captiuitate positus Tob. 1. viam veritatis non deseruit.

Permittit interdum Deus, vt aliqui captiui efficiantur in hoc sæculo; vt discant peccati, ac inferni detestari captiuitatem, & cælestis patriæ amare libertatem. Phrygibus familiare fuisse legimus proprios vendere

Qq s filios,

filios, captiuosque aliquandiu relinquere, vt tandem redempti ad omnia aptiores essent. Cretenses etiam, & Lacones ingenuos filios seruilia munia subire cogebant, vt seruitutis recordatione, libertatem magis amarent.

Laërt. lib. 6. Diogenem Chencidæ seruientem volebant eius amici redimere; at ille: Nequaquam, inquit, an nescitis Leones non his seruire, à quibus aluntur; sed illos potius seruire Leonibus? nam Leo vbicumque est, semper Leo est. Valeat, quantum poterit, illa Ethnica responsio. Vellem ego, vt inde discas, te debere semper esse Christianum, etiamsi captiuus existas; nihil deseras ex his, quæ ad hominem Christianum pertinent. Tibi sanè inseruiunt, quibus cogaris inseruire: tibi, inquam, seruiunt, dum in te seruiunt, quia si huiusmodi captiuitas patienter feratur, proderit sine dubio ad libertatem æternæ patriæ comparandam. Itaque Christianus vbicumque sit, semper Christianus sit.

Ne doleas, quòd captiuus sis alicuius hominis; sed caueas, ne per peccatum captiuus fias dæmonis: satius enim est captiuari ab homine, quàm à dæmone. Hæc est sola deplenda captiuitas, & fugienda. Captiuetur corpus, dummodo liber sit animus. Erit autem liber, si fugiat peccatum; quia *qui facit peccatum, seruus est peccati*. Nec hoc latuit Tullium, cum dicat: [Liber est is æstimandus, qui nulli turpitudini seruit.] Reuera liber ille est, qui probus est; quod pluribus ratio

Sic 4. ad Eketen.

rationibus Philo contendit probare : nec in illum cadere potest captiuitas , in quem non cadit iniquitas. Caue igitur , ne captiuitati corporis iungatur captiuitas mentis : tunc enim verè esles captiuus , & à temporali captiuitate ad æternam migraturus esles , nisi pœnitentiam ageres.

Lib. quod
omnis pro-
bus liber.

Scito , te vbique Deo parere posse. [Deo autem parere libertas est ,] inquit Seneca. Si tibi hæc contingat libertas , non est quod de captiuitate doleas. Ezechieli in captiuitate existenti aperti sunt cæli , vt ipsemet testatur. Vnde constat , etiam captiuus cælos patère , si captiuitatem æquo animo patiantur. Et quoniam , teste eodem Seneca , [suspicere in cælum ex angulo licet ;] hoc saltem gaude , non quod cælum videas , sed quod ex illa captiuitate ad cælum conscendere valeas.

Lib. de beat.
vit.

Ezech. 4.

Epist. 32.

Ad exilio multatos.

C A P V T XXVIII.

A **V** T in exilio aliquod solamen inueniatur , considerandum est primò , hunc mundum iuxta Socratis sententiam esse communem omnium hominum patriam ; vnde Tullius ostendit quibus exilium durum est. [Exilium , inquit , terribile est his , quibus quasi conscriptus est habitandi locus ; non his , qui omnem terrarum orbem ,]

Parad. 4.

ynam

vnam urbem esse dicunt.] Sicut enim, si quis in propria ciuitate commorans domum aliam inhabitet, in qua natus non est, non propterea censebitur exul, & ridiculus esset, si ob id lugeret: ita aliam ciuitatem, aut patriam inhabitans, quàm in qua natus est, non reputabitur sapiens, imò vecors habebitur, si tristetur: nam, ipso etiam Democrito teste, quælibet terra homini sapienti est peruia, atque animæ forti vniuersus orbis patria est. Vnde

Democr.

Ouid. lib. 3.
de Ponto.

& Poëta:
*Omne solum forti patria est, ut piscibus aquor,
Et volucris vacuo quidquid in orbepates.*

Epist. 3.
tom. 5.

Diuus Chrysostomus, dum ab Eudoxia in exilium pelleretur, sic ad Cyriacum scripsit. *Ego cum e ciuitate fugarer, nihil horum curabam, sed dicebam intra memetipsum. Si vult me Regina exulem, agat in exilium: Domini est terra & plenitudo eius. Quasi dicat: quacunque vtatur authoritate, non poterit ipsa me expellere à terra, vel à dominio Domini Dei mei, quia quocunque in loco habitem, non me exulare credam: non Regina sum, sed Domini mei, ideo liber sum. Et secundum Senecam, [non exulare vnquam potest liber, & Deo cognatus.] Aliquando expellens magis exul est, quàm is qui expellitur.*

Lib. ad Al-
binam ma-
trim.

Inducit idem Seneca Marcellum ab Im-B. peratore in exilium relegatum secum sermocinantem, atque ad tolerandum æquo animo huiusmodi exilium, seipsum sic adhortantem. [Quod patria cares, non es miser: etenim ita te disciplinis imbuisti, ut scites omnem locum sapienti viro patriam esse.

Ibidem.

esse. Porro hic, qui te expulit, non ipse per annos decem continuos patria caruit? propagandi sine dubio Imperij causâ. Nunc ecce trahit illum ad se Africa resurgentis belli minis plena: trahit Hispania, quæ fractas & afflictas partes refouet: trahit Ægyptus infida: totus denique orbis, qui ad occasionem concussi Imperij intentus est. Cui primùm rei occurreret? cui parti se opponeret? Aget illum per omnes terras victoria sua.] Crede mihi, quos non putas exulare, magis sunt exules; & quos credis, minùs aliquando sunt. Si ille Marcellus exulabat, quia erat extra propriam patriam; exulabat etiam is, qui eum expulerat, qui aliquando etiam extra patriam morabatur. Sed neuter habebitur exul, si hæc terra communis omnium patria habeatur.

Audiamus & Diuum Basilium secum Orat. in eius laud. apud Gregorium Nazianzenum colloquentem. *Nullum, aiebat, exilium cognosco, qui nullo loco circumscriptus sum, ac neque terram hanc, quam nunc incolo, meam habeo; & eam omnem, in quam proiectus fuero, pro mea duco: imò, ut rectius loquar, uniuersam terram Dei esse scio, cuius aduena ego sum & peregrinus.* Cui congruit quod à Seneca dicitur: [Nullum inuenitur solum intra mundum, quod alienum De suo exil. ad marrem. homini sit.]

Interrogatus Hercules, Argivus, an Thebanus esset, respondit: *Haud unam curo iactare, tota Græcia mihi patria est.* At melius dixisset, si non tantùm Græciam, sed & totam terram patriam agnouisset: extra illam nullus Plutarch. ceteri

624 *Clypeus Patientia.*

nis volatiliū habitatio ; ita hominū tota terra : & sicut in aëre non exulant aues ; ita nec in terra homines. Non curant aues de nido in quo natæ sunt , & in quo implumes enutritæ sunt ; sic nec curare debent homines de domibus , de ciuitatibus , vbi nati & educati fuerunt : destruuntur niduli ; destruentur & terrenæ habitationes : sursum petunt volatilia ; sursum tendant & homines.

De suo
exil. ad ma-
trem.

Propterea , & præterea cogita , quòd in D quocunque loco sis , quacunque in terra , si ritè velis perpendere , iuuenies multos hinc ad cælum migrassè , quia vbique patet cæli aditus. Hoc agnouit Seneca : [Vndecunque , *inquiens* , ex æquo ad cælum erigitur acies.] Ideo cælestia , non terrena vbique cogitanda esse docet , cùm vbique pareant ; ait enim. [Angustus animus est , quem terrena delectant. Ad illa adducendus est , quæ vbique æquè parent , vbique æquè splendent.] Satis tibi sit , vbique posse ad cælum inuenire viam. Poterunt quidem homines te etiam inuitum natali solo , aut aliqua terræ parte eiicere , sed non patria cælesti. Vnde Basilius : *Patriōne solo exclusus es ? at patriam habes cælestem Ierusalem.*

Hom. 4 de
grat. act.

Apoc. 21.

1 lra.

Diuus Ioannes in exilio in Insula Pathmos , ad quam à Domitiano Imperatore fuerat relegatus , meruit videre cælestem illam Ierusalem. *Vidi* , inquit , *sanctam ciuitatem Ierusalem nouam descendentem de calo , à Deo paratam* , &c. Ex loco quadrato vidit ciuitatem quadratam : nam , teste Plinio , illa Insula est figuræ quadrangularis ; & ciuitas cælestis,

cælestis, secundum eundem Ioannem, *in Ibidem.*
quadro posita est, firmitatem significante illa fi-

gura: firmum in exilio firmam dicimus vi-

disse ciuitatem. Ad illam Insulam missum

fuisse hunc Apostolum ad effodienda me- *In cōment.*
 talla tradunt Primasius, Victorinus, & alij: *super Apoc.*

at non tam manibus terram, quàm spiritu

cælum effodit. Magis intendebat ad hauriën-

da secreta cælestia, quàm ad extrahenda me-

talla. Ex loco angusto amplitudinem cæli

contemplabatur: nec de exilio dolebat, qui

tantum de illa patria cogitabat: à Domitia-

no afflictabatur, & à Christo recreabatur;

ideo libenter patiebatur exilium, quia diui-

num experiebatur auxilium. Quid de illo

dicat Ambrosius Ansbertus, audiamus. *In In-* *Ambros.*
sulā Pathmos relegatus, metalloque damnatus, ubi *Ans.*

putabatur humana vinciri custodia, ibi metas hu-

manitatis transcendens, libero contuitu meruit vi-

dere diuina; & cui tunc certa terrarum spatia ve-

rita sunt adire, secreta concessa sunt penetrare; sic

sibi bene utens temporalibus malis, bonis perfrui-

tur sempiternis. Bene etiam tu utere exilio, ut

cælestem patriam merearis.

E Multos alios iuuisse exilium, terramque

alienam, legimus. Dion Syracusanus à Dio-

nylio Tyranno bonis omnibus spoliatus, eie-

ctusque patria, tantam exul pecuniæ vim ha-

buit, ut etiam exercitum conductitium alue-

rit, quocum in Siciliam rediens à Tyranno

ipsam liberauit.

Diogenes cuidam illi probro obiiicienti,

quod exularet à patria; Miser, inquit, istius

rei causâ philosophatus sum: siue quod exi-

R r lium

nis volatiliū habitatio ; ita hominū tota terra : & sicut in aëre non exulant aues ; ita nec in terra homines. Non curant aues de nido in quo natæ sunt , & in quo implumes enutritæ sunt ; sic nec curare debent homines de domibus , de ciuitatibus , vbi nati & educati fuerunt : destruuntur niduli ; destruentur & terrenæ habitationes : sursum petunt volatilia ; sursum tendant & homines.

De suo
exil. ad ma-
trem.

Propterea , & præterea cogita , quòd in D quocunque loco sis , quacunque in terra , si ritè velis perpendere , iuuenies multos hinc ad cælum migrassè , quia vbique patet cæli aditus. Hoc agnouit Seneca : [Vndecunque , *inquiens* , ex æquo ad cælum erigitur. acies.] Ideo cælestia , non terrena vbique cogitanda esse docet , cùm vbique pareant ; ait enim. [Angustus animus est , quem terrena delectant. Ad illa adducendus est , quæ vbique æquè parent , vbique æquè splendent.] Satis tibi sit , vbique posse ad cælum inuenire viam. Poterunt quidem homines te etiam inuitum natali solo , aut aliqua terræ parte eicere , sed non patria cælesti. Vnde Basilius : *Patriam solum exclusus es ? at patriam habes cælestem Ierusalem.*

Hom. 4 de
grat. act.

Apoc. 21.

1. 11.

Diuus Ioannes in exilio in Insula Pathmos , ad quam à Domitiano Imperatore fuerat relegatus , meruit videre cælestem illam Ierusalem. *Vidi* , inquit , *sanctam ciuitatem Ierusalem nouam descendentem de calo , à Deo paratam* , &c. Ex loco quadrato vidit ciuitatem quadratam : nam , teste Plinio , illa Insula est figuræ quadrangularis ; & ciuitas cælestis,

cælestis, secundum eundem Ioannem, *in* ^{ibidem.}

quadro posita est, firmitatem significante illa figura: firmum in exilio firmam dicimus vidisse ciuitatem. Ad illam Insulam missum

fuisse hunc Apostolum ad effodienda metalla tradunt Primasius, Victorinus, & alij:

*In cōment.
super Apoc.*

at non tam manibus terram, quam spiritu cælum effodit. Magis intendebat ad hauriēda secreta cælestia, quam ad extrahenda metalla.

Ex loco angusto amplitudinem cæli contemplabatur: nec de exilio dolebat, qui tantum de illa patria cogitabat: à Domitiano afflictabatur, & à Christo recreabatur;

ideo libenter patiebatur exilium, quia diuinum experiebatur auxilium. Quid de illo dicat Ambrosius Ansbertus, audiamus. *In In-*

*Ambros.
Ansbertus.*

sulā Pathmos relegatus, metalloque damnatus, ubi

putabatur humana vinciri custodia, ibi metas humanitatis transcendens, libero contuitu meruit videre diuina; & cui tunc certa terrarum spatia ve-

sita sunt adire, secreta concessa sunt penetrare; sic sibi bene vtens temporalibus malis, bonis perfruitur sempiternis.

Bene etiam tu vttere exilio, vt cælestem patriam merearis.

E Multos alios iuuisse exilium, terramque alienam, legimus. Dion Syracusanus à Dionysio Tyranno bonis omnibus spoliatus, eiectusque patria, tantam exul pecuniæ vim habuit, vt etiam exercitum conductitium aluerit, quocum in Siciliam rediens à Tyranno ipsam liberauit.

Diogenes cuidam illi probro obiicienti, quod exularet à patria; Miser, inquit, istius rei causâ philosophatus sum: siue quod ex-

R r lium

nis volatiliū habitatio ; ita hominū tota terra : & sicut in aëre non exulant aues ; ita nec in terra homines. Non curant aues de nido in quo natæ sunt , & in quo implumes enutritæ sunt ; sic nec curare debent homines de domibus , de ciuitatibus , vbi nati & educati fuerunt : destruuntur niduli ; destruentur & terrenæ habitationes : sursum petunt volatilia ; sursum tendant & homines.

De suo
exil. ad ma-
crem.

Propterea , & præterea cogita , quod in D quocunque loco sis , quacunque in terra , si ritè velis perpendere , iuuenies multos hinc ad cælum migrassè , quia vbique patet cæli aditus. Hoc agnouit Seneca : [Vndecunque , *inquiens* , ex æquo ad cælum erigitur acies.] Ideo cælestia , non terrena vbique cogitanda esse docet , cùm vbique pareant ; ait enim. [Angustus animus est , quem terrena delectant. Ad illa adducendus est , quæ vbique æquè parent , vbique æquè splendent.] Satis tibi sit , vbique posse ad cælum inuenire viam. Poterunt quidem homines te etiam inuitum natali solo , aut aliqua terræ parte eiicere , sed non patria cælesti. Vnde Basilius : *Patriône solo exclusus es ? at patriam habes caelestem Ierusalem.*

Hom. 4 de
grat. act.

Apoc. 21.

111a.

Diuus Ioannes in exilio in Insula Pathmos , ad quam à Domitiano Imperatore fuerat relegatus , meruit videre cælestem illam Ierusalem. *Vidi* , inquit , *sanctam ciuitatem Ierusalem nouam descendentem de calo , à Deo paratam* , &c. Ex loco quadrato vidit ciuitatem quadratam : nam , teste Plinio , illa Insula est figuræ quadrangularis ; & ciuitas cælestis,

cælestis, secundum eundem Ioannem, *in* ^{ibidem.}
quadro posita est, firmitatem significante illa fi-
 gura: firmum in exilio firmam dicimus vi-
 disse ciuitatem. Ad illam Insulam missum

fuisse hunc Apostolum ad effodienda me-
 talla tradunt Primasius, Victorinus, & alij: <sup>In cōment.
 super Apoc.</sup>

at non tam manibus terram, quàm spiritu
 cælum effodit. Magis intendebat ad hauriën-
 da secreta cælestia, quàm ad extrahenda me-
 talla. Ex loco angusto amplitudinem cæli
 contemplabatur: nec de exilio dolebat, qui
 tantum de illa patria cogitabat: à Domitia-
 no afflictabatur, & à Christo recreabatur;
 ideo libenter patiebatur exilium, quia diui-
 num experiebatur auxilium. Quid de illo

dicat Ambrosius Ansbertus, audiamus. *In In-* <sup>Ambros.
 Ansb.</sup>

sulâ Pathmos relegatus, metalloque damnatus, ubi
putabatur humana vinciri custodia, ibi metas hu-
manitatis transcendens, libero contuitu meruit vi-
dere diuina; & cui tunc certa terrarum spatia ve-
sita sunt adire, secreta concessa sunt penetrare; sic
sibi bene vtens temporalibus malis, bonis perfrui-
tur sempiternis. Bene etiam tu vttere exilio, vt
 cælestem patriam merearis.

E Multos alios iuuisse exilium, terramque
 alienam, legimus. Dion Syracusanus à Dio-
 nylio Tyranno bonis omnibus spoliatus, eie-
 ctusque patria, tantam exul pecuniæ vim ha-
 buit, vt etiam exercitum conductitium alue-
 rit, quocum in Siciliam rediens à Tyranno
 ipsam liberauit.

Diogenes cuidam illi probro obiicienti,
 quod exularet à patria; Miser, inquit, istius
 rei causâ philosophatus sum: siue quod exi-

R r lium

nis volatiliū habitatio ; ita hominū tota terra : & sicut in aëre non exulant aues ; ita nec in terra homines. Non curant aues de nido in quo natæ sunt , & in quo implumes enutritæ sunt ; sic nec curare debent homines de domibus , de ciuitatibus , ubi nati & educati fuerunt : destruuntur niduli ; destruentur & terrenæ habitationes : sursum petunt volatilia ; sursum tendant & homines.

De suo
exil. ad ma-
crem.

Propterea , & præterea cogita , quòd in D
quocunque loco sis , quacunque in terra , si
ritè velis perpendere , iuuenies multos hinc
ad cælum migrassè , quia vbique patet cæli
aditus. Hoc agnouit Seneca : [Vndecunque ,
inquiens , ex æquo ad cælum erigitur acies.]
Ideo cælestia , non terrena vbique cogitanda
esse docet , cùm vbique pareant ; ait enim.
[Angustus animus est , quem terrena de-
lectant. Ad illa adducendus est , quæ vbique
æquè parent , vbique æquè splendent.] Satis
tibi sit , vbique posse ad cælum inuenire
viam. Poterunt quidem homines te etiam in-
uitum natali solo , aut aliqua terræ parte ei-
cere , sed non patria cælesti. Vnde Basilius : *Pa-
triône solo exclusus es ? at patriam habes cælestem
Ierusalem.*

Hom. 4 de
grat. act.

Apoc. 22.

3 lin.

Diuus Ioannes in exilio in Insula Path-
mos , ad quam à Domitiano Imperatore fue-
rat relegatus , meruit videre cælestem illam
Ierusalem. *Vidi* , inquit , *sanctam ciuitatem
Ierusalem nouam descendentem de celo , à Deo
paratam* , &c. Ex loco quadrato vidit ciui-
tatem quadratam : nam , teste Plinio , illa
Insula est figuræ quadrangularis ; & ciuitas
cælestis,

cælestis, secundum eundem Ioannem, ^{in ibidem,}
quadro posita est, firmitatem significante illa fi-
 gura: firmum in exilio firmam dicimus vi-
 disse ciuitatem. Ad illam Insulam missum
 fuisse hunc Apostolum ad effodienda me-
 talla tradunt Primasius, Victorinus, & alij: ^{In cōment. super Apoc.}
 at non tam manibus terram, quàm spiritu
 cælum effodit. Magis intendebat ad haurièn-
 da secreta cælestia, quàm ad extrahenda me-
 talla. Ex loco angusto amplitudinem cæli
 contemplabatur: nec de exilio dolebat, qui
 tantum de illa patria cogitabat: à Domitia-
 no afflictabatur, & à Christo recreabatur;
 ideo libenter patiebatur exilium, quia diui-
 num experiebatur auxilium. Quid de illo
 dicat Ambrosius Ansbertus, audiamus. ^{Ambros. Ans.}
In Insulâ Pathmos relegatus, metalloque damnatus, ubi
putabatur humana vinciri custodia, ibi metas hu-
manitatis transcendens, libero contuitu meruit vi-
dere diuina; & cui tunc certa terrarum spatia ve-
rita sunt adire, secreta concessa sunt penetrare; sic
sibi bene utens temporalibus malis, bonis perfrui-
tur sempiternis. Bene etiam tu vtere exilio, vt
 cælestem patriam merearis.

E Multos alios iuuisse exilium, terramque
 alienam, legimus. Dion Syracusanus à Dio-
 nyfio Tyranno bonis omnibus spoliatus, eie-
 ctusque patria, tantam exul pecuniæ vim ha-
 buit, vt etiam exercitum conductitium alue-
 rit, quocum in Siciliam rediens à Tyranno
 ipsam liberauit.

Diogenes cuidam illi probro obiicienti,
 quòd exularet à patria; Miser, inquit, istius
 rei causâ philosophatus sum: siue quòd exi-

R r lium

vnam urbem esse dicunt.] Sicut enim, si quis in propria ciuitate commorans domum aliam inhabitet, in qua natus non est, non propterea censebitur exul, & ridiculus esset, si ob id lugeret: ita aliam ciuitatem, aut patriam inhabitans, quàm in qua natus est, non reputabitur sapiens, imò vecors habebitur, si tristetur: nam, ipso etiam Democrito teste, quælibet terra homini sapienti est peruia, atque animæ forti vniuersus orbis patria est. Vnde

Democr.

Ouid. lib. 3.
de Ponto.

& Poëta:

*Omne solum forti patria est, ut piscibus aquor,
Et volucris vacuo quidquid in orbepatet.*

Epist. 3.
tom. 5.

Diuus Chrysostomus, dum ab Eudoxia in exilium pelleretur, sic ad Cyriacum scripsit. *Ego cum e ciuitate fugarer, nihil horum curabam, sed dicebam intra memetipsum. Si vult me Regina exulem, agat in exilium: Domini est terra & plenitudo eius. Quasi dicat: quacunque vtatur authoritate, non poterit ipsa me expellere à terra, vel à dominio Domini Dei mei, quia quocunque in loco habitem, non me exulare credam: non Regina sum, sed Domini mei, ideo liber sum. Et secundum Senecam, [non exulare vnquam potest liber, & Deo cognatus.] Aliquando expellens magis exul est, quàm is qui expellitur.*

Lib. ad Al-
binam ma-
nem.

Ibidem.

Inducit idem Seneca Marcellum ab Imperatore in exilium relegatum secum sermocinantem, atque ad tolerandum æquo animo huiusmodi exilium, seipsum sic adhortantem. [Quod patria cares, non es miser: etenim ita te disciplinis imbuisti, ut scites omnem locum sapienti viro patriam esse.

esse. Porro hic, qui te expulit, non ipse per annos decem continuos patria caruit? propagandi sine dubio Imperij causâ. Nunc ecce trahit illum ad se Africa resurgentis belli minis plena: trahit Hispania, quæ fractas & afflictas partes refouet: trahit Ægyptus infida: totus denique orbis, qui ad occasionem concussi Imperij intentus est. Cui primùm rei occurreret? cui partì se opponeret? Aget illum per omnes terras victoria sua.] Crede mihi, quos non putas exulare, magis sunt exules; & quos credis, minùs aliquando sunt. Si ille Marcellus exulabat, quia erat extra propriam patriam; exulabat etiam is, qui eum expulerat, qui aliquando etiam extra patriam morabatur. Sed neuter habebitur exul, si hæc terra communis omnium patria habeatur.

Audiamus & Diuum Basilium secum apud Gregorium Nazianzenum colloquentem. *Nullum, aiebat, exilium cognosco, qui nullo loco circumscriptus sum, ac neque terram hanc, quam nunc incolò, meam habeo; & eam omnem, in quam proiectus fuero, pro mea duco: imò, ut rectius loquar, uniuersam terram Dei esse scio, cuius aduena ego sum & peregrinus.* Cui congruit quod à Seneca dicitur: [Nullum inuenitur solum intra mundum, quod alienum homini sit.]

Orat. in eius laud.

De suo exil. ad matrem.

Interrogatus Hercules, Argivus, an Thebanus esset, respondit: *Haud unam curo iactare, tota Græcia mihi patria est.* At meliùs dixisset, si non tantum Græciam, sed & totam terram patriam agnouisset: extra illam nullus

Plutarch.

citci

Lib. de re
med. fort.

eiici potest : in illa , qui sapiens est , peregrinatur ; qui verò stultus , exulat. Audi eundem Senecam. [Patriam meam transire non possum , omnium vna est , extra hanc nemo eiici potest. Non patria mihi interdicitur , sed locus : in quamcumque terram venio , in meam venio , nulla exilium est. Patria est , ubicumque bene est. Illud autem , per quod bene est , in homine , non in loco est. Si enim sapiens est , peregrinatur : si stultus , exulat.] Interdum nos , quasi formicæ , vel apes , si ex vna cauerna , aut alueari exciderimus , hospites , externique nobis esse videmur. Quod idcirco fit , quia omnia propria & familiaria , vt certè sunt , facere ignoramus. Cum igitur hic mundus omnibus communis sit , omnibus patria est : & sic nullus in eo exulat. Habeas semper in mente hoc eiusdem Senecæ dictærum : [Patriam tuam mundum existima ,] vt nullibi te exulem existimes ; vel cum

In epigram. Beato Prospero dic:

De vit.
beat.

*Non mutuo exilium , mundus domus omnibus
vna est.*

At. dices : proprium natale solum adeò dulce est , vt sua dulcedine cunctos attrahat , unde Poëta ;

Quid. i. de
Ponto.

*Nescio qua natale solum dulcedine cunctos
Ducit , & immemores non finit esse sui.*

Hoc poterit esse verum in his , qui nisi in angulo viuere nequeunt ; vel in his , qui nimis delicatè , & pueriliter viuunt , quibus dulcis est patria ; non autem in his , qui fortiter se gerunt , vel qui ita perfectè viuunt , vt ipse mundus sit illis exilium , qui aliàs viro

viro forti patria erat. Audiatur Hugo de Sancto Victore. *Delicatus*, inquit, *adhuc ille est, cui patria dulcis est: fortis autem iam, cui omne solum patria est; perfectus verò, cui mundus exilium est.* Itaque, si mundus, ut iam diximus, communis patria est, nullus erit exul: si verò commune exilium sit, ut volunt aliqui, & colligitur ex eo; *Ad te clamamus exules filij Ene*, certè omnes erimus exules. Nullus ergo conqueratur de eo, quod omnibus commune est. Nam, ut optimè adnotat Tullius; [si abesse à patria miserum est, plenæ miserrum sunt prouinciæ, ex quibus admodum pauci in patriam reuertuntur.]

Lib. 2. cap. 2. didasc.

Orat. ad Virginem.

S. Tuscul.

Ex Apostolo; *Non habemus hic manentem ciuitatem, sed futuram inquirimus.* Si nullam in hoc mundo habeamus ciuitatem, nulla poterimus ciuitate eiici. Inquirenda est futura, quæ cælestis est, & in æternum permanens; in illam tendamus, & in ea sit cum eodem Apostolo conuersatio nostra; terrenæ autem ciuitates, ædes omnes; cunctaque loca in quibus moramur, sint nobis sicut auibus nidi sui, in quibus aliquandiu habitant, sed tandem illis relictis volitant per aëra, nec de nido ampliùs curant, nec cogitant. Vide quid de his nostris habitationibus dicat Chrysostomus. *Nidus est præsentis vite ex festucis & luto coagmentatus: licet mihi magnas ædes ostendas, siue regias ipsas auro multo fulgentes, & gemmis, nihil ab hirundinum nido differre censebo, hyeme quidem instante corruent.* Vult Christus, ut respiciamus volatilia cæli; *Respicite*, inquit, *volatilia cæli.* Et dic: sicut totus aër est communis

Hebr. 13.

Hom. 50. ad Popul.

Matth. 16.

nis volatiliū habitatio ; ita hominū tota terra : & sicut in aëre non exulant aues ; ita nec in terra homines. Non curant aues de nido in quo natæ sunt , & in quo implumes enutritæ sunt ; sic nec curare debent homines de domibus , de ciuitatibus , vbi nati & educati fuerunt : destruuntur niduli ; destruentur & terrenæ habitationes : sursum petunt volatilia ; sursum tendant & homines.

De suo
exil. ad ma-
trem.

Propterea , & præterea cogita , quòd in D quocunque loco sis , quacunque in terra , si ritè velis perpendere , iuuenies multos hinc ad cælum migrassè , quia vbique patet cæli aditus. Hoc agnouit Seneca : [Vndecunque , *inquiens* , ex æquo ad cælum erigitur acies.] Ideo cælestia , non terrena vbique cogitanda esse docet , cùm vbique pareant ; ait enim. [Angustus animus est , quem terrena delectant. Ad illa adducendus est , quæ vbique æquè parent , vbique æquè splendent.] Satis tibi sit , vbique posse ad cælum inuenire viam. Poterunt quidem homines te etiam inuitum natali solo , aut aliqua terræ parte eiecere , sed non patria cælesti. Vnde Basiliius : *Patriône solo exclusus es ? at patriam habes caelestem Ierusalem.*

Hom. 4 de
grat. aſt.

Apoc. 21.

1 In.

Diuus Ioannes in exilio in Insula Pathmos , ad quam à Domitiano Imperatore fuerat relegatus , meruit videre cælestem illam Ierusalem. *Vidi* , inquit , *sanctam ciuitatem Ierusalem nouam descendentem de celo , à Deo paratam* , &c. Ex loco quadrato vidit ciuitatem quadratam : nam , teste Plinio , illa Insula est figuræ quadrangularis ; & ciuitas cælestis,

cælestis, secundum eundem Ioannem, *in* ^{ibidem,}
quadro posita est, firmitatem significante illa fi-
 gura: firmum in exilio firmam dicimus vi-
 disse ciuitatem. Ad illam Insulam missum
 fuisse hunc Apostolum ad effodienda me-
 talla tradunt Primasius, Victorinus, & alij: ^{In cōment. super Apoc.}
 at non tam manibus terram, quàm spiritu
 cælum effodit. Magis intendebat ad haurièn-
 da secreta cælestia, quàm ad extrahenda me-
 talla. Ex loco angusto amplitudinem cæli
 contemplabatur: nec de exilio dolebat, qui
 tantum de illa patria cogitabat: à Domitia-
 no afflictabatur, & à Christo recreabatur;
 ideo libenter patiebatur exilium, quia diui-
 num experiebatur auxilium. Quid de illo
 dicat Ambrosius Ansbertus, audiamus. ^{Ambros. Ansb.}
In Insulâ Patmos relegatus, metalloque damnatus, ubi
putabatur humana vinciri custodia, ibi metas hu-
manitatis transcendens, libero contuitu meruit vi-
dere diuina; & cui tunc certa terrarum spatia ve-
rita sunt adire, secreta concessa sunt penetrare; sic
sibi bene utens temporalibus malis, bonis perfrui-
tur sempiternis. Bene etiam tu vtere exilio, vt
 cælestem patriam merearis.

E Multos alios iuuisse exilium, terramque
 alienam, legimus. Dion Syracusanus à Dio-
 nysio Tyranno bonis omnibus spoliatus, eie-
 ctusque patria, tantam exul pecuniæ vim ha-
 buit, vt etiam exercitum conductitium alue-
 rit, quocum in Siciliam rediens à Tyranno
 ipsam liberauit.

Diogenes cuidam illi probro obiicienti,
 quod exularet à patria; Miser, inquit, istius
 rei causâ philosophatus sum: siue quod exi-

R r lium

lium compulisset Diogenem ad philosophandum, siue quòd idèd didicisset philosophiam, vt exilium, similèsq; casus æquo animo perpeti posset.

Vlysses quouis exule miserior, solus, nudus, & naufragus, vbi ad Phæacæ homines ignotos peruenit, in terra aliena non modò rebus ad victum necessariis facilè abundauit, sed etiam pecunias sibi multas consequutus est. Pallas Strozza Florentia pulsus, Paduæ ita vixit, vt exilium ad otium literarum conuertisse videretur. Interdum etiam è morbis diuturnis, dum exulant, soluuntur homines, vt Spartiaticus ille Lacedæmonius, qui diu latere laborans, exilij beneficio, vbi desit delicatè viuere, desit etiam valetudinarius esse.

Porro, si tecum virtutem, & probitatem afferas, minimè exulare poteris. Anaxandridas Leontis filius, cuidam acerbè ferenti, quòd ab vrbe exulare cogeretur: Ne, inquit, vir optime, exhorrescas à ciuitate exulare; sed à iustitia exulare horrendum est. Sentiebat eos non esse miseros, quibus accidisset calamitas; sed eos verè deplorandos, qui sua sponte discesserunt ab honesto, etiamsi nulla sequatur calamitas. Sic reuera illos tantùm dicimus exules, qui quamuis sint in patria, tamen suis iniquitatibus longè sunt à diuina gratia, quam si quis habeat, non exulat. Brutus, teste Seneca, hoc satis putabat, quòd in exilium euntibus liceret suas secum ferre virtutes: illæ enim sunt, quibus se consolatur exulem. Absq; virtutibus quisque est exul, cū virtutibus nullus.

Consi

Considerandi insuper sunt illi, qui forti animo exilium pertulerunt. Thucydides Atheniensis historicus à suis in exilium missus, fortunam illam æquo animo tulit, neq; vnquam flere, aut queri visus est, neque Braxidam exilij authorem scriptis suis carpere. Ovidius non tantum fortiter tulit exilium, sed multa in eo scripsit. Maluit Metellus patienter exilium subire, quam impatienter Saturnini Tribuni plebis iniquissimas leges ferre.

F Refert Seneca, Brutum vidisse Mitylenis Marcellum exulantem, atque adeo eius patientiam, animique constantiam fuisse admiratum, ut diceret, visum sibi se magis in exilium ire, qui sine illo rediturus esset, quam illum in exilio relinqui: vnde sic scribit Seneca. [Quantus vir ille fuit, qui effecit, ut aliquis exul sibi videretur, quod ab exule recedebat?] Bene ergo exilium tulit Marcellus, nec quidquam in animo eius mutauit loci commutatio.

Anaxagoras Clazomenius, cum ab Atheniensibus esset exilio damnatus, cuidam dicenti; priuatus es Atheniensibus: imò illi, inquit, me. Sentiens Atheniensibus magis opus esse Anaxagora, quam contrà. Rutilius vir summæ innocentiae in exilium mittitur; postea redeundi potestate facta, respondit illud Senecæ: [Malo ut patria meo exilio erubescat, quam reditu morreat.]

Oppianus Poëta Seueri Principis iussu in exilium actus in Melitam insulam, ita patienter tulit, ut etiam ibi poëma de pisci-

In cōment.
super Exec.

bus scripserit, cuius aliquando meminit Diuus Hieronymus. Illi Ethnica constantia libenter exilium pertulerunt, & tu non poteris Christiana?

Sigebert. in
Chron.

Boëtius insignis Philosophus à Theoderico Rege in exilium iniuste missus est, ibique librum de consolatione Philosophiæ edidit, quo se, & alios simili casu affectos plurimum consolatur. Fulgentius Episcopus sanctitate, scientia, & facundia præclarus, multa ab Arrianis pro vera fide perpeffus, diutino in Sardinia exilio à Thrasimundo Vandalorum Rege maceratur. Pontius Diaconus, ut author est Hieronymus, missus una cum Cypriano in exilium, egregium volumen de vita & martyrio Cypriani scripsit. Qui omnes patienter suum tulerunt exilium: quare non tu?

Lib. de consol.
ad Helviam. c. 6.

Denique, vel iure, vel iniuria exulas. Si iure, non debes quod iustum est, vel quod iuste fit, molestè ferre: imò iudici te expellenti easdem teneris referre gratias, quales ægrotus Medico mutationem aëris ipsi consulenti, cum, secundum Senecam, nihil aliud sit exilium, quam loci commutatio. Sicut enim aliquando necessaria est ægrotanti mutatio loci, ne fiat recidivus: ita & delinquenti. Sæpe in eadem crimina laberemur, si in eisdem locis moraremur; sed mutato loco, peccandi evitatur occasio. Si turberis, quod exul vociteris, scito te habere potius nomen calamitosum, quam turpe. [Quid enim exul? ait Cicero, ipsum per se nomen calamitatis, non turpitudinis.] Calamitati autem omnes sunt

Cic. pro domo sua.

sunt

sunt obnoxij, tam in proprio solo, quàm in alieno.

Noli tua impatientia fieri Pilato similis, qui propter iniustam ab eo latam in Christum sententiam, à Caio Imperatore iustè in Galliam relegatus, maluit seipsum interimere, quàm sui exilij incommoda tolerare, de ipso sic scribit Ado Vienenſis; *Tantis ibi* In Chron.
irrogante Caio languoribus coarctatus est, ut sua se transuerberans manus, multorum malorum compendium mortis celeritate quaſerit. Si hoc ita sit, Imperatoris sententia à terrena tantùm exulabat patria: at sua impatientia exulauit à cælo. Certum est, quòd si pœnam patienter tulisset, culpamque suam, vť decet, agnouisset, Christus, quem iniustè damnauerat, libenter ignouisset. Caueat vnusquisque, ne sua impatientia ab vno exilio ad aliud transſeat, à temporali scilicet ad æternum.

Si autem iniuria exules, exulta, cùm non habeas quo erubescas. Ideo Basilius, Chrysostomus, Hilarius, & alij quamplurimi non timuerunt, imò patienter tulerunt exilium, quia nullum viderant se pàtrasse flagitium. Si cum illis innocens sis, fac vt cum illis patiens sis. Syluerius Papà iniustè à Theodora Augusta in Insulam Pontiam relegatus, sic ad Amatorem Episcopum scribebat. *Sustentor pane tribulationis, & aqua angustia; non tamen dimisi, aut dimitto officium meum.* O beatum exilium, propter quod non dimittitur officium, quo acquiritur martyrium, & à quo peruenitũr ad præmium! Effice igitur, vt tuo exilio cælestem patriam

Plat. in vit.
Pont.

promerearis , à qua dumtaxat exulare pertimescas ; & à qua fortè aliquando exulares , nisi modò exulares.

De patientia habenda in morte filiorum , fratrum , parentum , aut amicorum.

C A P V T XXIX.

Senec. epist.
100.



Hebr. 9.

Genes. 3.

NULLVS immoderatè dolebit A in morte parentum , aut charorum suorum , si in primis diligenter attendat, quòd, cui nasci contingit, mori restat. Quod ita certum est, vt post esum ligni veriti, fixo , immobili, ac indispensabili decreto Dei *statutum sit hominibus semel mori.* Idque iustissimè : nam qui Adamo, & in eo omnibus & singulis hominibus dixerat ; *Nequaquam moriemini*, debuit omnium & singulorum morte mendax , fallaxque apparere. Itaque videtur vnusquisque nostrum hæc moriendo dicere ; *Mentiris dæmon.* Asseuerabas me non moriturum , nunc autem constat te mendaciter loquutum. *Tellement qu'en la mort d'un chacun de nous , Satan reçoit un dementy.* Patienter igitur quisque ferat & propriam , & suorum mortem , gaudeatque per illam dæmonem manifestari mendacem : Deum autem veracem , qui hominem post patratum peccatum moriendi necessitate ita adstrin

adstrinxit, vt peccanti, ait Gregorius, *in paradiso homini iratus, semel de mortalitate carnis nostra sententiam fixerit, qua nunc, & vsque ad ultimum mutari nullo modo valebit.* Hinc meritò David; *Quis est homo, inquit, qui viuet, & non videbit mortem?* Lib. II. mor. cap. 23. Psal. 89.

1. Est igitur considerandum, ab hac moriendi necessitate nullum hominem, quantumvis sanctum, pium, perfectum, potentem, fortem, aliisve donis præditum, esse exceptum, imò nihil in rerum natura certius esse morte vniuscuiusque. Audi Senecam: [Eò ibis, quò omnia erunt. Quid tibi nouum est? ad hanc legem natus es: hoc patri tuo accidit, hoc matri, hoc maioribus, hoc omnibus ante te, hoc omnibus post te.] Nemini, cuiuscunque sortis sit, parceret Deus, quominus moriatur. Vnicuique nostrum illud dici potest; *Heri venisti, & hodie compelleris egredi.* Epist. 77. 2. Reg. 15. Hodie in vitam intramus, & paulò post compellimur exire. Stultum est timere, quod vitari non potest. Mortem nulla diligentia euitat, nulla fœlicitas domat, nulla potentia euincit. Mors omnes æquè vocat. Cogitemus nos tamquam ad mortem proditos esse, & sumus. Omnes, inquam, referuamur ad mortem. [Morieis, inquit Seneca, nec primus, nec vltimus. Multi me antecesserunt, omnes sequentur. Morieris; hic est humani officij finis. Ad hanc conditionem cuncta gignuntur.] Hoc autem ita certum est, vt, teste Augustino, nihil in hoc mundo certum sit præter mortem. *Quid, inquit, in hac terra certum est, nisi mors? Pec-* In excer. In Psal. 38.

cator es? quid sis hodie, scis, quid sis crastino, nescis. Speras pecuniam? incertum est, an proveniat. Speras uxorem? incertum est, an accipias. Speras filios? incertum est, an nascantur. Nati sunt? incertum est, an vivant. Vivunt? incertum est, proficiant, an deficiant. Quocumque te vertaris, incerta omnia, certa mors. Natus es? certum est quod morieris: & in hoc ipso, quia mors certa est, dies mortis incertus est. Hæc cum ita sint, pro mortis hora non laboremus, sed ad certum, nempe ad mortem nos præparemus. Rursus; cum certa sit mors, & hora eius incerta, non doleamus quod certum est, sed ei inuigilemus, quod incertum est.

Qui itaque non potest propriam vitare B mortem, quomodo filiorum, parentum, & aliorum? Quid iuvat dolere, si nihil dolendo proficias? Noli de eo conqueri, quod vni accidit, & quod tibi, omnibusque restat. Quando tibi moritur filius, aut amicus, non amittitur, sed præmittitur: illum sequeris, quem præeuntem vidisti. [Quid autem dementius, ait Seneca, quam cum idem tibi iter emendandum sit, flere eum, qui antecessit?] Tertullianus quoque id ipsum sentit, inuehiturque in eum, qui sequens antecedentem luget. *Profectio est*, inquit, *quam putas mortem. Non est lugendus, qui antecedit, sed planè desiderandus: id quoque desiderium patientia temperandum. Cur enim immoderate feras obiisse, quem mox subsequeris?*

Epiſt. 100.

Lib. de patient. c. 9.

2. Nullus præterea mortem propriam, aut suorum extimescet, imò illa adueniente gaudebit, si cogitauerit à quantis malis, quantisque

tiſque incommodis homines mortis beneficio eripiantur. Scitum eſt enim illud Eccleſiaſtici : *Occupatio magna creata eſt omnibus hominibus, & iugum graue ſuper filios Adam, à die exitus de ventre matris eorum, uſque in diem ſepulture, in matrem omnium.* Quid aliud in mundo, quàm pugna aduerſus diabolum quotidie geritur? quàm aduerſus iacula eius, & tela conſtitationibus aſſiduis dimicatur? Nam cum auaritia, cum ira, cum ambitione congreſſio eſt, cum carnalibus vitiis, cum illecebris ſæcularibus aſſidua & moleſta luctatio eſt. Si auaritia proſtrata eſt, exurgit libido: ſi libido compreſſa eſt, ſuccedit ambitio: ſi ambitio contempta eſt, ira exaſperat, inflat ſuperbia, vinolentia inuitat, inuidia concordiam rumpit. His conſideratis, miratur Cyprianus, quòd delectet inter iſtos diabolicos gladios diu viuere. *Tot perſecutiones, inquit, animus quotidie patitur, tot periculis pectus urgetur, & delectat hic inter Zabuli gladios diu ſtare?*

Eccleſi. 40.

Serm. 4. de mortal.

C Multis repletur homo miſeriis, multis & multiplicibus, inquam, miſeriis corporis, miſeriis cordis, miſeriis dum dormit, miſeriis dum vigilat, miſeriis quocumque ſe vertit. Quantis morbis aſſictatur? quantis iniuriis aſſicitur? quantis perſecutionibus, quantisque premitur laboribus? Quàm ſæpe ſiti, fame, frigore, ac inopia vexatur? Exclamet itaque Publius; [Heu, quàm multa incurrunt pœnitenda viuendo diu!] Hac ratione Diuus Ambroſius vocat mortem bonum alleuamentum: & Seneca illam com-

Pub. Miſſ. de bono mortis. c. 2.

Ad Marciam

R r s mendat

mendat tamquam omnium dolorum solutionem, ac optimum naturæ inuentum. Hæc enim seruitutem domino inuito remittit: hæc captiuorum catenas leuat: hæc è carcere educit, quos exire imperium impotens vetuerat. Non sunt igitur lugendi, quibus tam graue excutitur iugum, quibus tanta cessant incommoda, & quibus tam bonum accidit alleuamentum. Omnibus laborantibus dulcis est finis: viatori placet hospitium & mansio: iucundum est agricolæ tempus messis: gaudet mercenarius completo anno: lætantur nauigantes ad optatum portum appellentes. Sic grata sit omnibus mors, cum omnium sit solutio dolorum, ac communis, ad quem omnes tendimus, portus, qui tantò tibi debet esse gratior, quantò ad ipsum citiùs appuleris. Vnde idem Seneca: [Si quis in mortem ante primos annos delatus est, non magis conqueri debet, quàm qui citò nauigauit.] Quòd autem sit omnibus portus, testatur idem his verbis: [In hoc tam procelloso, & in omnes tempestates exposito mari nauigantibus, nullus portus nisi mortis est.]

-Epist. 71.

Lib. de con-
sol. c. 28.

3. Cogita insuper tantam esse somni & D mortis affinitatem, vt tam apud sacros, quàm prophanos, mors somnus, mortui verò dormientes vocitentur. Iob dormientem se fate-retur cum Regibus & consulibus terræ, si in vulua, aut statim egressus ex vtero mortuus fuisset, quod libenter optauerat. *Quare, inquit, non in vulua mortuus sum? &c. Nunc enim dormiens silebam, & somno meo requiescerem cum Regi*

Iob. 3.

Regibus & consulibus terra. De mortuo Lazaro

sic Christus; *Lazarus amicus noster dormit.* Ioan. 11.

Apostolus eos qui mortem obierunt, dor-

mientes appellat: *Nolumus, inquit, vos ignorare* 1. Thess. 4.

de dormientibus, ut non contristemini, &c. Diuus

Hieronymus ad Theodoram scribens, sic ait:

In Christianis non est mors, sed dormitio & som- Epist. ad
Theod. 5.
nus appellatur. Diuus quoque Chrysostomus
Hom. 21. ad
pop.

vocat mortem, *dormitionem temporariam.*

Quare loca, in quibus Christiani sepeliebantur,

religionis nostræ primarij cœmeteria,

quasi dormitoria appellarunt: nam κοιμῶν

idem est quod dormio, à quo κοιμητήρια, id

est, *dormitoria.* Vnde authore Athenæo, do- Lib. 4 c. 3.

mus in qua hospites dormire solent, à Cre-

tensibus cœmeterium vocatur. Mortem esse

veluti somnum agnouerunt etiam Ethnici.

[Morti, ait Cicero, nihil est tam simile, quàm De Senect.
Ad Lucil.
Epist. 12.

somnus.] Seneca se, & omnes morituros sic

inuitat, & hortatur: [In somnum ituri læti,

hilarésque dicamus;

Vixi, & quem dederat cursum fortuna, peregi.]

Est somnus mors quædam breuior; mors ve-

rò somnus longior. Dicat ergo Poëta; Ouid lib. 2.
eleg.

Stulte, quid est somnus, gelida nisi mortis imago?

Longa quiescendi tempora fata dabunt.

H Itaque, sicut non sunt lugendi, qui som-

num, vel cibum capiunt; ita nec qui mortem

obeunt: & ita ridiculus est, qui luget mo-

rientem, ac si defleret dormientem, aut

comedentem, & bibentem. Audi Chrysosto- Hom. 5. ad
pop.

inum: *Quid tandem est mors? somnus consueto*

longior. Itaque si mortem times, time & somnum:

si propter morientes angeris, & propter come-

dentes,

dentes, & bibentes angere : sicut enim hoc naturale est, sic & illud.

4. Considera insuper, quòd si plus æquo E indulgeas luctui in obitu tuorum, iacturam quodammodo facis fidei in Christum, & spei; cùm Apostolus dicat non esse contristandum de dormientibus, instar Gentilium, qui spem non habent : non enim sunt lugendi, qui sunt resurrecturi. Sit consolatio Christianorum, resurrectio mortuorum. Vnde Tertullianus. *Ne illa quidem impatientia species excusatur in amissione nostrorum, ubi aliqua doloris patrocinauit assertio. Proponendus est enim respectus denunciationis Apostoli, qui ait : Ne contristemini dormitione cuiusquam, sicut nationes, quæ spe carent. Et meritis credentes enim resurrectionem Christi, nostram quoque credimus, propter quos ille & obiit & resurrexit. Ergo cùm constet de resurrectione mortuorum, vacat dolor mortis, vacat & impatientia doloris.* Non decet igitur te lugere mortuum, quem credis resurrecturum, atque ita iterum visurum.

5. Præterea, nihil penitus, aut saltem moderatè dolebis in morte tuorum, si cogitaueris Dei voluntate & prouidentia id fieri, quod non solum est iustissimum, sed etiam quod est consultissimum, & optimum : licet in iuuenili ætate, imò in finali impœnitentia ex hac vita migrauerint; quia Deus æquè est sapiens, & bonus, & iustus. Conqueritur Seneca, quia [obiurgamus quotidie fatum; quare ille in medio cursus raptus est?] Ad hoc respondet Sapiens : *Raptus est,*
ne ma

Lib. de patient.

Epist. 94.

Rap. 4.

ne malitia mutaret intellectum eius, aut ne fictio deciperet animam illius, &c. placita enim erat Deo anima illius; propter hoc properavit educere illum de medio iniquitatum. In quæ verba Beatus Cyprianus sic scribit; *Per Salomonem do-* De mortal,
cet Spiritus sanctus, qui Deo placeant, maturius hinc eximi, & citius liberari, ne dum in isto mundo diutius immorantur, mundi contractibus polluantur. Quid igitur quereris, quodd filius, frater, cognatus, aut amicus tuus immatura morte raptus fuerit? Placuit Deo hinc illum citius abducere, cuius anima erat ei placita: fortè non placuisset, si diutius vixisset; [quoniam, ait Seneca, mora non fit beatior vita, sed longior.] Quare autem potius in iuuenili, quàm in senili ætate quis moritur, noli queri, nec quærere, si non vis offendere.

F Increpat Diuus Hieronymus Paulam plus æquo obitum Blesillæ filiæ plangentem, his *Epist. 25. ad*
 verbis. *Detestanda sunt ista lacryma, quæ non* Paulam.
habent modum, quæ usque ad viciniam mortis accedunt. Ululas & exclamitas, & quasi quibusdam facibus accensa, quantum in te est, tui semper homicida es. Sed ad talem clemens ingreditur Iesus, & dicit. Quid ploras? non est mortua puella, sed dormit. Te quoque, si ad sepulchrum filiæ volueris voluntari, Angelus increpabit: Quid quaris viuentem cum mortuis? Quasi dicat; non debet moritura viuentem plangere: nullus namque est, qui sibi, & charis suis æternam non exoptet vitam; sed nullo modo illam quis adipisci poterit, nisi morte interueniente, quæ nihil aliud est, quàm discessus animæ à corpore. Audi Tullium: [Nisi Deus istis te Cicer de
 corpo somn. Scip.

corporis custodiis liberauerit, ad cælum aditus patere non potest.] Ille igitur non est lugendus, qui ideo moritur, ut viuat. Illum nolles viuere, quem mori doles.

Hieron. 22. in
Matth.

6. Itaque, qui obiit, vel erat bonus, vel malus. Si bonus, non est lugendus, cum certi simus ad meliorem vitam euolasse. Arguens Diuus Chrysostomus quemdam filij mortem deplorantem, sic scribebat. *Illum abiisse in prætoria florentia cum putes, ingentes cur aduersum te suscitatas fluctus tempestatis? Hic autem fluctus presentis vite per nauigauit. Si ad imperandum, regnandumque hoc caduco, mortalique regno filius tuus abiisset, nolles eum inde redire, ut ipsum videres. Nunc verò cum ad meliora, maioraque regna processerit, parui temporis absentiam ferre non poteris? Noli ergo plorare, reddidisti enim depositum, quod tibi creditum erat.*

Hieron. 69. ad
Petr.

Si verò malus erat, non doleas, quia peior euasisset, si diutius vixisset, atque ita maiorem pœnam luisset. Hoc agnouit, qui eum euocauit. Idem Doctor ad populum Antiochenum consolandum dicere non dubitauit, eos, qui in peccatis fortè discedunt, ante pœnitentiam à Deo rapiendos non fuisse, si eos pœnitentiam acturos prænouiisset. *Si, inquit, peccator abiit, peccata repressa sunt, hoc est, non poterit amplius peccare, ac sic pœnas sibi augere: nec si Deus pœnitentiam acturum nouisset, ante pœnitentiam rapuisset.* Qui igitur non conuertitur, tantò melius, quantò citiùs rapitur; quia etiam misericorditer cum illo agitur: illum ergo deflere, est Christum lædere. Audi Tertul-
lianum:

lianum : *Christum ledimus, cum euocatos quosque* De parient. cap. 9.
ab illo quasi miserandos non equanimiter accipi-
mus. Dauid hac ratione ductus mortem filij
 sui Absalon ipsum persequentis, & in suo pec-
 cato necati, patienter tulit.

- G 7. Proponantur etiam exempla tum fide-
 lium, tum infidelium, qui siccis oculis, ac
 forti animo liberorum, aliorumque funera
 pertulerunt. Iob decem suis liberis vna clade
 sublatis non eiulauit, non sibi diuulsit co-
 mam, nullam ingenerosam vocem emisit,
 sed celebrem illam, & omnium ore decan-
 tandam gratiarum actionem deprompsit:
Dominus dedit, Dominus abstulit. Sicut Domino Iob. 1.
placuit, ita factum est. Sit nomen Domini bene-
dictum. Machabæorum mater cum septem 2. Mach. 7.
 filios morte deletos vidisset, non tamen la-
 crymis, ac luctui sese tradidit, neque vocem
 emisit muliebrem; sed singulos eorum for-
 titer hortabatur voce patria, repleta sa-
 pientia, scemineæ cogitationi masculinum
 inferens animum. De illa sic Ambrosius:
Quid de matre Machabæorum loquar, quæ Lib. 1. offic. cap. 4.
spectabat lata filiorum quot funera, tot trophæa, &
morientium vocibus, tamquam psallentium can-
tibus delectabatur? Idem præstitisse legitur
 Beatam Felicitatem martyrij septem filio-
 rum spectatricem; idemque Sanctam Sym-
 phorosam septem etiam filiorum Martyrum
 matrem.

Diuis Hieronymus magnis celebrat lau-
 dibus Beatam Melaniam iuniorem, illamque
 sectandam proponit, quæ adhuc calente
 mariti corpusculo, & necdum humato, duos
 simul

Epist. 250.
 ad Paulam
 de obitu
 Elefilla.

simul perdidit filios, quorum mortem ita fortiter pertulit, ut de illa sic scribat ille Doctor. *Rem sum dicturus incredibilem, sed, teste Christo, non falsam. Quis illam tunc non putaret more lymphatico, sparsis crinibus, veste conscissa, lacerum pettus innuadere? Lacryma gutta non fluxit, stetit immobilis, & ad pedes Christi deuoluta, quasi ipsum teneret, arrisit. Expeditiis, inquit, tibi seruitura sum, Domine, quia tanto me onere liberaisti.* Fortassis tibi fuissent oneri & impedimento, quos sperabas futuros tibi esse adiumento.

Gentiles etiam nos pudefaciunt, qui licet se resurrecturos non sperarent, ab illa tamen immoderata suorum deploratione abstinuerunt. Idem Hieronymus plurimum commendat Periclem & Xenophontem Socraticum, quorum alter amissis duobus filiis coronatus in concione disseruit; alter cum sacrificans, filium in bello audisset occisum, deposuisse coronam dicitur, & tandem capiti reposuisse, postquam fortiter in acie dimicantem reperit concidisse. Laudatur & Anaxagoras, qui audita morte filij, respondit: *Sciebam me genuisse mortalem.* Similiter Galienus Imperator, teste Trebellio, cum patrem Valerianum audisset extinctum, vocem laudatissimam sine laude usurpauit, dicens: *Sciebam patrem meum esse mortalem.* Duæ olim ante portas Massiliensium iacebant arcæ, ut tradit Valerius Maximus; altera, qua liberorum: altera, qua seruorum corpora ad sepulturæ locum plaustro deuehebantur, sine lamentatione, sine planctu, sine

Epist. 3. ad
Heliod.

Trebel.

lib. 2. c. 1.

sine luctu. [Nam, ait ille, quid attinet humano dolori indulgere, aut diuino numini inuidiam fieri, quod immortalitatem suam nobiscum partiri noluerit?]

H Seneca ad Marciam filij mortem deplorantem sic scribebat. [Mortalis nata es, mortales peperisti, putre ipsa fluidumque corpus, & casibus morbisque repetita, sperasti ex tam imbecilla materia, solida & æterna gestasse? Decessit filius tuus, id est, decurrit ad hunc finem, ad quem, quæ fecliciora partu tuo putas, properant.] Lochadus Poliamidæ filius, Sironis pater, nuncianti, quod è filiis ipsius alter interiisset: *Olim sciebam*, inquit, *illi moriendum esse*. Nihil illi visum est nouæ rei, si mortalis natus moretur; nec magni referre, paulò seriùs, aut citiùs è vita discederet, cum omnino breui foret decedendum. Valeat, quantum valere poterit, illud Amasis Ægyptiorum Regis ad quemdam filio priuatum dicentis: *Si non tristatus es, cum nondum esset, nec nunc quidem dolere debes, cum non amplius est*. Si nunquam habuisse pro damno nõ reputamus, cur aliquando habuisse reputabimus? Dices: libenter ferrem mortem illius mei filij, fratris, cognati, aut amici, si morbo, aut alio casu obiiisset: at quia capitali supplicio, maximæque cum infamia vitam finiuit, quomodo potero non dolere? Si cogitaueris in illo tali morte sublato diuinam fortè desinere iram; Deus enim interdum propter peccata nostra ita irascitur in aliquam familiam, vt quiescere & placari nolit, donec aliquis illius do-

Lib. de cõf.
cap. 10.

Plutarch. in
Lacon.

Stob. serm.
121.

mus, aut familiæ morte afficiatur. Probatum hoc ex sacra Scriptura: sæuiente olim Antiocho in filios Machabæos, adolescentior illorum sic Tyrannum affatus est: *In me & in fratribus meis desinet Omnipotentis ira, qua super omne genus nostrum iuste superducta est.*

2. Mach. 7.

Isai. 53.

Rom. 2.

Nahum 1.

Pater ipse cælestis iratus aduersus genus humanum noluit placari, donec proprius Filius in crucem ageretur, non pro suis, sed pro nostris delictis. Vnde ait Pater: *Propter scelus populi mei percussi eum.* Qui itaque proprio Filio innocentissimo non pepercit; sed pro nobis omnibus tradidit eum; cur tibi, aut filio, vel parenti tuo delinquenti parcere debet? Sicut igitur mitius actum est in genus humanum post mortem Christi pro peccatis nostris crucifixi: ita fortè mitius agatur in te, & in domum tuam post mortem illius tui filij, aut parentis pro suis delictis supplicio affecti: nam *non consurget duplex tribulatio, vel secundum Chaldæum, non consurget domui Israël bis angustia.* Similiter nec tibi, aut domui tuæ consurget alia tribulatio, si hanc patienter tuleris. Consolaberis etiam, si cogitaueris, maximam habendam esse fiduciam de salute illius, qui à publica potestate puniatur; quia huiusmodi supplicio potuit satisfacere pœnis peccatis suis debitis, ac temporali pœna æternam euadere.

Cæterum, noli attendere, quomodo, qualiter, vel qua in ætate quis obierit; sed quia ita Deus voluerit, disposuerit, aut permiserit, qui bene omnia facit, quia bonus, & iustus; quia iustus, ideo omnino conformanda

manda est nostra voluntas voluntati illius.

Bonus est Deus, inquit Hieronymus, & omnia

qua bonus facit, bona sunt necesse est. Mariti or-

bitas irrogatur, plango quod accidit; sed quia sic

placet Domino, a quo animo sustinebo. Vnicus ra-

ptus est filius; durum quidem, sed tolerabile, quia

sustulit ille, qui dederat. Sic tibi dicendum est

in obitu cuiuscumque tibi consanguinitate,

affinitate, vel amicitia coniuncti. Seneca re-

rum diuinarum omnino ignarus, amicorum

defunctorum recordationem plurimum iu-

uisse ad consolandum seipsum affirmat, ac

qualiter dum viuerent, & post illorum mor-

tem se habuerit, ostendit: [Mihi, inquit, ami-

corum defunctorum cogitatio dulcis, ac

blanda est; habui enim illos, tamquam amif-

surus; amisi, tamquam habeam.]

Ad Paulam
de obitu
Blesillæ.

Epist. 63.

*Ad eos, qui Triremibus, aut, ut aiunt,
Galera sunt adiudicati.*

C A P V T XXX.

A C C E ego ad vos, pedibus li-
gati, capite tonsi, loris cæsi,
ignominiosè induti, & ad re-
mum dati, quos utique scio
nostro hoc indigere patientiæ
clypeo. Considerate itaque, ideo fortè
Deum permisisse eò vos deuenisse, vbi vobis
sese præbent occasiones ea cogitandi, de
quibus non curabatis, quorum tamen præ-
meditatio utilissima & proficua est. Nam

certum est vos parum cogitasse de inferno, ac de tormentis damnatorum, quæ utcunque adumbrare videtur locus ille, cui additi estis, præcipuè si catenæ spectentur, & verbera, atque inde audiantur suspiria. Sic

Virg. lib. 6. enim de sempiterno inferno scribit Poëta:
Æneid.

*Hinc exaudiri gemitus, & sæua sonare
Verbera, tum stridor ferri, tractaque catena.*

Satius vobis sit ligari catenis ferreis, quàm igneis, de quibus sic Chrysostomus; *Vincula illa non ex ferro, sed ex igne nunquam extinguibiles sunt*: & hominum esse captivos quàm dæmonum; ac super aquam ad tempus vexari, quàm intra ignem in æternum cruciari. Permittitur quidem Comitibus, quos vocant, corpus vestrum hîc aliquando loro, aut baculo percutere, sed nunquam animam attingere: at verò illîc dæmones corpus & animam damnatorum sine fine cruciant. Vt igitur vobis sempiternus infernus versaretur in mente, necesse fuit temporalem semper haberetis præ oculis. Nunquam fortè æternum euaderetis, nisi in temporalem incideretis.

Cauete, ne impatientia vestra transeat B
ab vno tormento ad aliud, aut à temporali inferno ad sempiternum. Quod pœna æterna purgari non potest, hac temporali purgetur, ne præsens labor sit subsequenteris initium: nam, teste Gregorio, *quem presentia mala non corrigunt, ad sequentia perducunt*. Temporalis illa patiendi necessitas, fiat vobis merendi opportunitas: facite, inquam, ex illa

Greg.

ex illa necessitate virtutem; & haurite utilitatem ex illa vestra miseria, è qua licet desideretis exire, ac liberari, tamen, si illam patienter pro peccatis vestris feratis, mercedem, aut saltem satisfactionem comparabitis. Propterea gratias Deo semper agite, ac fateamini vos grauiora meruisse. Dicite quod pius ille latro: *Nos digna factis recipimus.* Hic Luc. 12. tandem digna passis recepit, qui digna factis se recipere cognouit. Eadem verba identidem loquamini: hanc miseriam peccata vestra mereri fateamini, ut eandem mercedem mereamini.

Cogitate insuper, multos in inferno cruciari, qui fortè non tot, quot vos, patrarunt delicta; & dummodo, ab illis pœnis eriperentur, libenter in triremibus non solum ad vitam, sed ad finem usque mundi morarentur. Experiuntur modò, quàm leuia sint huius vitæ tormenta, quæ si æternis comparerentur, non tormenta, sed blandimenta vocitari possunt. Væ impio latroni, qui à temporali pœna transiit ad sempiternam: si patienter tulisset, poterat, sicut & socius, à labore ad requiem conuolare. Quid dicat Diuus Gregorius, diligenter attendite; ac semper animo voluite. *Cauendum nobis est, & Lib. 9. epist. in fletibus tota mentis conuersione vigilandum, ne 25. de tormento ad tormenta transcamus.* Considerandum quoque est, quàmùm erga nos dispensatione pietatis agit Conditor noster, quòd morte dignos assidue percutit, & tamen adhuc minimè occidit. Nos ergo habemus indicium, quia derelicti non sumus, quia assidue flagellamur; cum, teste

Scriptura, flagellet Dominus omnem filium, quem recipit. Nostra igitur assidua flagellatio, est diuinæ erga nos dilectionis probatio: vestra etiam in illa ærumna derentio, est diuinæ acceptionis demonstratio.

Simile.

Nam sicut quas diligimus auiculas, pedibus ligamus, ne auolent, & euadant; ita Deus eos permittit interdum ligari, quos diligit, & sibi seruat, ne ad illicita prolabantur. Quot catenis fuit Paulus constrictus? quot ligatus vinculis? Considerata igitur illa, qua ligamini catena, mementote vinculorum Pauli; sic enim clamabat: *Memores estote vinculorum meorum.* Ad hoc etiam nos hortatur Chrysostomus: *In afflictione es? memor esto vinculorum Pauli, & vide quomodo in afflictione esse, non sit derelictionis indicium.* Dicat unusquisque vestrum. Si Paulus vir iustus, sanctus, & à Deo electus, tor pertulit ærumnas, tot fuit catenis ligatus, quid ego reus? quibus non sum constringendus vinculis, qui tot fui constrictus peccatis? Ligentur ferro pedes illius, cuius anima fuit ligata peccato. Non enim propterea à Deo derelinquantur, qui ab hominibus vinciuntur.

2. Timot. 2.

Chrysost. in
illam epist.

Porro in vinculis Paulus detinebatur, & mente in cælo versabatur: ligabatur corpus, & liber erat animus: de illo sic idem Chrysostomus. *Inuice radiis Solis, aut Soli ipsi vincula, siste cursum eius, si poteris non potes, nec Paulum, qui quasi Sol in cælo conuersabatur, vincere poteris.* Quamuis ergo tui ligentur pedes, non poterit tuus ligari animus, nec impediri, quin Deum suum consideret, & diligat, ac cælestia

Ibidem.

cælestia meditetur. Quia, vt notat Seneca, Lib. 3. de
benef.
[corpora obnoxia sunt, & adscripta dominis,
mens quidem sui iuris est.]

Contendite, vt de illis sitis, quibus quasi
congratulando sic loquebatur Diuus Cy-
prius: *O pedes feliciter vincti! ô pedes ad præ-*
sens in saculo ligati, vt sint semper in calis cum
Domino liberi! Tales certè eritis, si illa vin-
cula patienter toleraueritis. Omnes, secun-
dum Ciceronem, sumus in hoc mundo li-
gati. [Catena, inquit, omnes alligati sumus.]
Quænam autem sit illa catena, innuit, ni
fallor, Seneca, dum ait. [Vna est catena, quæ
nos alligatos tenet, amor vitæ.] Viuendi de-
siderio tamquam catena ligamur in hoc sæ-
culo: verum quos viuere tædet, eos illa ca-
tena non tenet. Pauci ex hac vita exire cu-
perent, si nullæ calamitates eos premerent.
Nolite inuidere his, qui secundum Iob, Iob. 31.
ducunt in bonis dies suos, & in puncto in inferna descen-
dunt. Sed. contrà gaudete, quod si patienter
toleraueritis, de illis eritis, de quibus qui-
dam magnæ authoritatis vir sic loquitur: Iob. de
Tambuco
in conf.
Theol.
Ducunt in malis dies suos, & in puncto ad calum
ascendunt.

D Considerate etiam, vos sapissimè & diu
sceleribus vestris captiuasse animam ve-
stram; nam qui facit peccatum, seruus est
peccati: necesse est igitur, ad tempus captiue-
tur corpus vestrum, vt tandem anima vestra
libertate donetur. Liparitanus quidam iuue-
nis, vt patrem à prædone liberaret, Neapo-
lim profectus voluntaria seruitute remis-
it pro patre sese addixit. Quod ille pro patre

liberando voluntariè pertulit; hoc ipsum pro anima vestra à captivitate peccati liberanda patienter ferte. Si enim patientes extiteritis, libertatem æternā hac vestra servitute comparabitis. Solos quidam respondit Thebanis, eos ab Alexandro timeri, quòd cæteris libertate donatis, soli detinerentur in servitute. Fortè non timet vos mundus catenis constrictos; aut ideo ligamini, quia timemini: sed timet vos diabolus, qui solos timere solet aduersa patientes. Estote ergo patientia vestra dæmoni terribiles, hominibus amabiles, Deo grati.

Marc. 6.

Legimus apud Marcum, quòd Christus, *cum esset navis in medio mari, vidit Discipulos laborantes in remigando; erat enim ventus contrarius eis, & circa quartam vigiliam noctis venit ad eos ambulans supra mare. Qui vidit Discipulos suos laborantes in remigando, videt & vos remigantes. O felix labor, quem respicit Dominus! felix remigium, quod Christi meretur intuitum! Ille vos respicit, qui neminem despicit: considerat ventum vobis contrarium, id est, fortunam vobis aduersam: intuetur squalorem vestrum: videt panem arctum, quo vescimini, qui pro vobis ieiunavit: verbera, quibus afficimini, numerat, qui pro vobis flagellatus est: audit stridorem catenarum, qui pro vobis ligatus est: videt crucem vestram, qui crucifixus est etiam pro vobis: contemplatur tormenta vestra, qui passus est pro vobis: videt interdum sanguinem vestrum effundi, qui pro vobis suum effudit: videt vos quasi continuò*

nudò mori, qui pro vobis mortuus est.

Spectante igitur tanto Domino, estote bono animo, & scitote, vos per huiusmodi cruciatus patienter perpeſſos poſſe vobis applicare meritum paſſionis Chriſti, ac vitam mereri æternam. Propterea abſtinetè ab omni peccato, & ſi quod animam inficiat, ſacramento Confessionis, ubi primùm vobis licuerit, purgate. Satagite, vt quod bene agendo non potuiſtis, ſaltem patienter ferendo conſequamini; Deumque continuò orate, vt dignetur hanc veſtram inedia, ac cætera incommoda acceptare in ſatisfactionem peccatorum veſtrorum. Ne deſpondeatis animum: nam etiam remigio peruenitur ad cælum. *Auſſi bien ponnez-vous aller au Ciel par eau, comme par terre.*

E Dominus quoque adest & remigantibus; adfuit diſcipulis periclitantibus, aderit; & vobis illum inuocantibus. Vt diſcipulis ſuccurreret, ſupra mare ambulauit; reuera nullo timebat periculum, qui nulli ſubiacebat periculo. Quamuis tamen ſubiaceret, libenter ſe periculo exponeret, vt ſperantes in ipſum à periculo eriperet. Audite; *Propè eſt* Psal. 144. *Dominus omnibus inuocantibus eum, omnibus inuocantibus eum in veritate.* In quem locum explicat Diuus Auguſtinus, quid ſit inuocare Deum in veritate, cùm ſic ſcribit. *Conuertere,* Auguſtin. *accuſate, lauda illum; in omnibus malis qua patetis, Deus tibi non diſpliceat; & hoc eſt inuocare Deum in veritate: propè eſt, ibi eſt, nondum dedit quod vis, ibi tamen eſt.* Velles forſan ab illis malis eripi, ſed tibi nondum expedire agno-

scit , qui tibi hæc euenire permisit. Hoc tibi sufficiat,quòd Deum tecum habeas. Habebis autem, si illum timeas, diligas, & inuoces, atque iustè te illa omnia pati propter tua delicta, agnoscas.

Dicent vestrùm aliqui: in triremi non moramur, sed morimur, tantæ sunt angustia, vt mora mors sit; quotidie enim morimur. Respondeo, si viris sanctis contigit singulis diebus mori, quid mirum, si idem vobis peccatoribus contingat? De Diuo Paulo sic Chrysostomus: *Diebus singulis beatus ille moriebatur.* In hoc mundo quotidie debent pati, & mori, qui in alio optant semper gaudere, & viuere. Nolite itaque attendere ciuilem illam mortem, qua torquentur peccata vestra; sed perennem vitam, quam merebitur patientia vestra. Nec attendatis vbinam sitis, sed quòd ituri sitis, non terminum à quo, sed terminum ad quem. Comuni olim ferebatur adagio; *A remo ad tribunal*: quod de his dicebatur, qui ab infima conditione promouebantur ad honesti muneris functionem. Ita vos geratis, ita patienter ærurnam vestram feratis, vt à remo ad cæleste regnum perueniatis. Propterea dum corpus vestrum loris cæditur, vel fame, sitique premitur, aut inedia atteritur, hæc, vel similia verba vobis versentur in ore: *Iustus es, Domine, & rectum iudicium tuum.* vel: *Ego in flagella paratus sum.* vel: *Etiam si occideris me, in ipso sperabo.* aut: *Vide, Domine, humilitatem meam, & laborem meum, & dimitte vniuersa delicta mea.* Aug. Conf. vel cum Augustino: *Hic vire, hic seca dummodo*

Chrysost. in
epist. 2. ad
Timoth.

Psal. 118.

Psal. 37.

Iob. 13.

Psal. 14.

Aug. Conf.

modo in æternum parcas. Et inuocate semper salutiferum illud nomen I E S V, cū nullo sit aliud nomen sub cælo datum hominibus, in quo oporteat nos saluos fieri.

Et dicite cum eodem Augustino: *O bone Iesu, etsi ego admisi, vnde me damnare possis, tu non amisisti, vnde saluare soles. Esto mihi Iesus, & salua me.* Sæpe etiam deprecemini Beatissimam

Virginem Mariam, maris stellam. Ad hoc hortatur Bernardus: *Si insurgant venti temptationum, si incurras scopulos tribulationum, respice stellam, inuoca Mariam.*

De contric.
cord. cap. 5.

Serm. 18. de
omnibus
sanctis.

Ad eum, qui est morte plectendus.

C A P V T XXXI.

A TATVTVM est omnibus hominibus semel mori. Non tantum tibi, charissime frater, statutum est mori, sed & in omnes homines lata est sententia mortis, etiam in ipsum Iudicem, qui te condemnauit. Hoc cum ita sit, superest, ut vnusquisque studeat, & quærat bene, & in Christo mori. Si hoc genere mortis non mulctareris, forte in Domino non morereris; atque ita in æternum damnareris: hoc præuidit Deus, qui hæc tibi euenire permisit. Tibi nunc suppetunt vires animæ ad tuam examinandam conscientiam, illamque integra peccatorum tuorum confessione purgandam, quod fortasse non potuisses, si aliter obiisses. Non est igitur,

Hebr. 9.

Serm. 4. de
mortal.

tur, quòd doleas, sed quòd Deo optimo máximo gratias referas. Nulla alia de re penitus cogites, nisi de mundanda tua conscientia, ut mundus ex eas ex hoc mundo. Nam, secundum Diuum Cyprianum, *qualem te inuenit Deus cum vocat, talem pariter & indicat.* Iam temporaliter mori ab homine iudicatus es; caue, ne tua impatientia, malitia, aut pertinacia æternaliter mori à Deo iudicaris.

Lib. de test.
animæ.

Ibidem

Noli mortem timere, quæ te liberat ab omni timore. *Non est timendum*, inquit Tertullianus, *quod nos liberat ab omni timendo.* Ostendit Diuus Cyprianus, quibus timenda est mors, cum sic scribit: *Mori planè timeat, sed qui ex aqua, & spiritu non renatus gehenna ignibus mancipatur: mori timeat, qui non Christi cruce & passione censetur: mori timeat, quem de saculo recedentem perennibus pœnis æterna flamma torquetur: mori, inquam, timeat, qui Christianus non est, vel qui Christiano more mori non vult; tu verò non timeas, cum, ut bene possis mori, habeas.* *Vis scire causam*, inquit Chrysostomus, *cur mortem timeamus? Non habemus conscientiam puram: quòd si hoc esset, nihil nos mors terruisset.* At poteris tu puram habere, si, ut decet, peccata tua confitearis, antequam moriaris.

Hom. 5. ad
pop.

Lib. 80.
questionū,
quest. 25.

Dices: Non mori timeo, cum omnibus sit B moriendum; sed hoc mortis genus perhorresco. Audi, precor, Diuum Augustinum. *Sunt homines, qui quamvis mortem ipsam non timeant, genus tamen aliquod mortis horrescunt. Nihilominus autem, ut ipsa mors metuenda non est, ita etiam nullum genus mortis metuendum est, quod*

quod quoque Christi cruce ostendendum fuit; nihil enim erat inter omnia genera mortis illo genere execrabilius, & fermidolosius. Innuit ille Doctor, nullum genus mortis esse pertimescendum, postquam Christus voluit crucis pro nobis subire tormentum; quod quidem genus mortis fuit omnium horribilissimum: ille enim maledicebatur qui in crucem agebatur; *Maledictus omnis qui pendet in ligno.* Gal. 3. Exaggerat Apostolus qualitatem mortis Christi, cum de eius obedientia usque ad mortem disserens, addit, *mortem autem crucis.* Philip. 2. Erat mors crucis non tantum ignominia & opprobrio plena; sed & maximo dolore, ac prolixo cruciatu, qui etiam à cruce cruciatus denominatus est. Hinc à Liuius vocatur crux, *infamis arbor*: à Seneca, *infelix lignum*: ab aliis, *teterrimum supplicium.* Lib. 4. Epist. 108. Ab ipsis Iudæis apud Sapientem crucis mors vocabatur turpissima; *Morte turpissima condemnemus eum.* Sap. 2. Quamuis igitur hoc genus mortis esset turpissimum, grauissimum, ac crudelissimum ob intensos & prolixos dolores, quos cruci clauis affixi patiebantur: illud tamen elegit Christus, atque sine culpa patienter pertulit.

Quia igitur Christus, secundum Bernardum, *est speculum patiendi, & præmium patientis*; est tibi ille proponendus: nam in suorum consolationem eadem, vel similia eorum, quæ ipsi passuri erant, imò longè grauiora, passus est. Nam, si tibi iam à tribus, aut quatuor horis significata est mortis sententia, & Christo etiam fuit significata, non aliquibus tantum horis antequam moreretur, sed antequam

Ecclesia. quam nasceretur, cantat enim Ecclesia: *Se volente natus ad hoc passioni deditus, Agnus in crucis lenatur immolandus stipite.* Verè propter illam iam diu sibi notam mortis sententiam dicere potuit; *Dolor meus in conspectu meo semper.* Præterea, si funibus ligaris, vel ligandus sis; fuit & Christus ligatus: nam, teste Evangelista, *ministri Iudaorum comprehenderunt Iesum, & ligauerunt eum.* Si per vias ciuitatis ducendus sis; & ipse etiam ductus fuit; & *duxerunt eum, ut crucifigerent.* Si patibulo sis suspendendus, aut alio ignominioso supplicio afficiendus; & Christus, *Carnis conditor suspensus est patibulo.* Si verearis populum te respicientem; & Christo moriente, *stabat populus spectans, & deridebant eum Pontifices.* Si in loco publico per manus carnificis mori, & tãquam malefactorem haberi perhorrescas; & Christus in simili loco per manus Iudæorum libenter pro te crucifixus est, & *cum iniquis reputatus est.* Vide te nihil pro peccatis tuis passurum, quin Christus prius pro te passus sit. Erit igitur tua consolatio, amarissima Christi passio; non tam attendas quid ipse passurus sis, quàm quid ille passus sit. Ipse enim, ait Propheta, *vulneratus est propter iniquitates nostras, attritus est propter scelera nostra.* Quæ verba expendens Bernardus sic hortatur: *Agnosce, ô homo, quàm grauias sunt vulnera, pro quibus necesse est Dominum Christum vulnerari. Si non essent hæc ad mortem, & mortem sempiternam, nunquam pro eorum remedio Dei Filius moreretur.*

* Sunt tibi adimplenda hoc tuo supplicio
ca quæ

ea quæ defunt passionum Christi in carne tua : *Adimpleo*, ait Paulus, *ea quæ defunt passionum Christi in carne mea.* Sed quid deest passioni Christi? Frater mi, quamvis Christi passio plena & sufficientissima fuerit ad totum mundum, imò ad mille mundos redimendos, si totidem fuissent; videtur tamen aliquid ei deesse, nimirum communicatio & participatio passionis ac meritorum Christi, mediantibus illis quæ ex parte nostra debemus agere, vel pati. Christus quidem passus est in sua carne, sed nondum in tua. Cum ipse passus sit patienter pro te; restat, ut & tu libenter patiaris pro ipso. Necesse est enim, ut actionibus, aut passionibus bonis meritum passionis Christi nobis comunicetur. Quod autem alij sibi bonis operibus applicant, hoc tibi hodie supplicio tuo, & pœnis tuis est applicandum. Non enim tibi prodesset Christi passio, si illius tibi deesset communicatio: non potest autem tibi communicari, nisi bene agendo; vel mala æquo animo patiando. Igitur, quod bene agendo tibi applicare neglexisti, illud mediante huiusmodi supplicio applicabitur: dummodo patienter ad satisfaciendum pro peccatis tuis hanc subeas mortem; & hoc deerat passioni Christi, scilicet modus tibi applicandi, & communicandi. Gaudebat Paulus in suis passionibus, & tormentis propter huiusmodi adimpletionem & communicationem: *Gaudeo*, inquit, *in passionibus meis.* Similiter & tu ob eandem causam magis debes gaudere, quàm tristari. Non modicum tibi hodie à Deo confertur beneficium,

ficiū, cū hoc tibi subeundum sit supplicium, quo Filij eius communicatur & applicatur meritum, & quo tandem æternum consequuturus es præmium.

Noli itaque cogitare, quam passurus es pœnam, sed quam commisisti culpam, quæ damnationem merebatur æternam, quam incurrisse, si hoc supplicium euasisse. Scito nullum peccatum remanere impunitum: pro quocunque delicto sunt pœnæ exoluendæ, vel hîc, vel in futuro. Pœna sequitur peccatum, sicut umbra corpus. Vide quid dicat Augustinus: *Impunitum non debet esse peccatum; puniatur à te, ne tu pro illo puniaris. Peccatum tuum Iudicem te habeat, non patronum.* Quod à te non fuit punitum per pœnitentiam, debet modò puniri per hanc latam à Iudice sententiam, ne in æternum puniatur: satius tibi sit hîc ad tempus, quàm in alio sæculo in sempiternum cruciari. Effice, ut tua patientia, & contritione, pœna æterna tibi pro temporali commutetur. Quod si te excrucies, & nolis tuum agnoscere peccatum, & patienter hanc subire pœnam, reuera erit hoc supplicium initium futuri & æterni; & sic ab vno tormento ad aliud migrabis, quod maxime est tibi cauendum.

Lib. de utilitate agend. pœnit.

Propterea recordare duorum illorum latronum cum Christo crucifixorum; quorum alter Paradisum adeptus est, quia pœnas peccatis suis debitas patienter subiit; dicebat enim: *Nos iusta factis recipimus.* Alius verò, quia non dolebat de peccatis suis, sed de tormentis, quæ indignanter & impatienter ferebat;

Luc. 23.

ferebat; meruit à Paradiso excludi, & ad flammâs æternas detrudi. Quem istorum vis imitari? Crede mihi, pium imitare latronem, & cum illo peccata tua confitere, ad Christum recurre, patienter hæc tormenta sustine, illaque tibi deberi pro peccatis tuis facere: nam, teste Poëta,

Ouid. epist.

Leniter ex merito quidquid patiêre ferêdum est.

Caue, ne fias impio latroni similis, cui nihil sua impatientia, nec sua iactata conuicia, nec verba blasphemiarum profuerunt: non curabat esse cum Christo, sed volebat esse sine cruce: non fatebatur se illa tormenta mereri, à quibus optabat liberari: non suam cogitabat, nec confitebatur culpam, sed peccatum: non, inquam, dolebat de peccatis, sed de tormentis. Pius verò libenter patiebarur in cruce, quia optabat regnare cum Christo. Nunquam petiit, ut ab illo supplicio liberaretur, sed tantum ut sui Christus recordaretur; *Memento mei*, inquit. Non fuit quidem in eius potestate euitare crucem, sed fuit in eius voluntate patienter subire crucem. Libenter pati voluit, quod euitare non potuit: fuit ei illa patiendi necessitas, merendi opportunitas, non enim poterat euitare illud, ad quod damnatus erat supplicium, sed ex illo sibi comparauit meritum, nec potuisset impetrare à Iudicibus, ne ad tempus torqueretur; sed à Christo impetrauit, ne in æternum damnaretur. Fac & tu similiter, ut tibi similiter contingat: itaque dic; *Ego digna factis recipio*, &c. *Domine, memento mei*. Et sicut crux patienter perpeffa

Tc fuit

fuit pio latroni vehiculum, quo tenderet ad Christum; ita etiam hoc paribulum erit tibi alterum vehiculum, quo ducaris ad cælum, si illud æquo & libenti animo patiaris.

Habes nunc maximam populi cateruam **E** te comitantem, & tibi compatientem: sed breui habebit anima tua Angelos in Paradisum eam comitantes & deferentes. Cupiunt autem, vt æquanimiter hanc mortem pro peccatis tuis patiaris, vt tandem cum illis æterna beatitudine potiaris. Afferit enim Diuus Thomas, quòd si quis tormenta illata, ac mortem patienter sustineat, quamuis pro suis criminibus inferatur, valet tamen ad diminutionem pœnæ, & ad liberationem etiam à tota pœna secundum quantitatem patientiæ & contritionis: idcirco debes toto corde dolere de peccatis commissis, & Deum optimum deprecari, vt hoc tuo supplicio perfectam conferat tibi patientiam. Illum insuper exora, vt hoc tuum supplicium dignetur acceptare pro pœnis peccatis tuis debitis. Esto bono animo: nouit Deus te non potuisse alio modo satisfacere huiusmodi pœnis, nisi hoc genere mortis. *Grande scelus*, ait Ambrosius, *grandem necessariam habet satisfactionem*. Illud ergo non recuses pati, quod tibi vides deberi. Crimen commisisti, de quo fortè nunquam doluisti, nec doluisses, si hanc pœnam euasisse: hoc Deus præuidebat, qui te saluare quærebat. Nunquam Deus te per hominem castigasset, si te per teipsum castigasset: nam, teste Gregorio, *Dominus delictum sine*

D. Thom.

Ad virg.
lapfam.

Lib. 9. mor.
cap. 27.

sine ultione non deserit ; aut enim ipse hoc homo in se pœnitens punit, aut hoc Deus cum homine vindicans percutit.

Cæterum patienter mori pro delictis, est satisfacere pro delictis ; satisfacere autem pro delictis, est vitam æternam acquirere, quam tuis delictis amiseras. Noli igitur tua impatientia perdere, quod patientia tua potes lucrari. Recordare multos in inferno cruciari, qui fortè non tot, quot tu crimina patrarunt ; & si ab illis pœnis eriperentur, libentissimè hoc præsens tuum supplicium, imò longè grauius ad finem vsque mundi paterentur. Quare tu per aliquas horas illud sustinere reformidas ? Non erubescas tolerare, qui non erubuisti peccare. *Sunt multi,* In Psal. 5. inquit Augustinus, *quos peccare non pudet, ô incredibilis insania ! de vulnere ipso non erubescis, & de ligatura vulneris erubescis. Dic : Iniquitatem meam ego cognosco, & peccatum meum contra me est semper. Tibi soli peccaui, quia tu solus sine peccato.* Christus, qui fuit sine peccato, non fuit tamen sine flagello, & sine patibulo, vt diximus : & tu cum peccato, velles esse sine flagello ? Si peccasses, & pœnas in hoc mundo non dedisses, de illis fuisses, quibus Deus iratus dixit : *Dabo vos in opprobrium sempiternum, & in ignominiam æternam, qua nunquam oblivione delebitur.* Satiùs tibi sit nunc transitorio pudore suffundi, quàm perpetuo confundi. Gaudeas, inquam, hîc pro peccatis tuis exiguam sustinere confusionem, vt in futuro æternam euadas damnationem.

Dices : falsò accusatus , & iniuste con-
 demnatus sum , & hoc me angit ; quinimò
 beatus eris , si sine crimine iudiceris. Hoc
 non erit tibi dedecori , nam culpâ , non pœnâ
 erubescimus. Gaudeas igitur , quòd dignus
 inueniaris , qui cum innumera iustorum
 multitudine iniuste patiaris. Reuoca in men-
 tem , quanta passi sunt multi iusti viri , qui
 aduentum Domini præcesserunt , de quibus
 sic Apostolus : *Alij ludibria , & verbera experti ,*
insuper & vincula , & carceres , lapidati sunt , se-
cti sunt , tentati sunt , in occisione gladij mortui
sunt. Cogita etiam , quàm multi sententia
 Iudicum post Christi mortem , nullo patra-
 to crimine , atrocissima perpassi sunt tormen-
 ta. Itaque , si , verbi gratiâ , suspendio sis af-
 ficiendus , propone tibi Beatum Gorgonium ,
 & Diuum Dorotheum , qui etiam suspen-
 dio necati sunt. Si igni tradendus sis , ve-
 niat tibi in mentem Laurentius , qui in ipso
 iuuentutis flore in craticula superpositus
 vrebatur : item Prisca virgo tredecim an-
 norum , quæ primò affecta verberibus , dein-
 de feruenti adipe delibuta , in equuleo su-
 spenditur , tandem vngulis ferreis excarnifi-
 cata in rogi conicitur. Simili tormen-
 to sunt affecti Sancti , Polycarpus , Nice-
 tas , Artemon , & alij quamplurimi ; sed
 præcipuè Beatus Agapitus , qui non tantum
 igne , sed & fumo cruciabatur : nam quindo-
 cim annos natus primùm neruis diutissi-
 mè cæsus , postea in tetrum carcerem con-
 sectus , & ardentibus carbonibus capiti eius
 impositis , iterum verberibus affectus , nudus
 ita

ita pedibus suspensus est, ut ingens fumus
è subiecto igne os eius obrueret. Tum fer-
uens aqua in eius ventrem effusa est, maxil-
laeque confractae.

Si membratim secandus sis, recordare
Beati Adriani, qui virgis caesus, deinde præ-
cisus manibus, & pedibus, aliisque membris
confractis, animam Deo reddidit. Si verò
securi percutiendus, & capite plectendus,
memor eris eorum, qui hoc genere mortis
vitam finierunt; inter quos Ioannes Bapti-
sta: Pantaleon, qui aculeo tortus, & admotis
ad eius corpus laminis candentibus crucia-
tus, tandem gladio percussus est: Diuus Bla-
sius etiam ferreis pectinibus dilaniatus, capi-
tè plexus est: Beata Melitina suspensa, ac la-
niata, demum securi percussa est: virgo quo-
que Barbara post diram carceris maceratio-
nem, lampadarum adustionem, mammil-
larum præcisionem, aliisque tormenta, ca-
pite plectitur: Timotheus Antiochenus
primò acerbissimè caesus est, dein eius cor-
pus excarnificatum viua calce perfunditur,
tum demum capite truncatur. Dicat nunc
Gregorius: *Electos Dei cernimus & pia agere,* Greg. in
& crudelia tolerare. Iob. Neminem occiderunt,
nihil rapuerunt, nullum oppresserunt, nul-
lius torum putarant esse violandum, &
tamen, ait Ambrosius, *graviora latronum susti-* In Psal.
nere cogebantur supplicia. 118. Cur non vis aspera,
& ipsam mortem patienter, sicut & illi,
subire, qui opas ad illorum societatem
peruenire?

Nullum ipsi commiserant delictum, pro-

pter quod talia perferre mererentur, & tamen libenti animo propter Christum tolerauerunt. Numquid tu illis iustior es? forte non patraſti crimen, de quo accusaris, sed quanta alia commiſiſti peccata, de quibus nullam egisti pœnitentiam? Adest modò tempus, quando pro illis hoc supplicio satisfaciendum est. Si verè te peccasse pœniteat, penè innocens eris, iuxta illud:

Seneca in
Troade.

Quem pœnitet peccasse, penè est innocens.

Propterea non verearis omnia confiteri peccata tua. Vt propitium habeas Deum, fatere te reum, & ab ipso omnium peccatorum tuorum veniam humiliter postula. Doleas, non quòd coram populo ignominiosè moriaris, sed quòd toties coram Deo tam impudenter peccaueris: omnibus, qui te accusarunt, condemnarunt, aut quouis modo tibi nocuerunt, ignosceas, & dic cum Christo; *Pater ignosce illis*. Tunc enim libere poteris Deo tuam commendare animam. Interim, semper versetur Iesus in ore, vel corde tuo, Iesum, inquam, inuoca, quem citò visurus es, illum videbis ad dexteram Patris sedentem, quem alij viderunt in patibulo Crucis pendentem, inter quos mater eius Beatissima Virgo Maria, refugium peccatorum, consolatrix afflictorum, auxilium Christianorum: dolebat tunc pia mater videns Filium patientem, sed gaudebit nunc, si videat te de peccatis dolentem, veniam petentem, illa confitentem, inimicis parcentem, & mortem æquo animo ferentem. Illam igitur inuocans

&

& orans dic : *Sub tuum praesidium confugimus, Sancta Dei genitrix, nostras deprecationes ne despicias in necessitatibus, &c. vel: Maria mater gratia, mater misericordia, tu nos ab hoste protege, & hora mortis suscipe.*

Ad desperantes de sua salute.

C A P V T XXXII.

A N T O odio Dæmon hominem prosequitur, ut quem spe veniæ ad peccatum impulit, non tantum à pœnitentia reuocet, sed proposita peccatorum aut grauitate, aut multitudine, ad desperationem inducât. Propterea, si tibi aliquando ob. frequentes, vel graues lapsus tentatio desperationis obrepât; cogita primò, quanto amore te licet maximum peccatorem, Deus Pater complexus fuerit, cum de eo scriptum sit : *Sic Deus dilexit mundum, ut Filium suum unigenitum daret, ut omnis qui credit in eum non pereat, sed habeat vitam æternam.* Quantumque te dilexerit Dei Filius, ut ad te à peccatis, & damnatione æterna liberandum de cælis descenderit, *formam serui*, ut loquitur Apostolus, id est, carnem humanam assumpserit factus homo, cum peccatoribus conuersatus sit, & manducarit. Vnde cū Pharisæi mirarentur eum etiam cum publicanis manducasse, respondit; *Non veni vocare iustos, sed peccatores.* Huiusmodi consideratio

Philipp. 2.

Math. 9.

incarnationis Verbi, & aduentus Domini in mundum, ita Diuum Augustinum consolabatur, vt sæpe contra omnes animi terrores, ac contra omnem desperationem, & diffidentiam, sic oraret: *Desperare utique potuissem propter nimia peccata mea, & infinitas negligentias meas, nisi Verbum tuum, Deus, caro fieret, & habitaret in nobis. Aspice in filio, quo propitius seruo: vide carnis sacramentum, & remitte carnis reatum.*

Deinde veniat in mentem, quid idem Dominus pro te passus sit, qui cum verbo unico, gemitu, vel guttula vna sanguinis potuerit omnia peccata tua, licet atrocissima, & innumera expiare, totum tamen profudit sanguinem. Hac Christi passionis recordatione roborabatur Diuus Bernardus: *Peccavi, inquiens, peccatum grande, turbatur conscientia, sed non perturbabitur, quoniam vulnere Domini recordabor: nempe vulneratus est propter iniquitates nostras. Quid tam ad mortem, quod non Christi morte saluetur? Si ergo in mentem venerit tam potens, tamque efficax medicamentum, nulla iam possum morbi malignitate terreri: & ideo liquet errasse, qui ait: Maior est iniquitas mea, quam ut veniam merear. Audiamus & Diuum Augustinum adhuc orantem. Desperare, Domine, iam non audeo, quia cum inimici essemus, reconciliati sumus per mortem Filij tui; quanto magis reconciliati salui facti sumus per eum? Et paulo post eundem Dominum sic deprecabatur: Tu Domine, non vis mortem peccatorum, nec letaris in perditione morientium: imò, ut mortui uiuerent, tu mortuus es, & mors tua peccatorum mortem occidit.*

Lib. medit.
cap. 14.

Serm. 6. in
Cant.

Isai. 53.

Genes. 4.

Lib. medit.
cap. 14.

Cap. 30.

dit; ipsi te moriente vixerunt; obsecro, ut te moriente non moriar.

B Præterea, considera exempla eorum, qui ex grauissimis sceleribus, ob quæ diffidere de misericordia diuina posse videbantur, tandem per pœnitentiam emerferunt, & ad salutem æternam peruenerunt; vt primus parens Adam, qui lapsu suo totum mundum perdidit, Dauid, Nabuehodonozor, latro in cruce, Matthæus in telonio, Magdalena peccatrix, Petrus Christi abnegator, Paulus Ecclesiæ persecutor, & innumeri alij. Vnde Bernardus in solemnitate Petri & Pauli sic serm. 3.

suos alloquebatur. Si Petrus post tam grauem lapsum ad tantam rediit eminentiam sanctitatis, quis de cætero desperet, si tamen voluerit egredi à peccato? Et Diuus Augustinus se animari dicebat considerando peccatores conuersos.

Lib. mediæ
cap. 14.

Animant me publicani, meretrices, & latrones, qui à faucibus hostis eruti, sinibus excipiuntur pastoris. Ille ergo non desperet ad cælum ingredi, cui possibile est à peccato egredi.

Considerandum est etiã, Deum neminem velle perire; ipse enim clamat: *Nolo mortem morientis; conuertimini, & uiuite.* Non est igitur desperandum de misericordia illius, qui per eundem Prophetam hoc iureiurando affirmat; *Viuo ego: nolo mortem impij, sed vt conuertatur à via sua, & uiuat.* Non vult mortem peccatoris, qui mori voluit pro peccatoribus. Non vult eos perire, quos venit saluare: ipse est qui, vt ait Petrus, *non vult aliquos perire, sed omnes ad pœnitentiam reuerti.* Et non solum non vult aliquos perire, sed & secundum

Ezech. 18.

Cap. 34.

2. Pet. 3.

T r 5 Paulum,

1. Timot. 2. Paulum, vult omnes homines saluos fieri, & ad agnitionem veritatis venire. Dicenti Deo, nolo mortem impij: asserentibus Apostolis, non vult Deus aliquos perire, &c. sed vult omnes saluos fieri, non credes? & Diabolum dicentem; Vult Deus te perire, &c. non vult te saluari, audies? Scito illum nolle hominibus mortem æternam, qui clamat, *vinne*; & alibi, *vinat*.

Quæris; Si Deus vult omnes saluos fieri, ac neminem perire, cur non omnes salui sũt? cur Dei voluntas non adimpletur? Hanc quæstionem proposuit aliquando Diuus Ambrosius, atque sic respondebat. *Vult Deus omnes saluos fieri, sed si accedant ad eum. Non enim sic vult, vt nolentes saluentur, sed vult illos saluari, si*

In 1. Timot.

& ipsi velint. Quare desperas de salute, quæ iam Deo volente, à tua dependet voluntate?

In 1. cap ad Ephes.

Quare tibi non vis, quod Deus tibi vult? Audi & Hieronymum: *Quia, inquit, nullus absque propria voluntate saluatur, vult Deus nos bonum velle, vs cum voluerimus, velit in nobis & ipse suum implere consilium. Iunge voluntatem tuam Dei voluntati, vt Deo iungaris, qui cum tibi bonum vult, cur desperando tibi malum vis?*

Vt autem ad quæstionem respondeamus, C dicendum est, quòd *Deus vult*, id est, sincere cupit, & ex animo desiderat omnes homines saluos fieri; ideòque omnibus dedit Christum redemptorem, & per eum gratiam, Sacramenta, & alia omnia media ad salutem necessaria suppeditauit, quantum est ex parte sua, vt si qui pereant, non Dei voluntate & prædestinatione, sed sua culpa & malitia pereant. Hæc ergo Dei voluntas saluandi omnes

nes non tantum est signi, quam scilicet Deus significauit per tot exhortationes, præcepta, pœnas, & præmia hominibus proposita; sed etiam est beneplaciti, non tamen completa, consequens, & totaliter efficax tantum ex parte Dei. Vbi nota ex Diuo Damasceno, quod voluntas Dei, quæ dicitur beneplaciti, est duplex, vna antecedens, quæ scilicet antecedit omnem præuisionem bonorum, vel malorum operum hominis, & quæ tantum manat ex beneuolentia Dei in homines: altera est consequens, qua Deus præiis bonis, vel malis operibus hominis, vult eum completè, & efficaciter vel saluare, vel damnare.

Dico itaque, Deum velle omnes saluare voluntate non consequente (hac enim impios, præuisa eorum impietate, damnare vult, non saluare:) sed antecedente, ante scilicet præuisionem finalis impœnitentiæ, siue mortis alicuius in peccato, quantum est ex parte sua, seridè, & ex animo cupit & oporat Deus omnium salutem, omnesque eò vocat, & ad eam dat sufficientia media. Verum vt hæc voluntas antecedens fiat completa & efficax, id est, vt efficaciter sortiatur effectum, salutem scilicet à Deo volitam, debet accedere conditio à Deo requisita ex parte hominis, eiusdem scilicet cooperatio, vt nimirum homo mediis à Deo ad salutem præscriptis vtatur, eamque per bona, opera mereatur. Potest autem vnusquisque nostrum vti illis mediis, & cooperari, potest, quamdiu viuit, pœnitere. Nullus ergo desperet de salute:

Epist. ad Sabinianum.

nam, teste Hieronymo, *solum desperationis*

crimen

crimen est, quod mederi nequeat.

In præmio
in Isai.

Dices, coniectura te duci, vt credas te non esse in numero prædestinatorum, quòd in eadem peccata, & defectus identidem relabaris. Respondeo, hanc coniecturam esse fallacem: si enim millies in lubrico cadas, millies, dum vires suppetunt, resurgis; cur non resurgas & à peccato cum proposito ampliùs non cadendi in peccatum? Audi, precor, Diuum Chrysostomum. *Peccasti? pænitere. Millies peccasti? millies pænitere. Si lapsus es, poteris surgere. In utramvis partem habes liberum arbitrium. Si vulneratus es, adhibe tibi curam, dum vivis, dum spiras, etiam in ipso lecto positus; etiam, si dici potest, animam efflans, vt iam de hoc mundo exeat. Non impeditur temporis angustia misericordia Dei. Esto, inquam, quòd in extremam vsque vitæ horam delinquas, in extremo momento resurge. Nam, secundum Hieronymum, *numquam sera est conuersio.* Ne tardes ergo conuerti ad Dominum, & si tardaueris, caue, ne omnino omittas conuerti; expectat enim tuam conuersionem, qui tibi concessit dilationem; nec vult te perdere, qui tibi concedit viuere.*

Epist. ad
Letan.

Serm. 18. de
acmp.

Caue etiam, ne te terreat innumera peccatorum tuorum multitudo, cum longè maior sit diuina misericordia. Confide in Domino, qui vult tibi misereri, quia bonus; & potest, quia omnipotens. Ne tibi desperando claudas ianuam salutis, quam Deus miserando aperuit. *O homo*, inquit Augustinus, *quicumque illam peccatorum multitudinem attendis, cur & omnipotentiam celestis Medici non*

non attendis? Cum enim Deus velit misereri, quia bonus est, & possit, quia omnipotens est, ipse contra se diuinæ bonitatis ianuam claudit, qui Deum sibi misereri aut non velle, aut non posse credit, eumque aut bonum, aut omnipotentem esse diffidit.

E Præterea, postquam cogitaueris grauitatem tuorum scelerum, attende magnitudinem diuinæ miserationis. Spes veniæ tibi non intercludatur, si tibi non potuit intercludi peccatum. Grauißimum delictum patrauit Dauid, non propterea desperauit, sed ingemuit, pœnituit; ingemisce & tu cum Dauide, vt salueris cum Dauide; peccatis peccata non adicias, & si adieceris, caue ne & illud adicias, quod omnium grauißimum est, nempe desperationem. Quid salubriter consulat idem Doctor, audiamus. *Nemo dicat: si iam aliquid mali feci, iam damnandus sum; Deus talibus malis non ignoscit: cur non addo peccata peccatis? fruar hoc saculo in voluptate, in lasciuiâ, in cupiditate nefaria. Jam perditâ spe reparationis, vel hoc habeam quod video, si non possum habere quod credo. Quisquis peccasti, & dubitas agere pœnitentiam pro peccato tuo, desperando salutem tuam; audi Dauid gementem: ad te Nathan Propheta non est missus, ipse Dauid ad te missus est; audi eum clamantem, & simul clama; audi gementem, & ingemisce: audi flentem, & iunge lacrymas. Sperando, & pœnitendo Dauid veniam consequutus est; quia, teste Chrysostomo, naufragus, & propemodum submersus non desperauit. Vtinam hoc præstitisset proditor ille Iudas, cuius maius fuit peccatum desperationis, quam*

In Psal. 50.

*Hom. 27. in
Matth.*

In Psal.
108.

quàm proditiōis. *Magis*, inquit Hieronymus, *ex hoc Iudas offendit Dominum, quia se suspendit, quàm quòd Dominum prodidit. Sequere igitur Davidem pœnitentem, non Iudam desperantem.*

Math. 4.

Quia autem dum in aliquas animi angustias, vel ingentes corporis dolores quis incidit, aut in aliqua gratissima crimina lapsus est, statim à dæmone impetitur, ac sollicitatur ut desperet, & desperando seipsum interimat, ideo necesse est, ut hoc utatur antidoto; *Vade satana*: est enim tentatio planè diabolica. Nam qui ipsi Dei Filio ausus est dicere; *Mute te deorsum*: quid putas, dicturus, & suaturus est homini peccatori, sceleribus astricto, aut perturbato, & afflicto? Cur vis tibi fieri crudelior ipso dæmone? Vellet ille mittere te deorsum, ac interficere, si ei liceret. Caue, ne illud velis, quod ipse; & ne illud contra te exequaris, quod ei propter te dēnegatur: caue, inquam, ne te occidas illo suadente, qui te occidere non audet: & considera, nihil commodi, nihilque laudis, tam apud Deum, quàm apud homines; imò omne dedecus, perpetuamque ignominiam sibi comparasse, qui desperando sibi ipsis mortem consciuere. Qualem sibi inussit infamiam impius ille Iudas, qui desperando, secundum Augustinum, non tantum corpus suum, sed & animam suspendit? *Quod*, inquit, *Iudas fecit in corpore suo, hoc factum est in anima ipsius. Quomodo qui sibi collum ligant, inde se occidunt, quia non ad eos intrat spiritus aëris huius: sic illi, qui despo*

Lib hom.
50. hom. 27.

*desperant de indulgentia Dei, ipsa desperatione
intus se suffocant, ut eos Spiritus sanctus visitare
non possit.*

G Denique, si suadeat dæmon de misericor-
dia Dei desperare, obiice, & dic; *Magna est* Eccl. 10.
*misericordia Dei, & propitiatio eius: aut illud;
Quis adiiciet narrare misericordiam eius? Si
dicas, misericordiam & iustitiam esse diuina
attributa æqualia: & sicut Deus nouit bonos
remunerare, ita & malos punire. Respondeo,
verè illa attributa in se esse æqualia, non
autem quantum ad effectus; solet enim Deus
frequentius & copiosius nobiscum uti mi-
sericordia, quàm iustitia. Nunquam dixit
Christus; Iustitiam volo: & tamen clamat;
Misericordiam volo, non volui, sed volo: quasi* Match. 9.
*dicat; si modò peccas, & velis pœnitere, ego
quoque volo misereri. Malo enim misereri,
quàm punire. Ideo de seipso loquens non
dixit; Filius hominis venit perdere, & miserum
facere, quod perierat: sed ait; Filius hominis venit* Match. 19.
*quærere, & saluum facere, quod perierat. Vnde
Augustinus istis piis verbis Deum allo-* Lib. medit.
quitur. Tu factor omnium Deus, licet in cunctis cap. 2.
*operibus tuis sis mirabilis, mirabilior tamen cre-
deris esse in operibus pietatis. Vnde de temetipso
per quemdam seruum tuum dixisti, miserationes
eius super omnia opera eius. Et quasi de singulis
loquentem, de vniuerso populo tuo te dixisse confi-
dimus: Misericordiam meam non dispergam
ab eo. Nullum enim spernis, neminem abicis,
neminem perhorrescis, nisi fortè, qui amens te
exhorruerit. Exhorresces autem Deum, si de
misericordia eius diffidas, atque ita de tua
salute*

Cap. 10.

salute desperes. Precare igitur Dominum cum eodem Doctore, & humiliter dic; *Certe non est in toto me, quod posset tolerare te. Miserere ne desperem, sed sperando respirem.*

Psal. 76.

Non est desperandum de diuina misericordia, cum de illa sic quærat Psalmista: *Numquid misericordiam suam abscindet?* quasi dicat, non. Vbi obseruandum est verbum illud, *abscindet*, quod indicat Deum filium misericordiæ, quod ab æterno texuit, nunquam præcidisse, sed continuatam beneficiorum suorum seriem absque vlla intermissione continuasse, & continuaturum in posterum. Quod Deus non vult abscindere, caue ne abscindas à te; nunquam autem abscinditur, nisi desperatione. Sic illam abscidit Cains, dum dixit: *Maior est iniquitas mea, quam ut veniam merear*; vel, secundum translationem L x x. Interpretum; *Maius delictum meum, quam ut remittatur mihi.* Quæ verba omnes Patres interpretantes dicunt fuisse hominis planè desperantis de diuina misericordia. Sic etiam abscidit Iudas, dum laqueo se suspendit, ut iam diximus. Noli illos imitari, ne desperando abscindas, & abscindendo abscindaris à numero saluandorum.

Genes. 4.

Serm. 5. in Cant.

Oppone etiam diabolo desperationem suggerenti, sacratissimum nomen Iesv, illud deuotè inuocando; nam eo audito auferiet. Quod autem plurimum valeat inuocatio illius sanctissimi nominis indicat Bernardus, ut alibi diximus. *Labitur, ait, quis in crimen? Currit insuper ad laqueum mortis desperando? Nonne si inuocet nomen vira, confestim respi*

respirabit ad vitam? Veniat itaque in cor tuum Iesus, & inde saliat in os. Inuocetur præterea Beatissima Virgo Mater Iesu, quæ est dæmoni terribilis velut castrorum acies ordinata. Vnde idem Bernardus: *Si criminum*, inquit, *Hom. 2. super Missam*
immanitate turbatus, conscientia scelerate confusus, est.
iudicii horrore perterritus, barathro incipias absorberi tristitia, desperationis abyssu, Mariam cogita, Mariam inuoca: non recedat ab ore, non recedat à corde: ipsam sequens non denias: ipsam rogans non desperas: ipsam cogitans non erras.

Recordare denique, quid tibi à Diuo Cy- *Serm. de*
 priano dicatur, & videbis quid velit diuina *cæna Dom.*
 benignitas, quidquid dicat humana, aut diabolica malignitas. *In eodem*, inquit, *articulo*
temporis, cum iam anima festinat ad exitum, &
 egrediens ad labia expirantis emerferit, pœnitentiam clementissimi Dei benignitas non aspernatur: nec seruum est, quod verum; nec irremissibile, quod voluntarium, & quæcumque necessitas cogat ad pœnitentiam, nec quantitas criminis, nec breuitas temporis, nec hora extremitas, nec veta enormitas, si vera contritio, si pura fuerit voluptatum mutatio, excludit à venia: &
 velit nolit Nouatus hereticus, omni tempore Dei gratia recipit pœnitentes. Idem sentit Beatus Augustinus; Nunquam, dicens, *Serm. 181. de temp.*
 pœnitentiam, si ei sincere & simpliciter offeratur. Noli tamen abuti diuina clementia, sed ad eam recurre cum humili fiducia.

Cæterum, faxit Deus, ut hæc, quæ hæcenus scripsimus, tantam afferant legentibus consolationem, ut aliquis dicere valeat

Vv illud

674 *Clypeus Patientiæ. Lib. II. Cap. 32.*

illud Ovidianum:

Ouid. i. de
Ponto.

*Sic ego mente iacens, & acerbo sancius ictu,
Admonitus cœpi fortior esse tuo.
Et iam deficiens sic ad tua verba reuixi,
Vt solet infuso vena redire mero.*

Laus, honor, & gloria Deo totius con-
solationis, qui consolatur nos in
omni tribulatione nostra; ac
Beatissimæ Virgini Mariæ,
consolatrici affli-
ctorum.



F I N I S.

INDEX

I N D E X

RERVM PRÆCIPVARVM,

quæ in hoc opere pertractantur,
ordine alphabetico digestus.

*Quia verò huiusmodi opus in duos diuiditur
libros, prior numerus librum denotat, se-
cundus Caput libri: litera verè partem,
sive locum Capitis.*

A



B I G A I L quomodo Dauidem à vin-
dicta retrahit? *lib. 2. cap. 3. G*

Absolutionis sententiam verè ligatos
soluendo, proferunt Sacerdotes nouæ legis.

1. 23. D

Achor quomodo interpretatur? *1. 8. E*

Aconitum quid? *2. 19. C*

Adam impatientia peccauit. *1. 2. F*

Adamo peccante tribulationes sunt in mundum
introducæ. *1. 25. A*

Adagium, *In sua quisque aræna*, unde natum? *2. 22. C*

Adolēscētes quidam grauiā fortiter passi sunt
tormēta. *1. 19. F*

Adversā, quæ euenire possunt, considerāda.
1. 24. A, B, C, seq.

Adversā, quæ Deus immittit, non excedunt vires
nostras. *1. 4. C, D*

Adversā non possunt euitari, sed tolerari. *1. 5. E*

Adversā plurimūm profunt. *1. 6. A, B, C, seq.*

V V 2

Advers

Index Rerum.

- Aduersa tolerantur, vel mitigantur inuocato nomine I E S V. [1.24.](#) A,B, seq.
- Aduersa cur nobis obuenant, etiam peccato per baptismum, vel pœnitentiam ablato. [1.28.](#) F
- Aduersitas quamuis coacta, tamen patienter perpeſſa prodeſt. [1.21.](#) A
- Aduersitates sunt veluti alæ, quibus homo à terra subleuatur. [1.28.](#) H
- Adulator cui similis? [2.15.](#) H
- Afflictiones quando inceperunt. [1.3.](#) E
- Ab afflictionib. nullus immunis. [1.5.](#) A,B,C, seq.
- Afflictus qui non est, miser est. [ibid.](#) A
- Afflictus similis est viti, quæ [putatur, quare? 1.6.B](#)
- Affliguntur in hac vita, qui ad hæreditatem æternam seruantur. [1.8.](#) F
- Agnes virgo quanta passa est annos tantum nata tredecim? [1.19.](#) F
- Alma vnde? [2.13.](#) B
- Amicus verus nunquam, fictus verò semper in aduersitate deserit. [2.9.](#) E
- Amicitia signa interdum sunt leues percussiones. [1.10.](#) D
- Amor noster ad Deum tendat. [2.18.](#) D,E
- Amor impurus cessabit, considerata futura conditione rei amatae. [ibid.](#) A
- Amor cupidineus quomodo extinguendus? [ibid.](#) E,F,G
- Amor impurus ferè semper vertitur in odium. [ibid.](#) G,H
- Anima solam lepram conuenit execrari. [2.23.](#) D
- Animalia venenosa, & pernicioſa cur condita sunt? [1.28.](#) E,F
- Apes citiùs libidinosos pungunt. [2.7.](#) E
- Apes inter animalia iracundiſſimæ. [ibid.](#)
- [Apes](#)

Index Rerum.

Apes aculeo pungentes cuiſcerantur. ibid.
 Apes oleo madefactæ ferè necantur: reuiuifcunt
 verò, aceto eis ſuperinfuſo. ibid. E

Arena ſine calce quid à Seneca vocabatur? 2.

22. C

Aula Principum fugienda. 2.15. A, ſeq.

Aula quomodo vocatur à Dauide, & à Beato
 Paulo? ibid. B, C

Aula vnde dicta? ibid. H

Aulicorum incommoda, & pericula. ibid. G, H.

Ab aula recedat, qui voluerit eſſe ſecurus. ibid. D

Aurum nihil æſtimatur apud quaſdam nationes.

2. 10. C

B

Bafilica vnde dicta? 2.15. F

Beatitudo æterna ſi conſideretur, multum
 iuuat ad omnia aduerſa patienter toleranda.

1.15. A, B, C, ſeq.

Bona temporalia vileſcunt, ſi cogitentur æterna.

ibid. F

Bona temporalia quomodo amanda? ibid.

Bona temporalia fluunt. ibid.

Bona temporalia exigui ſunt valoris. 2. 10. B

Benedicendus Dominus, etiam dum afflictiſſimur.

1.20. C, F

C

Calculorum cruciatus inter morbos ſunt
 aſperrimi. 2.22. A

Calculorum uſus apud veteres quoduplex fue-
 rit. ibid.

Capillos quinam populi ſolebant reſecare? 2. 13.

G, H

Capilli Monialibus reſecandi. ibid. H, I

Captiuitas patienter perpeſſa prodeſt. 2.24. G, H

V v

3

Carce

Index Rerum.

- Carcere omnia in hoc mūdo includuntur. *ibid.* A
 Carcer unde? *ibid.* B
 Carceribus detineri sæpiſſimè multū prodeſt. *ibi.*
 Carceribus detenti quid cogitare, & agere de-
 beant. *ibid.* E
 Carcerem multi patienter tulerunt. *ibid.* D, E, F
 Cæcitas patienter ferenda, cur? *2. 21. C*
 Cæco tantū dictum eſt à Chriſto: *Quid tibi*
vis faciam? *ibid.* D
 Cæcitas pars innocentia: *ibid.* B
 Cæcitatem multi æquo animo tolerauerunt. *ibi-*
dem, *F, G, H*
 Cæcitas mentis quid? *ibid.* H
 Ceruæ carnes manè ſumptæ habent vim expel-
 lendi febres. *1. 18. E*
 Ceruus & cerua felle carent. *2. 17. B*
 Clypeus unde? *1. 1. D*
 Clypeum eleuare iubetur Iofue, cur? *ibid.* B
 Clypeū diligenter aſſeruabant Athenieſes. *ibid.* F
 Clypeo utebantur Lacones loco cunarum. *ibid.*
 Clypeus Myrtili celebratur. *ibid.* C
 Chriſtum tamquam leproſum reputarunt & fu-
 gerunt Iudæi. *2. 23. C*
 Chriſtus licet fuerit ſine peccato, non fuit ta-
 men ſine flagello. *1. 5. A*
 Chriſtus ſuos tribulationibus ſibi ſimiles reddit.
1. 8. G
 Chriſtus non reſpuebat mori, quamuis dixerit:
Tranſeat calix. *1. 11. E*
 Chriſtus orando dum triſtaretur, quid nos do-
 cuerit? *1. 12. B, C*
 Chriſtus, dum afflictamur, eſt nobis proponen-
 dus. *1. 14. A, B, C, ſeq.*
 Chriſtus cur omnia incommoda, quæ homini
 accide

Index Rerum.

- accidere possunt, passus sit. *ibid.* D, E
Christi patientia in iustinendis iniuriis, & tor-
mentis. *ibidem.*
in Christo habemus vnde consolemur. *ibid.*
Christum induere, secundum Chrysostomum
quid sit? *ibid.* F
Christus quosnam consolatur? *ibid.* G
Christus pro nobis nihil pati recusavit. *ibid.* H
Christus cur imminente passionis tempore in-
stituit Sacramentum Eucharistiæ? *1.18. A*
Christus cur pro nobis egenus factus est? *2.10. G*
Christus qua ratione dicatur vir dolorum? *2.*
22. C, D
Christus est speculum patiendi, & præmium pa-
tientis. *2. 28. B*
Christianus non meritò dicitur, qui tribulatio-
nes non patitur. *1.8. A*
Cælorum regnū venale, quo pretio emitur. *1.15. E*
in Cælum per varios casus tenditur. *ibid.* G
Cælibatus præmium. *2.12. E, F, seq.*
Cælibes quid præstare debeant? *ibid.* K
Cæsar quid *nauclo* pertimescenti dixerit? *1.9. E*
Coniugium est veluti nauigium. *2.17. A*
Coniugij incommoda, & anxietates. *2.12. F, G*
Coniugatorum miseriar. *2.17. A*
Confessione sacramentali mitigatur tribulatio.
1.17. E
Confessione sacramentali curatur lepra spiri-
tualis. *2.23. D*
Concordia coniugali Christus maximè delecta-
tur. *2.17. B*
Connæ calculus. *2.22. C*
Consolationes corporales fugiendæ. *2.12. P, Q*
Consolationes in claustro quærentes quibus
Vv 4 compa

Index Rerum.

comparentur? ibid.

Conscientia munda multum iuuat ad omnia
aduersa ferenda. 1. 17. A, B, seq.

Conscientia magis torquetur peccato, quam
tormento. ibid. C

Conscientia pura iuge conuiuium, quomodo? ibid. F

Conscientia bona nihil timer. ibid. F, G

Conscientia mala nullam habet requiem. ibid. B, C

Conscientia unde dicta? 2. 5. C, E

Contumelia unde? & quomodo ferenda? 2. 2. E, F

Coniugia exemplo Christi patienter subeunda. ib. A, B

Corpus Christi quomodo maneat in sumenti-
bus illud, & quid efficiat? 1. 18. D

D

Damnati agnoscunt nunc in inferno, & fate-
tur res huius vite cito preterlabi. 1. 23. A

Dauid ad omnia flagella paratus. 1. 6. H

Dauid in arumna conuersus. ibid. F

Dauid se iuste a Deo castigari fatetur. 1. 7. A

Dauid cur Semei sibi conuicianti pepercit? 2. 4. C

Dauid suadetur a duabus mulieribus, ne vindi-
ctamumat, quibus verbis? 2. 3. G, H

Dauid omnia mala pene iuste a Deo immitti ag-
nouit: & quomodo intelligantur illa verba: *Ob-*
mutui, & non aperui os meum, quoniam tu fecisti.
1. 10. E, F, G

Denarii numeri observatio, & comedatio. 1. 16. F

Dentem rodere dente quid? 2. 2. D

Desperare nullus debet de sua salute. 2. 19. A, B,
C, seq.

Detractiones patienter ferendae. 2. 2. A, b, C, seq.

Detractores porcis similes. 2. 7. F

Deus author patientiae. 1. 2. F

Deus quomodo dicatur tentare nos? 1. 4. F

Deus

Index Rerum.

- Deus quomodo dicatur patientia nostra? [1.4.E](#)
Deus omnibus præbet afflictionum calicem bi-
bendum. [1.5.D](#)
extra Deum labor,& dolor. [ibid.G](#)
Deus puniendo protoparentes non tam Iudicis
quàm Medici partes egit. [1.6.D](#)
Deus tribus potissimùm modis homines ad se
attrahit. [1.6.F](#)
Deus quos diligit castigat. [1.7.C](#)
Deus castigando ad æternam nos erudit hære-
ditatem. [ibid.E](#)
Deus se habet erga nos,vt pater erga filios. [1.8.F](#)
Deus cur iustos in hoc mundo afflicti,& exer-
ceri permittit? [ibid.H](#)
Deus nobiscū est,cū afflictamur. [1.9.A,B,C,seq.](#)
Deum creare, aut facere mala quomodo intelli-
gatur? [1.10.E,F,G](#)
Deus castigando nos se habet ad modum per-
cutientis ianuam. [ibid.H](#)
Deus vult omnes saluos [fieri.1.11.C.&](#) quomo-
do? [2.26.B,C](#)
Deus quomodo dicatur liberare iustos à tribu-
lationibus. [1.11.F](#)
Deus idcirco immittit aliquando aduersa,vt il-
lis cogamur ad eum recurrere. [ibid.A](#)
Deus nobis sufficiat. [1.26.E](#)
Deus neminem vult petire. [2.29 B,C](#)
Deus præcipuè curam gerit inclusorum pro-
pter ipsum. [2.13.G](#)
Deus cur homini immittit aduersa?& cur huic,
sicut & alteri,non impertitur bona tempora-
lia? [1.28.A,B](#)
Diabolus author impatientiæ. [1.1.F](#)
Diabolus tentauit impatiētia protoparētes.[ibid.](#)
V y [5](#) Diabo

Index Rerum.

Diabolus malleus, quo interdum Deus suos percutit electos. 1.4.D

Diabolus quomodo ad desperationem inducit? 2.29.A,E

2 Diabolo quid respondendum desperationem suggerenti? ibid.G

Dies nulla tráfit sine *tristitia*, & quomodo intellectus locus ille: *Sufficit diei malitia sua*. 1.3.E

Diues epulo mūdāna prosperitate *dānatus*. 2.9.E

Diuitiæ cur spinis comparatæ? 2.10.C

Diuitias vomitum fortunæ vocat Diogenes, cur? ibid.E

Diuitiæ non fatiant possidentem. ibid.D

Diuitiæ qualiter diligendæ? ibid.F

Diuitiæ nimix nocent, veluti sanguis nimius & superfluous. 2.11.D

Diuitiarum iactura est veluti capillorum abrasio. ibid.C

Diuitiæ non possunt ad alium transferri, nisi alteri eripiantur. ibid.E

Dolores & persecutiones, pretiosos, ac quasi consecratos efficiunt, quos afficiunt. 2.22.C

Dominici Catalusij singularis erga vxorem amor. 2.17.D

E

Ecclesia vtero Rebeccæ cóparata, cur? 2.6.A

Electi debent exerceri, & probari pressuris: ac percuti, veluti campana percutitur, antequam in turrim attollatur. 1.4.D

Electi magis timent prospera, quàm aduersa, quare? 1.6.A

Electos Dñs ducit per aspera huius vitæ. ibid.C

Electi Dei pia aguunt, & crudelia interdum patiuntur. 1.8.D

Electi

Index Rerum.

Electi veluti vna in hoc mundo premuntur.
ibid.I

Electiōnis signa, tribulatio. ibid.C

Elephas mure, vermiculo, ac grunnitu porci
perturbatur. 2.2.F

Elephantiaſi Iobum laboraſſe, ex Patribus qui
teſtentur. 2.23.B

Euchariftia dignè ſumpta afflictoſ conſolatur.
1.18.A,B,C,ſeq.

Euchariftia dabatur olim Martyribus ad forti-
ter ſubeunda tormenta. ibid.

Euchariftia habet vim corroborandi corpus, &
animam. ibid.B

Euchariftiæ nutriendi viſ in multis compro-
bata. ibid.C

Euchariftia ingrediēte in corpus noſtrū, fugan-
tur dæmones ad impatientiā impellētes. ibi.E

Euchariftiā idem eſt, quod gratiarum actio, ex
Chryſoſtomo; ideo Chriſtus eam inſtituen-
do à gratiarum actione inchoauit. 1.20.D

Exilium multis profuit. 2.25.E

Exilium multi patienter tulerunt. ibid.F,G

Exilium quid? ibid.G

F

Foeminis aduocare vetitum, præterquàm in
cauſis miſerorum. 1.13.A

Fortuna quomodo extollat, & deiiciat? 1.10.A

Fortunæ volubilitas. 1.13.D

Beati Franciſci inſigne dictum. 1.15.H

G

Galli ſalutabant ventum ſtātem, qui Cir-
cius dicitur, cur? 1.6.C

B. Genouefua multis annis lepra laborauit.

2.23.A

Gratia

Index Rerum.

Gratiarum actio multum contulit tribus pueris
in camino ignis. 1.20.E

Gratias agere Deo pro tribulationibus maximè
iuuat ad illas patièter ferèdas. *ibi.* A, B, C, seq.

H

Homo multis subiacet calamitatibus. 1.5.B

Homo cur folio comparatur? *ibid.* F

Homo in sua natiuitate suam præsentit miseria-
m. *ibid.* B

Homini imponitur iugum à die natiuitatis suæ.
ibidem.

Homo debet suam conformare voluntatem di-
uinæ voluntati. 1.11.A, B, seq.

Homo propriam sequens voluntatem vult tor-
tuosam facere diuinam. *ibid.*

Homo plus potest mereri mala patièdo, quàm
bona facièdo. 1.21.H

Homines nihil tolerare vellent. 1.28.A

Homini non plus aduersitatis Deus immittit,
quàm ferre possit. *ibid.* G

Homo dum viuit, portat crucem supra se: dum
moritur, portatur crux coram se. 1.5.D

Homo tantò magis Angelis, imò ipsi Deo assi-
milatur, quàn-ò paucioribus est còtètus. 1.26.F

Honor non læditur, dum inimicis ignoscitur.
2.3.D, E

I

Iehouah nomè Hebræis ineffabile, cur? 1.16.B

Iesu nomen nunc omnibus notum, vt ab om-
nibus nominetur, & inuocetur. 1.16.A

Iesu inuocato mitigàtur aduersa. *ibi.* A, B, C, seq.

Iesu nomen qua ratione dicitur nouum. *ibid.* B

Iesu nomen à Paulo reperitum in suis epistolis
ducenties decies nouies. *ibid.* C

Iesu

Index Rerum.

Iesu nomen est veluti oleū effusum, quare? *ibid.* E
Iesu nomen ante incarnationem erat quasi vase
inclusum. *ibid.*

Iesu nomen prolatum maximè mœstos confor-
tat. *ibid.*

Iesu nomen fuisse Iacob releuatum, & ab eo in
extremis vitæ suæ prolatum scribunt aliqui.
ibid. D

Iesu nomen tunc cœpit inuocari, quando cœpit
reuelari. *ibid.* F

Iesu nomen sæpe, & libenter ab Augustino in-
uocatur. *ibid.*

Iesus in omni necessitate inuocandus. *2. 29. G,*
circa finem.

Ignoscendo impetramus, quod non bene ope-
rando perdidimus. *2. 4. D*

Ignoscere inimicis non est impossibile, nec val-
dè difficile. *ibid.* G

Impatientia, omnium vitiorum origo. *1. 3. B*

Impatientiæ author diabolus. *1. 2. B*

Impio nō inuidendū, licet prosperetur. *2. 9. C, D*

Induere Christum quid? *1. 14. F*

Infideles graua passi pro inani gloria. *1. 15. F, &*
lib. 2. 6. C

Inferni ignis consideratio iuuat ad labores
huius vitæ patienter ferendos. *1. 22. A, & C.*

Iniuriis laceratus quid præstare debeat, vt eas
patienter ferat. *2. 2. B, C, D, seq.*

Iniuriæ condonandæ, non vindicandæ. *2. 3. A,*
B, C, seq.

Inimicus non attendendus, sed dæmon, qui cum
impellit. *2. 3. C*

Inimicis ignoscendo quis plus meretur, quàm
multa alia pœnalia opera exercendo. *2. 4. B*

Inimici

Index Rerum.

- Inimici iniurias inferendo plus sibi nocent,
quàm nobis. [2.7.A,B,C,seq.](#)
- Inimici cur apibus comparentur? [2.7.E](#)
- Inimicis utitur Deus ad purgandum nos. [2.8.D](#)
- Inimici non debent gloriari, si illis utatur Deus
ad flagellandum nos. [ibid.E](#)
- Inimicis persequentibus, quid cum Augustino
Deo dicendum? [ibid.](#)
- Iniustis cur Deus bona tēporalia cōcedit? [2.9.G](#)
- Insula Pathmos est figuræ quadrāgularis. [2.25.D](#)
- Ioannes Baptista multa pertulit incommoda in
eremo, & postmodū capite truncatur. [1.19.F](#)
- Ioannes Baptista carcere includitur. [2.24.D](#)
- Ioannes Euangelista in exilium relegatus, quid
vidit, & egit? [2.26.D](#)
- Iob fuit percussus veluti campana. [1.4.D](#)
- Iob qualem percussus edidit sonum? [ibid.](#)
- Iob quot verba protulit, tot iacula in aduersarij
pectore intorsit. [1.1.E](#)
- Iobi sterquilinum multi ut viderent, de longē
veniebant. [1.6.I](#)
- Iob agnouit omnia mala pœniæ à Deo immitti.
[1.10.A](#)
- Iob subleuabatur videns in se adimpleri diui-
nam voluntatem. [1.11.G](#)
- Iobum nihil magis consolabatur, quàm pura
conscientia. [1.17.G](#)
- Iob proponendus, cū afflictamur. [1.19.B](#)
- Iob in omnibus suis tribulationibus semper
Deo gratias agebat. [1.20.C,D](#)
- Iob plus meruit patienter ferendo bonorum
suorum amissionem, quàm si illa pauperibus
[distribuisset. 1.21.H](#)
- Iob rebus prosperis non delectabatur, nec ad-
uersis

Index Rerum.

- uerfis frangebatur, cur? [1.24.B](#)
 Iob cur flagellabatur, cum iustus esset? [1.28.C](#)
 Iob quærit aliquando, sed nunquam conqueri-
 tur. [2.9.D](#)
 Iob lepra exitiali fuit infectus. [2.23.B](#)
 Iob patientia sua recuperauit duplicata. [2.10.H](#)
 Iobi calamitas quamdiu durauit? [ibid.H](#)
 Ioseph in cisternam, & in carcerem missus, non
 fuit à Deo derelictus. [1.9.A](#)
 Iosephi quamdiu durauit aduersitas, & quam-
 diu prosperitas? [ibid.](#)
 Ioseph incarceratus non tristabatur, quia nullo
 crimine inquinabatur. [1.17.F](#)
 Ioseph quomodo, & cur fratres suos reddidit
 memores peccati in eum patrati? [1.25.E](#)
 Ioseph patienter carcerem sustinuit, magisque
 laudatur incarceratus, quàm frumentum di-
 stribuens. [2.14.E,F,G](#)
 Iris quomodo formatur, & quid significat? [1.8.E](#)
 Isaias ferra dissectus. [1.19.C](#)
 Iudicia temeraria patienter possumus subire, sed
 non impedire. [2.5.A, seq.](#)
 Iudas impatientia sua periit. [1.25.F](#)
 Iugum vnde dicitur? [1.5.C](#)
 Iurgium & coniugium non bene conueniunt.
[2.17.D](#)
 Iusti comparantur vix. [1.8.I](#)
 Iusti, & iniusti quomodo se habent in hac vita.
[2.6.C](#)
 Iustis cur denegantur bona temporalia? [2.9.G](#)
- L
- L** Abores sunt præcipuè Christianorum. [1.8.I](#)
 Labores huius vitæ patienter feruntur,
 considerata damnatorum pœna. [1.22.C,D](#)
 Labores

Index Rerum.

- Labores & dolores huius vitæ, sunt arcta via,
quæ ducit ad vitam beatam. [2.22.D](#)
- Lacrymæ vocantur sudor animæ. [2.23.A](#)
- Lacrymæ iustis à Deo detergantur. [ibid.A,B](#)
- Lacrymæ iustorum reponuntur in conspectu
Dei. [ibid.B,C](#)
- Lacrymis peccata obliterantur. [ibid.D](#)
- Lacrymarum fructus. [ibid.](#)
- Lacrymæ quam ob causam fundendæ? [ibidem,](#)
[B, E](#)
- Lacrymarum vallis hic mundus. [ibid.F](#)
- Lapillis candidis notandi dies faustos consue-
tudinis origo à Thracibus repetita. [2.22.A](#)
- Latrones boni deprecatio citò exaudita pro-
pter suam patientiam. [1.3.C](#)
- Latro bonus patienter ferens coactam crucem,
paradisum lucratur. [1.21.C,D](#)
- Latro bonus nunquam petiit à cruce liberari,
sicut malus. [ibid.E](#)
- Latro bonus an Martyr extitit? [ibid.F](#)
- Lazarus mendicus coactam paupertatem pa-
rienter ferens, æternam adeptus est salutem:
& vocatur à Chrysostomo communis orbis
Doctor. [1.21.A,& 2.9.E](#)
- Lepræ morbus cur omnium maximus, & mise-
ratione dignissimus habeatur. [2.23.A](#)
- Leproso Christus comparatur ob octo analo-
gias. [2.23.C](#)
- Linguis nonnulla gens caret. [2.2.A](#)
- Linguas hominum nemo coërcere valet. [ibid.I](#)
- Litigiosi qui alias extiterint? [2.11.A](#)
- Litibus Christus voluit finem imponere. [ibid.A](#)
- Lites quantum noceant? [ibid.B](#)
- Lites vitandæ. [ibid.B](#)
- Lucerna

Index Rerum.

Lucerna Epiſteti Philoſophi quanti æſtimatâ?

2.10.C

Lucifer primus ſuæ ſortis impatiens. 1.16.A

M

M Achabæi filij tormentorum tolerantia
veluti Antiftites & conſecrati euafe-
runt. 2.22.C

Mali etiam de Deo malè loquuntur. 2.2.A

Malorum ſocietas bonis prodeſſe poteſt. 2.6.B

Mali in hoc mundo ſunt in domo propria. ibid.

inter Malos verſari, & bene operari, eximia
laus. ibid.D

Mali cur permittantur viuere in hoc mundo?
ibid.E

Mali habent à ſeipſis voluntatem **nocendi** : à
Deo autem poteſtatem. 2.8.A

Mali quomodo ſeruiunt bonis? ibid. A,B,C

Malis non inuidendum, licèt proſperentur, 2.9.
A,B,C, ſeq.

Maria Virgo platano, & Lunæ cõparatur. 1.13.A

Mariæ Virginis precibus aqua in vinum con-
uerſa. Interpretantur illa verba: *Quid mihi, &
tibi eſt mulier?* ibid.B

Maria Virgo multùm poteſt apud Deum. ibid.

Mariæ meritis, & interceſſione damnati citrà
cõdignum puniuntur. ibid.C

Mariæ precibus nonnulli ex loco damnatorum
liberati. ibid.C,D

Mariæ efficaciſſima interceſſio. ibid.E

Maria Virgo multa in hoc mundo pertulit **in-**
commoda. ibid.F

Maria afflictiſ compatitur; ad illius interceſſio-
nem in tribulatione recurrendum. ibid.F

Maria in omni neceſſitate inuocanda. 2.19.G

X x

Maria

Index Rerum.

Maria dum vocabatur, respondebat: *Deo gratias.*

1. 20. B

Maritos quo amore & reuerentia olim nonnullæ prosequutæ sint vxores. 2. 18. E

Martyres, considerata cælesti beatitudine, tormenta fortiter tolerabant. 1. 15. F

Martyr censetur, qui persecutionem patitur propter iustitiam. 2. 1. F

Martyrem facit non pœna, sed causa. *ibid.* H

Matrimonij iugum patienter ferendum. 2. 18. A

Maxillam alteram percutienti præbere an teneamur? 2. 4. E

Melota quid? 1. 19. D

Melotis qui induti? *ibid.*

Mensa Solis quæ? 1. 18. F

Mensa vnde dicta? *ibid.*

Miltiades Imperator quonam pacto milites ad pugnandum incitabat? 1. 19. A

de Misericordia Dei non *diffidendum.* 2. 32. D, E

Moniales debent habere faciem velatam. 2. 13. C, D

Moniales sunt veluti altare Dei. *ibid.* E

Moniales cogitare debent tantum quæ sunt Dei. *ibid.* F

Monialium inclusarum Deus peculiarem gerit curam. *ibid.* G

Mors omnibus certa. 2. 9. A, B

Mors est somnus. *ibid.* D, E

Mors peccatorum pessima. *ibid.* E

Mors parentum, vel aliorum non desenda. 2. 29. A, B, C, D, E, *seq.*

Mortem suorum quinam fortiter *tulerunt?* *ibid.*

G, H

Mori omnibus contingit. *ibid.* A

Morien

Index Rerum.

Moriendo pro delictis potest quis satisfacere
pro delictis. [2.31.E](#)

Morbi corporis multum profunt [animæ.2.25.A,](#)
[B,C,seq.](#)

Morbo lepræ multi graues homines fuerunt
olim percussi. [2.23.A](#)

Morbos corporis multi patienter [tulerunt. ibid.](#)
[D,E,F](#)

Morbis interdum nos purgat Deus. [ibid. H, I,](#)
[seq.](#)

Mulierum clausura. [2.13. A,B](#)

Mulieres olim testitudine repræsentabantur.
[ibidem.](#)

Mulierum coniugarum incommoda. [ibid. E,F,](#)
[& 2.16.E](#)

Mulier non est digna coniugio, quæ est digna
iurgio. [2.17.E](#)

Mulier vniui ra commendatur, & transiens ad se-
cundas nuptias non laudatur. [2.16.F,G,H](#)

Muliere nihil leuius, nihilque amarius. [2.19.B](#)

Mundus scenæ similis. [1.23.C](#)

Mundus est veluti xenodochium. [1.28. B](#)

Mundus iste est vallis lacrymarum. [2.23. F](#)

Mundus est communis quidam carcer. [2.27.B](#)

Mundus communis patria. [2.28.A,B](#)

Mundi exul, hæres est paradisi. [2.23. B](#)

N

Natura est paucis contenta. [1.26. E](#)

Noë licet inter malos versaretur, non ta-
men inquinabatur. [2.6.E](#)

Nomen Dei Saddai in manibus nostris descri-
ptum quomodo, & quid significet? [1.26.E](#)

Nationes nonnullæ leprosos ad ciuitates admit-
tunt. [2.23.A](#)

Index Rerum.

Nauigatio quomodo adiuumentum leprosis afferat. 2. 23. D

Nuptiæ à cantu incipiunt, in luctum desinunt.

217. A

O

Obedientes soli sunt liberi, quomodo? 2. 12. L

Obedire Prælato, est Deo obedire. ibid. M

Obedientiæ singulare exemplum. ibid.

Obediendo Deus est attendendus, propter quem obedire debemus. ibid. O

Oculi pupillam tangere, quid? 2. 7. C

Oculi pupilla integram hominis effigiem reddit, & si non reddat, quodnam auguriū? ibid. C

Oculi multorum malorum causa. 2. 21. A, B

Oculi vltimò viuunt, & primò moriuntur. ibid. B

Oculus quibus conseruatur. ibid.

Oculos multi sibi effoderunt, cur? ibid. D

Oratio multum prodest præcipuè afflictis, illisq; solatur. 1. 12. C, D

Oratio vocatur animæ Sol: ac naufragorum tabula, quare? ibid. E

Oratio afflictorum citius ad Deum peruenit, quare? ibid.

ab Oratione non desistendum, licet statim quis non exaudiarur. ibid. F

Orare est quasi respirare. ibid.

Orphani Deum habent adiutorem. 2. 17. A

P

Parcendo inimicis quis plurimum lucratur. 2. 4. B

Passiones huius temporis non sunt condignæ ad futuram gloriam. 1. 13. H

Patientia quid? 1. 2. A, B

Patientia vera quænam sit? ibid. C

Patientia

Index Rerum.

- Patientia est virtus valde necessaria. [1.3.A,B,C](#),
seq.
Patientia in aduersis probatur. [1.4.A,B,seq.](#)
Patientia est mater fidei, ex Ambrosio. [ibid. F](#)
Patientia similis est gemmæ, quæ Alethora dicitur.
[1. 1.E](#)
Patientia, scutum inexpugnabile, & turris firmâ.
[ibidem.](#)
Patientiæ domesticum exercitium est vir morosus suæ [uxori.](#) [2.17.C](#)
Patientia omnium virtutum comes. [1.2.E](#)
Patientia instrumentum est sustinendi, ex Tertulliano.
[ibid. G](#)
Patientia veluti ossa, quibus corpus fulcitur, ex Augustino.
[ibid.](#)
Patientia Deo nos seruat. [ibid. G](#)
Patientia omnia vincit aduersa, & quomodo?
[ibid. G](#)
Patientia possidetur anima. [1.3.C](#)
Patientia causa omnium bonorum. [ibid.C](#)
Patientia citius Deus placatur. [ibid.D](#)
Patientia, quæ reperitur in malis hominibus, non est propriè patientia, sed duritia. [1. 2. C](#)
sine Patientia nullus Sanctus coronatur. [1.3.F](#)
Patientia est veluti lapis Chrysolitus. [1. 4. A](#)
Patientia describitur à Tertulliano. [1.2.D](#)
Patientia vocatur præclarum instrumentum.
[1. 3. D](#)
Patientia est veluti terra fructifera, quam tribulatio arat, colit, & exercet. [1.4.E](#)
Patientiæ effectus, ex Cypriano. [1.3. A](#)
Patientes qui? [1.2.C](#)
Patientes ligno Setim similes, quod in ignem proiectum non comburitur. [1.4. E](#)

Index Rerum.

- Pati censetur propter iustitiam, qui libenti animo patitur. 2. 1. H
- Patiendo pro delictis potest quis satisfacere pro delictis. ibid. E
- Passioni Christi an aliquid desit, & quomodo intelligantur illa verba Apostoli: *Adimpleo ea, quæ desunt passioni Christi, &c.* 2. 31. C
- Patriæ cælestis consideratione aduersa libenter tolerantur. 1. 15. A, B, seq.
- Paulus tribulationibus eruditus. 1. 7. A
- Paulus in nominando nomine IESV delectabatur: vnde caput eius resectum IESVM protulit. 1. 16. C
- Paulus tanta pertulit tormenta, vt vix numerari possint. 1. 19. H
- Paulus persecutionem patiebatur in suo corpore, tamquam in alieno. 2. 1. B
- Paulus persequebatur fideles, & Christus conquirebatur. ibid. B
- Pauli conuersio à cæcitate inchoauit. 2. 24. A
- Paulus diebus singulis moriebatur. 2. 30. E
- Paupertate à quibus diligimur, cognoscimus. 1. 9. E
- Paupertati religiøsæ quid promittitur? 2. 12. D, E
- Paupertate cælum emitur. 2. 14. D
- Paupertas nos facit beatos. ibid. D
- Pauperes communem habent cum diuitibus substantiam. ibid. E, F
- Paupertatem conuerunt multi Gentiles. ibid. G
- Peccatum est veluti sanies, quæ tribulatione quasi ferramento curatur. 1. 6. H
- Propter peccata sæpe Deus nobis immittit aduersa. 1. 25. A, B
- Peccatorum recordatio prodest ad tribulationes patien

Index Rerum.

- patienter ferendas. ibid. C,D
 Peccatoris locus quis? 2.8:B
 Peccatores cur sæpe in hoc mundo non puniuntur? 1. 28.D
 Peccator quomodo Deum irritat. 2. 9.F
 Pecunia multos perdidit. 2.10.D
 Persecutionis nomine omnes labores intelliguntur. 1. 8.B
 Persecutionem patientur piè viuere volentes. 2. 1.A
 Persecutio vnde dicatur? ibid.
 Persecutionem nullus sentiet, si Christo iugatur. ibid. B
 Persecutionem patiens Deum habet compati-entem, & conquerentem: sed persecutionem faciens habet dæmonem impellentem. ibid. C
 Persecutiones sunt veluti torcularia. ibid. C
 Persecutionem patientes beati. ibid. F
 Persecutores fidelium malè perierunt. ibid. E
 Persecutiones interdum inueniuntur in claustro, nec propterea mirandum. 2. 12.S
 Persecutionis nomine quid intelligitur? 1. 8.B
 Persis cur inuisi essent leprosi. 2. 23. A
 Petri & Pauli vincula quanti fecerit Chrysostomus. 2. 27. F, & 2.30. C
 Peste grassante quid egerint Athenienses. 1. 10.D
 Podagra multi sancti & illustrissimi viri laborantes, quid egerint? 2. 21. A, B
 Podagræ remedium quod? ibid. D, E
 Podagrosi quid agere debeant? ibid. G, H
 Potentibus, & possidentibus huius sæculi non inuidendum. 1. 26.D

Index Rerum.

- Prædestinationis signa sunt afflictiones patienter propter Deum perpassæ. [1.8.D,E](#)
- Prospera in hoc mûdo non optâda, quare? [1.6.A](#)
- Prosperitas nimia nocet. [ibid. G](#)
- Prosperitas impiorum brevis. [2.9. B,C](#)
- Prosperitate in infernum nauigatur. [ibid. E](#)
- Prouidentia Dei euenit quidquid ab inimicis patimur. [2.8.A,B,C, seq.](#)
- Proximo non nocendum, nec maledicendum, quare? [2.4.A,B](#)
- Pruritu implacabili leprosi vexantur. [2.23.C](#)
- Pueri apud Lacones à quouis castigari poterant, nec propterea eis conqueri licebat. [1.7.E](#)
- Pueri indigent pædagogo. [ibid. F](#)
- Pueris castigari nolentibus interdum similes sumus. [ibid.](#)
- Pulchritudo quid? [2.18.D](#)
- Puniri in hoc mundo, beneficium; non puniri supplicium. [1.6.A,& 1.8.E,F](#)
- Pupillam oculi tangere, quid? [2.7.C](#)
- Pupilla oculi integram effigiem hominis reddit, & si non reddat, quod augurium? [ibid. C](#)
- Pupilli non derelinquantur, sed proteguntur à Deo. [2.17. A,B, C](#)

R

- R**eligiosis tria promittuntur à Christo. [2. 12. A,B,C, seq.](#)
- Religiosi quomodo recipiant centuplum pro his, quæ reliquerunt? [ibid. A,B](#)
- Religiosi sedebunt cum Christo, iudicantes in ultimo iudicio. [ibid. C,D](#)
- Religiosis vitanda mulierum consortia. [ibid. H,I](#)
- Religiosi non debent in Aula Principum manere. [ibid. I](#)
- Reli

Index Rerum.

Religiosi semper vñ sunt hoc salutandi modo;

Deo gratias. 1.20.B

Remigantes Christus intuetur. 2.27.D

à Remo ad tribunal, de quibus dicebatur. ibid.E

Renes sunt radices concupiscentiæ. 2.22.D

Res huius vitæ fluxæ sunt, mutationique obnoxia, cur? 1.23.E

Retaliare quomodo Iudæis permissum? 2.4.E

Rex regum, & Dominus dominantium, cur Deus dicatur? 2.16.B

Romani Deum Romæ tutelarem nominare nefas ducebant, cur? 1.16.A

Rubus in quo Dominus apparuit, Pharaonem, & Ægyptios populum Dei diuexantes defignabat, quomodo? ibid.

Rubus, tribulationis hieroglyphicum. ibid.

S

Sacerdotes legis antiquæ leprā nō curabāt, sed de sanitate leprosi sententiā ferebāt. 2.23.D

Sancti veteris Testamēti quāta passi sunt? 1.19.D

Sancti cur gaudebant in medio tormentorum? 1.17.B,C

Sanctis suis cur in specie leprosi sæpe apparere Christus dignatus est? 2.23.D

Sanitas quomodo ab antiquis vocitata? 2.21.A

Sapiens est contentus se, quomodo intelligatur? 1.26.E

Saphirus habet vim eripiendi à carcere. 2.24.D

Senectutis incommoda. 2.19.A,B,C

Senex vnde? ibid.B

Senes capulares qui? ibid.

erga Senes quomodo se habebant quædam nationes? ibid.C

Senectus nemini est exprobranda, cur? ibid.D

Index Rerum.

- à Sene senatus, & senator, quare? *ibid.D*
Senectus optanda, cur? *ibid.E*
Senectus ut grata sit, quid præstandum? *ibid.H*
Silentium maximè necessarium ad conuicia patienter ferenda. *2.2.B*
Socrates quomodo contumelias patienter ferebat? *ibid.G*
Solitudo multis fuit gratissima. *2.23.B*
Sors est sua cuique ferenda. *1.16.A,B,C,seq.*
Sanctus Stephanus quid præstitit, dum lapidaretur? *2.3.C*
Stephani Monachi insignis patientia. *2.4.D*
Symeó senex Christum Dominum benedixit: esse unum de viginti quatuor senioribus, de quibus Ioánes in Apocalypsi, probabile est. *1.20.F,G*
Superbi lepra puniri solebant. *2.23.C*

T

- T**aliois lex quomodo Iudeis *permissa?* *2.4.E*
Terra cur dicitur omnium mater? *1.5.C*
Tobias tribulationibus probatur. *1.8.D*
Tobia patientia. *1.19.B*
Tribulationes non possunt in hac vita euitari. *1.5.D*
Tribulatio est veluti ferramentum contra diaboli tentamentum. *1.6.H*
Tribulatio patienter perpeffa veniam parit peccatorum. *ibid.G*
Tribulatis adest Dominus. *1.6.I*
Tribulationibus erudimur. *1.7.A,B,C,seq.*
Tribulationibus utitur Deus veluti pædagogus. *ibid.F*
Tribulatio aperit mentis oculos. *1.7.B*
Tribulationes sunt signum prædestinationis. *1.8.A,B,C,seq.*
Tribulatio est veluti virga aurea Regis Asueri.

Index Rerum.

- fucri. ibid. E
Tribulationes à Deo immittuntur. 1.10. A, B, C.
Tribulationum alia est, quæ nos inuenit; alia,
quam inuenimus. 1.12. A
Tribulationis tempore ad Deum maximè recur-
rendum. 1.12. A, B, C, seq.
Tribulationis tempore B. Virgo inuocada. 1.13. F
Tribulationis tempore Christus est proponen-
dus. 1.14. A, B, C, seq.
Tribulationes quando cessabunt? 1.28. H
Triremibus adiudicati quomodo se gerere de-
beant? 2.30. A, B, C, seq.
Tristitia duplex. 1.27. A
Tristitia, quæ prodest, & quæ non prodest? ibi-
dem, A, B, C, seq.
ad Tristitiam quamnam concurrunt? ibid.
Tristitia cur detur homini? ibid. A
Tristari, vel non tristari, in nostra est potestate,
quomodo? 1.27. B, C
Tympanum, quod genus tormenti? 1.19. C
- V
- V**eniam dare, iucundum. 2.4. C
Verba consolatoria sunt veluti linteamina.
2.26. A
Vidua vnde dicta? 2.16. A
Viduarum lacrymæ ascendunt ad cælum. ibid.
Viduarum cur Deus dicatur Iudex? illas prote-
git, & solatur. ibid. B, C
Viduitas commendatur, ibid. D
Vinculo matrimonij quanta debeatur reueren-
tia. 2.17. E
Vincula Pauli quâti æstimata? 2.24. E, & 2.30. C
Vindicta Deo reseruatur. 2.3. A
Vindicta citò fiet, licet tardè fieri videatur. ibi. B
Vindicta

Index Rerum.

- Vindicta delectari pusilli animi est. ibid.D
 ad Vindictam properat, qui proximum lædit, nisi
 satisfaciat. ibid.H,I
 de Vindicta nullus curabit, si suos cogitet defe-
 ctus, quos tolerari desiderat. 2.4.A
 Vindicta non sumenda ob varias rationes. ibid.
A,B,C,seq.
 Vindictâ multi infideles sumere noluerunt. ibid.F
 Vinum, lætitiæ symbolum. 1.13.C
 Vinum propinabatur mœrentibus. ibid.
 Vir probus non potest impiorum calumniis lædi.
2.7.F
 Vir qualiter se debeat habere erga vxorē. 2.17.B
 Vitæ huius breuitatis consideratio magnoperè
 prodest ad omnia aduersa patienter ferenda.
1. 3.A,B,C,seq.
 Vita præsens torrenti similis, quomodo? 1.23.F
 Vita præsens ob suam breuitatem vocatur dies
 vnus, vapor, bulla. 1.23.A
 ex Vitæ præsentis breuitate quid boni colligant,
 quid mali? ibid.F
 Voluntas Dei semper recta. 1.11.A
 Voluntas humana si diuinæ voluntati non con-
 formetur, semper erit tortuosa. ibid.
 Voluntas hominis est potentia cæca. ibid.B
 Voluntatis propriæ resignationis singulare
 exemplum. ibid.C,D
 Voluntas nostra omnibus euentibus accommo-
 danda. ibid.F

F I N I S I N D I C I S.

Approbatio Doctorum.

NOs infraſcripti, Fr. PETRVS RVFFVS,
Ordinis Minorum Obſervantium, prouin-
ciæ Sancti Ludouici Guardianus Obſervantiæ
Maſſilienſis ; & Fr. PETRVS TRESCLE-
RIVS eiſdem Ordinis, & Diſſinitor præfatæ
prouinciæ, ſacræ Theologiæ Profeſſores : ex
mandato Reuerendi Patris MATTHÆI
PASSARIJ noſtri Miniſtri Prouincialis, exa-
minauimus hunc *Clypeum Patientiæ*, fabrefa-
ctum à Reuerendo Patre IACOBO CORENO,
eiſdem Prouinciæ inſigni Theologo & Con-
cionatore ; & in eo nihil orthodoxæ fidei re-
pugnans, ſed potiùs ſanam doctrinam, & ſele-
ctas ſanctorum Patrum ſententias inuenimus.
Quo-circa ipſum, vt fortiffimum ac inuictiſſi-
mum ad retundenda omnia impatientiæ tela, ty-
pis mandari vtiliſſimè poſſe declaramus. In
euius rei fidem præſentes fecimus, eiſque ſub-
ſcripſimus. Maſſiliæ in Cœnobio Obſervantiæ,
die 24. Octobris 1622.

Fr. PETRVS TRESCLERIVS,
qui ſuprà.

Fr. PETRVS RVFFVS,
qui ſuprà.

Facultas

Facultas R. P. Prouincialis.

Fr. MATTHÆVS PASSARIVS,
Ordinis Minorum Regularis Observantia,
& prouincia Sancti Ludouici Minister
Prouincialis, Reuerendo P. Fr. IACOBO
CORENO Sacerdoti, Prædicatori, ac
Confessario, necnon eiusdem prouinciæ Pa-
tri, Salutem.

Rationi consentaneum est, ut quos in communem totius Ecclesiæ vtilitatem, ac nostræ Seraphicæ Religionis decus indefessè & strenuè laborare comperrimus, congruis fauoribus prosequamur. Idcirco, cum nobis fuerit exploratum, te habere præ manibus aliquem tractatum à te nuper editum, qui titulo *Clypeus Patientia* prænotatur, non solum eundem cudendi, ac typis mandandi licentiam & facultatem tibi libenter impertimur; verum etiam, ut hoc præstes præcipimus, cum merito salutaris obedientiæ, certam cum relationem habeamus ex Patrum testimonio, quibus illum examinandum commisimus, omnibus afflictis, imò & diuini verbi Prædicatoribus, ac cunctis fidelibus maximè profuturum. In quorum omnium & singulorum fidem has literas nostras propria manu, & Officij maiori sigillo munimus. Datum Matilix 24. Octobris 1622.

Fr. MATTH. PASSARIVS,
Minister Prouinc. qui suprà.

Summa

*Summa Priuilegij à Christianissimo Galliarum
Regi concessi.*

LVDOVICI XIII. Galliaë & Nauarraë
Regis autoritate sancitum est, atque pa-
rentibus Literis cautum, ne quis in Regno suo,
aliisve locis ditioni suæ subiectis, intra decem
proximos annos, à die impressionis primæ in-
choandos, ac numerandos, excudendum, ven-
dendumque quouis modo & ratione curet li-
brum, qui inscribitur, *Clypeus Patientia in auxilium
quorumcumque afflictorum*, Authore R. P. IACO-
BO CORENO, Ordinis Minorum regularis
Oseruantiaë, prouinciaë Sancti Ludouici, Con-
cionatore, præter ANTONIAM MEGRET,
viduam CLAVDII MORILLON, Sereniss.
Ducissæ Montispenserij Typographi, & Biblio-
polæ Lugdunensis: aut illos, quibus ipsa con-
cesserit. Prohibitum insuper eadem autoritate
Regia omnibus suis subditis, eundem librum
extra sui Regni limites imprimendum curare,
vel quempiam, vbicumque fuerit, ad id agendum
impellere, ac instigare, sine consensu dictæ
ANTONIAE MEGRET. Idque omne sub
confiscatione librorum, aliisque pœnis originali
Diplomate contra delinquentes expressis. Da-
tum Lugduni die 9. Decembris 1622.

De mandato Regis.
Signatum

RENOVARD.

~~10~~





